





~~XXXX~~ 20

14-20-f-3

28.C

Digitized by Google




MARII NIZOLII  
DE  
VERIS PRINCIPIIS  
ET VERA RATIONE  
PHILOSOPHANDI

CONTRA  
PSEUDOPHILOSOPHOS.  
LIBRI IV.

Inscripti  
ILLVSTRISSIMO BARONI  
A BOINEBVRG.

ab Editore  
G. G. L. L.

QUI DISSERTATIONEM PRÆLIMI-  
narem de instituto operis atque optima philosophi dictio-  
ne, Epistolam de Aristotele Recentioribus reconciliabili,  
notasque atque animadversiones marginales  
leniendo textui, adjecit.



FRANCOFURTI,  
Apud HERMANNUM à SANDE. 17

M DC LXX.

*Illegible handwritten signature or mark.*



EXCELLENTISSIMO ATQUE ILLU-  
STRISSIMO DOMINO

JOHANNI CHRISTIANO,  
LIBERO BARONI A BOINEBURG,  
Equiti Aurato, &c.

*DOMINO MEO GRATIOSISSIMO.*

EDITOR  
G. G. L. L.

*DEDI-*



## DEDICATIO.

### ILLUSTRISIME DOMINE



Eges Romanæ Testatorem irri-  
dent, qui domino rem suam le-  
gat : quid mihi futurum est, qui  
TIBI tuam dedico, nulla re quam  
panni ad purpuram assumpto  
auctiorem? nisi TIBI quidem  
inter meliorationes, quas vo-  
cant, atque incrementa referre placeat, quicquid  
qualitercunque, hortatu tamen Tuo, huic fun-  
do inædificatum est. \*Grandiorem sanè librum  
recipis, utinam & meliorem! necessarium tamen  
videbatur, nonnulla asperius dicta complanare.  
Alteri, quàm TIBI inscribi, ne ipse quidem NIZO-  
LIUS velit, per te è diuturni carceris longo squalore  
erutus, tuo beneficio redivivus, tuo iudicio unicè  
triumphans. Est in eo acuminis satis, plurimum

eloquentiæ philosopho dignæ, libertatis nimium,  
 quam & inter repagula aliqua coercuimus. Mi-  
 hi, ILLUSTRIS NOMINIS Tui præfigendi præter Nizo-  
 lium qui se Tibi totum debet, præter beneficia  
 Tua, quibus levi commemoratione detrahare no-  
 lo, ratio potissima fuit, admonere posteritatem ex-  
 emplo Tuo, non fuisse ita sterile seculum nostrum,  
 quin superessent magni genere ac gestis viri, qui  
 præter Reipublicæ curam, bonarum etiam litera-  
 rum & malis tangerentur, & admirabili usu polle-  
 rent, & his ipsis pudorem incuterent, qui totam vi-  
 tam iis studiis consumserunt. Quod superest, IL-  
 LUSTRISSIME DOMINE, munus hoc chartaceum,  
 læta fronte accipe, fave ferenti, va-  
 leque ac bono publico diu  
 vive.





## DISSERTATIO PRÆLIMINARIS,

*De alienorum operum editione, de Scopo operis, de Philosophica diſtione, de laſſibus Nizolii.*



Liorum Scripta edere, Lector benevole, humile est & contemptum, & ingenii per se pauperis nota esse videtur illis, quorum sublimis aut mens aut opinio supra cæteros se attollit, quibus mos est, sua nomina alienis chartis alligantes herbæ parietariæ convicio irridere, quod jam olim in Trajanum, ubique per omnes vetustatis ruinas sui nominis prodigum, jactaverat magnus Constantinus. Sed me quidem hæc parum movent, partim clarorum virorum exemplo munitum, partim parum dolentem si apud illos Censores ingeniosus non habear, cui sufficit, studii saltem ac voluntatis laudem retulisse. Exempla egregiorum hominum diu conquirere, copia non patitur, cum ipsi Theologi cenſeant Scriptores Sanctos priorum memorias & perfecisse & edidisse, & continuasse Josuam Moſis, Samuelem Joſuæ, Esdræ Samuelis & Prophetarum. Apud Græcos magna ingenuitatis laude celebratur Xenophon, quod Thucydidis Historias in lucem miſit, cum vel ſupprimere, ut ſolus laudaretur, vel ſibi vindicare poſſet; diſpari Ariſtotelis famæ, qui magna apud nonnullos invidia laborat ſuppreſſorum philoſophiæ vetuſtioris monumentorum. Apud Romanos de vita veteribus reddenda mirificè ſolicitus fuit Hadrianus Imperator, qui non tantum Scripta diligenter conquirebat, ſed & ex ſtatuis, ex piſturis vetuſtate vitium facientibus effigies eorum perveſtigabat repertisque, ne aliqua temporis injuria

rursus perirent, sua imagine prætermissa nummos signabat, affectui majestatem posthabens. Unde quæ nunc passim habentur numismata, Cimonis, Miltiadis, Platonis, Aristotelis, aliorumque veterum heroum aut sapientum imaginibus percussa, Hadriano accepta referri debere, constans apud eruditos opinio invaluit. Sed vetera mittamus: superiore ac nostro seculo sepulta refodere inter potissimas eruditorum curas fuit. Nec circa veteres tantum, in quos præ cæteris incubuere, qui nunc vulgò Critici vocantur, laboratum est, sed & medii ævi scriptoribus cura impensa est, ex quibus Theologos magnam partem in Bibliothecam Patrum coniecit Margarinus de la Bigne, multis supplementis auctus augendusque ex editis à Canisio, Gretsero, Firmondo, Petavio, Combefisio, Allatio, Chiffletio, Possino, Holstenio, Marca, Labbeo, ( tum alibi tum in Byzantinis ) Cossartio, Dacherio, Surio, Rosweido, Bollando, Henschenio, Papenbrockio, compilatoribus Bibliothecæ Patrum Asceticæ, Benedictinorum cura editæ, aliisque multis. De Juriconsultis medii ævi optimè meritis est, quisquis est, cujus cura tot eorum monumenta in Oceano juris, inque natis ex eo tractatum voluminibus, vel ut postea appellata sunt, Tractatu Tractatum, junctim edita visuntur, quæ alioqui fortasse renues in auras dudum abiissent. Dolendum est profectò qui tot aliis de luce nominis prospexit, seipsum tacuisse; cum tamen grandi illo in tot volumina confectò indice nihil cogitari possit laboriosius, nihil desiderari accuratius. Idem de collectis Repetentium voluminibus dicendum est. Speramus verò, cura viri eruditissimi Eriici Mauritiique primum edendam digestionem juris feudalisi Antonii de Prato veteri, opus illustre imperatorio jussu, delegatione universitatis studii Bononiensis confectum, sed quod nescio quomodo hætenus ex manibus hominum evanuit ac Goldasto & Rigaltio diu ac frustra quæsitum, alium non indignum editorem invenit. In colligendis medii ævi historiis Schardii, Pistorii, Reuberi, Urstii, Meibomii, Reineccii, Lindebrogiorum, Goldasti, Frehe-

Freheri, Bongarsii, Tili, Pithæorum, Puteanorum, Theodori & Dionysii junioris Gothofredorum, Chesniorum, Sammarthano-  
rum, Seldeni, Spelmanni, Dugdali, Refferii, & quos expectamus  
Lambecii & Gamanii, curæ, nullo temporum lapsu deterentur.  
Sed erunt fortasse qui sic occurrent, aliud esse veterum immorta-  
lia scripta, aut etiam medii ævi monumenta servare, aliud recen-  
tiorum nugas per orbem jam tum satis talibus oneratum disper-  
gere. Hi profectò nimis contemtim de huius ævi ingeniis sen-  
tiunt, nec cogitant, fore tempus cui & nostra vetera erunt. Quis  
ignorat quantam curam Rudolphus Imperator colligendis ac re-  
censendis Theophrasti Paracelsi operibus impenderit? Tychonis  
Brahei reliquias laudabili instituto olim Joh. Keplerus, nunc Al-  
bertus Curtius publico dedere. Trithemii Historica plurima Fre-  
herus, Ascetica Busæus luci exposuere, Hubertum Thomam Leo-  
dium idem Freherus, Hussitica quædam Otto Brunfelsius atque  
Cochlæus, Grotiana Edmundus Mercerius, & Isaacus Gruterus,  
& Graswinkelius, clarissimi utique viri; Isaaci Vossi cura  
Herberti nonnulla, ejusdem Gruteri verò opera, Verulamii plu-  
rima ad nos pervenere. Fratris Pauli Servitæ Historia Marco An-  
tonio de Dominis debetur, Edmundo Albertino in partu latini de  
Eucharistia operis mortuo, Blondellus & Gronovius, idem Blon-  
dellus Dallæi quibusdam, Montacutius, Jacobi Angliæ regis, &  
Laudi, opusculis, tum Episcopio Curcellæus ac Pœlenburgius,  
Pierucius Scioppio, Cassandro Cordesio, aliis alii, obstetricati sunt;  
reliquiæ qualescunq; Scaligeri, Perronii, Thuani, & quod spera-  
mus, aliorum plurium, à Fratribus Puteanis exceptæ, per Isaacum  
Vossium publico nunc communicantur. Epistolas Calauboni col-  
legere Gronovius & Grævius, Salmasii Clementius, Grotii idem  
Isaacus Gruterus, variorum Goldastus philologicas, Melanthonis  
Peucerus, Pezelius, Manlius, Camerarii, Manutii nuper Thomasi-  
us, Schlussemburgius, Heinsius, Bertius, Gabbema & Pœlenburgius  
Theologicas edidere. Infinitum est omnes referre. Erunt tamen  
rursus haud dubiè, qui sic excipiant: inedita edere fortasse ex-  
cusari posse, at cramben semel coctam rursus apponere projectæ  
prorsus.

prorsus operæ videri, nec inanis tantum sumtus, sed & in publicum damnosum esse. Hic postremus aries est, quem illi movent, hunc si repulerimus vindicata satis alieni laboris editio erit. Sed nihil magno molimine opus, quando negari non potest, impressa vel distracta ob famam, vel suppressa ob odium contemptumve ejusdem sæpe cum manuscriptis raritatis esse. Nizolii certe opus, quod nunc afferro, non vereor ne quisquam jam tum in multorum manibus esse dicat. Quod non tam ex me habeo, ne à mea rei librariæ notitia, quæ exigua est, alios æstimare videar, quàm ex viris doctissimis & in hoc studiorum genere versatissimis, qui aut nunquam, aut rarissimè conspectum sibi falsi sunt. Quare non puto prudentem quenquam mihi vitio versurum quod in cæteris passim probatur. Certè eruditi illi Angli qui tot aliorum labores in scripturam sacram uno Bibliorum Criticorum volumine complexi sunt, omnium plausum tulere. Johannes Fichardus Jctus Francofurtensis diligentem operam dabat, ut Jurisconsultos egregios per Italiam Hispaniamque editos, & in Germania inventu raros iteratæ editioni maturaret. Laurentius Strausius Medicus editione theatri Sympathetici, variorumque opusculis in eo junctim recensis, operæ certè pretium fecit. Quis Regiam typographiam Parisiensem, Elzevirios Blaviosque non laudat, qui suis vel Notitiis, historiis, memoriisve, vel Rebus publicis vel Atlantibus tot præclara monumenta per Bibliothecas alioquin latitantia in luce ponunt. Idem editoribus velleris aurei, artis auriferæ, & theatri Chemici scopus fuit, quod illi cum voluptate sentiunt, qui his studiis dediti, conquirendi, & multa velut arcana describendi, quæ nunc facile parabilia sunt, molestissimo onere levantur. Jam Grutero antiquitatis & historiæ studiosi æternas gratias deberent, etiam si nihil de suo, sed collectos tantum aliorum utilissimos labores tum in face Critica, tum in Chronico Chronico-rum politico (ubi nomen suum sub Gualteri Belgæ nomine non necessaria verecundia occuluit) incudi reddidisset. Sed à collectione variorum in unum ad certa certorumve autorum



rum scripta recensita veniamus. Blondum Vorburgius recudi fecit, Onuphrium de Comitibus olim Hortlederus edidit, & mox cum supplemento eder *πολυμαθὴς* Lambecius; Grotius

— *Quod Cassandri veracia Scripta teruntur*

*Corde suo grates hac bona propter agit.*

Erasmica recensere, emaculare, & defendere, ut & audio, destinauerat Mallincrotius. Allatiana & Niciana typis Batavis emisit Nihusius; Galilæi institutiones Gassendus, ejusdem circinum Proportionalem Berneggerus, ambo viri non in mathesi magis, quam omni eruditione versatissimi, alter in Germania, alter in Gallia, renovata veste induerunt. Berneggeri hujus synopsis Lipsianæ politicæ doctissimus Joh. Andreas Bosius, Clapmarium Schookius, Wovverium à plagii impaño crimine vindicatum solidissimæ vir eruditionis Jacobus Thomasius, Seldeni jus naturæ & Gentium (& Æneæ Sylvii Fridericum III. propè diem editurus;) Bœclerus suo merito longè celeberrimus, denuò produxere; nec Franciscus Mercurius Helmontius ingenio suo indignum duxit Octavium Pisani notioerem orbi reddere, tum Jacobus quoque Masenius Brovveri Trevirenses Annales edidit, & sub prelo sunt. Inprimis verò apud Germanos Hermannus Conringius, apud Gallos Gabriel Naudæus, ambo Medici, ambo variè uberrimèque docti, aliorum fœtus propè expositos & desertos susceperunt: Naudæus Niphi, Cardani, Campanellæ; Conringius ipsius Naudæi & Scioppii, Machiavelli, Hopperi, Claramontii, Starovolscii, Cassandri, Wicelii, Viotti. His tot tantisque correis vituperum notamque incurrere, equidem parum formidandum Judico.

Nunc, ad autorem ipsum quem edemus, argumentumque quod tractat, accedendum est, Marium Nizolium Brixellensem orbis eruditus pene penitus credo ignoraret, nisi Grammaticis laboribus inclaruisset, quibus merito illud Virgilianum de apibus accomodes. In tenui labor, at tenuis non gloria.

Et ita sæpe factum est ut viri docti iis maxime Scriptis famam impetrent, à quibus minimè sperabant. Quis enim dubitet Nizolium & majorem sibi celebritatem à Philosophiæ Reformatio-

matione quam animo complectebatur , quàm illis, ut sic dicam, Concordantiis Ciceronianis, pollicitum? & tamen Index Ciceronianus durat duraturusque est quamdiu ipse Cicero, Philosophia Nizoliana prope in ipso partu suffocationem agrè effugit. Non ignoro Maioragii & Grifoli, occasione litis quam Ciceronis officiis Calcagninus moverat , indignationem; tùm Henricum Stephanum in Nizolio didascalo sive monitore Ciceronianorum Nizolianorum dialogo, ut inscripsit, minus æquum Nizolio fuisse, & à Criticis eum passim alto supercilio despici, sed Henricum Stephanum peculiaris causa impulit quod parentis sui Roberti Stephani Thesauro latinæ linguæ multum Nizoliano opere derogari cerneret; cæteri viri licet doctissimi, qui Nizolium fastidunt, si in Nizoliana tempora incidissent, credo aliter sentirent. Aliud profectò iudicavit Cælius Secundus Curio vir longè præstantissimus, qui conscio ac consentiente ipso Nizolio indicis Ciceroniani locuplerationem ac recensionem in se suscepit; eodem incubuere Basilius Zanchius, Marcellus Squarzialupus, & Jac. Cellarius Augustanus. Ad Philosophicas autem meditationes hac ipsa diligenti Ciceronis lectione venisse videtur. Cum enim videret subtilissimum quemque Philosophiæ locum de Diis, de fato & divinatione, de rerum finibus, de differendi, inveniendi ac iudicandi arte, de omni parte Reipublicæ ac vitæ humanæ officiis à Cicerone accuratè simul, & latinè, & luculenter, ne dicam eleganter & ubertim, tractatum esse; Nizolius noster vir acutus & bonus, non solum despicere merito cœpit infelicem Scholasticorum tractandi rationem, tenebrarum affatim, parum rerum utilium, elegantia verò omnino nihil continentem; sed & impetum sumsit mentem hanc suam, & ad eam confirmandam meditata, hoc ævo restaurandis artibus fatali, publicè exponendi. Et passim quidem in scriptis suis excidere sibi talia passus est, & ut credi par est, ore tenus data occasione monuit; sed ad iustum opus occupandum hac demum, quæ sequitur occasione pertractus videtur. Scripserat Cælius Calcagninus disputationes sive disquisitiones Basileæ apud Frobenium anno

anno superioris seculi 44. editas, quibus paulò liberius Officia Ciceronis reprehendebat. Continuo id male habuit doctos viros Tullii cultores, ex quibus Iac Grypholus Romæ apud Aldum, Marcus Antonius Majoragius Mediolani Ciceronis defensionem edidit. At superveniens Nizolius, Cælium quod Ciceronem impugnaret, Majoragium, quod Ciceronem & Aristotelem simul defendi posse putaret, perstringendos sumsit. Scriptum illud Nizolii tum separatim impressum est, tum, titulo defensionum aliquot Ciceronis locorum, editioni Ciceronis officiorum Venetæ anno 1554. in folio subnexum est. Ciceronis etiam partes egere Joach. Camerarius & Hier. Wolfius, quemadmodum & nuper timè Clarissimus Sam. Rahelius, illustrandæ morali Ciceronis Philosophiæ laudabili conatu incubuit. Verùm Majoragius carpi se à Nizolio non laceffito indignius quàm pro injuriæ parvitate tulit, stimulante eum Octaviano Ferrario peripatetico celebri & erudito, qui Nizolii æmulus erat, & libertatem illam de Aristotele judicandi concoquere non poterat. Hujus subsidiis fretus Majoragius, scripsit acerbè satis libros duos Reprehensionum contra Marium Nizolium, quibus accessit recusatio omnium eorum, quæ Nizolius in decisionibus ejusdem Majoragii tanquam male posita annotavit. Ita coactus tandem Nizolius re tota ad accuratius Examen revocata edidit hos libros IV. de veris principiis & vera ratione philosophandi, quibus sententias suas à Ferrario & Majoragio rephensas, antequam satis editæ essent, non publicat tantum, sed & data operâ justoque Scripto defendit. Majoragii autem sola præfatione, & libri IV. cap. 6. meminit, ubi pugnat Ethica Nicomachea non Aristotelis ad Nicomachum, sed Nicomachi ipsius esse; subducens nimirum sese certamini inutili, & ipsi rei potius explicandæ incumbens. Inscriptio operis hæc est in editione, unde novam hanc expressimus: *Marii Nizolii Brixellensis de veris principiis & vera ratione philosophandi contra Pseudophilosophos libri IV. in quibus statuuntur ferme omnia vera verarum artium & Scientiarum principia, refutatis & rejectis propè omnibus dialecticorum & Metaphysicorum principiiis falsis, & præterea refutantur*

santur ferè omnes Marci Antonii Majoragii objectiones contra eundem Nizolium usque in hunc diem editæ. Parma apud Septimum Pionem 1553. in 4to. An aliud quippiam in Philosophia præstiterit Nizolius, equidem ignoro: hoc tantum didici, verisssè Galeni explicationem obsolescentium vocum Hippocratis. Liber ab eo recognitus, excusus est Venetiis à Juntis cum operibus Galeni Anno 1550. Fuit & alius Parmæ Nizolius, fortasse nostro cognatus, posterior tamen, professione Jctus, cujus allegationes juris de Emphyteusibus extant excusæ Parmæ apud Brudon in quarto, 1603. Atque hæc quidem de autore non admodum curiosè inquirenti, se obtulerunt, quem credibile est eadem cum Laurentio Vallâ fortunâ usum, cui Grammatici nomen nocuit, effecitque, ne multum animis hominum movendis posset, idem jam ante Petro Abaelardo, idem Angelo Politiano, Ludovico Vivero, Erasmo, Andrea Alciato, atque ipsi Jacobo Cujacio, tum nuper Salmasio, Grotio, &c. ab imperitis objectum est, & multa hujusmodi peculiari in Grammaticis investiva concessit homo licet ex instituto ac professione sua γραμματικῶτατος Maximilianus Sandæus Quæ quamvis inania deprehendantur, & revera nulli sint magis Grammatici, quàm qui sub venerabili Philosophiæ titulo perpetuas Logomachias serunt, vulgi tamen animis ne nunc quidem satis eximipossunt. Sed & illud obstitisse Nizolii progressibus videtur, quod in Italia scripsit, in qua etiam nunc Aristoteles cum Scholasticis addictius regnat. Quid enim Francisco Patricio, quid Cardano, quid Galilæo; quid Apologistæ eius Campanellæ, quid ipsi Johanni Francisco Pico evenierit, notius est, quàm ut recenseri mereatur. Accessit illius seculi ratio in quo veritas incipiebat tantùm velut per ruinam sese ostendere & scintillis quibusdam emicare, instar facularum ignearum quæ inter maculas solares nonnunquam ebulliunt, & favillarum quæ cum fumo subvolant. Nostro tempore largior lux; & vel hoc saltem in confesso est, Aristotelem errare posse.

Nunc ad argumentum operis accedendum est, inscripsit autem de veris Principiis & vera ratione Philosophandi, titulo, fa-

teor,

teor, magnificentiore quàm par est. Nihil aliud enlm toto opere, quàm *Logica quadam reformata & ad puram propriamque loquendirationem revocata* continetur, quæ quidem me autore vera libri inscriptio esset, sed nolui in alienis immutandis intempestivè ingeniosus esse. In Metaphysicam passim invehitur, nec affert tamen quicquam quod Metaphysicæ principia convellat, nisi quatenus dialecticis cognata sunt, neque uspiam de uno & multo, de toto & parte, de eodem & diverso, de necessario & contingente, de causa & effectû, de mutatione & duratione, atque aliis metaphysicæ locis tractationem suscipit. Rerum naturalium & mathematicarum nulla mentio, civilia vix frigidè attinguntur.

Ut ita tam magnificæ inscriptionis excusationem nullam inveniam, nisi hanc unam: Logicam veram non tantùm instrumentum esse, sed & quodammodo principia ac veram philosophandi rationem continere, quia generales illas regulas tradit, ex quibus vera falsaque dijudicari, adhibitisque solis definitionibus & experimentis omnes conclusiones demonstrari possunt. Sed sunt etiam non philosophiæ, non ipsarum propositionum principia, veritatemque rerum non faciunt, sed ostendant; attamen philosophum facient, rectè philosophandi principia erunt, quod Nizolio tuendo satis est. *Ita autem quod reliquum est præfationis partiemur, ut prius de usu eorum qua rectè Nizolio disputata sunt, deinde de erroribus eius quibusdam & excessibus, disseramus.* Usus Nizolianarum meditationum scopum simul editionis hujus iteratæ continet, ut ita ei parti sit paulò diligentius incumbendum. Duo autem mihi potissimum editione dignum Nizolium reddere visa sunt, *dicendi ratio, & tempus auctoris*, dicendi ratio quia Philosopho digna est; tempus auctoris, quia auctor nostro dignus est, illo certè tempore quo vixit, meditationes eiusmodi non nisi solidissimis & exquisitissimis ingeniis obtigerunt. Dicendi ratio, quam ille non adhibet tantùm, sed & perpetuò urget, solidissimis viris dudù digna visa est, quæ paulatim velut postliminio in Scholas reducatur. Dicendi inquam ratio naturalis & propria simplex & perspicua, & ab omni detorsione & fuco libera, & facilis & popularis,



pularis, & è medio sumpta, & congrua rebus, & luce sua juvans potius memoriam, quàm iudicium inani & nasuto acumine confundens. Sed nobis ipsis danda hic opera est, ne in vitium incidamus quod reprehendimus, grandem nimirum & translatam & ampullosam dictionem.

Tres in universum laudes orationis mihi esse videntur: *claritas, veritas & elegancia*. Nam *utilitas* ipsarum potius rerum est. *Clara* est oratio cuius omnium vocabulorum significationes notæ sunt, tantum attendenti. *Vera* est oratio quæ sentiente & medio rectè disposito sentietur: (nam claritatis mensura intellectus, veritatis sensus) quæ unica est, & verissima veritatis definitio, quicquid etiam hætenus sit dictum, & ex qua omnes rectè iudicandi Canones demonstrari possunt. Sed hoc exponere alterius loci est, tantum exemplo eam declarabimus. Hæc oratio: *Roma ad Tiberim sita est*, idè vera est, quia ut sentiam quod dicit, nihil aliud requiritur, quàm ut sentiens & medium rectè se habeat; sentiens nimirum nec sit cæcus, nec surdus, medium seu intervallum non sit nimis grande. His positis, si ego sim Romæ aut prope Romam, fiet ut *videam* eodem obtutu urbem & flumen, & ita urbem hanc esse ad hoc flumen, *audiam* verò urbem hanc dici Romam, Fluvium Tiberin. Similiter in abstractis, hæc oratio: *binarius est par* vera est, quia si video (audio, tango, cogito) binarium, video unum & unum, (per definitionem *binarii* ex auditu lectuve perceptam) & nihil ultra; video igitur duas partes binarii totum absolventes, unum & unum, easque inter se æquales, quia unum uni æquale est. Numerus autem cujus duæ partes totum absolventes seu integrantes sunt æquales dicitur *Par* (per definitionem *Paris* lectu audituve perceptam) Ergo qui sentiet propositum numerum esse binarium, sentiet esse parem, & idè propositam orationem esse veram. *Elegans* est Oratio, quæ auditu lectuve jucunda est. Cùm autem de Oratione philosophica, styloque illi debito sermo sit nobis, *elegantiam* impræsentiarum prætermitemus, etsi fateamur eam ad attentionem procurandam, ad movendos animos, ad memo-

riam.

riam fortius, ut sic dicam, imprægnandam, plurimum posse. Sola *Certitudinis* ratio habenda est, quantam materia capit. Certitudo autem, etiam si rigorosissimus definitior accedat, nihil aliud esse comperietur, quàm *Claritas veritatis*, ut ita velex ipsa certitudinis notione sequatur orationis philosophicæ, quippe certitudinem quærentis dotes esse claritatem & veritatem. Et verò manifestum est veritatem propositionis notam esse non posse, nisi significatio vocabulorum sit nota, id est (per definitionem claritatis) nisi sit clara.

Claritas est non verborum tantùm, sed & constructionis. Nam si constructio clara non sit, notum erit quidem, quid verba significant simpliciter & per se sumpta, sed non quid significant hoc loco ad cætera relata. Sed in obscuritate constructionis oratores potius & poetæ, quàm philosophi nostri peccare solent, nobis igitur est de vocum per se sumtarum potius claritate dicendum. Claritati, seu notitiæ significationis, duo vitia opposita sunt, *obscuritas*, & ut sic dicam nimia claritas seu *ambiguitas*, illic nulla significatio nota est, hic plures simul apparent, sed quæ sit vera incertum est. Porro claritas vocabuli ex duobus oritur, vel ex *voce per se*, vel ex *circumstantiis orationis*. Claritas vocis per se rursus duos habet fontes: *originem* & *usum*. Origo autem vocis tandem in duo resolvitur *usum* radices, & *analogiam* ex radice factæ derivationis. Usus est significatio vocis communiter nota eadem linguâ utentibus. *Analogia* est significatio flexionis seu derivationis itidem nota eadem linguâ utentibus v. g. Vocis *Fatum*, usus vel significatio nota est necessitas eventuum; ejusdem origo componitur ex usu radices & analogia: radix est *for*, vel *fari*, Radicis usus est: dicere; analogia fati est: *atum*, qua in lingua latina significatur participium perfectum passivum Radicis, ut ita origine fatum idem sit quod dictum. Plerumque autem usus ex Origine tropo quodam ortus est, quod & in exemplo proposito patet, nam origine fatum idem est quod dictum, usu idem est quod necessariò eventurum; videamus igitur cujus dicta sint necessariò eventura, & manifestum est ad Dei solius dicta rem sequi.

sequi. Igitur fatum *origine* est dictum, hinc *antonomasia* seu *kat' ἑξῆς* dictum Dei, hinc porro per *synecdochen* dictum Dei de futuris, seu decretum Dei, hinc denique *metonymia* causæ, necessario eventurum, qui nunc vocis *usus* est. Unde boni Grammatici, atque etiam Philosophi est continuatis Troporum foritis, ut sic loquar, vocis usum ex origine deducere posse. Qua in re artificem inprimis esse video Julium Cæsarem Scaligerum, cujus originum libri non exiguo etiam Philosophiæ detrimento perierunt, nisi quatenus filius iis fortè in notis ad Varronem usus est, qui tamen plerumque ab iis quæ parens jam publicavit, & suis scriptis passim interspersit, dissentit. Sed ut in filii meditationibus plus eruditionis habemus, ita in parentis originationibus plus acuminis & philosophiæ amissimus. Cæterum in vocabulis adhibendis hæc regula tenenda est, ut si origo ab usu dissentit, usum potius quam originem in dicendo sequamur, sed usu vel dubio vel non repugnante origini potius hæreamus. Si multiplex usus est, danda opera est, ut vel abstrahatur *formalis* aliqua *significatio* quam vocant, id est ut detur significatio vocis, quæ omnes usitatas in se continet, in quo laborare solent Theologi, inprimis scripturarum Hebraicarum interpretes, quos inter hac sensuum venatione excellebat Samuel Bohlius; vel si illud fieri non potest, saltem constituatur *usus* aliquis, ut sic loquar, *originarius*, id est ex quo sic fluant usus cæteri, quemadmodum ex origine fluxit ipse, nempe per canales Troporum. Danda tamen in usu Originario constituendo opera est, ut sit significatio formalis, saltem plerorumque usuum, quoad eius fieri potest, ex qua cæteri usus deducantur. Sed in utroque, tam usu originario, quàm significatione formali deligendis, illud maximè dispiciendum est, ut ex pluribus se offerentibus eligatur propior origini vocis. Electa autem semel significatio si locus fert redigenda in definitionem (*definitio* enim nihil aliud est, quàm significatio verbis expressa, seu brevius, significatio significata) & auditori lectorive proponenda est. In definiendo non id solum curandum est, ut definitio sit reciproce vera, sed &, ut sit clara. Termini igitur Technici cane pejus & angue



angue fugiendi sunt , & abstinendum in primis illis prædicamento-  
rum vocabulis plerumque ab usu latinæ linguæ remotissimis. Con-  
stitutæ semel definitioni *constantissime* insistendum est, ita ut ubique  
etiam si definitionem definito substitueres nulla locutio absurda se-  
quatur ; sed etsi definitionem nullam præmiseris , debet ta-  
men *uniformis* esse vocis usus, ita ut eadem utrobique definitio sub-  
stitui possit. *Atque ita patet dato vocabulo qua adhibenda sit significa-  
tio, videamus, & contra: data significationi quod adhibendum sit vocabu-  
lum.* Quâ in re & compendii & claritatis ratio habenda est. Cla-  
ritas autem maxima est in Terminis è medio sumtis, usu etiam po-  
pulari retento ; obscuritas semper aliqua in Technicis. *Terminum*  
(liceat enim hoc sensu Termini nomine uti, ut significet vocem qua-  
tenus significata est, nisi *vocabuli* nomen substituere mavelis, quod  
me quidem non invito fiet ) *popularem* voco cum vox & significatio  
usitata est ; *technicum*, cum vel vox vel significatio privata ( seu certo  
homini vel hominum generi propria ) est. Si ipsa vox privata est,  
sequitur ut facta sit per quandam *ὀνομαστικὴν*, qualia sunt pleraque  
vocabula *der Rothwelschen Sprache* / cuius Lexicon in compen-  
dio habet Gesnerus in Mithridate. Est autem in hoc vocabulifi-  
cio, illud imprimis attendendum, ut non casu quasi & arbitrario ani-  
mi impetu, sed ratione quadam efformetur, ratio autem quo aptior,  
hoc laudabilior. Ratio formandi aptitudinem habet tum à Radice,  
tum à modo formandi, Radix debet esse usitata, & rei quam no-  
vo vocabulo designare contendimus, quantum fieri potest propin-  
qua, Analogia debet esse & usitata & apta , ita ut ex significatione  
radicis & analogiæ conflari vocabuli novi definitio quam intendi-  
mus, possit. v.g. *Hocceitas* non habet analogiam usitatam, melior es-  
set : *hoccitas*, (vel *hoccimonia*) uti *quidditas*, non *quædeitas*. Jam ex  
*Hocceitatis* radice & analogia conflari eius definitio potest , nam  
*Hocceitatis* radix est *hoc*; analogia, *itas*. Analogia autem ista seu de-  
rivandi ratio significat rationem appellationis in radice, seu quali-  
tatem radicis quatenus talis est, qualis esse dicitur, erit igitur *Hocci-  
tas* ratio cur aliquid dicatur hoc ( uti qualitatem definit Aristoteles,

à qua dicimur quales) vel qualitas *hujus* quatenus hoc est. Nec mirum est abstracta definiri per concreta, quia concreta sunt notiora. Sin verò non vox, sed significatio sit nova, attendendū est, tum an significatio quodammodo congruat voci, id est ope troporum vel ex usu eius comuni, vel saltem ex origine deduci possit; tum an non haberi poterit vox congruentior. Exemplis omnia illustranda essent, si esset instituti mei persequi magis talia, quàm monere. Porro Terminis Technicis, ut dixi, planè carendum, ab iisq; cavendum est, quoad eius fieri potest, fieri autem semper non potest, prolixitatis causa, quæ oritura esset, si utendū esset semper vocabulis popularib9. Nam exempli causa: *Quadratum* est quadrilaterum, æquilaterum, rectangulum; sed æquilateri, quadrilateri & rectanguli vox (ut planum præteream, rursus est technica, resolvatur igitur: *æquilaterum* est cuius omnia latera sunt æqualia, *quadrilaterum* est cuius tantum quatuor sunt latera: Latus est linea terminans. Rectangulum est, cuius omnes anguli sunt recti, angulus est concursus linearum, rectus est qui utrinque æqualis est. Ergo si terminis technicis abstinendum est, pro Quadrati voce adhibendæ semper essent hæ voces simul: id cuius omnes lineæ terminantes sunt æquales, & cuius tantum quatuor sunt lineæ terminantes, & omnes concursus lineæ terminantis ad lineam terminantem utrinque æquales. Et tamen, si rigorosius agendum est, etiam, & lineæ, & termini, & concursus, & æqualitatis vocabula essent ulterius resolvenda, nam ut in usu sunt, exactè Geometrarum conceptibus non quadrant, quemadmodum nec vox quadrati, quæ tum origine tum usu communi omni quadrilatero tribui potest, cum Geometræ per antonomasiam soli tribuant æquilatero rectangulo, tanquam perfectissimo, quàm verò molestum, quàm ineptum futurum sit in loquendo & demonstrando pro Quadrati voce tot semper aliis vocibus uti, credo etiam cæcum videre, addi possunt quæ in *arte combinatoria* passim dixi. Quamquam igitur istis resolutionibus terminorum technicorum in merè populares, solidaretur *judicium*, unde etiam in perfecta demonstratione nihil sit aliud, quàm talis in ultima & notissima resolutio, subiecti nimirum & prædicati in definitiones, & terminorum definitionem ingre-

ingredientium rursus in definitiones, (sive omnis ea resolutio fiat uno loco, sive aliis definitionibus aut demonstrationibus nostris, alteriusve scriptoris, cuius usum vocabulorum nostrum facimus, jam facta sit, ad quas remittimus) tamen obrueretur *memoria*; necesse igitur fuit technicos terminos earum rerum excogitare, quibus populus, vel quia non animadvertit, ut Lineam Quadratricem, vel quia raro utitur, ut Hyperbolâ & Parabolâ, peculiaria nomina non imposuit, sufficere credens, si forte tandem aliquando usus posceret, circumscriptioe designare. Et quidem verissimum est, nullam rem esse, quæ non explicari terminis popularibus, saltem pluribus, possit. Unde rectè Nizolius noster passim urget, id pro nullo, pro commentitio, & inutiles habendum esse, cui non in lingua communi aliqua vox (saltem generalis, id est, ut ego interpretor, quæ cum aliis itidem generalibus juncta speciatim tandem rem exprimere possit) sit imposita. Nam philosophi plebelis non semper in eo præstant, quod alias res sentiant, sed quod sentiant alio modo, id est oculo mentis, & cum reflexione seu attentione, & rerum cum aliis comparatione; attentio autem hominum ad aliquam rem non potuit melius excitari, quàm certo vocabulo imposito, quod nota esset memoriæ mihi ipsi, signum iudicii erga alios. De cætero tantum abest, ut Philosophi res abstrusiores & nobiliores sentiant, quàm homines cæteri, ut potius contrà, antequam incomparabilis Verulamius, aliique præclari viri philosophiam ex aëris divagationibus aut etiam spatio imaginario, ad terram hanc nostram & usum vitæ revocarunt, sæpe cinis aliquis Alchymista solidiores & præclariores de rerum natura comprehensiones habuerit, quàm philosophaster quispiam, (neque enim negamus etiam inter Philosophos, eos præsertim, qui ex Aristotelis & veterum fontibus potius, quàm lacunis scholasticorum sua hauserunt, viros solidè & ad usum doctos complures superfuisset) intra claustra solis sive hæceitatibus, sive hoccitatibus incumbens. Philosophi igitur sæpe non sentiunt, nisi quæ & alii sentire, sentiunt tamen cum attentione, quæ alii neglexere. Ita Joachimus Jungius Hamburgensis, vir verè philosophus, plurimas insectorum species multis haud dubiè mortalibus visas, sed ab omni-

bus hætenus præteritas & pede calcatas, observavit, collegit, digessit, comparavit inter se, & ex illa comparatione nomina etiam nova imposuit. Cuius hæc & alia meditata à Clarissimo Vogelio quam primum speramus editum iri. Nonnunquam tamen fateor, & philosophi sentiunt corpora aut corporum qualitates, quas alii nunquam sensere; ita Chymici sæpissimè nova hætenus ignorata corpora variis mixtionibus resolutionibusque producant; idem fit compositionibus Medicorum, quibus etiam sæpe ab autore nomen imponi solet, majore ad perennitatem nominis efficacia, quàm si ex solido adamante statua illi cum elogio collocata esset. Qualitates quoque novas, ut ignotas hætenus colores plurimos, haud dubiè vidit, qui primus microscopio usus est. His igitur casibus nomina vel nova formanda, vel vetera tropis quibusdam à relatione rei qualitatisve novæ ad veteres, petitis, huc accommodanda sunt. Illud igitur pro certo habendum est, quicquid terminis popularibus explicari non potest, nisi immediato sensu constet (qualia sunt multa Genera colorum, odorum, saporum) esse nullum, & à philosophia velut piaculari quodam carmine arcendum. Unde philosophis quibusdam ingeniosis mos est egregios illos disputatores dialecticos ad hoc urgere, ut vel omnes terminos suos clarè explicent, vel si hanc molestiam subterfugere velint, descendant ad linguam aliquam vivam seu popularem, ac tentent in eâ animi sensa exponere; quo factò mirum est, quàm vel consternerentur illi, vel si rem tentent, à præsentibus viris iudicio atque experientia præditis, latinæ tamen linguæ non admodum curiosis, irrideantur. Ego certè eâ ratione factum esse arbitror, ut in Anglia Galliâque paulatim scholastica philosophandi ratio exoleverit, quia jam dudum illæ gentes philosophiam sua lingua excolere cœperunt, ut ipsi plebi quodammodo, atque etiam forminis aditus de talibus judicandi sit factus. Idem haud dubiè factum esset apud Italos, nisi sibi Theologi scholastici cognatis sibi philosophis subsidio venissent. In Germania inter alias causas, idèò fixior est scholastica Philosophia, quòd serò, & ne nunc quidem satis, germanicè philosophari

phari cœptum est. Illud tamen asserere aufim, huic tentamento probatorio atque examini philosophematum per linguam aliquam vivam, nullam esse in Europa linguam Germanicâ aptiorem; quia Germanica in realibus plenissima est & perfectissima, ad invidiam omnium cæterarum, cum artes reales & mechanicæ à multis seculis à nulla gente sint diligentius excultæ, usque adeò ut ipsi Turcæ in fodinis Græciæ & Asiæ minoris, vocabulis metallicis Germanorum utantur. Contra ad commentitia exprimenda lingua Germanica est facilè ineptissima, longè quidem Gallica Italicaque & cæteris latinæ propaginibus ineptior; quia in Latinæ filiabus, voce Latino-Barbara leviter inflexa statim fit Gallica aut Italica non-barbara, unde & multa philosophiæ Scholasticæ in Gallicum quomodocumque tamen translata habentur; at in Germania nemo hætenus tale quicquam, nisi omnium sibilis exceptus, tentavit. Sed si terminos Latinos retinere aut detorquere voluisset aliquis, hoc jam erat non germanicè sed latinè philosophare, nec habuisset ullum usum nec intellectum fuisset à quoquam latinitatis imperito, quia Germanica à latinâ toto cælo distat, quod secus est in Italica Gallicaque. Atque hæc causa fuit philosophiæ apud nos serius vernaculo sermone tractatæ, quia Lingua Germanica non à philosophia quidem, à barbara tamen philosophia abhorruit, cum verò barbara philosophandi ratio serò sit pulla, mirum etiam non est tardigradam in philosophando nostram linguam fuisse. Quod de Germanica, idem de Germanicæ filiabus Suedica, Danica, Anglica, Belgica, dicendum est, nisi quòd Belgicam atque Anglicam in admittendis aliarum linguarum vocabulis ipsa vicinitas audaciores fecit, cum contra apud Germanos, tametsi Scholasticastri quidam, aut peregrinatorculi meris Latinismis, Italicismis & Gallicismis perstreant, usus tamè & virorum gravium, & plebis talia respuat. Slavonicam Linguam huc non afferro, quia in realibus ipsis satis plena non est, & plerasque res mechanicas aut importatas germanicis vocabulis nuncupat. Illud verò prætereundum non est hoc loco, quod Thomas Hobbes pro suo sibi ingenii acumine observavit, apud eas gentes, quibus mos est verbum Substantivum: *Est*, perpetua Ellipsi subintelligere, qua-

les sunt nonnullæ Orientales, magnam partem philosophiæ Barbaræ, aut non omnino, aut ægerrimè exprimi posse; cùm tamen ex gentes non sint minus quàm cæteræ aptæ ad philosophandum, & lingua alioquin in rebus ipsis copiosa culturæ utantur. Sed à digressionē in viam regrediendum est. Cùm igitur constet eas res esse nullas, quæ popularibus terminis explicari non possunt, constet etiam tanto clariorem esse orationem, quanto termini sunt populariores, nisi forte nimis multiplicatis ea ratione vocabulis, iam ex alio capite tædium, obliuio, & sic obscuritas nascatur, manifestum est normam ac mensuram adhibendorum terminorum esse debere, *compendiosissimam popularitatem, vel popularissimum compendium. Quandocunque igitur termini populares suppetunt æquè compendiosi, abstinendum est terminis Technicis.* Est profectò hæc una ex regulis fundamentalibus Styli philosophici, in quam passim impingitur, præsertim à Metaphysicis & Dialecticis; nam res ipsæ Dialecticæ & Metaphysicæ pleræque, creberrimè in sermonibus, scriptis, cogitationibus etiam plebeiis occurrūt, & in omni vita passim teruntur. Hinc factū est, ut ipsa crebritate admonita gēs, peculiaribus, usitatis, maximè naturalibus & compendiosis vocabulis talia designaverit; quæ cùm suppetant, peccatū est novis plerūque etiam incommodioribus confictis (ut de ipsa sæpè in fingendo admissa ineptitudine nihil dicam) res obscurare, se verò imperitis tantū admirabiles, cæteris ridiculos reddere. Par est ratio in moralibus, civilibus, & iuridicis. quæ cum itidem sint omnium intellectu exposita, à novis terminis confictis, rarò in illis quicquā præter tenebras sperandū est; rarò, inquam, nam & illud fateor nullam esse scientiam, in qua non terminis technicis sit opus, tunc nimirum cum plebs rem aut non sensit, aut sine attentione rursus dimisit. In Mathematicis autem, Phisicis & Mechanicis maximè novis Terminis aut novè sumtis opus est, quæ, in his disciplinis tractantur, pleraque non sunt statim sensui obvia, aut in usu communi crebrò versantia. Producentur enim ex res, aut deteguntur qualitates, variis rerum in partes divisionibus, mutationibus, inotibus, additionibus, detractionibus, translocationibus, commixtionibus, & omnino experimentorum industriis, quæ vulgus nisi necessitate coactum,



coactum, facere non solet, artificii cuiusvis scientiæ talia relinquens. Sed etsi termini technici parum sint popularibus compendiosiores, notabile tamen tædii aut memoriæ levamentum hinc non oriatur, manifestum est itidem technicis in philosophando utilius abstineri. Est tamen inter philosophandi modos discrimen ingens, alius enim est, ut sic dicam *Acroamaticus*, alius *Exotericus*. *Acroamaticus* est in quo omnia demonstrantur, *Exotericus* in quo quædam sine demonstratione dicuntur, confirmantur tamen congruentiis quibusdam & rationibus topicis, vel etiam demonstratoriis, sed non nisi topicè propositis; illustrantur exemplis & similitudinibus, tale dicèdi genus dogmaticum quidem seu philosophicum est, *acroamaticum* tamen non est, id est, non rigorosissimum, non exactissimum. Atque ista differentia etiam apud Mathematicos observatur distinguunt enim à Demonstrationibus Scholia, demomonstrationes rigorosissimè & *acroamaticè*, Scholia paulo familiarius atque *exoterica* quadam ratione tractantur, quod vel ex solo Proclo in Euclidem patet, qui in Scholiis historica quædam & quicquid rei illustrandæ facit, inspergere non dubitat. Gemina huic distinctioni distinctio est inter præcepta & commentaria, quam Bartholomæo Keckermannno, & Johanni Henrico Alstedio utiliter placuisse video, & tenuit quoque vir summæ doctrinæ Gerhardus Johannes Vossius in suis artium liberaliū ac populariū partitionibus. Usus huius discriminis est, ut non interrupto definitionum, divisionum & demonstrationū cursu interserere tamen nonnulla scitu digna aut etiam profutura liceat. Quæcunque igitur de styli philosophici ratione dicta sunt, de parte *Acroamatica* dicta sunt. In *Exoterica* parū luxuriari liceat, ut si certitudini aliquid, claritati tamen nihil aut parum decedat. *Acroamatica* autē pars constat ut dixi, Definitionibus, Divisionibus & Demonstrationibus, quanquam divisionibus supersederi possit, quemadmodum Euclides illis caruit, utiliter tamē adhibetur, saltem ad definitiones inter se ordinatè connectendas, propositiones enim non divisionibus, sed demonstrationibus connecti debent. Quicumque igitur accuratè definire apt dividere, & demonstrare seu certam quandam propositionem reddere profitetur, rigorosissimè se gerere, nec

re, nec vocem nisi definitam, aut propositionem nisi demonstratam aut immediato sensu certam in demonstrando adhibere debet. De cætero liceat fortasse acutas nonnunquam allusiones, similitudines, metaphoras, exempla, argutias, historias, inspergere & lectoris fessi animum jucunditatis interstitio recreare, sic tamen ut tunc quoque omnis obscuritas, omnis translationum nimietas vitetur.

Illud quoque hoc loco admonitu dignum visum est, quia vulgò contra sentiunt *inter accuratè philosophandum concretis tantum utendum esse*; idque ipsum Aristotelem plerumque fecisse video; *ἁπλῶς, ποιῶν, τὰ πρὸς τι* potius ipsi in ore sunt, quam *ὑπὸ τῆς, ὑπὸ τῆς, ὑπὸ τῆς* seu si sic loqui fas esset, *πρὸς τινός τινος*; id vulgò sectatores exculant, quasi pinguis factum, ac se si diis placet, acutiores somniant, cum omnia abstractis complent; cùm contra pro certo compertum sit istam abstracta vocabula excogitandi libidinem pene totam nobis philosophiam obscurasse, quibus tamen careri in philosophando prorsus potest. Nam concreta verè res sunt, abstracta non sunt res, sed rerum modi, modi autem nihil aliud sunt quàm relationes rei ad intellectum, seu apparendi facultates. Et verò datur modorum in infinitum replicatio, & qualitatum qualitates & numeri numerorum, quæ si omnia res sunt non infinitas tantum, sed & contradictio oritur. Nam si Entitas Ens est, si Realitas res est, si aliquid ditas aliquid est, idem erit forma sui ipsius seu pars conceptus sui quod implicat. Si quis igitur aliquando Elementa Philosophiæ perfectè constituturus est, cum abstractis propè penitus abstinere necesse est, Recordor quidem acutissimum Hobbesium abstractis aliquam utilitatem tribuere, idque eo potissimum argumentum quod exempli causa aliud sit duplicare calida, aliud duplicare calorem. Verùm hæc ipsa caloris duplicatio terminis concretis efferri potest, nam si dicam eandem rem duplo calidiorem esse factam, jam intelligetur non calida, sed calorem duplicatum esse. Terminorum igitur abstractorum nunquam ego, ut verum fatear, ullum in philosophandi rigoro genere usum magnopere comperi, abusus verò multos & magnos, & valde perniciosos. At in exoterica dicendi ratione credo abstracta adhibita tempestivè, usu suo non carere, ac uere enim in pri-



mis sententias, & figere quasi attentionem lectoris, ac de cæteris cogitationibus impræsentiarum dimittendis admonere; more secundarum notionum, quibus cur abstracta æquiparem causas habeo multas & graves. Nam in universum ita sentio, substituere abstracta concretis, & pro hac propositione: *homo est rationalis*, substituere illam: *homo habet rationalitatem*, aut: *cui inest Humanitas, illi inest rationalitas*, aut: *humanitate rationalitas continetur*, esse non tantum tropicum, sed & superfluum; ac perinde esse ac si quis loco ejusdem propositionis, diceret: *certum est, verum est, non est dubitandum; quisquis attendet, sentiet*, *idea hominis menti mea per sensum impressa confirmat, hominem esse rationalem*; quæ variandi genera rei nihil addētia præter relationem ad mentem ad illustrandum inculcandumque possunt aliquid ad accuratè philosophandum, ad definiendum, dividendum & demonstrandum nihil. Hactenus ostenum est terminis Technicis abstinendum esse, quoad eius fieri potest; nunc illud attendendum est, sive popularibus, sive Technicis utamur, *tropos* tamen aut nullōs aut exiguos aptosque esse debere. Quod à Scholasticis parum est observatum, nam quod quis mirētur eorum oratio tropis scaret. Quid enim aliud quàm tropica sunt dependere, inhærere, emanare, *influerē*. Cujus postremi vocabuli inventionē mirēse effert Suarez. Cum enim Scholastici ante eum dudum in generali causæ notione venanda sudassent, nec verbaillis commoda succurrerent, Suarez non quidem ingeniosior, tamen audacior fuit, & adhibito callidè influxus vocabulo, causam definivit: *quod influit esse in aliud*, barbarè fati & obscurè; nam & inepta constructio est, qua influere ex neutro fit activum; & metaphoricum est istud influere, & obscurius ipso definito: faciliore enim negotio causæ quàm influxus vocem tam monstrosè acceptam definire speratim. Illud denique observandum quod & jam tum passim monuimus *origini vocis, præsertim cum certa est, qua potest, insistentum*. Sanè verum est omnem originariam vocis significationem esse propriam, neque enim video qui per tropum ex alio translatus dici possit; sed tamen illud fateor quandam significationem esse propriam, quæ non sit originaria, quod & rectè observavit Clmus Brunsmannus in iis quæ de

propria

propria & translata significatione nuper peculiari opera commentatus est. Quibus ejus cogitatis tamen illud adjicio : omnē significationem non originariam aliquando fuisse translata, eo nimirū tempore quo primum vox à primigenia significatione ad alias troporū adminiculo promota est; factam verò tandem propriam, cum primū ita vulgaris facta est, ut æquē sit nota, aut notior etiam nativa; & jam homines non propter flexiones à nativa factam, cuius sæpe ne recordantur quidem, sed per se voce sic utantur. Interea si quis destinato consilio sibi proponeret, vocib9 quarum certa originatione est, perpetuo inter philosophandum non aliter uti, quàm origo postulat, ejus consuetudo res illauidabilis nec aspernāda foret, et si difficile censeā hoc constanter exequi. Ita satis, opinor, fusē, pro instituti ratione de Claritate vocabuli per se dictum est. *Claritas* verò *que ex Circumstantiis* sumitur, sumitur vel ex ipsa oratione, vel extrinsecus. Si ex ipsius Orationis circumstantiis sumitur, erit Claritas si non vocabuli per se, tamen orationis per se. Quod fit, cū ex ipsa oratione apparet materia subiecta de qua agitur, & cum materia subiecta tollit ambiguitatem, nam si de Ursa, plautro, cane, lyra, loquitur, is cuius reliqua oratio in astronomicis consumitur facile tollitur ambiguitas. Item si præmissa est definitio vocabuli, eo ipso obscuritas sublata est. Sed si per multas demum coniecturas, licet ex ipsa oratione sumtas, significatio venanda est, longē infra claritatis laudem subfidit. Si verò ex ipsis extrinsecis circumstantiis colligendus demum sensus est lectori & auditori, jam per se obscura est oratio. Obscura autem oratio fortasse alicui prophetæ, aut ebuccinatori miraculorum Alchymistæ, aut oraculo Delphico, aut etiam theologo mystico aut ænigmatographo Poetæ convenerit, à philosopho nihil potest esse alienius. Equidem non ignoro & philosophos Ægyptiorum veteres, & Sinensium, qui Ægyptiorum colonia esse videntur, hodiernos; & omnino orientales, &, qui eos secutus est Pythagoram apud Græcos; apud Latinos autem & Arabas, Chemicos; ænigmatibus sua occuluisse. Quod eorum consilium non potest usquequaque improbari, neque enim omnia omnibus prostituenda sunt, & qui postea philosophi artium, medicæ imprimis & mathematicæ

mathematicæ myſteria in vulgus exire paſſi ſunt rem à prudentia civili alienam fecerunt; poterant enim his velut instrumentis uti ad liberandas à tyrannide patrias & conſtituendas Ariſtocratias: & nemo prudens Lazarum Riverium, vel Antonium Mariam Rheitam Schyrlæum Cappucinum culpaverit obſcuritatis, quod ille certam quandam compoſitionem medicam, hic tuborum opticatorum magis magisque perſiciendorum compendium à ſe repertum ænigmatis nube ſepiverunt. In philoſophando tamen accuratè, id eſt in definiendo, dividendo & demonſtrando, diſpellendas eſſe omnes illas nebulas, non eſt dubitandum. Licebat Philoſophis vel lingua quadam peculiari, quod de Ægyptiis & Hetruſcis ſacerdotibus fertur; vel ſcriptura ſaltem, quod nunc faciunt Sinenſes, ſua occulere, dummodo in hac ipſa lingua, in hac ipſa Scriptura, ipſi ſaltem inter ſe, clarè accurateque philoſophati eſſent, nec nunc intromiſſis in adyta, appareret vaſta rebus utilibus & egena ſolitudo quodque de templo Hieroſolymitano Tacitus ait inania arcana, quod de orientalium philoſophia verum eſſe magis magisque detegitur ita explicata eſt una laudum Orationis Philoſophicæ: *Claritas*. Elegantiam aliorum ablegavimus. Lege ſis interim Quærengum de Eloquentia Philoſophi. Sola Veritas reſidua eſt, ſed de huius comparandæ ac confirmandæ ratione, deque omni inveniendi & judicandi artificio præcepta tradere ad Logicum pertinet, qui tamen illa accurata Claritate verborum inquirendi ac moroſè cuncta diſcutiendi neceſſario alioquin onere, mirificè levatur. Nam ſi nulla vox adhibetur, niſi clara & certæ definitæque ſignificationis, omnis æquivocatio exulet neceſſe eſt, qua ſemel pulſa ingens ſophiſmatum agmen ſimul evaneſcet; nec quicquam ferè ad ſolidè judicandum ſupererit, quàm ut ſenſus ab erroribus, ſenſorio ac medio rectè conſtitutis, intellectus verò obſervatis ſolis conſequentiarum regulis, præſerventur. Quæ cum ita ſint, parum abeſt, quin credam, uti Rhetoricæ duæ ſunt partes, una de verbis eleganter, ornate & efficaciter ſtruendis, altera de movendis affectibus; ira ſimiliter Logicæ duas eſſe partes, unam verbalem, alteram realem; unam de claro diſtincto & proprio verborum uſu ſeu de ſtylo philoſophico,

alteram de regendis cogitationibus. Nam Grammatica ut loquamur purè & ex usu gentis, nos docet; Rhetorica ut aptè ad movendos affectus; Logica ut aptè ad movendam mentem dicamus. Quemadmodum igitur illi non probantur, qui Oratoriam à Rhetorica divellunt, oratoriam de movendis affectibus, Rhetoricam de elegantia dièctionis præcipere jubent; quod faciunt Ramistæ quidam aut Semi-Ramistæ, viri cætera doctissimi, Keckermannus, Alstedius, Contr. Ditericus, Caspar. Bartholinus; quemadmodum, inquam illi non probantur, cùm ita implexus sit verbis omnis cogitandi volendique actus, ut vix unquam nisi tacito intra nos verborum usû fiat; cùm verba sint proximum cogitandi instrumentum; docendiautem cogitata nostra propè unicum; cum denique iisdem regulis simul & movendorum affectuum, regendarumq; cogitationum ratio, & quibus propè solis id fit, verborum ad hoc aptè collocandorum præcepta contineantur; ita non improbandum arbitror, qui simul & de cogitandi præceptis, & genere dicendi ad docendum apto tractare ad Logici partes pertinere tuebitur. Quare nec Nizolius peccavit, quod in Logica tractatione dicendi rationem exactam passim urget, nec fortasse, qui ante Nizolium eo de argumento tam in omni Encyclopædiæ parte necessario, paulo fusiùs præfati sumus. Inprimis cum eo potissimum sine Nizolium ediderimus, ut, vel alieno labore contribuere aliquid ad philosophiæ solidioris instaurationem, quæ nunc tot ubique sumis ingeniis connitentibus tam pulchrè procedit, adjuvandam. Speramus enim à lectione huius Nizolianæ commentationis non mediocrem fructum in rem philosophicam redundare posse, vel ideò, ut homines sobrio illi, ac proprio & nativo, ac verè philosophico dicendi generi magis magisque assuefiant; præsertim cum nemo mihi quidem scriptor notus sit, qui pari zelo, diligentia, atque etiam, si attentè legatur efficaci, in eam rem incubuerit, ut omnes illæ verborum spinæ ex agro philosophico funditus evellantur. Quod quidem in parte Logica atque ipso philosophiæ vestibulo sic satis præstitisse mihi videtur, dummodo existant, quod fore non desperamus in hac florentium passim egregiorum ingeniorum ubertate, qui cœptum

semel

semellaborempersequantur,ac reliquas philosophiæ partes metaphysicam,physicam generalem,philosophiam civilem ac veram jurisprudentiam à terminorum implexis sentibus eadem ratione purgent: polliceremur de nobis aliquid,nisi partim aliis studiis distraheremur,partim timeremus materiam aliis præripere , aptius omnia præstituris. Cæterum quod Nizolium dixi præ cæteris aliquid in hoc genere præstitisse,id tueri non vereor. Nam illustres illi philosophiæ instauratores hodierni in eo potius occupantur, ut sua sibi inventa & cogitata præclare constituent atque exornent, quàm ut vetera & in scholis recepta Aristotelis ac scholasticorum tradita, poliant,ac purgent. Cùm tamen non sit è re philosophiæ vetera prorsus abjicere, sed emendare potius,& quod egregium est,qualia certè sunt innumera , ea præsertim quæ ipso Aristotelis textu continentur,tolerare.Deinde fateor de dictione philosophorum vulgarium barbara abolenda,monuisse,consuluisse,declamasse multos, rem ipsam verò,quod fecit Nizolius,aggressos esse paucos , quia facilius scilicet est,carpere quàm emendare.Sanè cum primum literæ restaurari cæptæ sunt,eruditi in philosophos scholasticos intonuerunt: contra Scholastici se reales vocabant,illos poetarum & grammaticorum titulo ab interiore rerum cognitione arcebant. Et meminidere aliquando scriptum cuiusdam ex illo grege theologi: hoc titulo: *Iohannis Seici Apologia quòd Theologia non sit fundata super Poesi*, quasi scilicet quisquam hoc somniasset. Sed interea dum isti fulminant, eruditi aulas magnatum paulatim occupant. Laurentium certè Vallam solus favor regius ab hæreleas commendatione defendit, ut de Leonis X. & Francisci I. Galliæ Regis in literatos propensione nihil dicam , quæ profligandæ barbariæ multum potuit. Jam ante Vallam , princeps Dantes Aligerius Florentinus meliores literas velut ab inferis revocavit , huius discipulus Franciscus Petrarcha primum in philosophia civili quippe capaciore elegantiam expertus est , quæ in re Franciscum Philephum, Poggium Florentinum,Leonardum Arctinum, aliosque succenturiatos habuit. Ut Valla maiore vir ingenio spinas scholasticorum primus calcare aggressus est,ac dialecticam conscripsit ingenio suo dignam,

Ictos etiam libello de insignibus & armis, contra Bartolum, Theologos libello de libero arbitrio contra Boethium laceffere ausus. Tunc verò philosophiæ simul & eloquentiæ exquisitiori è Græcia subsidio venire Theodorus Gaza, Georgius Trapezuntius, Emanuel Chrysoloras, & Bessario postea Cardinalis. Et licet Gaza & Trapezuntius Aristotelem græcum resuscitantes, pugnarent inter se, Bessario autem Platonicus cum utroque; in Barbaros tamen æquali animi impetu itum est. Ab his instructi Johannes Picus de Mirandula, sui ævi phoenix, Astrologorum hostis, Hermolaus Barbarus ~~interpres~~ interpres, Nicolaus Leonicens Patavinus, cuius & Nizolius noster lib. 4. cap. 8. meminit, cuius opera, ut Erasmus ait, Medicina iterum loqui cœpit, Marsilius Ficinus Bessarionis in affectu erga Platonem hæres, certamen pro vera sapientum eloquentia contra corruptores utriusque susceptum, acriore impetu, & recentibus armis continuarunt. Tandem Angelus Politianus, Joh. Franciscus Picus de Mirandula Rudolphus Agricola, Joh. Reuchlinus, Hadrianus Cardinalis, Erasmus Roterodamus, Paulus Cortesius, Joh. Ludovicus Vives, Philippus Melanchthon, Joachimus Camerarius, & multi consimiles, perrupere hostiles ordines, & latè stragem dedere. Hos, qui toto orbe secuti sunt philosophi eloquentissimi, tam multi sunt, ut brevibus chartis non capiantur. Barbarum porro dicendi genus peculiaribus scriptis multi oppugnarunt. Et exstant Epistolæ amœbæ Johannis Pici Mirandulani & Hermolai Barbari, quorum hic acerrimè in Scholasticos invehitur, ille mollire eorum vitia ac tegere magis quàm defendere, non improbabili pietate conatur. Tanti fecit eas Epistolas Philippus Melanchthon, ut addita dispositione edi in Germania curaverit. Addi potest Quærenus de Eloquentia Philosophi Franciscus Floridus Sabinus, scripto quod pro latina lingua eiusque Scriptoribus edidit, Ubertus Folieta de Latinæ Lingux usu & præstantia, Germonius, Corradus, Taubmannus, Barthius, de Latina Lingua, Susii Lima Ciceroniana, Andr. Schotti Tullianæ quæstiones, Alberti de Albertis actio in corruptores eloquentiæ, Melch. Inchofer de sacra latinitate, Erasmi Apologeticus adversus Martinum Dorpium, Joachimus Vegetius



Vagetius de stylo , Christoph. à Capite fontium de necessaria correctione Theologiæ Scholasticæ , Ludovicus Carbajalus Bathicus libro uno de Restituta Theologia , in quo , ut inseruit titulo ipse, Lector visurus sit Theologiam à Sophistica & barbarie magna industria repurgatam. Erycius Puteanus diatriba de Barbaris ad Barbarinos, Christianus Becmannus , & Isaacus Clauderus de barbarie superiorum temporum, Frischlinus Prisciano vapulante, Joh. Conradus Dietericus de infelicitate seculi superioris in græcarum literarum ignoratione , Antibarbarus Sixti Amamæ & Petri Molinæ, Gerhardus Johannes Vossius de vitiis sermonis & glossæ latinæ no-barbaris, Joh. Niess. de ortu & occasu linguæ latinæ eiusque instaurandæ ratione, Petrus à valle clausa de immunitate Cyriacorum, qui omnes data opera in dictionem illam pseudophilosophicam invehuntur. His addi possunt , qui ex Cicerone & Quintiliano & Boethio, Philosophati sunt: Freigius, Buscherus, Jason Denores, Ramusque & Ramei aut Philippo- Ramei propè omnes ; Adrianus item Cardinalis libris 4. de vera philosophia ex 4. Ecclesiæ doctoribus: Ambrosio, Hieronymo, Augustino, & Gregorio Magno. De cætero ut Theologiam Scholasticam Melchior Canus in locis , & Paulus Cortesius in libros sententiarum, (nuper Petavius, opere dogmatum Theol. jita Dialecticam Valla, Rudolphus Agricola, Polichius, Melanchthon, Cæsarius, Hunnæus, Cornelius Valerius, Perlonius, Cælius Secundus Curlo, Ioan. Sturmius, Hottomañus; Metaphysicâ Vives, Niphus, Javellus (etiam Nizolio nostro laudatus lib. 2. cap. 10.) Fonseca, Brunus, Monlorius; Physicam Hermolaus Barbarus, Cornelius Valerius, Franciscus Vicomercatus , Hieron. Fracastorius, Hieron. Cardanus, Jul. Cæsar Scaliger, Scipio Capucius, Titelmanus, & nuper Gassendus , dictionis elegantia illustrare cœperunt, Qui tamen terminos in Scholis receptos sic ad vivum in cæteris philosophiæ partibus refecuerit, ut fecit in Logica Nizolius noster, nondum comperi. Nizolium igitur , quo hactenus fuit ignorantior, hoc magis dignum putavi, qui *in exemplum dictionis philosophicæ reformatæ* proponatur.

Altera Editionis Ratio fuit: Tempus Autoris. Accessit enim  
ad

ad edendum hic quoque stimulus , quod apparet ex Nizolio esse quasdam sententiarum periodos, & *quæ nostro tempore velut nova producuntur, jam olim plurima à doctis viris magnâ contentione agitata esse.* Ita detexit Telescopium viam lacteam esse conseriem insensibilium stellarum, idem dudum conjecerat Democritus. Eiusdem Democriti Vaticinatio erat, Nili incrementa esse à pluviis Æthiopiz, quæ sententia à cœvis & propinquis scriptoribus irrita, nunc peregrinationibus vera deprehensa est; Epicuri & Lucretii Atomi, quàm magna nunc contentione refodiuntur? Hypothesis terreni motus Pythagoræ fuisse dicitur, & illuc inclinasse Archimedem non obscura sunt vestigia in libello de Numero arenæ. Illustris Digbæi pulverem sympatheticum Antonius Deusingius & Joh. Frid. Helvetius contendunt veterem esse. Circulationem sanguinis per totum corpus non ab Harvæo primum observatam, sed dudum deprehensam legi in manuscriptis cuiusdam religiosi, quæ nunc quoq; Venetiis monstrantur, refert in absolutissimo Institutionum Anatomiarum opere Thomas Bartolinus. Habeo ex narratione doctissimorum virorum, ipsum illum magnum Cartesium non mediocriter confusum fuisse, cum esset ei monstratum, complura eius philosophemata, quæ noviter inventa putabat , in Platone & Aristotele, quorum tamen ille contemptum præferebat, tum in naturalibus, tum in civilibus clarè tradita, contineri; Keckermannus ostendit ex collatione verborum parallelismo quodam sibi oppositorum pleraque Petri Rami dogmata dudum vidisse Ludovicum Vivem. Addo ego, quæ nunc nostro tempore à scriptoribus præclaris, Hobbessio, Cartesio, Iungio, Claubergio, Raeo, Antonio Arnoldo Theologo, quem Gallicæ Logicæ, libelli sanè elegantissimi autorem ferunt, acerrimè urgetur *terminorum technicorum ad populares reductio*, eam jam tum Nizolio nostro in votis ac scopo unicè fuisse. Longè meliore, quàm Rami consilio, qui Aristoteleis subversis alios terminos technicos substituit, multiplicavit quoniam non scientiam , sed laborem.

Restat nunc, ut *Errores* quoq; & *Vitia* Nizolii nostri ne dissimulemus. Et ex vitis potissimum mihi vituperationem mereri videtur *maledicentia*, qua in Aristotelem, in Platonem ipsum, in Gale-

num,



num, in veteres Aristotelis interpretes Græcos, in Scholasticos sine discrimine (nam Thomam Aquinatem, cum molliſſimè tractatum cupit, appellat monoculum inter cæcos lib. 4. cap. 7.) invehitur, qua etiam conſentientes ſibi in plerisque Vallam, Vivem, Rudolphum Agricolaſum ob leviffimam quædam ſententiarum diſcrimina proſcindit. Optaſſem deleta è libro talia ne lectores vel cum puritate dictiſionis ſimul procacitatem diſcerent, vel ſaltem in percurrendo offenderentur, non ſum auſus tamen in alieno opere quicquam immutare. *Errores* in Nizolio & multi ſunt, & magni, quorum plures in breviculis notis quas minutiori typo inſertas adjeci, ſunt tacti, aliquorum verò extantiorum etiam hic mentio facienda eſt. Nimirum ille palmarius eſt, quòd Scholasticorum vitia Ariſtoteleſi imputat, & modeſtiores ſe viros, Johannem Picum, Leoniceſum, Rudolphum Agricolaſum, Vivem, etiam conviciis laceſſit, & adulatioſis inſimulat, quod eximere Ariſtoteleſem conentur; cùm tamen noſtro ſeculo poſt tot in Ariſtoteleſem doctiſſimorum & prioris barbariei diſſimillimorum interpretum curas nihil ſit compertius, quàm Ariſtoteleſem omnis illius ineptiæ purum & inſontem eſſe, qua ſcholastici paſſim inquinantur. *Errores* eius quicunque ſunt, tales tamen ſunt, ut facilè internoscas lapſus viri magni & in rerum luce verſari, à vertiginosis deceptionibus imperiti alicuius clauſtralis. Hoc demonſtratum ſatis dedere primum ſuperiore ſeculo Itali interpretes: Auguſtinus Niphus, Angelus Mercenarius, Alexander & Franciſcus Piccolominaxi, Cæſar Cremoninus, M. Antonius Zeinara, Simon Simonius, Jacobus Zabarella, Franciſcus Vicomercatus, & tot alii. Hoc verò ſeculo illuſtrati Ariſtotelis Germanis maximè laus debetur. Nam partem de demonſtratione, quæ vulgò Ariſtotelis adverſariis pro menſtruo eſt, Cornelius Martini, & Jungius & Joh. à Felden non mediocriter illuſtrarunt, quanquam enim Feldeni in Topicis & Analyticis Ariſtotelis ad uſum transferendis eruditiffimæ albiq; lapidis calculo digniffimæ meditationes nondū ſint editæ, ſperamus tamen quamprimum eas ab ipſo autore editum iri; ad Metaphyſicam Ariſtotelis ſolidè comprehendendam plurimum contribuere Sonerus & Dreierus, ille in Academia Altorfina, hic in Regiomontana profeſſor; Soneri inſtitutiones non ita du-

dum, autore jam olim mortuo, prodicre, Dreieri Sapiencia universalis seu prima philosophia ex Græcorum potissimum interpretum sententiis ad præclaram harmoniam concinnata est, ex qua intelligi satis potest, quàm gravi consilio sua aggressus sit Aristoteles, quàm præclaro ordine collocaverit, quàm denique magnificè sit executus. Philosophia Aristotelis naturalis generalis ( nam quæ particularis est, eius realitas per se lucet ) ad usum maximè & solidas de rerum natura notiones traducta est à solidissimo Viro Abdia Trew Mathematicarum scientiarum professore Altorfino, qui Physicam Aristotelis generalem ad morem mathematicum traditam scripsit. Et certè Aristotelem à surdis illis & nullum intellectum patientibus dogmatibusque ei publica superiorum temporum ignorantia affinxit longissimè afuisse, illas tot formalitatum realitates prorsus ignorasse, notiones tantùm generalissimas tradidisse, satis ostendunt, quicunque nunc in Aristotele cum Recentioribus conciliando operam ponunt, quod partim acutissimus Thomas Anglus ad mentem tamen illustri Digbæi, partim Clarissimus Raëus ostendere, in se susceperunt. Quod consilium cum sit optimum, & rei literariæ necessarium, ne utilia cum vanis aboleantur, & nonnullorum lomenta de abiiciendo prorsus Aristotele in animis incautæ juventutis invalescant; *visus est hic locus opportunus, cui excerpta quædam mea ex prolixa aliqua Epistola non ita dudum ad celeberrimum peripateticum Germanum, Virum præter accuratissimam philosophiæ cognitionem ( aliquot jam præclaris speciminibus orbi declaratam & quod opto, multo pluribus, quorum illi ingens copia suppetit, declarandam ) in omni eruditione exquisitissimum data; adjiciantur: quæ proinde præfationi huic nostræ statim subnectemus, nihil veriti, ne post præfationem jam tum prolixam, patientia lectoris abutamur. Qui si æquus est in re tam necessaria etiam prolixiores nos facillè feret; sin iniquus, sciat nihil ad nos iudicia sua pertinere. In Morali ac Civili philosophia Aristotelem profundius assecuti sunt præ cæteris πολυμαθὴς atque Conringius, Joh. à Felden JCtus notis in Grotium & Elementis Jurisprudentiæ universalis & Analysis politicorum Aristotelis celebris, ac denique Clarissimus Vir Jacobus Thomasius, cum in multis varii argumenti diatribis*

tribis, tum in primis in Tabulis philosophiæ practicæ exquisitissimis ac planè à cæterarū inanitate alienis, ut de *Heinsii paraphrasi* nihil dicam. (cuius etiam in physica Aristotelica tum præclara introductio, tum de Origine formarum disquisitio, tum de laudibus Aristotelis oratio insignis extat) libros Aristotelis politicos dissectos & hiatibus deformes, in alium longè ordinem redegit, eumque ipsius Aristotelis fuisse multis argumentis acutissimis ostendit, ut de cæteris eius in illa philosophiæ parte scriptis limatissimis nihil dicam. Hos jam quos dixi interpretes, qui adhibebit, sine fidiculis, credo, fatebitur, longè alium Aristotelem esse, quàm qui vulgò depingitur, nec cum Valla, Nizolio, Bassone, aliisque Aristotelo-mastigibus, refundi in autorem textus debere, quæ interpretum vel imperitia, vel sitem-pora spectemus, quibus vixere, infelicitas peccavit. Nam nec illud prætereundum est, iniquos esse, qui illorum temporum lapsus tam acerbè perstringunt; tu si illic sis, aliter sentias. Cum historia & civilis & philosophica delitesceret, cùm scriptores optimi non nisi pessimè translati haberentur, cum typographiæ beneficio destitutis aut sumtuosissimè omnia aut molestissimè transcribenda essent, & unius inventa ad cæterorum notitiā rarè nec nisi tarde pervenirent (unde fit ut nunc sæpe ex collatione scriptorū deprehendantur, quæ etiā coævi ignorarunt) non mirum fuit graviter & sæpe labi, miraculi potius instar fuit vel mediocriter aliquid in literis & verè philosophia præstare. quare etiam, sicubi mihi aliquid durius hic currète calamo excidit, id de temporum magis miserabili fato, quàm hominum ignavia intellectum volo. Illi potius culpandi sunt qui nunc quoque inventa fruge glandibus vesci malunt, & pertinacia potius quàm ignorantia peccant. Nec vereor dicere Scholasticos vetustiores nonnullis hodiernis & acumine, & soliditate, & modestia, & ab inutilibus quæstionibus circumspectiore abstinencia longe præstare: hodierni enim nonnulli cum vix quicquam dignum typis addere veteribus possint, hoc unum faciunt, ut allegata opinionum cumulent, & innumeras frivolas quæstiones excogitent, & unum argumentum in multa partiantur, & mutant methodum, & terminos fingantque atque refingant: Ita illis tot tamque grandes libri

nascuntur. Quàm verò longè sint acumine inferiores superiori-  
bus superioris & huius seculi Scholastici, documento esse potest  
secta nominalium, omnium inter Scholasticas profundissima, & ho-  
diernæ reformatæ philosophandi rationi congruentissima; quæ  
cum olim maximè floureret, nunc, apud scholasticos quidem, extin-  
cta est. Unde conjicias decrementa potius quàm augmenta acu-  
minis. Cùm autem ipse Nizolius noster se *Nominalem* exsertè pro-  
fiteri non dubitet propè finem capitis sexti, libri primi; & verò in re-  
alitate formalitatum & universalium evertenda nervus disputatio-  
nis eius omnis potissimum contineatur, pauca quædam de Nomi-  
nalibus subiicere operæ pretium duxi. Nominales sunt qui om-  
nia putant esse nuda nomina præter substantias singulares, abstra-  
ctorum igitur & universalium realitatem prorsus tollunt. Primum  
autem nominalium aiunt fuisse nescio quem Rucelinum Britonem,  
cujus occasione cruenta certamina in Academia Parisiensis fuerunt  
excitata. Refert in eum eiusmodi Epigramma Aventinus:

Quas *Ruceline* doces, odit Dialectica voces,  
Jamque dolens de se, non vult in vocibus esse;  
Res amat, in rebus cunctis vult esse diebus.  
Voce retractetur, res sit, quod voce docetur;  
Plorat Aristoteles nugæ tradendo seniles,  
Res sibi subtractas per voces intitulas;  
Porphyriusque gemit, quia res sibi lector ademit;  
Qui res abrodit, *Ruceline*, Boetius edit.  
Non argumentis, nulloque Sophismate sentis  
Res existentes in vocibus esse manentes.

Diu autem jacuit in tenebris secta Nominalium, donec maximè  
vir ingenii, & eruditionis pro illo ævo summæ, Wilhelmus Occam  
Anglus, Scoti discipulus, sed mox oppugnator maximus, de impro-  
viso eam resuscitavit; consensere Gregorius Ariminensis, Gabriel  
Biel, & plerique ordinis Augustinianorum, unde & in Martini Lu-  
theri scriptis prioribus amor Nominalium satis elucet, donec pro-  
cedente tempore erga omnes Monachos æqualiter affectus esse  
cœpit. Generalis autem Regula est, qua Nominales passim utun-

tur; *Entia non esse multiplicanda prater necessitatem.* Hæc regula ab aliis passim oppugnatur, quasi injuria in Divinam ubertatem, liberalem potius quam parcā, & varietate ac copia rerum gaudentem. Sed, qui sic objiciunt, non satis mihi nominalium mentem cepisse videntur, quæ etsi obscurius proposita huc redit: *Hypothesin eo esse meliorem, quò simpliciore,* & in causis eorum, quæ apparent reddendis eum optimè se gerere, qui quam paucissima gratis supponat. Nam qui aliter agit, eo ipso naturam, aut potius autorem eius Deum ineptæ superfluitatis accusat. Si quis Astronomus rationem phaenomenorum cælestium reddere potest paucis suppositis, meris nimirum motibus simplicibus circularibus, eius certè hypothesis eius hypothesi præferenda erit, qui multis orbibus variè implexis ad explicanda cælestia indiget. Ex hac iam regula Nominales deduxerunt, omnia in rerum natura explicari posse, etsi universalibus & formalitatibus realibus prorsus careatur? qua sententia nihil verius, nihil nostri temporis philosopho dignius, usque adeo, ut credam ipsum Ockamum non fuisse *Nominaliorem*, quam nunc est Thomas Hobbes, qui, ut verum fatear, mihi, plusquam nominalis videtur. Non contentus enim cum nominalibus universalia ad nomina reducere, ipsam rerum veritatem ait in nominibus consistere, ac, quod maius est, pendere ab arbitrio humano, quia veritas pendeat à definitionibus terminorum, definitiones autem terminorum ab arbitrio humano. Hæc est sententia viri inter profundissimos seculi censendi, qua, ut dixi, nihil potest esse nominalius. Idem dicendum est de nostri temporis philosophiæ Reformatoribus eos si non plusquam nominales tamen Nominales esse ferè omnes. Tanto igitur aptior his temporibus Nizolius erit. Nunc ad Nizolii errores redeundum est, ex quibus, post Aristotelem interpretibus confusum, palmarius est, omnimoda illa Dialecticæ & Metaphysicæ abolitio, cum tamen & Nominales iisdem licet principiis nixi retinuerint. Et verò quis neget, esse quædam præcepta tum artis cogitandi seu scientiæ de mente, tum pietatis naturalis, seu scientiæ de summa rerum, id est Metaphysicæ; nam etsi illam ad Oratoriam seu artem dicendi, hanc ad physicam seu scientiam naturæ pertinere velit, eo argumento quòd & veteres tantum

tres fecerint Encyclopædiæ partes Logicam, Physicam & Ethicam; quo facile effecerit, ne Mathematicas quidem scientias peculiare esse; nihil tamen prohibet accuratius partes subdistinguere, & dialecticæ separatam à Rhetorica, ut & grammaticæ datur; Metaphysicæ seu Theologiæ separatam à Physica, ut & Mathesi dantur, locum assignare. Illud quoque minimè ferendum est, quòd Demonstrationem qualem descripsit Aristoteles prorsus è natura rerum tollit, levibus certè argumentis, ex quibus potissimum est: quod Universalia non sint in rerum natura, (cùm tamen sufficiat ad demonstrandum: nomina esse universalia;) deinde quòd exemplum eius hætenus interpretes magno conatu frustra quæsierint. Ego verò contra arbitror, passim in libris Aristotelis, imò & ipsius Nizolii, occurrere accuratas & perfectas demonstrationes. Quod ipsum demonstrare, & à non intelligentium obiectionibus nobilissimam artè demonstrandi vindicare, peculiari operæ servo. Quòd item contendit genuina Aristotelis opera nunc non haberi, idque locis potissimum Ciceronis, mihi nunquam persuaserit. Nam quid mirum est hominem politicum & infinitis curis obrutum, qualis erat Cicero, nonnunquam subtilissimi cuiusdam Philosophi sententias, fugiente oculo lectas, non satis assequi? qui credit Aristotelem in veris suis operibus Deum appellasse *καὶ μὴ ὕψιστον* ardorem cœli, nã is Aristotelem fatuum putat; & cum sapientem & Ingeniosum habeamus per vim nobis ineptum & stultum obrudit. Novum hoc Criticæ artis genus est, in dignoscendis scriptis auctoris omnium confessione ingeniosi, quædã pro supposititiis habere, quia stultum aliquid auctori à conviciatoribus impositum (nam nec Cicero nisi alia sibi persona Aristoteli iniqua imposita hæc loquitur) in iis non reperitur. Mihi genuinitatem operum Aristoteleorum, quicquid dicant Joh. Franciscus Picus in Examine Vanitatis doctrinæ gentium, quicquid Nizolius, quicquid Petrus Ramus, quicquid Patricius, quicquid in Apologia magnorum virorum Magiæ suspectorum, ubi & hunc Nizolius librum citat, Naudæus; satis superque persuadet perspecta hypothesium inter se Harmonia, & æqualis ubique methodus velocissimæ subtilitatis. Ultimo loco gravis aliquis error Nizo-



Nizolii circa universalium naturam dissimulari non debet, potest enim lectorem non satis cautum à vero philosophandi tramite penitus abducere. Persuadere conatur nobis universale, nihil aliud esse quam omnia singularia collectivè simul sumta; & cum dico: omnis homo est animal, sensum esse: omnes homines sunt animalia. Hoc quidem verè, sed hinc non sequitur: universalia esse totum collectivum. At probat Nizolius: Omne totum est aut continuum aut discretum. Universale autem est totum, non continuum verò, discretum igitur. Totum autem discretum est collectivum, & eadem est ratio *generis hominum*, quæ *gregis*. Et par est ratio huius propositionis omnis homo (seu totum genus humanum) est rationalis, quæ huius: omnes pecudes quæ hic pascuntur sunt albæ, vel totus grex est albus. At erras Nizoli, datur enim aliud totius discreti genus præter collectivum, nimirum: *distributivum*. Cum igitur dicimus: *omnis homo est animal*, seu *omnes homines sunt animalia*, sensus est distributivus: sive illum, (Titium) sive hunc (Cajum) &c. sumseris, reperies, esse animal, seu sentire. Et si Nizoliano more omnis homo, seu omnes homines sunt totum collectivum, & idem quod totum genus humanum, sequetur absurda locutio. Nam si eadem sunt, age in propositione ista: omnis homo est animal, vel omnes homines sunt animalia, substituamus totum genus humanum, orietur hæc propositio plus quam inepta: *totum genus humanum est animal*, similiter de grege est propositio: omnes pecudes quæ hic pascuntur, seu universale ab iis abstractum, idem est cum toto ex iis collecto, grege, ut vult Nizolius, vera erit hæc propositio: *totus grex est ovus*, vel saltem si succurrere ei velis: *totus grex est oves*, quod ipsum tamen satis verè non dicitur. Sed & aliud exemplum minus postremo effugio commodum videamus, Jcti veteres quos Nizolius opinor non negavit latinè simul & accuratè locutos, *genus* legatum ajunt, si quis sic leget: Titio equum meum do lego. Jam Nizolii sensu, cum genus sit totum ex singularibus collectum, erit idem ac si dixisset: Titio omnes equos meos do lego. Egregio, si diis placet, jurisprudentiæ specimine. Contra, substituto toto distributivo, plana res est, sensus enim erit: *Titio illum aut illum equum do lego*.

*do lego.* Addamus hoc quoque : cum dico *omnis homo est animal*, si genus de specie dicitur, & gen<sup>o</sup> est universale, universale totū genus ex singularibus collectum, substituamus voci *animalis*, omnia animalia simul sumta; Orietur hæc propositio : *Homo est omnia animalia simul sumta.* Cū sufficiat homini esse quoddam animal, seu ali- quod ex universo animalium genere. Nec verò error hic Nizolii levis est, habet enim magnum aliquid in recessu. Nam si universalia nihil aliud sunt quàm singularium collectiones, sequetur, scientiam nullam haberi per demonstrationem ( quod & infra colligit Nizolius, ) sed collectionem singularium, seu inductionem. Sed ea ratione prorsus evertuntur scientiæ, & Sceptici vicere. Nam nunquam constitui possunt ea ratione propositiones perfectè universales; quia inductione nunquam certus es, omnia individua à te tentata esse; sed semper intra hanc propositionem subsistes, omnia illa quæ expertus sum sunt talia; cum verò non possit esse ulla ratio universalis; semper manebit possibile, innumera quæ tu non sis expertus, esse diversa. At, inquires, ignem (id est corpus quoddam lucidum, tremulum, tenue) ex lignis ordinario modo suscitatum urere, dicimus universaliter, etiam si nemo sit omnes tales ignes expertus, sed quia in iis quos experti sumus, res comperta est. Ita est: hinc coniecimus, & morali etiam certitudine credimus: omnes ignes, eiusmodi urere, & usturos te si manum admoveas. Sed hæc moralis certitudo non fundata est in sola inductione, ex ea enim nullis eam fiduculis collegeris; sed ex additione seu adminiculo harum propositionum universalium non ab inductione singularium, sed idea universali seu definitione terminorum pendentium: (1) *Si eadem vel per omnia similis est causa, idem vel per omnia similis est effectus.* Et hujus (2) *existentia rei, quæ non sentitur, non presumitur*; & deniq; hujus (3) *Quicquid non presumitur, in praxi habendum est pro nullo, antequam probatur.* Ex his conficitur certitudo practica vel moralis huius propositionis, *quod omnis ille ignis uret.* Nam esto ignis ille talis quicumque qui mihi nunc offeratur; aio esse per omnia (quantum ad rem pertinet) similem prioribus quia, *per hypothesin*, non sentio dissimilitudinem ad rem facientem, jam quod non sentitur



titur, non præsumitur, *per adminiculum 2.* Quod non præsumitur, est in praxi tenendum *per adminiculum 3.* Ergo per omnia similem esse, (quantum ad rem pertinet, est in praxi tenendum. Jam per omnia similis causæ, erit per omnia similis effectus, *per adminiculum 1.* nimirum ustio, *per hypothesin,* Ergo ignem talem quemcunque oblatum, seu *omnem illum ignem usturum,* est in praxi tenendum. Quod erat demonstrandum. Hinc jam patet inductionem per se nihil producere, ne certitudinem quidem moralem, sine adminiculo propositionum non ab inductione, sed ratione universali pendentium; nam si essent & adminicula ab inductione, indigerent novis adminiculis nec haberetur certitudo moralis In infinitum. Sed certitudo perfecta ab inductione sperari planè non potest, additis quibuscunque adminiculis, & propositionem hanc: *totum majus esse sua parte,* sola inductione nunquam perfectè scimus. Mox enim prodibit, qui negabit ob peculiarem quandam rationem in aliis nondum tentatis veram esse, quemadmodum ex facto scimus Gregorium à S. Vincentio negasse *totum esse majus sua parte, in angulis saltem contactus;* alios *in infinito;* & Thomam Hobbes, (at quem virum?) cæpisse dubitare de propositione illa Geometrica à Pythagora demonstrata, & hecatombæ sacrificio digna habita; quod ego non sine stupore legi. Atque hi sunt potissimi Nizolii nostri errores, alios partim notulis inspersis tetigimus, partim tales esse judicavimus, ut ab attento lectore, qui hæc nostra præmittere dignatus sit, deprehendi non magno negotio possint. Nunc igitur loquacissimæ, sed, ni fallor, necessariæ, præfationi finis imponendus est. Si quis metuit, ne domus porta elabatur, cogitet aditum nostrum tam vastum, domum tam parvam esse, quia cæpta est tantum; si post Logicam, cæterarum quoque partium similis repurgatio accesserit, tum faxo ut in justam omnia symmetriam redeant, nec quisquam amplius de magnitudine atrii, parvitate aræ conqueratur. Quod superest, vale lector benevole, & studium tuis commodis consulendi, boni consule.

EPISTOLA AD EXQUISITISSIMÆ DOCTRINÆ  
virum de Aristotele recentioribus reconciliabili,

VIR CLARISSIME.

**T**um illud historia Philosophica vix dici non potest, quàm omnibus salivam moveris, apparet enim, quantum inter nudas nominum recensiones & profundas illas de sententiarum connexionibus rationes intersit. Et certe quotquot rerum intelligentes de specimine tuo loqui audio (scis me nihil auribus dare) ii unanimiter esseverant, à nemine uno integrum historia philosophica corpus potius expectari posse. Plerique alii antiquitatis magis quàm artis periti, vitas potius quàm sententias nobis dederunt. Tu non Philosophorum, sed philosophia historiam dabis. Narrant in Anglia sub prelo esse Iosephi Glanvilli Historiam crescentium inde ab Aristotele scientiarum. Sed illum arbitror ferè Mathematices, & Mechanices, & Physices illius curiosioris tantum periodos secuturum, ita tibi, opinor, praripuit nihil, Vainam vero ad recentiore hanc ætatem stylum solumque producas, & admoneas inconsultam juventutem nostram neque omnia neque nihil novatoribus tribuenda esse. Sunt Patricii, Telesii, Campanella, Bodini, Nizolii, Fracastorii, Cardani, Galilai, Verulamii, Gassendi, Hobbii, Cartesii, Bassones, Digbii, Sennerti, Sperlingii, Derodones, Deusingii, & multa alia nomina, in qua philosophia pallium distrahitur. De his admonere orbem, tibi ludus, publico fructus erit. Iudicio tuo de sententia, Deum primam rerum materiam fingente, quis non assentiatur? Nulla in Hypothesibus eius concinnitas, nulla rationum connexio, sententia prorsus monstrosa, nisi aliqua in physice speciali observatu utilia auctor habet, rectius silebit. Caserum mihi videntur illius parentes esse Scaliger, Sennertus & Sperlingius (nam & huius discipulum se profitetur) enim statuunt formas, educi non è potest.

sentia materia passiva, sed è potentia efficientis activa. Quare consequens est, ut Deus potius ex sua potentia activa, quam ex nihili potentia objectiva, & quasi passiva creaturas producere credant. Deus igitur res ex se producet & ideo prima quodammodo rerum materia erit. Sed de eo tu rectius arbitraberis. De Cartesio & Claubergio prorsus tecum sentio discipulum Magistro lucidiorem esse. Illud tamen rursus dicere ausim raro fere & Cartesianos inventis magistri quicquam addidisse. Certè Claubergius, Spinoza, Heerboord, Tobias Andrea, Henricus Regius, nihil aliud quam Ducus sui paraphrastas, eruditos tamen, egerunt. Cartesianos vero eos tantum appello, qui Cartesij principia sequuntur, ex quo numero magni illi viri Verulamius, Gassendus, Hobbius, Digbaui, Cornelius ab Hoghelande & c. prorsus eximi debent, quos vulgus Cartesianis, confundit, cum tamen vel Cartesio aequales vel etiam superiores atate & ingenio fuerint, me fateor nihil minus quam Cartesianum esse. Regulam illam omnibus istis philosophia Restauratoribus communè teneo, nihil explicandum in corporibus, nisi per magnitudinem, figuram & motum. In Cartesio ejus methodi tantum propositum amo; nam cum in rem presentem ventum est, ab illa severitate prorsus remisit, & ad Hypotheses quasdam miras ex abrupto delapsus, est, quod rectè etiam reprehendis in eo Vossius in Libro de Luce. Quare dicere non vereor plura me probare in libris Aristotelis quam in meditationibus Cartesij; tantum abest, ut Cartesianus sim. Imo ausim addere totos illos Libros 8. Aristotelis salva philosophia reformata ferri posse. Quare tunc illis ipso facto occurretur, quæ de Aristotele irreconciliabili nunc etiam à doctis viris disputantur. Quia Aristoteles enim de materia, forma, privatione, natura, loco, infinito, tempore, motu, ratiocinatur, pleraque certa & demonstrata sunt, hoc uno fere demto, quæ de impossibilitate vacui, & motus in vacuo asserit. Mihi enim neque vacuum neque plenum necessarium esse, utroque modo rerum natura explicari posse videtur. De cætero reliqua pleraque Aristotelis Disputata nemo ferè sanus in dubium vocabit. Formam quoque substantialem nempe, id quod substantia corporis unius a substantia alterius corporis differre, quis non admittat? Materia prima nihil verius. Hoc unum in quæstione est, an quæ Aristoteles de materia, forma, & mutatione abstractè disputaverit, ea explicanda sint per magnitudinem, figuram, & motum. Id Scholastici

negant, Reformatores affirmant. Reformatorum sententia mihi non solum  
 verior, sed & Aristotelis magis consentanea videtur, de utroque breviter di-  
 cam. Ac primum de Aristotele. Nam Scholasticos eius sensum mirè depravasse  
 cui magis est cognitum, quam Tibi, vir Clarissime, qui bonam partem huius  
 generis errorum primus produxisti? Id cum tecum in Metaphysicis Sone-  
 rius & Dreierus, in Logicis Viottus, Zabarella, Iungius, in Civilibus Iason De-  
 nore, Piccartus, Conringius, Feldenus, Durrius, multiq; alii fateantur; cur  
 obsecro non eadē aut deteriora, in physicis suspicabimur, cuius scientia prae-  
 stidia à sensu & experientia & Mathesi petenda sunt, quibus instrumentis scho-  
 lastici Monachalibus claustris cohibiti, ferè prorsus caruerunt. Satis igitur  
 probabile est in physicis eos deceptos esse quid si hoc amplius nimis id cer-  
 tum esse, ostendam? Qua in re duplici rursus ratione versari licet. Nam vel  
 ostenditur Philosophiam Reformatam Aristotelica conciliari posse, & adver-  
 sam non esse, vel ulterius ostenditur alteram per alteram explicari non solum  
 posse, sed & debere, imo ex Aristotelicis principiis fluere ea ipsa qua à recen-  
 tioribus tanta pompa iactantur. Priore via possibilitas, posteriore necessitas  
 conciliationis conficitur, quamquam eo ipso si possibilis conciliatio ostenditur,  
 confectares est. Nam etsi utraq; explicatio & scholasticorum & recentiorum  
 esset possibilis, ex duabus tamen possibilibus Hypothesibus semper eligenda est  
 clarior & intelligibilior, qualis haud dubie est hypothesis recentiorum, qua  
 nulla entia incorporalia in mediis corporibus sibi fingit, sed prater magnitu-  
 dinem, figuram & motum assumit nihil. Nam possibilitatem Conciliationis  
 non possum melius ostendere, quam si petam dari mihi aliquod principium  
 Aristotelis quod non per magnitudinem, figuram, & motum explicari possit.  
 Materia prima est ipsa Massa in qua nihil aliud quam extensio & virtu-  
 tis, seu impenetrabilitas; extensionem à spatio habet, quod replet; natura  
 ipsa materia in eo consistit quod crassum quiddā est, & impenetrabile, & per  
 consequens alio occurrente (dum alterum cedere debet) mobile. Hac iam  
 massa continua mundum replens, dum omnes eius partes quiescunt, materia  
 prima est, ex qua omnia per motum fiunt, & in quem per quietem resol-  
 vuntur, est enim in ea in se spectata nulla diversitas, mera homogeneitas ni-  
 si per motum. Hinc jam omnes Scholasticorum nodi solvuntur. Primum de  
 actu ejus entis a quo ante omnē formam quarunt. Et respondendum est esse  
 eam ens ante omnem formam, cum habeat existentiam suam. Illud omne  
 enim

enim existit, quod in aliquo spatio est, quod de massa illa omni licet motu & discontinuitate carente negari non potest. Essentia autem materia seu ipsa forma, corporeitatis consistit in *αὐτὴν ὡς* seu impeneitabilitate; quantitatem quoque habet materia, sed interminatam, ut vocant *ἄνευ ὁρίων* seu indefinitam, dum enim continua est, in partes secta non est, ergo nec termini in ea actu dantur, (non de intrinsecis enim mundi seu totius massae, sed de intrinsecis partium terminis loquor) extensio tamen seu quantitas in ea datur. A materia transeamus ad formam, per dispositiones. Hic si formam supponamus nihil aliud esse quam figuram, rursus omnia mire concinent. Nam cum figura sit terminus corporis, ad figuras materia inducendas, opus erit termino. Ut igitur variis in materia termini oriantur, opus est discontinuitate partium. Eo ipso enim dum discontinua sunt partes, habet qualibet terminos separatos (nam continua definit *ἄνευ ὁρίων* ut *ἄνευ ὁρίων*.) discontinuitas autem in massa illa prius continua duplici modo induci potest, uno modo ut tollatur etiam simul contiguitas, quod fit, quando ita divelluntur a se, ut relinquatur vacuum; vel sic ut maneat contiguitas, quod fit, quando quae sibi immediata manent, tamen in diversa moventur, verbi g. dua sphaera quarum una alteram includit possunt in diversa moveri, & tamen mancant contigua, licet desinant esse continua. Ex his patet siquidem ab initio massa discontinua seu vacuitatibus interrupta creata sit, formas aliquas statim materia concreatas esse, sui vero ab initio continua est, necesse esse ut forma oriantur per motum (Nam de annihilatione certarum partium ad vacuitates in materia procurandas, quia supra naturam est, non loquor) quia a motu divisio, a divisione termini partium, à terminis partium, figura earum, à figuris forma, ergo à motu forma. Ex quo patet omnem dispositionem ad formam esse motum, patet quoque solutio vexata de origine formarum controversia. Cui vir Cl. Herm. Conringius peculiari dissertatione non aliter occurrat, quam concedendo formas ex nihilo oriri, sed meditationes ista compendiosorem viam monstrant, ut illuc confugere necesse non sit. Dicimus enim formas oriri ex potentia materia, non aliquid novum producendo, sed tantum vetus tollendo, & per divisionem partium terminos causando, quemadmodum qui columnam facit, nihil aliud facit, quam quod inutilis tollit, residuum ceteris sublati eo ipso eam figuram nanciscitur, quam vocamus columnam,



lammam, scilicet omnes figura seu forma in ipsa massa continentur, indigens tantum determinatione, & actuali ab aliis adherentibus separatione. Hac explicatione admissa ludus & jocus sunt quacunq; contra originem formarum ex potentia materia monentur. Restat nunc ut ad mutationes veniamus. Mutationes enumerantur vulgò & recte: generatio, corruptio, augmentatio, diminutio, alteratio & mutatio localis seu motus. Has omnes putant recentiores per motum localem solum explicari posse. Et primum de augmentatione & diminutione manifesta res est; mutatio enim quantitatis in toto fit, dum pars locum mutat, & vel accedit vel decedit. Restat ut Generationem & corruptionem & alterationem explicemus per motum, & prout eandem numero mutationem esse simul generationem & alterationem, diversorum, nam exempli causa verum est, putredinem consistere in vermibus illis nudo visu insensibilibus, erit infectio aliqua putrida alteratio hominis, generatio vermis. Similiter Hookius in micrographia ostendit rubiginem in ferro esse subtilem sylvulam enatam; rubiginescere igitur erit alteratio ferri, generatio parvorum fruticum. Caterum tam generatio & corruptio, quam alteratio explicari per subtilem partium motum potest, v.g. cum album sit quod lucem plurimam reflectit, nigrum, quod parvam, erunt ea alba, quorū superficies multa parva specula continet; hac ratio est cur aqua spumescens sit alba, quia innumeris bullulis constat, quot autem bullula, tot specula: cum ante tota fere aqua non nisi unum speculum fuerit; quemadmodum speculo vitreo fracto quot partes tot specula sunt: qua etiam causa est, cur vitrum contusum sit albius integro. Similiter igitur aqua per bullulas in distincta velut specula fracta albedo oritur, quare ratio etiam est, cur nix sit albius glacie, & glacies aqua. Falsum enim est nivem esse aquam condensatam, cum sit rarefacta potius unde & levior aqua est & plus spatii occupat. Quare ratio sophisma Anaxagora de nive nigra diluitur. Et hinc jam patet sola figura & situs in superficie mutatione colores oriri, idem de luce calore & omnibus qualitatibus si locus pateretur facile explicari posse. Jam verò, si qualitates per solum motum mutantur eo ipso & substantia mutabitur; mutatis enim omnibus, imò & quibusdam, requisitis, res ipsa tollitur: v.g. si vel lucem vel calorem, sustuleris ignem sustuleris; utrumque motu inhibito effeceris, quare ratio est cur ignis clausus pabulo aeris deficiente moriatur, ut necam es-

sentiam

sentiam à qualitatibus suis non nisi relatione ad sensum differre. Uti enim eadem Civitas aliam sui faciem offert, si a Antri in media urbe despicias (in Grundgelegt) quod perinde est, ac si essentiam ipsam intueare; aliter apparet si extrinsecus accedas, quod perinde est ac si corporis qualitates percipias; & ut ipse civitatis externus aspectus variat, prout à latere orientali vel occidentali, dis- accedis, ita similiter pro varietate organorum variant qualitates. Ex his jam facile patet omnes mutationes per motum explicari posse. Nec obstat quod generatio sit in instanti motus est successivus, nam generatio non est motus, sed finis motus, jam motus finis est in instanti, nam figura aliqua ultimo demum instanti motus producitur seu generatur, uti circulus extremo demum momento circumgyrationis producitur. Ex his etiam patet cur forma substantialis consistat in indivisibili nec recipiat majus aut minus. Nam & figura non recipit majus aut minus. Esset enim circulus sit circulo major, non tamen est circulus altero magis circulus, nam circuli essentia consistit in aequalitate linearum à Centro ad circumferentiam ductarum, jam aequitas consistit in indivisibili, nec recipit majus aut minus. Nec verò obijci debet figuram aut magnitudinem esse accidentia, neque enim semper sunt accidentia, nam etsi v. g. fluxus sit accidens plumbi, fluit enim non nisi in igne; est tamen de essentia Hydrargyri; jam causa fluxus est haud dubie partium curvilineitas libera sine globis sive cylindris, sive ovalibus sive aliis sphaerocidesi constet; curvilineitas igitur subtilium partium est accidens plumbi, Hydrargyro vero essentialis. Ratio quia omnia metalla oriuntur ex hydrargyro per salia fixo salium autem natura consistit in figuris rectiliniis ad quietem aptis, hinc si salia in aqua soluta, sponte recongelascere sinamus, alia uti chymicus notum est, tetraedrica, alia hexaedrica, octaedrica &c. nulla rotunda aut curvilinea appareant. Hinc salia sunt causa fixitatis; salia igitur illa acida in terra visceribus hydrargyro quasi per minima mixta impediunt curvilineorum libertatem interserione, & constituunt metallum. In igne verò metallum redit ad naturam Hydrargyri, ignis enim se interferens subtilibus partibus, partes curvilineas hydrargyrinas à plani lateris salinis liberat, hinc in igne fluxus. Ita patet vix quicquam in physica Aristotelica esse, quod ex reformata non commode explicetur & illustretur. Et hac quidem exempla mihi de meo interscribendum succurrerunt, innumera alia ab aliis



aliis per totam philosophiam naturalem congeruntur. Huc ivit Clarissimus Ræus in Clavi philo. naturalis, ut Aristotelem recentioribus conciliaret, qui tamen ad manus non fuit. Neque Ræus conciliatorum inter Aristotelem & recentiores primus solusque est, ut quidam ei obijciunt. Princeps Scaliger mihi viam stravisse videtur; nostris temporibus Kenelmus Digbams & ejus affecula Thomas Anglus, ille in de anima immortalitate, hic in institutionibus peripateticis, idem ex professo egere. Nec ab ludunt tum Abdias Trevv, tum inprimis Erhardus VVeigelius. Hactenus posse tantum conciliari ostensum est, superest ut monstremus & debere, scilicet: Aristoteles in 3. phys. Auditus libris, quid aliud tractat quàm figuram, magnitudinem, motum, locum, tempus? si ergo corporis in genere natura his absolvitur. Corporis in specie natura tali figura, tali magnitudine &c. absolvetur. Et verò ait ipse lib. 3. text. 24. phys. Arist. omnem naturalem scientiam esse circa magnitudinem ( cui scilicet connexa figura) motum & tempus. Idem Aristoteles passim ait, Ens mobile physica subiectum esse, naturalem scientiam agere materia & motu: Ipse quoque omnium qua in sublimaribus sunt causam facit cælum. Iam cælum, ait, non agere in inferiora nisi per motum. Motus autem non producit nisi motum aut terminos motus, nempe magnitudinem & figuram, & ex his resultantem situm, distantiam, &c. Ex his igitur omnia explicari debent in naturalibus, Idem Aristoteles passim ait, (in lib. 1. de phys. aud. text. 69.) eam esse rationem aris ad statua figuram, qua materia ad formam. Ceterum figuram esse substantiam, aut potius spatium esse substantiam, figuram esse quiddam substantiale, probaveram, quia omnis scientia sit de substantia, Geometria autem quin scientia sit negari non possit. Fuere qui responderent citius locum afferri à se posse, quo Arist. Geometriam esse scientiam negaverit, quam ego producturus sim quo dixerit, Ego verò non dubito, esse aliqua loca Aristotelis qua huc trahi torqueri ve possint, sed tamen ea infinitis aliis ejus confessionibus obrui puto. Quid enim omnibus Analyticorum libris Geometrarum Exemplis frequentius ut videatur demonstrationes Geometricas velut mensuram cæterarum esse voluisse. Iam in epè ignobilius nobilioris mensura constituitur. Et verò tam abjectè de Mathematicis scholastici primum senserunt, omni conatu id agentes ut ex perfectarum scientiarum numero Mathesin excluderent. Contra manifestum

festum textum Aristotelis in libro 1. posteriorum, text. 31. figurarum maxime scientialis est prima, quia Mathematicæ ea faciunt demonstrationem, ut Arithmetica, Geometria & perspectiva & omnes quæ ipsius propter quid demonstrationem faciunt. Viuntur eo præcipue argumento quod non semper ex causis demonstret. Sed si rem cogitemus curatius, apparebit demonstrare eam ex causis. Demonstrant enim figura ex motu, v.g. ex motu puncti oritur linea, ex motu linea superficies, ex motu superficiæ corpus. Ex motu recta (super recta oritur rectilineum. Ex motu recta circa punctum immotum oritur circulus, &c. Constructiones figurarum sunt motus; jam ex constructionibus affectiones de figuris demonstrantur. Ergo ex motu, & per consequens à priori, & ex causa. Geometria igitur vera scientia est. Ergo non invito Aristotele objectum ejus, nempe spatium, substantia erit. Neque vero adeo absurdum est, Geometriam agere de forma substantiali corporum. Ecce enim locum Aristotelis 13. Met. text. 3. quo expresse dicit, Geometras abstrahere à materia, sine & efficiente; quo supposito sequitur ut vel de forma substantiali vel accidentali agat. Sed non agit de accidentali, quia forma accidentalis in sua definitione reali involuit subiectum in quo est, seu materiam, cum tamen Aristoteles dicat Geometriam à materia abstrahere. Ergo Geometria agit de forma substantiali. Hinc mihi hac scribenti sub manibus nascitur pulchra quadam scientiarum harmonia, nempe re exactè perpenſa: Theologia seu Metaphysica agit de rerum Efficiente, nempe mente, Philosophia moralis (seu practica vel civilis, nam, ut a Te didici, una eademque scientia est) agit de rerum Fine, nempe Bono; Mathesis (puram intelligo, nam reliqua physica pars est) agit de rerum forma, nempe figura; Physica agit de rerum Materia, & ex eis cum cæteris causis complexu resultantem unice affectione nempe Motu. Mens enim ut Bonum, gratamque sibi rerum figuram & statum obtineat, materiæ motum præbet. Nam Materia per se motus expers est. Motus omnis principium, Mens, quod & Aristoteli recte visum.

Nam, ut huc quoque veniam, nullibi Aristoteles formas quasdam substantiales ejusmodi sibi imaginatus videtur, quæ per se sint causa motus in corporibus quemadmodum Scholastici capiunt, definit quidem naturam præcipuum motus & quietis, & formam materiæque vocat naturam,

formam autem magis quam materiam, sed hinc quod scholastici volunt non sequitur, formam esse quiddam incorporale, brutum tamen in corporibus, quod ipsum sua sponte sine externa rei consensu motum corpori verbi gratia lapidi deorsum praebeat. Nam forma quidem est causa & principium motus, sed non primum. Neque enim Corpus movetur, nisi ab extrinseco moveatur, ut recte Aristoteles non dicit tantum, sed & demonstrat, verbi gratia, sit globus in plano, ut si semel quiescat per se in aeternum non movebitur, nisi accedente extrinseco impulsore, verbi gratia, alio corpore. Eo iam allabente, alterum corpus principium motus im-pressisset, figura vero, nempe globositas, est principium motus suscepti, nam si globositas afuisset, forte pro re nata, corpus alteri corpori tam facili non cessisset. Ex hoc patet conceptum forma scholasticum ex definitione natura Aristotelica non sequi. Forma igitur est principium motus in suo corpore & corpus ipsum est principium motus in alio corpore factor; sed primum principium motus est prima & realiter a materia abstracta forma, ( quae simul est efficiens ) nempe Mens. Hinc in solas mentes cadit libertas & spontaneum. Absurdum ergo non est (et si mirentur quidam solam ex animabus formisque substantialibus activis relinquit a recentioribus animam rationalem ) unicam ex formis substantialibus mentem principium motus primum dici, ceteras a Mente motum habere. Et Aristoteles ut dici pro certo habet corpus nullum in se solo principium motus habere, & hoc unico argumento ascendit ad primum motorem. Huic obiectioni dupliciter aliqui responderunt, primum argumentum hoc nihil apud eum posse hoc argumentum, nisi ei prae demonstraretur hoc ipsum absurdum & impossibile esse, quod habeat motum a seipso. Et jam tum Cicero ni fallor in libris de natura Deorum fecit, eleganter Epicurum irridens quod quiddam sine causa & ratione in suis Hypothesibus hoc modo introducat. Nam in rerum natura nihil esse deorsum, sed quoad nos, neque igitur causam cur corpus aliquod in hanc potius quam illam plagam moveatur. Epicuro igitur neganti quicquid movetur ab alio extra se moveri facile occurremus & laborantem existentiae DEI certitudinem vindicabimus. Alterum obijciunt: Aristotelem videri non tam ex

hoc axioma, quod omnis motus principium sit extra corpus motum, quam ex alio: non dari processum in infinitum, ratiocinatum esse, at vero quæso, vir Amplissime, se hujus controversia ludicem appello petoque attentè cogites, an non utriusque conjunctione opus sit. Nam nisi admittatur quod movetur ab extraneo moveri, planè ad nullum processum devenimus, nedum ad infinitum; nam adversarius statim ab initio resistet, & datum aliquod corpus sibi ipsi ad motum producendum per formam suam substantialem sufficere, nullo igitur motore nedum primo, opus esse, respondebit. Concides ergo scala illa primo statim gradu & velut fundamento subtrahito. Deinde etiam Epicurus processum in infinitum admittebat, ergo non tam quid Epicurus admittit vel non admittat, quàm quid demonstrari cerò possit videndum est.

Es hæcenus igitur mihi satis videor Aristotelicam Philosophiam Reformatam conciliasse, verum ipsius philosophia Reformatio manifesta veritas breviter attingenda est. Probandum autem est: nulla dari entia in mundo: præter Mentem, Spatium, Materiam, Motum; mentem voco ens cogitans. Spatium est Ens primo extensum, seu corpus Mathematicum, quod scilicet nihil aliud continet quam tres dimensiones, estque locus ille universalis omnium rerum. Materia est ens secundò-extensum, seu quod præter extensionem vel Corpus Mathematicum habet & corpus physicum, id est resistantiam, ætuitatem, crassitiem, spatii repletivitatem, impenetrabilitatem, qua consistit in eo, ut alio tali ente adveniente cedere, aut quiescere alterutrum cogatur; à qua igitur impenetrabilitatis natura fluit motus. Materia igitur est ens quod est in spatio, seu Ens spatio coextensum. Motus est Mutatio spatii. Figura autem, magnitudo, situs, numerus &c. non sunt entia à spatio, materia, & motu realiter distincta, sed tantum habitudines inter spatium, materiam, motum & earum partes à mente superveniente facta. Figuram autem definitio terminum extensi. Magnitudinem numerum partium in extenso. Numerum definitio unum, & unum, & unum, &c. seu unitates. Situs ad figuram reducitur, est enim plurium configuratio, Tempus nihil aliud est quam magnitudo motus. Cumque omnis magnitudo sit nu-

numerus partium quid mirum Aristotelem definisse Tempus numerum motus? Sedit termini tantum explicati sunt, expositumque, quo sensu is utamur, nihil probatum; Nunc ostendendum est nullis aliis rebus ad explicanda Mundi phænomena & causas eorum possibiles reddendas opus esse, imò nec alias res esse posse; quanquam si ostendimus aliis rebus præter Mentem, materiam, spatium & motum opus non esse, eo ipso satis confectum erit Hypotheses recentiorum, qui his solis rebus ad reddenda phænomena utuntur, esse meliores. Vitium enim Hypotheses est non necessaria assumere. Iam verò explicari omnes totius Mundis ex his solis posse, satis lectio recentiorum philosophorum docet, & ex his patet quæ paulò anteposui, cum possibilitatem conciliationis Aristotelica ostenderem. Deinde quoque notandum est eas Hypotheses esse meliores quæ sunt clariore. Iam verò mens humana nihil aliud imaginari potest, quam mentem (quando scilicet cogitat seipsam) spatium, materiam, motum, & quæ ex his inter se comparatis resultant, quidquid superaddideris, verba sunt tantum, quæ nominari & inter se variè combinari possunt, explicari & intelligi non possunt. Quis enim imaginari sibi potest Ens quod neque extensionis neque cogitationis sit particeps? quid opus igitur animas brutorum, plantarum incorporeas, formas Elementorum Metallorum substantiales extensionis & cognitionis expertes, ponere? Rectius Campanella in libro de sensu rerum & magia, & Marcus Marci in Ideis operatoribus, falsò quidem, congruenter tamen suis Hypothesibus formis istis substantialibus rerum inanimatarum sensum, scientiam, imaginationem, voluntatem tribuere. Nec abscondit Agrippa occulta Philosophia Angelum cuilibet rei à scribentis quasi obstetricatorem nec quæ Scaliger πῦρ ἀνθρώπου πλαστικὸν ejusque sapientia differuit. Ita rediit ad tot deunculos, quot formas substantiales, & Gentilem tandem polytheismum. Et cæteræ omnes qui de substantiis illis incorporalibus corporum loquuntur, non possunt mentem suam explicare nisi translatione à Mentibus sumpta. Hinc enim tributus illis appetitus vel instinctus ille naturalis ex quo & sequitur cognitio naturalis, hinc illud Axioma: Natura nihil facit frustra, omnis res fugit sui destructionem, natura appetit continuitatem, similia similibus gaudent; materia appetit formam nobiliorem; & alia id genus. Cum tamen revera in natura nulla sit sapientia, nullus appeti-



ius, Ordo vero pulcher, ex eo oriatur, quia est horologium Dei. Ex his patet hypotheses philosophia reformata Hypothesibus Scholasticis copravale-  
re, quod non superflua contra tamen clara sunt.

Restat ut subtiliore ratiocinio probetur, ne posse quidem alia Entia  
assumi in explicanda corporum natura, quam qua dixi: Id sic fiet: Corpus  
omnes id vocant, quod aliqua sensibili qualitate prae dictum est, porro ex sen-  
sibilibus qualitatibus pleraque corpori adimi possunt, ita ut tamen maneat  
corpus. Nam etsi aliquod corpus omni colore, odore, sapore careat tamen  
dicitur esse Corpus. Concedunt enim aerem v.g. esse corpus, etsi sit perspi-  
cuus, & careat saepe colore, odore, sapore; similiter aer est corpus, etiam  
quando caret sono. Rejiciantur igitur qualitates visibiles, audibiles, gu-  
stabiles, odorabiles, tanquam minime constitutiva natura corporis. Ad  
tactiles ergo res omnis rediit. Et quidem prima ille: Calor, humiditas,  
siccitas, frigus, singula abesse possunt, calor potest abesse ab aqua, humiditas à  
terra, siccitas ab aere, frigus ab igne, & tamen quodlibet horum potest esse  
corpus, Cetera qualitates tactiles v.g. glabrities, levitas, tenacitas &c. non  
esse natura corporis constitutiva etiam vulgè agnoscuntur, eo ipso quia se-  
cunda appellantur, & ita orta ex aliis qua potius sunt constitutiva, & pra-  
tere a quia nulla earum est, qua non abesse possit à corpore. Restat igitur  
indaganda aliqua qualitas sensibilis, qua omnibus & solis corporibus com-  
petat, & ex qua velut signo homines corpus à non corpore dignoscant. Ea  
nimirum est Crassities seu *artituntia* cum extensione sumta. Quidquid  
nimirum homines sentiunt extensum esse seu vident tantum (quamquam  
revera semper sit corpus & habeat *artituntia*, licet nobis insensibilem, per-  
ceptibilem tamen intellectu:) id non statim vocant corpus, putant enim non-  
nunquam esse meram speciem & *phantasma*. Quicquid verò non vident  
tantum, sed & tangunt, id est in quo *artituntia* reperiunt, id vocant corpus,  
quidquid vero *artituntia* caret, id negant esse corpus. In duobus igitur ho-  
mines tam sapientes quam Idiota naturam corporis collocant in extensione  
& *artituntia* simul sumtis, illam sumimus à visu, hanc à tactu, unde ex con-  
junctione utriusque sensus certificari de rebus solent, quod non sint phan-  
tasmatum. Extensum autem esse nihil aliud est quam esse in spatio;  
*artituntia* est, non posse cum alio esse in eodem spatio, sed alterutrum moveri  
aut quiescere debere. Ex his patet naturam Corporis constitui per

Extensionem & Antitypiam, cumque nihil sit in rebus sine causa, nihil etiam poni debet in Corporibus, cujus Causa reddi non possit ex primis eorum constitutivis. Iam causa ex iis reddi non potest, nisi per eorum definitiones. Nihil igitur ponendum est in Corporibus quod ex definitione Extensionis & Antitypia fluat. Fluunt autem tantum ex ea, Magnitudo, figura, situs, Numerus, mobilitas &c. (Motus ipse ex iis non fluit, unde nec corpora motum habent nisi ab incorporeis) Ex his jam patet omnium qualitatum & mutationum explicationem ex magnitudine, figura, motu &c. sumendam. Et calorem, colorem, &c. non nisi subtiles motus & figuras esse. Quod superest illud confirmari auctim: Atheis, Socinianis, Naturalistis, Scepticis, nunquam nisi constituta hac philosophia solidè occursum iri: quam ego profectò munus Dei credo senectæ mundi datum velut unicam tabulam, quæ se viri pii ac prudentes in incumbentiis nunc Atheismi naufragio servaturi sunt. Disserui hac de re in extemporanea quadam schedula, quam in suas manus delatam V. CL. Theoph. Spizelius nihil merentem licet, Epistola sua ad Clarissimum Reuserum de Atheismo eradicando nuper edita, velut pannum lacerum purpura assuit, hoc titulo: Confessio Naturæ contra Atheistas.

Quod superest, Vir Clarissime idèò de toto hoc negotio fusius ad Te differui, quod iudicem harum rerum & scientiorem & auiorem nullum haberem. Quando & omnes veterum recessus lustrasti, & recentiorum inventa, quando merentur, non aspernaris; atque illos illustrare, hos examinare, unus omnium optimè potes. Rectè enim iudicas, & si novæ sententiæ proferantur, earumque veritas evidentissime ostendatur, à receptis tamen publice vocibus vix unquam esse abeundum, quod si fecissent Scholastici, non laboraremus. Vale, patria decus, & tuæ præclare cogitata non absolve (pleraque enim & cæpta simul & perfectæ sunt rara ingenii felicitate,) sed ede.

Excerpta



*Excerpta ex Literis*

V. CL. JAC. THOMASII, MAGNI  
inter paucos horum studiorum per Germani-  
am Ornamenti ad EDITOREM.

**D**E *Marii Nizolii* libro *Te amo* : fac ut non illum tantum, sed & *præfationem* Tuam videamus, quæ quanto est futura prolixior, tanto plures nobis ab eximio ingenio tuo gazas spondebit. Excussi subito Bibliothecam meam, sed in ea parum deprehendi illorum quæ ad illam super *officiis Ciceronianis à Calcagnino* motam controversiam pertinet. Habeo tamen *Majoragii* *Reprehensionum* libros duos contra Nizolium impressos Mediolani 1549. in quarto, illos videlicet, qui Nizolio illos de vera ratione philosophandi expresserunt. Ex his porro Majoragii reprehensionibus, quæ mihi quidem, tametsi autor urbanum se potius haberi postulat, quàm mordacem, multo felle illitæ videtur, intelligo post Majoragium Ciceronis defensionem quoque à *Iacobo Grifolo* susceptam fuisse, locus est p. 215. 216. Et ecce Grifoli quoque has disputationes invenio. Adjunctæ sunt illæ Hieronymi Ferrarii Emendationibus in philippicas Ciceronis, editis Lugduni (Gallorum) Anno 1562, in octavo. Ac video illas ipsas quoque Calcagnini disquisitiones *αὐτοῦ* insertas esse: præfationem Majoragii in Decisiones suas, quibus Tullium à Calcagnini criminationibus liberat, habes ultimo loco inter præfationes Majoragii orationibus eius adiectas. Decisionum ipsarum mentio in orationibus eiusdem pag. m. 100. & in præfationibus pag. 616. 658. editionis Lipsienfis Anno 1628. Hæc ea sunt, quæ loculos excutiendi meos hac de controversia se obtulerunt. In eadem cum Nizolio sententia *Ra-*

*mum* eiusque affectas fuisse opinor. Certè quantum teneo memoria, malunt illi cum Cicerone, quam cum scholis loqui. Ego nec Technica scholarum, nec à vulgi usu repetita Ciceronis asperner, dummodo Lector, quid dicatur intelligat. Intelligi autem fortasse potest, æquè utrovis modo loquaris, dummodo prius assueverit, si non adsueverit, nec intelligi.

Sed nolo Tibi præjudicare.



ILLUSTRISS. ET EXCELLENTISS. FRA-  
TRIBUS FARNESIIS, ALEXANDRO S.R.E.

Cardinali digniss. & OCTAVIO Parmensium Placenti-  
norumque Duci Secundo, Dominis suis,

Marius Nizolius Brixellensis S.P.D.

**N**IL neque vobis Illustrissimi & Excellentissimi Fratres Farnesi, neque cuiquam alteri mirum videatur, si ego cum librum hunc meum, de veris principiis & vera ratione philosophandi contra Pseudophilosophos esse editurus, non uni cum tantummodo, ut plerique faciunt, nec mediocri cuiquam aut imperito homini, sed duobus atque etiam pluribus si fieri potuisset, iisque maximis doctissimisque viris commissendum commendandumque putavi. Non enim ad id agendum motus fui parva aliqua aut levi de causa, sed iustissima gravissimaque ratione: nam cum scriberem contra falsos Philosophos pro vera Philosophia, hoc est, contra multitudinem hominum non solum penè innumerabilem, sed etiam obstinatissimam atque in disputando invictam, non quidem veris rationibus & argumentis, sed magnis clamoribus & fallaciis, existimaui ad obsistendum tam numerosa tamque procaci turba, non unum tantum nec qualemcunque hominem, sed plures simul & eos eruditissimos potentissimosque principes, quales Vos estis, patronos mihi & defensores esse adoptandos, ut potè à quibus scripta nostra & propter singularem eruditionem facile intelligi, & propter summam potestatem fortiter defendi possent. Itaque Vos potissimum duos delegi ex omni numero non modo literatissimorum virorum, sed etiam maximorum Heroum, quibus meos hos labores ac vigilias, tot imperitorum atque invidorum homines calumniis obnoxias tanquam Numinibus & Diis quibusdam terrestribus dedicatas consecratasque esse volui: nihil neque timens neque dubitans, ne aut propter ignoracionem & inscientiam, res eas, quas tracto, intelligere non possetis, aut

h  
propter

propter imbecillitatem virium ad ea quae intelligeretis tuenda non essetis idonei. Quam ob rem Vos etiam atque etiam oro & obsecro Principes benignissimi atque optimi, quando iam à nobis vera Philosophia patroni estis constituti, ut pro solita humanitate ac benignitate vestra, ne recusetis, sed libenter suscipiatis patrocinium ac defensionem, primo Philosophia ipsius, quae à nobis in toto hoc libro calamus atque atramento defensa & à falsitate vindicata, nunc etiam à Vobis extra librum viva voce atque oratione defendi postulat: deinde meam ipsius, qui vestra praestantissima virtuti, illustrissimaeque domui, cum semper antea fui, tum nunc maxime sum addictissimus, deditissimusque, postea quam accersitus in hanc urbem vestram publice magno cum honore ac premio literas gracas & latinas docere, & sub iustissimo imperio clementissimaeque ditione vestra felix vivere capti. Postremo etiam libri huius mei Vobis consecrati, qui natus & editus est sub fortissimo & validissimo Farnesiorum imperio, & eo potissimum tempore, cum hac fidelissima & devotissima urbs vestra Parma à Pontificiis & Caesareis exercitibus gravissime obsidebatur. Nam dum vos quotidie extra muros & portas urbis acerrime ac strenuissime pugnando, hostes vestros à manibus urbis vestrae procul arcebatis, ego interea intra urbem & in cubiculo aliud quasi bellum gerebam contra Pseudophilosophos, & eos non segnitè, ut opinor, nec iniuste deiciebam de possessione Philosophia ac sapientia, quam per annos, ut arbitror, plus mille & sexcentos iniquissime occupati tenuerant. Quae quidem in re quantum laboris exhauserim, & quantum vigiliarum sustinuerim, non facile verbis possem explicare sed tamen Diis benefaeventibus, non frustra, ut spero, laboravi. Nam quemadmodum vos tandem aliquando liberata urbe vestra, simul & de hostibus vestris gloriosam retulistis victoriam, & Parmenses vestros divino quodam affectu beneficio, sic ego quoque vindicata à Pseudophilosophorum quasi tyrannide Philosophia, simul & non ignobile, ut puto, facinus secisse, & de sapientia studiosis non pessime, ut spero, meritis existimabor. Quod si hac omnia quae diximus, vobis ac fidei vestrae commissa, hoc est, & Philosophiam, quae vestram implorat opem, & nos ipsos vobis addictissimos deditissimosque, & librum nostrum, vel potius jam vestrum, quia vobis consecratus est, tueri ac defendere non recusabitis: & si praeterea quandoque cum per gravissimas occupationes vestras vobis licebit, non gravabimini paulisper attente legere

disputa-

disputationes has nostras pro vera Philosophia contra Pseudophilosophos, atque ita legendis scriptis nostris Philosophia operam dare, & quasi nobiscum una philosophari, non quidem paucis, ut Neoptolemus ille apud Ennium inquit, sed potius ut Platoni placet, multis. Si inquam hac omnia studiosè facietis, ut certe facietis, scitote vos ex eis has omnes sive laudes, sive utilitates, sive voluptates consecuturos. Ex defensione veritatis a falsitate, ut quemadmodum nunc ab omnibus jure pradicamini, tanquam & hostium vestrorum ultores, & civitatum obsessarum liberatores, sic etiam impostorum tanquam & falsitatis pseudophilosophica oppugnatores, & vera Philosophia veraque sapientia assertores merito celebremini. Ex lætitudine scriptorum nostrorum ut perdiscatis quibus rationibus & argumentis ea omnia quæ fidei vestra commissa sunt tueri, ac defendere possitis, atque omnino quomodo respondendum sit omnibus, qui veram Philosophiam vobis presentibus atque audientibus oppugnare audebunt. Ex utroque vero, hoc est, tam ex defendenda veritate, quam ex philosophando multis ut dixi, ut quod aliis multis & præclaris actionibus vestris jam antea sæpe numero declarastis, id etiam hac in re confirmetis esse verissimum, nempe ut rectè scribit Plato in libris de Republica, Beatas tum fore Respublicas, cum aut Philosophi regnarent, aut Reges philosopharentur. Est enim vere beata nunc & felix hac civitas vestra Parma, quod vos tam sapientes, tam benignos, tam clementes, tam justos, tam denique omni virtute pradios sortita est Principes & dominos, vel ut rectius loquar, parentes ac patronos. Qui non metu, non avaritia, non crudelitate, non iniuriis, sed benevolentia, liberalitate, clementia, justitia populos vobis subiectos regere ac gubernare didicistis. Et vos vicissim fortunatissimos felicissimosque Principes, quibus contigit subiectam vobis habere Civitatem tam vestri amantissimam, tam fidelissimam, tam devotissimam, & planè tam vobiscum omnibus officiis ac studiis certantem, ut valde dubium sit, vosne feliciores sitis, qui talem gubernetis civitatem, an illa fortunatior, quæ a talibus Principibus regatur.



## NIZOLIUS AD LECTORES CONTRA MAJORAGIUM.

**Q**Uæcunque à M. Antonio Majoragio in totis duobus suis libellis benè loquacibus & longis, quos usq; in hunc diem in me edidit, fuere scripta aut alio quovismodo dicta, Lectores veritatis amantissimi, iis ego nunc omnibus partim ad vitam & mores, partim ad doctrinam & eruditionem pertinentibus, his duabus & brevibus paginis respondere constitui. Non enim libet mihi adversus hominem omnium, qui aut nunc sunt aut unquam fuerunt, maledicentissimum scribenti, totidem verbis, convitia, & maledicta retorquere, ne quod vulgo dici solet, maximum & pestilentissimum contra me scorpionem & crabronem excitans, negorium mihi ipse faciam, & nullam unquam nec contendendi nec altercandi finem reperiarn. Ergo quæ Majoragius de Grammatica, de Dialectica, de Rhetorica, de Philosophia, & de aliis quibuscunq; rebus ad doctrinam & eruditionem pertinentibus contra me scripsit, his omnibus, ne singula recensere cogar, semel respondeo, ut dictum disputatum probatumque est à nobis in quatuor hisce voluminibus de veris principijs & vera ratione philosophandi. Quibus si quando aut Majoragius ipse, qui licet de magnis & obscuris Philosophiæ rebus loqui conetur, tamen vere est <sup>stupidus</sup>, & tantum scit de Philosophia, quantum asinus de Musica, vel Octavianus Ferrarius, qui Majoragio de Philosophia scribenti omnia suppeditat, & tanquam non infanti, sed viro vere edentulo quasi præmansum in os cibum inserit, aut alius quispiam è maximo Phseudophilosophorum numero recte unquam poterit respondere, & defendere secundas substantias, secundas intentiones, genera, & species dialecticas, universalia realia, prædicabilia, univoca, æquivoca, abstractiones, demonstrationes, scientias, sapientias, & denique Dialecticam Metaphysicamque ipsam, cæteraque huiusmodi



modi Dialecticorum & Metaphysicorum barbara & monstro-  
sa figmenta , à nobis in toto opere refutata & explosa ? si  
quis inquam unquam hæc omnia aut aliquod unum horum re-  
dè poterit defendere , nihil causæ dicimus neque recusamus , quin  
illi & sint & habeantur quamlibet Dialectici , magni Metaphysici , ma-  
gni Philosophi , magni docti , magni sapientes. Nos vero contra & si-  
mus & prædicemur ab omnibus planè imperiti & ignari non solum  
Dialecticæ , Metaphysicæ & Philosophiæ , sed etiam Grammaticæ ,  
omnium bonarum artium & scientiarum , & denique prorsus *ἀμαθῆς*  
*ἀροφῶς*. Atq; hæc omnia nos & Majoragio & Ferrario & aliis omnibus  
Pseudophilosophis , qui contra nostram qualemcunq; doctrinam &  
eruditionem aliquid secus aut locuti sunt aut loquuntur , breviter re-  
sponsa volum9. Quæ vero idè Majoragius non solū calamis & chartis  
venenatissimis , sed etiā putrido & fœtenti illo ore suo contra vitā &  
môres nostros usq; in hunc diē deblateravit & deblaterat , iis quoque  
nihil aliud respondeo , nisi quantū in nostris utriusq; libellis scriptum  
est. Ex eis enim rāquā ex certissimis & locupletissimis testibus non so-  
lū de doctrina sed etiam de morib9 nostris iudicium fieri volo : & præ-  
terea ex eo , quod ille prior nulla dum à me laceffit in iniuria , sed tan-  
tum ut amicus ab amico , junior à seniore admonitus de quibusdam  
erratis suis , statim nulla nec amicitia nec ætatis ratione habita con-  
tra me scripsit Apologiam quandam omnibus convitiis & maledictis  
refertam. Ex iis inquam rursus volo iudicari de vita & moribus utri-  
usque nostrum , & qui prior alterum verè læserit , is omnium , quæ in-  
ter nos orta sunt , odiorum ac simultatum culpam sustineat. Quod  
autè & ille & alii quidam magni Pseudophilosophi clamitant & tan-  
tum non vociferantur magnum quoddam & inauditum scelus à no-  
bis admitti , quod Philosophiam ab Aristotele propè duobus ante  
millibus annorum bene constitutam & fundatam & à tot tantisque  
viris doctissimis per tot secula receptam & approbatam , nunc de-  
mum homunculi ignobiles ac obscuri , ac ne matellam quidem illis  
porrigere digni , in dubium revocare , perturbare , pervertere audea-  
mus , nec pertimescamus reprehendere Platonem , Aristotelem , Ca-  
lenum , Porphyrium , omnes interpretes Aristotelis Græcos , La-



tinios, Arabas & totam penè antiquitatem : Idque rationibus, ut ipsi per contemptum appellant, grammaticalibus, rhetoricalibus, vulgaribus & vanis, & denique quod indignissimum arbitrantur, sine ullo pudore aut reverentia antiquitatis: his quoque omnibus breviter respondeo, Philosophiam ab Aristotele fundatam super generibus & speciebus dialecticis, & secundis substantiis & universalibus rebus, quæ omnia à nobis in toto hoc opere nostro falsa fuerunt demonstrata, non posse non esse falsam. Et qui Philosophiâ Arist. defendere voluerit, non pessimè esse fundatâ, eum ante omnia necesse habiturû defendere universalia realia, quibus non stantibus, nihil eorum, quæ supra diximus, stare potest. Multitudo vero eorum qui istam Philosophiam per tot secula receperunt & approbaverunt, non ullû veritatis philosophiæ argumentum est, sed multitudinis imperitorum & diuturnitatis imperitiæ eorum. Oportet enim non philosophiam ex hominum multitudine & diuturnitate, sed hominum multitudinem & diuturnitatem ex philosophiæ veritate æstimari ac judicari. De rationibus autem nostris & de antiquis viris, & de reverentia in illis reprehendendis servanda, breviter quoque hoc respondeo, si antiqui illi tanquam falsissima & absurdissima dicentes, recte à nobis fuerunt repressi, & si rationes nostræ ita ut sunt Grammaticales, Rhetoricales, vulgares & vanæ multo sunt meliores & firmiores quàm logicales, Metaphysicales, monstroas & barbaras, nullo pacto nos, quamvis humiles & abjectos, ob antiquorum reprehensionem, etiam quamlibet inverecundiusculam esse vituperandos.

## INDEX CAPITUM TOTIUS OPERIS. PRIMI LIBRI.

Cap. 1. *Summatim quanam sint principia generalia veritatis investiganda, relique philosophandi.*

2. *Item in summa quanam sint principia generalia Pseudophilosophorum, & perverse philosophandi.*

3. *De generali omnium nominum divisione in substantiva, adjectiva, propria & appellativa, deq; eorum proprietatibus & differentiis, nunquam satis usque in hunc diem ab ulla traditis aut cognitis, contra Pseudophilosophos.*

4. *De nominibus propriis & appellativis, tam collectivis quàm simplicibus & non collectivis, ac de eorum proprietatibus & differentiis, contra Philosophastros.*

5. *De*

5. De nominibus substantiis & adiectiuis, & de eorum proprietatibus ac differentiis, contra Pseudophilosophos.

6. De generali omnis rerum divisione oratoria vera, & de illa Pseudophilosophorum falsa, simulque de voce universi & universalis, & in summa de falsitate Universalium realium, ut vocant.

7. Universalia realia nec propter scientias artesque tradendas, nec propter syllogismos & ceteras argumentationes formandas, nec propter predicationes superiorum de inferioribus faciendas, necessario esse ponenda: contra Pseudophilosophos.

8. Universalia realia vere in rerum natura esse non posse, & propterea non esse, ut rectissime dicunt Nominales: contra stultam illam Realium opinionem de Universalibus realibus, quorum rationes omnes plusquam inanes labefactantur.

9. Universalia realia etiam si vera esse concedantur, tamen non fuisse facienda quinque numero, sed vel unum tantum, hoc est, genus, vel plura quam quinque hoc est, septem vel octo, adiecto communi, simili, contrario, atque substantia: & simul de falsa universalium sufficiens, quam vocant.

10. De totis, & eorum divisionibus, compositionibusque vere, contra falsissimam Dialecticorum de his omnibus doctrinam.

## SECUNDI LIBRI.

Cap. 1. De vere philosophico & oratorio genere, & de vera eius definitione: contra falsum genus dialecticum, & falsam eius definitionem.

2. De vera specie oratoria & vera eius definitione, contra falsam speciem dialecticam & falsam illius definitionem.

3. De vera differentia & vero proprio philosophici & oratoris & simul de eisdem Adversariorum vel falsis vel inutilibus.

4. De accidente vero quidem sed inconstanter definito, & simul pauca quadam de falsis universalibus, & eorum vanis quæstionibus in universum.

5. De præceptis videndi & definiendi oratoris veris, & Dialecticis falsis.

6. De homonymis & synonymis Grammaticorum veris quid vere sint, & quis verus eorum usus, contra stulta illa equivoca & analogia Dialecticorum. (falsis.)

7. De denominatiuis & reliquis capitibus Antepredicamentorum, vel supervacaneis vel

8. Esse tantummodo unum & summum & verum & generalissimum genus oratorium, quod est, genus verum sex autem illarum ascendentia Dialecticorum, & decem prædicamenta Aristotelis, & tria Laurentii Valla esse falsa.

9. Quam ob rem causam Aristoteles categorias sive prædicamenta decem ponenda existimaverit, & quam non recte tria tantum Valla statuerit, & simul quo pacto nos arbitorem genericam à Porphyriana longe diversam, faciendam arbitramur.

10. Genus rerum vere in duas tantum species dividi, in substantias & qualitates, & omnia alia accidentium dialecticorum prædicamenta sub qualitate generalis tanquam veras eius species vere contineri.

11. De qualitate generali & omnibus eius tam comparate quam absolute speciebus, præsertimque de qualitate speciali, quantum differant à speciebus accidentium dialecticorum, & singulatum quaratio & causa diverſitatis.

### TERTII LIBRI.

Cap. 1. De nominibus scientiæ & artium quid apud Latinos communiter ac proprie ſignificent, & quos modis utrumque eorum accipitur, & deniq; quibus differentiis artes & ſcientiæ inter ſe diſtinguantur, contra falſas ſcientiæ & artes Pſeudophilophorum.

2. Quæ & quot ſint ea, quæ requiruntur in ſcientiis & artibus, ex quibus pendet ac ſit omnis eorum diviſio, definitio & diſtinctio, contra falſam de eodem rebus Pſeudophilophorum doctrinam. (falſa.

3. De generali ſcientiarum & artium diviſione noſtra vera, & Pſeudophilophorum

4. De erratici Peripateticorum in generali Philoſophia diviſione admiſſis.

5. Dialecticam inter ſcientiæ & artes nec ut univerſalem nec ut particularem ulum omnino locum habere poſſe, ſed tanquam non modo falſam ſed etſam inutilem & ſuper vacuum ex omni artium & ſcientiarum numero eiciendam.

6. Metaphyſicam inter ſcientiæ & artes nec ut univerſalem nec ut particularem ulum omnino locum habere poſſe, ſed tanquam partim falſam, partim inutilem, partim ſuper vacuum ab omni artium & ſcientiarum numero removendam.

7. De comprehenſione univerſorum ſingularium vere philoſophica & oratoria, & ſimul de abſtractiſſimæ univerſaliſſimæ Pſeudophilophiæ & barbaræ contra falſam Ariſtoteſis doctrinam falſo dicentis, abſtrahentium non eſſe mendacium.

8. Oratoriæ eſſe facultatem vere generalem, & Grammaticam ſub ſe primo, deinde reliquas omnes artes & ſcientiæ vere continentem, tum partes ejus majores breviter exponuntur omnes, & eidem, quæ à Pſeudophilophis inique fuerunt ablata, reſtituuntur.

9. De diviſionibus nominis & verbi & orationis Grammaticorum veris, & Pſeudophilophorum falſis, & de aliis, quæ ab Ariſtotele falſo vel inutiliter in libro Περὶ ἰπινναίας traduntur.

### QUARTI LIBRI.

Cap. 1. De utilibus & veris argumentis, deque utili & vero eorum ſam tradendorum, quam uſurpandorum modo, contra partim falſam partim inutilem ipſorum doctrinam ab Ariſtotele traditam in libro Topicorum.

2. De utilibus & veris argumentationibus, deque utili & vero earum uſu, contra inutilem & vanam Ariſtoteſis de eodem rebus doctrinam traditam in libris Analyticorum.

3. De falſa demonſtratione & falſa ſcientia & falſa ſapientia Pſeudophilophorum & ſimul de inutili falſoque Poſterorum Analyticorum libro.

4. De poſitiſſimæ Elenchis ab Ariſtotele in Rhetoricam non recte introductis, & de libro ſophiſticorum Elenchorum quid ſentiendum.

5. De vanitate eorum, quæ à recentioribus Dialecticis appellantur Parva Logica.

6. Libros qui hodie ſub Ariſt. nomina leguntur plerique non vero eſſe Ariſtotelicos ſed ſubdiſſiſſis & adulterinis, contra communem Pſeudophilophorum opinionem.

7. De Platone, Ariſtotele, Galeno, Porphyrio, & de omnibus Ariſtoteſis Interpretibus Græci, Latini, & Arabibus breviter quid ſentiendum rectè philoſophaturis.

8. De ratione philoſophandi, & de corrigendi inſtaurandi; Philoſophiæ ſtudio, quæ nunc maximè ex parte perverſa & corrupta ſunt.

# MARII NIZOLII BRIXELLENSIS.

De veris Principiis, & vera ratione Philosophandi,  
contra Pseudophilosophos, & simul de falsis eorum  
principiis.

## LIBER PRIMUS.

### PROOEMIUM.



QUONIAM principium est, ut recte inquit Cajus Ju-  
risconsultus, cujusque rei potissima pars, ut autem Pla-  
to scribit, & vetus proverbium confirmat, dimidium  
totius: neque solum dimidium, sed etiam plus dimi-  
dio, ut testatur Aristoteles: atque adeo quoque, ut  
quidam affirmare non dubitaverunt, ipsum solidum  
totum. Idcirco cum in omnibus aliis rebus agendis,  
tum maxime in philosophando & veritate rerum inve-  
stiganda, diligentissime considerandum est, quæ & qualia principia statuan-  
tur: principis enim quasi fundamentis quibusdam recte constitutis cætera  
omnia, quæ superstruuntur, firma permanere & perpetuo durare possunt.  
Contra vero si principia non recte statuas, quicquid superponitur, tanquam  
ædificium male fundatum deficientibus aliquando fundamentis, in terram  
concidat necesse est. Id quod cum ex aliis quamplurimis rebus, quæ quo-  
tidie accidunt, verum esse licet intelligere, tum maxime ex iis, quæ tradita  
fuerunt à Pseudophilosophis, hoc est, à Dialecticis sive Logicis & Metaphy-  
sicis, ut vocant, cæterisque Philosophastris: quorum principia usque adeo  
falsa sunt & inania, & super eis tanta moles errorum congesta, ut neque  
hæc neque illa amplius jam stare possint: & quod tandiu steterunt tot jam  
præteritis seculis, id ipsis contigerit, non sua ipsorum firmitate & stabilita-  
te, sed partim temporum ruditate, partim hominum ignorantia: qui quæ à  
quibusdam antiquis & Græcis Scriptoribus, ne dicam rugatoribus, inve-  
nerunt tradita & literis consignata, ea omniaprofus temere & sine ulla con-  
sideratione receperunt, receptaque approbaverunt: perinde ac si essent  
A oracula

oracula quædam delphica, aut arcana divinitus revelata, quæ nullo pacto falsa esse possent. Neque hoc contenti fuerunt, sed etiam, si diis placet, imposuerunt illis nomen partim organi & instrumenti, partim artis & scientiæ: existimantes inter alia plusquam falsissima, neminem ad perfectam veritatis cognitionem ullo pacto pervenire posse, nisi qui primo per Dialecticam sive Logicam Aristotelis, tanquam per januam ingrediens: deinde per Physicam & Metaphysicam ejusdem quasi per scalas ascendens, tandem quandoque ad supremum evaderet sapientiæ fastigium. Quæ omnia nos in toto hoc opere usque adeo falsa & à veritate aliena esse sumus offensuri, ut contra potius, qui per omnia in veritate investiganda, sequatur præcepta Pseudophilosophorum, & Aristoteli soli ejusque doctrinæ in philosophando sit addictus, is nunquam nec recte philosophari, nec perfecte veritatem invenire possit. Id quod ego & longa jam librorum Aristotelis lectione, & diuturna cum Philosophastris disputatione doctus, pro certo comperi, nullam aliam ob causam evenire, nisi propter falsitatem & vanitatem principiorum scientiæ illius. Nec mirum, quis enim falsitate duce ad veritatem perveniat? Sed de falsitate eorum, quæ super istis principiis tanquam super fundamentis fuerunt extructa, & multo quam principia ipsa, magis falsa magisque absurda sunt, postea disputaturi sumus aliquando, si vita longior suppetet, & ea omnia validissimis argumentis rationibusque everfuri. Nunc miserati conditionem ac sortem infelicitum Adolescentum; qui falsâ opinione decepti, in perversissima illa studiorum Philosophicorum institutione, non modo tantum pecuniarum, tantum laborum, tantum vigiliarum, sed quod etiâ peius est, potiore ætatis partem & meliores annos in perdiscendis Dialecticorum & Metaphysicorum nugis inaniter consumunt: decrevimus quàm verissime & quàm brevissime poterimus de veris simul & falsis Philosophiæ principiis scribere: & insinuat etiam aliquid de vera philosophandi ratione, deque corrigendis & instaurandis Philosophiæ studiis addere, & in hac parte studiosis Philosophiæ candidatis, quantum facultas nostra tulerit, prodesse. Sed quoniam principia non modo Dialecticorum, sed etiam Metaphysicorum, quæ Dialecticis sunt quàm simillima, quàmvis falsissima, tamen propter errorem humanum tot jam seculis confirmatum, non solum ab ipsismet Dialecticis & Metaphysicis, sed etiam, ut video, penè ac omnibus putantur esse ita vera firmaque, ut contra ea dicere ac disputare omnino fas non sit: idcirco existimavi necessario mihi faciendum esse, ut inter confirmationem nostrorum, simul etiam occurreremus dictum illud, quod à Dialecticis & cæteris Pseudophilosophis, identidem usurpari solet, contra negantes principia non esse



esse disputandum: non de principiis illorum, sed de principiis veritatis esse intelligendum. Principia enim Pseudophilosophorum maxima ex parte principis veritatis sunt contraria, & cum eis ex diametro, ut dicitur, tanquam ignis cum aqua pugnat. Quod ut statim verum esse apparere incipiat, in primis duobus Capitibus generaliter & summatim exponamus principia utriusque partis, hoc est, quænam sint principia veritatis, & quæ Pseudophilosophorum: ut antequam docere ac disputare aggrediamur, omnes intelligant, & quibus quasi armis Adversarios nostros oppugnaturi, & quænam illorum principia potissimum everfuri sumus. Deinde in sequentibus capitibus quasi ab alio quodam principio orsi, rursus utraque particulatim & singulatim proponentes, & propositis rationes argumentaque subicientes, simul & nostra vera, & illa Adversariorum falsa esse demonstrabimus. Per ea autem quæ nostra dicimus potissimum intelligimus ea, quæ in Grammatica & Rhetorica traduntur, quæ demonstraturi sumus non solum esse vera, sed etiam utilia & necessaria, & ad has ipsas, in quibus traduntur, artes pertinentia: per illa vero Adversariorum præcipue intelligi volumus Dialecticam & Metaphysicam, in quarum utraq; quæ continentur, maxima ex parte probare intendimus esse aut falsa, aut si non falsa, sed vera sint, tamen non utilia, sed inutilia: & si etiam utilia concedantur, tamen non necessaria, sed supervacua: & si postremo quoque necessaria condonentur, tamen talia, quæ nec ad Dialecticam, nec ad Metaphysicam, sed aut ad Grammaticam, aut ad Rhetoricam, aut ad aliam quampiam artem, cuius propria sint, pertinere convincantur. Postremo vero quoniam plerique adduci non possunt, ut credant, Porphyrium, & ante Porphyrium Aristotelem, & unâ cum Aristotele tot Interpretes Græcos, Latinos, & Arabas tantopere in constituendis Dialecticæ & Metaphysicæ principiis errasse: Idcirco in ultima parte operis etiam videbimus, his omnibus eorumque libris ac scriptis, quantum fidei atque authoritatis sit tribuendum. Nam cum in superioribus partibus detecta fuerint, & demonstrata tot ac tam foedissima, non modo Interpretum, sed etiam Aristotelis ipsius errata, nemo opinor tam erit cæcus ut non videat, tam obstinatus ut non fateatur, tantam doctrinæ falsitatem, nulla alia ex causa natam, nisi ex falsitate principiorum illius: & tantum fidei tantumque authoritatis, tam falsæ tamque mendacis disciplinæ Authoribus, non nisi ab imperitissimis, & immeritissimo fuisse tributum. Quæ omnia nisi quem admodum nunc dico, sic etiam in sequentibus vera esse probabo, hoc est, nisi primum ostendam longe veriorem ac justioremi mihi causâ dicendi ac disputandi contra Dialecticos, Metaphysicos, cæterosque Pseudophilosophos fuisse, quàm Joanni Pico Miradulæ cõponendi duodecim illa adversus

Astrologos divinatores præclara volumina, evertendiq; totam Astrologiam vaticinatoriam: quâ nihil neque magis falsum, neq; magis vanum excogitari potest, præter magnam quandam Dialecticæ & Metaphysicæ partem. Et nisi patefaciam quicumque de hoc Aristotele, quem nunc habemus, & de magna librorum illius parte, ab hinc mille annorum & amplius iudicium fecerunt, & cum tot actantis laudibus sine ulla exceptione in cælum tulerunt: omnes prorsus defecisse recto iudicio, & fuisse homines parum eruditos, ne dicam rudes & indoctos. Et postremo nisi omnibus modo non prorsus imperitis & omni ratione carentibus constare faciam, propter dialecticas & metaphysicas traditiones, magna ex parte supra quam dici potest. monstruose falsas, & plusquam temere creditas, in plerisq; Philosophastriis usq; adeo perversum ac penè corruptum fuisse totum naturalem hominis sensum: ut nihil omnino posse recte sentire potuisse, & omni prorsus humano iudicio caruisse videatur. Nisi inquam hæc omnia, quæ dixi, luce clarius vera esse probavero ijs, qui cupiunt & possunt intelligere veritatem, nihil causæ dico neq; recuso, quin me omnes docti, & qui nunc sunt, & qui post hæc futuri sunt: atq; adeo quæ omnis posteritas penitus insanuisse, & omni prorsus sensu ac iudicio captum fuisse dicat. Sed jam omisso longiore proœmio, incipiemus ostendere ac persolvere, quæ polliciti sumus, & à principiis nostris, ut propositum est. ordiemur. Si prius tamen oraverimus Lectores, ut nobis ignoscant, nec vitio verentur, si quando inter refutandum barbaros, barbaris aut parum latinis vocabulis utemur, qualia sunt exempli gratia, ens, essentia, effentialis, entitas, quiditas, accidentalis, potentialis, potentialitas, prædicare, prædicatum, prædicamentum, prædicamentalis, univocum, æquivocum, univocū univocans, univocum univocatum, æquivocum æquivocans, æquivocum æquivocatum, realis, substantialis, intentionalis, principale, principaliter, secundario, Metaphysica, metaphysicalis, Logica, logicalis, mentalis, fermocinalis, orationalis, logice, metaphysice, realiter, intentionaliter, consequenter, infinitare, universalizare, & alia quam plurima huiusmodi plusquam barbara, à Pseudophilosophis prorsus inaniter inventa, & temere in Philosophiam introducta. Sicq; omnes, qui hæc nostra lectioni sunt, oramus, ne offendantur interdum legentes ista & alia similia vocabula, cum ad refutandum barbaros, necesse sit barbaris interdum verbis uti, & cum balbis, ut dicitur, balbe loqui: quo melius clariusque & ipsi nos intelligant, & nos cum ab ipsis, tum etiam ab alijs facilius intelligi valeamus, aliter enim refutari non possunt.



## CAPUT PRIMUM.

*Summatim quanam sint principia generalia veritatis investiganda, recteque philosophandi.*

**P** Rincipia generalia veritatis investigandæ recteque philosophandi, hoc quidem tempore atque in his regionibus, in summa, ut nos arbitramur, cum multa alia sunt, quæ prætermittimus, quia sunt leviora: tum hæc in primis, quæ nunc exponere incipiemus, si prius breviter admonuerimus Lectores, per principia veritatis nihil aliud à nobis intelligi, nisi præcepta quædam, sive dogmata, sive documenta, sive monita, sive quomodocumque aliter appellare placet, ad recte philosophandum veritatemque investigandam pertinentia, & plane contraria illis, quæ à Pseudophilosophis intelliguntur, cum identidem inter disputandum clamitant, contra negantes principia non esse disputandum: hoc est, ut ipsi dicere volunt, contra negantes principia Aristotelis & sua ipsorum, exempli gratia. Illi ad discernendū omnibus in rebus verum à falso, & ad omnem artem scientiamque percipiendam, & omnino ad perfectam philosophiam perfectamque sapientiam consequendam, putant in primis necessariam esse Dialecticam, deinde Metaphysicam, postremo totam Aristotelis doctrinam, eam quæ nunc in libris Aristoteli inscriptis legitur, & in publicis privatisque Gymnasiis fere ubique traditur. Hæc inquam omnia illi percussere & credere & maxime persuasa habere, putant esse primū & generalissimum recte philosophandi fundamentum. At nos contra nō modo negamus hæc omnia esse vera, sed insuper etiā illud addimus: ad faciendā ea omnia, quæ illi dicunt, magis damnosæ & noxias esse Dialecticam & Metaphysicam, quàm utiles & necessarias, ut infra probaturi sumus. Quod autem pertinet ad totam doctrinam Aristotelis, plane dicimus & affirmamus prope totum contrarium ejus, quod scribit Abenithois Arabs in præfatione super libris Physicorum Aristotelis: ille enim eo in loco asserit & affirmat, in scriptis Aristotelicis, per annos mille & quingentos, nullū unquam errorem alicujus momenti fuisse inventum, ex quo putat illum digniorem esse qui divinus quæ qui humanus appelletur. Nos vero contra ex altera parte, tametsi non diffitemur quamplurima ab Aristotele, & vera & præclara monumentis literarum fuisse prodita, ut in Ethicis, Politicis, Oeconomicis, in libris de Animalibus, in Rhetoricis, atque etiam in multis rerum naturalium libris: tamen affirmamus & contendimus non multo pauciora vel falsa, vel inutilia, vel etiam ridi-

cula ab eodem scripta reperiri, ut in maiori parte librorum Naturalium, ac pene in totis Dialecticis, & non paucissimis Metaphysicis: ut quod à quibusdam quasi tritum jam vetustate proverbium dici solet, id de Aristotele & ejus scriptis jure optimo dici posse videatur, Ubi bene nihil melius, ubi male nihil pejus. Atq; ideo inter cetera, de quibus admonituri sumus recte philosophari cupientes, hoc quoque vel in primis monitum esse volumus, Aristotelis scripta quidem frequenter legenda esse atq; versanda, sed cum diligenti consideratione atque judicio, ne non tam pro sint legentibus, quæ vere ab illo prodita sunt, quam quæ idem falsa scripsit, temere credita atque approbata ob sint. Sed nihil eorum, quæ hucusq; diximus, aut posthac dicemus in toto hoc opere credi nobis volumus, nisi ea validissimis ac certissimis rationibus argumētisq; infra probaverimus esse vera. Ergo his præmonitis, ut ad propositum nostrum redeamus, *primum generale principium veritatis vellegue philosophandi*, ut

(Hæc omnia sunt loquendi præcipia, quæ sentendi principia.)

nos putamus, *est cognitio atque notitia linguarum græcæ & latine*, in quibus tradita & scripta sunt: cum omnia alia fere, quæ sunt scitu cognituque dignissima: tum maxime ea quæ ad Philosophiæ disciplinam pertinent, præsertim Aristotelicæ. His enim duabus linguis, vel prorsus ignoratis, vel non recte perceptis, nemo quisquam hoc tempore recte philosophari, aut de maiore ulla re judicium ferre potest: nam cum pene omnes nunc & in publicis gymnasiis, & ubique sequantur Philosophiam Aristotelis græcam, & eam non græco, sed latino sermone utentes communiter exerceant; necesse est, quicumque has linguas vel prorsus ignoret vel certe non bene didicerit, eundem nec scripta Aristotelis græca perfecte intelligere, nec si intelligeret, latinis propriisque verbis recte loqui posse. Atque hanc ob causam supra in principio capituli hujus addidi, huc quidem tempore atque in his regionibus. Nam in Græcia quondam non ita erat opus admonitione hujus principii, & aliorum quorundam sequentium, cum omnes vulgo græcæ loquerentur, & Philosophiæ studia non ita essent corrupta. Nec est quod quisquam speret translationibus Græcorum authorum legendis, & qualicumque latino utendo, se principii hujus necessitatem vitaturum: nam quod ad translationes attinet, hæ sunt partim ita scædæ & incultæ, ut ab homine docto non sine magna nausea atque fastidio legi queant: quales sunt vetustiores illæ; partim magis latinæ quidem & cultæ, sed tamen tales, ut quamplurimis in locis sententiam Aristotelis non plene interpretentur: ut illæ Argyropyli Byzantii, & Petri Alcyonii: Propterea quod inscriptis græcis plurima sunt, quæ nequaquam sequuntur veritate ex græco in latinum, aut aliam quamvis linguam, ut articuli Græcorum, quibus caret sermo latinus, & multæ aliæ voces, quarum significationes & potestates perfecte trans-

transferri posse non videntur. Quod autem dixi, non qualicumque sermone latino utendo, hoc significare volui, non quamvis improprio, corrupto, & barbaro, qualis est ille, quo usi sunt pene omnes Aristotelis Interpretes tam Latini, ut Albertus, Thomas, Scotus, quam Arabes, ut Abemhois, & Avicenna, & alii complures, eo modo quo apud nos leguntur translati: qui omnes non solummodo Græcam linguam prorsus ignoraverunt, sed etiam sua, hoc est, Latina & Arabica vix videntur fuisse tincti. Hos enim omnes si quis aut perfecte Aristotelem intelligere, aut proprie latine loqui, aut omnino recte philosophari potuisse arbitratur, is vehementer dissentit à nobis: & quantum decipiat, ex innumerabilibus eorum erratis, quæ in toto hoc opere deteguntur, liquido apparebit. Quare principium hoc, quod ad cognitionem linguarum græcæ & latinæ pertinet, ad recte philosophandum ante omnia nobis videtur esse necessarium. *Secundum principium veritatis est, scientia præceptorum & documentorum, quæ in Grammaticis & Rhetoricis traduntur, sine quibus omnis doctrina prorsus est indocta, & omnis eruditio inerudita. Horum enim ignoratio & inscitia, non solum Dialectici & Metaphysici, sed etiam Philosophi summi, tanquam cæci sine duce iter facientes, quotidie & passim turpissime offendunt, & maxima reconditissimaque Philosophiæ arcana protelli, in primis & quàm levissimis Grammaticæ & Rhetoricæ rudimentis plusquam pueriliter labuntur: ut in toto hoc opere monstraturi sumus, passim docentes & probantes Grammaticas & Rhetoricas præceptiones ac traditiones, esse multo veriores Dialecticis & Metaphysicis: & omnino ad veritatem investigandam, recteque philosophandum, longe utiliorem magisque necessariam Grammaticæ & Rhetoricæ cognitionem, quàm Dialecticæ & Metaphysicæ. Cujus contrarium hætenus nescio qua humani ingenii perveritate, ne dicam stoliditate, existimatum fuit pene ab omnibus certatim approbantibus & admirantibus ea, quæ non intelligebant. Atque ut omnes intelligant hoc quod dico, non sine maximo argumento à me dici, & vero, ut dicitur, verius esse: jam hinc profiteor me disputaturum contra Dialecticos & Metaphysicos, & reliquos omnes Philosophastros, nullis aliis præceptis neque loquendi, neque dividendi, neque definiendi, neque argumentandi instructum ac munitum, nisi iis, quæ partim à Grammaticis & Rhetoricis didici, partim per me ipsum & probatis authoribus legendis animadverti.*

(Hic excessu peccat, nihil enim arti obest error artificis.)

Atque his tanquam armis non ullis aliis, pene totam Dialecticam, & non parvam etiam Metaphysicæ partem eversum. Quod si recte fiet, ut certe fiet, nemo post hac, ut opinor, erit tam impudens tamque temerarius, ut dicere audeat, vel Dialecticam esse artem discernendi verum à falso, ut Dialectici nugantur, cum ipsamet innu-

innumerabilibus penè falsitatibus referta sit. & tamen in spatio annorum paulo minus duum millium, ne unam quidem earum unquam potuerit discernere aut videre : vel Metaphysicam esse scientiam probandi principia aliarum scientiarum, vel negata, vel dubitata, ut Metaphysici mentuntur, cum ipsa principium habeat falsissimum, ut ostendemus in capite de falsitate & inanitate ejus, & tamen ipsum tueri ac defendere non valeat, ut apparebit. Quomodo enim obsecro quis discernat aliorum falsa, qui sua ipsius nec discernere nec videre queat? & quo pacto quæso quisquam tueatur aliena principia, qui ad sua ipsius tuenda non est idoneus? in summa, ut apertius intelligar, inter alia argumenta, quibus sum ostensurus, principia Grammaticorum & Rhetorum longe veriora esse, quàm Dialecticorum & Metaphysicorum: atque adco quibus probare cogitamus Dialecticam & Metaphysicam esse facultates non omnino veras nec utiles, sed maxima ex parte falsas & inutiles: hoc vel in primis evidentissimum certissimumque esse volumus, quod nullis alijs principijs ferè, nisi Grammaticorum & Rhetorum, principia Dialecticorum & Metaphysicorum sumus everfuri. Sed ut redeam unde discessi, dico & affirmo, Grammaticos & Rhetores tam græcos quàm latinos, in primisq; M. Ciceronem, longe melius & verius & clarius & ad communem omnium intelligentiam accommodatis quàm ullos Dialecticos aut Metaphysicos aut Philosophastros diservisse ac præcepisse, primum de nomine, & verbo, cæterisq; simplicibus orationis partibus sive substantiam significant, sive qualitatem, sive quodvis aliud accidens, Deinde de simplicium vocum compositione & constructione, ad propositionem faciendam, sive affirmetur aliquid sive negetur, sive generalis fiat propositio sive particularis, & de propositionum oppositionibus. Tum autem de dividendo, de definiendo, & postremo de argumentis & argumentationibus omnibus quæcunq; ad discernendum, sive disputandum, sive dicendum de omnibus rebus in contrarias partes necessariæ sint, ut recte philosophaturis ob aliquam earum, quas dixi, rerum, nihil quicquam opus sit Dialecticis aut Metaphysicis præceptionibus: idq; non solum quia sunt vel falsæ, vel multo minus habent perfectionis quàm Grammaticæ & Rhetoricæ, sed etiam in super quia, ut ante monui, sunt vel inutiles, vel supervacue, vel ut ita dicam, impertinentes, quemadmodum docebimus. Sunt autem minus perfectæ & absolutæ, quia cum in rebus quacûq; in arte aut scientia traditis quatuor potissimum requirantur, ut sint veræ, ut utiles, ut necessariæ, & denique ad eam ipsam facultatem, in qua traduntur, pertinentes: in Grammaticis & Rhetoricis rebus hæc omnia reperiuntur observata, ut monstrabimus. At in Dialecticis & Metaphysicis maxima ex parte contra. Dialectici enim & Meta-

physici

physici de veritate solum videntur esse solliciti, quippe qui dicunt Dialecticam esse artem discernendi verum à falso, & Metaphysicæ finem esse veritatem, cum tamen in utraq; parte non omnino verum dicere, sed in plerisq; mendaces ac falsi esse reperiantur: de *veritate* inquam tantummodo solliciti esse apparent de *utilitate* vero & de *necessitate* & de *pertinentiis* rerum, quas tractant, vel nullam prorsus vel perversam susceperunt cogitationem: perinde quasi nihil intersit rerum, quæ traduntur, esse non solum falsas, sed etiam non inutiles, nec supervacuas, nec impertinentes. Itaq; multo maxima pars rerum Dialecticarum & Metaphysicarum vitiosæ sunt ac reprehensioni obnoxia, quia magnam partem deprehenduntur esse non solum falsæ, sed etiam si non falsæ tamen inutiles, & si non inutiles tamen supervacua: & si non supervacua tamen impertinentes, ut constabit ex sequentibus. Nec mirum cupiam videri debet has, quas dixi, *quatuor conditiones* in rebus quacumq; in arte & scientia traditis requiri, cum fieri possit ut huiusmodi res *veræ* quidem sint sed tamen *inutiles*, vel quia sunt tam faciles cognitu per se, & tam in communi omnium sensu posita, ut nihil utile sit de eis præcepta dare: vel quia studiosi Philosophiæ candidatis, potius obesse quàm prodesse videntur: aut si non solum veræ sed etiam utiles existant, tamen aliquando etiamnum contingit eas esse *supervacuas* & *non necessarias*, quia fortassis in alia arte aut scientia melius & clarius tradita fuerunt: & postremo si concedantur etiam esse veræ, utiles, & necessariæ, tamen fieri potest, & ad eam, in qua traduntur, artem aut scientiam non *pertineant*, qualia quam plurima sunt in Dialecticis & Metaphysicis, quæ non ad Dialecticos & Metaphysicos spectant, sed ad Grammaticos & Rhetores, ut ex sequentibus apparebit. Quare non sine magna & iusta causa Grammatici, & Rhetores, & alii doctissimi quique viri has omnes conditiones in rebus, artium, & scientiarum suarum diligenter præstant, Dialectici vero & Metaphysici nequaquam: atq; ideo nos infra identidem reprehensuri sumus eos: ut qui libros, artes, & scientias suas magna ex parte non solum falsis, sed etiam inutilibus, supervacuis, & impertinentibus rebus refererunt, eodemq; tempore etiã admonituri recte philosophari cupientes, ut diligenter caveant, ne quemadmodum Dialectici & Metaphysici, sic ipsi quoq; in rebus non solum falsis sed etiam inutilibus, supervacuis, & impertinentibus versantes, eadem qua illi reprehensione digni reperiantur. His igitur de causis concludo, recte philosophaturis ob aliquam earum, quas dixi, rerum, non solum nihil opus esse Dialecticis aut Metaphysicis præceptionibus sed etiam contra, eas maxima ex parte esse damnosas & noxias iis, qui veritatem rerum pervestigare conantur: & si quid tamen in eis utile reperitur,

id totum multo melius & rectius tradi in libris Grammaticorum & Rhetorum ut nos infra aperte sumus ostensuri. Atque ideo inter recte philosophandi principia hoc quoque non in postremis ponendum existimamus, ne mihi posthac amplius obgant isti Philosophatri, ut solent, cum reprehenduntur, quod ea quæ dicunt, aut prorsus sunt barbara, aut non satis intelligibilia, aut contra communem omnium loquendi consuetudinē: Respondent enim se non grammatice nec rhetorice dicere, sed dialectice sive logice sive metaphysice loqui. Perinde quasi veritas rerum melius investigetur, & cogitationes humanæ clarius exprimantur barbaris & inusitatis verbis, quam consuetis & latinis, & sermone dialectico & metaphysico, quam grammatico & oratorio. At ego vicissim respondeo, grammatice & rhetorice dicere revera esse & recte & consue- & ad communem omnium intelligentiam accommodate verba facere; dialectice autem sive logice sive metaphysice loqui, nihil aliud esse nisi temere & sine ulla consideratione sermonem habere, vel potius verba effutire, vel etiam, ut magis recte magisque proprie loquar, more picarum ac graculorum impotente auribus humanis obstrepere ac garrere: talis enim proprie est sermo atque locutio Dialecticorum & Metaphysicorum. De Dialecticis & Metaphysicis loquor *nostrorum temporum*, atque etiam aliquot superiorum ætatum, qui in

(hæc de superioribus sæculis verius, quam nostro)

publicis studiis professi sunt, & adhuc profitentur: apud quos, non qui magis verum dicunt & magis moderate disputant, sed qui magis contenta voce clamant, & magis barbare magisque rustice loquuntur, si sine ulla controversia habentur doctiores & plane meliores Dialectici ac Metaphysici. Tantum enim abest apud istos ut nescire Grammaticam, & quamvis spurce loqui vitio detur, ut contra potius nonnulli multum de eo gloriari ac sibi placere soleant: sed de istorum imperitia ac perversa opinione jam satis. *Tertium generale veritatis principium est, multa & assidua lectio probatissimorum quorumcunque Auctorum namque Græcorum quam Latinorum, & intelligentia communis usus loquendi tum eorum tum etiam populi:* quem penes arbitrium est & jus & norma loquendi, ut rectissime inquit Horatius in Arte poetica. Talibus enim monumentis continenter legendis & eisdem recte intelligendis, nec populi ac vulgarium loquendi consuetudine ignorata nescio quomodo repletur pectus & animus Lectoris ingenti quadam verborum lectissimorum copia, rerumque gravissimarum varietate, quæ simul juncta ac copulata cum præceptis Grammaticorum & Rhetorum, & utrisque his simul assidue differendo ac disputando exercendis, tanta exoritur bene dicendi & veritatem investigandi facultas, ut aut nulla aut sola hæc sit recta via perveniendi ad veram sapientiam veramque eloquentiam, atque ut hæc omnia magis proprio verbo exprimam, ad perfectam

Philoso-

Philosophiam perfectamque Oratoriam. Quod si quis forte non multis, neque probatis veterum scriptis lectitandis ipsisque non recte intelligendis & vulgi sermone contemnendo, solis vel Grammaticæ vel Rhetoricæ vel etiam Dialecticæ præceptis innixus & confisus, putat sese recte philosophari posse, is tota, ut aiunt, errat via, nec scit quid petat aut quid agat: præsertimque si his ipsis præceptis assidue discendis, nullam præterea exercitationem meditationemque adhibeat, sequatur totam vitam nihil aliud agendo (ut recte inquit Aulus Gellius) tanquam apud sireneos scopulos consenescere patiatur. Quare & hoc principium cæteris, quæ supra diximus, fuit addendum, ne quemadmodum ante hæc sic etiam post hæc studiosi Philosophiæ decipiantur: existimantes sufficere ac satis esse ad recte philosophandum, si Aristotelis & omnium illius Interpretum scripta diligenter lectitarint, & illorum loquendi morem accurate perdidicerint: cæteros vero Authores tam Græcos quam Latinos contempserint ac pro nihilo duxerint, & quid quomodo vel alij Scriptores & communiter omnes loquantur, nihil curarint: perinde quasi ad recte philosophandum cognitio doctrinæ & modi loquendi Aristotelis sola sit utilis ac necessaria: Platonis vero & Isocratis & cæterorum omnium nihil prorsus habeat nec utilitatis nec necessitatis: sed rursus hoc de principio satis. *Quartum generale principium veritatis est libertas & vera licentia sentiendi ac iudicandi de omnibus rebus*, ut veritas ipsa rerumque natura postulat, hoc est, utis, qui recte Philosophari studet, ante omnia liberum sese conservet ac solum ab omni Philosophorum Secta, nec ulla cuiuspiam viri, quamlibet magni, doctrinæ fama ita teneatur restrictus & quasi compeditus, quin quæ ipsi pro rei veritate probanda aut improbanda videbuntur, ea libere & sine ullo impedimento probare aut improbare possit. Id quod percommode fiet, si in iudicando ac sententiâ de maximis quibusque rebus ferenda argumentis & rationibus, multo plus semper, quam autoritatibus & præiudicijs tribuat. Atque etiam, ut apertius dicam quod sentio, si in omni veritatis inquisitione, & rerum occultarum investigatione, non tam Platonem aut Aristotelem aut quempiam alium antiqui neotericumve Scriptorem, quam quinque sensus, intelligentiam, cogitationem, memoriâ, usum, & experientiam rerum tanquam magistros & præceptores sibi sequendos proponat. Hæc enim demum sola vera est & tuta philosophandi ratio, præsertim iis, qui jam proveciores sunt ætate, nec præceptore amplius indigent nam pueris & adolescentulis discendi studio si ignoscendum est, si non unquam doctoribus etiam, quamlibet falsa tradentibus, fidem adhibent, quid enim faciant? cum discere cupientibus & nondum iudicare valentibus, tantum hoc supersit, ut vota faciant Deumque Opt. Max. orant, ut in bonum & doctum



incidunt præceptorem. Hi enim, ut recte inquit Cicero in Academicis Quæstionibus, primum ante tenentur astricti, quam quid esset optimum judicare potuerunt: deinde infirmissimo tempore ætatis aut obsecuti amico cuidam, aut una alicujus, quam primum audierint oratione capti, de rebus incognitis judicant, & ad quancunq; sunt disciplinam quasi tempestate delati, ad eam tanquam ad saxum adhærescunt. Sed ut redeam unde abii, hac una inquam philosophandi ratione, hoc est, libera & soluta, & quæ, ut inquit Horatius, Nullius addicta est jurare in verba magistri: optime licet & sacrosancam veritatem tueri, & contrariam illi falsitatem oppugnare: quod nihil aliud est, nisi recte philosophari. At vero qui diversam philosophandi rationem secuti & sola autoritatis opinione adducti, antequam judicium de veritate & doctrina cu, usquam facere possint, magis sese addicunt nominibus, & tanquam vendunt judicandi libertatem, sæpenumero vel inviti vel imprudentes & veritatis oppugnatores & falsitatis defensores evadunt, dum quicquid ab Hæresiarchis suis dicitur, sive id verum sive falsum, quo jure quaq; injuria, velint, nolint, defendere ac tueri coguntur. Ac tales quidem sunt ferè omnes Addictitii isti Philosophastri, non veri Philosophi sed meri imitatores ac vere servum pecus, qui assidue in veritatis investigatione versantes ipsi sibi, ne eam invenire, & inventam videre possint, tanquam eruunt oculos, ab alienato judicandi arbitrio, & in summa cœu vervecēs aut juveni omnis judicii ac rationis expertes ducuntur ad lanienam. Ex quo genere habemus non solum Aristotelicos & Platonicos & multos alios veteres alienarum disciplinarum sectatores, qui tamen essent ferendi, sed etiam, si diis placet, Albertistas, Thomistas, Scotistas, Abenrhoistas, Avicenistas, & reliquam hujusmodi Philosophiæ fecem, quos nemo vere doctus, neq; docti viri neq; Philosophi nomine dignos arbitratur. Quamobrem etiam si quis alia, quæ supra dixi, & quæ infra dicturus sum, principia teneret, hoc autem non servaret, nunquam tamen recte posset philosophari. *Quantum & ultimum generale principium veritatis, non quidem simplex, ut superiora, sed ex multis constans, est, ut idem recte philosophandi studiosus, in philosophando diligentissime cavea atque effugia: hac omnia, ac primum ne à communi & consuetâ omnium doctōrum loquendi consuetudine recedat, nec nimis breviter nimisq; obscure loquatur aut scribat, sic ut aut prorsus percipi non queat quid sibi velit, aut non sine maxima auditorum vel legentium dubitatione & anxietate intelligatur. Æqualia enim sunt nihil loqui aut scribere, & ea loqui vel scribere; quæ ut dicebat Augustus, mirentur potius homines quàm intelligant, aut tanto cum labore percipiant, ut præstitisset ea nunquam nec audivisse nec legisse, præsertim si sint falsa. Quæ quidem in re*

cum

cum multi alii veteres & magni viri, tum in primis Aristoteles multum peccasse deprehenditur, atque ideo non immerito à quibusdam comparatus fuit Soligini, quæ dum quæritur à piscatoribus ut capiatur, jam jamque admoveri manus sentit, statim atramentum illud humoris nigerrimi, quod in se habet congenitum, spargens inficit aquam, ut ab oculis mox & manibus piscatorum elabatur. Sic enim & Aristoteles iis in rebus, in quibus capi, hoc est, revinci redarguique dubitabat, sermonis vel brevitatem, vel obliquitatem vel obscuritatem spargebat, ut aciem eorum, qui se deprehendere vellent, eluderet; quod vitium philosophandi maximum ab eo, qui recte philosophari cupit, in primis est fugiendum. *Deinde illud quoque non in postremis vitandum, ne tractet questiones inconsistentes*, eas quæ à Græcis appellantur *ἀνύστα ζητήματα* quales sunt, cum apud antiquiores Philosophos multæ, tum etiam apud Aristotelem non paucæ, & inter alias illa, quæ contra Parmenidem & Melissum differitur in primo Physicorum, utrum omnia sint unum nec ne, & rursus illa, quæ disputatur in tertio Metaphysicæ, utrum contingat idem simul esse & non esse, & alix hujusmodi. Nam per Deos immortales, si de rebus tam claris & apertis dubitatur in scholis Philosophorum, quænam apud eos postea erunt certa & indubitata? sic enim nemo neque ignem esse calidum, neque glaciem esse frigidam, neque nivem esse albam, neque atramentum aut carbonem esse nigrum affirmare poterit: exurget enim aliquis Anaxagoræ illius ter stulti sectator, qui contradicat & affirmet, nivem esse nigram, & ea omnia, quæ memoravi, contrariis qualitatibus esse prædita. Quamobrem quæstiones omnes hujusmodi absurdæ & præter communem omnium sensum, merito damnanur & deridentur ab Isocrate in principio orationis ejus quam inscripsit, *ἐλαίης ἐν νόμῳ*, & à Seneca in libro Epistolarum XIII. Epistola ultima: & revera quicumque aliquid hujus generis tanquam verum obstinate affirmat, is non serio refutandus redarguendusque est, sed risu ac sibilis explodendus & ejiciendus: qui vero contra tale aliquid affirmatum tanquam rem seriam refutat, is quoque non minus quam ille quem refellit, eadem plane dignus videtur derisione & exsibilatione. Quo circa recte philosophaturi diligenter ab istiusmodi quæstionibus inconsistentibus & absurdis tanquam à maximo quodam philosophandi vitio abstineant. *Prætereaneque quicquam paradoxon aut inusitatum aut novum in Philosophiam introducant, nec introductum ab alio recipiant, aut approbent, nisi magna ratione ac necessitate adducti es coacti.* Quo in genere, ut eos, qui antiquiores sunt, omittam, Plato & Aristoteles gravissime peccaverunt: si quidem Plato sine ulla utilitate ac necessitate introduxit cum multa alia paradoxa & absurda, tum maxime suas illas *Ideas* vanas & inanes,

(Harum naturam & rationem autem nos non satis videtur affectus.)

atq; ideo non immerito tot locis ab Aristotele refutatas & derisas. Et Aristoteles ipse, ut præceptorem suum aliqua ex parte imitaretur, & ne Philosophia prorsus unquam esset orbata monstris: loco Idearum, quas destruxerat, reposuit nobis & in Philosophiam inexit τὰ καθόλου, ut ipse appellat, ut autem recentiores latini vocant, universalia, quæ non solum minus utilia minusque necessaria, atque etiam minus vera sunt, quàm Idea, sed etiam multis partibus absurdiora inanioraque, ut nos in sequentibus capitibus luce clarius ostensuri sumus. Ut hic interim omittam secundas substantias, ab eodem Aristotele inter universalia introductas, & secundas intentiones, quas neoterici necessitate quasi coacti ex Aristotelis sententia addiderunt, & multa alia hujus farinae, quæ omnia à nobis una cum universalibus infra sunt refutanda. Ab his igitur quoq; diligenter abstinere debent qui recte philosophari cupiunt. Tum autem ne ullo pacto arbitrentur Dialecticam istam sive Logicam, quæ hoc tempore in publicis gymnasiis & fere ubiq; traditur, ad recte vereq; philosophandum esse necessariam, cum sit partim falsa & absurda, partim inutilis & supervacua, partim etiam subditiua & adulterina, & propterea ex omni artium & scientiarum numero ejicienda, ut ex iis, quæ infra probaturi sumus apertissime constabit. Denique vero ne pro certo habeant istos libros, qui hodie pro Aristotelicis circumferuntur ac leguntur, præsertim eos qui sunt de Dialectica, atq; etiam magna ex parte de Philosophia, vere legitimos & germanos esse Aristotelis, & vere ita, ut nunc extant, ab Aristotele illo Alexandri Magni Præceptore fuisse compositos. Qua quidem in re credenda fere omnes quicunque ab hinc annos mille & amplius philosophati sunt, & qui hodie etiam philosophantur turpissime fuerunt decepti, ut in extrema hujus operis parte ratione & autoritate probabitur: quam probationem idcirco in ultimum hujus libri locum rejiciendam putavimus, ut cum antea probatum fuerit Dialecticam, ita ut dixi, maxima ex parte esse falsam, inutilem, & vanam, tum facilius credatur libros eos, qui tam mendacem tamque absurdam doctrinam continent, ab Aristotele illo tantopere laudato nunquam fuisse editos: & propter hanc causam aut non attingendos prorsus aut certe maximo cum judicio & consideratione legendos, ut ex iis, quæ infra dicenda sunt, palam fiet. Atque hæc in summa fere sunt, ut nos arbitramur, generalia principia veritatis investigandæ recteq; philosophandi, nec ulla præterea alia inveniuntur, quæ quidē his meliora potioraq; sint: nam ingenium, memoriam, studium, industriam, & cætera ad bene discendum necessaria prætermitto, cum sint fere aut naturalia, aut Adversariis etiam nostris communia nobiscum, sine quibus nihil egregium aut magna laude dignum fieri potest. At ex his quinque nostris, quæ supra

memo-

memoravimus, veritatis principiis, & ex pluribus membris quibus postremū illud constat, quoniam Pseudophilosophi aut unum aut plura aut etiam omnia vel ignoraverunt vel contempserunt vel certe non animadverterunt, hinc factum est, ut in quā plurimos & quā scēdissimos ceciderint errores. Namque ut vetustiores illos omittam, Plato & Aristoteles, ut supra dixi, contra multa, Interpreteres vero Græci contra plura, sed Latini atq; Arabes Aristotelis sectatores pene omnes contra omnia fecerunt. Quo evenit ut nunc quidem longe plures & libros & præceptores de Philosophia habeamus, quam unquā antea, sed quanto plus & librorum & præceptorum exortum est ac crevit, tanto minus veritatis sinceræq; Philosophiæ in eis continetur, ut jam nihil opus esse videatur ullis novis Scriptoribus, qui augeant & amplificent Philosophiā, sed qui nimium auctam & amplificatam contrahant ac repurgent, hoc est, qui reiectis & explosis omnibus falsis sola relinquant vera & utilia. Quod nos facere in toto hoc opere atq; etiam si quid alicubi deesse videbitur, pro virili nostra addere cogitamus ac de principiis nostris generaliter & summatim satis.

## CAPUT SECUNDUM.

*Item in summa quantum sint principia generalia Pseudophilosophorum, & perverse philosophandi.*

**P**incipia autem generalia Pseudophilosophorum, & perverse philosophandi in summa sunt, aut non scripta sed in solis hominum mentibus opinionibusque infixæ, aut scripta & monumentis literarum prodita. Non scripta sunt hæc, primum literas græcas & latinas politiores aut nihil aut parum admodum ad recte philosophandum esse necessarias. Deinde solis Dialecticæ & Metaphysicæ documentis posse unumquemlibet vel optime philosophari, sine ulla Grammatica aut Rhetorica, saltem exquisitiore, adeo ut liceat etiam barbaris finis interdum & solæcismis in philosophando uti. Ad hæc non opus esse ulla multa lectione probatorum Authorum veterum, neque Græcorum neque Latinorum, præterquam Dialecticorum & Philosophorum, atque horum non omnium, sed tantummodo Aristotelis, & eorum qui doctrinam illius secuti sunt & Peripatetici appellati. Et præterea ad eos percipiendos satis esse, si intelligatur eorum scribendi & loquendi mos etiam si quamlibet à communi omnium consuetudine abhorreat, & sibi solis pateat, cæteris vero omnibus tam doctis quàm indoctis pro suis sit incognita. Tum ante omnia  
adducere

adducere sese Aristoteli, & tanquam jurare in verba illius, sic ut etiam si diceret, hominem esse asinum, & bovin esse locutum, tamen ei necessario credatur, & plane quemadmodum Pythagoreis in more fuisse fertur, cum aliquid probare vellent, ut hoc tantummodo dicerent, αὐτὸς ἴψα, hoc est, ipse dixit: sic isti quoque cum aliquid probationi majorem habent fidem & honorem, quam omnibus rationibus & argumentis Tum præterea alicubi quamlibet *obsuro & brevisermone uti*, etiam si ad eum intelligendum opus esset Oedipo, aut Deilio aliquo natatore, & neque ab ipsismet qui proferunt, intelligeretur. Nec non identidem proponere & tractare quæstiones quamvis inconsistentes, & minime dubias, modo detur occasio atque ansa aliqua nugandi nec garricendi unquam repeririatur modus Similiterque *sine ulla utilitate aut necessitate introducere paradoxa* & mera monstra in Philosophiam: neque solum hoc sed etiam sine ulla consideratione introducta ab aliis temere recipere & approbare, & *denig, sic arbitrari sine ista Dialectica, qua nunc in u'su est, neminem unquam re-* Et philosophari posse, & hos libros, qui nunc pro Aristotelicis leguntur, perinde ac si nihil dubitationis haberent, vere & sine ulla controversia esse Aristotelicos. Hæc inquam & pene omnia contraria iis, quæ nos supra diximus, sunt generalia principia Pseudophilosophorum non scripta, sed in mentibus hominum ita infixa, ut nunquam avelli posse videantur: eadem vero scripta & literis consignata, ut ipsimet fatentur, sunt quæcunque tradita reperiuntur, partim in *Isagoge* Porphyrii de genere, specie, differentia, proprio, & accidente, & omnino de iis, quæ tum universalia tum prædicabilia à junioribus latinis, à græcis autem appellantur *τίνα φωνά*: partim in *libris* quos vocant *Antepredicamentorum, predicamentorum, postpredicamentorum*, de æquivocis, de univocis, de iis, quæ dicuntur & quæ sunt, de substantia, de quantitate, de qualitate, de relatione, & de iis, quæ sequuntur: partim in *libro*, qui Περὶ ἰσχυρείας inscribitur, de nomine, verbo, oratione, & propositione, ut ipsi dicunt, affirmativa, negativa, particulari, universali, deque omnibus propositionum oppositionibus: partim in *libris Priorum & Posteriorum Analyticorum*, de omni syllogismo simpliciter, & de syllogismo demonstrativo: partim in *libris Topicorum & Elenchorum*, de inventione argumentorum probabilium & sophisticorum: partim denique in quamplurimis *recentiorum opusculis de suppositionibus*, de appellationibus, de ampliacionibus, de probationibus terminorum, de secundis intentionibus, & de aliis hujusmodi barbaris & stultis nugis, quæ omnia communi nomine appellantur *Parva Logicalia*, hoc est, souns & origo innumerabilium errorum, & depravatio conspurcatioque omnium bonarum

bonarum *litterarum*, (*bona verba quæso*). Quibus omnibus, quasi corollarium quoddam magnum accedunt omnia, quæcunq; scripta sunt in *XIII. libris* μετατα φυσικά, hoc est, Metaphysicæ sive Metaphysicorum, ut juniores latini vocant. Atq; hæc quoq; in summa sunt præclara illa Pseudophilosophorum principia generalia, tam scripta quàm non scripta, quæ neglectis literis græcis & latinis politioribus, contempta Grammatica & Rhetorica, spreto cõmuni omnium recte loquentium usu, subjugata & quasi vendita iudicandi libertate, ipsi sibi ad philosophandum tanquam fundamenta firmissima constituerunt: & quæ si quis forte inficiari aut falsa esse dicere audeat, statim contra illum tanquam ingens scelus admittentem & quasi negantem Evangelium nullo pacto disputandum esse clamitant. Sed nos ut spero, Diis bene juvantibus & faventibus, luce clarius ostendemus contra ista principia non solum dici ac disputari posse, sed etiam ea maxime ex parte esse ita falsa atq; mendacia, ut nihil magis falsum magisq; mendax cogitari queat: ut maximâ admiratione vel ingenti potius stupore dignum sit, qui unquam fieri potuit, in tam longo temporis spatio, & in tanta doctorum hominum multitudine, ut à nemine adhuc, *quod sciam*, nec animadversa fuerint nec refutata, Nam Laurentius Valla, & aliquot alii, qui non pauca adversus Dialecticos & ceteros Philosophastros præclare scripserunt, ferè tantum ex summis Dialecticæ, ut ita dicam, ramis, frondes quasdam & furculos decussere, & ei quidem non parum attulere damni ac detrimenti, sed nihil vel parum profecerunt: propterea quod stipitem ac radices ipsas reliquerunt intactas & illæsas, nempe secundas substantias, secundas intentiones, monstruosa illa genera, prodigiosa illas species, præterea univoca, æquivoca, analoga, & denique ipsa universalia, prædicabilia, prædicamenta, ut vocant, hoc est, non acuta & sapientia Philosophorum inventa, ut vulgo putantur, sed mera figmenta & plusquam fatua delirantium nugamenta. Hæc inquam illi tanquam totius Dialecticæ arboris radices unâ cum trunco ipso, vel prorsus non attigerunt, vel certe quàm levissime læserunt: itaque postea multo plura suppullularunt, quàm ante fuerant, decussa. Quod idem ne nobis quoque accidat, diligenter caventes, non à frondibus, ut illi, neq; à furculis, sed à trunco atq; adeo à radicibus ipsis demolitionem Dialecticæ & Metaphysicæ aggrediemur, atq; ita subruemus principia utriusque: deinde etiam si vita suppedabit, reliqua deiiciemus ac prosterneamus, ut nunquam postea repullulascere, aut renasci queant. Sed in hac tanta, tamque nova & inauditâ re probandâ, Lectores etiam atq; etiam oratos volumus, ut non ante quicquam iudicent, neq; pro nobis neq; contra nos, quàm & nostras & Adversariorum rationes penitus perdidicerint, totumq; librum diligentissime perlegerint.



Non enim ignoro qualem & quantam rem sum aggressurus, hoc est, quam obscuram ad intelligendum, quam intricatam ad explicandum, quam corruptam ad emendandum, quam scdatam ad expurgandum, & denique quam difficilem & arduam ad persuadendum. Idque non tam propter rei ipsius naturam, quamvis monstruosissimam, quam propter judicia hominum ex Dialecticarum & Metaphysicarum rerum assidua tractatione perversissima & corruptissima. Quare vobis vehementer opus est Lectoribus non tam pertinaciter contendendi, & Aristotelis defendendi, quam patienter intelligendi, & veritatis cognoscendæ, amatoribus. Quales omnes, qui nostra hæc lecturi sunt, ut esse velint, rursus etiam atque etiam oramus.

### CAPUT TERTIUM.

*De generali omnium nominum divisione in substantiva, adjectiva, propria & appellativa: deq; eorum proprietatibus & differentiis, nunquam satis usq; in hunc diem ab ullo traditis aut cognitis, contra Pseudophilosophos.*

**S**ic igitur & nostris & Adversariorum principiis generalibus summatim expositis, nunc venio ad exponendum rursus utiæque particulatim, & ad nostra confirmanda illaque Adversariorum refutanda, quemadmodum ante secundo loco propositum fuit. Quod ut commodius ordinatiusq; fiat, primum in hoc capite & duobus sequentibus differam de *nominibus* rerum, quæ mihi videntur ad recte philosophandum in primis cognitu esse necessaria. Deinde in omnibus aliis hujus secundæ partis capitibus, idem faciam de rebus ipsis: sic ut neq; in his neq; in illis, quantum in nobis erit, ullum recte philosophandi principium non vere ac fideliter traditū relinquantur. Nam vehementer mirum est, ac prorsus incredibile, quantum in utrisque, hoc est, tam in rebus quam in nominibus non solum à Dialecticis, sed etiam à Metaphysicis & cæteris Pseudophilosophis semper usq; in hunc diem fuerit erratum. Quo magis mihi laborandum est, nō solum ut doceam ea, quæ putem esse vera & utilia, & omnibus recte philosophari cupientibus necessaria, sed etiam ut ea, quæ ab aliis falso tradita & sine ulla necessitate prorsusque inutiliter in Philosophiam introducta fuerant, redarguā ac rescissam. Nam quemadmodum

non



non satis est serere triticum cæteraq; frumenta, nisi ea assidue cures à malis & nocentibus herbis diligenter expurganda, & nisi aves ab eis cæteraq; animalia noxia continenter arceas ac propellas: sic non sufficit docere & quasi seminare veritatem, nisi falsitatem quasi pessimam quandam herbam & veritati inimicissimam, quotidie suborientem, jugiter evellas atq; extirpes. & nisi barbaros Philosophastros tanquam harpyias quasdam phineias nunquam desinentes fœdare ac conspurcare sacrosanctam Philosophiæ doctrinam, inde sinenter eiicias atq; extrudas. Quod nos, ut spero, tanquam non omnino imperiti neque indiligentes agri philosophici cultores, sedulo ubiq; sumus facturi, & omnibus ostensuri, non recte philosophatos esse eos, qui tot ac tanta tamq; manifesta errata superiorum, vel propter ignorantiam ingeniūq; tarditatem non animadverterunt nec viderunt, vel animadversa quidem & visa, tamen propter ineptam quandam reverentiam & stultam timiditatem, vel noluerunt vel certe non ausi sunt reprehendere. Atq; ita dum modesti & reverentes videri voluerunt, vanisq; quorundam nominibus pepercerunt, sacrosanctam & divinam prodiderunt veritatem: quam ego semper ante omnia colendam omniūque quamlibet magnis nominibus anteponendam putavi, juxta illud vulgatum Aristotelis quasi proverbium: Amicus Plato, magis amica veritas. Sed jam quod verbis tam audacter pollicemur, id re ipsa præstare incipiamus, à generali omnium rerum divisione sumentes exordium, & ab hoc rursus quasi fundamento, ad omnium nominum divisionem explicationemq; redeūtes, hoc modo: Quoniam nomina rerum significandarū causa fuerunt inventa, nam si res non essent, ne nomina quidem rerum erant futura, idcirco rationi consentaneum fuit, primum ut quot rerum significandarū, totidem etiā nominum significatium genera invenirentur: deinde cum rerum maxime proprium sit esse & existere, nominum autem dici ac significare, ut similiter quot res ipse essendi & existendi, totidem quoq; nomina rerum dicendi & significandi haberent modos. Rerum autē prima genera & primi rerū essendi modi, ut nos putamus, in hac quatuor sunt, nam omnia quæcunq; existunt in tota rerum natura & in hac immensa mundi universitate, primā divisione sunt aut *substantia* aut *qualitates*, & rursus omnes tam substantiæ quàm qualitates, aut *sing'ularia* sunt aut *multitudines* singularium. Substantiæ sunt, ut Socrates, homo, animal, lignum, lapis, metallum, aqua, & terra & reliquæ substantiæ, quarum proprius essendi modus est, ut naturaliter per se stent, & in alio non existant: Qualitates ut dulcedo, amarities, magnitudo, parvitas, dominus, servus, calefactio, refrigeratio & cæteræ qualitates tam substantiales quàm accidentales, in quibus est etiam quantitas, ut infra probaturi sumus in capite de qualitate, ubi etiam

ostendimus, quæ à recentioribus Dialecticis appellantur accidentia, ea omnia à veteribus Latinis dici & vocari qualitates. Harum vero proprius essendi modus est planè contrarius superiori, hoc est, ut semper in alio existant, nempe in substantia tanquam in subiecto, & nunquam per se stent. Singularia, ut in hominibus Demosthenes & Pericles, in urbibus, Parma & Placentia, in fluminibus, Padus & Rhenus, in montibus, Ossa & Pindus & alix huiusmodi res singulares, quæ & ipsæ hunc habent proprium essendi modum, ut sint unæ & solæ per se separatim ab aliis, non multæ & plures simul acceptæ. Multitudines singularium, ut populus, exercitus, gens, pars, multitudo, genus, species & omnino ea omnia, quæ vocantur tota discreta, in quorum numero vel in primis sunt genera & species, ut probaturi sumus infra partim hoc, partim in proximo sequenti capite, cum de rebus loqui cœperimus, & generalem illam rerum divisionem à Pseudophilosophis factam planè falsam & mendacem esse demonstrabimus. Modus autem essendi proprius huius generis rerum est, ut sint non unæ & solæ per se ac separatim capte, ut illæ superiores, sed multæ ac plures simul ac semel quasi in unum gregem comprehensæ. Ac nos quidem in summa statuimus tot numero, hoc est, quatuor esse prima rerum genera, nec plura nec pauciora, nempe substantias, qualitates, singularia & multitudines singularium, & totidem proprios essendi rerum modos, nec plures nec pauciores, hoc est, per se stare, in alio existere, unum & solum esse, ex multis unis solisq; constare: ut si afferatur aut genus aliquod rerum, quod non sit unum horum, aut aliquis essendi modus, qui non ad aliquem eorum, quos dixi, referatur, id genus & is modus in vera rerum natura prorsus non existat, sed omnino falsum commentitiumque sit, ut ex iis, quæ infra dicturi sumus apertissimum fiet. Ad significandum igitur hæc quatuor rerum genera atq; hos quatuor essendi modos, ab Authoribus linguarum, sive à Grammaticis excogitata & inventa fuerunt quatuor itidem nominum genera, & quatuor eorum significandi modi, ut unicuique rerum generi, & suo ac proprio essendi modo responderet unum genus nominum, & unus significandi modus. Genera nominum hæc sunt *substantiva*, *adjectiva*, *propria* & *appellativa*: significandi autem eorum modi hi, *substantive* sive per modum per se stantis, *adjective* sive per modum in alio existentis, *proprie* sive per modum essendi unius ac solius per se, *appellative* præsertim *collective* sive per modum essendi multorum ac plurium simul. Habent enim nomina significationes rerum & modos significandi earum hoc pacto inter se divisos & distinctos, ut substantivæ semper significant res tanquam per se stantes sive per modum per se stantis, *adjectiva* res tanquam in alio existentes sive per modum in alio existentis, *propria* res tanquam unas & solas per se, sive

per modum unius & solius separatim ab aliis, appellativa præsertim collectivæ res tanquam plures multasque simul & conjunctim cum aliis, sive per modum plurium multarumque simul cum aliis conjunctarum. Ut in summa, quemadmodum supra dixi, esse tantum quatuor rerum genera & quatuor earum essendi modos, sic etiam reperiantur ac sint tantum quatuor nominum genera, nec plura nec pauciora, & tantum quatuor nominum significandi modi, non plures nec pauciores. Quod usque adeo verum est, ut si quis forte aliud quodpiam nomen genus, aut alium quendam significandi modum, præter ea & eos, quos dixi, id genus & is modus plane falsa sint & commentitia. Sed ut hæc omnia nominum genera & eorum significandi modi melius ac clarius intelligi possint ab iis, qui recte philosophari cupiunt, de eis nunc singulis quam brevissime & quam clarissime potero, dicam: & explanabo ea, quæ mihi ad recte philosophandum in primis cognitu videntur esse necessaria, & quæ si ignorentur pro certo arbitror fieri non posse ut quisquam unquam vere philosophari, & recte veritatem investigare queat. Eorum enim ignoratione in superioribus temporibus factum est, ut multa turpissimorum scædissimorumque errorum millia in Philosophiam fuerint introducta, recepta, & approbata. Quo circa statui hæc eadem omnia mihi diligentissime explicanda, & explanationis huius initium sumendum à nominibus propriis, tanquam à facilioribus, & in quibus vel nihil vel parum admodum fuit erratum.

## CAPUT QUARTUM.

*De nominibus propriis & appellativis tam collectivis quam simplicibus & non collectivis, ac de eorum proprietatibus & differentiis: contra Philosophastros.*

**N**omina igitur propria sive, ut Dialectici vocant, individua sunt ea, quæ tam in plurali quam in singulari numero, semper significant unum & solum per se, nunquam multa & plura simul: ut in nominibus hominum nomen Demosthenis & Periclis, in nominibus urbium nomen Parmæ & Placentiæ, in nominibus fluviorum nomen Padis & Rheni, in nominibus montium nomen Ossæ & Pindi, & reliqua huiusmodi innumerabilia. Exemplum autem modi significandi horum in singulari numero sit hoc, ut si ita dicam, ne semper Curium & Licinium loquar: in plurali numero hoc, ut si hanc eandem sententiam ita proferam,

ut Cicero in Paradoxis, Ne semper Curios & Licinios loquar. Quo in loco Cicero licet plurali numero usus sit, tamen non plures Curios nec plures Licinios, sed unum tantummodo Curium & unum Licinium voluit significare. Quilouendi & significandi modus, ab illo superiore nihil differt, nisi quod ille proprius est & naturalis, hic vero figuratus & improprius Pluralis enim numerus pro singulari à Scriptoribus atq; etiam à vulgo sæpenumero usurpatur, vel ornatus gratia vel metri causa vel ad significandam aliquam latentem animi affectionem. Sed de nominibus propriis hæctenus, nam Dialectici & Metaphysici ipsi quoq; fatentur nomina propria sive individua unius & solius tantum habere significationem semper, plurium autem & multorum nunquā. Itaq; hac in parte vel nihil vel parum admodum à nobis discrepant. At in ea, quæ sequitur de nominibus appellativis mirum quam in alia omnia eant. hoc est, quam à veritate longe abeant, & toto, ut dicitur, errent cælo. Quare nunc & pluribus verbis & diligentia majore dicam de nominibus appellativis, quæ cum sint nominibus propriis magna ex parte contraria, non immerito illis subjicientur, ut unum quasi contrarium alteri comparatum melius discerni & internosci queat, atque etiam ut facilius percipiantur ea, quæ postea de nominibus substantivis & adjectivis dicturi sumus. Ergo nomina appellativa sive communia, ut quidam vocant, non sunt unius generis omnia, sed duplicia: horum enim alia dicuntur à Grammaticis collectiva sive comprehensiva, alia vero quoniam ab aliis, quod sciam, nomē peculiare non habent, à nobis nuncupentur, appellativa simplicia sive non collectiva: ac prius de collectivis dicamus. Nomina appellativa collectiva sive comprehensiva sunt, ut nomen populi, nomen exercitus, nomen gentis, nomen partis, nomen multitudinis, nomen generis, nomen speciei, & alia hujusmodi innumera proprie accepta, ex nominibus autem appellativis simplicibus, de quibus postea dicemus, nomen hominis, nomē animalis, nomē arboris, nomē herbæ & cætera ejusdemmodi, non proprie, ut illa superiora, sed figurate sumpta, ut dicemus. Quæ omnia contra atque propria peculiarem hunc habent significandi modum, ut tam in singulari numero quam in plurali semper plura significant, atque ideo singulares eorum numeri cum verbis vel participiis vel nominibus adjectivis pluralibus recte construantur, ut exempli gratia, nomen populi, apud Ovidium in secundo Amorum, Nos tua sentimus populus tibi deditus arma. Et nomen gentis apud Livium inter principia primi libri primæ Decadis, Gens universa Veneti appellati. Et nomen partis apud Virgilium in primo Aeneidos Pars in frustra secant. Et nomen multitudinis apud Homerum in secundo Iliados.

ὡς παρὰ τὸ πλῆθος.

Sic dixerunt multitudo.

Sed

Sed hæc satis per se manifesta sunt, cum hujusmodi exemplorum pleni sunt omnes libri tam Græci quam Latini, atq; ideo longiori eorum enumeratione super sedendum putavimus. Illud vero non ita notum omnibus, quod dixi, nomina generis & speciei proprie, & nomina hominis & animalis aliaque similia appellativa simplicia figurate, esse collectivæ, cum tamen non minus collectivæ sint quam nomen populi, exercitus, gentis, partis, & multitudinis: & res ea quæcunq; est genus vel species proprie, homo vel animal figurate, non minus ex multis singularibus atq; individuis composita sit, quam populus, exercitus, gens, pars & multitudo. Quorum utrumque sine ulla dubitatione ita esse, ut dico, quod ad nomen generis & rem ipsam, quæ est genus, attinet: primum demonstrat Seneca in Tragedia Oedipo, ita dicens.

Quicquid patimur mortale genus.

Et Ovidius in tertio de Arte amandi, hoc modo scribens,

Ite per exemplum genus ô mortale Dearum,

Gaudia nec cupidis vestra negate viris.

Nam cum ille dicat, mortale genus patimur, hic autem in primo versu scribat, ô genus mortale ite, & in secundo subjungat, nec negate: citra omnem dubitationem ostendunt nomen generis esse collectivum, & eam rem, quæ est genus æque ex multis compositam esse, sicut populum & exercitum. Quod nisi ita esset, Poeta illi nomen singulare cum verbis pluralibus non recte conjunxisset, & in turpem incidissent solæcismum. Nec minus aperte idem quoque confirmat Virgilius in tertio Aeneidos, ita inquit.

At genus è sylvis Cyclopus & montibus altis,

Excitum ruit ad portus. & littora complent.

Quo in loco doctissimus Poeta cû dixisset, genus Cyclopus, primo subjunxit verbum ruit, singularis numeri, deinde quasi dedita opera significare volens genus esse nomen collectivum, & rem eam, quæ est genus, ex multis constare, in fine addidit verbum, complent, pluralis numeri, quod per figuram eâ, quam Græci synthesein, Latini intellectionem vocant, non ad vocem generis, sed ad rem eam, quæ voce significatur, hoc est, ad multitudinem Cyclopus refertur. Omitto hic multa alia exempla, quibus hoc idem probatur, quia rursus infra sunt proferenda. Quod dixi de nomine generis & de re, quæ est genus, idem quoq; dictum intelligi volo de nomine speciei, & de re, quæ hoc eodem nomine significatur. Nam si nomen generis collectivum est, ut certe est, species quoq; nomen collectivum non esse non potest, cû nomen speciei æque multa significet, sicut nomen generis, & res ea, quæ est species, ita ex multis composita sit, sicut res, quæ est genus: de specie loquor divisibili & subalterna,

ut vo-



ut vocant, non de specie individua & specialissima: nam infra in capite de specie duas ejus formas, unam divisibilem & ex multis individuis constantem, alteram indivisibilem & specialissimam sumus ostensuri. Nomina autem animalis & hominis & reliqua appellativa non collectiva sed simplicia, quomodo ipsa quoque figurate sumpta collectiva sint, & in singulari numero multa significant, & similiter quo pacto res, quæ illis figurate acceptis significantur, non sint una & individua, sed multæ & plures simul comprehensæ, postea docebitur hæc quoque; nomina figurate sumpta, sæpe numero esse collectiva, & inter collectiva vere esse numeranda, sic ut res ab eis significatæ ex multis singularibus sicut cæteræ multitudines consent. Nunc ita probatum sit nomina generis & speciei vere esse collectiva, & eas res, quæ sunt genera & species, esse tota quædam discreta ex multis individuis singularibusque composita, quale est genus animalium, species hominum, & cætera hujusmodi genera & species divisibiles rerum non modo civilium & aliarum omnium, de quibus Oratores cæterique Scriptores loquuntur, sed etiam naturalium, mathematicarum, & supernaturalium, quas Dialectici & Metaphysici tanquam proprias & suas sibi vendicant, quanquam falso, ut infra ostendemus in capite de materia artium & scientiarum. Atque ut apertius expromam, quod sentio, meque omnes clare possint intelligere, cum dico *genus animalium*, & *species hominum*, ita intelligi volo, ut significem non animal illud universale, neque hominem illum universale, quem Dialectici & Philosophastri plerumque inaniter & stulte sibi consingunt, sed omnia singularia animalia & omnes singulares homines. sive multitudinem omnium singularium animalium & multitudinem omnium singularium hominum: quæ & qui sunt in mundo: Adde: quæquæ fuerant, erunt, aut esse possunt. Talia enim sunt, ut nos arbitramur, vera genera & veræ species. hoc est. vera singularia seu veræ multitudines singularium, cum ablativis singularibus omnibus generum & specierum, sive universis multitudinibus eorum, non minus nihil omnino remaneat ex generibus & speciebus, sed omnia prorsus inteream, quam ex populo & exercitu

(Hic errat subtilis enim è Mundo singularibus nihilominus universalis propositio in possibilibus sicut veritatem. Nam etsi occiderint omnes Elephantæ manebit tamen vera hæc propositio: *Omnis Elephas est animal*, in effectu cum ad hanc conditionalem resolvitur: *Si quousque Elephas (sive jam sit, sive non sit,) ille est animal.*)

citu sublevis omnibus individuis popularibus & omnibus individuis militibus, sive universis multitudinibus populi & exercitus. In summa sic concludo & pro certo affirmo, in omnibus & per omnia, quod ad unum vel plura significanda pertinet, similissima esse genera & species, populos & exercitus, & alia hujusmodi tota discreta, sive in re ipsa extra omnem cogitationem & mentem, sive in cogitatione & mente nostra accipiantur, hoc est, eodem modo & esse & intelligi omnia. Quod tum etiam multo melius & clarius apparebit es-

bit esse verum, cum ea, quæ à Pseudophilosophis appellantur universalia, funditus erunt à nobis eversa & sublata: id quod faciemus infra in sexto & septimo capite. Et si forte Philosophastri isti, ut sunt importune & inepte obstinati perseverabunt affirmare, genera & species præter tota discreta & sua singularia esse aliquid in rerum natura, & ponere illud suum universale sive naturam universalem, nos quoque eadem ratione pergemus asseverare præter singulares populares & singulares milites, populum & exercitum esse aliquid, & quemadmodum illi ponunt animal universale & hominem universalem, sic nos introducemus populum universalem & exercitum universalem: nec ulla probabili ratione unquam illi positionem suam tueri poterunt, quia nos quoque eadem, vel alia simili, introductionem nostram defendamus. Atque ita quæ ratione erit homo universalis & animal universale, eadem quoque existet & populus universalis & exercitus universalis. Sed tandem ratione subducta & veritate diligenter investigata, res eo deducetur, ut appareat non minus stultum ac temerarium esse, ponere hominem universalem & animal universale, quam introducere populum universalem & exercitum universalem. Utrumque enim æque absurdum est, & æque in rerum natura esse non potest, ut infra multo clarius apparebit, cum destruxerimus universalia, & cum probaverimus ea non esse necessaria, nec propter artes scientiasque tradendas, nec propter sylogismos ceterasque argumentationes firmandas, nec propter prædicationes superiorum de inferioribus faciendas, id quod fiet in proximis sequentibus capitulis. Nec mihi quisquam hic respondeat, hæc esse inter se diversa, eo quod genus & species de suis inferioribus dicatur in recto casu, ut Socrates est homo, & homo est animal, populus autem & exercitus nequaquam, cum non vere liceat dicere, unum civem esse populum Atheniensem, nec unum militem esse exercitum Romanorum, & propterea non eandem sed longe dissimilem esse utriusque rationem ac naturam. Ne mihi quisquam inquam ita respondeat, non enim ego concedo ut ullum genus verum de suis speciebus, aut ullam speciem veram de suis individuis in recto casu vere prædicari. Similiterque in illis enuntiationibus, *Socrates est*

(Falsa est hæc propositio: *Socrates est omnis homo*. Contra vera est hæc: *Socrates est quidam homo*. Propositio igitur: *Socrates est homo*, quæ prædicari infiniti est, non priore, sed posteriore modo capienda est. Iam vero quidam homo, est particulare; omnis homo, est universale; Patet igitur nunquam universale, sed semper particulare de inferioribus prædicari.)

*homo, homo est animal*, aperte nego & hominem in superiore proprie esse speciem, & animal in posteriore proprie esse genus, ut infra & in hoc capite & compluribus aliis in locis apertissime probabitur. Nunc idcirco pluribus hæc exponenda censui, non quia negem in rerum natura esse aliqua universalia sive communia, quemadmodum infra dicam, ubi ostendam quænam sint universalia vera & quæ falsa, sed ut clare intelligatur qualia nos statuamus esse vera genera & veras species, & quid de universalibus Dial. ticis in universum sentiamus. Nec rursus mihi quisquam obijciat Porphyrium in primo capite Isagoges suæ ponentem tres modos generis & dicat genus primo illo

D

Porphy-



Porphyrîi modo sumptum posse quidem esse nomen collectivum, cum dicatur multitudo quorundam, ut ipsemet Porphyrius testatur, sed secundo & tertio ejusdem modo acceptum nullo pacto collectivum esse posse, cum ex sententia Porphyrii in duobus illis posterioribus modis duas significationes habeat à prima illa longe differentes & diversas. Nam si quis forte mihi ita objiciat, ei respondebo infra in Capite de genere: quare is exspectet dum ad locum illum veniamus, ibi enim probaturi sumus ex tribus illis generis Porphyrii modis, unum tantum esse verum, hoc est, primum, reliquos autem duos posteriores plane falsos & absurdos, & simul etiam respondebimus ad omnia, quæcunque nobis ex Aristotele cæterisque Scriptoribus objectari possunt. Sed hæcenus satis de nominibus collectivis, in quorum numero sunt non solum genus & species proprie, ut dixi, sed etiam homo & animal & reliqua appellativa simplicia figurate, quemadmodum nunc docere incipiemus. Nomina igitur appellativa sive communia simplicia sive non collectiva, sunt, ut nomen hominis, nomen animalis, nomen arboris, nomen herbe, nomen candoris, nomen nigræ, nomen magnitudinis, nomen parvitatis, nomen domini, nomen servi, nomen calefactionis, nomen refrigerationis, & reliqua id genus innumera, quæ quasi media quædam inter illa duo superiora, nec semper unum significant, ut propria, nec semper plura, ut collectiva, sed modo unum modo plura, pro varietate & diversitate Numeri tum singularis tum pluralis: Positionis tum proprie tum figurate, Pronuntiationis tum unius tum plurium. His enim tot, hoc est, tribus modis, horum nominum vis atque potestas, quod ad unum vel plura significanda pertinet, subinde variatur & mutatur, ut modo unius modo plurium significationem accipiant. Nam ut primo incipiam à diversitate numerorum, quis nescit, hæc nomina tum singulariter tum pluraliter efferris? & singularem numerum proprie inventum fuisse, ut unum tantum, pluralem vero ut plura significaret? Quod ni ita esset, in declinatione nominum quid opus fuisset distinctione numerorum? Quamobrem varietas numeri tum singularis tum pluralis in primis est causa, cur nomina hæc modo unius & solius, modo plurium & multorum significationem obtineant. Secundo autem loco diversitas posi-

(Cum vox: *Omni*, adicitur nomini in singulari, propositio est figurata, v.g. *omnis homo est animal*, est propositio figurata. Sed: *Omnes homines sunt animalia*, est propositio propria. Universalium igitur imaginaria realitas extra singularia à sermone figurato orta.)

tionis tum propriæ tum figuratæ idem efficit. Proprie autem nomina poni intelligo cum & Singularis numerus pro singulari & uno, Pluralis autem pro plurali & pluribus usurpatur: ut cum dicitur, exempli gratia, homo pro uno homine, & homines pro pluribus hominibus, & animal pro uno animali, & animalia pro pluribus animalibus, eodẽq; modo in reliquis nominibus appellativis simplicibus, loquendo semper proprie & citra omnem impropriatatem, ac figuram. Figurata autem & improprie, rursus hæc ipsa nomina usur-

pari

p̄ari intelligo, cum contra atque supra, aut singularis pro plurali & unus pro pluribus vel omnibus ponitur, aut pluralis pro singulari & plura vel omnia pro uno usurpantur, ut exemplis, quæ infra utrique parti subjicientur, deinceps palam fiet. Singularis numerus pro plurali, & unus pro pluribus figurate ponitur, tam in soluta oratione quam in versu, ut apud Ciceronem in tertio de Oratore. At Romanus homo: & apud Livium, Romanus p̄elio victor; & apud Virgilium, Hostis habet muros: pro eo quod est, At Romani homines, & Romani p̄elio victores, & Hostes habent muros. Quam loquendi figuram Author ad Herennium appellat Intellectionem, Quintilianus Synecdochen, & de ea hoc modo scribit in octavo Institutionum, Hæc variare sermonem potest, ut ex uno plures intelligamus, parte totum, specie genus, p̄æcedentibus sequentia, vel è contra. Et paulo infra. Maxime autem in orando valebit numerorum illa libertas. Item paulo infra. Quod genus non Oratores modo ornat, sed etiam quotidiani sermonis usus recipit. Hæc Quintilianus de Intellectione sive Synecdoche figura, qua non solum Poetas & Oratores, sed etiam homines vulgo communiter loquentes uti testatur, ut cum dicitur, exempli causa, animal, & non proprie pro uno & individuo animali tantum, sed figurate pro pluribus vel omnibus simul animalibus vel pro genere sive multitudine omnium singularium animalium, quod idem est, accipitur: Ut apud Ovidium,

Quid meruere boves, animal sine fraude?

hoc est, animalia sine fraude, sive genus animalium sine fraude: & apud Plinium, Mures haud aspernandum ostentis animal, hoc est, haud aspernanda ostentis animalia, sive haud aspernandum ostentis animalium genus: & apud eundem rursus, Capras maleficū frondibus animal, hoc est, malefica frondibus animalia, sive maleficum frondibus animalium genus: & apud Horatium,

Cum proreperunt primis animalia terris,

Mutum & turpe pecus.

Hoc est, muta & turpia pecora, sive mutum & turpe pecorum genus. Quo in loco poterat Horatius, si voluisset, convertere nomina, & ita dicere,

Cum proreperunt primis pecora omnia terris,

Mutum & turpe animal. hoc est, pecora muta, & animalia turpia, sive mutum pecorum genus, & turpe animalium genus. Adeo nihil refert in usus singulari, utrum dicas animalia sive genus animalium proprie, an animal in singulari numero improprie & figurate, muta & turpia pecora sive mutum & turpe pecoris genus, proprie & sine figura. an mutum & turpe pecus singulariter & improprie cum figura. Quibus locutionibus, ut dixi, figuratis

duæ sunt figuræ, una appositio, quia duo substantiva sine copula cōiunguntur, altera intellectio sive synecdochic, eo quod à singulari pluralis & ab uno plurarq; omnia intelliguntur. Et denique hanc loquendi figuram usurpant omnes probati Scriptores tam Græci quam Latini, tam Poetæ quam Oratores, idque faciunt cum in quamplurimis aliis locis, tū maxime in definitionibus assignandis, in legibus fanciendis, in libris inscribendis, in exemplis proferendis. In definitionibus assignandis hoc modo, Homo est animal rationale mortale, pro eo quod est, homines sive omnes homines sunt animalia rationalia mortalia. Definitur enim unus homo figurate pro omnib. hominibus, propterea quod quæ unius, eadem quoq; omnium est definitio, propter similitudinem paritatemque naturæ. Namque, ut vere inquit Aristoteles in Topicis, similitum contemplario ad explicandam vim naturamq; rerum per definitionem plurimum valet, atq; ut idem græce scribit, *ὡς περὶ ἰφ' ἑνὸς τῶν ὁμοίων ἔχει, οὕτως καὶ ἐπὶ πάντων*, hoc est, ut in uno similitum se habet, sic etiam in reliquis. Quare etiam ex sententia Aristotelis, definitiones in singulari de uno datæ per similitudinem ad omnes ejusdem generis extenduntur, & quod de uno dictum est, id de omnibus dictum intelligitur, ut quod Aristoteles per quandam similitudinem fieri dicit, id communis sermo & Grammatici Oratoresq; communis sermonis interpretes, per intellectionem latine & per synecdochien græce fieri affirmant. Sic igitur in definitionibus assignandis singularis pro plurali & unus pro pluribus vel omnibus ponitur. In legibus fanciendis, ut in Legibus XII. Tabularum, Tutor cum pupillorum matre ne habitato: pro eo quod est, Tutores cum pupillorum matribus ne habitanto. Nam ita lex in plurali numero scribi poterat, si placuisset Legislatoribus, qui plures alias leges in numero plurali tulerunt, ut in ejusdem XII. Tabulis illam, quæ proxime post hanc sequitur, Agnari aut Substituti, qui successionem sperant, tutores sunt. Ex quo apparet in legibus ferendis nihil referre sive singulari sive plurali numero utaris, cum ex singulari tamen pluralis figurate necessario intelligatur. In inscribendis libris, ut si quis exempli gratia scripturus de Officiis, ita inscribat librum suum figurate, *ᾠδὴ τοῦ καθικόντος*, ut Zeno Cittæus, & Cleanthes & Sphærus Stoici, pro eo quod est latine, de Officio: proprie vero, ut Cicero tres præclaros illos suos de Officiis libros. Item *ᾠδὴν μου*, hoc est, de lege, figurate, ut idem Sphærus apud Laertium: & *ᾠδὴ νόμων*, hoc est, de legibus, proprie, ut idem Cleanthes apud eundem. Ut taceam interim inscriptionem librorum M. Ciceronis de Republica in singulari, & Platonis *ᾠδὴ πολιτικῇ* in plurali, & rursus illam Ciceronis de Inventione singulariter, & Hermogenis *ᾠδὴ εὐρηστικῇ* pluraliter. Fere enim in inscribendis libris

libris nihil refert ſingulari numero figurate, an plurali proprie quis utatur. Quam rem ignorans quidam imperite carpit Ciceronem, qui de officiis potius quam de officio librum inſcripſit: & alius etiam magis imperite Ciceronem defendere volens, ait eum de officiis recte inſcripſiſſe, & ſi de officio inſcriptionem feciſſet, magnopere erratum fuiſſe: ex quo patet huiusce rei ignorantia magnam ab utroque admiſſum peccatum, utroque enim modo, hoc eſt, in ſingulari figurate & in plurali proprie Cicero & recte & vere inſcriptionē libri de Officiis facere potuit. Quare hoc pro certo habendum, in plerique inſcriptonibus librorum nihil referre, ſive in ſingulari ſive in plurali numero fiant, dummodo hoc intelligatur, eas in ſingulari numero ſere figuratas, in plurali vero proprias eſſe. In exemplis denique proferendis, ut apud Ciceronem in primo libro de Inventione, cum definiens genus & generis definiti exemplum afferens, ita inquit, Genus eſt quod plures partes amplectitur, ut animal. Quo in loco Cicero quoque ſi non figurate, ſed proprie loqui voluiſſet, exemplum illud ita proferre poterat, ut animalia ſive ut genus animalium idem enim omnino ſignificaiſſet, ſed diverſo modo, & definitionem quam attulerat exemplo non minus idoneo illuſtraſſet idem enim planè valent, ut animal, ut animalia, ut genus animalium, nec differunt, niſi quod animal figurate, animalia vero & genus animalium proprie accipiuntur. Neque ſolum Cicero, ceterique Oratores tam Græci quam Latini huiusmodi figuratis locutionibus in exemplis afferendis utuntur, ſed etiam Philoſophi, & in primis Ariſtoteles, cum multis aliis in locis, tum præcipue in primo de Hiſtoria animalium, ubi de diverſis animalium generibus loquens, & ſingulorum generum exempla proferens, nihil intereſſe putat ſive figurate ſive proprie loquatur, & ſive dicat exempli gratia, ut piſcis, ſive ut piſces, ſive ut genus piſcium: item ſive ut apes, ſive ut apes, ſive ut genus apum. Una enim qualibet harum locutionum ſignificantur omnes piſces ſingulares, & omnes apes ſingulares, qui & quæ ſunt in mundo: nec alia eſt inter eas differentia, niſi quod in ſingulari dicendo ut piſcis ut apes figurate ſunt, in plurali vero & cum nomine generis proferendo ut piſces ut apes, ut genus piſcium, ut genus apum, propriè. Atque hoc modo, ut dictum eſt, probatiſſimi quique Scriptores in definitionibus aſſignandis, in legibus ferendis, in libris inſcribendis, in exemplis proferendis indifferenter nunc propriis nunc figuratis locutionibus uti ſolent. Quas locutiones tam proprias quam figuratas idcirco pluribus exponendas explicandasque putavi, cum ut clare intelligi poſſent, quia nunquam ſatis videntur fuiſſe intellectæ, tum etiam, ut admonerem recte philoſophari cupientes, ne credant Dialeccticis ac Philoſophæſtris, qui vel ignorantibus vel non animadvertentibus

tentes hanc communem & figuratam loquendi consuetudinem, dicunt & mentiuntur, his nominibus in singulari numero prolatis, significari nescio quam naturam generis sive speciei communem & universalem, quam ipsi cōminiscuntur & nugantur esse quiddam per intelligentiam abstractum à singularibus cum revera genus & species, sive natura generis & speciei nihil aliud sit, nisi ipsamet singularia sua, sive multitudo singularium suorum simul & semel acceptorum, & deniq; nisi totum quoddam discretum, eodem planè modo, quo populus & exercitus, ipsi quoq; nihil aliud sunt, nisi omnes singulares populares & omnes singulares milites, qui in populo & in exercitu continentur, simul comprehensi. Id quod etiam infra tunc melius apparebit esse verum, cū refutata erunt à nobis falsa illa genera & species & universalia, hoc est, mera monstra & somnia Pseudophilosophorum. Et præterea cum ostensum erit, cū definitur homo, nihil aliud definiri nisi omnes singulares homines & cum dividitur animal, nihil aliud dividi, nisi omnia singularia animalia : & omnino cum probatum fuerit, quicquid est in rerum natura, id omne esse aut singulare aliquod aut multitudinem singularium, nihilque esse tertium, aut medium. Sed ut tandem concludam hanc partem, dico nomina appellativa simplicia figurate & improprie poni : si aut numerus singularis pro plurali, aut pars pro toto, aut unum pro pluribus vel omnibus usurpetur, ut supra multis exemplis comprobatum est : aut contra si pluralis pro singulari, totum pro parte, plura vel omnia pro uno tantum accipiantur, per eandem figuram Intellectionemve Synecdochen, ut cū nōnunquam similiter tam in soluta oratione quàm in versu dicimus, pectora & pulmones pluraliter pro uno tantū pectore & uno tantum pulmone, & cum ita loquimur, ut Cicero ad Brutum scribens hoc modo. Populo imposuimus & oratores visi sumus: pro eo quod est, Populo imposui & orator visus sum: item cum ponimus totum aliquod discretam pro una tantum illius parte, veluti totum genus pro uno tantum singulari generis, ut est apud Horatiū in Odis. Audax Japeti genus. pro solo Promethco Japeti filio: & apud Aratum in Phænomenis, *κεῖν δ' αἵ παῖδες γένος*. hoc est, Justitia Astræi gigantis filia. Omitto hic multa alia exempla totius non solum discreti, sed etiam continui, pro una tantum parte sua : ut cum dicimus, fontem bibi, vel sylvam cædi, eo quia una tantum pars fontis bibitur, & una tantum pars sylvæ cæditur. Omitto inquam hæc omnia, quæ passim occurrunt apud Scriptores, & nemini ferè non sunt nota. Quorum duorum loquendi modorum uterq; hoc est, tam ille superior quàm hic inferior receptus est & concessus & approbatus & usurpatus à doctissimis quibusq; viris tam Græcis quàm Latinis per illam, quam toties dixi, figuram intellectionem latine, Synecdochen græce appel-

appellatam, cum aut à parte totum aut ab uno plura vel omnia, aut contra pars à toto & unum tantum à pluribus vel omnibus intelligitur, ut testatur Quintilianus in eo, quem supra citavi, loco : & Author ad Herennium in quarto : & deniq; ut docet M. Cicero in tertio de Oratore supra citato, cum, ut ille inquit, non ut dictum est intelligitur, sed ut sensum est. Atq; ut sæpius inculcem, quod diligenter percipi, & memoriæ mandari velim, eo quia nunquam à Philosophis satis videtur fuisse intellectum : Figurata positio, de qua loquor, in nominibus appellativis simplicibus, est, cum singularis pro plurali & unum pro pluribus vel omnibus, & contra pluralis pro singulari & plura vel omnia pro uno tantum ponuntur. Quâ figurâ fit ut hæc ipsa nomina nec semper unum ut propria, nec semper plura ut collectivæ, sed modo unum modo plura significant. Atq; hæc eadem efficitur, ut nomina animalis & hominis & cætera appellativa simplicia, ut supra dixi, figurate posita, vere collectivæ sint & inter collectivæ vere numerari debeant : cum hoc modo accepta in singulari numero sine ulla dubitatione, significant plura vel omnia, ut animal, cum in multis aliis supra citatis exemplis, tum maxime in eo Ovidii, cum ita inquit.

Quid meruere boves, animal sine fraude?

Nam nisi animal eo in loco pro multis animalibus, vel pro aliquo genere animalium toto collectivè & figurate ponatur, quonam pacto rectè & sine turpi solæcismo, diceretur, boves animal? cum unum pluralis, alterum singularis numeri sit? Item ut homo cum in plurimis aliis locis, tum maxime apud Ciceronem in primo de Officiis. ita dicentem, Homo autem qui rationis est particeps & cætera. Quo in loco certum est hominem à Cicerone non pro uno tantum homine positum fuisse, sed pro omnibus hominibus sive pro universo genere hominum. Est enim sermo ille generalis, perinde ac si ita dixisset, Homines autem qui rationis sunt participes, sive genus hominum quod rationis est particeps. Quod si homo ibi non sit nomen collectivum, ut nos dicimus, & non pro omnibus hominibus figurate ponatur, quomodo quæso in singulari numero omnes homines significare, & sermonem generalē ad universum hominum genus pertinentem facere poterit? profecto nullo modo. Quare velint nolint Philosophastri necesse est hunc loquendi modum collectivum & figuratum in nominibus appellativis simplicibus concedant. & sua illa universalia, sive naturas universales, quas hisce nominibus singularibus significari mentiuntur, tanquam falsas & inanes in malam rem abire sinant. Positis enim & stabilitis his locutionibus collectivis, ut dixi, & figuratis, nihil amplius opus erit ullo universali, sive naturâ universali, ut etiam multis aliis argumentis in sequentibus capitibus, ubi universalia destruemus, ponendis, liquidò constabit.



stabit. Quod idcirco hic admonitum volui, ne quis forte mihi diceret, ut Philosophastri solent, his nominibus appellativis simplicibus in singulari positis, significari suum illud universale, sive naturam universalem, quam sibi ipsi quasi somniando sine ulla utilitate aut necessitate confinxerunt, ut docebimus. Nunc ostensa hoc modo veritate positionis nominum appellativorum simplicium, nunc proprie, nunc figurate acceptorum, jam tempus est, ut transcamus ad tertiam & ultimam eorum diversitatem, quæ consistit in eis vel semel tantum, vel multoties pronuntiandis. Quæ diversitas ipsa quoque in causa est, ut hæc ipsa nomina modo unum modo plura significant, sicut duæ illæ superiores. Namque semel tantum pronuntiata in singulari numero & proprie posita unius tantummodo, non plurium habent significationem, ut cum semel tantum dicitur, exempli gratia, homo est animal. In hac enim enuntiatione tam suppositum quam appositum sive, ut Dialectici loquuntur, tam subiectum quam prædicatum, hoc est, tam nomen hominis quam nomen animalis, solummodo unum significat, cò quia utrunque eorum singulare est, proprie positum, & semel tantummodo enuntiatum, perinde ac si dictum esset, unus homo est unum animal. Nam cum utrunque ut dixi, singulare sit, proprie positum & semel tantummodo enuntiatum, quid causæ est, quamobrem non unum tantum sed plura significare existimetur? Quod si non ita est, hoc est, si nomina appellativa simplicia, de quibus loquimur, cum tribus illis quas dixi, conditionibus adjunctis, non significant unum tantum sed plura, quæro igitur primum, quoniam pacto aut quâ ratione distinguimus numerum singularem à plurali? locutionem propriam à figurata? unam enuntiationem à pluribus? siæque in una sicut in pluribus pronuntiationibus plura significantur. Deinde quæro cur non æque recte dicatur, homo sunt animalia, sicut homo est animal? nam si homo tam in singulari quam in plurali proprie positum & semel prolatum, significat plura, quid causæ est, cur non eodem modo recte cum verbo plurali more collectivorum sicut cum singulari construatur? certe nihil. Atque hæc rursus quæro & peto propter Dialecticos, qui asserunt his nominibus in singulari positis significari suas illas naturas communes & universales, & propterea non mirum esse, si huiusmodi nominibus in singulari positis plura significantur, cum ex naturæ unæ eademque cum sint, & existant in multis & dicantur de multis, ut ipsi nugantur. Sed nos in proximo sequenti Capite, ut supra dixi, probaturi sumus istas nescio quas naturas, eo modo quo ab ipsis intelliguntur, & statuuntur, prorsus esse falsas & commentitias & à portentosis Philosophastrorum cerebris omnino inutiliter & sine ulla necessitate excogitatas. Sed ut redeam ad pronuntiationis diversitatem, sic statuo hæc nomina

mina, homo, animal, & similia, cum singularia sunt, & proprie posita & semel tantum enuntiata, unum tantum non plura significare, & cum ita dicitur, Pamphilus hominem stipulatus est, aut homo est animal, nihil aliud his enuntiatis declarari, nisi, ut Jurisconsulti recte aiunt, unum hominem, puta Stichum vel Titium in stipulationem deduci, & unum aliquem hominem puta, Ciceronem vel Demosthenem esse animal. Nomina enim hominis & animalis & cætera hujusmodi nunquam significant genus vel speciem, vel aliquam naturam communem, nisi cum sunt figurate posita & accepta, & ea natura, quæ his nominibus figurate positis significatur, nihil aliud est, nisi multitudo ex individuis composita & totum quoddam discretum, ex nullis aliis nisi ex singularibus vere constans, ut indubitanter affirmamus & in toto hoc opere sumus ostensuri. Quod si eadem hæc nomina hominis & animalis non semel tantum, ut in exemplo superiori, sed sæpius ac multoties proferantur, ac diversis suppositis accommodentur, jam statim desinent significare unum tantum, & multorum ac plurium significationem accipient. Ut si quod ad nomen animalis attinet, id multoties proferam & diversis suppositis accommodem hoc pacto, homo est animal, bos est animal, leo est animal. In his enim tribus enuntiatis nomen animalis quamvis numeri singularis sit, & proprie positum, tamen quia ter enuntiatur, & tribus diversis suppositis accommodatum, idcirco sine ulla dubitatione non unum tantum sed tria significat, hominem, bovem & leonem. Quod autem spectat ad nomen hominis, si ipsum quoque sæpius proferatur & pluribus suppositis aptetur, hoc modo, Cæsar est homo, Pompeius est homo, Cicero est homo, similiter in his tribus enuntiatis vox hominis ter pronuntiata & tribus diversis suppositis aptata, tria significare incipiet, Cæsarem, Pompeium, & Ciceronem: & si pluribus etiam vicibus proferretur, & pluribus suppositis aptaretur, plura etiam significaret. Quod dixi de his duobus nominibus hominis & animalis, idem etiam intelligi volo de omnibus aliis simplicibus appellativis, nempe si de uno tantum dicta, vel ut Dialectici loquuntur, prædicata fuerint, singulariter & proprie tantummodo unum significare. Quod si de alio atque alio deinceps, hoc est, de pluribus dicantur vel prædicentur, & diversis suppositis accommodentur, statim amittere significationem unius tantum ac multorum & plurium acquirere: sic ut si centies proferrentur, & centenis suppositis aptarentur, centena essent significatura. Atque hoc est illud, quod Grammatici designantes hoc nomen dicunt, nomen appellativum esse illud quod est commune multorum sive quod convenit multis, quod ita est intelligendum, in multis pronuntiationibus non in una sola, nam in una tantum proprie & singulariter, ut dictum est, non nisi unum significare potest.

Atq; ideo ne diminuta sit definitio illa Grammaticorum, addendum est vel subintelligendū, in multis pronūtiationibus, ut perfecta definitio compleatur hoc modo : Nomen appellativum est illud quod est commune multorum sive quod convenit multis in multis pronūciationibus. Quā additione fit ut nomen appellativum à nomine proprio tanquam peculiari quādam proprietate distinguatur, si quidem nomen proprium tam multoties prolatum quam semel tantum, nunquam nisi unum significat, ut si quis dicat exempli gratia : Qui sedet est Socrates, quilegit est Socrates, qui ridet est Socrates, his omnibus effatis non plures Socrates sed unus tantum individuusq; significatur. At nomen appellativum contra, si multoties, ut dixi, proferatur, multorum, si semel tantum, unius tantum habet significationem. De significatione propria loquor, non de figurata, nam figurate positum etiam si semel tantum pronuntietur, tamen multa significat, ut sæpe jam dictum est. Ad hunc igitur modum præter varietatem numeri tum singularis tum pluralis, & diversitatem positionis tum propriæ tum figuratæ, ut supra dixi, etiam varis pronūtiationum numerus, hoc est, cum nomina semel tantum vel multoties pronuntiantur, in causa est, ut nomina appellativa non collectivā modo unum modo plura vel omnia significant. Atq; hæcenus de nominibus propriis & appellativis tam collectivis quam simplicibus, & non collectivis dictū sit. In quibus explicandis idcirco paulo prolixiores fuimus, ut omnes ea clare & distincte possint intelligere, quorum ignorance Philosophastri primo nescientes nomina generis & speciei esse collectivā, & nihil aliud nisi multitudinem singularium proprie significare, introduxerunt sua illa genera & species & secundas substantias & omnino omnia universalis & prædicabilia, hoc est, mera somnia & meras nugæ Dialecticas. Deinde non intelligentes cum dicimus, hominem esse speciem animalis, & animal esse genus hominis, tam hominem quam animal accipi debere non proprie sed figurate, pro omnibus hominibus, & pro omnibus animalibus : perinde ac si diceretur, omnes singulares homines, sive omne genus hominum, sive omnium singularium hominum multitudo, quod idem valet, est & continetur in genere sive in multitudine omnium singularium animalium, tanquam minus genus in majore genere, sive minor multitudo in majore multitudine : Non inquam hoc intelligentes coacti fuerunt introducere monstrosas illas secundas intentiones, hoc est, meras, non Aristotelis, sed barbarorum Dialecticorū strophas. Deniq; non percipientes nomina hominis & animalis & alia similia in una pronūtiatione unum tantū, in pluribus plura significare, putaverunt non vocem hominis & animalis, sed rem quæ est homo & rem quæ est animal dici ac predicari de multis suis inferioribus, & omnino hominem & animal

animal esse res five naturas communes & universales, quo nihil excogitari potest absurdus, ut docebimus in sequenti Capite. Nunc tantum hoc non ignorati volumus, vere intellectis nominibus tam appellativis collectivis, quam non collectivis, & rebus quæ eis significantur, & recte perceptis locutionibus tam figuratis quam propriis & non figuratis, & quid intersit inter voces, cum semel tantum pronuntiantur & cum multoties, his inquam omnibus probe cognitis & intellectis, nihil præterea opus esse nec generibus nec speciebus nec secundis substantiis nec secundis intentionibus nec universalibus nec prædicabilibus nec ullis hujusmodi nugis Dialecticorum. Quod tamen nobis credi aolumus, nisi in proximo & sequentibus Capitibus extirpabimus omnia ista Pseudophilosophorum & Philosophastorum nugamenta.

## CAPUT QUINTUM.

*De nominibus substantivis & adjectivis & eorum proprietatibus ac differentiis, contra Pseudophilosophos.*

**S**ed jam veniamus ad duo illa, quæ supersunt nominum genera, hoc est, ad substantiva & adjectiva, quorum proprium est significare non unum tantum aut plura, sicut illorum superiorum, sed res aut tanquam per se stantes aut tanquam in alio existentes, & omnino aut substantias aut qualitates: propter hanc enim causam ab Authoribus linguarum aut à Grammaticis fuerunt inventa, ut deinceps constabit de exemplis & explicatione ipsorum, ad quam nunc aggredimur. Nomina substantiva sive,

(Non homo sed humanitas, dialecticis abstractum est.)

ut Dialectici vocant, abstracta sunt ut nomen hominis, nomen animalis, nomen ligni, nomen lapidis, nomen aquæ, nomen terræ, nomen dulcedinis, nomen amaritici, nomen magnitudinis, nomen parvitas, nomen domini, nomen servi, nomen calefactionis, nomen refrigerationis, & reliqua hujusmodi significantia tum substantiâ tum qualitate, sed utranq; semper per modum essendi substantiæ, & rei per se stantis substantivæ prolatam, ut per exempla, quæ diximus patet. Nam licet magnitudo & parvitas, dulcedo & amarities qualitates sint, & revera in alio existant, hoc est, in substantia tanquam in subiecto tamen ut substantiæ, perinde ac si per se starent substantivæ proferuntur. No-

mina vero adjectiva sive concreta, ut Dialectici appellant, sunt ut nomen lignei, nomen lapidei, nomen aquei, nomen terrei, nomen dulcis, nomen amari, nomen magni, nomen parvi, nomen paterni, nomen filialis, nomen calefacti, nomen refrigerati, & cætera hujusmodi innumerabilia, quæ omnia non similiter ut substantiva modo substantiam, modo qualitatem, sed semper qualitatem sive substantialem sive accidentalem significant. Nam licet lignum exempli gratia & lapis substantiæ sint, tamen esse ligneum & esse lapideum sunt qualitates. Interrogatus enim quis, qualem arcam vel qualem domum emerit, recte respondeat, ligneam vel lapideam, ex quo colligitur nominibus adjectivis licet à substantia derivatis nunquam substantiam sed semper qualitatem quandam significari, eamque per modum qualitatis & rei in alio existentis adjectivè pronuntiatam. Nam cum ex ligno fit ligneus, & ex lapide lapideus, hoc est, cum substantiva substantiæ mutantur in adjectiva, tunc substantia quasi videtur in qualitatem transformari, & id quod proprium est qualitatis, tanquam in alio significari, ut puta lignum in arca ligneæ, & lapis in domo lapideæ. *Quare inter nomina substantiva & adjectiva hæc est differentia, quod substantiva tam substantiam quam qualitatem, adjectiva vero nunquam nisi qualitatem significant* : Cujus rei hæc est causa, quia qualitas licet tanquam per se stans in substantivo sæpe proferatur, tamen revera per se stare & à subjecto separata esse non potest. Quis enim unquam vidit magnitudinem aut dulcedinem sine ullo subjecto per se subsistentem? certe nemo. At substantia non solum tanquam in alio existens proferri, sed etiam revera in alio existere nihil prohibetur, ut quemadmodum dixi, in arca ligneæ lignum, & in domo lapideæ lapis. Quo circa nihil mirum videri debet, si cum substantia sæpe numero qualitatis proprietatem recipit, ut revera in alio existat, tamen qualitas id quod substantiæ proprium est, ut revera per se existat, nunquam potest accipere. Ac talia quidem sunt nomina substantiva & adjectiva, quod pertinet ad significandum substantias vel qualitates, & eas tanquam per se stantes vel tanquam in alio existentes, & hoc modo inter se differunt. Præterea in his ipsis nominibus illud quoque sciri & diligenter memoriæ mandari cupio, esse duo præcipue interrogandi tanquam instrumenta, *quid est & quale est*: atque hæc ita inter se diversas habere responsonum vices, ut ad interrogationem factam per *quid est*, semper respondeamus incipiamus per nomina substantiva & per restanquam per se stantes: Ut in substantiis, quid est homo? est rationale vel animal: quid est illex? est arbor vel stirps: in qualitatibus: quid est linea? est longitudo: quid est candor? est color. Ad interrogationem vero factam per *quale est*, semper respondemus per nomina adjectiva & per res tanquam in alio existen-

*existentes*, ut rursus in substantiis, qualis est homo? est rationalis vel animalis, qu: lis est illex? est magna vel glandifera. In qualitatibus, qualis est linea? est recta vel curva, qualis est candor? est intensus vel remissus. Idcirco autem in proferendis superioribus exemplis diximus interroganti, quid est homo? re-

(Hæc propositio, *homo est rationalis* est figurata & Elliptica, subintelligendum enim Ens vel aliquid simile vide Scioppij gramm. philof.)

cte responderi, *est rationale*, quærenti vero, qualis est homo? est animalis, ut admoneremus recte philosophari cupientes, & rationale non semper esse nomen adjectivum differentia, sed etiam aliquando nomen substantivū generis, & animalis item non semper esse nomen substantivum generis, sed etiā interdu nomen adjectivum differentia, contra imperitam illā & stultam opinionem Philosophastrorum, qui putant rationale ita semper esse differentiam ut nunquam possit esse genus, & animale ita semper esse genus ut nunquā possit esse differentia. Cum rationale revera non minus sit genus quam animal, & animal non minus differentia quam rationale, ut infra valdissimis rationibus in Capite de differentia sumus ostensuri. Sed de his postea, nunc illud quoq; de his nominibus non ignorari volo. Quemadmodum ex substantivis per derivationem sive denominationem sæpe fiunt adjectiva, ut ab eo quod est lignum ligneus, & ab eo quod est lapis, lapideus, sic etiam ex adjectivis per substantivationem quam vocant, sæpe numero effici substantiva, cum tertia vox adjecti

(Vt ex voce; *Capitale*, scilicet crimen, factum est: *capital*. Ita ex voce *adjectiva*: animale, scilicet Ens, factum est *substantivum*: animal. Et eo differunt substantiva & adjectiva, quod illis Tò Ens vel Res. (primum substantivum) inest in his per Ellipsin omissum, mente supplendum est, similiter igitur ex rationali potest fieri: *Rational*. Et tunc recte dicitur: *quid est homo? est rational*. Cum nunc non recte dicatur: *quid est homo? est rationale*; nisi subintelligitur: Ens; recte verò dicatur: *quale* (scil. Ens) *est homo? rationale* vel simpliciter: *quale est homo? Rational*.)

vi nominis in substantivum transit: Ut *animale*, & per apocopen *animal*, pro re habente animam, ab eo quod est, hic & hæc animalis & hoc animale, qua voce utitur Cicero, & alii probati Scriptores latini: Et rationale sive per apocopen, si quemadmodum animal, sic etiam dici posset, rational, pro ea re, quæ habet rationem, ab eo quod est, hic & hæc rationalis & hoc rationale. Et fere omnia huiusmodi substantiva ex adjectivis facta, eodem modo quo, triste, pro re tristi apud Virgilium. Triste lupus stabulis. & dulce pro re dulei, apud eundem. Dulce satis humor & bonū pro re bona. apud Homerū.

Οὐκ ἀγαθὸν πολικιστρίν, Non bonæ res multitudo principum. Et denique quomodo communiter loquentes dicimus, album exhilarare oculos, nigrum contristare, frigidum delectare fabricantes, pro re alba, pro re nigra, pro re frigida, & multa alia huiusmodi quæ doctissime colligit Laurentius Valla in primo Dialecticæ libro. c. 3. ubi apertissime & iustissime refutat ac deridet rotam illam rationem conererorum Dialecticorū tanquā prorsus inanem & falsam. Sic igitur ad interrogationes factas per quid est, & per quale est, respondetur, quemadmodum nos diximus per nomina substantiva & adjectiva & per res tanquam per se stantes vel in alio existentes, non per genus & differentiam, vel per aliquod eorū, quæ Dialectici nugantur in suis illis plusquam stulus universalibus. Quamquam nihil prohibet quominus & substantivū



possit esse nomen generis & adjectivum nomen differentiarum, sed nec dici in quid, generis, nec dici in quale, differentiarum proprium est, ut ostendemus infra in Capitibus generis & differentiarum: Ubi docebimus partes illas, dici in quid & dici in quale, in definitionibus eorum non recte fuisse appositas. Ex quibus ita expostis facile patet quonam pacto definiendum sit nomen substantivum & nomen adjectivum: nomen enim substantivum est illud, quod semper significat rem tanquam per se stantem, sive substantia ea res sit, sive qualitas, & ad interrogationem factam per quid est, semper priore loco respondetur. sive sit substantivum, ut ita dicam, principale, sive ex tertia nominis adjectivi voce factum, ut quid est homo? est rationale, hoc est, res habens rationem, & rursus, quid est homo? est animal, hoc est, res habens animam. Nomen vero adjectivum est illud, quod contra semper significat rem tanquam in alio existentem, & quæ semper est qualitas vel vera, ut albus & niger, vel ex substantiæ quasi transmutatione facta, ut ligneus & lapideus, & denique quæ ad interrogationem factam per quale est, semper recte responderi potest, ut qualis est homo? est rationalis vel animalis, hoc est, res anima vel ratione prædita. Hæc itaque sunt quæ tam in hoc quam in superiore Capite mihi visa sunt dicenda de nominibus substantivis & adjectivis, propriis & appellativis tam collectivis quam simplicibus & non collectivis, nisi figurate, ut dixi. Ex quibus primum constat, idcirco esse quatuor nominum significantium genera & quatuor eorum significandi modos, quia reperiuntur quatuor rerum significandarum genera, & quatuor earum essendi modi. Deinde nomina propria semper unum significare, nomina vero appellativa collectivæ semper plura, nomina appellativa simplicia modo unum modo plura, pro varietate numeri tum singularis tum pluralis, positionis tum propriæ tum figuratæ, pronuntiationis tum unius tum plurium. Ad hæc nomina substantiva semper significare res tanquam per se stantes, tam substantias quam qualitates, eo quod qualitas in substantivo prolata, licet revera non sit substantia, tamen quandam substantiæ præ se fert similitudinem. Nomina adjectiva res tanquam in alio semper existentes, sed non nisi qualitates, eo quod substantiæ in adjectivo prolata naturam suam quodammodo amittere, & in qualitates transformari videntur. Postremo vero ad interrogationes factas per quid est, & quale est, respondendum esse non per genera nec per differentias nec per alia ulla universalia, ut Dialectici imperite nugantur, sed per nomina substantiva & nomina adjectiva, & per res tanquam per se stantes vel in alio existentes, quamvis nihil impediatur quo minus hæc res omnes & genera & differentiarum esse possint, ut docebimus infra locis suis. Horum autem omnium cognitionis utilitas hæc est, quod ex hac nominum

explica-

explicatione & explanatione manifeste licet cognoscere Dialecticos & Metaphysicos & reliquos Philosophastros, eo quod nomina hæc non recte sed perperam & perverse intellexerunt, hæc de causa pene totam Philosophiam corripisse, & eam meris monstris portentisque implevisse. Hinc enim monstrofe illæ secundæ substantiæ, hinc portentosa illa genera & species, hinc plusquam prodigiosa illa universalia & prædicabilia, & ad extremum quoque hinc secundæ illæ intentiones non jam tantum monstra atq; portenta, sed omnem, ut ita dicam, monstrositatem portentositatemque superantes. Quæ omnia qualia sint, hoc est, quam falsa, quam absurda, quam ridicula, & denique quam sine ulla necessitate aut utilitate fuerint introducta, ex iis, quæ sequuntur, Capitibus liquido apparebit.

## CAPUT SEXTUM.

*De generali omnium rerum divisione oratoria vera, & de illa Pseudophilosophorum falsa, simulq; de voce universi & universalis & in summa de falsitate Universalium realium, ut vocant.*

**Q**uemadmodum ante in tertio Capite de nominibus rerum locuturi, & generalem eorum divisionem facturi primo divisimus res ipsas in quatuor genera, & ex earum divisione, nominum, quibus res significantur, divisionem confirmavimus, eo quod rationi consentaneum sit, quot rerum significatarum, totidē etiam nominū significantiū genera inveniri: Sic hoc loco de rebus verba facturi, & eandem rerum, quam supra posuimus, divisionem repetituri, non sine causa existimavimus hanc quoq; vicissim nobis ex nominum divisione confirmandam. Eo quod ab eadē ratione alienum non sit, non plura neq; pauciora rerum genera à Deo sive à natura rerum omnium opifice, procreata fuisse, quàm quibus linguarum Authores & vocabulorum inventores nomina atq; appellationes imposuerunt.

(v.g. sine vox quidem: Res, Entis, Substantiæ ei tribui possit si nullo simplici, & figura carente sermone sit explicabilis, consequens est eam nec distincte intelligibilem, & ita nec possibilem esse.)

Loquor de nominibus rerum generalibus, ut si cui rei nomen nullum saltem generale sit impostum, non immerito quis argumentari possit, eam rem in vera rerum natura prorsus non reperiri, sed falsam commentitiāque esse. Quo sic constituto rursus ita dicimus, & constituimus, esse tantum quatuor rerum genera, eo quod sunt tantum quatuor genera nominum, ut singulis nominum

gener-

generibus singula rerum genera respondeant, nam quemadmodum supra docuimus, omnia quæcunque sunt in tota rerum natura & in hac immensa mundi universitate primo divisa, sunt aut res naturaliter per se stantes & non in alio existentes, ut substantiæ, aut res in alio semper existentes, nunquam per se stantes, ut qualitates omnes, & accidentia: Et rursus omnes tam substantiæ quam qualitates subdivisæ sunt aut res singulares & unæ per se, non multæ ac plures simul comprehensæ, & substantiæ & qualitates individuae, hoc est, singularia omnia generum & specierum, & generaliter omnia tota quæ dicuntur continua singillatim accepta, aut multitudinis rerum singularium, non per se ac singillatim, ut illæ superiores, sed simul & universe assumptarum, qualia sunt genera singulorum & species generum, & omnino omnia tota quæ nominibus collectivis significantur, & communiter appellantur discreta, ut infra in Capite de totis & de specie, sumus probaturi. Atq; hoc modo quot nomen totidem etiam rerum genera esse dicimus, & quemadmodum quod non est nec substantivum, nec adjectivum, nec proprium, nec appellativum, id inter nomina numerari, & nominis appellationem habere nullo modo potest, sic quoq; affirmamus, quod non est in uno aliquo horum quatuor generum, hoc est, quod non est neq; substantia, neq; qualitas, neq; res singularis, neq; multitudo rerum singularium, id in vera rerum natura prorsus non inveniri; sed esse omnino falsum & commentitium: eodem planè modo quo Centauri, & Chimæræ, & cætera huiusmodi monstra atq; figmenta Poëtarum. Quorum similia atq; etiam absurdiora sunt ea portenta, quæ à fanaticis Philosophastro- rum capitibus fuerunt excogitata & ab eisdem appellata partim genera & species, partim secundæ substantiæ & secundæ intentiones, partim universalis & prædicabilia, partim aliis quibusdam inauditis & plusquam barbaris nominibus. Quæ omnia nos in hoc Capite & aliquot aliis sequentibus non aliter quàm Hercules Hydram rationibus & argumentis quasi ferro & flamma domare ac prorsus extinguere aggredimur. Sicigitur nos tot genera rerum & non plura nec pauciora constituimus, & generalem omnium rerum divisionem ita facimus, ut in primo loco collocemus substantias, in secundo qualitates, in tertio res singulares singillatim sumptas, in quarto universæ multitudine rerum singularium universe acceptarum: Atq; ut quemadmodum supra diximus *nomina substantiva substantis, adjectiva qualitatibus, propria rebus singularibus, appellativa multitudinibus rerum singularium significantis principaliter inserviant, aliis vero quasi secundario*. At Dialectici & Pseudophilosophi similiter quidem ut nos dividentes omnia quæ sunt, & quadripartitam rerum divisionem facientes, in omnibus illius partibus nobiscum concordant, præter

præter quàm in ultima. Nam in primo loco ipsi quoque statuunt substantias, in secundo accidentia, quæ nos appellamus qualitates, in tertio singularia, atque hætenus omnia recte: Verum quod in quarto loco, ubi nos ponimus universa sive universas multitudines rerum singularium, ipsi collocant universalia sive naturas universales, hoc est, sua genera & suas species, longe à veris generibus & speciebus differentes, ut ostendemus. Hic vero turpissime & foedissi-

(Itaò Aristoteles & Veteres ejus interpretes idem rursus volunt, quod Nizolius: τὸ καθ' ὅλην enim quid aliud quam secundum totum? universale igitur ex mente Aristotelis, est totum collectum ex singularibus, seu universa singularia.)

me labuntur, una cum *Aristotele* suo istius divisionis vel inventore vel approbatore, & Severino Boethio ejusdem confirmatore in prima editione in *Categorias* Aristotelis: Ibi enim eam bis vel ter repetit, & multis verbis explicat. Sed & ipse & Aristoteles & omnes quotquot divisionem istam approbaverunt, vehementer sunt decepti, & in duplicem simul ac perniciosum inciderunt errorem. Primum enim in dividendis rebus prætermiserunt multitudines rerum singularium universæ acceptarum, hoc est, unum genus rerum quod est maxime notum ac manifestum, & à singularibus singillatim sumptis longe diversum, ut docebimus. Deinde loco illius veri generis prætermissi, substituerunt aliud quoddam genus rerum, quod prorsus nusquam reperitur in vera rerum natura, sed est omnino falsum & fabulosum, hoc est, universalia, sive, ut Græci dicunt, τὰ καθόλου, ut mox probabimus. Si prius tamen ostenderimus, unde dicatur nomen universalis, & quid quoque modo significat, primum apud veteres latinos, deinde apud *Dialecticos* & *Philosophastros*, qui non solum in eo peccant, quod nusquam fere non loquuntur & nugantur de istis universalibus tanquam de rebus seriis & gravibus non falsis & inanibus, ut monstrabimus, sed etiam in eo quod abutuntur nomine universalis prorsus barbare & inusitate & contra omnium veterum latinorum autoritatem. Primum igitur dico vocem universalis, esse deductam & derivatam à vocabulo universi, & ab universo factum esse universale, sicut à transverso transversale sive transversarium. Quare ad cognoscendum quid proprie significet universale, nosse oportet, universi nomine quid proprie significetur. Nomen autem universi apud latinos recte loquentes semper dicitur de toto aliquo vel continuo vel discreto, ut vocant, & ita dicitur, ut omnes ejus de quo affirmatur, totius vel continui vel discreti partes designet, easque non singillatim & divisim, sed universæ & collectim simul acceptas: Ut in toto continuo cum dicimus, universum mare, universam terram, universam provinciam, & hujusmodi locutionibus intelligimus, omnes partes maris, omnes partes terræ, omnes partes provinciarum, simul & semel comprehensas. In toto autem discreto sive in multitudine, cum ita proferimus, universum populum Romanorum, universum exercitum Germanorum, universam speciem hominum, universum genus ani-

F

malium

malium, & similiter omnes harum aliarumq; hujusmodi multitudinū sive totorum discretorum partes individuas & singulares uno eodemq; tempore simul sumtas significamus Sic enim proprie apud Latinos usurpatur nomen universi, ita tamen ut magis proprie dici videatur de multitudine & toto discreto quam de magnitudine & toto continuo: eo quod totum discretum partes habet inter se discretas & separatas, continuum vero conjunctas & ita inter se connexas & coherentes ut unum non plura & indivisum non divisum esse appareat. Atq; apud Latinos universo sive universis opponuntur singula, hoc est omnianon collectim sed disjunctim sumpta & intellecta, ut apud Ciceronē de Natura Deorum, Quæ si singula vos forte non moveant, universa tamen inter se connexa & conjuncta movere debebunt: & ad Trebatium, Singula persequi non est necesse, universum studium meum & benevolentiam ad te deferō. & in quam plurimis aliis locis: quos omnes, qui videre cupit, is legat aut *Observationes nostras in M. T. Ciceronem*, aut Thesaurum linguæ Latinæ Roberti Stephani Parisiensis, in Capitibus Universi & Singulorum, ubi quam plurima harū vocum exempla non solum Ciceronis sed etiam aliorum Scriptorum diligenter collecta reperiet. Sic igitur apud Latinos accipitur & usurpatur nomen universi, ut semper multas alicujus totius partes non divisim & separatim sed collectim & conjunctim significet, & tanquam contrariū semper opponatur vocī singulorum: Quæ similiter quidem multorum significationem habet, sed disjunctim ac separatim captorum, ut si quis exempli causa loquens de viginti hominibus, ita dicat, singuli sibi tabernaculum constituerunt, is singulos sibi tabernaculum unum constituisse, & viginti tabernacula numero constructa esse significabit. Quod si ita proferat, Universi sibi tabernaculum ædificaverunt, is nihil aliud declarabit, nisi ab omnibus simul unum atq; idem tabernaculum sibi fuisse constructum. Atq; hoc modo & universis singula & singulis universa opponuntur, ut universa sint tanquam singula simul comprehensa, & singula unum universum in multas partes dispersum ac dissipatum. Ab hac igitur voce universi ita significante, ut diximus, ducitur & derivatur nomen universalis, de quo *Quintilianus libro secundo capite, Quis modus in Arte*, ita scribit, *Propter quamvis semper moris fuit, quam minime alligare me ad præcepta, quæ a doctis vocant, id est ut dicamus, quomodo possumus, universalis vel perpetua.* Hæc Quintilianus, ex cujus verbis declaratur Latinos hæc voce universalis uti solere, cum aliquid ad universos, hoc est, ad omnes simul pertinet significare volunt, ut cum dicimus, calorem universalem, pestilentiam universalem, bellum universale, eo quod hæc aliquibus universis & simul omnibus eodem tempore sunt communia &

tanquam

tanquam generalia. Qua in significatione Varro de lingua latina, dixit, causam universalem, Author ad Herennium, rationem universalem. Idem Quintilianus, vocem universalem, & quæstionem universalem. Quibus au-

(Rectè igitur dicitur: Nomina esse Universalia. non res.)

thoritatibus patet, hoc quod est, esse universale, proprie semper tribui aut rebus quæ sunt in alio, aut verbis quæ dicuntur de alio. Rebus quæ sunt in alio hoc modo, ut si bellum, exempli gratia, sit in tota provincia, intelligere debemus tam bellum quam provinciam habere partes, & singulas belli partes singulis provinciæ partibus attributas esse, non universas belli partes singulis provinciæ partibus contineri, nec singulas provinciæ partes ab universis belli partibus esse occupatas, quorum neutrum fieri potest. Quomodo enim universæ belli partes simul acceptæ sint in una & eadem parte provinciæ? aut una sola provinciæ pars omnes belli partes capiat simul comprehensas? profecto utrunq; horû est ex numero eorum, quæ fieri nullo pacto queunt. Quare cum dicimus bellum universale toti provinciæ necessario intelligere debemus singulas belli partes in singulis provinciæ partibus esse sitas, non universas in singulis neq; singulas in universis, Et eodem modo omnes aliæ res, quæ universaliter alteri adesse affirmantur. Verbis vero quæ dicuntur de altero, tribuitur universale, cum ita dicitur, exempli causa, animal est vox universalis, eo quod est nomen appellativum simplex, & ut docuimus supra in Capite quarto, in multis enuntiationibus tanquam partibus suis attribuitur multis suppositis, sic ut singulæ enuntiationes singulis suppositis aptentur, hoc modo, homo est animal, bos est animal, leo est animal, Hoc enim modo vox animalis proprie & singulariter accepta, est universalis & in rebus enuntiativis tria significat. Quod si etiam centies aut millies eodem, quo dixi, modo, enuntiaretur, centum & mille posset significare, nam in una tantum enuntiatione, eodem modo singulariter & proprie accepta non nisi unius alicujus significationem habere potest, ut superiore Capite docui: neq; solum hoc quod dico in voce animalis verum est, sed etiam in omnibus aliis simplicibus appellativis in singulari numero positis. Hoc igitur modo nomē universalis apud Latinos veteres dicitur & de rebus quæ sunt in alio, & de verbis quæ dicuntur de alio, & de nulla alia re præterea nec alio modo vere & latine dici potest. Apud Dialecticos vero & Philosophastros, communiter longe aliam habet significationem, quæ à nullo unquam latinorum veterum, quod sciam, nec usurpata fuit nec audita, siquidem apud eos Universalis nomine significatur & intelligitur natura quædam, ut ipsi dicunt, per essentiam in se quidem una sed per communicabilitatem vel participationem communis pluribus, quæ & per abstractionem intellectus nostri fiat è multis, & per existentiam sit in multis, &



per prædicationem dicatur de multis. Appellatur autem ab eisdem istud universale, tum genus, ut animal: tum species ut homo: tum differentia ut rationales: tum proprium ut risibile: tum accidens ut calor & frigus, ut in summa sint quinque universalia, genus, species, differentia, proprium & accidens. Acta'e quidem est Philosophastrorum universale, hoc est, magis multiplex magisque multiforme, quam dicitur fuisse Chimera illa poetica à Bellorophonte domita, aut Geryon ille trico'por, quem Hercules interfecisse traditur, illa enim erant monstra tantummodo triplicia, hoc est quincuplex. Definunt autem istud portentum, qualemcunque sit, hoc modo, ut deant. Universale id esse quod unum exstens per essentiam uno eodemque tempore totum & integrum communicator in utris & sit in multis & dicitur de multis. Atque ita putant animi, exempli gratia, esse unum genus, quod eo modo communicetur & sit in homine, bove, & leone, cæterisque speciebus, quodque de eisdem dicatur & prædicetur, & hominem esse unam speciem, quæ similiter communicetur & sit in Socrate, verbi causa, Platone & Aristotele, & cæteris individuis, quæque dicatur & prædicetur de eisdem, Eodemque modo sentiunt de reliquis universalibus suis. Et quanquam apud Dialecticos, ut dixi, sunt *quinque universalia*, tamen duo ex eis apud illos, sunt

(Proprie duotantum sunt Universalia genus & species; reliqua tria, quæ adiectiva sunt, prædicabilia sunt, universalia non sunt. Rationale non est universale, sed ens rationale est universale.)

maxime celebrata, genus & species, atque ideo ab eisdem multis & ambitiōsis insignita nominibus. Namque ut in eisdem generis & speciei exemplis permaneam, homo apud eos appellatur, tum species hominis, tum natura hominis, tum species specialissima, tū homo communis, tū homo universalis, tū homo specificus, tū ut Porphyrius græce loquitur, *κοινὸς καὶ εἰδικὸς ἀνθρώπος*. Animal vero dicitur, tū genus animalis, tū natura animalis, tum genus subalternū, tū animal cōmune, tū animal genericum, tū animal universale, tum ut Aristoteles græce nuncupat, *ζῷον καθόλου*, & aliis quibusdam inauditis barbarisq; nominibus. Neque solum habent, ut dixi, species specialissimas, & genera subalternas, sed etiam species subalternas & genera generalissima, ut in eorum labore prædicamentali, quam vocant, manifeste licet videre. In summa ista genera & species, & cætera, quæ dicta sunt, generaliter omnia ex ea parte quatenus putantur esse in rebus, appellantur, ut dixi, universalia sive naturæ universales, ex ea vero parte quatenus existimantur dici & prædicari de multis, aliud habent nomen à recentioribus & barbaris latinis inditum. Nuncupantur enim prædicabilia videlicet à prædicando, hoc est, dicendo, nam prædicari & dici apud eos idem est, apud Græcos vero communiter vocantur, *πέντε φωναί*, hoc est, quinque voces, atque hanc ob causam, fere omnes Græci interpretes horum universalium libros suos inscripserunt, *πέντε φωναί*. Generationem autem & procreationem horum universalium per

per intellectus abstractionē hoc modo fieri dicunt. Intellectus noster inquit primo cogitans, exempli causa, Socratem, Platonem, Aristotelem, & reliquos singulares homines ex illis licet inter se dissimilibus ita cogitatis colligit sibi quandam humanitatis similitudinem, quæ in animo retenta veraciterq; perspecta, ut dicit Boethius, est species hominis. Deinde rursus idem intellectus noster altius ascendens & considerationem convertens ad hominem, bovem, leonem, ceterasque huiusmodi species ex illis licet inter se differentibus ita consideratis, effingit sibi alteram similitudinem, quæ non nisi in ipsis speciebus specierumq; individuis esse potest, & proprie appellatur genus animalis. Eodemq; modo per abstractionem intellectus nostri ab aliis singularibus & speciebus efficitur & quasi procreari putant omnia alia universalia: De quibus in summa ita sentiunt authores Boethio. ut dicant, ea esse prorsus incorporea & immaterialia & hanc ob causam mortis interitūq; expertia, & reperiri non solum in incorporeis sed etiam in corporeis sensibilibusq; naturis, percipi autem & intelligi præter corpora & sensibilia ab intellectu nostro tantum, utpote immaterialia ab immateriali. Nam sensus nostros materiales ad universalium immaterialium cognitionem nullo modo posse pertingere. Nec desunt etiam qui dicant universale esse totum quoddam, ac tria totorum genera constituent, unum quod sit, ut inquit Eustratius super primo Ethicorum Aristotelis, *τὸ πᾶν*, hoc est, ante partes: alterum, *ἐκ μέρους*, hoc est, ex partibus: tertium, *ἐν μέρει*, hoc est, in partibus, quorum totorum exempla hæc ab illis traduntur. Illius quod est ante partes, idææ Platonis: Illius quod est ex partibus, totum omne tam continuum quam discretum: Illius quod est in partibus, universale hoc de quo loquimur Aristotelis & Peripateticorum. Atque hæc scilicet summatim sunt ea quæ de universalibus à Dialecticis tradita reperiuntur. Quod si forte quispiam de eis plura scire cupit, is legat ex antiquioribus *Boethium* inter initia secundæ editionis in Porphyrium, ex recentioribus vero *Rodolphum Agricolam*, in libello de universalibus. Quorum uterq; conatus est, quàm clarissime & subtilissime potuit primum explicare atq; exprimere vim & naturam & proprietatem universalium: licet frustra, quia quod non vere est, nunquam vere potest expari. Deinde etiam defendere ac tueri universalia contra eos, qui vel eanegant, vel de eis dubitant. Sed in ista sua defensione incassum laboraverant, & oleum, ut dicitur, operamq; perdidērunt. Nos enim universalia sine ulla dubitatione falsa & cōmentitia & nullam ad rem necessaria esse demonstrabimus, & omnibus illorum rationibus argumentisq; respondebimus, sic ut sperem post hæc nunquam fore quenquam neq; tam audacem, neq; tum temerarium, qui universalium defensionem suscipiat,

piat, aut si suscipiet, qui nō ab omni posteritate tanquam stultissimus ineptissimusque rideatur. Loquor autem de universalibus realibus, ut vocant, hoc est, quæ in rebus extra vocem ac mentem nostram consistere dicuntur, non de iis, quæ in vocibus & nominibus sunt. Nam nos quoque una cum *Nominalibus* sine ulla dubitatione confitemur universalia in vocibus ac nominibus reperiri, & voces vere communes universalesque esse, eo quo supra diximus modo. Sic igitur patet unde dicatur nomen universalis, & quid quoque modo significet tam apud Latinos veteres, quam apud Dialecticos & Philosophastros, ex quibus quidam sunt qui ex sententia Aristotelis affirmant universalia vere non solum in vocibus & intellectibus, sed etiam in ipsis rebus extra vocem intellectumque inveniri, ut Boethius, Albertus, Thomas, Scotus, & alii quam plurimi, qui omnes hanc ob causam in scholis appellantur, Reales: Alii vero contra atque hi ex ejusdem Aristotelis opinione asserunt & contendunt universalia extra vocem atque intellectum nullo prorsus modo constare, sed tantum in solis vocibus nominibusque existere, atque ideo ipsi quoque vulgo ab re ipsa nuncupantur à quibusdam, Nominales, ab aliis verò, Terministæ: Quorum Author primus & inventor fuisse dicitur Ochamus quidam natione (ut opinor) Anglicus, unde etiam à nonnullis appellantur, Ochamistæ. Hanc igitur Ochamicam de universalibus opinionem, nos quoque in toto hoc opere contra Dialecticos Reales secuturi sumus ac defensuri, non quidem tanquam Aristotelicam & Peripateticam.

(Imo vero horum in Aristotele vix vestigium ullum est nisi in singularibus, mente & vocibus.)  
 ticam, nam *Aristoteles* sine ulla dubitatione existimavit & posuit universalia realia, sed tanquam veram & communi omnium tam Græcorum quam Latinorum recte loquentium sermoni consentaneam. Esse enim universalia, nominū appellativorum revera proprium est, non rerum, nisi eo, quo supra dixi, modo, qui ab universalibus Dialecticis longe alienus est. Quibus tanquam fundamentis quibusdam totius futuræ disputationis nostræ jactis, nunc accedimus ad probandum universalia extra vocem & intellectum in rebus nec esse revera nec posse esse, & propterea Pseudophilosophos in quarto loco generalis divisionis suæ rerum non recte prætermisisse multitudines rerū singularium universæ acceptarum, quæ veræ existunt & loco earum pliusquam stulte posuisse universalia sua sive naturas universales quæ prorsus nusquam sunt nisi falsæ & commentitiæ, & nullam aliā ad rem utiles nisi ad nugandum & garriendū. Quam quidem probationem primum ita proponimus, ut dicamus & sine ulla dubitatione affirmemus, ista Universalia realia, eo modo quo à Dialecticis intelliguntur & explicantur, primo propter eas causas, quæ ab ipsis proferuntur, non esse utilia nec necessaria, nec necessario ponenda, sed plane contra potius inutilia, supervacanea, & ex omni philosophia ejicienda. Deinde etiā

si ma-

si maxime esset aliqua causa, qua poni debere viderentur universalia, tamen ea prorsus non esse in vera rerum natura, nec esse posse nisi falsa & commentitia. Tum rursus etiam si non solum esse possent, sed etiam vera essent, tamen non esse ponenda quinque numero, sed unum tantum, hoc est, genus eo quod reliqua essent aut non vere universalia, ut species, aut certe in nomine ac natura generis inclusus, ut differentia, proprium, & accidens. Et postremo etiam si vere quinque numero universalia esse concederentur, tamen ea à Pseudophilosophis fuisse male exposita, peius definita, & paulo minus quam tota falsa. Hæc inquam omnia nos ita proponimus & probare aggredimur, ab eo quod primo loco propositum est initium probationis nostræ capientes, hoc est, à causis, quibus universalia dicuntur esse necessaria, & necessario ponenda. Nam cum causæ illæ à nobis refutatæ erunt & sublatae, tum facile cætera quoque probabuntur esse falsa, nec difficile erit respondere ad omnia, quæ pro defensione universalium contra nos à Pseudophilosophis vel afferuntur, vel afferri posse putantur.

## CAPUT SEPTIMUM.

*Universalialia realia nec propter scientias artesque tradendas, nec propter syllogismos & cæteras argumentationes formandas, nec propter prædicationes superiorum de inferioribus faciendas necessario esse ponenda, contra Pseudophilosophos.*

**S**ED quibus tandem de causis Philosophastri isti moti & adducti excoGITaverunt & introduxerunt universalialia realia? Audite quæso Lectores veræ philosophiæ studiosissimi & veritatis amantissimi, audite inquam & diligenter attendite, res enim vestra hic agitur, & ea quidem res, qua nulla major neque dignior, quæ cognoscatur, nec adeo magis ad vos pertinens esse possit. Nam si universalialia ista falsa sunt, ut nos dicimus, & probaturi sumus, continuo una cum universalibus *cadit penè tota Dialectica*,

Hoc falsum est. Neque enim minus Nominales quam cæteri, Dialectica Aristotelis usi sunt, & recte quidem. Nam etsi in nominibus saltem vera sint quæ vulgò rebus attribuebantur, salvares est; quando nominibus istis in explicandis rebus utimur.

quæ in illis tanquam columnis fundata est, & simul cum Dialectica corruiet etiam non parva ejus, quæ nunc in usu est, philosophiæ pars, & quod omnium

omnium pessimum est, vos ipsi quicquid temporis & laboris in Dialectica & Metaphysica infumitis, id totum amittitis, & oleum simul operamq;, ut dicitur, perditis, Audite inquam tertio pulchras & egregias causas, quibus isti, ut ipsi dicunt, moti universalia introduxerunt, & pro introductis tanquam pro aris & focis pugnant. In summa aiunt, universalia esse necessaria & necessario fuisse introducta tribus potissimum de causis, quarum una est, propter scientias & artes & definitiones tradendas, altera propter demonstrationes & syllogisticas ceterasq; generales argumentationes conformandas, tertia propter prædicationes generum de speciebus & omnium superiorum de suis inferioribus faciendas. Quorum trium nihil sine universalibus fieri posse contendunt, atq; ideo universalia necessario ponenda censent. Ac quod ad primam causam attinet, sic eam confirmant, ut dicant, scientias & artes & definitiones tradi ac esse non de singularibus, quæ & quoniam numero sunt infinita, nec cognosci perfecte nec scientia comprehendi possunt, Quis enim, inquit, perfecte cognoscat aut scientia comprehendat infinita? & quoniam assidue generatur & corrumpuntur, minime sunt idonea quæ doctrinas & disciplinas de se traditas in perpetuum conservent, quemadmodum oporteret. Et propter has duas causas concludunt scientias & artes & definitiones non de singularibus tradi & esse, sed de universalibus, quæ quoniam & in numero sunt finito ac determinato, & nullam corruptionem aut mortem patiantur, ut ipsi putant, idcirco hanc habent naturam ut & propter finitatem facile cognosci ac sciri, & propter immortalitatem æternitatemq; ea, quæ de se traduntur ac sunt, facile semper conservare valeant. Atque hac brevi argumentatione putant sibi satis confectum, ac conclusum, doctrinam scientiarum, artium, & definitionum tradi & esse non de singularibus, quasi infinitis, corruptibilibus & temporariis, sed de universalibus tanquam finitis, incorruptibilibus & æternis, & propterea aut scientias & artes & definitiones in perpetuum nobis amittendas, aut universalia necessario, velimus, nolimus, ponenda, ut ipsi nescio quo pacto stulte ac temere sibi persuaserunt. At nos contra ex adversa parte, omnia prorsus opposita statuentes & Aristoteli ac Philosophastris respondentes breviter ita dicimus, Artes & scientias & definitiones tradi & esse non de universalibus realibus, quæ fictitia commenticiaq; sunt, & prorsus non reperiuntur in vera rerum natura, sed de singularibus & individuis de quibus nemo, nisi plane stultus, dubitat quin vere sint, & quamvis numero sint infinita & corruptioni mortiq; obnoxia, nihil tamen nec infinitatē nec mortalitatē eis ob stare, quo minus & facile cognosci ac sciri, & quæ de se traduntur, ac sint, semper conservare valeant. Quam ad rem probandam illud ante omnia non

ignorari

ignorari volumus, quod ad infinitatem singularium attinet, artes & scientias & definitiones tradi & esse de singularibus, id duobus modis capi atque intelligi posse, uno modo singillatim, hoc est, unum quodq; per se & separatim ab aliis, altero modo univérse sive in universum, hoc est, omnia simul & semel comprehensa. Quod si singularia singillatim, hoc est, singula per se ac separatim accipiantur, ingenuè fateor illa hoc modo esse infinita & nullo pacto cuncta cognosci ac sciri posse, & propterea minime idonea videri, de quibus sic acceptis ulla ars aut scientia aut definitio tradatur. Sed si eadem singularia non singillatim sed univérse vel in universum, hoc est, omnia simul ac semel capiantur, hoc altero modo dico & affirmo artes & scientias & definitiones de singularibus percommode tradi & esse posse, nec infinitatem eis quicquam obstat, ut probabimus, quominus cognosci possint ac sciri. Atque ita distinguendo de acceptione singularium, & ponendo in summa tantum duos veros considerandi rerum modos, paucis verbis labefactatur primæ ratio Philosophastorum, quæ ad infinitatem singularium pertinet. Nam tertius ille considerandorum rerum modus, qui à Philosophastis præter illos duos ponitur, & ab eisdem, considerare rem universalius, appellatur, prorsus est falsus, ut patebit infra in Capite de Comprehensione & Abstractione. Quod autem spectat ad corruptibilitatem mortalitatemque eorum, rursus distinguimus & ita dicimus, singularia esse corruptibilia vel incorruptibilia, id similiter duobus modis intelligi posse: primo modo, per essentiam & naturam singularem, & hoc modo iterum fateor omnia singularia vere esse corruptibilia & minime idonea, quæ ullam doctrinam de se traditam semper custodiant: *altero modo per continuam*

(Imo verò eisi non regenerarentur homines, sed interiret plane humanum genus, tamen multa de genere humano vere dici possent, manet enim vera hæc propositio: *Siquis datur homo, tamen si nunc nullus decuit* necesse est, ut sit animal.)

*successionem & perpetuam quasi regenerationem singularium*, & hoc secundo modo nego singularia esse corruptioni mortiq; obnoxia. Nam & si non fuerunt, sunt & erunt semper singulares homines, & singularia animalia, tamen semper fuit, est, & erit, & genus hominum & genus animalium, quod ad conservandas semper scientias & artes de singularibus traditas satis est. Artes enim & scientiæ nõ de singularibus separatim & seorsum acceptis, sed de generibus univérſis, hoc est, non de singulis generib; sed de generibus singulorũ traduntur & sunt. Sic igitur ostenso, quomodo singularia & tanquam non infinita cognosci, & tanquam non corruptibilia semper durare possint, & præterea quomodo artes & scientiæ de eis tradi & esse queant, nunc incipio respondere Dialecticis ac Metaphysicis cæterisque Philosophastis ad ea quæ pro defensione suorum universalium asserre solent. Ac primum ei, quod Aristoteles crasse nimis & imperite ita quærit in secundo τῶν μετὰ τὰ φυσικά. Si nihil est præter singularia, nempe ut ipse dicere vult, infinita, corruptibilia & contin-  
G
tingen-



tingentia, & nulla existant universalia, videlicet finita, incorruptibilia & necessaria, quomodo & de quibus tradentur & erunt artes & scientiæ? respon-  
deo Tibi domine Aristoteles, etiam si nulla erunt universalia stulta & inepta,  
ut vere non sunt, tamen artes & scientiæ & definitiones tradentur & erunt de  
singularibus & individuis, ut dixi, non per naturam propriam & privatam,  
sed per communem & perpetuam successionem æternis, nec de omnibus sin-  
gillatim & seorsum, sed in universum vel universe, hoc est, simul & semel ac-

(Non sic effugerit, nam si singulorum seu singularium infinitus est numerus, sequitur nec univer-  
se seu simul ac semel accipi posse. Totum enim infinitum est, cuius infinita sunt partes. Quæ  
si scientia est de universo genere, & universum genus est totum collectum ex omnibus sin-  
gularibus, cum omnia singularia simul sint infinita, vel saltem indefinita, necesse est scientiam  
de re quadam infinita aut indefinita esse, & ita de re incomprehensibili. Nam si veritas huius  
propositionis, quod terra sit novem collectione omnium singularium seu inductione  
pendet, nunquam certo sciri potest, an æquam omnia singularia sint explorata, quod est inti-  
nitum. Necesse est igitur, ut aut nulla certa scientia haberi possit, nam argumentum à multis  
exploratis ad reliqua inexplorata ad scientiam parandam non sufficit, eis sufficit non nun-  
quam ad præsumptam aut falsum sit universalis & scientiam à collectione singularium seu indu-  
ctione pendere.)

ceptis. Quo modo accepta *nec sic infinita* sunt, ut non facile cognosci ac sciri,  
nec sic corrumpuntur & intereunt, ut non perpetuo durare & ea, quæ de se  
traduntur, conservare possint. Atque ita responsum sit rudissimæ illi ac stultissi-  
mæ Aristotelis inquisitioni. Sed fortassis aliqui ex maxima Philosophastorum & Aristotelis  
sectatorum turba hic mihi sese opponent, dicentes hoc nostrum, quod vocamus, universum &  
universæ idem esse, quod suum universale & universaliter. habent enim magnam vocum simi-  
litudinem, & propterea non oppugnari ratione nostra suum universale & universaliter, sed po-  
tius defendi ac confirmari. At ego vixissim vobis respondeo domini Philosophastri, hæc esse  
inter se longe diversa. Nam vestrum universale fit per factam illam & vanam, ut vos appella-  
tis, intellectus abstractionem à singularibus. quam nos infra in Capite de falsa abstractione su-  
mus refutaturi, tanquam plane mendacem & falsam. Nostrum vero universum efficitur per  
comprehensionem & acceptionem omnium cuiusque generis singularium simul & semel, sine  
ulla intellectus à singularibus abstrahentis ope, sed solo intelligentiæ singularia ipsa compre-  
hendentis auxilio. Quæ de comprehensione & quid sit & quomodo fiat, dicemus infra & in  
hoc & in Capite de comprehensione, ubi etiam de falsitate abstractionis loquemur. Vestrum  
universale licet per naturam existat in singularibus, ut vos dicitis, tamen per intellectum est  
abstractum & separatum à singularibus, tanquam nubes quædam in ære pendens invisibilis, &  
in eo plane loco consistens, ubi sunt Idææ Platonis, vel potius ubi Chimææ atque Centauri  
Poetarum habitant. Nostrum universum & per naturam est in singularibus, & per intelle-  
ctum non separatur à singularibus, non magis quam populus & exercitus cum intelligentur à  
nobis, & omnino ipsum nihil aliud est, nisi ipsa singularia simul & semel per intellectum com-  
prehensa, & quasi congregata non aliter quàm comprehenditur grex ovium & armentum  
borum, cum mente percipitur. Vestrum universale vos non solum ab intellectu solo fieri,  
sed etiam ab intellectu solo cognosci ac percipi vultis, ab exterioribus vero sensibus ne-  
quaquam. Nostrum universum licet ipsum quoque ab intellectu quodammodo  
fiat, ita comprehendente, ut dixi, simul omnia singularia, & ab eodem cogno-  
scatur

scatur intelligaturq; , ut pote ab ipso cōprehensum, tamen percipitur & usurpatur etiam à sensibus, tam exterioribus quàm interioribus, si non omnino at certe magna ex parte. Quis enim nostrum, qui etsi non omnia, tamen aliqua videat & percipiat singularia generis animalium? generis arborum? generis herbarum? & aliorum quam plurimorum generum? certe nemo nisi plane fatuus & ineptus Philosophaster. Ad hæc vestrum universale, ut vos docetis, prædicatur & dicitur de omnibus suis singularibus & inferioribus in recto casu, ut cum ita dicitis, exempli gratia, homo est animal, & candor est color, falso existimantes & animal in priore, & colorem in posteriore propositione esse genus. At nostrum universum minime in recto casu de ulla sua parte prædicatur. Quis enim ferat, si quis ita dicat, vel homo est universum genus animalium? vel candor est universum genus colorum? certe nemo, non magis quam si diceret, unum civem esse universum populum, & unum militem esse universum exercitū. Nā quod ajūt in illis propositionibus & animal & colorē, vere esse genera, & de homine ac candore tanquam de speciebus suis in recto casu prædicari, falsissimum est, ut partim supra monuimus, partim infra probabimus in Capite de genere, cum falsitatem illorum generum, & nullum totum de sua parte in recto prædicari demonstrabimus. Postremo & vestrum universale & nomen universalis in ea significatione quā vos illi tribuitis, nunquam fuerunt usurpata aut cognita ab ullo latinorum veterum, quod ego quidem sciam, ante Boethium vel non ita multo ante ætatem illius, ut opinor. Et propterea tam res, quam vos dicitis esse universale, quàm nomen universalis

(Citat tamen ipse supra pag. 43. Quintilianum universalis voce utentem.)

apud Latinos recte loquentes sunt nova, inusitata & *barbara*. Nostrum vero universum, hoc est, & res quæ est universa & nomen universi, ambo ab antiquis latinis non solum fuerunt cognita sed etiam usurpata & trita, & præsertim à Cicerone cæterisque probatis Scriptoribus, quemadmodū supra diximus & infra etiam dicemus: ut neq; de re quæ est universum, neq; de nomine universi quisquam nō omnino stultus possit dubitare. His igitur de causis & aliis multis, quas ne longior sim in re manifesta, prætereo, nequaquam idem esse possunt vestrum universale & nostrum universum O Domini Philosophastri. Nam de adverbii, quæ ex eis formantur, hoc est, de universaliter & universe non dubitandum est, quin ipsa quoq; sint longe diversa, cum illa à quibus derivantur tantam habeant inter se diversitatem. Universaliter enim à Dialecticis refertur ad prædicationem de omnibus & semper, ut cum dicunt, hominem universaliter prædicari de suis individuis, hoc est, de omnibus & omni tempore, cujus oppositum est particulariter. Universe autem similiter ut universa non refertur ad prædicationem, sed ad comprehensionē omnī singularium

simul ab intellectu factam, nec ad omnia tempora, sed ad omnia singularia simul & conjunctim percipienda, & opponitur ei quod est singillatim, ut cum Cicero in Verrem ita inquit, Nam quid ego de cæteris civium Romanorum suppliciis singillatim potius quàm universe loquar? Omitto hic aliud etiam inter hæc duo adverbia discrimen, quod universe apud Scriptores latinos veteres sæpe usurpatum reperitur, universaliter vero fere nunquam legitur, nisi apud posteriores, cum latina lingua paulatim immutari, & in deterius labi cœpit: quo fit ut adverbium universaliter tanquam non satis latinum à quibusdam non ita libenter usurpetur. Sed rursus fortasse respondebunt Philosophastri, ut sunt imperiti, ac rerum etiam, quæ à pueris non ignorantur, prorsus ignari, & dicent hoc nostrum, universum & universe, esse res & vocabula vel nunquam apud veteres usurpata vel si usurpata fuerunt, nunquam tamen ad scientias artesque tradendas fuisse assumpta & accōmmodata. Quibus vicissim respondeo utrumque horum esse falsissimum ac prorsus contrarium ei, quod vere in libris antiquorum tam Græcorum quam Latinorum reperitur. Nam doctissimi quique viri, cum de omnibus singularibus cujusque generis simul & semel loqui volunt, puta de omnibus singularibus Græcis una, vel de omnibus singularibus hominibus commuiter, vel de omnibus singularibus animalibus generaliter, & sic de omnibus aliis singularibus quorumcunque generum, vel affirmantes aliquid vel negantes, vel probantes vel improbant, vel aliquid hujusmodi facientes, cū inquam ita loqui volunt de omnibus alicujus generis singularibus, non necesse habent, ut Philosophastri nugantur, ab omnibus illius individuis singillatim acceptis abstrahere sibi ac fingere unū universale, puta unū Græcum universale, ab omnibus singularibus Græcis, aut unum hominem universale ab omnibus singularibus hominibus, aut unū animal universale ab omnibus animalibus singularibus, de quo aliquid, ut dixi, affirmant vel negent, probent vel improbent, ut Philosophastri plusquam stolide & fabulose faciendum esse somniant, sed omnes singulares Græcos, omnes singulares homines, omnia singularia animalia, simul & semel animo comprehendunt, & hoc modo de illis ita cōprehensis simul ac semel affirmant vel negant, probant vel improbant id quod volunt. Hæc enim omnia singularia hoc modo, ut dixi, comprehensa proprie sunt, non universale, nec natura universalis, nec genus universale, nec res universalis ut Pseudophilosophi garriunt. sed universum, vel natura universa, vel genus universum, vel res universa, ut doctissimi quique loquuntur & intelligunt. Atque in primis Cicero in secundo de Oratore libro, cum monet argumenta criminum & defensionū revocanda esse ad genus & ad naturam universam, & ibidem cum ait, Revolve ad com-

ad communes rerum ac generum summas, & referri ad universi generis disputationem; & in tertio ejusdem operis, cum ita scribit, Loci qui de universa re tractari solent: Quibus in locis & alibi nusquam legitur apud Ciceronem nec genus universale, nec natura universalis, nec res universalis, cur ita? quia genus & natura & res in hujusmodi locutionibus nihil aliud sunt nisi multitudines quædam singularium: & tota quædam discretæ, ut jam toties diximus, & infra etiam magis clare probabitur. Itaque quemadmodum non recte dicitur universalis populus, nec universalis exercitus, nec universalis multitudo, sed universus populus, universus exercitus, universa multitudo, sic etiam non recte usurpatur universale genus, sed universum genus, ut Cicero ait, Universum genus in species dividere: nec universalis natura sed universa natura, nec universalis res sed universa res, accipiendo tamen semper genus proprie, naturam autem & rem non proprie pro una tantum re singulari, sed figurate pro multitudinis singularium rerum universæ, ut supra diximus, & infra etiam dicemus, acceptam. Ex quibus apparet nomen universalis in ea significatione quam ei tribuunt Pseudophilosophi, esse inusitatum, novum & barbarum universi vero appellationem esse probam, latinam & à doctissimis quibusque viris usurpam. Quod dixi de nomine universi idem dico de adverbio universe, quod Dialectici imperite ac barbare nimis converterunt in universaliter, cum nusquam in ea significatione apud probatos authores reperitur. Loqui autem universe sive in universum de aliqua re, & differere de genere universo vel de re universæ vel de natura universæ apud Latinos nihil aliud est, nisi loquendo & differendo tractare eam, quam Græci *κοινῆ* vocant, Latini vero tum questionem infinitam tum propositum. Est enim Thesis sive questio infinita sive propositum, cum sine determinatione personarum, locorum vel temporum de omnibus singularibus alicujuspiam generis simul acceptis aliquid universe sive in universum probatur vel improbat, ut Cicero facit in oratione pro Flacco, cum refutaturus testes Græcos adversæ partis inquit, At à testibus læditur, antequam dico à quibus, qua spe, qua re concitatis, & cætera, dicam de genere universo & de conditione omnium nostrum. Ibi enim Cicero dicturus contra testes Græcos Adversariorum, & probaturus eos esse mendaces ac tales, quibus credi non oporteret, antequam veniat ad dicendum de singulis separatim, pollicetur se dicturum primo de omnibus illis simul & conjunctim, & hoc est illud, quod ibi dicit, de genere universo, hoc est, de universa natione sive de universo genere Græcorum. Quo loquendi modo idem Cicero quoque utitur in Partitionibus Oratoris cum loquens de testibus admonet modo dicendum esse de toto genere testium, quæ

fit infirmum, modo de singulis testibus, sinatura vani leves, & cætera: ex quibus duobus locis & aliis quam plurimis non solum apud Ciceroam sed etiam apud alios probatos scriptores manifeste licet intelligere, genus universum, naturam universam, rem universam, nihil aliud esse, ut ante dixi, nisi multitudinem aliquam singularium simul & semel acceptorum sive universum aliquod totum discretum ex multis singularibus individuisq; vere compositum. Nam obsecro per deos immortales quid differt sive confirmes oratorio more omnes singulares homines alicujus nationis universe acceptos esse mendaces ac perjuros? id quod facit Cicero de Græcis in ea, quam dixi, oratione: sive probes, exempli gratia, omnia singularia animalia eodem modo accepta habere sensum tactus? id quod Aristoteles & cæteri Philosophi faciunt: sive etiam demōstres omnia singularia triangula pari modo comprehēsa habere tres angulos æquales duobus rectis? qui modus probandi apud Geometras & Mathematicos putatur efficacissimus, & ab Euclide passim usurpatur. Quidnam inquam differt quoniam horum trium modorum aliquid confirmes & probes? profecto nihil, una enim quælibet harum probationum sive confirmationum sive demōstrationum fit atq; est de omnibus singularibus sui cuiusq; generis simul & semel acceptis: nec refert, quod ad acceptionem simul omnium singularium pertinet, quodnam genus rerum sit, sive civilium, sive naturalium, sive mathematicarum, sive etiam supernaturaliū, modo constet ex singularibus & singularia omnia simul in probando vel improbando assamantur. Ad hunc igitur modum & de his generibus sive naturis sive rebus universis traduntur & sunt omnes scientiæ, artes & definitiones, sic ut ad nullam harum, quas dixi, rerum faciendam opus sit ullis Philosophastrorum universalibus realibus, aut ullâ abstractione eorum à singularibus præsertim falsa atq; mendaci, ut nos infra probabimus, sed satis superq; sint multitudines singularium eo, quo dixi, modo universe acceptorum. Nec quicquam impedit quo minus hæc fieri possint primo quod singularia singillatim sumpta sint infinita, eo quod ut supra dixi, de eis non singillatim & uno quoq; per se sumptis, sed in universum sive universe per intellectum comprehensis & acceptis traduntur scientiæ & artes, Non aliter nec alio modo quam una eademque lex scribitur non de singulis rebus sed universis, hoc est, de omnibus simul. Eodem enim modo doctissimi viri in tradendis scientiis quo legislatores in ferendis legibus mente atq; intellectu comprehendunt omnia singularia de quibus aut scientia datur, aut lex scribitur, & in summa non minus scientiæ quàm leges traduntur & sunt de universis. Deinde nihil obstat artibus & scientiis de singularibus tradendis, quod ipsa singularia assidue generari & corrumpi videmus, nam & si singula



corruptionem interitumq; patiuntur, nunquam tamen tolluntur & intereunt univēsa, & hoc modo licet deficiant quotidie singuli homines, exempli causa, & singula animalia, non propterea tamen unquā moritur ac tollitur univēsum genus hominum nec univēsum genus animalium. sed semper & in æternum tempus durat atq; permanet, quod ad perpetuam custodiam & conservatiōē artium & scientiarum de se traditarum satis superque est. Hæc enim traduntur ut dixi, non de singulis generum, sed de generibus singulorum. Quæ quidem genera debent intelligi esse composita ex singularibus non solum quæ in præsentia sunt, sed etiam, quæ antea fuerint, & posthac futura sint, ut intra dicemus in Capite de genere, docentes nomen generis non solum ad præsentia sed etiam ad præterita & futura singularia, ex quibus omnē genus constitutum est, referri debere. Atq; hanc ob causam talia genera siue ulla dubitatione sunt

(Imò verò cessat ea successio interitū mundi.)

immortalia & æterna, non per naturam singularem & privatam, sed per communem & perpetuam singularium successionem. Unde Virgilius Poeta sapientissimus in quarto Georgicorum libro de Apibus loquens, ita inquit,

At genus immortale manet, multosque per annos

Stat fortuna domus, & avi numerantur avorum.

Quibus Poetæ verbis vel reclamantibus & blaterantibus Philosophastris cōprobatur & quasi quadam lege sancitur immortalitas & perpetuitas generis apum, ejus curandi & custodiendi ipse in eo libro artem sciētiāq; tradebat. Nam quis, nisi stultus & fatuus Dialecticus, dicat Virgilium eo in loco præcepta tradere de nescio quo plusquā mōstroso & prodigioso univērsali, quod in rerum natura non reperitur? non de univēso genere apum, quod nō solum vere est, ut omnes videmus, sed etiā, ut ipsemet poeta testatur, immortale sempiternumq; est & si genus apū tale est, ut certe est, quis dubitare potest, quin de genere animalium & de aliis generibus idem sit dicēdum? hoc est, quin omnia genera per cōtinuā singularium successionē sint incorruptibilia & immortalia? Præsertim cū hoc idē quoq; confirmet Galenus in xv. de Usu partiū, statim inter initia manifeste affirmans, naturā quia nō potuit opificia sua singularia facere immortalia, eo quod ex rebus corruptibilibus cōposita essent, machinatum eis fuisse remedium & subsidium quod potuit ad immortalitatem, hoc est, ut per continuam singularium successionem fierent immortalia. Itaq; Galenus tandem quasi concludens illum locum ita inquit, Naturæ vero opificium multa annorum millia jam stat, & in posterum stabit. Quod cum dixit Galenus, quid obsecro sibi aliud voluit, nisi hanc de qua loquimur generum immortalitatem per continuā successionē significare? profecto nihil aliud, atq; hinc toties apud eum illa, *Τίσις διαδοχῆς, γένους διαμνήν*, hoc est, generis successio & ge-

& generis duratio. Neq; solum Galenus, sed etiam Aristoteles hanc eandem immortalitatem generum per continuam successionem videtur agnoscere, cum in quarto τῶν μετὰ τὰ φυσικά de genere loquens ita scribit, Εἰ ἂν ἡ γένεσις συνεχὴς τῶν τὸ εἶδος ἔχόντων τὸ αὐτὸ, οὐκ ἔλθεται, ὥς ἂν αἰδρωτῶν γένος. Quo in loco Aristoteles, quamvis de genere pessime sentiat, ut in Capite de genere ostendimus, tamen de immortalitate generis humani recte videtur sensisse, & generum immortalitatem eo quo nos dicimus, modo confirmare. Quibus autoritatibus & argumentis hactenus recitatis concludimus totum hunc locum, contra Dialecticos & Pseudophilosophos, hoc est, omnia cuiuscunq; generis singularia, si non singillatim at certe universe sive in universum cognosci atq; intelligi posse, quod satis est ad artes scientiasq; & definitiones de eis tradendas: & præterea nec corruptionem nec mortalitatem singularium ullo impedimento esse, quominus genera ex singularibus composita per continuam successionem possint esse æterna, Quod ipsum quoq; sufficit ad conservanda ea, quæ de se traduntur & sunt. Cui conclusioni etiam hoc addo, in his inferioribus exceptis animis nostris nullam omnino immortalitatem aut æternitatem reperiri, nisi per continuam singularium successionem, & perpetuam generum durationem. Ex quo illud quoq; intelligi volo quæcūq; nugantur Pseudophilosophi de immortalitate & necessitate suorum universalium suarumq; artium & scientiarum, ea omnia esse vana & falsa, nisi immortalitatem & necessitatem ad hanc quam dicimus, continuam singularium successionem referant. *Nam quod Aristoteles in Ethicis & alibi ita dividit habitus animi, ut dicat alios esse de rebus, quæ nunquam aliter atque sunt, sese habere possunt, ut scientiam, & sapientiam, alios vero de rebus, quæ subinde alio atque alio modo sese habent, ut artem & prudentiam, prorsus falsa & monstrosa est divisio.* Iterum enim ac sæpius dico & repeto in his inferioribus nihil esse quod non subinde aliter atque aliter sese habere possit, quodq; non sit mutabile & corruptibile, præter id quod dixi, & eo quo docui modo. Atque hoc pacto rejecta & explosa est prima illa causa, propter quam dicebamus, Philosophastros fuisse adductos ut universalia realia esse vera & necessario ponenda arbitrantur. Nunc accedimus ad secundam causam, quæ pertinet ad demonstrationes & syllogismos ceterasq; argumentationes, in quibus sicut ipsi dicunt, aut ab universali ad particulare ut in syllogismo, aut à particulari ad universale fit progressus, ut in inductione: Similiter enim nihil horum sine universalibus fieri posse affirmant, atq; ideo universalia necessario ponenda contendunt, ne scilicet omnibus demonstrationibus, syllogismis & argumentationibus necessariis omnino privati remaneamus. O præclaram & egregiam causam,



causam, propter quam universalia nullo pacto sint neganda sed confitenda & totis viribus confirmanda, Magnum enim videlicet nobis imminet periculum magnaue jactura nisi universalia retineamus. Sed ego vos ô Dialectici, & Metaphysici, ô Philosophastri, vos inquã nunc & nos omnes simul hoc timore atque hoc periculo liberabo, eodem plane modo, quo supra etiam docui nihil neque scientiis neq; artibus neq; definitionibus timendum, etiam si nulla sint neq; ponantur universalia. Non enim de universalibus sed de universis fiunt demonstrationes & syllogismi, nec quemadmodum vos dicitis in argumentando fit progressus aut per syllogismum ab universalibus ad particularia sed ab universis ad singula, aut per inductionem à particularibus ad universalia sed à singulis ad universa. Multum enim differunt vestra universalia & particularia, à nostris universis & singulis. Nam, ut etiam ante dixi, vos universalia vestra per abstractionem fieri dicitis, & quiddam aliud esse vultis quam omnia sua singularia simul collecta. Nos nostra universa ita ut sunt à natura facta sine ulla abstractione nihil aliud esse dicimus, nisi omnia singularia unius cujuslibet generis simul comprehensa. Item vos vestrum universale totum quidem quoddam esse ponitis, sed quodvis potius aliud quam continuum aut discretum. *Nos nostrum univrsũ nihil aliud esse volumus nisi totum quoddam ex numero continuorum vel discretorum.* Quod autem pertinet ad ve-

(J)git genus esse putant neque continuum, neque discretum, sed disjunctum. Nam qui hominem seu genus promittit, non promittit omnes homines suos, sed aut Stichum, aut Davum, &c. non & Stichum & Davum.)

stra particularia, ea quidem possunt esse singula, sed non ita particularia quemadmodum singula semper intelliguntur esse separata, aliud est enim dicere de particularibus, aliud de singulis. Quibus ita explicatis dico nec in demonstrationibus, nec in syllogismis, nec in inductionibus faciendis opus esse ullis universalibus rebus: ut enim in omni syllogismo proceditur ab universo, hoc est, à toto continuo vel discreto, ad aliquam vel aliquas partes continuas vel discretas, sic in omni inductione fit progressus à singulis partibus continuis vel discretis ad totum continuum vel discretum. Exemplum syllogismi à toto continuo ad unam partem suam, hoc est, Totam domum asportandam conduxisti, fundamentum est pars domus, ergo fundamentum etiam asportare debes. A toto autem discreto ad partem suam hoc: Omne sentiens est animal, sponsa sentit, ergo sponsa animal est. Exemplum vero inductionis à partibus continui ad totum continuum hoc est: Tectum corrui, parietes sunt labefacti, fundamenta computruerunt, ergo tota domus corrupta est. A partibus totius discreti ad totum discretum hoc: Singularia animalia rationis expertia moriuntur, nec est ullus homo quamvis ratione & sapientia præditus, qui mortem possit effugere, ergo omnia animalia morti sunt obnoxia. Eodemq; modo dicimus & affirmamus fieri omnes syllogismos omnesq; inductiones, hoc

H

est, pro-

est, procedendo, ut dixi in syllogismis, à toto continuo vel discreto ad partes continui vel discreti, in inductionibus verò à partibus continui vel discreti ad totum continuū vel discretū, & intelligendo per, totum, semper aliquod uniuersum, hoc est, omnes simul partes alicujus totius vel continui vel quasi continui, vel discreti vel quasi discreti, ut docebimus infra in Capite de totis. Ad extremum verò antequam ex hoc loco discedo, illud quoq; nō ignorari volo, Necessitatem concludendi & vim probandi in Syllogismis recte factis, esse ac quasi manare, non à duobus illis principiis, quæ à Dialecticis vocantur, dici de omni & dici de nullo, hoc est, ut verba illa significant, non ab eo quod genus aliquod aut vox generis dicatur de omnibus vel de nullis subjectis Ut exempli causa in syllogismis affirmativis ab eo quod animal sive vox animalis dicatur de omni specie vel individuo generis animalium, hoc modo, Omnis homo est animal, Socrates est homo, ergo Socrates est animal. Item in syllogismis negativis nō ab eo quod homo vel vox hominis dicatur de nulla specie vel individuo generis herbarum, ad hunc modū. Nulla herba est homo, Mandragoras est herba, ergo Mandragoras nō est homo. Non inquam à duobus his quæ dixi, principiis, hoc est, non ab eo quod est dici de omni & dici de nullo, syllogismi recte facti habent vim suam concludendi & probandi necessario, sed ab eo, quod una vel plures partes alicujus totius discreti vel continui, sunt vel non sunt, continentur vel nō continentur, in toto aliquo discreto vel cōtinuo atq; adeo ab eo, quod genera minora semper sunt vel nō sunt, continentur vel non continentur in aliis quibusdam majoribus generibus. Intelligendo tamen semper per tota discreta non solum alias multitudines, ut populum & exercitum, gregem & armentum. sed etiam genera ipsa rerum tam naturalium quam artificialium, tam substantialium quam accidentalium, quæ nihil aliud sunt, nisi multitudines quædam singulariū, ut supra dixi, qualia sunt genus animalium, genus vestimentorum, genus colorum, genus frigidorum. arguendo in syllogismis à toto discreto ad partem discretam affirmative, ad hunc modum, omne genus hominum est animal sive in genere animalium, Socrates est homo sive in genere hominum, ergo Socrates est animal sive in genere animalium. Negative hoc modo. Nullum unum carens sensu sive nullum ex genere sensu carentium est animal sive in genere animalium, Spongia caret sensu sive est in genere eorum, quæ sensu carent, ergo spongia non est animal, sive in genere animalium. In syllogismis autem à toto continuo ad partē continuā affirmative, hoc modo. Totus homo sive omnes partes hominis continuz sunt obnoxie morbis, cor est una pars hominis continua, ergo cor est obnoxium morbis. Negative vero sic. Nullæ partes corporis animalium sunt inagro-

inzgrotabiles, ossa sunt partes corporis animalium, ergo ossa non sunt in-  
grotabilia. Eodemq; modo argumentando in cæteris omnibus totis tam con-  
tinuis quàm discretis, tam affirmative quàm negative, sic ut nulla sit nec esse  
possit argumentatio syllogistica, quæ non aut à toto discreto vel quasi discre-  
to ad partem vel partes discretas vel quasi discretas, aut à toto continuo vel  
quasi continuo ad partem vel partes continuas vel quasi continuas procedat:  
Idq; duobus modis, affirmative vel negative. Quid autem sit totum quasi dis-  
cretum & quasi continuum, postea dicemus in Capite de totis. Atque ita ab eo  
quod talia illa continent vel non continent aliquam partem vel partes, omnes  
syllogismi vim suam concludendi & probandi necessario adipiscuntur, non ab  
eo quod est dici de omni vel dici de nullo, ut Pseudophilosophi nugantur. Non  
enim homo, exẽpli gratia, necessario est animal, quia animal sive vox animalis  
dicatur de omni homine, sed contra potius animal sive vox animalis dicitur de  
omni homine, quia unus homo vere est unum animal, vel genus hominũ vere  
est animalia sive continetur in genere animalium, hoc est, multitudo minor in  
multitudine majore: vel opposito modo, quia animal sive genus animalium  
continet hominem sive genus hominum, hoc est, multitudo major multitudine  
minorem. Et in summa res non sunt quia voces dicantur de rebus, sed cõ-  
tra voces dicuntur de rebus, quia res sunt, juxta illud Aristotelis dicentis, non  
ex eo quod oratio sit vel non sit, res esse veras vel falsas, sed ex eo quod res sint  
vel non sint, orationem esse veram vel falsam. Ex quo concluditur falsum es-  
se id quod Dialectici garriunt, Dici de omni & dici de nullo esse duo principia,  
quibus stabilitur & cõfirmatur vis ac necessitas omnium syllogismorum, cum  
potius contrarium sit verum, ex eo quod genera rerum continent vel non cõ-  
tinent aliquam vel aliquas partes: idcirco contingere ut voces generum di-  
cantur de omni vel de nullo. Quis enim, nisi stultus Dialecticus, dicat idcirco  
hominem esse animal, quia animal sive vox animalis dicatur de homine? certe  
nemo, cum certum sit, animal sive vocem animalis dici de homine, quia homo  
est animal, hoc est, vocem dici de re, quia res est, non contra. Sed ut redeant  
unde discessi, sic dico & concludo hanc partem, nec in syllogismis nec in indu-  
ctionibus nec in ullis argumentationibus faciendis opus esse ullis universalibus  
præsertim falsis, ut infra monstrabimus. Ex quibus patet hanc quoq; secun-  
dam causam ponendi universalia in rebus propter syllogismos & argumen-  
tationes, à Philosophastris falsò & inaniter fuisse excogitatam. Sed superest  
adhuc tertia & ultima causa, propter quam conantur mordicus retinere uni-  
versalia realia. Quærent enim, si homo non sit universale quoddam, quo-  
modo dicetur de suis individuis? Item, si animal non sit universale aliquod,

quo pacto prædicabitur de suis speciebus? postremo, si non sint ulla genera universalia nec ullæ species universales, quâ ratione superiora omnia prædicabuntur de suis inferioribus? atque hæc interrogatione putant, se necessario extorquere posse, ut, si non propter duas superiores causas, saltem propter prædicationes superiorum de inferioribus faciendas, universalia sua sibi esse concedantur. Sed nihil agunt & incassum laborant, cum ista causa ponendi universalia, multo levior multoq; inanior sit, quam dux illæ superiores, jam à nobis refutata. Homo enim, & animal, & cætera hujusmodi prædicantur quidem & dicuntur de suis inferioribus, verum non quatenus res sunt, & extra vocem mentemq; reperiuntur, sed quatenus voces sunt, & nomina, ut ita dicam, vocalia vel mentalia. Quare ad conservandas prædicationes, nihil necesse est ponere universalia in rebus, sive realia: sed satis sunt universalia in voce vel in mente, hoc est, voces, ut dixi vocales vel mentales, quemadmodum recte dicunt Nominales, vere affirmantes nihil proprie nec dici nec prædicari, nisi voces & nomina: quicquid enim dicitur vel prædicatur, sine dubio vox & nomen est, non res vera & solida. Quod ut melius intelligatur, atque ut clarius cognoscatur, quàm levi de causa Philosophastri isti introduxerunt universalia realia, paulo altius hujusce erroris originem repetam. Principiò videbant homines, ut sibi videntur, acutissimi, ut autem ego arbitror, non solum hebetissimi, sed etiam stultissimi, videbant inquam, in arbore sua prædicamentali, ut vocant, substantiæ in intimo loco, & quasi ad radicem, posita esse singularia, sive individua. Quæ quoniam in nullo subjecto sunt, ut ipsi asserunt, & de nullo subjecto dicuntur, idcirco primæ vocantur substantiæ: ut Socrates, Plato, & Aristoteles, & cæteri singulares homines: Deinde proxime suprâ singularia esse hominem, bovem, leonem & reliquas species, quæ & ipsæ in nullo subjecto sunt, utpotè substantiæ (harum enim propriū est, ut ipsi volunt, in nullo subjecto esse) sed de suis quæq; singularibus individuisq; dicuntur, ut cum dicitur, exempli causa, Socrates est homo, hic bos est bos, ille leo est leo, & eodem modo aliæ species. Quæ cum ita esse viderent, & rationem asserre non possent, cur homo, cum unus & idem esse appareat, tamen totus & integer videatur & esse in multis, & dici de multis numero distinctis, hinc captaverunt occasionem ponendi primum universale: hoc est, Homine, quem vocant speciem specialissimam, & eodem modo bovem, leonem, & cæteras species: quas ad differentiam primarum, secundas substantias appellaverunt. Atq; hoc modo, propter ignorantiam nō intelligendi, quomodo homo & aliæ species unæ eademq; cum sint, tamen totæ & integræ videantur, & esse in multis, & dici de multis, cœperunt introducere universalia, putantes

& cre-

& credentes, eo vocabulo se satis declarare & exprimere naturam unam, quæ tota, ut dixi, & esse in multis, & dici de multis posset. Deinde progredientes in eadem arbore, ut sursum versum ascendentes, proxime supra hominem reperiabant animal, & ipsum quoque videbant similiter & esse in multis, & dici de multis, non solum individuus, ut dicendo Socrates est animal, Plato est animal, Aristoteles est animal, sed etiam omnibus individuorum speciebus, ut rursus ita dicendo, homo est animal, bos est animal, leo est animal. Quæ de-  
nuo ita esse cū viderent, nec causam cur ita esset, assequi possent, coacti fuerunt existimare animal illud esse quiddam commune, &, ut ipsi dicunt, communicabile multis, & ita introduxerunt secundum universale, hoc est, Animal, quod esset genus: & supra animal tertium, hoc est vivens: & supra vivens quartum, hoc est corpus: & supra corpus quintum, hoc est substantiam, quæ jam non amplius esset species, sed genus tantum: quod quoniam esset supremum, ut ipsi putant, & supra se nullum haberet genus, idcirco genus generalissimum fuit appellatum. Neque solum in substantia, sed etiam in cæteris prædicamentis suis eodem modo, eisdemq; de causis, nō unum, sed plura universalia fuerunt introducta: & decem numero generalissima facta à Dialecticis, verentibus scilicet, ac pertimescentibus, si universalia sua non essent, ne & Socratem esse hominem, & hominem esse animal, & animal esse substantiam dicere & affirmare prohiberemur: & omnino si non ponerentur ista universalia, ne omnem superiorum de suis inferioribus prædicationem amitteremus. Quæ omnia nos breviter ostendemus nihil aliud esse, nisi meras quasdam Philosophastrorum ineptias & fuitates. Nam principio quod putant, hominem in arbore sua prædicamentali esse primum universale reale & commune, eo quod videtur esse in multis & dici de multis suis singularibus, respondeo eos vehementer decipi & plusquam pueriliter errare, dum & res pro nominibus, & nomina pro rebus imperitissime simul & falsissime accipiunt: & omnino dum propter ingeni tarditatem, & bonarum literarum ignorantiam non distinguunt ea, quæ sunt distinguenda, sed ubiq; & res cum verbis, & verba cum rebus confundunt. Nam cum dicimus hominem, alterum duorum intelligamus necesse est, aut vocem hominis, aut rem, quæ est homo: nihil enim est medium, aut tertium: cum Scriptores omnes, tam Græci quam Latini recte loquentes in tradendis artibus & scientiis, inter hæc duo nihil medium statuunt, asserentes omnem orationem constare, ex rebus & verbis. Sic enim Cicero in tertio de Oratore libro inquit, Nam cum omnis ex rebus atque verbis constat oratio, neq; verba sedem habere possunt si rem subtraxeris, neque res lumen si verba summo-veris: & Cicero subscribens Quintilianus in tertio Oratoria-

rum Institutionum ipse quoq; ita scribit, Omnis oratio constat ex iis, quæ significantur, & ex iis, quæ significant, id est, ex rebus & verbis. Ex quorum duorum auctoritate, & multorum aliorum veterum testimonio, tam Græcorum quàm Latinorum, satis constat omnia, quæcunq; in oratione sint sine ulla dubitatione, aut res aut verba esse, & inter res & verba, nihil prorsus medium reperiri. Nam hominem in mente, & hominem in scripto, & cætera huiusmodi de quibus Dialectici tam multa nugantur, Oratores, & optimi quique Scriptores, ad hominē in voce & ad verba referunt: & de illis tanquam de vocibus & verbis, ut ita dicam, mentalibus & scriptis loquuntur. Quorum vestigia nos quoq; imitantes dicimus, & hominem, & omne quicquid in oratione ponitur, id necessario esse aut rem, aut vocem aliquam: & de eo, tanquam aut de re, aut de voce loquendum. Sunt enim voces signa rerum, non solum quæ sunt in intellectu, ut rectē inquit Aristoteles, sed etiam quæ sunt in scripto. Quare ut redeam unde abii, cum dicimus hominem, si vocem & vocabulum hominis intelligimus, fateor unā cum Nominalibus, eam vocem esse communem & universalem, idē; non quocunq; modo, sed tantum hac conditione, si multoties enuntietur. Nam, ut dixi supra, Capite quarto, nomina appellativa simplicia singularia proprie posita & semel pronuntiata, non nisi unum significant: sed eadem quoq; si multoties repetantur, & diversis suppositis accommodentur, continuō acquirunt quandam, ut ita dicam, universalitatem & habitudinem, ut de multis dicantur: Et hoc modo, intelligendo hominem pro voce hominis, concedo hominem esse universalem, ac dici & prædicari de omnibus suis inferioribus, quæ sunt res singulares. Nam quemadmodum rerum, ut supra dixi, proprium est esse & existere, sic vocum ac verborum, dici ac prædicari. Res enim propriè sunt & existunt, non dicuntur neq; prædicantur, nisi fortè nominum & vocum suarum auxilio: ut si quis fortè exempli gratia, ita dicat, Cæsar dicitur abisse, Cæsar, dicitur redisse, is non aliter loqui sit intelligendus, quam si ita dicat, Cæsar voce profertur abisse, Cæsar verbis enuntiatur redisse. Itaque dici, aut, quod apud Dialecticos idem est, prædicari, non ad rem ipsam quæ voce significatur, sed ad vocem significantem, aut ad vocis prolationem semper referri debet. Quo circa, ut idem sæpius repetā, cum dicitur, homo, si vox hominis intelligatur, & ea sæpius iteretur, fateor & cōcedo unā cum Nominalibus, hominem, hoc est, vocem hominis posse esse communem & universalem, non aliter, nec alio modo. Quod si dicendo hominem, non vox hominis, sed res quæ verè est homo intelligitur, ut homo extra vocem vivens & apparens, nullo pacto cōcedo, sed aperte nego hominē esse aut posse esse communem, & universalem, Homo enim ut res est, propriè unus



unus tantum singularisque est: & nec in nullo inferiore est, nisi in se ipso, nec de ullo inferiore dicitur aut prædicatur. Nam quis unquam obsecro, nisi Diælecticus stultus, & ineptus dixit, se vidisse, aut aliquo sensu percepisse, hominem, ut res est, non solummodo communem & universalem esse, sed etiam, si diis placet, dici & prædicari de aliquo, ac vocis nominisq; ministerio fungi? Profecto nemo, cur ita? quia monstrum, & portentum est longe majus & absurdus, quam si quis dicat, bovem aut asinum humana voce locutum. At enim inquirunt, hominem, & cætera hujusmodi, tribus modis esse posse, & tria quodammodo esse habere, unum in mente & cognitione nostra, quod nuncupant esse mentale, sive esse cognitum: alterum in singularibus & individuis suis, quod vocant esse existentiam, sive esse fundamentale: tertium, ut ipsi loquuntur, in se & in natura, sive essentia, sive quiditate sua, quod appellant esse essentiam, sive esse quiditativum. Quibus tribus essendi modis ita excogitatis & fictis, respondent nobis, hominem vere universale reale & commune esse, & de multis dici ac prædicari posse, non ut est in mente, & in esse cognito (sic enim non est universale reale, sed universale cognitum) nec ut est in esse existentiam & fundamentale. Hoc enim modo non solum non est universale reale, sed prorsus non est universale, quia est individuum quiddam & singulare, & tanquam fundamentum omnium aliorum essendi modorum, sed ut est in se, & in natura, sive essentia; sive quiditate sua. Sic enim vere, ut ipsi putant, est commune & universale reale, cui primum, ac proprie convenit dici ac prædicari de multis. Hominem autem & cætera universalia realia esse in se & in natura, sive essentia, sive quiditate sua, ipsi nihil aliud intelligi volunt, nisi considerari, ut sunt extra mentem cognitionemque nostram: & non consideratis singularibus atque individuis, tanquam in aere invisibiliter, sic ut nullo sensu percipi possint, aut in vacuo Democriti, ut in eo volitent tanquam atomi, & corpuscula minutissima, aut in alio quodâ mûdo nobis incognito, ubi proprie sedem habeant, videlicet aut in eo, in quo habitant Idææ Plutonis, aut potius in eo ubi reperiuntur Chimeræ atque Centauri, & alia Poetarum figmenta. Talem enim quandam oportet esse locum, ubi verè sunt ista universalia, si nec in mente & cognitione nostra sunt, nec in singularibus & individuis. Nam ego quidè probe intelligo quid sit esse in mēte & cognitione nostra, & quid sit esse in singularibus & individuis, sed quid sit esse in se, & in natura sive essentia sive quiditate sua prorsus non intelligo: Ac nec eos quidem qui hunc tertium essendi modum finxerunt, satis arbitror intellexisse, quid comminiscerentur. sed tantummodo ingenia eorum qui discere cupiunt, nec falsitatem rerum ita cognoscere possunt, excruciare voluisse. Quare ego quoq; vicissim respondēs illis,



illis, dico istud esse in se, quod isti barbare vocant essentia sive quidditativum, prorsus esse falsum & commentitium: & præter esse cognitum sive in mente, & esse existentia sive in individuis, prorsus nullum aliud verum in his inferioribus esse aut reperiri affirmo. Quod paulo infra loco suo probabitur, hoc est, ubi monstrabimus universalia realia vere nec esse in rerum natura, nec esse posse. Nunc tantum illud monitum esse volumus, hominē, & animal, & cætera omnia quæcunq; sunt in prædicamento tam substantia, quam accidentium, ut res veræ sunt, nec esse communia aut universalia, quia esse non possunt nec de quopiam dici aut prædicari, quia hoc non rerum, sed vocum ac nominum proprium est: Sed omnia vere esse aut singularia singillatim sumpta, aut multitudines singularium simul atque universæ acceptorum, ut clarius etiam constare faciemus infra, ubi arborē nostram generum ex singularibus tantummodo compositam, & à Porphyriana illa longe differentem describemus. Atque ita propter prædicationes generum de speciebus, & specierum de individuis, non necessario ponenda esse universalia in rebus, sive realia: quia cum dicitur, Socrates est homo, vel homo est animal, in his duobus enuntiatis, homo & animal non sunt duæ voces, nec duo genera, nec duæ species, nec duo universalia sed duæ res veræ, & duo singularia, & duo individua; ut perinde sit ac si diceretur, Socrates est unus homo, & unus homo est unum animal, cum vox utriusque, hoc est, tam hominis quam animalis utrobique & singularis sit, & proprie posita & semel tantum enuntiata: cum quibus tribus conditionibus appositis, fieri non potest, ut ulla vox plusquam unum significet, ut supra diximus. Ubi etiam docuimus, hominem & animal & cæteras hujusmodi voces, nec esse, nec posse significare genus aut speciem, nisi figurate atq; improprie positas & acceptas, hoc est, nisi & singularis pro plurali, & unus pro pluribus vel omnibus accipiatur. Quo in casu enuntiationes illæ, quæ vocibus proprie acceptis verissimæ sunt, si exfiguratis vocibus constare intelligerentur, protinus redderentur falsissimæ. Eis enim significaretur, & Socratem esse omnes homines, vel genus omnium hominum, & hominem esse omnia animalia, vel genus omnium animalium. Præterea idem homo, & idem animal in eisdem enuntiatis, non ut res & generæ vera sunt, sed ut nomina & voces verorum generum existunt, dicuntur, & prædicantur de suis suppositis. Vorum enim & nominum non rerum, ut ante dixi, proprium est dici & prædicari. Postremo etiam si homo & animal in illis ipsis enuntiatis ut res sunt, concederentur dici & prædicari de subiectis suis, atq; ita prædicando esse vera genera & veræ species, tamen adhuc vere non possent dici & prædicari de illis in recto casu, ut imperitissime putant & falsissime dicunt Pseudophilosophi, sed tantum in ob-

in obliquo, ut ita dicendo. Socrates vel individuum Socratis, est in specie hominum, & homo sive species hominum est in genere animalium. Nam si verum esset, animal ut genus est, vere prædicari de homine, ut species est, in recto casu, ut mentiuntur Dialectici, verum quoque esset dicere, hominem, id est, speciem hominum, esse animal, hoc est, genus animalium: atque adeo partem esse totum discretum, & triginta vel sexaginta esse centum. Quod quamvis sit falsissimum & absurdissimum, non tamen est magis falsum & absurdum quam dicere & affirmare, genus de specie in recto casu dici & prædicari. Quem in errorem idcirco præcipitarunt Philosophastri, primo quia putaverunt universalia sua, quæ vera non sunt, tamen esse res veras & solidas: Deinde quia non discreverunt res à verbis, nec verba à rebus, nec intellexerunt animal exempli gratia, aliud esse, cum proprie ponitur pro uno animali tantum, ut in hoc enuntiato, homo est animal. Quod perinde est ac si diceretur, unus homo est unum animal: aliud cum usurpatur figurate pro omnibus animalibus vel pro aliquo genere animalium, ut in illo Ovidii exemplo,

Quid meruere boves, animal sine fraude?

Et rursus in illo Ciceronis, Genus est quod plures amplectitur partes, ut animal: aliud cum accipitur ut nomen & vox generis animalium, ut cum dicimus, animal est nomen appellativum, aut animal significat rem animatam. Postremo verò quod est caput omnium malorum, quia contemnunt Grammaticam & Rhetoricam & omnes bonas literas, atque ideo non mirum est si tanquam pueri quotidie in tam turpes & fœdos errores præcipitant. Nam quod excogitaverunt prædicationes signatas & prædicationes exercitatas dicentes: Hoc ipsum, quod est, genus dici de specie in recto casu, verum quidem esse in prædicatione signata, ut ita dicendo, Homo est animal, non in prædicatione exercitata, ut si ita dicam, Species est genus, eo quia vere dicitur, homo est animal, sed non ita vere, species est genus: Idem quod commentum sunt primas & secundas intentiones, & suppositiones partim pro primis intentionibus partim pro secundis, & ajunt in hac argumentatione, homo est animal, animal est genus, ergo homo est genus, non valere consecutionem, eo quod, ut ipsi dicunt mutatur suppositio, cum animal in primo enuntiato stet pro prima intentione, in secundo autem pro secunda: atque ideo non valet inquit consecutio, si homo sit animal & animal sit genus, ut homo sit genus: Quod inquam has & alias huiusmodi quæ plurimas nugæ excogitaverunt, Ego eos non tam dignos arbitror qui serio refutentur ac redarguantur tanquam viri graves & severi, quam qui negligantur & contemnantur tanquam imperiti & barbari, aut derideantur & exhibentur tanquam nugatores inepti ac nebulones. Nam quod ad

prædicationes signatas atque exercitas attinet, ego dico & affirmo omnem prædicationem vere signatam, vere etiam posse exerceri: & si verum esset, genus de specie dici in recto casu, verum etiam esset, speciem esse genus. Sed non verum est, genus de specie dici in recto casu, quia genus est totum quoddam discretum, species autem pars discreta, & ita sequeretur, partem discretam esse totum suum discretum, quod verum esse non potest. Quocirca neque verum est, genus de specie in recto casu dici. Ne in prædicatione exercita; ut ipsi exercent, eo quod, ut dixi, in hoc enuntiato, homo est animal, neque homo vere est species, neque animal vere genus, sed utrumque singulare, ut si diceretur, unus homo est unum animal: Nec rursus in prædicatione signata, quia si vere ita esset, vere etiam posset exerceri, & vere dici, species est genus. Quod autem pertinet ad eam argumentationem, quam dixi, respondo, consecutionem illam esse falsam, non quod animal in priore enuntiato stet pro prima intentione, in secundo autem pro secunda, ut Dialectici nugantur, cum prima & secunda intentio nihil aliud sint nisi & res factæ, & voces barbaræ, sed quod nomen animalis in primo enuntiato, quod est, homo est animal, proprie positum est, & significat tantum unum animal, in secundo autem, quod est, animal est genus, improprie & figurate, & significat omnia animalia, sive omne genus animalium. Alioqui non posset animal, nec esse vox generis, nec esse genus, cum omne genus proprie sit multitudo quædam singularium, ut infra probabimus in Capite de genere. Atque ita nos & isti & alii hujusmodi quamplurimis stultis & inanibus Dialecticorum nugamentis magis deridendi eos, quam refutandi causa respondendum esse arbitramur, rejectis & explosis illorum prædicationibus signatis & prædicationibus exercitis, & suppositionibus omnibus tam pro prima quam pro secunda intentione, & aliis multis ineptiis, quas Dialectici excogitare fuerunt coacti propter ignoracionem locutionum propriarum & figuratarum. Nam positis & vere intellectis locutionibus propriis & figuratis, quibus Scriptores tam Græci quam Latini, & omnes recte loquentes, atque adeo etiam communis omnium loquendi consuetudo utitur, quemadmodum nos supra docuimus, positis inquam & intellectis his locutionibus figuratis & propriis, nihil amplius opus est prædicationibus signatis aut exercitis, nec ullis suppositionibus aut intentionibus primis vel secundis, præsertim barbaris, quæ omnia sunt meræ insanix, & meræ nugæ Dialecticorum. Ex eis igitur quæ hæcenus dicta sunt in hoc Capite satis, ut opinor, rejectæ & explosæ sunt illæ tres præclaræ & egregiæ causæ, quibus Dialectici & Philosophastri moti universalialia realia esse vera, & necessario esse ponenda fabulantur. Docuimus enim, quod ad traditionem aruum & scientiarum

&amp; de-

& definitionum attinet, hæc omnia non de universalibus tradi, sed de singularibus: & modum, quo trahuntur aperuimus, demonstrantes ea omnia tradi de universis singularibus & universa ea partim fieri, non per commentitiam illam abstractionem à singularibus, ut Dialectici somniant, sed per comprehensionem omnium simul singularium, partim percipi atque intelligi non solum ab intellectu, sed etiam à sensu, partim esse immortalia & æterna non per naturam singularem, sed per continuam successionem. Quod autem pertinet ad secundam causam de syllogismis & aliis argumentationibus faciendis, ostendimus in syllogismis conformandis procedi non ab universalibus ad particularia, ut Dialectici nugantur, sed ab universis ad singula, sive à toto continuo vel discreto ad unam vel plures eorum partes continuas vel discretas. In inductionibus verò faciendis progressum fieri non à particularibus sive singularibus ad universalia, ut iidem garriunt, sed à singulis partibus totius discreti vel continui ad universum totum continuum vel discretum, & propterea propter fabricationem syllogismorum & inductionum non esse ponenda universalia. Postremo verò ad tertiam causam, hoc est, ad prædicationem superiorum de inferioribus, admonuimus in tota illa arbore prædicamentali substantias revera nihil aliud esse, nisi singularia & singularium multitudines, ut probabitur infra, & hominem & animal & cætera superiora quatenus res sunt nec dici nec prædicari de ullo inferiore, sed tantum quatenus sunt voces. Atque idem ad prædicationes faciendas & servandas, solas voces sine ullis universalibus realibus per se esse idoneas, ut nulla supersit amplius causa probabilis, quam quidem ego sciam, propter quam universalia in rebus ponenda esse videantur.

## CAPUT OCTAVUM.

*Universalia realia vere in rerum natura esse non posse & propterea non esse, ut rectissime dicunt Nominales, contra stultam illam Realium opinionem de Universalibus realibus, quorum rationes omnes plusquam inanes labefactantur.*

**N**UNC causis, quibus universalia realia à Dialecticis ponebantur destructis, superest, ut doceamus, quemadmodum initio promissimus, etiam si aliqua esset eorum ponendi causa, tamen ipsa, eo modo quo à Dialecticis Realibus statuuntur, nec esse ullo

modo inter rerum naturam nec esse posse, nisi ficta & commentitia, quem admodum Chimerae atque Centauri. Quod ita esse, ut dico, tribus potissimum argumentis iisque valdissimis probatur, ac primo quoniam abstractio illa, ex qua tanquam ex parente universalia gigni putantur, mendacissima & falsissima est, ut nos infra probaturi sumus in Capite de Comprehensione vere philosophica, quam loco abstractionis illius monstrata atque chimerica in philosophiam introducimus. Quod si recte fiet, ut certe fiet, quis erit post hac tam demens & ineptus, qui universalia vera ex abstractione falsa, & tanquam filios legitimos ex legitima matre procreari posse arbitretur? Deinde quoniam illa, quae à barbaris Philosophastis dicitur Sufficientia universalium sive praedicabilium, ex qua tanquam ex altera parente numerus universalium stabiliri creditur, ipsa quoque falsissima est, & non nisi ab indoctissimis imperitissimisque hominibus excogitata, ut nos infra monstrabimus. Quod cum factum erit, tum vero constabit universalia non solum non esse vera, sed nec si vera essent, posse esse quinque numero, ut à Philosophastis statuuntur. Postremo vero quoniam si universalia realia essent, hoc est, talia qualia describuntur à Pseudophilosophis, necessario sequerentur multa absurdissima & impossibilia, quae natura rerum ferre non posset. Etenim si ista universalia realia, quemadmodum isti blaterant, concipiuntur, ut naturae unae quidem in se, sed communicabiles pluribus hoc est, quae unae eademque cum sint, eodem tempore totae & integrae reperiantur in multis speciebus vel individuis numero distinctis, dico istas naturas nullo pacto esse posse & propterea non esse, quia neque rerum natura neque experientia mundana neque ratio humana tale quicquam ferre aut pati potest. Si enim tale quicquam esset in mundo, ipsum à se ipso totum esse distractum & divulsum, planeque tale quoddam sequeretur absurdum, ut si unus & idem homo singularis uno eodemque tempore totus & integer diceretur esse Londini, Romae, & Babylone, & in plurimis aliis locis, toto terrarum spatio separatis & longinquis. Quod cum superet omnem insaniam & stoliditatem, primum nescio quo pacto Pseudophilosophi istiusmodi universalia sua defendere ac tueri audeant: & si auderent, ut sunt importuni, quo pacto vitare possint, quin eodem modo, ut illa, quae dixi, absurde & plusquam stulta esse videantur. Praesertim cum jam constet ea, neque ad scientias artesque tradendas, neque ad syllogismos inductionesque formandas, neque ad praedicationes faciendas esse necessaria, destructis illis omnibus causis, quibus introducta esse dicuntur. Deinde nullam video causam aut rationem, cur non in infinitum verior atque omni rationi magis consentanea sit opinio Nominalium qui voces solas universales esse asserentes, & universalia nullo prorsus modo

in rebus esse affirmantes, nullum tale absurdum ac impossibile in rerum natura ponere coguntur. Sed hic mihi respondent Pseudophilosophi ab Aristotele videlicet Hæresiarcha suo docti, Absurdum illud & impossibile, quod diximus, tum sequi, cum illud, quod totum & integrum uno eodemq; tempore in multis esse dicitur, est materiale & individuum perfectum, & ut ipsi loquuntur, hoc aliquid, ut Socrates, Plato, & cætera singularia perfecta, quæ in multis eodem tempore, & quodammodo à se ipsa discreta esse non possunt. Sed universalia realia non esse materialia, nec hoc aliquid, nec unum numero perfectum: sed immaterialia & quale quid, & minora unitate numerali, atque ideo nihil prohiberi uno eodēq; tēpore tota & integra in multis esse, & ad talē positionem nullum sequi inconveniens nec absurdum, Sic inquam respondēt Dialectici, perinde ac si nemo de istis universalibus dubitaret an vere in rerum natura essent nec ne, & si maxime essent, rursus pro certo constaret ea esse non materialia, sed immaterialia, ut Dialectici stulte sibi sumunt. Sed oportebat & Domini Philosophastri prius ut probaretis universalia realia vera esse, deinde cum id probavissetis, ut postea rursus planum faceretis, ea esse immaterialia, Quorum neutrum cum feceritis & tamen sumatis, universalia realia non solum esse, sed etiam esse immaterialia, quis non vestram istam responsionem rideat tanquam imperitam & stultam? Item perinde quasi in rerum natura reperiretur quippiam, quod posset esse quale quid, & non esset, hoc aliquid, & quasi non eadam incommoda & absurda sequerentur ex istius, quale quid, positione, quæ ex universalis realis introductione sequi dicebamus. At nos æque atq; adeo multo magis negamus hoc, quale quid, quam universale reale, tanquam id quod est multo absurdius & multo minus tolerabile. Nam per deos immortales quæso, quidnam rei est, hoc, quale quid, nisi est hoc aliquid? & quid sibi voluit Aristoteles, cum in Categoria substantiæ excogitavit hoc verbum, vel potius hoc monstrum? Certe ego cum dicitur, quale quid, aut hoc aliquid, hoc est, qualitatem aliquam singularem aut nihil prorsus vere intelligi posse arbitror, & Aristotelē cum id ænigma protulit, certum habeo nec ipsum intellexisse quid diceret, nec ab ullo unquam postea fuisse intellectum. Ut mihi quidam magnus & senex philosophiæ licet barbaræ professor rectissime & verissime videatur respondisse discipulo cuidā suo adolescentulo affirmanti se intelligere quid esset istud, quale quid, & universale reale. Euge (inquit) fili, si ita est, tu enim id intelligis, quod ego in totis quadraginta annis, quos in hisce rebus quærendis consumpsi, nondum tamen unquam intelligere potui. Hæc ille. Ego vero eādē ratione eādēq; de causa, improbo ac rejicio istud quale quid, nisi est, hoc aliquid, quæ ante



rejeci & improbavi universale, hoc est, utrunq; tanquam falsum, cōmentitium & inutile, & supervacuum, & inintelligibile, dicens rursus & affirmans nihil posse esse quale quid, quod non idem sit, hoc aliquid, hoc est, quod non sit aut una aliqua qualitas singularis, aut una aliqua multitudo qualitatum singularium, ut supra dixi in nostra generali rerum divisione. Cui etiam hoc addimus nos putare, si quis dicit se intelligere quid sit istud quale quid, præter, hoc aliquid, cum sibi ipsum mentiri & dicere contra suam ipsius conscientiam. Certe ego quod ad me attinet, si quale quid, nō est hoc aliquid, ingenue fateor me non intelligere sed prorsus ignorare quid sibi velit istud plusquam *κοινὴν αἰνίσμα*. An vero ab Aristotele atque à Dialecticis ipsis unquam perceptum & comprehensum fuerit ipsi viderint. Sed rursus fortasse obijcietur nobis Boethius ille magnus videlicet Dialecticorum Realium Coryphæus, qui in secunda editione in Porphyrium statim inter initia cum talem quandam adversus universalia realia quaestionem proposuisset, & ea non posse esse in rerum natura propter easdem ferè, quas nos diximus, causas, docere cœpisset, tandem unà cum Alexandro suo ita eam solvit, ut non ad id quod objectum erat, sed ad aliud omnino diversum respondeat, Objectum enim fuerat universalia esse non posse, cū propter alias quasdam tum maxime propter eas, quas dixi, rationes: ipse vero ita solvit, ut si concessum & non controversum esset, universalia esse, & docet modum quo intelligi ac percipi possint. Intelliguntur autem & percipiuntur, ut ipse dicit, per divisionem & abstractionem à singularibus. At o bone Boethi oportebat te prius ostendere & probare universalia realia non solum posse esse, sed etiam vere esse in rerum natura, & respondere ad multas maximasq; absurditates, quæ positionem eorum sequuntur: Deinde cum id fecisses, si tibi videretur, tum demum docere & ostendere quomodo ea ipsa intelligerentur & perciperentur. Nam eo modo respondendo & solvendo ostendis, differendi ac disputandi te prorsus esse imperitū. Perinde enim deliras, ut si quis negaret Phœnicem esse, & tu eam esse probaturus, ostenderes eam albo vel nigro colore esse præditam. Sed non ita recte disputatur, tum deniq; enim fortassis tibi concedi posset, universalia, sic ut tu dicis, intelligi ac percipi, per divisionem & abstractionem, si constaret ea vere existere in rerum natura, & ad aliquam rem hominibus necessariam esse utilia. Sed refutatis primum & explosis causis propter quas poni dicebantur, deinde probato, ea esse non posse propter maxima & absurdissima incommoda, quæ sequerentur, omnes illarum rationes & similitudines de intellectione linearū mathematicarum, ad confirmandam intellectiōnem universalium prolata, prorsus vanæ sunt & inanes. Eteō magis quod res mathematicæ non intelliguntur



liguntur nec sunt abstractæ eo modo, quo tu & reliqui Philosophastri putatis, sed alio quodam & vero modo, ut ostendemus infra loco suo. Atq; ita responsum sit Boethio & Alexandro & Aristoteli & omnibus illis vetustioribus, qui universalia dialectica & esse in rebus, & per abstractionem fieri intelligiq; affirmant. Namq; ut supra docuimus, non magis opus est ulli intellectus abstractione in intelligendis universis generibus & speciebus rerum, quam in percipiendis universis populis & universis exercitibus & aliis multitudinibus, quæ universæ & sunt & dicuntur, ut etiam infra dicemus in Capite de genere, Nunc supersunt quidam ex recentioribus, & iis quidem non solum barbaris & Philosophastris, sed etiam doctis & eruditis viris universalium assertoribus, inter quos vel in primis est, *Rodolphus Agricola in libello de universalibus*, si tamen credendum est librum illum ab Agricola fuisse compositum : & *Lactantius Vives* in Opusculo de explicatione cujusque essentia, qui omnes in eundem cum Boethio errorem & peccatum incurrerunt. Docuerunt enim omnes, quid esset universale, & quomodo intelligeretur, & multa alia, cum interim esset incertum ac prorsus ignotum, an vere ipsum existeret in rerum natura nec ne, & utrum, extaret aliqua vera & solida ejus ponendi causa vel necessitas. Quare omnis eorum doctrina vana fuit & inutilis, quorsum enim attinebat docere nos, quid & quale esset universale, cum id ipsum, verene esset in mundo & an necessarium ad aliquid agendum foret, ignoraretur? At ego contra primum, universale reale, nec quid sit, nec quale sit, nec quomodo intelligatur, vere sciri posse affirmo, quia non vere est, nec vere esse potest, sed totum est fictum & commentitium: cujus homini vano nihil prorsus in re ipsa solidi respondet aut subjectum est. Deinde etiâ si esset, tamen prorsus foret inutile & nullam ad rem necessarium, nisi forte ad altercandam tanquam de lana caprina & ad garriendum inaniter, ut Dialectici facere solent, & denique ut aliquando clare dicam quod sentio, ad bonas horas frustra inutiliterque consumendas. Sed ex alia parte objicit & opponit sese mihi magna Juniorum Dialecticorum turba totis viribus adnitens non solum tueri ac defendere universalia, sed etiam dicere ac definire quot numero sint. Aiunt enim in summa esse quinque, hoc est, genus, speciem, differentiam, proprium, & accidens: idq; probare conantur non ulla quidem earum, quas supra refutavimus, rationum, sed per eam, quam ipsi vocant, sufficientiam universalium, sive prædicabilem, in qua sibi sumunt tanquam certum, universalia, sua dici & prædicari de multis tum in quid, tum in quale, tum de differentibus specie, tum de differentibus numero, tum essentialiter, tum accidentaliter, tum convertibiliter, tum non convertibiliter. Sed incassum laborant & nihil agunt, eo quod

quod hæc omnia quæ sibi sumunt tanquam certa & vera, nec certa nec vera sunt, sed incerta & falsa, ut nos infra luce clarius probaturi sumus in Capite. De falsa universalium Sufficientia. Itaque ea pro refutatis hic relinquimus, & ad reliqua pertransimus quæ ad propositum caput perficiendum pertinent. Quibus ita expositis & explanatis jam nihil difficile est respondere ad difficultates illas, quas Porphyrius in principio Isagoges dicit se prætermittere tanquam nimis arduas & obscuras, dum quæritur primo utrum universalia ipsa per sese, an in solis animis sint. & si consistant per se, utrum corpora sint, an corporis expertia, & utrum avulsa sint & distracta à sensibilibus, an in his ipsis hæreant & nitantur. Itaq; quas alii quidam proponunt hoc modo, primo utrū universale sit extra animam, deinde si ita sit, rursus an sit diversum à singularibus, & postremo si non sit diversum, quomodo differant inter se Socrates & Plato quatenus individua distincta, convenient autem quatenus homines. Quibus omnibus quæstionibus tametsi ridiculis & minime dignis, quibus respondeatur, tamen breviter respondeo, & primum dico, universalia Realia sive in rebus. hoc est, extra vocem vel mentem nostram, eo modo quo ponuntur à Realibus nec per sese consistere in re, quia non sunt, ut dixi, nec esse possunt, nec in intellectu esse, nisi ficta & commentitia, quia nihil eis respondet in re, Deinde nec corporea esse nec incorporea, quia non sunt, nisi, ut ante dixi, falsa & commentitia, Tum nec à sensibilibus avulsa nec in illis consistentia eadem ratione, quia quod non est, id nec avulsum à sensibilibus nec in sensibilibus esse potest. Postea nec diverse esse à singularibus, nisi quemadmodum id quod non est, vel quod fictum est, differt à rebus veris. Nec postremo sequi, etiam si nulla extent universalia, ut Socrates & Plato quatenus homines non possint convenire inter se, quatenus vero duo individua distincta & separata, esse differentes. Conveniunt enim quatenus ambo idem hominis nomen habent & in eodem genere hominum tanquam duo milites in eodem exercitu militū continentur, & omnino quatenus uterque eorum prædixus est ratione & aliis multis similitudinibus. Differunt autem quatenus appellantur duobus diversis nominibus propriis, & sunt duo diversa individua unius generis hominum tanquam duo diversi milites unius & ejusdem exercitus Atheniensium. Et denique quatenus uterque multas habet proprietates & qualitates, quas alter non habet. Atq; hoc modo conveniunt inter se & differunt duo individui homines, nec ad eorum ullam convenientiam aut differentiam ostendam opus est ullis universalium fabulorum subsidiiis. At enim, inquit, possumus in Platone de longinquo veniente cognoscere eū primo tantum animal esse, non hominem nec Platonem; Deinde cum proprius accesserit, præter animal cognō-

cognoscere etiam hominem esse, sed nondum Platonem. Postremo vero cum proximus est nobis factus, non solum animal, & hominem, sed etiam Platonem esse: ex quo fieri ut animal, & homo, & Plato, sint tria diversa: Et cum aliqua multa ita se habent, ut unum eorum cognosci queat ignoratis reliquis, ea necessario diversa esse, & eadem esse non posse, At animal hominem & Platonem talia esse. Quare colligunt hæc esse tria inter se differentia, longaque diversa, ex quibus cum Plato solus singularis sit & individuus, reliqua duo, hoc est, hominem & animal affirmant aut prorsus nihil, aut universalia realia esse dicenda: & non solum à Platone, sed etiam inter se differentia, nam animal magis universale quàm hominem esse aiunt. Atque hac futili argumentatione cum multi alii Dialectici, tum maxime Rodolphus Agricola in eo, quem dixi, libro conatur persuadere universalia realia non solum vera esse, sed etiam alia ab aliis differre, & esse magis universalia. Sed & ipse Agricola, quamvis alioqui Vir doctissimus, tamen hac in re in eundem cum cæteris Dialecticis errorem præcipitat, nec distinguit res à verbis, nec verba à rebus. Nam ego, & his & aliis multis huiusmodi nugis respondeo, verum quidem esse, animal & hominem & Platonem esse tres diversas voces, sive tria diversa nomina: sed non tres diversas res, sive tria diversa subjecta: Una enim eademque res singularis & individua, & animal & homo & Plato appellatur, & diversa nomina sortitur, propter diversas res quas habet, vel ex quibus constat. Quæ cum talis sit, hoc est, singularis & individua, nullo pacto potest esse universalis, etiamsi universalis essent vera, non enim hoc rerum natura patitur, ut res eadem subjecto, simul & universalis sit, & singularis. Quare tamen si Plato de longinquo veniens, primo tantum ut animal, deinde tantum ut animal & homo, postremo ut animal & homo & Plato, simul cognoscitur, tamen est semper una eademque res, id est, unum & idem singulare animal, unus & idem singularis homo, unus & idem singularis Plato: tria nomina sortitus, non propter ullam multipliciter substantiæ singularis, quæ in eo sit, sed propter differentiam rerum atque accidentium, quæ alteri videtur, hoc est, ei qui de longinquo venientem videt. Quod cum ita sit valde miror, ista tam levia & futilia nugamenta, non quidem aliis vulgaribus Dialecticis, quibus nihil est rudius & stolidius, sed Rodolpho Viro alioqui eruditissimo in mentem venire potuisse, & unà cum cæteris barbaris Dialecticis ita cæcivisse, ut non animadvertit Platonem de longinquo venientem videri quidè & ut animal, & ut hominem, & ut Platonem, sed ita tamen ut semper videatur, unum & singulare animal, unus & singularis homo, unus & singularis Plato. Quod rursus cum ita sit, qui potest obsecro, animal singulare,

K

homo

homo singularis, in Platone veniente esse universale? profecto nullo modo potest. Præterea etiam non minori admiratione afficior, Ludovicum Vivem ipsum quoque; alioqui virum doctissimum, tamen vanâ ista universaliū opinione usque adeo infatuatum fuisse, ut ea nulla alia de causa ponere videatur, nisi quia sunt, ut ipse inquit, similitudines & conformitates quædam in natura rerum, quæ ad essentiam semper, non ad accidentium rationem referantur, & istas similitudines ac conformitates ait in scholis universalia nominari. Quæ quidem universalium positione, nunquam quicquam vidi stultius. Nam ego à Te quaero Ludovice, quænam sint istæ scholæ, quæ has similitudines appellant universalia? certe non græcæ, in quibus inauditum est hoc nomen, non modo non græcum, sed nec latinū satis bonum. Item nec latinæ antiquiores, cum nec ætate Ciceronis nec superiore nec etiam inferiore per multa secula quisquam doctus nomen universalis usurpaverit eo, scilicet, modo, quo Dialectici faciunt. At dices fortasse, Boethius & omnes ferè latini posteriores usurparunt. Audio, & hoc magis Te reprehendo, qui putasti Boethium vix semilatinum, aut alium quenquam postea ex Philosophastrorum numero idoneum huiusce latinitatis ac tantæ rei autorem fuisse. Nam similitudines quidem & conformitates, ut tu dicis, sunt in rerum naturæ: & ego eas vere esse & similitudines sive conformitates, ut tu vocas, vere nominari fateor, sed universalia, aut quemadmodum alii vocant, prædicabilia, aut esse aut recte appellari, etiam atque etiam pernego. Atque hoc amplius adjungo, universalia etiam si vera essent, quemadmodum dicunt Dialectici, tamen ab istis similitudinibus & conformitatibus forent longe diversa. Istæ enim similitudines essentielles sine ulla dubitatione in rebus substantialibus sunt substantiæ, & hoc aliquid, at nullo universale nec est substantia, nec hoc aliquid, ut probat Aristoteles in *vi. metaph. c. 1. 2. 3.* Quare nullum universale est similitudo aut conformitas essentialis, atque ita ad confirmandum universalia nihil Tibi prosum, nec istæ similitudines & conformitates, ô Ludovice, nec scholæ illæ, quæ eas universalia, ut tu dicis, appellaverunt, quia fuerunt imperitæ & ineptæ quædam barbarorum hominum conventicula. Sed jam satis responsum est ad ea, quæ pro universaliū defensione à Philosophastris communiter dici solent, & abunde ostensum universalia realia in rerum natura nec esse nec esse posse, nisi commentitia, & si maxime esse possent, tamen propter eas causas, quas Dialectici dicunt, non esse ponenda. Quibus ita probatis absque ulla alia refutatione nostra satis patet universalitatem illam & communicabilitatem universalium, quam Dialectici frequenter in ore habent. & cujus auxilio potissimum universalia defendere conantur, esse mera vocabula barbara, & res plane

plane fictas & fabulosas. Nos enim prorsus ita dicimus & affirmamus, in tota rerum natura nihil esse nec esse posse, quod unum & idem cum sit, eodem tempore totum & integrum possit esse in multis, vel singularibus subiecto distinctis, vel speciebus quomodocumque differentibus. Et hoc non minus alienum esse à natura rerum, à ratione humana, ab experientia mundana, & denique à veritate ipsa, quam duo contraria eodem tempore, eadem in parte, tota & integra esse in uno & eodem subiecto, atque adeo quam album esse nigrum, & calidum frigidum. Atque in summa sic absolvimus hanc partem, nihil superesse propter quod quisquam non omnino stultus credere possit universalia realia esse vera, nisi nudam ac vanam Aristotelis auctoritatem, & Porphyrii, & cæterorum Græcorum, qui de eis scripserunt, & ea magno consensu ab Aristotele primum introducta approbaverunt. Nam Latini præsertim recentiores, & Arabes omnes plane tanquam cæci, & prorsus omni iudicio carentes, Aristotelis, & aliorum Græcorum vestigia sunt secuti. Sed quantum Aristoteli, ac Porphyrio, cæterisque Græcis hac in re credendum sit, antequam hoc opus absolvatur, omnibus (ut spero) palam fiet. Itaque de eis nunc plura dicere superfedemus, tantum concludentes id, quod ab initio expeamus probare, hoc est, in quarto divisionis generalis rerum loco, ponendas esse multitudines rerum singularium universè acceptas, & hoc modo divisionem esse faciendam, ut in primo loco ponantur, res per se stantes, hoc est, substantiæ: in secundo res in alio existentes, hoc est, qualitates: in tertio res singulares singillatim sumptæ, ut individua: in quarto multitudines, ut dixi, rerum singularium universè acceptarum, sive genera universa, sive nature universæ, sive res universæ, quæ omnia idem sunt: rejectis & explosis universalibus realibus: & nominatim secundis substantiis, & una cum illis cuncta ea, quæ à Pseudophilosophis dicuntur sic esse quale quid, ut non sint, hoc aliquid: eo quod hæc omnia partim falsa sunt, partim barbara, partim inutilia, partim non necessaria, partim etiam ridicula. Ut partim jam probatum est, partim infra probabitur in sequenti Capite, ubi etiam si concesserimus universalia esse, tamen & numerum quinque universalium, & sufficientiam illam, quam vocant, quæ Dialectici quinque esse universalia probare conantur, improbabimus. Et denique ne ulla cuiquam dubitatio superesse possit, quin universalia prorsus falsa sint & inania, etiam loco suo demonstrabimus, abstractionem illam, quam appellant, universalium à singularibus per intellectum factam, esse mendacem & falsam: contra vulgatam illam Aristotelis sententiam falso dicentis, abstrahentium non esse mendacium: cum qui ita abstrahunt, ut ille vult, aperissime mentiri convincantur.

*Universalia realia etiam si vera esse concedantur, tamen non fuisse facienda quinque numero, sed vel unum tantum, hoc est, genus, vel plura quam quinque, hoc est, septem vel octo, adjecto communi, simili, contrario, atque substantia: Et simul de falsa universalium sufficientia, quam vocant.*

**S**ed quamquam universalia realia sint falsissima, & nullo pacto esse possint in vera rerum natura, ut probatum est Capite superiori, tamen concedamus Pseudophilosophis, ea non solum posse esse, sed etiam esse: & doceamus etiam si ita esset, tamen non recte factum ab illis, qui ea posuerunt quinque numero, hoc est, genus, speciem, differentiam, proprium & accidens: cum aut tantum unum fuisset ponendum, hoc est, genus, aut plura quam quinque statuenda, adjectis aliis quatuor, hoc est, communi, simili, contrario, atque substantia: ut in summa essent non quinque universalia, sed septem vel octo numero. Nam ut ab eo quod primo positum est, incipiam, dico tantum unum universale fuisse ponendum, hoc est, genus, eo quia cætera vel non possunt esse universalia, ut species, vel à genere non sunt diversa, sed tanquam species sub genere contenta, ut differentia, proprium, & accidens. Non potest autem species esse universale, quoniam, ut species est, semper sursum versus aspicit ad genus suum, cuique subiecta est, nunquam deorsum spectat ad aliqua sibi subiecta, ut de illis dici ac prædicari universalisque officio fungi possit. Quod si deorsum convertatur, ut ad inferiora aspiciat, & de illis prædicetur, statim speciei proprietatem & nomen amittit, & generis naturam induens ex specie genus efficitur, ut etiam infra clarius ostendetur in Capite de specie, quare species, ut species est, universale esse non potest. Quod autem pertinet ad reliqua tria, hoc est, ad differentiam, proprium, & accidens, dico ea non posse esse species universalis oppositas generi, & à genere diversas, eo quia *differentia nihil aliud est, nisi genus differens. proprium nihil aliud, nisi genus proprium: accidens nihil aliud, nisi genus accidens*: ex quo patet ea non esse à genere diversa, sed in natura atque intellectu generis inclusa: Quod ut etiam exemplis melius intel-  
ligatur



ligatur, rursus dico, rationale & mortale, quas illi differentias esse ajunt, esse quidem differentias, sed etiam genera, & multo magis genera quàm differentias. Siquidem communiter loquentes magis recte magisque usitate dici-

(Non este diceretur homines in generationalium mortalium contineri, quia genus hominum, & genus rationalium mortalium æque late patent. Genus humanum igitur non est species generis rationalium. Quare hoc in loco ab autore dissentiendum, & omnino statuendum est Nomina Universalia esse q. Nam Nomen Universale est vel subiectum, quod dicitur species vel prædicatum, Prædicatum vel necessarium vel contingens. Necessarium Prædicatum vel est species Totius, & dicitur Genus, vel ei æquale, & dicitur differentia vel æctius, & dicitur proprium, Contingens dicitur accidens.)

mus hominem esse in *generationalium* & in *genere mortalium*, quam in differentia rationalium & in differentia mortalium. Et similiter affirmamus risibile & hinnibile, album & nigrum, quorum illa Dialectici propria, hæc vero accidentia nominant, esse quidem propria & accidentia, sed etiam genera. & multo magis genera quam propria & accidentia: cum & communiter & latine loquentes rectius usitatusque dicere solemus, hominem esse in genere risibilium quam in proprio risibilium & equum esse in genere hinnibilem quam in proprio hinnibilem, & cicnum esse in genere alborum quam in accidente alborum, & corvum esse in genere nigrorum quam in accidente nigrorum. Ex quibus communibus & usitatis loquendi modis, luce clarius patet, quæ à Dialecticis appellantur differentia propria, & accidentia, ut rationale, risibile, & album, non minus atque adeo multo magis esse genera quam differentias, propria, & accidentia. Atque idcirco non quinque universalis, sed unum tantum universale, hoc est, genus, ponendum fuisse: reliqua vero omnia, præter speciem, tanquam generis vel modos vel differentias vel species statuenda, quemadmodum nos infra facturi sumus in Capite de Genere, Revera enim differentia, proprium, & accidens non species universales sunt à genere diversæ, sed sub genere, ut dixi, tanquam vel modi vel differentia vel species generis continentur, ut etiam probabitur paulo infra. Sed rursus esto, non unum sed plura sint ponenda universalis, dico ea non quinque, sed octo vel novem poni debere. & ad differentiam, proprium, & accidens, addendum esse, commune, simile, contrarium, & substantiam: Nam quemadmodum differentia, ut dixi, nihil aliud est nisi genus differens, proprium nisi genus proprium, accidens nisi genus accidens, sic etiam commune nihil aliud est nisi genus commune, simile nisi genus simile, contrarium nisi genus contrarium, substantia nisi genus substantia. Atque ut hoc exemplis fiat manifestius, iterum dico, quemadmodum rationale est genus differens ab irrationali, risibile est genus proprium homini, album vel nigrum est genus accidens parieti vel panno, sic etiam animal esse genus commune homini & bruto, Formicam esse genus simile homini, eo quia ambo longe in posterum prospiciunt: vitium esse genus contrarium virtuti, & denique substantiam esse genus substantans accidentibus, Et rursus quemadmodum rationale, risibile, & album, hoc est, differentia, proprium, & accidens, ut Dialectici ajunt, dicuntur de suis inferioribus, sic etiam animal, formicam, vitium, & corpus, hoc est, commune, simile, con-



trarium, & substantiam de suis subjectis prædicari. Quod cum ita sit, quæro quæ causa, aut quæ ratio potest asserri, ut differentia, proprium, & accidens inter universalia recipiantur, commune autem, & simile, & contrarium, & substantia non recipiantur, aut cur quinque tantum non septem vel octo proponantur universalia. Certe ego nec causam nec rationem ullam videre possum, cur illa magis quàm hæc fieri debeant universalia, & cur accidens, quod est ignobilius, statuatur esse universale, substantia vero quæ multo nobilior est, non statuatur. Præsertim cum omnia, ut dixi, de suis inferioribus & que dicantur & prædicentur, quod est proprium universalis officium, ut Dialectici affirmant. Sed hic mihi præclaram quandam quinque universalium suorum defensionem asserunt, per illam, quam vocant, quinque universalium, sive quinque prædicabilium sufficientiâ, hoc modo ratiocinantes, Omne quod prædicatur, inquit, aut in quid aut in quale prædicatur, & si in quid aut de differentibus specie, & sic est primum universale, quod vocatur genus: aut de differentibus numero tantum, & sic est secundum universale, quæ dicitur species: & si in quale aut essentiali, & sic est tertium universale, cui nomen est differentia, aut accidentale, & hoc quoque duobus modis: aut convertibiliter, & sic est quartum universale, quod appellant proprium: aut non convertibiliter, & sic est quintum & ultimum universale, quod est accidens. Atque hæc brevi ratiocinatione quasi demonstratione quadam geometrica Dialectici putant se probare universalia realia non solum esse vera sed etiam quinque numero. Quibus breviter respondens, quemadmodum supra jam multoties dixi, nihil horum hoc est, neque genus, neque speciem, neque differentiam, neque proprium, neque accidens, prout res veræ sunt à vocibus nominibusque distinctæ, neque dici neque prædicari nec in quid nec in quale, nec de differentibus specie, nec de differentibus numero, nec essentialiter nec accidentaliter, nec convertibiliter nec non convertibiliter: eo quia dici & prædicari, non rerum verarum, cuiusmodi sunt genera, species, differentia, propria, & accidentia, sed vocum & nominum proprium est, Atque ideo universalia per istam pseudophilosophicam & barbaram sufficientiam non posse probari esse quinque numero, ut infra etiam in Capite de genere & aliis sequentibus, clarius apparebit. Quatenus vero hæc eadem omnia, non res veræ sunt, sed voces & nomina rerum, ut animal, vox ejus rei, quæ est genus animalium, homo vox ejus rei, quæ est species hominum: eodemque modo, rationale, risibile, & album, voces earum rerum, quæ sunt differentia, proprium, & accidens: hoc inodo non nego, sed ingenue fateor, ea vere dici ac prædicari posse de rebus illis, quibus significandis fuerunt imposita, & verè esse universalia, non quidem realia, sed, ut ita dicam, vocalia vel nominalia.

minalia, quemadmodum Dialectici, ii qui Nominales vocantur, recte & vere affirmant. Sic enim vere dici mus vocem animalis, dici de omni genere animalium, vocem hominis prædicari de omni specie hominum, vocem rationalis, risibilis, albi vel nigri, de omnibus rationalibus, risibilibus, albis vel nigris. Præter ea dico, has voces animalis, & hominis, & alias similes, ut significant & usurpantur figurate pro genere animalis, pro specie hominis, & cætera vere quidem dici & prædicari de rebus, quæ sunt vera animalia & veri homines, sed non in recto casu, vero in obliquo tantum, ut ita dicendo, homo est in genere animalium, non homo est genus animalium, vel homo est animal, quia falsum est hominem esse animal, intelligendo animal figurate pro toto genere animalium. Item dicendo Socrates est in specie hominum, non Socrates est species hominum, vel Socrates est homo. accipiendo hominem pro tota specie hominum, quia falsum esset. Quas falsitates Dialectici Reales idcirco intelligere non potuerunt, quia nesciverunt in his enuntiatis, homo est animal, Socrates est homo, nec animal esse genus, nec hominem esse speciem indivisibilem, eo quia si sic esset, propositiones essent falsæ non veræ, & utrunq; significaret tantummodo unam rem individuatam, hoc est, unum individuum animal, & unum individuum hominem. Cujus rei hæc est causa, quia tam animal quam homo est numeri singularis non pluralis, proprie positum non figurate, semel tantummodo enuntiatum non multoties. Cum quibus tribus conditionibus adjunctis jam supra non semel monui appellativa simplicia semper unum tantum, nunquam plura significare, & propterea nomen generis aut speciei divisibilis esse non posse. Atque ita patet Dialecticos, etiam si concederetur eis, universalis esse vera, tamen in statuendis quinque universalibus in duo maxima incidisse errata, vel quia non unum universale tantum, ut debebant, sed plura fecerunt, vel quia etiam si darentur plura esse universalis, tamen non septem vel octo, ut par erat, sed quinque tantummodo facienda putaverant. Ex iis ergo quæ & in hoc & in duobus superioribus proximis Capitibus dicta sunt, patet quanta fuerit ruditas & inscitia eorum qui posuerunt universalis, & quanta sit falsitas ipsorum universalium, quæ & sine ulla idonea, aut necessaria causa fuerunt posita & si etiã fuisset aliqua eorum ponendi causa, tamen nullo pacto esse possunt, & si essent, tamen deberent esse non quinque sed aut unum tantum numero, aut certe plura quam quinque contra stultam & vanam Dialecticorum de eis opinionem. Et præcipue partim supra destructis, partim infra destruendis duabus illis, tanquam parentibus universalium, hoc est, & mendaci illa abstractione, ex qua gigni putantur universalis, & sufficientia illa fallaci, ex qua non quidem gigni, sed quinque numero probari creduntur.

CAP.

*De totis, & eorum divisionibus, ac partibus, compositionibusq;  
vere: contra falsissimam Dialecticorum de his omnibus  
Doctrinam.*

**D**E totis, eorumque divisionibus, & partibus, & compositionibus, quid sint & quæ sint, & quomodo fiant, vere cognoscere ac scire, in primis necessarium est iis, qui recte philosophari volunt, idque non solum propter summam cognitionis harum rerum utilitatem, nihil enim est in tota philosophia de quo frequentius loqui ac differere contingat, quam de his; sed etiam quia Dialectici & Philosophastri partem hanc penetram foedissime perverterunt ac corruerunt, partim excogitantes & introducetes quædam tota, quæ non reperiuntur in rerum natura, partim ea, quæ sunt male definientes & non recte appellantes: idemque facientes de divisionibus eorum, & partibus, & compositionibus. Quocirca mihi faciendum existimavi, ut partim correctis, partim sublatis Dialecticorum erroribus, hæc omnia recte philosophari cupientibus, quam verissime & quam brevissime per me fieri posset, traderem: & quæcunque à me dicerentur ex superioribus rebus jam probatis confirmarem. Diximus in generali divisione rerum, omnia quæcunque sint in tota rerum natura, in summa esse, aut substantias aut qualitates, & omnes tam substantias quam qualitates, rursus esse, aut res singulares aut multitudines rerum singularium; quod cum ita esse probatum sit in superioribus Capitulis, refutatis & everfis universalibus, necesse est omne totum esse aut unam rem tantum singularem, aut unam multitudinem rerum singularium, cum nihil tertium esse possit & si sit res aliqua singularis, totum continuum, si multitudo rerum singularium, totum discretum esse: ita ut in summa in tota rerum natura non sint, nec esse possint, nisi *duo totorum genera*, to-

*(Imo datur tertium: totum d. sjunctivum, v.g. animal est aut homo aut brutum; non, & homo & brutum. Nec omnia animalia sunt & homines & bruta, sed aut homines aut bruta. Multitudo vero omnium anim. lium est & homines & bruta. Aliud igitur sunt omnia animalia, aliud multitudo eorum.) Aliud genus, aliud totum, Aliud totum d. distributivum, aliud collectivum.)*

*IMMO CONTINUUM, & TOTUM DISCRETUM.* Quod confirmatur etiam ex eo, quia omne totum est quantum, sive quantitas quædam, omnis quantitas est vel continua vel discreta, ut etiam Aristoteles testatur in Categoriis: quare omne totum aut continuum aut discretum sit, necesse est. Omne autem totum esse quantum sive quantitatem quandam, partim jam manifestum esse arbitror ex Capite illo superiore, in quo funditus sustulimus universalalia, quæ à Dialecticis finguntur esse tota quædam, & tamen non quanta, cum ea imma-  
teria-

terialia esse dicant: partim etiam clarius manifestiusq; patebit ex iis, quæ infra dicturi sumus. Atq; ita constituto generaliter totorum numero, superest ut breviter dicamus & exemplis doceamus, quid utrunq; totum sit, Est ergo totum continuum, nihil aliud nisi res una singularis, ut in naturalibus unus homo, unum animal, una arbor, una herba: In artificialibus una domus, una navis, unum plaustrum, una vestis, & similia. Totum autem discretum, nisi multitudo una rerum singularium simul acceptarum, ut populus Romanorum, exercitus Germanorum, genus animalium, species hominum, grex ovium, armentum bouum, & alia huiusmodi tam naturalia quam artificialia. *Reliqua vero omnia quæ feruntur tota, ut totum essentiale, totum potentiale, totum integrale, totum universale, aut ad alterum horum duorum referantur & reducuntur necesse est, aut si reduci non possint, ut prorsus in vera rerum natura non reperiuntur, sed sint omnino falsa & commentitia.* Sed ut hæc quoq; tota quid sint, breviter intelligi possit, singulorum exempla ponemus, & quæ reduci aut non reduci possint, ostendemus. Totum essentiale est, ut homo, & lapis, & quodlibet aliud singulare, quatenus constat ex anima & corpore, vel ex materia & forma: Totum potentiale est, ut anima hominis ex vegetante, sentiente, movente, & intelligente vi, tanquam ex partibus suis quasi constata, & alia huiusmodi quæ ex potentiis, vel virtutibus, vel qualitatibus componuntur: Totum integrale est ut iterum, homo quatenus compositus est ex capite, brachiis, ventre, cruribus, & quodlibet aliud singulare ex suis partibus continuis, vel discretis constans: Totum universale est, ut Dialectici volunt, quod dividitur vel in suas differentias, ut animal in rationale & irrationale, vel in sua individua, ut homo in Socratem, & Platonem, & alios homines singulares. Ex quibus totis sine dubio id quod dicitur essentiale, ad totum continuum reducitur, cum anima & corpus in homine, & materia & forma in aliis rebus non videantur posse dici discreta, atq; ideo totum hoc, quoniam continuum esse apparet, nec tamen vere est, à nobis appelletur quasi continuum: Totum autem potentiale ipsum quoq; cum aut continuum aut discretum necessario sit, potius ad discretum quam ad continuum referendum videtur, & totum quasi discretum appellandum, ut anima humana suis, quas diximus, potentiis comparata: Totum vero integrale, licet ad utrunq; reduci posset, tamen est supervacaneum, & temere introductum, tanquam ab aliis separatum, cum omne totum ex suis partibus integretur, alioqui non sit totum, atq; ideo integrale non immerito dici possit. Quare cum integrale, nomen sit non modo non satis probum, sed etiam commune omnibus totis, ad nullum speciale totum fuit accommodandum. Postremo totum universale quod ab aliis

dicitur *Ἐν μέρει*, & item illud quod vocatur *Πρόμαρτον*, ex sententia illorum qui ea posuerunt, sine ulla dubitatione nec ad continuum, nec ad discretum referri possunt, cum sint, ut ipsi dicunt, ab omni quantitate aliena: cæterum, ut nos arbitramur, causa quamobrem ad neutrum reduci possunt, hæc est, quia non reperiuntur neque existunt in vera rerum natura, sed plane falsa sunt & commentitia, ut in fine Capituli probabimus. Homo enim & animal & reliqua huiusmodi quatenus genera vel species sunt, nihil aliud sunt nisi multitudines singularium simul & semel acceptorum, ut toties diximus, Universale vero, ita ut à Dialecticis sumitur, & extra intellectum in rebus ponitur, nihil aliud est nisi nomen barbarum & vanum, cui nihil in re ipsa respondet nisi fictum &, ut ita dicam, Chimæricum. Nam de Ideis sive totis ante partes, nihil dico, cum Aristoteles ea satis superque labefactaverit. Sicigitur nos tantum duo in summa totorum genera statuimus, continuū & discretum, cætera vero omnia ad hæc reduci censuimus, ut essentialia sive quasi continuum ad continuum, potentiale sive quasi discretum ad discretum, aut prorsus esse supervacanea & temere posita, ut integrale, aut deniq; falsa & commentitia existere, ut universale. Quæ cum ita sint jam non difficile est videre, quot genera divisionum, & partium, & compositionum sint statuenda. Nam si omne totum per compositionem ex partibus fit, & omnes partes per divisionem ex aliquo toto emergunt, necesse est hæc quatuor, totum, partes, compositionem, & divisionem inter se esse respondentia: & quot unius totidem quoque reliquorum genera reperiri. Quare cum tantum sint duo summa totorum genera, necessario erunt etiam duo tantum partium, compositionum, divisionumq; genera, nec plura nec pauciora. De quibus omnibus singillatim & breviter dicendum est, & primo de partibus quæ respondent totis. Omnis pars ex qua totū constituitur, est aut continua, ut caput, venter, brachia, crura, & cætera animalis partes, ex quibus totum continuum componitur: aut quasi continua, ut anima & corpus, ex quibus homo: & materia & forma, ex quibus cætera huiusmodi tota quasi continua constantur: aut discreta, ut patritii & plebei in populo Romanorum, rationalia & irrationalia in genere animalium: & cætera id genus partes, ex quibus constant tota discreta: aut quasi discreta, ut vegetans, sentiens, & intelligens pars in animo, & alia similes partes, totum quasi discretum componentes. Hæc itaq; nos quatuor genera partium statuimus, & non plura, quæ tamen ad duo possunt reduci, si partes quasi continuæ ad continuas, & quasi discretæ ad discretas referantur. Quod dixi de totis & partibus, idem etiam affirmo de divisionibus & compositionibus, hoc est, totidem harum quot illorum esse genera. Eodem enim modo duo in summa divisionum

sonum genera ponuntur à nobis, & non plura: unū genus divisionis est, quod respondet toti cōtinuo vel quasi continuo; ut cum partimur hominē in caput, brachia, ventrem, crura: & domum in parietes, tectum & fundamenta: & eundem hominem in animam, & corpus & omnia corpora in materiam, & formam: Alterum vero genus divisionis est, quod respondet toti discreto, vel quasi discreto, ut cum dividimus vel populum Romanorū in patritios, & plebeios: vel exercitum eorundem in turmas, & legiones: vel genus animalium sive animalia, sive animal, in rationalia & rationis expertia: & denique animam humanam in vegetantem, sentientem, & intelligentem. *Ex quibus duobus divisionum generibus, superius illud quod est totum continui vel quasi continui, proprie vocatur partitio: hoc vero posterius, quod ad totum discretum vel quasi discretum pertinet, commune nomen retinet, & apud Latinos proprie appellatur divisio.* Nam, ut recte scribit Quintilianus libro VII. Capite primo, Divisio est rerum plurium in singulas, Partitio, singularum in partes discretio. Et ante Quintilianum Cicero in Topicis ita scriptum reliquit, Partitio-num autem, & divisionum genus, quale esset ostendimus, sed quid inter se differant, planius dicendum est. In partitione membra sunt, ut corporis, caput, humeri, crura, pedes, & cætera: In divisione formæ sunt, quas Græci Ideas vocant: nostri (si qui hæc forte tractant) species appellant. Sic itaque Quintilianus, & Cicero de divisione, & partitione: & post hos Rodolphus Agricola libro primo de Dialectica Inventionē, capite nono idem dixit: Ex quorum verbis, & ex iis, quæ nos supra diximus, patet primo divisionem à partitione differre, quod partitio sit totius continui in partes, Divisio autem totius discreti præsertimque generis in formas, sive species: Deinde inter partes & formas hoc interesse, quod ex sectione continui partes gignuntur, ut ex partitione corporis humani, vel domus, vel navis: ex sectione autem totius discreti formæ, sive species efficiuntur, ut ex divisione generis animalium, generis arborum, & aliorum hujusmodi discretorum: ex quibus etiam apparet, nomen partis esse generalius, quam nomen formæ vel speciei: cum omnis forma, sive species sit & recte appelletur pars, non autem omnis pars, formæ & speciei appellationem recipiat. Non enim caput, & cæteras humani corporis partes recte quis formas, sive species hominis dixerit: neque vere puppim navis, aut tectum domus, speciem vel formam domus appellarit. Præterea constat etiam illud quod diligenter attendi, & memoriæ mandari cupimus, in eo enim omnis nostra veritas, & Dialecticorum falsitas consistit, Constat inquam cum genera dividuntur in species sive formas, nihil aliud dividi, nisi quasdam multitudines singularium majores, & tota quadam discreta majora, in alias



*plures multitudines singularium minores, & in alia multa tota discreta minora:* ut, cum animal dividitur in rationalia, & rationis expertia, ipsum animal nihil aliud est, nec quicquam aliud dividitur, nisi multitudo quædam singularium animalium maxima, quæ per divisionem secernitur, in duas multitudines minores, hoc est, in multitudinem singularium animalium rationalium & in multitudinem singularium animalium ratione carentium. Quæ multitudines minores communiter partes, proprie autem formæ vel species superioris illius generis, hoc est, multitudinis animalium appellantur. Atque in dividendis generibus nihil aliud dividi, nisi multitudines quasdam singularium, ex quoquo vel manifestissime licet intelligere, quod in dividendo animal exempli gratia, nihil refert sive ita dicas, in singulari numero & figurate, animal aliud est rationale aliud irrationale, sive in plurali & proprie ita, animalia alia sunt rationalia, alia irrationalia: sive ita, animalium alia sunt rationalia, alia irrationalia: sive ita, generis animalium alia sunt rationalia, alia irrationalia: sive ita, genus animalium dividitur in rationalia, & irrationalia: Et denique sive loco generis ponas vocabulum multitudinis, & ita divisionem facias, multitudinis singularium animalium alia sunt rationalia, alia irrationalia: vel ita, multitudo animalium singularium dividitur in rationalia & irrationalia: ex quibus tam variis dividendi unius generis modis, luce clarius apparet, contra stultas & vanas Dialecticorum opiniones, genera, & species, atque etiam differentias, & quicquid tale dividitur, nihil aliud esse, nisi multitudines singularium majores, quæ dividuntur in plures alias multitudines singularium minores: eodem plane modo quo exercitus dividitur in turmas & legiones, legio in plures cohortes, cohors in plures manipulos. Et cum genera sine ulla dubitatione sint multitudines singularium, & tota quædam discreta, tam falsum & absurdum est, dicere genus prædicari de specie in recto casu, quam si quis diceret, & populum de uno cive, & exercitum de uno milite dici in eodem casu, hoc modo, unus civis est populus, unus miles est exercitus: utrobique enim sunt multitudines singularium, nec alia est differentia, nisi quod supra multa sunt animalia singularia, hic vero multi cives, & multi milites singulares. Namque, ut etiam supra docui, cum dicitur *homo est animal*, in hac enuntiatione, nec homo est species, nec animal est genus. nec ea quicquam aliud significatur proprie, nisi unum hominem esse unum animal, hoc est, unum ex genere, sive ex multitudine, sive ex numero animalium. Quam generis divisionem idcirco pluribus explicandam putavi, ut ostenderem cum genera dividuntur, non universalium, ut Dialectici putant, sed multitudinis singularium, atque individuorum fieri divisionem: cujus ignorance,

naturum



natum est illud longe absurdissimum & stultissimum, quod & Aristoteles scribit in Topicis, & Boethius in secunda Editione in Porphyrium confirmat. Nempe differentiam non prædicari de genere, & non recte dici, animal est rationale, cuius rei causam assignantes, inquirunt, Quoniam eadem ratione recte dici posset, animal est irrationale, atque ita sequeretur, magnum quoddam, ut ipsi putant, absurdum, hoc est, animal unum & idem existens, eodem tempore esse & rationale & irrationale, & propterea id, quod fieri non potest, ut duo contraria eodem tempore, in eodem subjecto reperirentur. Et quoniam animal solitario intellectu, ut inquit Boethius, neque rationale est, neque irrationale: rursus oritur alia magna dubitatio, unde ergo hæc differentia? In specie nascuntur, quæ in genere ante non fuerint? Idcirco huic dubitationi respondet idem Boethius, hoc modo, Genus, hoc est, animal non esse actu utrumque, & rationale & irrationale, sed utrumque vi ac potestate sua continere: ut differentia, quæ ante divisionem non actu, sed potentia tantum erant in genere, per divisionem quasi exoriantur, & exurgant ex genere, & actu in speciebus reperiantur. Hæc inquam ratione Dialectici, rationale & irrationale de animali, & omnino omnes alias differentias de suis generibus prædicari, & dici nullo pacto volunt: & hanc, quam dixi, rationem afferunt, cur differentia, quæ ante in genere non fuerant, postea per divisionem quasi de nihilo in speciebus enascantur. In cuius rationis, & causæ redditione Dialectici, Dii boni, quantam præ se ferunt ignorantiam & ruditatem, qui non sentiunt nec intelligunt, in quantos quamque scædos errores incidant, dum assidue inceptiunt & delirant, una cum illis suis sexcentis stultis universalibus, & dum plusquam, stolidissime putant, animal illud, quod dividitur in rationale & irrationale, esse tanquam unum totum continuum & singulare, in quo contraria duo simul & semel esse non possint. At ego contra dico & affirmo, id animal quod dividitur in duas differentias contrarias, vere esse multitudinem quandam singularem, & totum quoddam discretum, ex singularibus & speciebus, quæ & ipsæ ex singularibus constant, compositum: cuius pars una habet rationem, altera ratione caret: nec ullum sequitur inconveniens, aut impossibile, dicendo animal esse rationale, & animal esse irrationale, non magis quam cum dividimus populum in pauperes & divites cives, & exercitum in albos & nigros milites: & vere dicimus figurate populum esse pauperem, & populum esse divitem; exercitum esse album, & exercitum esse nigrum: eo quod una pars populi pauper est, alia dives: & pars una exercitus alba est, altera nigra. Eodem enim modo cum dividitur animal figurate acceptum pro omnibus animalibus, in rationale & irrationale, nihil aliud dividitur pro-

propterea, nisi multitudo singularium animalium. Ex qua divisione quod obsecro inconueniens, aut quod impossibile sequitur, in tanta singularium animalium multitudine, si alia sunt rationalia, hoc est, homines? alia irrationalia, hoc est, bruta? & si eadem multitudo simul semel est rationalis, ut dixi, & irrationalis non solum potestate, sed etiam actu? profecto nullum. Sed ita est re verâ, ut dicitur: cum semel concessum est unum absurdum, statim ex necessitate multa alia consequuntur. Sic enim Dialectici posteaquam temere statuerunt suum illum totum universale portentosum, & ipsum stulte putaverunt esse quiddam à singularibus per intellectum abstractum, & propterea ab eis diversum, quasi totum quoddam singulare & continuum, non potuerunt effugere si faterentur animal simul & rationale & irrationale esse, quin concederent etiam duo contraria simul in eodem subiecto reperiri, Quo concessio, ut reddere rationem possent, quomodo differentia, quas antea in genere non esse arbitrantur, per divisionem in species pervenirent, coacti fuerunt excogitare remedium actus & potentia, dicentes, Differentias esse in genere potentia, non actu: sed genere diviso statim eas, ex potentia in actum exire, & in speciebus residere. Hæc illi: quæ usque adeo sunt absurda & futilia, ut valde mirer, quomodo non solum literis mandari, ut à tam multis mandata sunt, sed etiam in humanum ingenium unquam cadere potuerint. Animal enim sive animalia, sive genus animalium revera simul & semel & rationale est, & irrationale, non solum potentia, sed etiam actu, hoc est, ut ante dixi, una ejus pars est particeps rationis, nempe homines, altera vero rationis expers, videlicet bruta. Atque ita dicendo ad solvendum illam dubitationem nihil necesse est incassum excogitare quasi medicinam actus, & potentia, nec quicquam opus est temere vereri, ne duo contraria simul in eodem subiecto consistent. Hoc igitur est illud absurdissimum & stultissimum, in quod supra dixi, & Aristotelem, & Boethium, & omnes Dialecticos præcipitasse, dum excogitant & introducunt suum illud, plusquam monstruosum & stultum totum universale. Quæ omnia nos incommoda & absurda, facile vitamus abjiciendo & deridendo illud universale, ut meretur, & statuendo affirmandoque animal, & cætera genera quemadmodum sunt, sic etiam esse veras multitudines singularium, & tota quædam discreta, quæ cum dividuntur, nihil aliud dividitur nisi multitudo, & eorum divisio nihil aliud est nisi multorum singularium in partes ductio. Sed ut redeam unde discessi, tot sunt genera divisionum, ut dixi, & ita ut ait Quintilianus libro VII. inter se differunt divisio & partitio, ut partitio sit totius continui, & tanquam continui in partes: Divisio vero totius discreti præsertim generici, & totius quasi discreti in species, sive formas.

Quo

Quo cognito non difficile est intelligere, quot idem sunt genera compositionum, & quomodo ex quibusq; fiant. Nam quemadmodum totum continuum, & quasi continuum per partitionem resolvitur in partes continuas, sic idem per compositionem ex eisdem partibus redintegratur: & rursus quemadmodum totum discretum maxime genericum, ac totum quasi discretum per divisionem diducitur in species sive formas, sic idem quoq; per compositionem ex eisdem speciebus sive formis reficitur. Atq; ut melius quod dico intelligatur, quemadmodum ex divisione animalis oriuntur formæ, sive species. sive differentia, ut rationale & irrationale. sic ex compositione eorumdem rursus quasi conflatur animal, sive genus animalium. Sicq; hætenus ostensum sit in summa esse tantum duo genera totorum, hoc est, totum continuum, quod est, unum singulare & individuum: & totum discretum, quod est multitudo singularium: & tantum duo genera partium, unum quod toti continuo, alterum quod toti discreto respondet: similiterq; esse tantum duo genera divisionum, hoc est, partitionem, quæ ad totum continuum, & divisionem, quæ ad totum discretum refertur. Itemq; duo genera compositionum, unum quo ex partibus totum continuum, alterum quo ferè ex formis vel speciebus totum discretum quasi regeneratur. *Præterea totum essenziale ad totum continuum referri, & quasi continuum vocari. Totum vero potentiale ad totum discretum reduci, & appellari quasi discretum. Totum autem integrale tanquam separatum ab aliis non recte positum fuisse, eo quod omnia tota ex partibus suis integrantur, atq; ideo integralia recte vocari possunt.* Ad hæc totum illud quod vocant universale, quia nec ad totum continuum, nec ad totum discretum, nec ad ullum totum referri potest, idcirco verum totum non esse, sed fictum & commentitium, atque ideo à numero totorum prorsus rejiciendum. Postremo genera vera, & species veras divisibiles, nihil aliud esse, nisi multitudines singularium, tum majores tum minores, ita ut cum dividitur animal, sive genus animalium, nihil prorsus aliud dividatur, nisi multitudo omnium singularium animalium: tum etiam rectissime verissimeq; dici, animal esse rationale, & rursus animal esse irrationale, non solum in potentia, sed etiam in actu, nec ullum esse periculum ne duo contraria simul & semel in eodem subiecto reperiantur: quemadmodum Dialectici stulte nimis & imperite reformidant; atq; ideo remedium illud actus, & potentia excogitarunt, quod jam non solum est imperitum & stolidum, sed omnem adeo imperitiam superat & stoliditatem. Ac de totis, partibus, compositionibus, & divisionibus satis jam dictum arbitrarer, nisi mihi succurreret Rodolphus Agricola, qui in primo libro de Inventione Dialectica, Capite nono, docens quomodo totum & genus differant, ita scribit

scribit, Sed hoc differunt quod quemadmodū genus ad constituendam singularium specierum substantiam ad sit oportet, sic totum non singularium partium substantiam constituit, plerūq; earum, ut interierit totum, permanere tamen possunt, & contra quemadmodū ad conficiendam totius substantiam unamquāq; partium est adhiberi necesse, sic ad explendā generis substantiam non utiq; unamquāq; speciem adesse natura illius exposcit, Præter hoc quoq; genus de speciebus suis affirmatur, totum de partibus nequaquam. Hæc Rodolphus, in quibus Vir ille alioqui doctissimus penè tot errata admisit, quot verba scripsit: atq; ideo breviter refutandus mihi visus est. Putat Rodolphus unā cum Pseudophilosophis omnibus ad constituendam singularium specierum naturam genus adesse oportere: Atq; ego contra, dico id esse absurdissimum, nam si ita esset, sequeretur ad constituendam hominis naturam totum genus animalium requiri, & ita homo non solum ex rationali, sed etiam ex irrationali parte generis animalium constitueretur, atq; adeo conflaretur ex omnibus singularibus animalibus, quod quā sit absurdum & stultum quis non videt? At enim inquirunt, ad definiendum hominem nonne assumitur animal loco generis? quod unā cum differentia rationali & mortali hominem constituit, hoc modo, homo est animal rationale mortale? Respondeo in ea definitione, si homo, & animal accipiuntur proprie, nihil aliud significari, nisi unum hominem esse unum animal rationale mortale, & sic proprie non est definitio generis hominum, sed unius tantum hominis: sin capiantur figurate & improprie, ut in omnibus ferè definitionibus capi solent, ut homo pro hominibus, & animal pro animalibus ponatur, tum eā oratione hoc declarari, hominem, sive homines, sive omnes homines, sive hominum genus esse animalia rationalia mortalia. Et hoc modo est vera definitio: ita enim exponi debent omnes definitiones, quæ in singulari numero assignantur, ut partim supra docui, partim etiam infra sum docturus in Capite de Definitione. Ex quo patet falsum esse id quod Rodolphus primo dicit, ad constituendam singularium specierum naturam genus adesse oportere, nisi forte intelligat, tantum de parte generis, quo in casu verum diceret, non enim potest effici species sine genere, cum sit pars generis, sed ipse sibi hanc exculationem præcidit, quia intelligit totum genus ad speciei constitutionem requiri, alioqui non differret à toto continuo. Præterea dico contra Rodolphum ad explendam generis substantiam, tam necesse esse unamquāq; illius partem adesse, quam ad perficendam totius continui substantiam. Nam si generi animalium, exempli causa, defuerit una tantum species, puta bovis vel equi, nunquam perfectum erit genus, nec perfecte genus appellari poterit, non magis quam domus & navis perfecta, si huic carina,

illi fundamentum absit. Postremo illud quoque adversus Rodulphum affirmo, nullum genus unquam de suis speciebus affirmari in recto casu, nec magis falsum esse, si quis dicat, fundamenta esse domum, aut carinam esse navem, quàm si affirmet, hominem esse animal, & lactucam esse herbam, si animal pro genere animalium, & herba pro genere herbarum, in his propositionibus accipiat. Quare in illis Rodulphi verbis tria maxima & absurdissima sunt errata, quorum unum est, totum genus ad constituendam singularium specierum substantiam adesse oportere, alterum ad explendam generis substantiam non omnes species adesse necessarium esse, tertium & ultimum, genus vere de suis speciebus in recto casu affirmari. Quæ omnia Rodulphus inconsiderate à Pseudophilosophis accepit, & unà cum eis in profundissimum erroris quasi barathrum delapsus est. Nam quemadmodum illi in loquendo nimium imperite, ut supra dixi, non distinguunt res à verbis, nec verba à rebus, nec sermones figuratos à propriis, nec proprios à figuratis: sic ipse quoque in hujusmodi enuntiatis, ut homo est animal, accepit vocem generis proprie pro eare, quæ est genus, hoc est, vocem animalis pro eare, quæ est animal, & eandem vocem proprie tanquam figurate usurpatam intellexit: si enim ita esset, ut ipse existimavit, sine dubio vera essent quæ ab eo dicuntur. Nam & vox animalis proprie dicitur de speciebus animalis in recto: ut cum dicitur, homo est animal, & eadem vox animalis figurate accepta significat genus animalium, ut cum dicitur animal est substantia animata sentiens, hoc est, omnia animalia sive genus animalium, sunt substantiæ animatæ sentientes: & tertio loco eadē vox ad definiendum singulas animalis species tota requiritur, ut homo est animal, bos est animal, leo est animal, & sic cætera. Quod si in his omnibus locutionibus, quas dixi, non de vocibus, sed de rebus intelligeretur, & proprie semper voces acciperentur, ex verissimis statim efficerentur falsissimæ, non enim animal ut res vera & genus verum est, de homine dicitur in recto, sed ut vox & vocabulum generis existit. Quare caveant qui recte philosophari cupiunt, ne unà cum Rodulpho, & Pseudophilosophis ita decipiantur, ut & voces pro rebus, & sermones proprios pro figuratis accipiant. Hæc enim res primo Aristotelem decepit, & post Aristotelem omnes qui eum secuti sunt in eundem pertraxit errorem: quia non animadverterunt totum & genus aliquando esse voces multa significantes, aliquando vero non voces, sed res multis nominibus præditas. Nam totum modo accipitur pro voce totius modo pro re, quæ est totum: & hæc eadem res, modo est totum continuum, quod proprie dicitur totum, modo totum discretum, quod privatim appellatur genus, vel multitudo. Atque ita & communis loquendi consuetudo, & doctissimi quique viri

tam Græci, quam Latini in sua utrique lingua usurpant. Et quoniam de totis continuis & discretis, eorumque; cōpositionibus & divisionibus locuti fuimus, illud quoque; post omnia non ignorari volumus, omne totum discretum ex multis totis continuis, vel saltem singularibus esse compositum, & inter omnia tota discreta multo nobiliora & excellentiora esse ea, quæ appellantur genera & species, & ex generibus & speciebus ea esse præstantiora, quæ sunt naturalia & essentialia eis, quorum sunt genera & species, ut genus animalis omnibus hominibus, & species hominis omnibus suis individuis. Nā Thebanus & Trojanus, species quidem hominis sunt, ut recte inquit Cicero, sed accidentales & extraneæ, non naturales & essentielles. sicut illæ superiores. Quod quanquam ita sit, non propterea tamen minus recte & sunt & appellantur species, quàm quæ naturales & essentielles existant. Idemque sentiendum est de generibus, non minus vere & esse & appellari genera, quæ sunt accidentalia, & quodammodo extraneæ, ut homo comparatione Thebani & Trojani, quam naturalia & essentialia, ut animal homini, & vivens animali comparatum. Infra enim in Capite de Genere inter alias generis & speciei differentias, docebimus etiam esse illas duas, ut ex iis, quæ vere appellantur genera & species, alia naturalia & essentialia sint. alia accidentalia & extraneæ. Quod idcirco monitum esse volui, ut tollerem stultam illam, & imperitam opinionem Philosophastrorum, qui propterea putant, nulla esse vere genera, nisi naturalia & essentialia, & nullas vere species, nisi naturales & essentielles. Atque etiam, ut responderem quibusdam ineptis qui Ciceronem reprehendunt, eo quod Thebanos & Trojanos hominis species esse dixerit, cum Cicero rectissime & doctissime, illi vero perversissime & indoctissime senserint. Sed ut redeam unde discessi, hoc quoque notum esse volumus, ex omnibus totis discretis nullum esse majus & capacius quam genus rerum, sive res: eo quod complectitur & comprehendit omnia singularia cujuscunque generis, quæ sunt in mundo, & vox rei de omnibus, quæ sunt aliquo modo vere dicitur & affirmatur. Atque ideo res, sive genus rerum maxime proprium, & maxime verum est genus, contra falsissimam & stultissimam Dialecticorum opinionem, qui dicunt res, sive ens non esse genus, vel saltem non esse verum genus, cum sit & certissimum & summum genus, atque adeo genus omnium generum, intelligendo genus pro re, quæ vere est genus, hoc est, pro multitudine omnium singularium rerum, quæ in quocunque genere continentur. In mundo enim proprie non est, nec reperitur ullum aliud genus, nisi multitudo singularium, ut etiam dicemus in Capite de genere. Ab hoc igitur summo & verissimo genere quod est genus rerum, exordiū capit & incipit summa & prima divisio totius discreti-



discretorum in partes discretas, hoc est, in species sive formas, & ab eo deorsum versus currens per omnia genera inferiora & minora, tandem pervenit usque ad singularia & individua, & ibi consistit. Sic ut ubi definit divisio discretorum, ibi initium sumat partitio continuorum, hoc est, singularium singillatim acceptorum, quæ non amplius in formas sive species, sed in partes rursus continuas & imperfectas secantur, ut infra ostendetur, cum refutata illa falsissima & absurdissima Dialecticorum arbore prædicamentali, nostram veram & rectam arborem generum & specierum ab ea longe diverso modo descriptam, omnibus inspicendam & dijudicandam proponemus. Ex qua quidem una cum iis omnibus, quæ supra fuere dicta de totis & partibus, divisionibus & compositionibus apertissime constabit, omnibus modo non obstinatissimis, & veritatem scire recusantibus, quam falso & imperite de his ipsis rebus scriptum ac sensum fuerit, partim ab Aristotele in quarto τὸν μετὰ τὰ φυσικά, in Capite de toto & parte, partim à Boethio pene in toto eo libro, quem composuit de divisionibus, partim ab Eustratio in suis Commentariis super primo Ethicorum Aristotelis, ubi loquitur de totis: partim etiam à nonnullis aliis tam Græcis quam Latinis, subinde ingerentibus, & inculcatis nobis tota quædam monstrifica & portentosa, quæ nusquam sunt in vera rerum natura: atque in primis totum illud quod sic affirmant esse ἀπὸ μερῶν, hoc est, ante partes suas, ut non sit ἐκ μερῶν, hoc est, ex partibus: Cujusmodi feruntur esse Idææ illæ Platonis, sive Socratis, vanæ & inanes: Atque ideo non immerito ab Aristotele refutatæ tot in locis, & ab Aristophane Poeta suaviter derisæ ἐν ταῖς ἐπιφαις. Deinde etiam illud totum, quod ipsum quoque asserunt ita esse ἐκ μερῶν, hoc est, in partibus, ut non sit ἐκ μερῶν, hoc est, ex partibus, qualia dicuntur esse universalia realia Aristotelis, partim à nobis supra, partim etiam ante nos à Nominalibus jure optimo refutata, tanquam multo magis falsa, magisque absurda, quam Idææ Platonis. Quæ quidem duo totorum genera, quamvis utraque non solum falsa sint & absurda, ut dixi, sed etiam inintelligibilia & incomprehensibilia: Nam per Deos immortales, quis unquam cogitare possit, aut intelligere totum quoddam, quod sit ante partes suas, & non constet ex partibus suis? quasi dicas reperiri, & esse in rerum natura, aut hominem aliquem, qui sit ante caput, pedes, brachia, ventremque suum: aut arborem aliquam, quæ existat ante radices, truncum, ramos, foliaque sua: aut domum aliquam, quæ constet ante fundamentum, parietes, tectumque suum: aut navem aliquam, quæ consistat ante proram, puppim, carinam, lateraque sua: aut quamplurima hujusmodi, quæ ita sint, ut dixi, ante partes suas, ut ex illis nullo pacto constent. Et rursus quis unquam



animo comprehendat, aut satis percipiat, extare in eadem rerum natura totum aliquod, quod ita sit in partibus suis, ut tamen non constet ex illis? quale ajunt esse universale reale Aristotelis, non aliter, nec alio modo, quam si affirmarent esse in mundo, aut hominem aliquem, qui esset in capite, pedibus, brachiis, ventreque suo, & tamen non esset compositus ex eis: aut arborem unam, quæ esset in radicibus, trunco, ramis, foliisque suis, & tamen non constaret ex ipsis: aut domum aliquam, quæ sit in fundamento, parietibus, tecto-  
 que suo, nec tamen componatur ex iis: aut navem aliquam, quæ esset in pro-  
 ra, puppi, carina, & lateribus suis, & tamen ex illis non constaret: Quam-  
 vis inquam hæc duo totorum genera, utraque talia sint, ut dixi, tamen multo  
 minus falsa magis, ferenda sunt Idea Platonis, quam universalis Aristotelis. Pla-  
 to enim, sive Socrates apud Platonem in Parmenide, non tam ut Philosophus gra-  
 vis & severus, quam ut Poeta lepidus & facetus, nec tam serio ex animo, loquens,  
 quam ludo & joco scribens, ut delectaret Lectores, videtur introduxisse Ideas suas,  
 non aliter quam Poeta fingunt, Scyllas, Chimeras, & Centauros suos. At vero Ari-  
 stoteles contra. tanquam tristis & tetricus philosophus, & omnino quidvis  
 aliud potius quam Poeta, non jocans, neque ludens, sed maxime serio, maxi-  
 meque ex animo loquens ac scribens, non solum sine ulla Lectoris delectatio-  
 ne, sed cum maxima ingeniorum quasi excarnificatione, partim in Libro *Πη*  
*ι* *ι* *π* *ρ* *ο* *υ* *ρ* *α* *ι*, partim in Posterioribus Analyticis, partim etiam alibi ita inducit &  
 confundit universalis sua, ut non tanquam res, quæ falsæ sunt, quales sunt Ideas  
 Platonis, & figmenta Poetarum, tamen aliquo modo mente comprehendan-  
 tur, sed tanquam res, quæ omnino sint incomprehensibiles nullo pacto intel-  
 ligi, aut percipi posse videantur. Quamobrem nos utroque horum totorum  
 ejecto & expulso, tantummodo recipimus, retinemus & approbamus totum  
 illud quod vocant *ἐκ τῶν πᾶν*, hoc est, ex partibus, qualia sunt omnia tota con-  
 tinua & quasi continua, discreta & quasi discreta, quæ supra à nobis fuerunt  
 constituta, & eadem quoque aliis omnibus, qui recte philosophari  
 cupiunt, recipienda, & retinenda, & approbanda  
 censemus.

## FINIS LIBRI PRIMI.

MARII



# MARII NIZOLII BRIXELLENSIS

De veris Principiis, & vera ratione Philosophandi,  
contra Pseudophilosophos, & simul de falsis eorum  
principiis.

## LIBER SECUNDUS.

### CAPUT PRIMUM.

*De vere Philosophico & oratorio genere, & de vera ejus de-  
finitione: contra falsum genus dialecticum, & falsam  
ejus definitionem.*

**I**N superiore Libro satis præclare videmur jecisse fundamenta totius futuri operis nostri: non enim poteramus docere reliqua philosophandi principia nostra esse vera, nec demonstrare illa Adversariorum esse falsa, nisi prius distinctis generibus nominum, & diligenter explicatis eorum significationibus: Ut appareret in primis & genus & speciem esse vocabula collectiva, multitudinem singularium proprie semper significantia, & simul quomodo locutiones figuratæ differrent à non figuratis, & enuntiationes simplices à non simplicibus: Ut intelligeretur quomodo appellativa simplicia vel posita vel enuntiata, significant modo genus, modo non genus, modo unum, modo plura. Deinde similiter divisis & explanatis rerum generibus veris, & radicatis eversis universalibus realibus, eorumque ponendorum causis: Ut constaret in quarto divisionis nostræ rerum membro, statuendas esse multitudines rerum singularium, non universalia, sive universales naturas, ut Pseudophilosophi falso simul & stulte existimant. Postremo vero constitutis in summa tantum duobus generibus totorum, partium, divisionum & compositionum: ut totum universale, quod vocant, & ejus partes, divisio universalis & ejus cõpositio ab omni totorũ, partiũ, divisionum, compositionumque

Quod idem postremo confirmatur auctoritate Ciceronis in primo de Inventione cum definiens genus ita inquit, Genus est quod plures amplectitur partes, ut animal. Nam si genus totum quoddam non esset, quomodo plures amplecteretur partes? & si totum quoddam est, aut continuum sit necesse est, aut discretum: nam supra docuimus omnia vera tota ad duo hæc referri, & totum quod dicitur universale esse falsum & commentitium. Sed genus totum continuum esse non potest, ut etiam Dialectici consentient, ergo discretum est, & si discretum, ergo multitudo. Quamobrem si nomen generis vere collectivum est, ut certe est, & proprie semper significat plura, & si ubicunque ponitur nomen generis, ibidem ponere licet nomen multitudinis, & si deniq; genus totum quoddam est, & totum discretum, & multitudo quædam, auctore etiam Porphyrio, ut diximus, profecto ex his omnibus manifestissime convincitur, vocem generis tam in sermone communi quam apud Scriptores recte loquentes, tam Græcos quam Latinos, proprie nihil aliud significare, nisi multitudinem quandam talem, & totum quoddam discretum tale, ex qua & ex quo si auferantur omnia singularia, ex quibus constant, & composita sunt: non magis præterea quicquam remaneat aut supersit ex genere, quam ex populo, si auferantur omnes singulares populares, & de exercitu si tollantur omnes singulares milites. Ac talis quidem multitudo, & tale totum discretum, ut diximus & affirmavimus, proprie significatur vocabulo generis, tam apud Græcos quam apud Latinos, ut dixi, recte loquentes, cujus potestas ac significatio refertur atq; extenditur ad omnia singularia ejus multitudinis & totius discreti, cujus sunt singularia, non solum præsentia, sed etiam præterita & futura, ut infra docebimus, cum respondebimus ad objecta Adversariorum. Nunc ex iis, quæ hæcenus dicta sunt, facile intelligi posse arbitror, in definiendo genere quæ vox, & quæ res generis loco maxime poni debeat: nam si quamlibet diligenter quæras, & omnem vocum ac rerum seriem percurras, nullam unquam nec vocem, nec rem invenire poteris, quæ sit ad definiendum genus accommodatior, quam vocem multitudinis & totius discreti, & quam ea res, quæ vere est multitudo & totum discretum. Cum autem dico in definiendo genere, per genus, intelligi volo non vocem & nomen generis, nec cogitationem aut conceptum generis, sed eam rem, quæ extra vocem & cogitationem vere est genus. Aliud est enim vox ipsa quâ utimur in definiendo genere, aliud cogitatio & tanquam vox mentalis rei definiendæ, aliud res ipsa vera, quæ definitione exprimitur, & voce ac cogitatione representatur. Atque ut quod dico exemplis manifestius fiat, si velim definire vocem hominis, sive hominem ut est in voce, ita dicam, Homo, exempli gratia, est nomen appellativum simplex,

plex, proprie significans eam rem, quæ est homo. Sin libeat non vocem, quæ homo profertur, sed cogitationem, qua concipitur definitio ostendere, sic dicam. Homo est notio, qua tanquam menti nostræ repræsentatur animal rationale mortale. Quod si non vox hominis, nec cogitatio ejus, sed ea res, quæ vere est homo definienda mihi sit: rursus aliam definitionem afferam, & ita dicam, Homo est animal rationale mortale. Ut manifeste appareat aliud esse vocem rei, aliud cogitationem ejus, aliud rem ipsam definire. Quæ de re idcirco Lectores admonendos putavi, ut intelligant, in definitione generis aliarumq; rerum, duo maxima vitia potissimum esse vitanda. Quorum unum est, ne vox generis pro eare, quæ est genus definiatur: in quod vitium definiendi maximum, & turpissimum primo Aristoteles in Topicis, deinde Porphyrius in Isagoge, postea Dialectici, & Pseudophilosophi omnes Aristotelem Porphyriumq; secuti turpissime ceciderunt. Nam volentes definire, quid est genus, & dicentes, genus est quod dicitur de pluribus & cætera, attulerunt definitionem vocis generis, non rei, quæ est genus: & in summa in duobus prope millibus annorum, cum nunquam laborare destiterint in definiendo genere, tandem nihil aliud definierunt, nisi vocem generis, hoc est, nomen appellativum Grammaticorum, ut paulo infra magis clare ostendemus, cum labefactabimus definitionem generis, à Dialecticis & Pseudophilosophis traditam. Alterum definiendi vitium est, cum non vox quidem rei, sed cogitatio & conceptio rei in mente, pro re ipsa vera definitur: in quod vitium cum alii multi sæpe lapsi sunt, tum in primis Stoici, qui (ut testatur Laertius in Zenonis vita) cum vellent definire genus, dixerunt, Genus esse conceptionem plurium & manentium notionum. Quæ in definitione rursus sicut in illa superiore, non definitur genus ut res quædam vera existit extra mentem animamque posita, sed ut res cogitata, mente animoque concepta. Quod non est verum, neque proprium definiendæ rei genus. Itaque quemadmodum Aristoteles, & superiores illi turpiter erraverunt, quia vocem rei pro re ipsa definierunt: sic Stoici vehementer peccaverunt, quia definitionem generis afferre volentes, non rei ipsius definitionem attulerunt, sed cogitationis atq; conceptus rei. Vera enim essentia, quæ definitione explicanda est, non in vocibus oris, nec in conceptis mentis est, sed in rebus ipsis extra vocem mentemque consistentibus, *ut definitiones proprie rerum sint, non vocum*, neque nominum, ut

(Imo vero definiatur nihil aliud quam accurata nominis explicatio est.)

recte inquit Galenus in secundo de Differentiis pulsuum, neq; cogitationum atque conceptuum, ut nos quoque ad Galeni sententiam addimus. Quod usq; adeo verum est, ut etiam si vox aliqua, aut conceptus definiatur, tamen non ut vox, neque ut conceptus, sed ut res aliqua definiri videatur. Quibus ita

tanquam

tanquam fundamentis quibusdam jactis, nunc aggrediamur ad definiendum genus vere, & ante omnia doceamus, quot modis accipiat vox generis, & quot significet: ne nos quoque incidamus in aliquod unum ex illis duobus definiendi vitiis, quæ supra fuerunt à nobis reprehensa. Quare dicimus vocem generis sicut omnes alias fere tribus modis accipi, & tria significare posse: primo enim accipitur pro se ipsa, hoc est, pro hac voce, genus, sive ut Græci dicunt, γένος, sive ut Dialectici barbari loquuntur, ly genus: & sic genus nihil aliud est, nisi vocabulum ex quinque litteris & duabus syllabis constans: quo significatur vox animalis, vox herbæ, vox arboris, & cæterorum hujusmodi generum appellationes. Animal enim & herba & arbor, generum voces sunt. Deinde sumitur pro voce generis, ut hæc vox animal, hæc vox arbor, hæc vox herba, & cæteræ, quibus significantur cæ res, quæ extra vocem, & mentem, & scriptum vere sunt genera. Et hoc modo genus est nomen appellativum simplex figurate significans eam rem, quæ proprie est genus, hoc est, vel multitudinem omnium singularium animalium, vel multitudinem omnium singularium arborum, vel multitudinem omnium singularium herbarum, & cætera. Hæc enim omnia & alia similia, & vere sunt & recte appellantur genera, extra vocem, & mentem, & scriptum omne constantia. Postremo vero capitur vox generis non pro se ipsa, nec pro alia voce generis, sed pro ea re, quæ voce illa significatur, & quæ demum revera definiti debet. Quod quidem genus, & vere & perfecte ita definiendum est, ut in ejus definitione multitudo sive totum discretum assumatur loco generis, & ita dicatur, Genus est multitudo, sive totum discretum ex omnibus suis speciebus, tam individuis quam dividuis, tam præteritis & futuris quam præsentibus consistens: ut animal, sive ut animalia, sive ut genus animalium. Sic tamen ut ex tribus hisce exemplis, quæ ad illustrandam definitionem generis afferuntur, primum, hoc est, animal accipiat figurate pro omnibus singularibus animalibus mundi: reliqua autem duo exempla, hoc est, animalia & genus animalium, non figurate, sed proprie sumantur pro omnibus individuis animalibus. Hæc igitur est, ut nos arbitramur & non dubitanter affirmamus, vera & perfecta definitio generis, hoc postremo modo accepti, hoc est, non pro ipsa voce, genus, nec pro aliqua voce generis, sed pro ea re, quæ vere est & recte appellatur genus: quod est unum & verum & proprium genus. Sic ut quodcumque aliud ab hoc diversum, sive in mente sive in voce sive in scripto sit, non verum sit genus, sed proprii generis tantum velut umbra, & simulachrum inane. Quale est illud, quod ab Aristotele, Porphyrio, Pseudophilosophis & falsissime intelligitur, & perversissime definitur, ut mox docebo, singulas definitionis

eorum particulas refutans, & deridens tanquam non solum falsas, sed etiam stultas, fatuas, & inanes. Nunc ratio singularum definitionis nostræ partium nobis reddenda est, ne magis aliena refellere quam nostra confirmare velle videamur. Ergo quod definientes genus, pro ea re, quæ est genus, diximus primo esse multitudinem, sive totū discretum, id fecimus ut ostenderemus, multitudinem sive totum discretum esse verum generis genus, & ipsum genus, ut res est, in multitudine sive in toto discreto, tanquam in suo & proprio genere contineri, & locatum esse, & in summa nihil aliud esse, nisi multitudinem & totum discretum. Sic enim omnes Scriptores tam Græci quam Latini recte loquentes genus intelligunt, ut supra monui, tum quia nomen generis verè collectivum est, tū quia loco generis in oratione identidem ponitur, vel saltem poni potest, multitudo. Dixi autem recte loquentes, ut excluderem Dialecticos, & ceteros Pseudophilosophos cōmunis sermonis & linguarū corruptores, à quorum numero non excipimus Aristotelem, in multis scriptis operum suorum præsertimque in Dialecticis, & Metaphysicis, si tamen Aristoteles horum librorum, qui nunc sub ejus nomine leguntur, verus Author fuit: id quod postea videbimus, cum pervenerimus ad ultimam hujus operis partem. Adjunxi vero & proprie loquentes, quoniam, ut docui supra Capite quarto, cum de nominibus figurate positis loquebamur, genus aliquando figurate non pro multitudine, sed pro uno tantum ponitur, ut apud Horatium in Odis,

Audax Japeti genus, pro solo Prometheo Japeti filio: & apud Aratum in Phænomenis, *αἰὲν δ' ἀσπασίου γένος*. Illa autem Astræi genus, pro sola Justitia Astræi gigantis filia. Sed ut redeam unde discessi, multitudo, & totum discretum in definitione generis, genusejus, ut res est, recte posita sunt: nunc sequitur, ut rationem etiam reddamus aliarum proprietatum, sive partium, in eadem definitione positarum, quibus genus in sua specie constituitur, & ab aliis omnibus multitudinibus & totis discretis, quæ non sunt genera, separatur. Est enim genus species quædam multitudinis, sive totius discreti: sed quædam sunt multitudines, quæ non ex omnibus sui generis speciebus constant, ut grex, armentum, populus, exercitus. Non enim unus grex ovium, exempli causa, comprehendit omnes oves mundi singulares, neq; unus populus omnes qui ubiq; sunt, singulares cives, neq; unus exercitus omnes singulares milites: nam qui dicit gregem ovium, & armentum boum, multas ille quidem oves, & multos boves simul dicit, sed non omnes quæ vel qui sunt in mundo. At vero, qui dicit genus ovium, & genus boum, is proprie loquendo nullam omnino ovem, & nullū omnino bovem relinquit nō comprehensam. Quod dixi de grege, & armento, idem quoq; intelligi volo de populo, & exer-

citu,



citu, & aliis similibus: ac tales quidem sunt hæ, quas dico, multitudines. Aliæ vero multitudines existunt, & hæ quidē longe majores, quibus omnes species tam individua quam divisa sui cujusque generis continentur nulla prorsus excepta, qualia sunt omnia genera proprie accepta. Sic enim & genus animalium complectitur in se omnia singularia animalia, & genus arborum omnes singulares arbores, & genus magnitudinum omnes singulares magnitudines, & genus colorum omnes singulares colores, & sic reliqua omnia genera suas cujusque species dividas & non dividas. Quæ cum ita sint, ut distingueretur nomen generis collectivū à cæteris nominibus collectivis, & separaretur multitudo generis à grege, armento, populo, & exercitu, aliisque similibus, in ejus definitione postquam dictum est, genus esse multitudinē sive totū discretum, etiam additum est, consistens ex omnibus suis speciebus, eo quod cæteræ multitudines, ut dixi, ex omnibus suis speciebus non constant, sed tantum ex aliquibus. Grex enim ovium præterquam quod non constat ex omnibus singularibus ovibus mundi, ut genus ovium, etiam non proprie est compositus ex speciebus ovium, sed ex singularibus tantum ovibus. Nihil enim proprie ex speciebus constat, nisi genus, nec species ulla proprie dici aut esse potest, nisi ubi est genus, & comparatione generis, sicut neque genus, nisi ubi est species, & respectu speciei. Atque ideo in definitione generis necessario ponitur species, & contra in definitione speciei genus: ut infra monstrabitur in Capite de specie. Ergo ut distingueretur & separaretur multitudo generis, à cæteris multitudinibus, quæ non sunt genera, additum est, ex omnibus suis speciebus consistens. Quod autem apposui, tam individuis quam divisis, hoc vobis significare, duos esse specierum modos: unum, qui dividitur, & est idem quod genus subalternum, sive species subalterna, ut homo, qui comparatus animali species est, collatus vero cum Thebano, & Trojano, & omnibus suis individuis, generis sortitur nomen, & dividitur, ut genus. Alter vero specierum modus, est individuus, qui tantum species est, & nunquam potest esse genus, quia est idem quod individuum, & recte dici potest, tum individuum, tum singulare, tum species individua, tum species singularis, tum etiam species specialissima, ut infra probabimus in Capite de specie. Ex hujusmodi ergo speciebus tam individuis quam divisis, constat & compositum est omne verum genus, & his proprietatibus separatur ab omni alia multitudine, quæ non est genus. Quod autem pertinet ad exempla definitioni subjecta, cum dicimus, ut animal figurate, id volumus declarare, idem valere, animal figurate acceptum, & omnia singularia animalia, sive genus animalium proprie sumptum. Namque ut supra dixi, cum aliis in multis locutionibus, tum maxime in exemplis pro-

ferendis, singularis numerus pro plurali, & unus pro omnibus poni consuevit ut in illo Ciceronis exemplo, quod ex primo de Inventione supra citavimus, cum sic ait. Genus est quod plures amplectitur partes, ut animal: ibi enim animal figurate positum est pro omnibus animalibus, sive pro genere omnium animalium, quod idem est, ut perinde sit, ac si dixisset, quemadmodum nos in secunda parte exempli nostri posuimus, ut animalia, sive ut genus animalium. Idem enim valent, ut animal figurate, & ut animalia sive ut genus animalium proprie. Quibus loquendi modis, hoc est, tam figuratis quam propriis utuntur & Aristoteles, & Cicero, & Scriptores omnes veteres, tam Græci quam Latini, idque non solum in versu, sed etiam in soluta oratione, & præsertim cum aut exempla proferunt, aut libros inscribunt, aut leges sanciunt, aut definiunt aliquid, quemadmodum supra ostendimus. Ac talem quidem nos veri generis definitionem esse debere arbitramur & affirmamus, tot ac talibus rationibus per singulas partes comprobata, ac demum tribus exemplis eandem rem, sed diverso modo significantibus, illustratam. Adversus quam, quæ dici posse videbuntur, iis postea respondebimus, cum refutaverimus totam definitionem Adversariorum. Modi autem, sive differentiarum, sive species generis hoc pacto, ut dictum est, definiti, plures sunt. Nam ex omni generum numero, quæcunque reperiuntur in rerum natura, unum est tantummodo summum & maximum, quod quoniam omnia alia genera continet, ipsum autem à nullo alio continetur, idcirco à nobis appellatur genus generalissimum, ut infra constabit in Capite de uno summo vero & generalissimo genere, & rursus in descriptione arboris nostræ genericæ. Id autem genus, est genus rerum proprie, & res figurate, pro omnibus rebus, sive pro omni genere rerum: non substantia, neque ens, aut ullum aliud ex prædicamentis, aut transcendentibus Pseudophilosophorum: ut ibidem probabimus. Cetera vero omnia genera, præter generalissimum, hoc est, genus rerum, eo quod continentur in illo generalissimo, & tum genera, tum species esse possunt, ad aliud tamē & aliud comparata: idcirco à Dialecticis non male appellata fuerunt, genera subalterna. Quorum multi reperiuntur modi, sive differentiarum, sive species: nam ex eis alia sunt communia, ut corpus, exempli gratia, quod est genus commune viventibus, & vita carentibus: alia propria, ut sentiens, quod est genus proprium animalibus, & nullius alterius præterea: alia differentia, ut rationale, quod est genus differens ab irrationali, & à brutis omnibus: alia similia, ut formica, quod est genus simile homini. eo quod formica similiter ut homo longe in posterum prospicere videtur: alia contraria, ut vitium, quod est genus contrarium virtuti: alia substantialia, ut animal, quod est genus substantiale homini, est

enim animal ita in substantia hominis insitū, ut homo sine animali nullo pacto esse possit. alia *accidentalia*, ut calidum, quod est genus accidentale aquæ, aqua enim cum est calida, sine dubio est in genere calidorum, non substantiali quia calor non est de substantia ejus, sed accidentali, eo quia in contrariam qualitatem facile mutari, & in genus frigidorum pertransire potest. Ut in summa sint *septem generum subalternorum, sive modi, sive differentia, sive species*, commune sive genus commune, proprium sive genus proprium, differens sive genus differens, simile sive genus simile, contrarium sive genus contrarium, substantiale sive genus substantiale, accidentale sive genus accidentale: & si qua forte alia hujusmodi reperiuntur, quæ vel reducantur ad aliquod unum horum, vel si reduci non queant, ne sint quidem genera subalterna. Ac nos quidem facimus & statuimus totæ tales sive modos, sive differentias, sive species, generis ejus, quod à nobis supra definitum fuit, & quicumque alii generis modi, præter hos quos diximus, afferuntur vel à Porphyrio, vel ab Aristotele, vel ab alio quocunque Dialecticorum, eos sine ulla dubitatione pronuntiamus esse mendaces, & falsos. Nam ex tribus generis modis, quos Porphyrius in Isagoge suaposuit unus tantum, hoc est, primus est verus, eo quia dicitur, ut ipsemet inquit, esse multitudo quorundam, quemadmodum & nos omnia nostra genera proprie multitudines quasdam esse volumus, reliqui autem duo posteriores prorsus sunt mendaces, & falsi, ut ostendimus infra. Ex illis vero quatuor generis modis, quos Aristoteles protulit in quarto *metaphysicorum*, ne unus quidem est verus, ut etiam probabimus, ut in statuendis generis modis, multo magis Aristoteles quam Porphyrius errasse videatur. Nam quod communiter Interpretes quatuor illos generis Aristotelici modos, ad tres illos Porphyrii reducere conantur, prorsus nihil agunt, nisi nugantur & operam ludunt, simul & se ipsos, & miseros philosophiæ studiosos decipientes. Quod ut clarissime intelligatur esse verum, primo ostendamus modum illum generis, quem philosophicum vocant, qui apud Aristotelem est quartus, apud Porphyrium vero tertius, & ab utroque ita definitur, ut dicatur, Genus esse illud quod dicitur de pluribus differentibus specie in eo quod quid est, hunc inquam generis modum ostendamus ut supra polliciti sumus à Dialecticis fuisse male expositum, peius definitam, & omnino si fieri potest, plusquam falsum: Deinde reliquos prosequemur. Ergo quod Aristoteles in Topicis, & Porphyrius in Isagoge, ita definiunt modum illum generis, ut dixi, vel quod Juniores Dialectici vocent generis addere volentes, ajunt, genus esse universale, sive prædicabile, quod dicatur de pluribus, ut supra: ad has inquam Dialecticorum generis defini-

tiones primo dicimus eos non recte fecisse, Partim quia generis genus nullum determinatum in definitione apposuerunt, ut Aristoteles & Porphyrius dicentes, genus est quod dicitur, & non addentes quid nam rei esset istud quod diceretur. Quamquam hoc si cetera recta essent, facile posset tolerari, cum idem à multis aliis viris doctissimis factitatum esse reperitur: Partim quia non omiserunt quidem generis genus, sed falsum & barbarum adiecerunt, ut Recentiores Dialectici, qui universale, sive prædicabile generis genus statuerunt, Nam, ut omittam vocabula universalis & prædicabilis, quæ in ea significatione, quam illis tribuunt, sunt prorsus barbara, etiam res ipsæ, quæ vocabulis illis significantur, nullam habent nec soliditatem nec veritatem: sed sunt mera tanquam vel signum Poetarum, vel ægrotantium somnia, ut ostensum est supra, ubi universalis radicibus à nobis fuerunt extirpata & eversa. Et si universalis falsa sunt, ut certe sunt, ipsa quoque prædicabilia non possunt non esse falsa: cum nihil aliud sit prædicabile, ut Dialectici volunt, nisi universale prædicatum. Atque hæc sunt prima in definitione generis à Dialecticis admissa vitia, quia vel genus prorsus omiserunt, vel loco multitudinis, & totius discreti universale & prædicabile, hoc est, duas voces plane barbaras apposuerunt. Præterea etiam turpissime, & simili quodam modo erraverunt quo Archigenes in definitione pulsus pleni, qui, ut refert Galenus in secundo de Differentiis pulsuum, videtur non rem definivisse, sed vocem ac nomen rei. Sic enim Dialectici genus definire volentes, non rem, quæ vere est genus, sed vocem ac nomen generis definiverunt: quod est vitium, ut ante dixi, in definiendo maximum. Etenim genera rerum res quædam veræ sunt, non voces neque nomina, ut genus animalium, & genus arborum, & cetera huiusmodi genera: Atque ideo cum dicunt, genus esse id quod dicitur de pluribus & cetera, incipiunt tribuere generi ac rei, proprietatem vocum ac nominum, hoc est, dici & prædicari: & definire genus ac rem, perinde ac si esset vox & nomen. Nanque, ut supra docuimus, dici ac prædicari de pluribus, non rerum, sed vocum proprium est: & quicquid dicitur ac prædicatur, proprie est nomen non res. Quamobrem ita definiendo similiter peccant, ut si volentes definire populum vel exercitum, ita dicerent, populus est quod dicitur de pluribus & cetera, exercitus est quod dicitur de pluribus & quæ sequuntur. Nanque & populus & exercitus quatenus non res veræ, sed voces & nomina sunt, recte hoc modo defini possent. Est enim revera vox populi nomen quoddam, quod dicitur de pluribus populis, ut de Parmensi, de Placentino, de Romano, & aliis similibus. Et eodem modo vox exercitus, quæ dicitur de Germanico, Hispano, & Gallico exercitu.

veniunt

veniant populo & exercitui, quatenus sunt non res veræ, sed voces ac nomina appellativa res significantia : Caterum idem populus & idem exercitus quatenus res veræ extra vocem & animum reperiuntur, nequaquam recipiunt tales definitiones, si enim acceptus uterq; hoc modo esset definiendus, Populus est multitudo civium, in unis & eisdem mœnibus habitandi causa congregata; & exercitus est multitudo militum, in uno & eodem loco belli gerendi causa collecta. Ex quo intelligitur quantum intersit, inter definitionem nominis & definitionem rei, quæ nomine significatur. Nam cum omnium appellativorum nomen una eademq; sit definitio, & nomen generis ipsum quoq; sit appellativum, sicut & nomen populi, & nomen exercitus, necesse est definitionem ejus unam eandemque esse, quæ cæterorum nominum appellativorum, in quorum definitione in primis ponitur, ut dicantur sive prædicentur de pluribus, si quidem prædicari & dici, ut sæpe jam dixi, non rebus, sed nominibus proprie tribuuntur. At definitio rei quæ nomine appellativo significatur longe est diversa, quando quidem, quot res diversæ sunt nominibus appellativis significatæ, tot earum definitiones existunt inter se plurimum differentes. Itaq; is demum recte definit, qui rem definiens, rei, nomen autem, nominis definitionem affert, Qui vero aut nomen pro re, aut rem pro nomine finit, is maximum in definiendo committit vitium, & eodem modo reprehendus est, quo modo diximus Archigenem à Galeno in definitione pulsus pleni fuisse reprehensum, οὐ γὰρ τῶν ὀνομάτων ἀλλὰ τῶν πραγμάτων ὁ ἔροι ut idem Galenus vere & recte inquit. Quod usque adeo verum est, ut ante dixi, ut etiam si definiatur aliquod nomen, tamen non tanquam nomen, sed tanquā res aliqua definiri videatur. Quæ cum ita sint, manifeste apparet, quanta reprehensione digni sunt omnes Dialectici, qui generis, hoc est, rei cujusdam definitionem aggredientes, experunt definire non rem ipsam, quæ est genus, quemadmodū nos fecimus, dicentes genus esse multitudinem, sive totum dictum, sed vocem ac nomen rei, asserentes genus esse id quod dicitur, sive prædicatur de pluribus & cætera, quod non rei, sed vocis est proprium. Dicuntur enim voces & nomina rerū de rebus, ut nomen animalis & nomen arboris, de veris animalibus & de veris arboribus: at res ipsæ neq; dici neq; prædicari vere possunt, nisi auxilio vocum suarum, ut supra diximus. Sed non mirum est homines rudes, & maxima ex parte barbaros, non tam lingua & ore, quam corde & pectore, nunquam vidisse differentiam, quæ est inter res, & nomina rerum, nec animadvertisse quantum intersit definire rem ipsam, ac nominis ipsius definitionem afferre. Cum nec unquā intelligere potuerint quid differat inter locutiones proprias & locutiones figuratas, pronuntiatio-

nes simplices & pronuntiationes iteratas: quanquam utriusque rei innumera-  
 bilia extent exempla, tam apud Græcos quam apud Latinos. Quis enim  
 præter quam Dialecticus, cujus proprium est nihil scire, quis inquam nescit,  
 aliud esse rem ipsam, aliud nomen rei? aliud cupiditatem, aliud nomen cupi-  
 ditatis? aliud imperium, aliud quod scribit Cicero in Epistolis, nomen imperii  
 quo appellor? aliud honorem, aliud quod idem scribit de Claris oratoribus,  
 nomen honoris adeptus est, non honorem? aliud pietatem, aliud item apud  
 eundem in Epistolis, nomen gravissimum & sanctissimum pietatis? aliud vo-  
 luptatem, aliud hæc vox voluptatis, sive verbum voluptatis? Qui omnes lo-  
 quendi modi, & alii quamplurimi similes non solum apud Ciceronem, sed etiā  
 apud alios Scriptores tã Græcos quam Latinos reperiuntur, ut maximo argu-  
 mento sit Dialecticos omnes non acutissimos & subtilissimos, ut ipsi se gloriā-  
 tur, sed hebetissimos & indoctissimos fuisse, qui hæc tam aperta, tamque ma-  
 nifesta vitia nunquā tamen videre potuerunt. Nam si animadvertissent aliud  
 esse rem ipsam, aliud nomen rei definire, aliud esse genus, aliud nomen gene-  
 ris, nunquam profecto nomen generis pro ea re, quæ est genus, neque nomen  
 rei pro re ipsa definivissent: Et si intellexissent verba aliud significare cum  
 proprie, aliud cum figurate ponuntur, profecto etiam cognovissent, animal  
 cum pro exemplo generis profertur, non esse proprie positum, sed figurate,  
 & non pro uno animali tantum, nec pro nescio quo monstroso universalī, sed  
 pro omnibus animalibus, sive pro genere omnium animalium esse accipiendū.  
 Nam qui definit animal, ut genus est, is omnium animalium, sive universi ge-  
 neris animalium definitionem affert. Itaque prima pars definitionis generis à  
 Dialecticis traditæ habet hoc vitium, quo nullum potest esse in definiendo  
 inajus, neque turpius, ut vocem generis & nomen appellativum, quale est, ver-  
 bi gratia, nomen animalis & nomen arbotis, pro ea re, quæ est animal vel ar-  
 bor, definire incipiat. Vox enim generis & nomen appellativū, est illud quod  
 vere dicitur, non illud quod est verum genus, ut supra diximus, cum de no-  
 minibus appellativis loqueremur, & nihil dicitur sive prædicatur de pluribus  
 quin id sit vox generis & nomen appellativum. Quod autem Dialectici in  
 hac eadem definitione postquam dixerunt genus esse id, quod dicitur de plu-  
 ribus, addunt etiam, specie differentibus, hæc quoq; pars, etiam si nomen ge-  
 neris definiretur, tamen vitio non careret, quia non necessario sed superva-  
 que & omnino frustra esset addita. Nam quicquid dicitur de pluribus, id quoq;  
 de differentibus specie dicatur, necesse est, & omnino quæcunq; differunt, ea  
 necessario differunt specie vel divisibili vel indivisibili. Intellego autem ali-  
 qua differre specie, nihil aliud, nisi ea esse species inter se differentes, atque  
 ita in-



ita inter se differunt, primo individua, quæ & vere sunt & recte appellantur species individua, ut infra probabimus in Capite de Specie. Deinde species divisibiles eadem ratione, quia sunt species inter se diversæ. Postremo genera, quia nihil potest differre genere, quin etiam aliquo modo specie differens ac diverlum existat, ut infra monstrabitur. Quare totam huiusce rei probationem in locum illum differo, nunc tantummodo Lectorem admonitum volo, *quicquid differt, id non posse non aliquo modo specie esse differens*, & propterea partem illam de differentibus specie in definitione generis dialectici supervacue ac frustra fuisse positam: & eo magis etiam quod infra probaturi sumus nec recte dici, nec verum esse aliquid differre numero, eo scilicet modo quo Dialectici intelligunt, sed omne quod more Dialecticorum numero differat, id non posse non etiam specie differens esse. In tertia vero & ultima ejusdem definitionis parte, cum dicitur, in eo quod quid est, non solum id est supervacuum, sed falsissimum, cum genus non solum, ut res est, nullo pacto dicatur in quid, eo quia, dici non rerum sed vocum proprium est, sed etiam, ut vox generis, non magis dicitur in quid quam in quale. Nam quemadmodum quærenti, quid est homo? recte responderis, est animal: sic etiam interroganti, qualis est homo? recte respondeas, est animalis: cum tamen tam animalis adjectivæ, quam animal substantivæ sit vox generis, & tam vere dicatur, animale genus quam animal genus, ut apud Lucretium libro primo,

Unde animale genus generatum in lumina vitæ,

Redducit Venus.

Quare etiam si genus non ut res sed ut vox definiretur, non tamen recte apponeretur illa clausula, in eo quod quid est, loco proprietatis, quia vox generis puta animalis, non magis dicitur in quid quam in quale, Et quoniam illa dici in quid, & dici in quale, non sunt vere proprietates aut differentię generis, sed nominis substantivi & adjectivi. Nam, quemadmodum supra dixi, nomen substantivum est illud quod dicitur in quid, & semper significat rem tanquam per se stantem, Nomen vero adjectivum est illud, quod dicitur in quale, & semper significat rem tanquam in alio existentem. Interrogati enim quid est homo? semper respondere incipimus, per nomen substantivum, vel adjectivum, ut vocant, substantivatum, & dicimus, homo est animal, vel homo est rationale, hoc est, res quæ habet animam, vel res quæ habet rationem. Quod si quis interroget, qualis est homo? non amplius respondendum sit per nomen substantivum animalis, ut ante, sed per nomen adjectivum, & dicendum, homo est animalis, vel homo est rationalis. In interrogatio enim per quid est, substantivi, sicut per quale est, adjectivi responsionem semper requirit:

& propterea vere diximus, dici in quid & dici in quale non generis privatim, sed nominis substantivi & adjectivi, esse proprietates, quia per illas nomina substantiva differunt ab adjectivis, & sic dici in quid non recte appositum fuit in definitione generis, non solum, ut genus res quædam est, sed etiam si vox generis definiretur. Atq; hoc modo refutatis omnibus partibus definitionis generis Dialectici, superest exemplum ad explicandam definitionem ab ipsis prolatum, quod est, animal: quo in exemplo multo magis decepti sunt & erraverunt Dialectici, quàm in aliis definitionis sue partibus: existimaverunt enim animal ibi accipiendum esse pro illo suo universali stulto & ridiculo, & jam antea à nobis refutato, nec intellexerunt, ut in aliis ferè omnibus exemplis fit, sic in hoc, vocem animalis non proprie, sed figurate, esse accipiendam, & perinde esse intelligendam, ut si proprie dictum esset, ut animalia, sive ut genus animalium, sive etiam ut multitudo animalium. Nihil enim differt in proferendis exemplis, ut toties dixi, sive dicatur, ut animal figurate, sive ut animalia, sive ut genus animalium proprie eadē enim ubiq; sententia est, diversis loquendi modis explicata. Sed jam satis dictum fuit de falsitate & absurditate tertii illius modi generis Porphyriani, & quarti Aristotelici: ostendimus enim definitionem illius esse vel falsam, vel supervacuum, vel ridiculam, utpote in qua non cares, quæ vere est genus, sed nomen generis, atq; adeo nomen appellativum definiatur: idq; falso, cum generis genus vel omnino præterminatum, vel non recte appositum fuerit: & cum dici de pluribus non sit proprium generis neq; rerum, sed nominum atq; verborum: & cum quicquid differat, id specie aliquo modo differre necesse sit, nec aliter etiam quàm specie differens esse possit: & deniq; cum dici in quid, non magis sit proprium generis, aut vocis generis, quàm dici in quale, ut patuit in exemplis, quæ supra posuimus. Præterea etiam docuimus eam vocem quæ pro exemplo generis subjicitur, hoc est, animal, non esse vere genus, nec significare proprie genus, sed figurate & improprie. In summa patefecimus Dialecticos in duorum prope millium annorum spatio, cum nunquam laborare destiterint in definiendo genere, tamen ad extremum nihil aliud definivisse, nisi nomen appellativum simplex, quod vere & proprie dicitur de multis differentibus specie, non quidem in una sed in pluribus enuntiationibus, & si sit substantivum in eo, quod quid, si adjectivum in eo, quod quale, prædicatur. Atq; hoc ipsum etiam non recte definivisse, propter causas & rationes supra commemoratas. Neq; solum tot ac tantas falsitates Dialecticorum refutavimus, sed etiā ante docuimus, quid vere sit genus, & veram illius definitionem attulimus, ostendentes genus esse non universale nec prædicabile, quod dicatur de multis differentibus specie,

in eo,

in eo, quod quid est, ut Pseudophilosophi falsò dicunt, sed multitudinem quandam singularium, sive totum quoddam discretum ex omnibus suis speciebus, tam indivisum quàm divisum, tam præteritis & futuris, quàm præsentibus compositum. Quæ quidem definitio penè eadem est, quæ Ciceronis in primo de Inventione, cum ait, Genus est quod plures amplectitur partes: nam si plures partes amplectitur, & illæ partes proprie sunt species, sive formæ, profecto necesse est, genus ex sententia Ciceronis esse multitudinem, ac totum discretum ex speciebus sive formis compositum. Sed differt definitio nostra ab illa Ciceronis, quod in nostra genus generis est additum, in illa Ciceronis, desideratur, sed subintelligitur: & quas ille vocat partes communiter, nos species, sive formas proprie appellamus. Et post omnia nos indicamus, genus tanquam totum quoddam discretum ex omnibus suis speciebus constare, ut differat ab aliis totis collectivis, quod Cicero non facit. Nunc confutata hoc modo per singulas partes definitione Adversariorum, & nostra confirmata, superest respondere ad ea, quæ Dialectici & Pseudophilosophi dicere possent contra nos, partim descendentes definitionem suam à reprehensionibus nostris, partim nostram tanquam non rectè confectam redarguentes. Posset enim eorum aliquis ita dicere, & Aristotelem in Topicis, & Porphyrium in Isagoge suæ rectè definivisse genus, non tanquam rem veram extra prolationem oris & cogitationem mentis positam, sed ut vocem & nomen rei, quod revera de pluribus dicatur, & cætera. Et responsionis suæ rationem hanc afferre: quod Dialectica sit, ut ipsi dicunt, non de rebus veris extra vocem intellectumquæ sitis, sed de vocibus & nominibus res illas significantibus. Atque hanc ob causam Græcos Porphyrii interpretes serè omnes inscripserunt commentarios suos εἰς τὰ πέντε φωνάς, hoc est, in quinque voces. Quod non fecissent, nisi putassent, Dialecticam sive Logicam totam esse non de rebus proprie, sed de vocibus sive conceptibus, qui quasi voces & nomina quadam sunt mentalia. Atque hæc ratione Pseudophilosophi fortassis contendere possent, genus suum, hoc est, ens dialecticum, non ut rem veram, sed ut vocem rei rectè fuisse definitum. Quibus ego vicissim breviter respondeo: Solius Grammaticæ & nullius præterea aliæ artis proprium esse officium, ut pertractet de vocibus & earum proprietatibus. Idque probo primum Authoritate Aristotelis in tertio τὴν μὲν τὰ φωνά, qui de Grammatica ita scribit ad verbum, εἰς τὴν ἑπταμνητικὴν μίαν οὐσα πέντες διμύρται τὰς φωνάς, hoc est, Grammatica unà cum sit, omnes contemplatur voces. Deinde Grammatica ipsa quoque, etiam si Aristoteles hoc non diceret, tamen jure suo tractationem vocum sibi vendicat, ut manifeste apparet ex libris Grammaticorum, in quibus de omnibus octo partibus

orationis copiose tractatur. Atq; ideo si ad Dialecticam spectaret per tractare de eisdem, sequeretur tractationem unius & ejusdem rei, hoc est, vocum, ad duas artes frustra; & sine ulla necessitate & qualiter esse pertinentem, quod est absurdissimum: & eò magis quod Dialectica tota falsa est, vel inutilis, vel supervacua: ut partim jam supra probatum est in multis capitibus, partim etiam infra clarius probabitur in multo pluribus, & maxime in eo ubi demonstrabimus Dialecticam tanquam vel falsam, vel inutilem, vel supervacuam ex omni artium & scientiarum numero ac consortio esse ejiciendam. Quare qui affirmant Dialecticæ proprium esse ut tractet de vocibus, ii manifeste dicunt, non solum contra nos & contra veritatem, sed etiam contra Aristotelem, & contra communem omnium studiosorum profectum, ex quorum utilitate & commoditate non est, ut plures artes de una & eadem re tradantur. Idq; etiam ita, si Dialectica esset vera, utilis, & necessaria: Nunc vero cum talis sit, qualem nos eam supra ostendimus & infra magis ostensuri sumus, nihil amplius dubitationis relinquitur, quin non solum à vocum pertractatione, sed etiam ab omnium artium & scientiarum societate sit removenda. Atque his de causis nullo pacto possunt defendi aut excusari, nec Aristoteles, nec Porphyrius, quin pessime ac perversissime genus, quod est res vera, tanquã vocẽ & nomen definiverint: nec Interpretes tã Græci quã Latini & Arabes, quin tanquam imperiti, & sine ulla consideratione Aristotelis & Porphyrii errata sint secuti: nec omnes deniq; simul, hoc est, tam Hæresarchæ quã Sæctatores, quin fuerunt cæci ac prorsus omnijudicio carentes, qui non viderunt genera rerum esse non voces nec nomina, sed res veras, à vocibus longe differentes, ut genus animalium, genus arborum, genus herbarum, & alia hujusmodi genera. Quis enim, nisi planè stultus & insanus, dicat, genus animalium esse vocem non rem? genus arborum esse vocem non rem? genus herbarum esse vocem non rem? profecto nemo, nisi forte Dialecticus aliquis plusquam stultus & insanus, Præterea posset aliquis obijcere nobis definitiones illas generis ac speciei, quas Cicero in Topicis, & in primo de Oratore affert, & dicere eas à nostra superius tradita longe differentes esse, & propterea si illæ veræ sunt, nostram necessario oportere esse falsam. Cicero enim in Topicis sic ait. Genus & formã definiunt hoc modo, Genus est notio ad plures differẽtias pertinẽtes, Forma est notio cujus differẽtia ad caput generis & quasi ad fontẽ referri potest. Quia in definitione Cicero non multitudinem, ut nos, neq; totum discretum, sed notionẽ generis genus ponere quidem videtur, sed non ita est: Nam enim Cicero ex sententia sua eo in loco loquitur, sed ex opinione vel Aristotelis, quem intetpretabatur, vel Stoicorum, qui tali quodam modo

genus

genus definiebant, ut est apud Laertium in vita Zenonis. Ac Ciceronem quidem ibi non ex sententia sua loqui, illud est signum vel manifestissimum, quod ita ait, Genus & formam definiunt, quasi dicat vel Peripatetici, vel Stoici, vel nescio qui Philosophi: & propterea nihil nobis adversatur illa definitio, quam Cicero non ex sua sed ex aliorum opinione protulit, & quæ sine ulla dubitatione est falsa, propterea quod genus non ut est in re, sed ut in mente concepitur ac cognoscitur, definiit. Quem definiendi modum supra ostendimus esse vitiosissimum, Genera enim rerum res sunt non notiones, & vere rerum definitiones, non ut res ipsæ sunt cognitæ & intellectæ, sed ut extra cognitionem & intellectionem in re ipsa sunt, fieri debent. Alioqui ego quoque si velim eodem genere adhibito possim definire populum & exercitum hoc modo, Populus est notio multorum civium & cætera, exercitus est notio multorum militum & cætera, & tamen me nemo jure posset reprehendere: propterea quod ita faciendo definirem populum & exercitum non ut vere sunt extra mentem in re, sed ut animo & mente comprehenduntur. Et ita Stoici, si vult alii quicunque quos Cicero innuit, genus definiebant, sed non recte. Res enim, ut dixi, non ex eo, quod cogitantur & mente concipiuntur, sed ex eo, quod revera existunt extra mentem animumque sint definiendæ, & dicendum sic, populus est multitudo civium, exercitus est multitudo militum, genus est multitudo specierum: eodemque modo faciendum in definitione aliarum rerum, quæ extra vocem mentemque & scriptum reperiuntur. Quod dixi de definitione generis à Cicerone in Topicis allata, idem dico de definitione speciei ibidem tradita, hoc est, quemadmodum genus, sic etiam speciem non vere esse notionem, nec in genere notionis vere reponi, cum tam species quam genera rerum, non notiones sint, sed res veræ. Eodemque modo respondeo ad definitiones illas ac speciei, quas Cicero in primo de Oratore scribit, hoc modo, Genus est quod sui similis, communione quadam, specie autem differentes duas aut plures complectitur partes, partes autem sunt, quæ generibus iis, ex quibus manant, subjiciuntur. Has namque definitiones quemadmodum & illas superiores Cicero non ex suo ipsius ingenio, sed ex falsa Philosophi aliquid doctrina prompsit, Tametsi multo minus falsitatis continent, quam illæ Aristotelis & Porphyrii, cum in eis nec genus nec species affirmetur dici aut prædicari de aliquo, nec de differentibus specie nec de differentibus numero, nec in quid nec in quale, quæ omnia vitia in definitionibus suis generis & speciei Aristoteles & Porphyrius admiserunt. Ad hæc rursus sic objicere possent Adversarii, si genus esset multitudo singularium, ut nos dicimus, fore ut genus aliquando corrumpetur, & interiret, singularia enim esse

corruptioni obnoxia. Cui objectioni breviter respondemus, ut in septimo Capite supra diximus, singularia quidem singillatim accepta sine ulla dubitatione morti & interitui esse opportuna. Sed si eadem universe sive in universum accipiantur, eo modo esse incorruptibilia & æterna, hoc est, per continuam singularium successionem, quemadmodum supra in eodem Capite probavimus. Et ita corruptio singularium individuorum definitioni nostræ nihil obest, cum semper remaneant, ut dixi, universa. Sed rursus nos urgent dicentes tempore hyemis, cum nulla est singularis rosa, ubi erit, aut ex quo constabit genus rosarum? aut de quo erit definitio ac scientia de rosa? Ad hoc quoque eodem modo respondeo, quo supra, *genus rosarum esse perpetuum & immortale, quemadmodum cætera genera, & constare ex rosis non solum presentibus sed etiam præteritis & futuris.* Ita enim placuit linguarum Authoribus, ut significatio nominis generis non solum ad præsentia, sed etiam præterita & futura singularia referretur. Quod facile probatur primum ex communi omnium consuetudine loquendi, dicimus enim aliquem esse decori vel dedecori generi suo, hoc est, patri, avo, cæterisque maioribus suis, qui jamdiu interierunt. Et alium laborando assidue, & amplificando rem suam familiarem, prospicere & consulere generi suo, hoc est, filiis, nepotibus, & aliis quamplurimis nondum natis, sed ex se post multa temporum spatia nascituris. Ex quo patet genus hominum, & genus animalium, & cætera, non solum ad præsentia, sed etiam ad præterita futuraque singularia sua pertinere. Deinde idem quoque confirmatur autoritate Julii Pollucis in secundo Onomastici sui libro, capite primo, qui scripturus *πρὶ γονίῳ & πρὶ τέρῳ & πρὶ ἀπογόνῳ*, hoc est, de patribus & maioribus, de filiis & de nepotibus ac posteris, inscriptionem illi capiti fecit, *πρὶ γένει*, hoc est, de genere, tanquam uno illo generis vocabulo intelligens cognatos & propinquos, non solum præsentis & viventes, sed etiam præteritos & mortuos una cum iis, qui postea nascituri futuri que sunt. Quo circa manifeste apparet rationem ac notionem generis ad omnia tempora referri, tam præterita & futura quam præsentia: idque semper verum esse non solum in genere hominum, sed etiam in genere rosarum, & cæteris omnibus generibus tam artificialibus quam naturalibus, tam substantiæ quam qualitatibus & accidentis. Genera enim rerum semper sunt, eo quo dixi, modo, licet singularia eorum assidue intereant: & revera in hominum genere intelliguntur tam ii, qui mortui sunt multis ante seculis, & qui multis post seculis nascentur, quam qui hodie vivunt. Quare ut ad propositum redeam, & Dialecticis respondeam, genus rosarum tempore hyemis, cum nulla est singularis rosa, tamen est, si non in præsentibus rosis, at certe in præteritis & futuris, & constat ex illis, & de eisdem illis traditur definitio & scientia rosa. Atque ita re-



ita responsum sit huic, & cæteris similibus vanis & inanibus quæstionibus Dialecticorum. Ex qua responsione rursus apparet, quanto in errore versetur Rodolphus Agricola, qui libro secundo de Dialectica Inventione, capite octavo, putat scientias & definitiones de rebus tradi, cum quadam, ut ipse ait, conditione, si sunt vel erunt, quasi timens una cum Dialecticis, ne tempore hyemis, cum nulla est rosa, nulla possit esse definitio. nec scientia de rosa, nisi subintelligatur, rosam esse vel futuram esse. At ego Tibi dico Rodulphè, vobisque Dialecticis, nihil esse opus ulla conditione aut subintellectione, si est vel erit, quia *scientia & definitio rosa, datur non de singulis roseis generis rosei*

(Si genus rosarum est multitudo rosarum præteritarum præsentium & futurorum omnium simul sumitur, nunquam existeret; Quia nunquam existunt præterita & futura simul sumta.)

*rum, sed de genere singularium rosarum, quod semper est, fuit, & erit, etiam si nulla singularis rosa in præsentia sit:* quia veteres nominum Impositores generis nomen talem significationem habere voluerunt. Sed jam satis respondimus ad ea, quæ putavimus afferri posse à Dialecticis contra nos partim pro defendenda definitione modi illius generis, qui apud Aristotelem in Metaphysicis quartus est, apud Porphyrium vero tertius, de quo apud philosophos sermonem esse ait: partim pro oppugnanda definitione nostra generis, quam supra posuimus. Quare nunc transeamus ad reliquos omnes generis imodos, qui traduntur vel ab Aristotele, vel à Porphyrio, & videamus quoque in eis, quantum contineatur vel veritatis vel sanitatis. Diximus supra primum generis modum à Porphyrio traditum esse verum, & idem nunc quoque repetimus: propterea quod eodem quo nos modo ait, genus esse multitudinē quandam, ut genus Heraclidarum, genus Tantalidarum. Quamvis non recte patet, sola genera familiarum ad hunc modum pertinere, cum etiam genera rerum naturalium, & mathematicarum, & aliarum quarumcunque, ad hunc generis modum sint pertinentia, ut genus animalium, genus arborum, genus linearum, genus triangulorum: & omnino cum nullum verum genus in natura rerum reperiatur, quod non sit multitudo quædam, & totum discretum, ut ante toties diximus. Contra vero de primo generis modo ab Aristotele posito in Metaphysicis sentimus, eo quia dicit, genus esse generationem continuam eorum, qui eandem habent speciem, quod est falsum, cum genus non sit continua generatio speciem habentium, sed ex continua speciem habentium generatione conservetur. Aliud enim est, continua generatio aliquorum, aliud illa aliqua ex continua generatione conservari, ac prorsus intereāt. Illa namque mutatio & quasi renovatio quædam est, hæc vero multitudo generatorum & renovatorum. Quamobrem Aristoteles in hoc suo primo generis modo pessime videtur sensisse, & multo etiam pejus illi, qui modū illum primum generis

Aristo-

Aristotelicum, ad primum Porphyrii reduci posse, & eundem penitus esse affirmarunt, cum tantum differat hic ab illo, quantum mutatio à multitudine, & falsitas à veritate. Quod autem pertinet ad secundum generis modum Porphyrii, si est idem qui & secundus Aristotelis, ut Interpretes omnes volunt, ego ambos sine ulla dubitatione pronuntio esse falsissimos. Nam quod Porphyrius ait, genus secundo modo dici de principio generationis cujusq;, primum dico id esse falsissimum, eo quia talis modus generis apud neminem recte loquentem neq; Græcum neq; Latinum reperitur. Quod autem idem Porphyrius ad probandum ita inquit, Sic enim & Orestem à Tantalò, & Hylam à Hercule genus duxisse dicimus: Itemque Pindarum Thebanum, & Platonem vero Atheniensem: dat enim ut pater, sic patria ortus cuiq; principium. Quod inquam Porphyrius, id quod supra proposuerat, hoc modo probare nititur, rursus dico, ea exempla nullam ejus rei probandæ vim, aut efficaciam habere. Nāq; fateor ô Porphyri omnia, quæ tu tibi in probatione tua sumis, esse vera: concedo Orestem à Tantalò ducere genus & principium generationis, sive Tantalum esse authorem generis & principium generationis Orestis: Sed propterea neq; tu recte probas, neq; ego Tibi assentior Tantalum esse genus Orestis. Aliud est enim Orestem ducere genus & principium generationis à Tantalò, sive Tantalum esse authorem generis & principium generationis Orestis, aliud Tantalum esse Orestis genus. Illud enim nihil aliud est, nisi Orestem esse unum ex multitudine & cognatione eorum, qui à Tantalò sunt oriundi. sive Tantalum esse authorem multitudinis & cognationis Tantalidarum, & principium generationis eorum, ex quorum numero unus fuit etiam ipse Orestes. Hoc vero, hoc est, Tantalum esse genus Orestis, est ipsum Tantalum unum atq; solum, esse genus Tantalidarum, sive omnes Tantalidas, sive omnem Tantalidarum multitudinem: cum & genus Orestis, & genus Tantalidarum, & omnes Tantalidæ, & omnis Tantalidarum multitudo, unum atque idem sit, & ad primum tuum generis modum referatur. Nihil enim differt utrum dicatur genus Orestis, an genus Tantalidarum, cum Orestes fuerit Tantalides, & unum idemq; sit, genus unius ex genere, & omnium in genere contentorum. Itaque si Tantalus esset genus Orestis, necessario sequeretur, Tantalum esse omnes Tantalidas, hoc est, ipsum unum ac solū esse trecentos fortassis vel quadringentos homines, qui in genere Tantalidarum fuerunt. Quod dixi de Oreste & Tantalò, idem dictum intelligi volo de Hyla & Hercule, hoc est, Herculem, si fuisset genus Hylæ, totidem homines futurum fuisse, quot in genere Heraclidarum numerantur. Quare cum exempla tua ô Porphyri tam sint diversa ab eo quod probare vis, & nullam habeant ejus pro-

probandi vim aut efficaciam: & cum illud quod probare intendis, tam sit falsum & absurdum, ut si concedatur, necesse sit simul concedere, unum hominē esse fortassis trecentos homines: quis non demiretur tuam istam tantā ingenii tarditatem atq; ignorantiam? Nec magis falsum est id, quod primo loco dicis, Tantalum, aut Herculem, aut alium quemvis patrem esse genus alicujus, quā id quod postea statim subjungis, suam cujusq; patriam esse genus. Nam quod ad hoc probandum ais, Pindarum dici genere Thebanum, & Platonem genere Atheniensem, fateor hæc omnia vera esse & vere dici, sed non propterea his exemplis probatur aut Thebas Pindari, aut Athenas Platonis, aut aliam quamvis patriam alicujus sui civis esse genus. Esse enim genere Thebanum, aut Atheniensem nihil aliud est, nisi esse unum ex multitudine Thebanorum vel Atheniensium, ut per genus quemadmodum supra dixi, semper intelligatur aliqua multitudo, nec differat utrum dicatur, Pindarus genere Thebanus, an Pindarus multitudine Thebanus, an Pindarus civitate Thebanus, eo quia Pindarus est unus ex genere, ex multitudine, ex civitate Thebanorum. Quod autem in fine addis, ut Patrem, sic etiam Patriam unicuique dare ortus sui principium, fateor esse verum: sed quemadmodum pater propterea non est genus, sic etiam patria non recte genus dici potest. Non enim idem est genus quod patria, sed longe aliud ac diversum: genus enim Thebanorum proprie sunt homines & cives Thebani: Patria vero locus & urbs, atq; adeo ipsi muri parietesq; urbis. Itaque sic concludo, si Porphyrius in hoc suo secundo generis modo dicit, aut patrem aut patriam vere esse genus, aut recte dici posse genus, doctrinam illius esse falsissimam. Et rursum, si Aristoteles in suo item secundo generis modo idem dicit quod Porphyrius, ut Interpretes volunt, qui putant secundum Aristotelis modum, ad secundū Porphyrii posse reduci: dico Aristotelem eodem modo quo Porphyrium errare, nec verum dicere: At vero Porphyrium existimasse & patrem & patriam vere genus esse & vere genus dici posse, testes sunt illius Interpretes ferē omnes, quos vidi, & inter alios Abenrhois Arabs, qui usque adeo Porphyrii doctrina infatuatus est, ut hunc ipsum generis modum explanans non dubitaverit affirmare, & Adamum esse genus hominum, & Hispaniam esse genus Hispanorum: quorū utrumq; tam est falsum, ut nihil magis falsum excogitari posse videatur. Nec melatet, nonnunquam provinciam pro hominibus provinciæ, hoc est, continens pro cōtento figurate poni solere, ut Græcia barbariæ lento collisā duello, pro eo quod est Græci: sed nos de propria non de figurata locutione intelligimus. At inquit quidam Porphyrii defensores, nonne Virgilius ipse quoq; dicit quodam loco, Et mi genus ab Jove summo? hoc est, mihi principium

P.

gene-

cum nulla ars in aliquo uno & solo singulari & individuo versari posse videatur. Sic enim Medicina non in uno morbo aut vulnere, sed in omnibus morbis & vulneribus: & Rhetorica non in una re, de qua dicat, sed in omnibus: & omnes alie artes, non in una & sola re, sed in omnibus sibi subiectis, versantur. Ut non sit dubitandum, cum dicimus quampiam artem in aliquo genere, sive materia, sive subiecto versari, quin genus ibi accipiendum sit proprie, pro multitudine rerum, materia & subiectum figurate, pro multis materiis & subiectis singularibus: Et ita intelligit Aristoteles ἐν τῷ γένει ἐν τῷ ὑποκειμένῳ, in primo Rhetorices, cum ait, Quare dicimus ipsam non circa aliquod genus privatum versari: & paulo supra, Aliarum enim unaquaque circa sibi subiectum est doctrinalis, & cætera. Ex quibus omnibus satis jam patere arbitror, ex tribus Porphyrii generis modis, unum tantum esse verum, hoc est, primum, ut ante dixi, reliquos autem duos posteriores falsos. Ex quatuor vero Aristotelis, ne unum quidem esse verum. Siquidem primus illius longe diversus est à primo Porphyrii, ut probavimus: secundus autem & quartus Aristotelici, nihil à secundo & tertio Porphyrianis differunt: & si tertii Aristotelici exempla sunt ea, quæ diximus, hoc est, aquam esse genus omnis metalli, & superficiem esse genus omnium figurarum superficialium: quorum utrunque non solum apud Latinos, sed etiam apud Græcos falsum est. Atque hæcenus satis dictum sit de vero genere oratorio, & vera ejus definitione, contra falsum genus Dialecticum, & falsam ejus definitionem: & simul de omnibus veris generis modis, & de iis, qui ab Adversariis falso traditi, atque in philosophiam introducti fuerunt.

## CAPUT SECUNDUM.

*De vera specie oratoria, & vera ejus definitione, contra falsam speciem Dialecticam, & falsam illius definitionem.*

**S**peciei nomen apud Latinos capitur cum aliquot aliis modis, quos qui noscere cupit, is legat vel Observationes nostras in M. T. Ciceronem, vel Thesaurum linguæ latinæ Roberti Stephani, in capite Speciei, ubi multa hujusce nominis exempla proferuntur: Tum etiam vel in primis dicitur de parte, ea quæ generi subijcitur. Atque hinc Cicero utrumque hoc est, tam genus quam speciem definiens, in primo de Inventionelibro, ita inquit, Genus est quod plures amplectitur partes, ut animal: pars

est quæ subest generi, ut equus: sed sæpe eadem res alii genus, alii pars est, ut homo animalis pars est, Thebani & Trojani genus. Ex quibus verbis aperte cognoscitur, species fere idem esse quod pars, cum eo in loco Cicero nomen partis, pro nomine speciei ter usurpaverit. Et revera species à parte nihil aliud differt, nisi quod species à genere, sive pars à toto. Species enim partis pars ac species est, si quidem omnis species pars est quædam, non autem contra. Nam pes, aut manus ab hominis corpore præcisa & separata, pars quidem hominis recte dicitur. species autem & forma hominis non recte. In summa *pars est totius tam discreti quam continui*, & ad totum tam discretum quam continuum (At certe miles non potest species exercitus appellari. Falsum igitur idem esse speciem, & partem totius discreti.)

zinum refertur, *species vero totius non continui, sed discreti tantum est*, & ad totum solummodo discretum recte referri potest. Præterea hæc eadem species etiam appellatur, tum forma, ut à Cicerone, cum alibi, tum maxime in Topicis: tum differentia, ut à Plinio in quamplurimis locis, cum de differentiis vel animalium, vel arborum, vel herbarum, vel aliarum quarumcunque rerum scribit: quod perinde est, ac si diceret, de speciebus vel animalium, vel arborum, vel herbarum, & cætera. Ac ne multa, speciem etiam recte appellari differentiam usque adeo verum est, ut Galenus in secundo de Differentiis pulsuum vehementer reprehendat Archigenem, qui differentia nomen speciebus recte tribui posse pernegabat. Atque hinciple Galenus quosdam libros suos ita inscripsit, De differentiis morborum, de differentiis febrium, de differentiis pulsuum: quod perinde est ac si ita inscripsisset, de speciebus morborum, de speciebus febrium, de speciebus pulsuum, ut etiam infra demonstrabimus in Capite de differentia. Sicque species apud Latinos alio nomine dicitur tum pars, tum forma, tum differentia: Et species ipsa pars est generis & totius discreti, sic tamen ut ipsamet species comparata superioribus hoc est, suo generi & toti discreto, semper & speciei, & formæ, & differentiæ, & partis nomen retineat, ut homo comparatus animali, ipse animalis & pars, & species, & formæ, & differentia est. Si autem species, ut puta idem homo, comparatur inferioribus, hoc est, Thebano, & Trojano, & cæteris partibus suis, ita ex specie efficitur genus, & recte genus appellatur: Thebanienim & Trojani, & Romani partes sive species sunt hominis figurate accepti, sive quod idem est, generis hominum proprie: Ut ex superiore illa generis definitione à Cicerone tradita manifestissime comprobatur, & confirmatur verbis Rodulphi Agricolæ in primo de Dialectica inventione Cap. VI. Qui posteaquam definitiones generis & speciei dialecticas attulit, ita inquit, Res quidem hoc pacto se habet, sed quod ad speciem attinet, ea individuis comparata hoc nomine

nomine forte parum apte notetur: speciei namq; nomē illud sola cōparatione ad genus videtur inditum, Individuis autem comparata non jam speciei retinet, sed generis potius accipit formam. Hæc Rodolphus, ex quibus & superiore illa Ciceronis definitione, cujus etiam meminit Porphyrius, liquido apparet, ut genus semper deorsum, nunquam sursum spectat, sic speciem nunquam deorsum respicere, sed semper sursum, & cum deorsum convertitur, & ad inferiora comparatur, statim speciei nomen amittere, & generis acquirere, Nam si species est quæ subest generi, ut recte dicit Cicero, vel quæ generi subjicitur, ut etiam confirmat Porphyrius, quomodo potest species non semper alteri esse supposita, hoc est, generi, sed aliquando etiam aliis superposita? profecto nullo modo potest. Quare nequaquam audiendi sunt Dialectici, qui plusquam stulte putant hominem, & equum, & cætera hujusmodi, ita esse species, ut nullo modo possint esse genera: atq; ideo perperam appellant species infinitas, sive (ut ipsi loquuntur) species specialissimas. Quorum opinio non solum indocta, sed etiam temeraria refellitur ac refutatur, partim ex ea definitione speciei quam, ut dixi, Cicero ponit, & Porphyrius confirmat; partim ex communi omnium Scriptorum recte loquentium & scribentium cōsuetudine: à quibus non solum homo, & equus, & cæteræ animalis partes appellantur species, sed etiam eodem speciei nomine signantur multa alia, quæ sunt homine & equo & reliquis speciebus animalis inferiora, ut Thebanus & Trojanus, anticus & neotericus, quæ non minus sunt veræ & germanæ species hominis, quam homo & equus animalis, nec alia est inter eas differentia, nisi quod Trojanus & Thebanus species sunt extrinsecæ, & ut ita dicam, accidentales homini, homo verò & equus intrinsecæ, ut pote ad quorum essentiam substantiamque animal pertinet: Sed hoc discrimen non facit, ut aliqua res magis vel minus vere species appelletur, quemadmodum nec dignitas efficit, ut Reges magis homines sint quam subditi & ignobiles, nec magnitudo elephantū magis animal reddit quam fornicam, Sed hoc deceptit Dialecticos homines, crassos & indoctos. quod nescio quo pacto contra omnem veritatem sibi persuaferunt, nullam posse esse speciem, nisi quæ à genere suo separari non posset, & quæ naturalis ei essentialisque esset, sicut contra, nullum posse esse verum genus, nisi quod à specie disjungi non queat, & de essentia illius substantiaque sit. Quorum utrumq; est falsissimum: sunt enim revera, ut etiam in superiore Capite dictum est, quemadmodū ex generibus quædam essentialia suis speciebus, quædam vero accidentalia, sic item ex speciebus quædam essentialia generi sunt, quædam accidentales, sicut cum dicimus, parietem & pannum esse in genere alborum, cum eorum uterque albus est, & aquam, atq; ferrum esse in genere calidorum, quando utrumque calidum est, Quibus in



exemplis, & aliis innumeris similibus quis non videat, tam album & calidum esse vera genera, illud parietis & panni, hoc aquæ & ferri, quam animal, hominis. & equi, & arbor, fraxini, & ulmi? & tamen nec album à pariete & panno, nec calidum ab aqua & ferro est inseparabile, nec ullum ex his generibus est de essentia specierum, aut species de substantia generum. Quare, ut dixi, crassa nimis & indocta est hac in re Dialecticorum opinio, qui & contra communem usum Scriptorum, & contra publicam loquendi consuetudinem, & denique contra veritatem sibi temere persuaserunt, inter omnia genera, & omnes species tantam esse cognitionem, ut & genera ad specierum, & species ad generum essentiam pertineant, atque ut nec genera à speciebus, nec species à generibus separari possint: quod, ut dixi, in generibus & speciebus naturalibus & essentialibus tantummodo verum est, in extrinsecis vero & accidentalibus, nequaquam. Atque ut etiam omnes minus mirentur Thebanum, & Trojanum & cæteras hujusmodi formas accidentales, in quas homo dividitur, ut vere Cicero dicit, esse veras species hominis, dico non solum has quas dixi formas accidentarias, sed etiam earum *singularia individua*, ut Pelopidam & Anteonem, Socratem & Platonem, & cætera singularia, *Es vere esse & recte appellari species*. Idque probō primum apud Græcos autoritate Zenonis Citizii Stoicæ disciplinæ principis, cujus verba apud Laetium Diogenem in ejus vita hæc sunt, *ἀδίσκωτον δὲ ἰσθὶ ἂν εἶναι τὸ οὐκ ἔχει, ὡς αὖτὶς ὁ Σωκράτης*: hoc est, specialissima species est, quæ species cum sit, speciem non habet, ut Socrates. Deinde testimonio Aristotelis Dialecticorum scilicet numinis, ac Dei, qui in primo de partibus animalium, ita scribit, *ἰσθὶ δὲ ἀνίας μὲν εἰς τὰ ἰσθῶν εἶδη, τὰυτὰ δὲ κατὰ τὸ εἶδος ἀδιαφορὰ ὅσον Σωκράτης, Κρίσις*, hoc est, cum ultimæ species substantiæ sint, hæc autem nullo speciei discrimine differunt, ut Socrates, & Coriscus. Apud Latinos vero rursus discrimen auctoritate Jurisconsultorum veterum, qui singulares homines, ut Stichum & Pamphilum, & reliquos hujusmodi identidem appellant species, ut Julianus in lege In stipulationibus. & Ulpianus in lege, Scire debemus, Digestis de Verborum obligationibus. Deinde testimonio Grammaticorum similiter antiquorum, ut Servii, & aliorum, qui scripta veterum interpretantur, & subinde dicunt, & speciem pro genere, & genus pro specie poni figurate: per speciem intelligentes individuum aliquod, puta Padum vel Lycæum, hoc est, singularem aliquem fluvium, vel singularem aliquem montem per genus vero fluvium, vel montem simpliciter & absolute, hoc est, quemcunque fluvium, & quemcunque montem: ut super eo Virgilii versu,

Pascuntur vero sylvas & summa Lycæi.

Servius

Servius ait, summa Lycæi montis Arcadiæ, & est species pro genere. Item super illo alio,

Nec non & torrentem undam levis innatat alnus

Missâ Pado.

Sic inquit, missa Pado, est species pro genere. Idemque faciunt alii Grammatici in nominibus hominum, aliarumque rerum, quæ tum singulariter, tum generaliter à Scriptoribus posita reperiuntur. Quare adversus falsam & stultam Dialecticorum opinionem, qui hominem dicunt esse speciem ultimam, & specialissimam, & infra hominem nullam esse amplius speciem, constat & auctoritatibus summorum Philosophorum Græcorum, & testimoniis Jurisconsultorum, Grammaticorumque; Latinorum veterum, nomen speciei non solum homini, sed etiam iis, quæ sunt infra hominem, ut Thebano & Trojano, atque adeo etiam singularibus ipsis, ut Socrati & Corisco, Stricho & Pamphilo, Pado & Lyceo, vere & recte tribui posse. Atque appellationem speciei specialissimæ, non speciei hominis neque equi, sed singularibus hominibus & singularibus equis, aliarumque specierum individuis esse tribuendam: servata tamen semper hac differentia, ut & homo, & equus, & alia similia species dicantur, intrinsecæ, & essentielles, & divisibiles, Trojanus & Thebanus, antiquus & neotericus, & cætera huiusmodi, nominentur species extrinsecæ & accidentales, eodemque modo ut superiores illæ, divisibiles. *Individua vero ipsa quoque,*

(Idem sentiunt Cornel. Valerius, Nic. Vigilius, Franc. Hottomannus, Petrus Gassendus.)

*similiter appellantur species,* sed indivisibiles & specialissimæ, ad differentiam superiorum illarum, eo quia dividi in alias species amplius non possunt, nec alias species infra se habent. Hæc enim est vera & Germana speciei doctrina ad recte philosophandum in primis necessaria. Ex qua patet temeraria inscitia Ludovici Vives in Libello de Explanatione cujusque essentiz, & Joannis Rivii in primo suæ Dialecticæ, quorum uterque audet reprehendere Ciceronem, eo quod in primo de Inventionem dixit, Trojanum & Thebanum esse hominis species. Etenim inquit Vives, species omnia, quæ sunt naturæ ac essentiz generis continet, additque insuper ex se aliquid, quod est suæ essentiz, non inherens aut materiæ. ut homo ei quod est animalis, nempe vitæ & sensus, rationem adjungit, & album colorato sparsionem intuitus: Trojanus nihil essentialiter affert homini, ac ne vir quidem aut scemina: materiæ nanque est sexus non effectioinis. Ideo mutasse quosdam sexum minus est mirandum, quoniam non migrabant ab effectione essentiali in diversam. Hæc sunt verba Vivis viri alias quidem doctissimi, sed hac in re plusquam stulti. Nam quis te docuit ô nugator, necesse esse ut species omnia, quæ sunt naturæ & essentiz generis continerentur aut oportere ut Trojanus, ad hoc ut sit, species hominis, afferat

afferat aliquid essenziale homini? Atego tibi dico hæc omnia, quæ tu dicis, esse meras nugas, & inde omnia errata tua manare, quod non discernis genera & species accidentales, à generibus & speciebus essentialibus, quæ sunt valde diversa, ut nos supra monuimus: Quamobrem discere primò non semper nec species ad genus, nec genera ad species essentialium pertinere: cum scilicet sunt accidentalia: Deinde & Trojanum & Thebanum vere esse species hominis, quia Trojanum & Thebanum vere sunt in genere hominum: Tum etiam virum atque scæminam esse species hominis veras, eadem ratione, quia viri & scæminæ vere sunt in genere hominum. Quomodo enim Trojanum & Thebanum essent in genere hominum, si utriq; hominis non essent species? Item quomodo viri & scæminæ essent in genere hominum, si utriq; hominis species esse non possent? At inquis ideo, mutasse quosdam sexum minus est mirandum, quia non migrabant ab effectiione essentiali in diversam. Ego vero Tibi respondeo, Illos si non ab essentiali, at certe ab accidentali effectiione migrasse in diversam, & si sexum mutarunt, mutasse etiam genus: quoniam qui antea erant in genere virorum, postea in scæminarum: & contra, qui prius erant in genere scæminarum, postea in virorum esse cœperunt. Atque ita nihil valet oblatratio illa Vivis contra Ciceronem. Rivius vero ita scribit, Hinc errare jam liquet eos in quibus est Cicero, qui Thebanum & Trojanum species hominis putant, quæ non hominis perinde sunt ac nationis: quoniam neq; ad essentiam hominis pertinent, sed ad accidens, neque de suis individuis in quid prædicantur, sed in cujas. Induit tamen homo formam generis, cum extra ordinem substantiæ egredimur, ut hominum alius mas alius scæmina, hominum alius bonus alius malus. Hæc quoque Rivius, multo quam Vives ineptior, si quidem negat Thebanum & Trojanum esse species hominis: deinde quasi delirans concedit eundem hominem inducere formam generis, cum, scilicet, extra ordinem substantiæ egredimur. Sed quis Te docuit ò inepte Grammaticule, Homine, etiam si extra ordinem substantiæ non egrediamur, non posse esse verum genus Thebani & Trojani? & rursus Thebanum & Trojanum, etiam si ad essentiam hominis non pertinent, non posse esse veras hominis species? scilicet. Tu quoque ex eadem sece hausisti, ex qua Vives, hoc est, ex volutabro Dialectico. Atego contra te dico idem, quod paulo supra contra Vivem dicebam ad constituendam veram generis & speciei naturam nihil eorum, quæ vos dicitis, necessarium esse, eaq; tantummodo locum habere in generibus & speciebus naturalibus & essentialibus, non accidentalibus & ad essentiam non pertinentibus, qualia sunt ea, de quibus nunc loquimur. Quare Tu quoque discere verum esse id quod dicit Cicero, Trojanum & Thebanum esse veras hominis species,

species, si non essentielles at certe accidentales, & cognosce ea, quæ Tu ex sterquilinio Dialecticorum hauriens contra Ciceronem nugaris, nihil aliud esse nisi meras insanias. At inquis Thebanus & Trojanus de suis individuis in quid non prædicantur sed in cujas, atque ideo non possunt esse veræ species: omnis enim vera species ex sententia Dialecticorum de pluribus numero differentibus in quid est prædicatur. Audio & in his alijsq; verbis tuis duplicem insaniam dialecticam agnosco, unam quod una cum Dialecticis putas aliquam esse posse speciem veram, quæ deorsum aspiciat, & de aliquibus inferioribus prædicetur, quam opinionem nos supra refutavimus, alteram quod ignoras nec generis nec speciei proprium esse, ut dicatur in quid, aut in quale de suis inferioribus, sed nominis appellativi simplicis, ut nos antea docuimus. Quæ quidem ignoratio hoc tibi turpior est, quod Grammaticam profiteris, & quid nominis appellativi proprium sit nunquam intelligere potuisti. Sed ita refutatis nugatoribus istis, qui contra Ciceronem temere atq; impudenter nugari sunt ausi, nunc redeo ad id, quod propositum est, hoc est, ad tradendam veram speciei definitionem nostram, & ad illam Adversariorum falsam funditus evertendam. Est ergo species vere, ut nos arbitramur, pars una multitudinis vel totius discreti, ejus quod appellatur genus, ut homo & equus animalis, Trojanus & Thebanus hominis, Socrates & Coriscus, Stichus & Pamphilus, Trojani & Thebani, & cæteræ species tam divisibiles quam indivisibiles, & specialissimæ sui cujusque generis. Quia in definitione dictum est primo pars loco generis, quoniam, ut supradixi, omnis species est pars quædam, & in genere partium vere posita, neque vero cujusvisque totius discreti species pars est, sed tantum ejus, quod proprie vocatur genus. Nam quemadmodum supra definivi genus esse totum quoddam discretum ex suis omnibus speciebus compositum, sic hoc loco dico speciem esse partem quandam, ex qua una cum multis aliis componitur genus, ut genus & species, cum sint ad aliquid, veluti totum & pars, alterum in definitione alterius ponatur. Ergo cætera omnia, præter partem in hac definitione posita, locum differentię, sive proprietatis obtinent. Distinguunt enim speciem à partibus aliorum totorum discretorū, ex quibus non componuntur, neq; constant genera, ut à partibus populi, exercitus, gregis, armenti, quæ licet constent ex partibus, non tamen ex speciebus suis. Non enim partes gregis & armenti proprie sunt species gregis & armenti. Quod vero in fine addidimus, exempli causa, ut homo & equus animalis, id fecimus, quia Dialectici etiam ipsi ita faciunt, & quia verum est, hominem & equum esse species animalis, naturales, scilicet, & essentielles: Deinde ut Thebanus & Trojanus hominis, quia Thebani & Trojani & cæteri  
Q
similes

similes populi vere sunt species & formæ hominis, si non intrinsecæ & essentielles, ut illæ superiores, at saltem extrinsecæ & accidentales, ut rectissime dicit Cicero, & pessime illi duo incepti quos ante refutavi. Postremo ut Socrates & Coriscus, Stichus & Pamphilus, quoniam summi Philosophi Græci, & Jurisconsulti, Grammaticique veteres Latini, cum exempla singularium & individuarum specierum afferre volunt, his atque aliis hujusmodi nominibus propriis & individuis utuntur. Atque ut quam apertissime intelligatur quale nos volumus esse id genus cui subjicitur species, & quales intelligamus species tam divisibiles quàm indivisibiles, ad extremum id per quam accommodata similitudine quasi ante oculos ponimus, hoc modo, ut genus, hoc est, animal exempli causa, sit tanquam exercitus quidam militum. species vero divisibilis tanquam legio una, ut homo vel equus, altera vero species divisibilis tanquam cohors una, ut Trojanus vel Thebanus, Dardanius vel Cadmeus, postremo individuum vel species individua tanquam miles unus singularis cohortis suæ comparatus. Talia enim nos esse genera, tam naturalia & mathematica, quam oratoria & aliorum quoruncûq; generum & scriptorû, & tales species tam divisibiles quàm quæ dividi non possunt, arbitramur. Atque ita de genere, & specie sentiendum est omnibus, qui vere & recte philosophari volunt, neglectis & contemptis omnibus nugis Dialecticorum, simulq; derisa & explosa falsa illa opinione eorum, qui stulte putant nullam posse esse speciem, nisi quæ constituitur per differentias sive proprietates generis essentielles, cum id etiam, quemadmodum supra docui, per differentias sive proprietates extrinsecas & non essentielles percommode fieri possit, concedente id atq; assentiente cõmuni omnium loquendi consuetudine, & usu scribendi doctissimorum quoruncunq; authorum. Sic igitur species à nobis definitur, & omnium definitionis nostræ partium, hæc est ratio : Nunc excutiamus definitionem speciei Adversariorum, & ostendamus eadem planè vitia hic ab eis, atq; etiã plura & majora quàm in genere definiendo fuisse admissa. Porphyrius, & unã cum Porphyrio omnes Dialectici uno ore speciem esse aiunt, quæ de pluribus numero differentibus in quid est prædicatur, ut homo & equus. Hæc est in summa definitio speciei Dialecticorum, in qua, ut omittam id quamvis leve vitium, quod nullum est appositum genus, item illud aliud eorum, qui multo magis indocte & barbare apponunt universale, vel prædicabile loco generis, quæ à nobis supra fuerunt reprehensa, ut inquam hæc omittam. Primum illud est vitium, quod etiam supra refutavimus in definitione generis Dialectici, quodd non res quæ vere est species, sed nomen speciei, hoc est, nomen appellativum simplex definitur. Namq; ut supra multoties jam dictum est,

genera

geonra & species rerum sunt res, non nomina, ut species hominum, & species boum, & tanquam res, non tanquam nomina definiri debent, Nam qui specie tanquam nomen definit, is ut supra dixi, in vitium illud Archigenis cadit à Galeno reprehensum: & eodem modo peccat, ut qui populi & exercitus non tanquam rerum, sed tanquam nominum definitiones affert, dicens, populum vel exercitum esse qui dicatur vel prædicatur de pluribus, & cætera, ut ante dixi. Quæ definitiones si populus & exercitus considerentur, ut nomina sunt sine ulla dubitatione veræ sunt. Dici enim & prædicari de pluribus, non rerum, sed nominum proprium est, ut jam toties monui. Præterea etiam si species nomen esset, quod sæpe accidit in speciebus nominum definiendis, tamē adhuc ingenti & tædo vitio laboraret ista definitio, quia species, ut species est, semper est pars generis, & semper sursum ad genus & ad totum suum discretum respicit, ut ante dixi, nunquam deorsum versum convertitur. Namque ut deorsum aspicit speciei proprietatē amittit, & non amplius species, sed genus debet appellari. Et hoc est illud quod Cicero in primo de Inventione supra citato ait, Eandem rem sæpe alii genus, alii partem esse. Homo enim cum ad superiora respicit, hoc est, ad animal, proprie species est, cum vero ut ad inferiora spectet, detorquetur, ut ad Trojanum vel Thebanum, vel ad singularia hominis statim ex specie efficitur, genus. diversa enim comparatio, diversum ei comparat nomen. Quod etiam confirmat Rodolphus Agricola, qui speciem definiens dixit, eam esse in quam sub se comprehensam dividitur genus, quasi innuens speciem semper ad suum genus, sursum aspicere, nunquam deorsum, Et recte quidem. Nam cum species sine ulla dubitatione sit pars quædam, quemadmodum pars semper sursum ad suum totum cōversa est, sic etiam species ad suum genus. Et rursus quemadmodum absurdum est dicere, partem, ut pars est, deorsum ad partes suas spectare, sic etiam affirmare speciem, ut species est, deorsum ad alias partes suas esse conversam. Ex quibus manifeste apparet inscitia, atque ignorantia Dialecticorum, qui in definienda specie, non solum illud vitium admiserunt, quod nomen rei pro re ipsa definiunt, sed etiam illud multo gravius, quod putaverunt speciei nomen, dici de rebus, non ut de partibus quibusdam, quæ sursum ad suum totum, sive genus spectent, sed ut de totis sive generibus, quæ deorsum aspiciant ad partes suas, & eas tanquam ex illis composita contineant. Quod non secus absurdum est, ac si quis diceret partem, ut pars est, non ut totum est, continere alias sub se partes. Nam species, ut dixi, cum semper pars quædam generis sit, ut primis illis nominum authoribus placuit, nunquam fieri potest, ut quatenus talis est, continere alia, non contineri ab alio dicatur. Ergo hæc sunt duo maxima

Q 2

Diale-



similes populi vere sunt species & formæ hominis, si non intrinsecæ & essentielles, ut illæ superiores, at saltem extrinsecæ & accidentales, ut rectissime dicit Cicero, & pessime illi duo inepti quos ante refutavi. Postremo ut Socrates & Coriscus, Stichus & Pamphilus, quoniam summi Philosophi Græci, & Jurisconsulti, Grammaticique veteres Latini, cum exempla singularium & individuarum specierum afferre volunt, his atque aliis hujusmodi nominibus propriis & individuis utuntur. Atque ut quam apertissime intelligatur quale nos volumus esse id genus cui subjicitur species, & quales intelligamus species tam divisibiles quàm indivisibiles, ad extremum id per quam accommodata similitudine quasi ante oculos ponimus, hoc modo, ut genus, hoc est, animal exempli causa, sit tanquam exercitus quidam militum, species vero divisibilis tanquam legio una, ut homo vel equus, altera vero species divisibilis tanquam cohors una, ut Trojanus vel Thebanus, Dardanius vel Cadmeus, postremo individuum vel species individua tanquam miles unus singularis cohortis suæ comparatus. Talia enim nos esse genera, tam naturalia & mathematica, quam oratoria & aliorum quoruncûq; generum & scriptorû, & tales species tam divisibiles quàm quæ dividi non possunt, arbitramur. Atque ita de genere, & specie sentiendum est omnibus, qui vere & recte philosophari volunt, neglectis & contemptis omnibus nugis Dialecticorum, simulq; derisa & explosa falsa illa opinione eorum, qui stulte putant nullam posse esse speciem, nisi quæ constituitur per differentias sive proprietates generis essentielles, cum id etiam, quemadmodum supra docui, per differentias sive proprietates extrinsecas & non essentielles percommode fieri possit, concedente id atq; assentiente cõmuni omnium loquendi consuetudine, & usu scribendi doctissimorum quoruncûq; authorum. Sic igitur species à nobis definitur, & omniû definitionis nostræ partium, hæc est ratio : Nunc excutiamus definitionem speciei Adversariorum, & ostendamus eadem planè vitia hic ab eis, atq; etiã plura & majora quàm in genere definiendo fuisse admissa. Porphyrius, & unà cum Porphyrio omnes Dialectici uno ore speciem esse aiunt, quæ de pluribus numero differentibus in quid est prædicatur, ut homo & equus. Hæc est in summa definitio speciei Dialecticorum, in qua, ut omittam id quamvis leve vitium, quod nullum est appositum genus, item illud aliud eorum, qui multo magis indocte & barbare apponunt universale, vel prædicabile loco generis, quæ à nobis supra fuerunt reprehensa, ut inquam hæc omittam. Primum illud est vitium, quod etiam supra refutavimus in definitione generis Dialectici, quòd non res quæ vere est species, sed nomen speciei, hoc est, nomen appellativum simplex definitur. Namq; ut supra multoties jam dictum est,

genera

geonra & species rerum sunt res, non nomina, ut species hominum, & species boum, & tanquam res, non tanquam nomina definiri debent, Nam qui species tanquam nomen definit, is ut supra dixi, in vitium illud Archigenis cadit a Galeno reprehensum: & eodem modo peccat, ut qui populi & exercitus non tanquam rerum, sed tanquam nominum definitiones affert, dicens, populum vel exercitum esse qui dicatur vel prædicatur de pluribus, & cætera, ut ante dixi. Quæ definitiones si populus & exercitus considerentur, ut nomina sunt sine ulla dubitatione veræ sunt. Dici enim & prædicari de pluribus, non rerum, sed nominum proprium est, ut jam toties monui. Præterea etiam si species nomen esset, quod sæpe accidit in speciebus nominum definiendis, tamē adhuc ingenti & tædo vitio laboraret illa definitio, quia species, ut species est, semper est pars generis, & semper sursum ad genus & ad totum suum discretum respicit, ut ante dixi, nunquam deorsum versum convertitur. Namque ut deorsum aspiciat speciei proprietate amittit, & non amplius species, sed genus debet appellari. Et hoc est illud quod Cicero in primo de Inventione supra citato ait, Eandem rem sæpe alii genus, alii partem esse. Homo enim cum ad superiora respicit, hoc est, ad animal, proprie species est, cum vero ut ad inferiora spectet, detorquetur, ut ad Trojanum vel Thebanum, vel ad singularem hominis statim ex specie efficitur, genus, diversa enim comparatio, diversum ei comparat nomen. Quod etiam confirmat Rodolphus Agricola, qui speciem definiens dixit, eam esse in quam sub se comprehensam dividitur genus, quasi innuens speciem semper ad suum genus, sursum aspicere, nunquam deorsum, Et recte quidem. Nam cum species sine ulla dubitatione sit pars quædam, quemadmodum pars semper sursum ad suum totum cōversa est, sic etiam species ad suum genus. Et rursus quemadmodum absurdum est dicere, partem, ut pars est, deorsum ad partes suas spectare, sic etiam affirmare speciem, ut species est, deorsum ad alias partes suas esse conversam. Ex quibus manifeste apparet inscitia, atque ignorantia Dialecticorum, qui in definienda specie, non solum illud vitium admiserunt, quod nomen rei pro re ipsa definierunt, sed etiam illud multo gravius, quod putaverunt speciei nomen, dici de rebus, non ut de partibus quibusdam, quæ sursum ad suum totum, sive genus spectent, sed ut de totis sive generibus, quæ deorsum aspiciant ad partes suas, & eas tanquam ex illis composita contineant. Quod non secus absurdum est, ac si quis diceret partem, ut pars est, non ut totum est, continere alias sub se partes. Nam species, ut dixi, cum semper pars quædam generis sit, ut primis illis nominum authoribus placuit, nunquam fieri potest, ut quatenus talis est, continere alia, non contineri ab alio dicatur. Ergo hæc sunt duo maxima

Q 2

Diale-

Dialecticorum errata in definienda specie admissa. Quod autem aiunt specie dici non solum de pluribus, sed etiam numero differentibus, tertium est erratum nihil duobus illis supra dictis levius. Omne enim quod differt, ut & ante monui, & infra clarius in Capite sequenti dicitur, vel specie vel genere differt. Differre autem numero & esse idem numero eo modo, quo ipsi intelligunt, nemo unquam dixit, nisi Dialecticus, hoc est, linguarum depravator, & prave loquendi Author. Nam quod aiunt Platonem, & Socratem, & alia quæcunque duo individua generis humani differe numero, non est verum, quia non differentem, sed eundem habent numerum, hoc est, unitatem, & uterque eorum est unus, quo fit ut differant non numero, sed specie, cum sint duæ differentes species indivisibiles generis Troianorum vel generis hominum: sic enim specie non numero differunt omnia individua. Differre autem numero recte dicuntur duo globi hominum, quorum alter decem homines, exempli causa, alter viginti contineat, quia habent differentem numerum. At Socrates & Plato cum, ut dixi, uterque eorum unus sit, quomodo possunt differe numero? Equidem non video qui possint. Præterea communiter loquentes dicimus unum numero, duo numero, decem numero, & sic in infinitum, ut hic loquendi modus communiter ad numerum semper referatur. Quare nescio quâ ratione Dialectici eum, ad id quod est esse differens, vel idem numero detorquere velint. Nam cum illa sint eadē magnitudine quæ habent eandem magnitudinem, & differant magnitudine quæ habent diversam, cur non eadem numero etiam sint ea, quæ habent eundem numerum? & diversa quæ diversum? Quocirca individui homines singillatim accepti & eodem numero præditi, non possunt differre numero, nisi etiam differant magnitudine, quæ unam & eandem habent magnitudinem, puta bipedalem vel tripedalem. Quod si consideres eadem individua non ut singula sunt unum numero per se, sed ut sunt species generis sui, non immerito dicuntur differre specie, quia sunt unius & ejusdem generis species inter se differentes. Sed de hoc postea latius in Capite de differentia. Nunc tamen modo Lectorem admonitum esse volumus, in definitione speciei à Dialecticis pessime adjectum fuisse illud, numero differentibus, quoniam individua singula per se non numero, sed specie & aliis multis modis differunt, ut magnitudine, parvitate, nobilitate, divitiis, & cæteris hujusmodi. Atque etiam quia pars hæc definitionis est supervacanea, & id quod definitur à nullo differre facit, cum omnia tam genera & species, quàm individua, si vera esset differentia illa numeri dialectica, possent eo modo dici differre numero. Quia quemadmodum in numerandis hominibus dicimus, hunc esse Socratem, illum Platonem, & sic reliquos. Et propterea Socrates & Plato à Dia-

à Dialecticis dicuntur differre numero, sic etiam in numerandis speciebus vel generibus, dicimus hæc est species humana, illa est species equina, hoc est genus animalium, illud est genus arborum, & cætera: atque ideo quâ ratione singuli homines, eadem quoque genera & species inter se numero differre non male dicebantur. Sed recte dici non possunt, quia falsum est individua singulatim inter se differre numero, & propterea valde erraverunt Rodolphus Agricola, & Ludovicus Vives, & alii quicumque hanc falsam numeri differentiam in definitione speciei tanquam veram inconsiderate receperunt, & approbaverunt. Sed quod in fine definitionis addunt speciem dici sive prædicari in quid est, hoc vero eodem modo falsum est, quemadmodum supra diximus, in definitione generis Dialectici, quia species, ut species & res vera est, de nullo proprie dicitur, nec in quid nec in quale, sed hoc proprium est nominis substantivi vel adjectivi, ut supra docuimus in definitione nominis substantivi & adjectivi. Quare si definitio nostra nominis substantivi & adjectivi vera est ut certe est, hæc definitio speciei dialectica nullo pacto vera esse potest. Cujus si partes omnes falsæ sunt, aut supervacuæ, aut barbaræ, ut diximus, certe nec exempla, quæ ad eam confirmandam afferuntur, vera erunt: Nam & homo & equus species quidem sunt, sed ut in animali, hoc est, in genere suo continentur, non ut ipsæ alia continent: hæc enim habitudo continendi & deorsum aspiciendi, non specierum, sed generum propria est. Ex quibus apparet in definitione speciei dialecticæ nihil esse sani, hoc est, nisi vel falsum vel supervacuum vel ridiculum. Quamobrem qui recte philosophari cupiunt, nullo pacto definitionem hanc speciei Dialecticam sequantur, sed aut illam quam nos supra posuimus, aut illam Ciceronis, quæ utitur nomine partis pro nomine speciei, hoc modo, pars est, quæ subest generi, aut denique illam Rodolphi Agricolæ, quam supra diximus, quæ talis est, Species est in quam sub se comprehensam dividitur genus. Hæc enim omnes sunt veræ & rectæ. Nam illa quam Cicero affert in Topicis, sic dicens, Forma est notio, cujus differentia ad caput generis & quasi ad fontem referri potest, non Ciceronis, ut supra dixi, sed vel Aristotelis, vel Stoicorum est, & hoc vitio maxime laborat. quod dicendo speciem esse notionem, rem definit non ut extra mentem existit revera, sed ut in mente, tanquam in speculo posita est & cognita. Quem definiendi modum etiam diximus esse vitiosum. Res enim non ut cognoscuntur & intelliguntur, sed ut sunt & existunt revera extra cogitationem nostram definiri debent. Quod & in nostra superiori definitione generis & speciei, & in illis aliis omnibus, quas dixi, servatum est. Ex quo patet in definitione generis ac speciei idem penè vitium fuisse admissum à Stoicis atque Dialecticis.

Stoici enim ea definierunt ut cognita & in mente collocata, Dialectici vero ut appellationes ac nomina in voce posita. Quorum utrunque vitiosissimum est. Sed hic mihi occurrunt quidam Dialectici dicentes, illa quæ à nobis definita sunt genera & species, non esse vera genera neque veras species dialecticas, & philosophicas, sed grammaticas & oratorias, quæ longe à dialecticis & philosophicis differunt: aliter enim accipere res, & rerum vocabula Dialecticos & Philosophos, aliter Grammaticos & Oratores; & propterea quæ diximus nihil adversari Dialecticis suo quodam & privato more loquentibus, nec accipientibus res, & voces rerum eodem modo, quo alii faciunt. Licere enim unicuique (ajunt) in arte sua ut vult loqui, & tam rebus quam verbis suo modo uti: Quæ Dialecticorum responsio, licet usque adeo absurda & indocta sit, ut nulla nec absurdior nec indoctior possit excogitari, tamen ut video sic à plerisque etiam doctissimis Viris recipitur & approbatur, ut putent quasi duas diversas esse linguas, & duas differentes rerum naturas: illam Dialecticorum & Philosophorum, & illam Grammaticorum & Oratorum aliorumque Scriptorum, & utrisque licitum esse suo modo, suisque verbis, quamlibet diversis, loqui & scribere. At ego una cum Laurentio Valensi contra dico, neminem recte philosophantem solere, ac ne debere quidem in veritate investiganda, recedere ab usitata & communi omnium loquendi consuetudine, & quasi à via vulgo trita & silicibus strata, qualis est illa Grammaticorum & Oratorum. Et illud etiam adjungo, quemadmodum omnium tam animatorum quam inanimatorum una eademque est rerum natura, sic etiam omnium latine loquentium, esse unam eandemque latinam linguam, sicut unam & Græcorum Græcam, & Arabum Arabicam: nec aliam Dialecticorum & Philosophorum, aliam Grammaticorum & Oratorum esse statuendam, ut ipsi plusquam stultissime arbitrantur: Nisi forte quibusdam in vocibus, quas utrique ipsi sibi pepererunt, ad exprimendas & significandas res ab ipsis inventas, vel ab aliis ante nunquam nominatas. Quibus in casibus licet nova fingere, atque imponere nomina: Idque hac tantum conditione, ut res illæ, quibus nomina imponuntur, sint vel veræ, vel utiles, vel necessariæ, vel saltem delectationis aliquid afferentes. Nam extra hos casus, nemini fas est, ut Græci dicunt *ὀνομαστικῶν*, hoc est, nova nomina fingere, nisi populo. Quæ penes arbitrium est, & jus & norma loquendi, ut recte inquit Horatius. Atque ideo Dialectici non recte faciunt, sed maximum committunt vitium, qui primum impudenter & barbare nominant res à se non inventas, & ab aliis ante nominatas, ut exempli gratia, quæ Grammatici & Oratores jam inde à principio vocaverunt nomina, verba, adjectiva, substantiva, supposita, apposita, propositiones, assumptiones, & plurima alia hujusmodi, ipsi.



ipsi prætermisiss & rejectis penitus nominibus antiquis & rectis, appellant, terminos, copulas, concreta, abstracta, subjecta, prædicata, majores, minores, & alia id genus sexcenta. Deinde etiam nomina imponunt rebus falsis & commentitiis, quæ nusquam vere in rerum natura reperiuntur, ut secundis intentionibus, secundis substantiis, & deniq; universalibus omnibus, ut omit-tam interim illud unum, quod non est, ut ipsi dicunt principium numeri, sed cum ante convertitur, & rursus illas alias unitates minores unitate numerali, hoc est meras Dialecticorum insanias, quas multo utilius est ignorari, quàm intelligi: cum nec satis unquam fuerint intellectæ ab iis, qui eas introduxerunt. Et hæc omnia faciunt prorsus non solum sine ulla veritate, sine ulla necessitate, sine ulla utilitate, sine ulla delectatione, sed etiam cum ingenti discentium labore, & maxima ingeniorum excarnificatione, dum compelluntur intelligere & discere, ea quæ intelligi & disci non possunt, quia non sunt: & dum recedentes à scholis Grammaticorum, coguntur oblivisci, & quasi dediscere penè omnia, quæ didicerant: & novam quodammodo addiscere linguam barbaram, horridam, rusticam, spinosam, qua discenda non docti & eruditi, ut par esset, sed morosi, garruli, & supra quàm dici potest, rixosi evadunt. Quæ omnia mala & incommoda, nullam aliam ob causam eveniunt, nisi propter nimiam & immoderatam loquendi, ac fingendi licentiam. Quamobrem respondendo Dialecticis ita concludo, nostra genera, & nostras species à nobis definitas esse veras, & ab omnibus probatis Scriptoribus communiter receptas, approbatas, & usurpatas. Illorum autem genera & species à nemine præter quam ab ipsis probari & usurpari: idq; nullam aliam ad rem, nisi ad nugandum & garrendum, intelligi vero & percipi, nec ab aliis nec ab ipsis, nisi ut Centauros, & Chimæras, & alias res fictas. Itaque cum dicunt alia esse genera & species Dialecticorum & Philosophorum, alia Grammaticorum & Oratorum, fateor id esse verum: sed ita ut illorum falsa & absurda nullamque ad rem necessaria sint, horum autem vera, legitima, ac naturæ rerum, & communi sermoni humanæq; rationi consentanea: sic ut cum dicitur Grammaticæ & Oratoricæ, sic accipiat, quasi diceretur, ad communem omnium sensum, & ad publicam loquendi consuetudinem, & deniq; ad veritatem accommodate: cum autem dicitur Logice sive Dialectice sive Metaphysice, ita intelligatur, ut si ita proferretur, prorsus stulte, & barbare, & in summa more non hominum, qui in hac communi rerum natura versentur, sed Picarū ac Graculorum ex alio quodam orbe terrarum ac mundo venientium. Id quod à nobis contra Dialecticos omnes, & Metaphysicos semel responsum esse volumus, ne quoniam ipsi ferè ubiq; ad excusandos errores suos hac defensione utuntur, nos quoq;



quoque identidem cogamur eandem afferre confutationem, & quasi eandem cancre cantelem. Nihil igitur Dialectici, neque sibi profunt ista defensione, neque nobis obsunt, cum fingunt aliter à se, aliter à nobis verba, ac res accipi, & unicuique licere loqui ac scribere modo suo: perinde ac si quot artes, ac scientiæ inveniuntur, tot verborum genera, tot linguae, atque etiam tot rerum naturæ essent ponendæ: quo nihil neque magis falsum, neque magis absurdum excogitari potest. Sed ommissa falsitate & absurditate Dialecticorum, quæ nunquam satis digne vituperari & rideri posset, & ostenso quid proprie speciei nomine significetur, & quænam sit ejus vera definitio nostra, & quæ Adversariorum falsa, quotque vitia ab illis in ea definienda fuerunt admissa, hic jam de specie dicendi finem faciam, & ad Caput de Differentia, proprioque & cæteris sequentibus pertransibo.

## CAPUT TERTIUM.

*De vera differentia, & vero proprio philosophicis, & oratoriis, & simul de eisdem Adversariorum vel falsis, vel inutilibus.*

**E**X quinque universalibus Dialecticorum realibus, quæ vocantur, jam satis reprehendimus & refutavimus duo priora, genus & speciem: idque primum, ut universalia, hoc est, res omnino falsas & commentitias. Deinde etiam si essent res veræ, tamen ut prave & perperam definitas. Postremo vero quia etiam si omnia alia vera essent, tamen species inter universalia non recte fuit numerata, eo quia, ut species est, de nullo prædicatur, nec ulla habet inferiora, sed tantum ut genus, hoc est, ut deorsum convertitur, & ex specie genus efficitur, ut diximus in Capite superiori. Nunc tempus est, ut transeamus ad alia: & ne nimis longi simus, ut uno eodemque capite expediamus differentiam & proprium, prius more nostro ostendentes nostra vera, hoc est, quid proprie significetur nominibus differentia & proprii, & quot & quinam sint veri utriusque modi, & quid denique vere differentia sit & quid proprium. Deinde refutantes aliena falsa, & demonstrantes pene omnes differentiarum ac propriorum modos à Dialecticis traditos esse vel inutiles vel falsos: & propterea definitiones differentia ac proprii à Dialecticis traditas, non posse esse satis utiles ac sanas. Ad quæ omnia probandas illud

illud ante omnia sciri volumus, usque adeo non facile esse intelligere, quid proprie significetur nominibus differentiarum ac proprii, & quid vere sit differentia & proprium, ut in rebus definiendis, quod Aristoteles vocavit differentiam, cum ait definitionem constare ex genere & differentia sive differentiis: id M. Tullius in Partitionibus oratorii appellavit proprium sive proprietatem, dicens, Non dubium esse, quin definitio genere declaretur & proprietate quadam, aut etiam communium frequentia. Quam ob discrepantiam tantorum virorum Rodolphus Agricola vel non audens affirmare alterum errasse, vel certe existimans utrumque recte dicere, & volens eos conciliare, sic definit differentiam, in primo libro de Inventione dialectica Cap. V. ut dicat, eam esse proprietatem rei notam, perinde ac si diceret differentiam esse proprium, hoc est, ut ita loquar, aquam esse ignem. Nam per deos immortales, quomodo potest differentia, ut differentia est, esse proprium? aut quomodo potest proprium, ut proprium est, de differentia dici? certe non magis quam calidum de frigido, aut album de nigro. At ego longe aliter quam Rodolphus veritatem omnibus etiam quamlibet magnis nominibus præferens dico. Aristotelem, cum dixit Definitionem constare ex genere & differentia vel differentiis, vehementer errasse, Ciceronem vero rectissime sensitse, cum dixit, definitionem genere declarari, & proprietate quadam, aut etiam communium frequentia, ut infra ostendam in capite de Definitione. Nunc tantum hoc non ignorari volo, vocabulis differentiarum ac proprii, res longe diversas significari, *differentia enim est qualitas quadam, quares inter se distinguuntur, ac differentes sunt, proprium vero sive proprietas, contra est qualitas quadam quares inter se, ut ita dicam, ununtur, & quodammodo redduntur eadem.* Quod cum ita sit, nihil tamen prohibet, quo minus una eademque res, possit esse & differentia & proprium, ad aliud tamen & aliud comparata: ut sentire sive sensus sive esse sensibile, si compararetur generi plantarum ac stirpium differentia est, eo quia facit differre animalia à stirpibus: animalia enim à stirpibus differunt, eo quod animalia sentiunt, stirpes vero sensu carent. Sine vero idem conferatur cum genere animalium, non amplius differentia est, sed proprium sive proprietas, quia fit, ut animalia rationalia & animalia irrationalia, non inter se distincta & diversa, sed quasi unum facta, & quodammodo eadem esse videantur: utraque enim sentiunt, & in eo quod sensum habent, non sunt distincta, sed conveniunt. Ac nos quidem tales dicimus esse veras differentias & vera propria, ac nominibus differentiarum & proprii tales quasdam qualitates vere significari. Intelligendo tamen per differentiam, non differentiam differentem, sed differentiam differre facientem, & per proprium non proprium quod ipsum

R

conve-

conveniat, sed quod convenire alia faciat. Quod ut melius intelligatur, atque ut pateat quinam sint veri & utiles differentiarum & propriorum modi, sciendum est, *differentiarum alias esse, quae ipse differunt ab aliis, atque ideo vocantur à nobis differentia differentes: (consecta) alias vero, quae alia differre faciunt, & propterea dicuntur differentia differre facientes (abstracta.)* Differentiae differentes sunt; exempli causa, ut animatum, rationale, mortale, & cetera huiusmodi in adjectivi voce pronuntiata, quae omnes differentiae revera nihil aliud sunt, nisi species & genera quaedam. Haec enim lex nomina, species, genus, differentia, species differens, genus differens, differentia differens, eandem rem interdum planè significant: quae diversis comparationibus, diversa sortitur nomina, ut rationale verbi causa. Rationale enim si conferatur cum animali, hoc est, cum genere suo, cui subicitur, & quod dividit, recte vocatur & species & differentia. Ac species quidem dicitur, quia sic appellat eam communis loquendi usus, & Boethius Dialecticorum summus, in prima Editione in Porphyrium, cuius haec sunt verba, Animal sub se habet species rationale & irrationale, id est, hominem, verbi gratia, & equum. Haec Boethius, ex quibus apparet *rationale & irrationale esse non solum differentias, ut Dialecticorum plerique stulte putant, sed etiam species veras animalis, & recte, ut dixi, tam species quam differentias vocari.* Sin vero idem rationale comparatur cum equo, leone, & ceteris animalis speciebus à quibus differt, rursus non minus recte dici potest, & genus differens, & species differens, & differentia differens, ut per se patet: ac tales quidem sunt differentiae differentes. Differentiae vero differre facientes, sunt, ut puta, anima, ratio, mors, & alia similia in substantivo pronuntiata, vel in aliquo, quod æquivalcat substantivo, ut esse animatum, esse rationale, esse mortale. Quae idcirco sic appellantur, quia faciunt differre alia: communiter enim loquentes dicimus, animata ab inanimatis differre per animam, sive animalia à stirpibus, per id quod est habere animam, ut infra probabimus, rationalia ab irrationalibus, per rationem: sive homines à brutis, per id quod est esse rationale: mortalia ab immortalibus, per mortem: sive homines à Deis, per id quod est esse mortale. *Et rursus quemadmodum differentiarum, sic etiam propriorum aliqua sunt, quae ipsa conveniunt aliis, aliqua quae faciunt convenire alia.* Propria quae ipsa conveniunt alii sunt, ut latrabile, quod canis, & hinnibile, quod equo, & alia similia, quae aliis privatim conveniunt. Et quemadmodum differentiae differentes, ut ante dixi, sic etiam haec propria convenientia, si conferantur cum superioribus, nihil aliud sunt quam species, si cum inferioribus, nihil aliud quam genera, si cum paribus & propria simul & genera & species appellari possunt. Si

quidem

quidem communiter loquentes dicimus, & risibile esse speciem animalium, & hominem esse in genere proprio risibilium, & rursus risibile esse proprium hominum: Quæ non recte dicerentur nisi risibile, hoc est, proprium simul & genus & species & proprium esset ad diversa tamen comparatum. In summa hæc omnia, genus, species, differentia differens, proprium conveniens, idem sunt, nec differunt, nisi comparatione, cum partim sursum ad superiora, partim deorsum ad inferiora, partim ante vel retro ad paria convenientia, vel differentia respiciunt. Propria convenire facientia sunt, ut risus, hinnitus, & latratus, & alia huiusmodi in substantivo prolata, vel in aliquo, quod æqualeat substantivo, ut esse risibile, esse hinnibile, esse latrabile: conveniunt enim inter se omnes homines per risum, sive per id quod est esse risibile: omnes equi per hinnitum, sive per id quod est esse hinnibile: omnes canes per latratum, sive per id quod est esse latrabile. Ac tales quidem sunt veri, & ad recte philosophandum necessarii cognitu differentiarum & priorum modi, qui quemadmodum inter se sunt diversi, sic diversum habent in philosophando & veritate investiganda usum. Namq; *ut differentius differre facientibus ad probandum aliqua esse diversa, sic propriis convenire facientibus ad confirmandum aliqua esse eadem, vel inter se convenientia.* Atque ut differentias differentes usurpamus ad dividendum genera, sic propriis, quæ conveniunt, ad definiendum species. Exempla autem horum omnium hæc sunt, ad probandum aliqua esse differentia, per differentias differre facientes, hoc modo, Homines differunt à brutis, quoniam hi rationem habent, illa vero non, vel hi sunt rationales, illa vero non. Ad probandum aliqua esse eadem, vel convenientia inter se per propria convenire facientia, hoc modo. Homines & Dii sunt iidem, vel conveniunt inter se, quia utriq; habent risum vel sunt risibiles: nam Deos suos ridentes Homerus introducit. Ad dividendum genera per differentias differentes, hoc modo, Animalia alia sunt rationalia, alia irrationalia, & rationalium alia sunt mortalia, alia immortalia. Ad definiendum species per propria convenientia, vel per genera propria, hoc modo, Equus est animal hinnibile, canis terrestris est animal latrabile: Hinnibile enim est proprium conveniens vel genus proprium omnibus singularibus equis, vel universo generi equorum: ut sic latrabile omnibus singularibus canibus terrestribus, vel universo generi canum terrestrium. Ad definiendum autem idcirco dixi, utendum esse propriis convenientibus, sive generibus propriis, non differentia vel differentiis, quemadmodum Dialectici stulte præcipiunt, partim quia verum est, in definiendo nullis aliis utendum esse, nisi generibus aut communibus aut propriis, ut ostendemus in Capite de

Definitione, Partim etiam, ut ostenderem, *falsam esse illam regulam Dialecti-*

(Hic nihil aliud quam λογισμαχία. Et ipse pag. 100. initio definit per genus & differentiam.)  
*corum, qui definitiones ex genere & differentia vel differentis faciendas esse ajunt,*  
 cum tantum absit ut definitio ex differentia aut differentiis fiat, ut contra po-  
 titus constet non solum ratione, sed etiam autoritate Quintiliani in Quinto,  
 ubi de argumentis loquitur, definitionem confirmari propriis, differentibus  
 autem solvi: nam si quis forte diceret, Simiam esse animal rationale, & ego  
 hanc definitionem destruere vellem, nullo alio argumento melius uti possem,  
 quam sumpto à differentia sive à differenti, dicens, Simiam esse animal irra-  
 tionale, hoc est, in genere differenti constitutum. Ex quibus quamvis aper-  
 tissime constet de definitione per differentias vel proprietates facienda, lon-  
 ge melius & verius sensisse Ciceronem quam Aristotelem, tamen infra idem  
 hoc etiam clarius probabitur in capite de Definitione. Nunc si explicaro, quid  
 proprie significetur vocibus differentia & proprii & quanam sint veri & uti-  
 les differentiarum propriorumque modi, non difficile est videre quonam pa-  
 cto vere sit definiendus unus quilibet eorum: Nam differentia differens est  
 eadem, quæ & species, & species differens, qua ad dividendum genus utimur,  
 ut rationale animali comparatum, Differentia differre faciens est illa, qua fit  
 ut aliqua inter se differant, cujus usus est in distinguendis rebus, & ad osten-  
 dendum eas esse differentes, ut irrationale collatum cum rationali vel cum  
 homine. Proprium conveniens, sive genus proprium est illud, quod usurpa-  
 mus in definiendis speciebus, ut hinnibile in definiendo equo, & latrabile in  
 definiendo cane terrestri. Propriū convenire faciens est illud, quo probamus  
 aliqua esse inter se eadem vel similia, ut risus comparatione hominum ac Deo-  
 rum Homericorum. Quibus ita explicatis, & tanquam aperta via ad demon-  
 strandum eos modos differentiarum & propriorum, qui à Porphyrio traditi  
 sunt, esse vel inutiles vel falsos, & definitiones differentia ac proprii Dialecti-  
 corum, non posse esse veras: nunc demonstrabimus breviter hæc omnia, ut  
 ante polliciti fuimus. Differentiarum, inquit Porphyrius, alia communiter,  
 alia proprie, alia maxime proprie dicitur: ac differre communiter censet eos  
 quavis diversitate & quomodocunque, vel inter se vel ab alijs distant, ut cum  
 aliquis vel senex differt à se ipso olim juvene, vel sedens à se antea vel ab alio  
 non sedente. Proprie vero, cum accidens aliquod inseparabile diversitatem  
 facit, ut esse cæcis oculis, naso adunco. Maxime proprie, cum aliqua diffe-  
 runt inter se differentiis, iis, quæ specificæ dicuntur, ut esse rationale; quæ  
 animali adjuncta, hominis: & esse irrationale, quæ eidem animali apposita,  
 bruti speciem constituit. Ac rursus idem propriorum modos quatuor tradit,  
 unum qui soli speciei licet non toti conveniat, ut homini Medicum vel

Geo-

Geometram esse: Alterum qui toti speciei licet non soli competat, ut eidem homini esse bipedem: Tertium qui in tota quidem sit specie, sed non nisi certo tempore, ut rursus eidem homini in senectute senescere: Quartum qui in sola & tota specie, & semper reperitur, ut denuo in homine, hoc quod est, natum esse ad risum: & in equo, aptum esse ad hinnitum. De quibus tam differentiarum quam priorum modis dialecticis, ut omnes intelligant quid sentiendum sit, breviter ita dico: Porphyrium in tradendis differentiis vehementer errasse: primum quia non distinxit differentias differentes, à differentiis differre facientibus, quemadmodum nos antea fecimus: Deinde quoniam usum illarum vel nullum docuit, vel falsum: Ac nullum quidem, ut earum, quas primi & secundi modi esse dixit, cum tamen harum quoque usus aliquis sit ad definiendum non quidem genera, sed species sive singularia. Ut si quis quærat à me, exempli gratia, quis sit Socrates, & ego ita respondëam, is qui sedet vel qui ambulat, vel qui oculis est prominentibus & naso simo: nam talem fuisse Socratem, scribit Plato. In qua tamen rei singularis definitione, & in aliis similibus animadvertendum est, has quas Porphyrius appellat differentias non differentias esse, sed propria sive proprietates saltem tertii modi. Nam ad definiendum non differentiis, sed proprietatibus utimur, ut ante dixi & infra etiam clarius dicam in capite de Definitione. Ex quo licet intelligere Porphyrium etiam in hoc errasse, quod quæ non minus propria esse possunt quam differentia, ea pro differentiis tantummodo posuit. Quis enim dubitat sedere vel ambulare frequenter in aliquo loco, esse oculis cæcis, vel naso adunco, non minus esse vel saltem esse posse propria alicujus quam illius ipsius differentias? certe nemo sanus. Falsum autem usum docuit Porphyrius, cum dixit rationale, & mortale, & alia hujusmodi, quæ ille in differentiis numerat, ad definitiones faciendas esse accommodata. Namque, ut jam bis dixi, ad definiendum non differentiarum, sed priorum sive proprietatum usus est necessarius, & rationale ac mortale, quatenus ad definiendum hominem adhibentur, non differentia sunt, sed propria sive proprietates. Itaque Porphyrius in tradendis differentiis erravit vel quia non recte distinxit differentias inter se, vel quia non separavit eas à propriis, vel denique quia falsum usum earum docuit. In propriis vero exponendis, primum illum admisit errorem, quod nullum eorum tradidit usum, perinde ac si propria præter cognitionem nulli rei præterea usui essent. Alter vero error est, quia quemadmodum ante non separaverat differentias differentes à differentiis differre facientibus, sic hoc loco non distinguit propria convenientia, à propriis convenire facientibus. Præterea in traditione primi modi, non recte dixit, cum convenire soli, sed



non omni, esse enim *Medicum* vel *Geometra* non modo convenit soli, sed etiā  
(Hic male arguit, nam esse medicum potestate, non propria, sed figurata locutio est & Porphyrius  
 hic ipsum vult: actu esse med. cum, esse proprium p. m. modi, posse esse quarti.)  
 omni homini, potestate, scilicet, non actu, quemadmodum risibile. Nam si  
 convenire in illis proprii modis actu tantum intelligatur, neq; risibile conve-  
 niret omnibus hominibus, quia nec omnes nec semper ridet actu. Atque ideo  
 esse *Medicum* & esse *Grammaticum* tam est proprium hominis, quam esse ri-  
 sibile, ut recte inquit Laurentius Vallenſis in libro, & capite supra citato. Eo-  
 demq; modo non recte, sed malè Porphyrius tertium modum à secundo modo  
 separavit, tam enim homini seni proprium est canescere, quam homini simpli-  
 citer esse bipedem, Atque ideo si esse bipedem hominis proprium est secundi  
 modi, etiam canescere hominis senis secundi modi proprium erit, tam enim  
 semper canescit homo senex, quam homo semper est bipes: & quemadmodū  
 homo si non sit bipes, ne homo quidem vere est. sic homo senex, si non cane-  
 scat, non vere quidem senex esse possit. Quod autem pertinet ad secundum,  
 & quartum proprii modum, vere quidem illos Porphyrius tradidit, sed ut di-  
 xi, nullum eorum docuit usum, nec satis clare explanavit. Quare nos dici-  
 mus eorum modorum usum ad definitiones faciendas esse accommodatum.  
 Exemplum definitionis per secundum modum est, ut si ita dicam, *Lyneceus* est  
 animal quadrupes acutissimo visu præditum: Nam ex eo quod dicitur, qua-  
 drupes hoc proprio secundi modi *Lyneceus* ab *Aquila* separatur, quæ & ipsa  
 fertur acutissimum habere visum. Exemplum definitionis in quarto modo est  
 cum homo ita definitur, ut dicatur esse animal risibile. Quæ definitio tametsi  
 non est essentialis. ut Dialectici ajunt, tamen hominem in sua & propria spe-  
 cie constituit, & cum ab omni alio separat, quod non est homo. Atque hic est  
 verus omnium proprii convenientis modorū usus: qui quidem modi nō sunt  
 quatuor, ut Porphyrius putavit, sed tantum duo: nanque, ut dixi, primus illius  
 ad quartum, tertius ad secundum reducitur, atque ideo non remanent nisi  
 duo. Quorum unus, hoc est, qui est quartus Porphyrii, habet conditiones  
 duas, ut & inseparabilis sit ab eo cujus est proprium, & nulli alii præter quam  
 ei conveniat, unde non immerito vocari potest proprium inseparabile & pri-  
 vatum, hoc est, non commune alteri. Atque hoc modo dicimus esse hinnibile  
 equi, & esse latrabile canis, esse proprium. Alter vero proprii modus, qui  
 Porphyrii est secundus, ex duabus illis conditionibus, unam tantum retinet,  
 eo quod est inseparabilis maxime per naturam, sicut ille superior, sed non est  
 privatus verum communis etiam aliis. Atque ideo jure dici potest proprium  
 inseparabile tantum, hoc est, nō privatum sed commune. Juxta quem modum  
 Cicero vere asserit voluptates deorum esse proprias, non quod non in aliis  
 etiam reperiantur, præter quā in deis, sunt enim multis etiam aliis communes,  
 sed

sed quod à Deis separari atque auferri non possunt. Et Porphyrius recte ait, habere duos pedes esse hominis proprium, non recte autem Valla Porphyriū (Imò recte Valla, Porphyrius male. Proprii cum acceptum quatenus separabili opponitur, minus usitata est.)

reprehendit in primo Dialecticæ suæ libro, Cap. XX. ita scribens, Ne hoc quidem homini proprium, quod est ei, cū tot avium generibus commune. At ego tibi respondeo Valla, hoc est vere proprium hominis, si non privatum, at saltem inseparabile, quod satis est, ad hoc ut aliquid dicatur proprium. Quod si non ita esset, nec Cicero voluptates deorum esse proprias, nec Quintilianus lucere ignis esse proprium recte dixisset. Itaque de hoc proprii modo sic habendum est, cum ita esse verum, ut etiam esse rationale, esse mortale, atque adeo etiam esse animal, & alia omnia similia, vere sint huius modi propria hominis. Idque nulla alia ratione, nisi quia nunquam ab homine separantur, semper enim vere homo est rationalis & mortalis animal. Quis etenim me audeat reprehendere, si ita dicam? proprium est hominis esse rationale, propriū est hominis esse mortale, proprium est hominis esse animal, certe nemo, nisi forte Dialecticus aliquis sexcenties stultus, qui barbaros & imperitos Sophistas in loquēdo potius quam doctissimos & probatissimos Scriptores imitandos censcat, & una cum illis plusquam indoctissime putet rationale & mortale sic esse differentias, & animal sic esse genus, ut nihil unquam horum possit esse proprium. Cujus contrarium nos supra & rationibus & autoritate probavimus. Ac tales quidem sunt modi differentiarum ac propriorum, tam nostri veri, quam Adversariorum vel inutiles vel falsi: & eo quo diximus modo sunt veræ nostrorum definitiones. Nunc superest, ut refutemus falsas eorum definitiones à Dialecticis traditas, & ita Caput hoc absolvamus. Differentia, inquit Dialectici, est quæ dicitur de pluribus differentibus specie in eo quod quale essentialē, ut rationale. Proprium vero est quod dicitur de pluribus differentibus numero, in eo quod quale accidentale convertibiliter, ut risibile. Sic enim Dialectici præsertim recentiores definiunt differentiam & proprium, & quamvis aliæ quædam utriusque ferantur definitiones, tamen has duas existimant aliarum omnium maxime esse dialecticas. In quibus quidem duabus definitionibus insunt pene eadem omnia illa vitia, quæ supra fuerunt à nobis refutata in definitionibus generis & speciei dialecticis. Nam in eis & nomen rei pro re ipsa definitur: sunt enim differentia & propria maxima ex parte res non verba, atque ideo ut res non ut verba erant definienda, & dicendum quod ad differentiam attinet, vel, ut nos supra diximus, vel ut Valla in primo suæ Dialecticæ libro Cap. XX. Differentia est qualitas, qua species distinguitur à specie: omnis enim qualitas, qua distinguuntur aliqua inter se, qualitas est. Vel ut Vives in libello de Explanatione cujusque essentialis Diffe-

Differentia est, qua inter se res differunt, ut Plato & Socrates, nobilitate, formâ, ætate. Quod autem spectat ad proprium, rursus dicendum, vel ut nos ante docuimus, vel ut idem Valla ex Quintiliani autoritate eodem libro & capite: Proprium est aut quod soli accedit, ut homini sermo & risus, aut quod utiq; accedit sed non soli: ut igni calefcere, & sunt ejusdem rei multa propria, ut ipsius ignis lucere & calere: Vel ut Vives similiter eodem libro & capite; Proprium cuiq; est, & quod est diuturnum & perpetuum, ut Divorum proprię sunt voluptates, ait ille in Comœdia, & proprium quod cum alio non est commune, ut proprius Pauli mos: ita quod quisq; habet solus, id illi est proprium. Ex quibus duobus proprii modis à Quintiliano primum traditis, deinde à Valla, & à Vive confirmatis, ego superiorem illum, qui omni & soli accedit, supra nominavi proprium inseparabile & privatum: illum vero qui utiq; contingit quidem sed non soli, tanquam deficiens una conditione, appellavi proprium inseparabile tantum, sed non privatum, neq; uni tantum modo contingens. Proprium autem inseparabile & privatum, ut nos quoq; post tot ac tantos viros aliquam proprii hujus definitionem & fortassis veriore perfectioremq; addamus, nihil aliud est, nisi qualitas quædam, sive nota quædam, sive proprietas quædam unitantum ac soli contingens: qua fit, ut ipsum primum in sua ipsius specie constitutur. Deinde etiam ab omni alio, quod diversum sit, distinguatur. Ex quibus duabus conditionibus in hac nostra proprii definitione apposis, prima illa, quæ est, in sua ipsius specie constituere, tribuitur proprio & est proprii ipsius, ut proprium est. Est enim suum ac proprium proprii officium, ut id cui contingit, in propria specie constituat. Alia vero quæ est, ab omni alio, quod diversum sit distinguere, tribuitur quidem & ipsa proprio, sed non ut proprium est, verum ut differentia est. Ut enim proprii munus est, in sua specie constituere, atque ideo. ut supra dictum est, ejus usus ad perfectas definitiones faciendas est necessarius, sic differentię suæ ac privatum officium est, ab omni alio distinguere. Ex quo patet id quod etiam infra melius dicetur in capite de Definitione, Aristotelem & Peripateticos non recte præcepisse, definitionem ex genere & differentia, vel differentiis esse faciendam, cum differentię partes non sint, ut res definiant, sed ut res definitas ab aliis omnibus distinguant. Et quamvis contingat, unam eandemq; re esse & proprium & differentiam, & definire ac distinguere, ut habere tres angulos, exempli gratia, in definitione trianguli, tamen non eadem comparatione est utrunq;: nec eadem ratione facit utrunq;. Nam habere tres angulos ut est proprium trianguli & comparatur triangulo, ipsum definit & in propria specie constituit, ut autem est differentia & comparatur cum aliis, distinguit & dif-

distinguit & differre facit triangulum ab omnibus aliis, quæ non sunt trian-  
gula. Atque hoc modo una eademque res, & proprium & differentia est ac  
propriæ & differentię officium facit, sed diversa tamen comparatione & ra-  
tione: Quod nec Aristoteles, nec Peripateticorum aliquis unquam vidit, & si  
vidit, non satis aperte & clare visus est explicare. Sed ut redeam unde discessi,  
definitiones differentię ac proprii, quas attulimus proxime supra, non de dif-  
ferentiis differentibus, nec de propriis convenientibus sunt, sed de differen-  
tiis & propriis differre ac convenire facientibus. Hæc namque sunt illæ diffe-  
rentię & illa propria de quibus intelligunt disputantes, cum dicunt argumen-  
tum à differentia, sive à proprio esse suniptum: cætera non tam differentię  
quàm propria, quod ad argumentandū pertinet, à speciebus non sunt differen-  
tia. Omnia vero quæ differunt, ut recte inquit Ludovicus Vives in libro su-  
pra citato, sunt aut diversa tantum, aut diversa & varia, aut non solum diver-  
sa & varia sed etiam separata. Diversa tantum sunt, exempli gratia, duæ  
partes, sive duo dimidia hujus chartæ albæ integræ: diversa & varia, ut ea-  
dem duo dimidia, si alterum album alterum nigrum sit: diversa & varia &  
separata, ut hæc eadem dimidia si non solum varia sint, cum dixi, sed etiam di-  
scissa in partes duas. Ut diversitas ad essentiam duorum dimidiorum chartæ,  
varietas ad diversitatem coloris, separatio ad compagem eorum referatur.  
Quod dixi de iis, quæ differunt, idem dico de iis, quæ conveniunt, ut  
enim tribus modis aliqua possunt differre, sic etiam tribus modis possunt esse  
convenientia, hoc est, ut permancam in eodem superiore exemplo, vel quia  
duo dimidia hujus chartæ non sint discissa, sed eandem habent continuitatem,  
vel quia unum & eundem habent colorem, vel quia, si fieri posset, sint omni-  
no unum dimidium non duo. In summa de differentiis & propriis, communiter  
hoc pro certo haberi volumus, omnem differentiam tā differentem quàm dif-  
ferre facientem, unam & eandem posse etiam esse proprium, tam conveniens  
quàm convenire faciens, & similiter omne proprium tam conveniens quàm  
convenire faciens, posse esse differentiam tam differentem quàm differre fa-  
centem, utroque tamen hac conditione servata, si ad alia & alia comparen-  
tur. Nam ratio, sive esse rationale, exempli gratia, si conferatur cum homi-  
ne, est proprium inseparabile, licet non privatum & solius si vero non cum  
homine sed cum cæteris animalibus comparatur, non jam amplius proprium,  
sed differentia sit necesse est. Differt enim homo à cæteris animalibus, quia  
rationem habet, quæ carent illæ. Item risus sive esse risibile, comparatum ho-  
mini est proprium inseparabile & privatum: at vero collatum cum aliis ani-  
malibus non proprium est hominis sed differentia. Nam sicut omnes singula-

res homines inter se conveniunt, quia ridere possunt, sic etiam differunt à cæteris animalibus, quæ facultate ridendi carent, & sunt, ut ita dicam, irrisibilia, & sic apparet, ut etiam ante dixi, & omnia propria differentias & ferè omnes differentias propria esse posse, pro varia & diversa rerum inter se comparatione. Quod usq; adeo verum est, ut Rodolphus Agricola quodam loco definiens differentiam dixerit eam esse propriam rei notam, deceptus, scilicet, hac quam dico varia rerum comparatione. Sed non ita faciendum erat à Rodulpho, nam si contingit unam eandemq; rem esse & propriam & differentiam, non idcirco tamen dicendum est, proprium esse differentiam, aut differentiam proprium, sed utrunq; ab altero comparatione distinguendū, ut nos facimus. Perinde enim peccasti dicendo, Differentiam esse propriam rei notam, ut si dixisses, aquam esse ignem, aut calidum esse frigidum. Sed ut semel finiam, hæc quæ dixi, omnia sunt non solum contra Rodolphum, sed generaliter contra stultā & ineptam Dialecticorum opinionem, qui & propria & differentias sic immobilia esse putant, ut unum & idem subiectum simul non possit esse & differentiam & proprium, mutata scilicet, ut dixi, comparatione, Cum nec differentia nec propria nec adeo species neq; genera sint, id quod dicuntur, nisi certa quadam collatione, qua mutata desinunt esse id quod erant, & in aliam quasi naturam transformata, amittunt pristinum nomen, & aliud novum acquirunt. Sed ut redeam ad supra dictas definitiones differentia & proprii à Dialecticis traditas, dico eas totas eodem modo quo illarum generis, & speciei, esse falsas, vel quia res veras definiunt perinde ac si essent voces ac nomina, vel quia etiam si essent voces, tamen non distinguunt ab aliis per id quod est, dici de pluribus vel specie vel numero differentibus, vel in quale essentialia, vel in quale accidentalia; eo quia omnes voces appellativæ proprie dicuntur de pluribus & specie differentibus & tam in quid quam in quale. Nam rogatus quis quid sit homo? non minus recte respondere potest, est rationale vel risibile, quam est animal; & rursus interrogatus, qualis est homo? non minus rectam afferat responsionem si dicat, est animalis, quam si dicat, est rationalis vel risibilis. Itaque nulla est in istis definitionibus differentia ac proprii, quæ à Dialecticis afferuntur, quæ vitio careat. Quod autem pro exemplo differentia, afferunt rationale, pro exemplo vero proprii, risibile, non minus recte facerent, si pro exemplo differentia ponerent risibile, & pro exemplo proprii, rationale. Cum, ut dixi, hæc omnia non nisi pro varia eorum comparatione modo propria modo differentia sint: nec adeo recusent etiam quia sint genera & species, si comparatione mutata pro generibus & speciebus accipiuntur. Ex quibus liquet quæcunque à Dialecticis dicuntur de differentia & proprio

proprio pene omnia esse falsa, aut supervacua, aut barbara. Quod autem aiunt omnia quæ differunt aut idem sunt, uno aliquo trium modorum differre, aut idem esse, hoc est, aut genere, aut specie, aut numero: nos tantum duos priores differendi & idem essendi modos recipimus & approbamus, tanquam veros & communiter usurpatos ab omnibus probatis Scriptoribus tam Græcis quam Latinis: & eos ita intelligimus, ut differre genere nihil aliud sit, nisi esse in differentibus generibus, ut animal & vitium, quorum unum est in genere substantiæ, alterum in genere qualitatis: esse idem genere, nisi in uno & eodem genere, ut homo & leo in eodem genere animalis, differre specie, nisi esse differentes species vel divisibiles vel indivisibiles. Divisibiles, ut rursus homo, atque leo differentes animalis species existunt: Indivisibiles ut Socrates & Plato, quæ sunt diversæ species indivisibiles generis Atheniensium, vel generis hominum: esse idem specie, ut Numa & Pompilius, vel Marcus & Antonius, quæ sunt duo nomina unam tantummodo speciem indivisibilem significantia. Et sic omnia, quæ differunt vel idem sunt magnitudine, nobilitate, doctrina, divitiis, & cæteris huiusmodi rebus, necessario differunt vel idem sunt, altero horum duorum modorum, hoc est, genere vel specie magnitudinis, genere vel specie nobilitatis, genere vel specie doctrinæ, & in aliis eodem modo. Atque ita nos tantum hos duos differendi & idem essendi modos ponimus, & approbamus. At vero tertius ille modus, qui à Dialecticis dicitur *differre numero vel esse idem numero*, eo, scilicet, modo, quo ab ipsis intelligitur, *prorsus rejicitur atque improbat* à nobis, tanquam à nullo recte loquente Scriptore neque Græco neque Latino receptus aut usurpatus. *Scriptores enim recte loquentes ea intelligunt differre numero, quæ habent differentem numerum*: atque ita globus decem militum differt à globo viginti militum: idem vero numero, quæ habent eundem numerum, & hoc modo, duo exercitus, quorum uterque constet decem millibus hominum, esse idem numero recte dicuntur. Atque hinc passim apud probatos Scriptores reperias decem numero, centum numero, mille numero, & infinita alia huiusmodi, quæ locutiones non ad id quod esse idem vel differens, sed ad aliquem determinatum numerum semper referuntur. At vero differre numero & esse idem numero ad eum modum, quo Dialectici intelligunt, nemo unquam recte loquens, quod quid ego sciam, dixit aut scripsit. Nam Socrates & Plato, quomodo possunt differre numero, ut ipsi volunt, cum uterque eorum eundem habeat numerum, hoc est, unitatem? Et Marcus Antonius solus, quo pacto potest esse idem numero, aut ipse secum, aut cum alio, cum sit tantum unus & individuus homo? Certe ego non video qua ratione Dialectici hæc dicere possint, nisi forte putent



unum & eundem hominē posse esse duos homines, & illos duos homines rursus posse fieri unum & eundem hominem numero. Quod quamvis absurdissimum sit, tamen ab eorum imperitia & ruditate non est alienum. Itaque qui recte philosophari cupiet, istas omnes Dialecticorum insanias rejiciet & improbabat, & cū dicere volet, quomodo differant Socrates & Plato, eos non numero, sed specie differentes esse dicet. Et si rogetur qua rationale id faciat, respondet, quia Socrates & Plato habent eundem numerum, hoc est, unitatem: & propterea non possunt differre numero, at vero quia sunt duæ diverse species indivisibiles generis Atheniensium, vel generis hominum, idcirco specie differre recte dici: Eodemque modo faciat, cum aliqua idem esse probare volet, hoc est, ostendat ea unam eandemque speciem indivisibilem esse.

### CAPUT QUARTUM.

*De accidente vero quidem sed inconstanter definito, & simul pauca quadam de falsis universalibus, & eorum vanis questionibus in universum.*

**P**orphyrus in capite de Accidente, quod est quintum & ultimum universale dialecticum, recte quidem definivit Accidens cum dixit, ipsum esse id quod adest & abest præter subjecti corruptionem. Quicquid enim ita potest & adesse & abesse, ut subjectum id, in quo est, nō corrumpatur, recte videtur & esse & appellari accidens: quo vocabulo usus est etiam Quintilianus in eadem significatione. Et quoniam adesse & abesse revera non voces sed res sunt, idcirco accidens vere & recte non tanquam vox, sed tanquam res definitum fuit à Porphyrio. Sed tamen in hac ipsa definitione Porphyrius valde inconstanter & inconsiderate se gessit. Nam cum supra definivisset genus, & speciem, & differentiam, non tanquam res sed tanquam voces, hoc in loco nescio quā inconstantia vel imprudētia vel oblivione ductus accidentis non tanquam vocis sed tanquam rei definitionem attulit. Sed quæ (malum) est ista tua vel inconstantia, vel imprudentia, vel oblivio ô Porphyri? necesse est enim existimes universalia omnia esse aut res, aut voces, aut partim res partim voces, aut certe res & voces simul: Si omnia universalia res sunt, cur non omnia tanquam res, & si omnia voces, cur non omnia tanquam voces definiuntur? quorum neutrum fecisti. Quod si forte dixeris, ea esse

vel

vel partim res partim voces, vel simul & res & voces: statim à te petam, & flagitabo ut mihi tantæ istius ac tam monstroſæ diverſitatis rationem reddas: quam tu nunquam neque veram neque probabilem reddere poteris. Præterea nec illud recte à te factum eſt, quod inter univerſalia numeraveris accidens, ſubſtantiam autem non numeraveris. Nam cum tam ſubſtantia quam acci- dens de ſuis inferioribus prædicetur, & vere univerſalis ſit, ut Dialectici fatentur, quid cauſæ fuit, cur alterum, unum ex quinque univerſalibus ſeceris, alterum non feceris? aut cur non ſex potius adjecta ſubſtantia quam quinque tantum univerſalia faciendâ putaris? At inquis, genus, & ſpecies, & differentia tanquam ſubſtantia de ſuis inferioribus prædicantur, atque ita licet ſubſtantia inter univerſalia non fuerit recepta nominatim, tamen tanquam recepta & nominata intelligitur. Sic enim Dialectici protectores tui te intellexiſſe aiunt. At ego & Tibi & Dialecticis reſpondeo, neque genus verum, neque ſpeciem veram, neque differentiam veram, ſed tantummodo vocem generis, vocem ſpeciei, vocem differentię dici ac prædicari de ſuis inferioribus, ut ſupra dixi & probavi: quia dici & prædicari non rerum ſed vocum proprium eſt. Atque ideo non poteſ non vehementer erraſſe, primū quod exiſtimavi genus & ſpeciem & differentiam tanquam non voces, ſed res & univerſalia realia dici & prædicari de aliquo. Deinde quod poſteaquam ita exiſtimaras, nō omnia univerſalia aut tanquam res aut tanquam voces definiſti: Et poſtremo quia, cum accidens inter univerſalia numeraviſſes, ſubſtantiam non numerandam ſed relinquendam putavi, Atque hæc ſunt ō Porphyri omnia tua in Capite de accidenti admiſſa errata. Nunc pauca audi de falſis univerſalibus tuis, & eorum vanis quæſtionibus in univerſum. In primo ſtatim procemio Iſagoges tuæ, quod ais, cognitionē univerſalium tuorum valde utilem eſſe ad dividendum, ad definiendum, ad demonſtrandum, dico te non dicere verum, quia quod nō eſt, nec eſſe poteſt in vera rerum natura, non poteſt ad ullam rem faciendam eſſe utile: ſed talia ſunt omnia univerſalia realia, ut ſupra probavimus: ergo quod polliceris de utilitate univerſalium, non poteſt eſſe verum, ut etiam infra clarius oſtendetur in Capite ſequenti, ubi de falſis dividēdi & definiendi Dialecticorum præceptis agemus. Quare hic tantummodo Lectorem admonitum eſſe volo, nō eſſe verum id quod tu ſtatim in ipſo Iſagoges tuæ principio dicis. Quod autē ſtatim poſtea addis, te prætermiſſis obſcurioribus quæſtionibus, ea quæ ſint faciliora tractaturum, multo minus verum dicis quam ſuprà: Quis enim, non dico puer aut adoleſcens, ſed vir jam ſenior, & totam vitam ſuam in ſtudiis verſatus percipere, aut animo comprehendere queat univerſalia realia? hoc eſt, rem unam uſque adeo dubiam, obſcuram, incertam, controverſam,

ut in duobus prope millibus annorum à tot tantisque philosophantiū capitibus & ingeniis nunquam decerni ac decidi potuerit, subsistantne per se se, an in solis animis sint: & si subsistant per se, num corpora sint, an corporis expertia: & denique qualiacunque sint, num abstracta sint à sensibilibus, an in ipsis sensibilibus immersa: quis inquam hanc tam litigiosam, tantisque tenebris obrutam rem unquam percipiat, aut animo comprehendat? certe nemo: nec tu o Porphyri, nec Aristoteles tuus, nec aliquis unquam Dialecticorum satis intelligere potuistis quid & quale esset universale, sed tantummodo ipsum ab Aristotele inconsiderate acceptum, & temere approbatum, tot tantisque librorum voluminibus celebravistis & diffudistis per universum orbem terrarum: non alia prudentia aut sapientia quam Ægyptii illi, qui allium & cepas inter Deos referunt, & ea tanquam Deos colunt & adorant. Quanquam multo major est insania vestra quam Ægyptiorum illorum, illi enim inter deos referunt ea, quæ licet non sint Dii, tamen vere sunt in rerum natura: vos in Philosophiam introducitis ea, quæ nec unquam fuerunt, nec sunt, nec erunt, & quod peius etiam est, nec esse possunt. Itaque quæstiones illæ omnes de Universalibus Dialecticorum præsertim recentiorum, & ante omnes Reverendi illius Magistri *Philippi Mucagata*, prorsus sunt vanæ & futiles.

Utrum universale sit subjectum in libro prædicabilem.

Utrum tantum quinque sint universalia.

Utrum universalia sint extra intellectum.

Utrum universale verius sit in anima, an in singularibus, an in se.

Utrum universalia sint corporalia, an incorporalia.

Utrum universalia sint separata à sensibilibus.

Utrum in definitione generis definiatur prima intentio, an secunda.

Et aliz quamplurimæ huiusmodi quæstiones plusquam sophisticæ & inanes, quibus ego omnibus breviter respondeo. Universale non esse subjectum in libro prædicabilem, quia quod non est, in nullo libro subjectum esse potest, & quia cum universalia falsa sint, prædicabilia ipsa, & liber ipse prædicabilem non possunt non esse falsa: ut omittam interim profundam barbariem vocabuli prædicabilis falsitati universalis adjunctam: Deinde non esse quinque universalia, quia ne unum quidem verum est. Deinde universalia non esse nec in anima, nec extra animam, nec in se nec in alio, nec in singularibus nec extra singularia, quia nusquam sunt, nisi tanquam Chimææ, atque Centauri. Deinde universalia nec esse corpora nec incorporalia, nec in sensibilibus nec separata ab illis, eadem, quam supra diximus, ratione. Postremo in definitione generis dialectica non definiri neque primam intentionem neque secundam, eo quia,

eo quia, ut ante dixi, cum universalia realia sint falsa, nec prima eorum intentio potest esse vera, & cum prima intentio non vera sit, multo minus secundam posse esse veram. Possem hic quoque respondere multis aliis eodem modo vanis & inanibus Dialecticorum quæstionibus, partim de specie, partim de differentia, partim de proprio, partim de accidente: Sed ex his quæ hæcenus à nobis dicta fuerunt de universalibus, satis patere arbitror quomodo ad omnes alias huiusmodi Dialecticorum meras nugas & insanias sit respondendum.

## CAPUT QUINTUM.

*De præceptis dividendi, & definiendi oratoriis veris, & Dialecticorum falsis.*

**Q**Uoniam, ut dixi in superiore Capite, Porphyrius in proœmio Isagoges suæ falso ait, cognitionem universalium esse utilem ad dividendum & definiendam, idcirco studiosi philosophiæ candidati mihi visi sunt hoc loco admonendi, non esse verum id quod ipse dicit, & pauca de præceptis dividendi & definiendi tam nostris veris quam Adversariorum falsis esse dicenda. Atque ut à ratione dividendi primo incipiam, ita breviter dico: omne quod dividitur esse totum aliquod vel continuū vel quasi continuū, vel discretum vel quasi discretum: ac præter hæc quatuor totorum genera nihil omnino posse dividi, ut supra diximus in capite de Totis. Ac de toto quidem continuo & quasi continuo, discreto & quasi discreto, quoniam Dialectici nihil vel parum admodum à nobis dissentiant, idcirco de divisione horum in præsentia dicere supersedebo, & tantum docebo, cum dividitur genus in species, ut animal, exempli gratia, vel genus animalium in rationalia & irrationalia, nihil aliud dividi, nisi totum aliquod discretum vel multitudo aliqua singularium animalium in suas partes discretas, non totum universale, ut dicunt Dialectici, in partes subiectivas. Jam enim supra satis refutatum est totum istud universale, & ostensum cum universale non sit verum, simul etiam totum universale verum esse non posse. Quod cum ita sit, relinquitur in divisione animalis sive generis animalium, nihil aliud dividi posse, nisi totum discretum & multitudo singularium, ut dixi: & qui genera rerum aliud esse quam res, & tota discreta & multitudines singularium putant, eos vehementer decipi, & toto, ut aiunt, errare cælo. Dico autem genera esse multitudines quasdam singularium majores, quæ cum dividuntur nihil aliud sit, nisi di-  
divi-

diducuntur in alias plures multitudines minores, & rursus minores illæ secantur in alias minores sive divisibiles iterum sive indivisibiles: Inter quas partes minores nulla alia est differentia, nisi quod, cum ad indivisibiles ventum est, ibi cessat divisio discretorum, & incipit partitio continuorum. Ac de divisione totorum discretorum, quæ genera sunt, ita est tenendum omnibus qui recte philosophari cupiunt, atque omnia universaliter realia Dialecticorum improbanda & rejicienda, tanquam res prorsus falsas & meras hominum imperitorum nugæ. Divisionum autem generis sive totius discreti in partes multi sunt modi ratio enim dividendi, Alia est ex forma, quam vocant, ut corpus aliud animatum est, aliud expers animæ: Alia ex materia, ut arborum alia ex semine sunt, alia sponte nascuntur: Alia ex adjacentibus, ut animalium aliud mansuetum, aliud ferum: Alia ex subiectis adjacentium, ut feritas alia serpentis, alia reliquarum belluarum est: Alia ex actibus, ut hominum alius studio, alius lucro, alius voluptati operam dat: Alia ex efficientibus, ut animalium aliud parentis efficacia, aliud calore solis, aliud putrefactione gignitur: Alia ex effectis, ut animalium aliud fœtum, aliud ovum, aliud vermem parit: Alia ex fine, ut rerum domesticarum, alia ad usum, alia ad voluptatem pertinent: Alia ex iis, quæ ad finem spectant, ut, opum parandarum cautæ, alii justam operam navant, alii scenerantur, alii vi rapiunt, alii fraude subducunt: Alia ex loco, ut animalium, aliud in terra, aliud in mari degit: Alia ex tempore, ut flores aut hyberni sunt, aut verni, aut æstivi, aut autumnales: Alia ex connexis, ut homines alii servi sunt, alii domini, alii neutrum: Alia ex contingentibus, ut musicorum quidam literas sciunt, quidam prorsus sunt illiterati: Alia ex pronuntiatis, ut quidam hominum laudati sunt, quidam vituperati, quidam silentio latent: Alia ex comparatione, ut populares, quidam infra regem sunt opibus, aliqui pares, nonnulli superiores: Alia ex similibus, ut aliorum vitæ propositum industria formicam imitatur, aliorum segnitie similis est muscis. Atq; his ferè tot modis dividitur omne genus sive totum discretum in partes: quos omnes modos recte recenset Rodolphus Agricola in primo de Inventione dialectica, cap. VII. & ibidem vere ait, divisione vocis in res significatas, ut tauri, in domesticum animal, fidas, & montem: divisionem rei in nomina, ut non patiar, non feram, non sinam: & rursus recensionem plurium nominum, qualia sunt hæc tria, M. Tullus, Cicero, & alias hujusmodi explicationes, non esse divisiones, sed potius enumerationes vel multarum significationum alicujus vocis, vel multorum modorum explicandi eandem sententiam, vel deniq; multorum nominum, quæ alicui insunt. Nec vero nõ recte improbat opinionem Boethii in libro de Divisionibus, qui



ait, omnem divisionem, quæ non fit per ea, quæ in substantia sunt, esse aut subiecti in accidentia, aut accidentis in subiecta, aut accidentis in accidentia. Nam hæc omnia nihil aliud sunt, nisi divisiones generum sive totorum discretorum accidentalium in suas partes sive species accidentales. Itaque nihil erat necesse ut à divisione generis in species sive totius discreti in partes separarentur. Cum tam sit divisio generis in species hæc, alborum alia sunt calida alia frigida, quàm hæc, animalium alia sunt rationalia alia irrationalia: tam enim calida & frigida quandoque sunt in genere alborum, quàm rationalia & irrationalia in genere animalium. Quod autem ait Rodolphus, opposita & differentia prorsus abhorreere à ratione dividendi, eo quod necesse sit, quicquid dividitur, de iis prædicari, in quæ divisum est, longe abest à veritate, cum nullum totum divisum sive id discretum sit sive continuum de suis partibus prædicetur in recto casu, idq; non solum quia res sit non vox, sed etiam quia sequeretur totum esse partem suam, hoc est, decem fortassis esse quinque, & hominem esse brachium. At dicet fortasse aliquis, nonne ita loquimur? homo est animal? candor est color? ex quibus loquendi modis videtur animal & color, quæ sint genera & tota quædam de homine & candore in recto casu dici. Sed res longe aliter se habet, nos enim supra ostendimus in talibus enuntiatis, neque animal neq; colorem esse genus aut totum, sed perinde esse ac si diceretur, unus homo est unum animal, & unus candor est unus color: eo quia tam suppositum quam appositum in utroque enuntiato est singulare, propriè positum & semel tantummodo enuntiatum: quo in casu singulæ voces non nisi unum significare possunt. Sed de his antea satis, nunc breviter pauca quoque subjungamus de præceptis definiendi, de quibus hoc sit primum, omnē bonā definitionem fieri non ex genere & differentia vel differentiis, ut Aristoteles & cum Aristotele Dialectici omnes affirmant, sed ex genere & proprietate quadam vel communium frequentia, ut Cicero longe melius & doctius quàm Dialectici & Philosophi omnes, dicit in Partitionibus oratoriis, cujus hæc sunt verba, Non dubium est id quidem quin definitio genere declaretur, & proprietate quadam, aut etiam communium frequentia, ex quibus proprium quid sit cluceat. Hæc Cicero, quæ verba quoniam sunt paulo obscuriora, & à Stræbeo Sturmiioq; ejus libri Interpretibus non satis intellecta, idcirco à nobis paulo clarius explicanda censuimus. Ergo quod Cicero ait definitionem declarari ex genere & proprietate quadam ita intelligendum est, ut si dixisset, ex genere communi, & ex genere proprio ac privato. Namque, ut nos supra diximus, commune, & genus commune, proprietas sive proprium, & genus proprium idem sunt: atq; ideo quod Cicero simpliciter dicit ex genere

T

non



non aliter intelligendum quàm ex genere communi. Quod addit & proprietate quadam, id quoque sic accipiendum est, ut si dixisset, ex proprio sive ex genere proprio. Et quoniam sunt duo modi generum propriorum, unus ut opponitur communi, alter ut opponitur separabili: de eo intelligere debemus, quod communi opponitur, quodq; verissime est, proprium conveniens omni soli & semper, ut esse risibile homini, & esse latrabile cani terrestri: Nam illud alterum quod opponitur separabili, convenit quidem omni & semper sed non soli, ut esse rationalem vel esse bipedem homini, quorum alterum est commune ei cum Diis, alterum cum multis avium generibus: sed quoniam neutrum ab homine naturaliter separari potest, idcirco utrunq; est proprium inseparabile tantum, ut in superiore diximus capite. Ergo cum dicitur in loco illo Ciceronis, & proprietate quadam intelligendum est de genere proprio & privato, quod nulli alteri sit commune, & id genus proprium in definitione, exempli gratia, hominis sic cum genere communi jungendum, ut dicatur vel hoc modo, Homo est animal risibile, quæ definitio constat ex genere communi remoto: & genere proprio privato: Vel hoc modo, Homo est rationale risibile, quæ altera definitio ipsa quidem constat etiam ex genere communi, sed propinquior, & ex genere proprio privato. Quarum definitionum utraque quidem est vera & perfecta, quia constituit hominem in proprio & privato genere, & separat eum ab omni alio quod non est homo. Sed quoniam risibile videtur esse non proprium hominis privatum, sed commune etiam Deorum Poeticorum: & quoniam summa est inopia talium propriorum privatorum, & non communium, idcirco authores, definitionem hominis libentius faciunt ex genere communi remoto, & duobus generibus ite communibus sed propinquantioribus, ut cum dicunt, Hominem esse animal rationale mortale: Animal enim est genus commune remotum, rationale & mortale genera communia propinquiora: Et hoc est illud, quod Cicero ait, aut etiam communium frequentia, hoc est, generum communium propinquiorum multitudinem, quæ necessario ad definiendum assumuntur, cum nullum reperitur proprium privatum. Nam duo vel plura genera communia propinquiora vicem unius generis proprii privati supplent. & in ejus carentia percommode ad definiendum adhibentur, & hoc est illud alterum, quod Cicero in fine subiungit, ex quibus proprium quid sit eluceat: Hoc igitur modo, atq; his præceptis servandis apud Oratores fiunt bonæ & perfectæ definitiones, in quibus faciendis nulla sit mentio differentiarum aut differentiarum, sed solius generis & proprietatis vel etiam communium frequentia, hoc est, ut nos intelligimus, solius generis communis, & solius generis proprii privati, vel multorum generum communium propinquiorum.

Sed

Sed dicent fortasse Dialectici, nonne ratio sive esse rationale, facit differre hominem à brutis? & mors sive esse mortale eundem distinguit à Deis? certe hoc non potest negari: quomodo igitur rationale & mortale non sunt differentię? aut quomodo tu, aut Cicero, aut quisquam alius audent inficiari hæc atq; alia huiusmodi in definitionibus posita esse veras & germanas differentias? Hæc inquam mihi fortasse dicent Dialectici, quibus respondeo, ut etiam supra dixi, rationale & mortale & alia id genus duobus modis comparari posse, uno modo ad hominem in cuius definitione ponuntur, & hoc modo non sunt differentię, sed propria hominis: esse enim rationale & esse mortale hominis propria sunt, non quidem ut proprium opponitur communi, sed ut opponitur separabili, ut ante dictū est, neutrum enim eorum ab homine separari potest: Altero modo ad differentias oppositas, hoc est, & rationale ad irrationale, & mortale ad immortale: & hoc altero modo comparata veræ sunt differentię, & differentes & differre facientes: differentes, quia sunt species differentes sui cuiusque generis: differre facientes, quia hominem à brutis & à Deis distinguunt atq; separant. Ex quo patet recte Ciceronem dicere, *definitionem fieri ex genere & proprietate, aut etiam communium frequentia*, ex quibus proprium quid sit eluceat: eo quia, quæ unà cum genere communi ingrediuntur in definitionem, necesse est, ut sint propria, aut communia proprium efficientia: perverse autem Dialecticos affirmare differentiam vel differentias ad definitionem faciendam esse necessarias. Cum quatenus differentię sunt, non ad rem, quæ definitur, comparentur, sed ad differentias contrarias: & cum tantum absit, ut definitio differentiis construatur, ut contra potius constet eam differentiis destrui, ut & nos quotidiana docet experientia, & Quintilianus Ciceronis sententiam confirmans testatur in quinto Oratoriarum Institutionum, cuius hæc sunt verba: *His adjiçunt propria differentia, à propriis confirmatur finitio, differentiis solvitur.* Hæc Quintilianus, qui & rei ipsius veritatem & Ciceronis sententiam secutus, ipse quoq; asserit definitionem non solum propriis fieri, sed etiam differentiis everti: & recte. Nam si quis definies, exempli gratia, stirpes, diceret eas esse viventia animata, quemadmodum Aristoteles & Peripatetici omnes falsissime existimant, ego contra statim dicerem, illam definitionem esse falsam, & eam destruerem argumento sumpto à differentia, eo quod stirpes viventia quidem sunt, sed inanimata, quæ sunt differentia ab animatis: Stirpes autem non animatas esse, sed inanimatas, probarem iis autoritatibus & argumentis, quæ infra dicturus sum in constructione arboris nostræ generis, & in destructione arboris Dialecticorum: quare si quis ea videre vult, inde petat. Item si quis definiret hominem

esse animal irrationale, quomodo posset is meliore ulla ratione refutari, quam per differentiam contrariam, hoc modo? immo homo est animal rationale, quia ratione utitur, vel uti potest, vel saltem ut ea utatur natus est, quæ omnia sunt contraria irrationali. Quibus duobus exemplis, & aliis multis hujusmodi sine ulla dubitatione probatur, quod Cicero & Quintilianus de definitione tradunt, nempe, cam fieri ex propriis, non ex differentiis: & differentias non ad construendam, sed ad destruendam definitionem esse accommodatas. Nā per deos immortales, quomodo potest quicquā constitui ab eo quod ab ipso differat? At enim facit differre id, quod definitur ab omni alio: audio & fateor, sed dico, ea quæ in definitione ingrediuntur, duo facere, quorū unū ac præcipuum est, ut constituent id, quod definitur in sua specie, alterū ut ipsum differre faciant ab omni alio: atque ita quatenus constituunt, priorū, quatenus vero distinguūt, differentiarū nomen sibi vendicant. Nanq; ut supra dixi, nihil potest esse proprium alicujus, quin id cuius est propriū ab aliis distinguat. Atque ideo si quis ita definiret propriū & differentiā, ut diceret, propriū id esse, per quod species rei in suo esse constituitur: differentiā vero, per quā species à specie separatur, is & rectam & probabilem asserret definitionem. Ex quo etiam clarius apparet, à

( Hoc totum Vitelligatio est: nam quod speciei proprium, id generis differentia esse intelligitur. Idemque est dicere speciem definiri per genus & proprium suum, & eandem definiti per genus & differentiam generis. )

Dialecticis non recte dici, definitionem fieri ex differentia vel differentiis, cum non ex differentiis, sed ex propriis constitui dicatur, & quamvis contingat in eadem definitione unum & idem esse differentiam & proprium, ut rationale exempli causa, in definitione hominis, non propterea tamen recte dicas hominem fieri ex rationali, ut est differentia, sed ut proprium est: ex propriis enim, ut ante dixi, constituuntur rerum species, ex differentiis vero sive differentibus distinguuntur & separantur. *Nec illud etiam recte à quibusdam traditur, Definitionem totius rei definitæ essentiam explicare debere, & ad perfectam definitionem faciendam omnes quatuor causas adesse oportere.* Hujusmodi enim definitiones vitiosæ sunt, & multa continent supervacua: nam cum definiens hominem dixeris, cum esse animal rationale mortale, quid opus est addere, ex carne & ossibus cæteris membris constans? quæ est causa materialis: & à sole & homine genitum? juxta illud, Sol & homo generant hominem, quæ est causa efficiens: & ad beatitudinem præsentiamque Dei fructum natum? quod ad causam finalem pertinet: certe nihil est opus, cum satis ex tribus illis, quæ supra dixi verbis, causam, quam vocant, formalem continentibus, definitio hominis perfecta sit. At Galeus in quarto de Differentiis pulsuum, duas definitionum formas ponit, unam quæ notionem explicet, quam ipse *ἰννομασίαν*, hoc est, notionalem, Aristoteles vero *ὁρομασίαν*,

hoc

hoc est, definitionē nominis appellat: alterā, quæ rei essentiā docet, & ideo *essentiā*; hoc est, essentialis ab eo dicitur: exemplū notionalis hoc est, ut si quis dicat, pulsum esse motū continuū & naturalē, qui in certis quibusdā corporis partibus non solum tactu, sed etiam visu interdū percipitur: & irā esse libidinē puniendi ejus qui videatur læsisse injuria. Essentialis autem hoc, ut si definiens eundē pulsū, quis ita dicat, Pulsus est actio peculiaris primū cordis, deinde arteriarū, quæ distentione & contractione moventur à facultate vitali, quo calor innatus mediocritas retineatur, generetur autē in cerebro spiritus animalis: aut irā hoc modo definiat, Ira est sanguinis sive caloris ejus, qui circa cor est, fervor & ebullitio. Utrāque enim horū definitionē, hoc est, tam notionalē quam essentialē tradit Galenus in eo, quem dixi libro. *Sed illa essentialis mea quidem sententia, non (recte) ita est definitio quam explicatio & enumeratio quadam omnium causarū & qualitatum rei:* Nam qui tot verbis, & tā longa descriptione rē explicat, is mihi videtur fungi officio ac munere non simplicis definitoris, sed doctoris perfectā doctrinam de re aliqua tradere cupientis & propterea nos hujusmodi causarum enumerationes, potius descriptiones & explicationes quasdam rerum, quam veras earum definitiones appellandas censemus. Alioqui totus liber Theophrasti de Causis stirpium, erit una definitio: & præceptum illud Aristotelis, aliorumque Doctorum in definitione servandum, ut ne quid, scilicet, desit, nève superabundet, non erit verum. Multa enim in illa essentiali definitione Galeni superabundant, sine quibus optime quid sit pulsus cognosci atque intelligi potest. Quare sciat is, qui recte philosophaturus est, aliud esse definitionem perfectā rei, aliud descriptionem & omnium causarum sive qualitatum rei enumerationem. In definitione enim rei satis est, si res ipsa quæ definitur, primo ponatur in genere suo, non solum communi, sed etiam proprio ac privato: quod sit per propria sive proprietates, quæ omni & soli & semper conveniunt: deinde etiam ut eodem tempore separaretur ab omnibus aliis, quæ non sunt ipsa res definita: quod efficitur per differentias differre facientes: sic ut nihil deficiat neque superet, hoc est ne definitio alteri cuipiam convenire possit, nisi ei, quod definitum est. In descriptione autem nihil refert, etiam si multa sint supervacua, & in ea congerantur, quæcunque à re non sunt aliena, modo ad explanationem rei pertineant, quibus quidem descriptionibus maxime Oratores uti solent. Fiunt autem perfectæ  
(Ita nemo Mathematicus Triangulum definiverit, sufficit dicere quod sit figura trium angulorum, ex qua demonstratione colligitur eos esse rectis æquales, eo ipso quia figuram claudunt.)  
 definitiones ex genere communi, & genere proprio in Mathematicis, hoc modo: Triangulus est figura habens tres angulos æquales duobus rectis: est enim triangulus in genere figurarum, & ejus proprium privatum est habere

tres angulos, qui duobus rectis sint æquales. Circulus est figura rotunda, à cuius centro ad peripheriam, omnes lineæ ductæ sunt æquales: est enim circulus similiter in genere communi figurarum, & ejus proprium privatum est, quicquid in ipsius definitione cum genere communi positum est. Item in scientiis & artibus generaliter definiendis, hoc modo: *Scientia est cognitio rei vel rerum scitu dignarum, cognitio difficilium, & vulgo ignotarum*: cognitio namque

(Illiud: vulgo ignotarum supervacuum, nam quod cognitu difficile id vulgo ignotum est.) genus est scientiæ: est enim omnis scientia cognitio quædam, non contra, cætera vero quæ sequuntur propria sunt. Non enim scientia proprie est omnium rerum quamvis vilium, ut scire haurire aquam de puteo, & fricare equum, sed dignarum quæ sciuntur, ut curare morbos & vulnera: nec quamvis faciliū ad cognoscendum, ut quæ sit causa umbræ hominis ad solem ambulantis, sed quæ in cognoscendo aliquam habeat difficultatem, ut quam ob causam fiat eclipsis solis: nec quamvis ab omnibus notarum, ut quænam sit lactuca & portulaca, sed quas nemo scit, nisi peritus: ut quam vim atque potestatem habeat eadem lactuca & portulaca & cæteræ herbæ. Hæc enim omnia veræ sunt scientiæ, qualis est Physiologia, Astrologia, Geographia, quarum finis est non agere aut facere aliquid, sed tantum cognoscere & contemplari. Ars vero est scientia bene faciendi aliquid, omnes enim artes sunt in genere scientiæ, ejus quam supra definivimus, eo quod earum præcepta sunt digna scitu, cognitu difficilia & vulgo ignota. Quod autem additum est in definitione artis, ut ejus proprium sit, agere sive facere aliquid: hoc facile apparere potest esse verissimum, si quis animo percurrat omnes singulares artes, omnes enim reperiet in agendo vel faciendo aliquid esse occupatas. Nam & Medicina primū est ars bene curandi morbos & vulnera, ut Cicero in primo de Inventione definit non solum vere, sed etiam multo verius ac rectius quam Hippocrates & Galenus & omnes Medici, ut infra ostendemus in capite de Materia & officio artium. Item Rhetorica est ars bene dicendi de omnibus rebus, quæ definitio Rhetoricæ similiter multo est rectior & verior quam illa, quam tradidit Aristoteles in Rhetoricis, ut probaturi sumus infra libro III. in capite 11. de Rhetorica. Itē Jus Civile est ars bene respondendi de jure. Militia est ars bene gerendi belli. Arithmetica est ars bene exercendorum numerorum. Musica est ars bene canendi. Geometria est ars bene metiendi omnia, quæ mensuram recipiunt. Et eodem modo si quis scrutetur omnes alias artes, tam mechanicas quam liberales, reperiet eas esse in genere scientiæ ejus, cujus proprium est agere vel facere aliquid. Nam quemadmodum omnes scientiæ definiuntur ex materia, circa quam versantur, & sine communi, quod est contemplari: sic omnes artes definitionem suam mutuatur, ex materia & officio ipsarum: & sic materia Medi-

Medicinæ sunt morbi & vulnera, officium autem proprium bene curare. Rhetoricæ autem materia omnes res mundi, de quibus sermo haberi potest, officium proprium, bene dicere: eodemque modo in aliis, ut infra etiam clarius explicabitur in capite de Divisione artium & scientiarum. Quare qui plura hac de re videre cupit, is ad Caput illud confugiat. Interea de definitione hoc dixisse satis sit, ut omnes intelligant definitionem non ex genere & differentia vel differentiis constare, ut Dialectici imperite nugantur. sed ex genere communi & genere proprio, vel ex generum communium frequentia, ut & Cicero, & Quintilianus, & omnes Rhetores verissime affirmant. Atque ut appareat duos esse fines definitionis, unum ut ponat id quod definitur in genere suo privato, quod fit per propria: alterum ut separet ipsum ab omni alio quod est extra suum genus, id quod per differentias efficitur. Atque ideo multo rectius sensisse Rhetores, qui dixerunt definitionem constare ex propriis, quam Dialecticos, qui eandem ex differentia vel differentiis fieri affirmaverunt. Et denique, ut cõstet, duo esse definitionum genera, unum quod notionale dicitur à Galeno, ab Aristotele autem definitio nominis: alterum quod essentiale appellatur ab eodem Galeno, & quod cum descriptione quâ cum definitione maiorem diximus habere similitudinem. Post omnia vero eum, qui recte definitiones facere cupit, hæc tandem diligenter cavenda, memoriæ mandare volumus, ac primum ne in definiendo cadat in id vitium, quod supra reprehē-

(Imò verò nulla nisi nominum definitio est, nam realem seu essentialem ipse rejecit p. 149. initio.)  
dimus, hoc est, ut ne res pro vocibus, nec voces ac nomina pro rebus definiat: in quod vitium antea monstravimus non solum omnes Dialecticos & Porphyrium, sed adeo etiam ipsum Aristotelem cecidisse in definiendo genere. Deinde ne in definiendo, genus altius vel supra quam oportet, repetat: quem errorem infra ostendemus ab Aristotele fuisse admissum in definitione Rhetoricæ. Deinde in definiendis artibus, ne eas in videndo quid sit agendum vel faciendum, sed in agendo vel faciendo constituat: qua quidem in re etiam infra probabimus Aristotelem peccasse in eadem, quam inodo diximus, Rhetoricæ definitione. Præterea in eisdem artibus definiendis, ne prætermittat officium, cujus omissione definitio Medicinæ à Galeno tradita *ex improposito* non est recta, ut ostendemus infra. Ac nos quidem in definiendis vel artibus vel cæteris rebus, hæc pauca potissimum servanda censemus: nam ne in definiendo prætermittatur rei definiendæ genus, & ne assumatur genus alienum vel falsum, & ut definitio convertatur cum definito, vel definitio sit definitio nō descriptio, & ut in definitione nihil sit nec obscurum, nec ambiguum, nec superfluum, nec translatum, nec insuetum, & cætera, quæ tradit Aristoteles in sexto Topicorum, aut sunt faciliores, quam ut admonitione egere videantur



aut si egent, unde peterentur admonui. Quanquam inter præcepta, quæ ab Aristotele traduntur de faciendis definitionibus, multa sunt vel falsa vel inutilia: & quod peius est, etiam quæ non servantur ab ipso in suis definitionibus faciendis, ut partim probatum est supra in refutatione definitionis generis ab eodem traditæ, partim probabitur infra cum ostendimus *definitionem* (Definitio non recte dicitur falsa: dicenda potius, *inopta* aut *mala*: nam etiam verissima propositio, si convertibilis non est, nec definitio est.)

*Rhetorica, quam ipse tradit in primo Rhetorices, esse falsam.* Nunc quemadmodum supra dividendi, sic etiam hic definiendi, modos omnes à Scriptoribus communiter usurpari solitos, breviter apponendas censuimus, ut recte philosophari cupientibus nulla non pateat consuetudo definiendi formula. Ergo præter duos illos definiendi modos, à nobis supra positos, quorum primus dicitur *ἐνυαίνοντες*, hoc est, essentialis sive substantialis: alter vero, *ἐννομαστικῶς*, sive ut Aristoteles appellat *ὑπομαστικῶς*, hoc est, notionalis sive nominalis, ut patet exemplis utriusque eorum appositis: sunt alii complures, quorum qui sequitur appellatur *ποιῶντες*, sive ut alii scribunt *ποιῶντες*, hoc est, qualitas, sive ut ita dicam, qualitativus, eo quod in eo, qualitates rei definitæ exprimuntur, ut homo est ubi pietas, ubi iustitia, ubi æquitas, ubi continentia, ubi rursus malitia, versutia, cæteraque vitia versantur, qui ingenio valet, artibus pollet: & aut cognitione rerum, quod agere debeat, deligit, aut animadversione quod inutile sit, contemnit, repudiat, & rejicit. Quartus *ὑπογράφειν*, hoc est, descriptio: ut illa famæ apud Virgilium,

Fama malum, quo non aliud velocius ullum, & cætera.

& hæc, Luxuriosus est victus non necessarii, sed sumptuosi & onerosi appetens, in deliciis affluens, in libidine pronus. Quintus *κατὰ ἀντιλήξιν*, quæ utuntur Grammatici cum vocem unam interpretantur, ut librare est ponderare, credere est fidem habere, ζῷον est animal, ἀνθρώπος est homo. Sextus *κατὰ διαφοράν*, ut odium ab ira differt, quod hæc brevis sit, illud inveteratum. Septimus *κατὰ μεταφοράν*, id est, per translationem ut litus est, quo fluctus alludit: adolescentia est flos ætatis: senectus est occasus vitæ: Hæc variis de causis adhibetur: ut moneat, ut nobilitas est virtus majorum apud posteros sarcina: ut designet, ut caput est arx corporis: ut vituperet, ut divitiæ sunt brevis vitæ longum viaticum, ut laudet, ut adolescentia est flos ætatis. Octavus *κατὰ ἀφαίρεσιν τοῦ ἐναντίου*, id est, per privationem contrarii, ut bonum est quod malum non est, dives est qui non eget: quid est aliud furere quam non cognoscere leges? non cognoscere homines? Nonus *κατὰ ὑποτύπωσιν* per explicationem quandam, quæ semper fit in individuis, ut Aeneas fuit filius Anchisæ & Veneris, & Mummius, is qui Corinthum evertit. Decimus *ἀντιτύπος* cum pro definitione ponitur aliquod

exemplum

exemplum, ut substantia est, ut animal: quantitas, ut linea: qualitas, ut scientia. Undecimus κατ' ἰσότητα τοῦ πλείους, hoc est, per defectum integri seu plenis, ut si quis quærat, quid sit dodrans, & respondeatur, dodrans est cui quadrans defect ad assem integrum. Duodecimus κατ' ἰσότητα, hoc est, per laudem, ut pro Cluentio, Lex est mens, & animus, & consilium, & scientia civitatis: & historia est testis temporum, lux veritatis, vita memoriz, magistra vitæ, nuntia vetustatis: & domus Jurisconsulti est oraculum totius civitatis: & servitus est extremum malorum, quæ definitio est non per laudem sed per vituperationem. Tertiusdecimus κατ' ἀναλογίαν, hoc est, per proportionem & rationis similitudinem, ut Prætoris edictum legem annuam esse dicitur, & Magistratus est lexloquens, & lex est magistratus mutus. Quartusdecimus κατὰ σφίς τι, qui fit in iis, quæ sub eandem rationem cadunt, quæ Dialectici correlativa vocant, ut pater est qui filium aut filios habet, & filius est qui habet patrem: & genus est quod plures complectitur partes, pars est quæ subest generi. Quintusdecimus αἰτιώδης, in quo causæ ponuntur efficientes, ut dies est, quando sol est super terram: vel quæ finem spectant, ut consilium est aliquid faciendi aut non faciendi excogitata ratio: Aliquando simul omnes causæ colliguntur, ut domus est substructio ex lapidibus & lignis ab Architecto habitandi gratia confecta. Hi fere sunt omnes definiendi modi à Scriptoribus communiter usurpati, quos Boethius omnes in libro de Definitionibus diligenter enumeravit.

## CAPUT SEXTUM.

*De homonymis & synonymis Grammaticorum veris quid vere sint, & quis verus eorum usus, contra stulta illa æquivoca & univoca & analogia Dialecticorum.*

**U**T in explicandis confirmandisque veris generibus, & speciebus, & differentiis, & propriis nostris, & illis quæ tum eisdem nominibus, tum etiam universalibus & prædicabilibus à Dialecticis vocantur, refellendis, secuti sumus ordinem eum, qui à Porphyrio servatur in Isagoge, sic etiam in tradendis veris categoriis sive prædicamentis nostris, & refutandis iis, quæ ab Aristotele de eisdem rebus scripta sunt, ab ordine scriptorum ipsius Aristotelis non recedere decrevimus, ut eodem ordine, veritas & recta doctrina demonstretur à nobis, quo falsitas ab Aristotele primò tradita

tradita: deinde ab omnibus Peripateticis illius sectatoribus, confirmata fuit. Et quoniam Aristoteles ante Categorias tradidit quædam, ut Dialectici putant, principia, quæ vocant, Antepredicamenta, ut autem nos arbitramur, tantquam mera delictamenta: idcirco nos quoque ab eisdem incipiamus, & primo ab homonymis & synonymis, sive ab æquivocis & univocis, ut Dialectici appellant, quæ admodum erant facilia cognitu, nisi à Dialecticis usque adeo fuissent perversa & corrupta, ut nobis ea nunc corrigere & emendare cupientibus magnam quandam ingerant difficultatem, quam tamen, ut spero, Diis faventibus, superabo. Breviter igitur & vere de homonymis & synonymis, & præterea etiam de amphibolis & polyonymis, ab Aristotele prætermis, ita statuo & dico, tã apud Græcos quam apud Latinos recte loquentes, *homonyma* & *polyonyma* esse non voces sed res: contra vero *synonyma* & *amphibola* non res, sed voces. Quod ita esse ut facilius intelligatur, primum dicam, quid unumquodque horum sit. Deinde ea singillatim rationibus & autoritatibus probabo. Homonyma sunt cum multæ & diversi generis res, puta canis cælestis, canis terrestris, canis manus, una eademque voce, quæ est canis, significantur, in hac enim significatione ex parte rerum significatarum est homonymia, si quidem res illæ apud Græcos vocantur homonymæ, apud Latinos vero cognomines: ex parte vero nominis significantis est amphibolia: nam id nomen, quo res illæ significantur, græce amphibolon, latine ambiguum appellatur. Cum vero contra multa & diversa nomina qualia sunt, vestis, pallium, & indumentum, significant unam eandemque rem, nempe eam, qua vestimur: tunc similiter ex parte nominum significantium est synonymia, propterea quod Græci talia nomina vocant synonyma. Latini vero cognominata: ex parte autem rei significatæ existit polyonymia: cum hujusmodi res à Græcis polyonymæ, quasi dicas, multinomix vocitentur, eo quod singulæ multa habeant nomina. Atque ita differunt inter se res homonymæ sive cognomines à nominibus amphibolis sive ambiguis: & rursus nomina synonyma sive cognominata à rebus polyonymis sive, ut ita dicam, multinomiis. Quam nominum & rerum differentiam, ne sine ullius autoritate ex meo capite mihi confinxisse videar, paulo latius approbandam putavi. Ac primum homonyma, non voces esse, sed res, ut dixi, atque hoc quod est esse homonyma non vocum, sed rerum esse proprium, primum probatur autoritate Platonis in Parmenide, qui de Ideis & de iis, quæ hic quasi simulachra quædam Idearum sunt, loquens, ita scribit, τὰ παρ' ἡμῶν ταῦτα οὐκ ἔστιν ἰδέαι, id est, quæ apud nos homonyma sunt illis, hoc est, Ideis. Sicque Plato testatur, nos & nostra hic omnia, quæ sunt res non voces, esse homonyma Ideis, eo quia licet diversæ cujusdam

nature

naturæ sint, tamen idem nomen habemus, quod illæ. Nam ex ejus sententia, qui hic est homo, illic est, ipse homo, sive ut illius verbis utar: qui hic est *ἀνδρῆς* illic est *αὐτὸς ἀνδρῆς*: ex quibus verbis clare apparet, non voces, sed res ipsas à Platone appellatas fuisse homonymas. Deinde Isocrates ipse quoque in Evagora de Ajace Telamonio loquens, ita inquit, *ἄφικόμενος ὃ εἰς αὐτὸν σαλαμῖνα κατέκειν ὁμώνυμον ποῖσας τῆς πρῆτης αὐτοῦ πατρίδος*, hoc est, Ajax cum pervenisset in Cyprium Salaminen condidit homonymam faciens superioris suæ ipsius patris. Quo in loco similiter apparet Isocratem non vocibus ac nominibus, sed rebus per nomina significatis attribuisse homonymiam. Præterea Strabo cum alibi multoties, cum maxime in quarto *γεωγραφικῶν*, manifeste ostendit ὁμώνυμῶν non verborum sed rerum esse propriam: sic enim inquit, *τικτὸν ἐν λευκαῖς πόλεις ὁμώνυμον ὁ παραρῆτον ποταμὸς*, hoc est, Ticinum in quadraginta quinque millibus passuum, urbs & ejusdem nominis juxta labens fluvius: & ibidem de Arimino loquens, sic ait, *ἔχει ὃ ἀρίμινον λιμένα ὁμώνυμον ποταμὸν*, hoc est, Habet autem Ariminum portum, & ejusdem nominis fluvium. Hæc Strabo, quibus etiam adicere possem ex aliis Scriptoris Græcis alia pene innumera idem probantia exempla, nisi ex his quæ dixi, constare arbitrarer apud Græcos homonymiam esse proprietatem quandam, non ad voces rerum, sed ad res ipsas pertinentem, & res non voces homonymas esse appellandas. Præsertim cum hoc Græci, non solum in nominibus, sed etiam in verbis & adverbis verum esse significant: dicunt enim, & *τὴν πόλιν εἶναι ὁμώνυμον τῇ ποταμῷ*; & *τὴν πόλιν ὁμωνυμεῖν τῇ ποταμῷ*, & *βίβωι ὁνόματι ὁμώνυμα τὸν δανάου θεγατῆρας*, quos omnes loquendi modos Strabo frequenter usurpat. His igitur auctoritatibus res multæ & diversi generis apud Græcos & vere sunt & recte dicuntur homonymæ, apud Latinos vero eædem appellantur cognomines: sic enim & Plautus in Bacchidibus duas sorores meretrices appellat cognomines, hoc est, homonymas, eo quod ambæ uno eodemque nomine Bacchides erant nominatæ: & Plinius, & alii Scriptores latini recte loquentes, res quæ apud Græcos homonymæ sunt cognomines eisdem interpretantur. At nomina ea, quibus res homonymæ significantur, Scriptores Græci non homonyma sed amphibola, & eam affectionem nō homonymiam sed amphiboliam, quasi dicas, ambiguitatem appellare consueverunt: ut Zeno ille Princeps stoicorum, cujus verba apud Diogenem Laërtiū hæc sunt, *ἀμφιβολία ὃ εἰς λέξεις δύο ἢ ἐπὶ αἰετὰ πράγματα σημαίνουσα*, hoc est, Amphibolia est vox sive dictio duas vel etiam plures res significans: ex quo patet cum unum & idem verbum, plures & diversas res significat: id

à Græcis vocari amphibolon : Eademque de causa idem à Latinis veteribus appellatur ambiguum : ut primum à Cicerone in Tusculanis Quæstionibus ita dicente, Effugiamus nomen ambiguum invidia, eo quod invidia est non solum in eo qui invidet, sed etiam in eo, cui invidetur: quo in loco per nomen ambiguum, nihil aliud intellexit, nisi id quod à Græcis ἀμφίβολον vocatur. Deinde ab Horatio in primo carminum libro ita scribente,

Ambiguum tellure nova Salamina futuram.

Quibus verbis Horatius ambiguum Salamina eam esse, quam à Teucro conditam Isocrates appellavit ὁμαίνουσαν τῆς αὐτῆς πατρίδος, ut supra diximus. Appellatur autem Salamis ab Horatio ambigua, non quasi duplex, ut male sentit Porphyrio, nec quasi incerta, ut alii dicunt, sed tanquam ambigui nominis, ut illa ambiguitas non ad rem, quæ erat Salamis, sed ad nomen ejus referatur, per figuram hypallagen more poetico. Quare & Ciceronis, & Horatii testimonio constat verba quæ à Zenone, & à reliquis Græcis dicuntur amphibola, ea à Latinis recte & proprie ambigua nominari. Synonyma autem voces esse &, ut diximus, apud Græcos ita vocari, cum plures & diversæ voces unam & eandem rem significant: id quoque constat in nominibus, exemplo illo Galeni in secundo de Differentiis pulsuum, cum de synonymis loquens ita inquit, ὡς ἐπὶ τοῦ ξιφῶς καὶ ἀορὸς φάσαντων, quibus tribus nominibus una tantum res significatur, hoc est, ensis vel gladius. In verbis vero autoritate Aristotelis in tertio Rhetoricæ artis libro, sic dicentis, λέγω δὲ κύριον καὶ σωόνυμα, εἶον τὸ πορίναιθαι καὶ τὸ βαδίζειν, hoc est, dico autem propria & synonyma, ut ire & vadere: quibus duobus verbis una eademque res, hoc est, una eademque gradiendi actio significatur. Ac talia quidem sunt apud Græcos vere loquentes, nomina vere synonyma quæ à Latinis appellantur cognominata, ut videtur significare Cicero in Partitionibus oratoriis. Quæ autem res his nominibus significatur, ea græce apud Ammonium & Porphyrium vocatur πολυνόμος, latine non habet nomen, sed scilicet ita loqui, non inepte fortassis, multinoma sive multivoca diceretur, eo quod multa habet nomina. Quibus autoritatibus patet verum esse id quod dixi, ex una parte homonyma sive cognominia, non voces esse sed res: amphibola autem sive ambigua, non res sed voces: ex altera vero parte synonyma sive cognominata, voces existere non res: polyonyma autem sive multinoma, non voces sed res: & præterea homonyma esse opposita amphibolis sive ambiguis, tanquam res significatæ vocibus significantibus: synonyma vero sive cognominata, polyonymis sive multinomis, tanquam voces significantes rebus significatis. Utilitas autem, quæ percipitur ex cognitione distinctionis

stinctionis horū omniū, in homonymis rebus & ambiguis nominibus, est ad distinguendas homonymias & amphibologias, ne ex eo quod aliqua diversa habent idem nomen, ea prorsus eadem esse existimentur: & disputantes non ad idem sed ad diversa referentes animum, occasionem nanciscuntur, & frustra concertandi & protrahendæ incassum disputationis: In synonymis vero & polyonymis rebus, ne eandem rem sæpius dicturi, eodem semper nomine utamur, sed identidem variemus elocutionem quod non tam ad disputandum atq. ad philosophandum, quam ad copiam & ad ornatum orationis pertinet. Atq. ideo hæc Grammaticorum & Rhetorum magis propria sunt, quam Dialecticorum & Philosophorum. Quæ tamē omnia ego paulo fusius explicanda censui, ut & eorum veritas magis clucesceret, quæ nec à Grammaticis adhuc, nec à Rhetoribus satis fuerat explicata: & clarius appareret barbaries atque ignorantia Dialecticorum præsertim nostri temporis. Barbaries, eo quod prætermisiss antiquis & probatis nominibus, introduxerunt in philosophiam vocabula plusquam barbara, immutantes & pervertentes omnia: nam pro amphibolis sive ambiguis, intruserunt æquivoca æquivocantia: pro homonymis sive cognominibus, æquivoca æquivocata: pro synonymis sive cognominatis, univoca univocantia: pro polyonymis sive multinomis, univoca univocata: & omnino pro homonymia æquivocationem, pro synonymia univocationē, quæ non modo dicere, sed ne audire quidem doctus quilibet æquo animo patiat. Ignorantia vero quod niam ista æquivoca & univoca, nō solum sunt barbara, sed etiam partim falsa, partim inutilia, partim etiam recte philosophari cupientibus contraria: falsa, quia cum sint, ut ipsi affirmant, universalia dialectica, & talia universalia à nobis supra probata fuerint non esse vera, non possunt univoca & æquivoca Dialecticorum non esse falsa. Præterea cum ab ipsis definiantur perinde ac si res essent, aiunt enim, univoca & æquivoca esse ea, quæ nomen habent commune. & cætera, & habere nomen commune rerum maxime proprium sit, non nōminum: tamen postea tanquā obliti definitionis suæ, eisdem univocis & æquivocis, tanquam vocibus nō tāquam rebus tribuunt, ut de multis dicantur & prædicantur: quod fieri non potest, cum dici ac prædicari, ut supra ostendimus, non rerum, sed vocum sit proprium, proprie enim voces dicuntur & prædicantur non res: & si quando hæc affectio dicendi & prædicandi rebus tribuatur, id non nisi vocum ac nominum suorum ope & auxilio fit. Quare etiam propter hanc causam, univoca & æqui-

(Ipsæ supra dixit Orationem esse compositam ex rebus & verbis pag. 11. §. 1.)

voca non possunt esse vera, nisi tanquam Centauri ac Minotauri quidam, ex duabus naturis diversis sint composita, hoc est, ex rebus & verbis. Nam revera Aristoteles & reliqui Dialectici, cum de istis verba faciunt non distinguunt



veteribus & probatis nominibus, novas quasdam & tanquam prodigiosas voces introduxerunt. Deinde univoca & æquivoca statuerunt, partim falsa, partim inutilia, partim etiam philosophiæ candidatis noxia. Quæ qui defendere voluerit, is prius oportebit ut defendat universalia, cum antea à nobis unà cum universalibus, tanquam universalia, fuerint refutata. Deinde, ut reddat rationem, cur non maxime reprehendendi sint Dialectici, qui tam confuse de his scripserunt, ut ex eorum scriptis discerni non queat, utrum de rebusne an de nominibus loquantur: atque hæc de univocis & æquivocis. Superfunt analogia qualia dicunt esse ens & unum, quæ ut plerique Dialecticorum contendunt, de substantia & accidente analogice prædicantur. Quæ ipsa quoque cum statuunt universalia, unà cum universalibus à nobis labefactata corruerint necesse est: ut omittam interim istam analogorum Dialecticorum inductionem esse vanam & stultam, vel ob hoc, quod nullum est genus, quod non aliquo modo analogice prædicari videatur, hoc est, per prius & posterius ut ipsi exponūt. Nā ex duabus partibus in quas fere omne genus dividitur, una semper apparet nobilior & præstantior altera. ut in divisione animalis rationale quam irrationale, homo quam brutum: quam ob causam si analogia essent aliquid, nullum genus non esset analogum: & propterea nō recte ab univocis & æquivocis distinguerentur, cum etiam in his necessario sit analogia, & aliquid, quod per prius dicatur vel posterius. Quid enim causæ est, cur non ita per prius animal dici videatur de homine quam de bruto, sicut ens de substantia quam de accidente? & si hoc, cur non illud? Quocirca eadem imperitia & æquivoca & univoca & analogia à Dialecticis fuerunt introducta.

## CAPUT SEPTIMUM.

*De denominativis, & reliquis capitibus antepredicamentorum vel supervacaneis vel falsis.*

**I**N hoc Capite nihil habeo utilis, aut necessarii ad recte philosophandum quod servandum esse moneam, sed tantum quod ostendam esse vitandum, tanquam falsum vel supervacaneum, ne quisquam id legens, decipiatur. Nam quæ hic dicuntur ab Aristotele de Denominativis, licet vera sint, tamen ea philosophiæ studiosi, antequam ad philosophandū veniant, inter præcepta Grammaticorum didicisse debent: Quæ usque adeo puerilia ac non difficilia sunt, ut inter Grammaticæ rudimenta tradantur: eadem enim sunt demon-

denominativa, quæ ea, quæ à Grammaticis appellantur derivativa, ut montanus à monte, & Grammaticus à Grammatica. Quod si derivata inter Dialectica principia sunt numeranda, cur non etiam reliqua nominum accidentia ibidem traduntur? quæ ratio fuit, ut derivativa ponenda viderentur, genus vero numerus, figura, & alia huiusmodi prætermittenda? certe mihi nulla videtur esse posse, quæ satis idonea sit. Post denominativa, statim sequuntur alia quædam capita non tam serio refutanda, quàm ridendo contemnenda, vel tanquam eodem modo puerilia sicut superiora illa, & ad Grammaticam pertinentia. ut illud *ἡ τῶν λυγρῶν*, hoc est, de iis, quæ dicuntur, vel tanquam planè falsa, & partim supra refutata in Capite de vera rerum divisione, partim infra refutanda in capite de Substantiva, ut illud *ἡ τῶν ὄντων*, hoc est, de iis, quæ sunt, & cætera usque in finem Antepredicamentorum. Nam ibi maiore ex parte sermo est de iis quæ, ut Dialectici putant, dicuntur aut de subiecto nec sunt in subiecto, ut substantiæ secundæ, sive universalis: aut dicuntur de subiecto & sunt in subiecto, ut accidentia universalis: quæ omnia nos supra, ut arbitramur, ita refutavimus & labefactavimus, ut speremus neminem unquam fore qui ea recte possit defendere. Quare his omissis tantum illud dicam, ex repugnantia horum. quæ dixi, capitum inter se, & ut ita dicû, monstrositate, tantam esse natam discordiam inter Aristotelis Interpretes de subiecto, sive, ut Græci dicunt, de scopo, libri Prædicamentorum: ut in duobus propè millibus annorum nondum satis dijudicari potuerit, quæ de re agat Aristoteles in eo libro. Nam aliqui, quorum unus fuit Alexander, ut recitat Ammonius, dixerunt, Aristotelem ibi tractare solummodo de vocibus, moti verbis illius, cum ait, Eorum quæ dicuntur, & cætera: Alii vero, in quorum numero fuit Eustathius, asseruerunt eum ibidem agere tantummodo de rebus, propter illa verba, cum dicit, Eorum quæ sunt, & cætera: Alii vero, ut Porphyrius, affirmaverunt de conceptibus mentis solum ab Aristotele in eo libro verba fieri: propterea quod decem genera in multis cogitantur & sunt, ut ipsi aiunt, *ὑπερσφισιν*. hoc est, posterius genita, quæ existunt in mente nostra. Sed post hos omnes exorti sunt quidam alii, in quibus extitit Jamblicus & ipse Ammonius, qui improbat omnium superiorum opinionibus dixerunt, Aristotelis scopum fuisse in libro prædicamentorum tractare non de vocibus solis, nec de rebus solis, nec de conceptibus solis, sed de vocibus res significatibus per medios conceptus, atque ita ne unquam possent reprehendi congestis simul omnibus aliorum opinionibus, quas singillatim reprehenderant ex multis quasi simplicibus scopis, unum tantum, sed compositum scopum libri prædicamentorum fecerunt: introducetes nobis monstrum, & quasi Chimæram quandam

quandam ex tribus diversis contrariisq; naturis conflata: nempe ex vocibus, rebus, & conceptibus: neq; solum id fecerunt, sed etiam, si Diis placet, de eo gloriantur: & sibi ipsi placent, appellantes sese ἀκριβοῦς καὶ ἀκριβεστέρων λόγους: perinde quasi magnum quoddam naturæ secretum percelligarint, vel excogitarint rem vehementer, aut studiosis philosophiæ utilem, aut generi humano necessariam. At ego contradico Ammonii, multo magis falsam, magisque absurdam esse tuam & Jamblici opinionem, quam illam Alexandri, Eustathii, & Porphyrii. Illi enim non putaverunt propositum fuisse Aristotelis in uno eodemque libro, ut de rebus tam diversis, & natura contrariis disserteret, & recte quidam putaverunt. Nam quæ (malum) est Ammoni ista tui scopi tam monstrosa compositio? At inquis Aristoteles pertractans de vocibus significantibus res, non immerito attingit etiam ipsas res: & quoniam res intelligi non possunt nisi per medios conceptus, idcirco etiam ipsos conceptus non negligendos, neq; prætermittendos putavit: hanc enim tam egregiam, tam præclaram, tam monstrosi scopi tui rationem affers. Sed die mihi o Ammoni, nonne Grammatici ipsi quoq; in libris suis loquuntur de vocibus res significantibus per medios conceptus? certe hoc non negabis, nisi forte putas in Grammatica tradi voces nihil prorsus significantes & nullis conceptibus ad intelligendum egentes, quod est absurdissimum. Nonne etiam Rhetores in prima parte elocutionis rhetoriæ, quæ ad verba pertinet, idem quod Grammatici faciunt? hoc est, nonne ipsi quoq; Rhetores vocibus suis per medios conceptus res significant? certe neq; hoc opinor inficiaberis, non enim potest ulla vox vere significare, nisi res quæ significantur vere adsint, & nisi vere per medios conceptus ab humana mente apprehendantur. Quæ cum ita sint, si verus est iste tuus scopus, quonam pacto quæ so evades atque evitabis, quin turpiter cōcedere cogaris, eundem etiam esse scopum & Grammaticæ, & primæ partis elocutionis rhetoriæ, qui & libri prædicamentorum? quandoquidam, tam in grammaticis & rhetoricis, quam in prædicamentis, ut tu vis, de vocibus res significantibus per medios conceptus agatur: etsi concedes, exspecto ut mihi reddas rationem, qui cōveniat in libris tam diversarum artium, & facultatum esse unum & eundem scopum: sin negaveris, rursus intelligere cupio, quænam sit ratio tuæ istius tam absurdæ, tamq; impudentis negationis. Sed nunc ego stultior qui rationem ullius rei quæ tam ab hominibus omni prorsus ratione carentibus. Hæc igitur de causa dixi opinionem Ammonii & Jamblici de scopi libri prædicamentorum, utpote monstrosam esse multo magis falsam magisque absurdam, quam illam Alexandri, Eustathii, & Porphyrii: ex quo significare volui, neque istas esse veras, cum Aristoteles revera sibi ipse non

constet, sed nunc de vocibus, nunc de rebus, nunc de conceptibus loqui videatur: Et propterea qui dicunt Aristotelem loqui tantum de uno horum trium, ab Aristotele ipso, & à verbis illius aperte refutantur. Qui vero affirmant eum de omnibus illis simul disserere, opinionem absurdissimam & plane monstruosam tuentur. Itaque neque illi, neque hi recte sentiunt, sed omnes simul utpote addititii & tanquam servum pecus, dum aut non intelligunt, aut nolunt, aut non audent dicere Aristotelem errasse, & quid diceret revera nesciuisse, unà cum ipso Aristotele in maximis errorum tenebris versantur, nec Aristotelem vere interpretantur, nec veritatem ullam assequuntur, eo quod in falsitate non potest inveniri veritas. Sed posteaquam illi potius unà cum Aristotele errare, quam veritatem dicere voluerunt, Ego qui sum, ut inquit Horatius, Nullius additis jurare in verba magistri, & solum veritatem sequor, dicam aperte ut res se habet: Aristoteles in illis Antepredicamentis prorsus nescit quid dicat, aut quid sibi velit, dum modo de vocibus, modo de rebus, modo de conceptibus sermonem habere videtur: & dum per mille annos & amplius nemo unquam ex sectatoribus illius, vere intelligere potuit, quis esset verus scopus libri prædicamentorum: & denique dum iste scopus à nemine unquam erat intelligendus nisi, scilicet, magno quodam Deorum beneficio, natus esset Jamblicus, qui primus, ut opinor, vidisse se putavit, quare ageret Aristoteles in eo libro, hoc est, de vocibus res significantibus per medios conceptus, quasi dicas de rebus compositis ex tribus diversis naturis, quales sunt Chimæra, & Centauri, cæteraque hujusmodi monstra Poëtarum. Quæ profecto nihilo sunt magis falsa & absurda, quam bona pars eorum quæ Aristoteles in Antepredicamentis dicit, dum more suo inter scribendum non discernit voces à rebus, neque res à vocibus, neque has utraq; à conceptibus: sed omnia miscet, turbat, confundit. Eorum quæ sunt, inquit, quædam de subiecto aliquo dicuntur, in subiecto autem nullo sunt, quorum verborum prima pars manifeste ad voces pertinet; vocum enim proprium est dici, reliqua vero sine dubio spectat ad res, ut exemplo hominis, quod illic positum est, aperte declaratur. Sed quænam (malum) est ista farrago tua ô Aristoteles? Dum ais aliqua de subiecto dici, voces designas: dum addis ea in subiecto non esse res significas, & ita ut dixi, monstrum nobis affers ex diversis & contrariis naturis compositum. Quare apage in malam crucem, & facesse cum tuis istis Antepredicamentis, nam si quid est in eis utile cognitum, id satis superque tum à Grammaticis est traditum, tum etiam à nobis supra explicatum. Quæ autem falsa sunt, ea non solum scire, sed ne quidem scripta esse expedit cuiquam Philosophiæ studioso.

## CAPUT OCTAVUM.

*Esse tantummodo unum & summum & verum & generalissimum genus oratorium, quod est, genus rerum: sex autem illa transcendentia Dialecticorum & decem predicamenta Aristotelis, & tria Laurentii Valla esse falsa.*

**C**onstituto jam, & stabilito vere quid sit genus, quid species, quid differentia, quid proprium, quid commune: & singillatim refutatis explosisque primum omnibus Dialecticorum universalibus sive prædicabilibus, deinde etiam æquivocis, univocis, & analogis, cæterisque Antepredicamentorum nugis: consequens erat, si ordinem cœptum servare volebamus, ut statim transiremus ad Categorias sive Predicamenta, ut vocant, Aristotelis: hæc enim statim post universalia, iis qui Dialecticam discere cupiunt, in publicis gymnasiis discenda proponuntur: sed ut melius & facilius intelligantur, ea quæ dicturi sumus, ab iis quæ vocantur transcendentia mihi visum est esse ordiendum: Et prius statuendum rem sive genus rerum, esse unum verum & generalissimum omnium genus, cætera vero quæ feruntur transcendentia, aut falsa esse, aut sub genere rerum subiecta. Quo probato, multo facilius erit ostendere substantiam & cætera prædicamenta Aristotelis non esse genera generalissima, ut Dialectici stulte arbitrantur. Ante omnia enim nobis principia veritatis tradentibus, evellenda atque extirpanda est ex animis hominum, falsissima illa opinio, quæ jam amplius mille annorum pene in omnibus philosophorum scholis dominata est, videlicet, esse decem genera rerum generalissima: quo nihil magis falsum, magisque absurdum excogitari potest. Nam si constabit rem sive genus rerum, esse summum ac generalissimum genus, profecto nullum aliud poni ac statui supremum genus poterit. Sed ut jam veniamus ad ostendendum id quod propositum est, Dialectici auctore partim Aristotele, partim aliis nescio quibus, sex esse ea, quæ vocantur transcendentia existimant, nempe, ens, unum, aliquid, verum, bonum, & rem: ex quibus tamen ens tanquam omnium regem atque imperatorem statuunt, si quidem ad ens reliqua omnia facile reduci arbitrantur. Ajunt enim unum nihil aliud esse, nisi ens in se indivisum: aliquid quasi aliud quid, hoc est, ens divisum ab omni alio: verum ut ens apprehenditur ab intellectu: bonum

ut ens expetitur à voluntate: denique vero rem, quasi ens habens in se propriam essentiam, vel quidditatem: atque hoc modo reliqua transcendentia ad ens, tanquam quasi servos ad dominum, vel subditos ad regem referri censent. At nos contra prorsus hæc omnia sentientes prius nostra vera confirmare volumus quam adversaria falsa refutare. Itaque dicimus & affirmamus in tota rerum natura, & in hac immensa mundi universitate esse tantum unum, verum summum, ac generalissimum genus, sive transcendens, sive categoriam, sive prædicamentum, sive quomodocunque aliter appellare placeat: in quo genere reliqua omnia inferiora ac pene innumerabilia genera continentur, quod est genus rerum, sive res, accipiendo tamen rem non proprie, sed figurate pro omnibus rebus. In cuius generis constitutione, quod primum diximus, ipsum esse tantummodo unum ac summum, id hæc de causa fecimus, ut excluderemus & ejiceremus primum illa quinque alia, quæ supra memoravimus transcendentia, ens, unum, aliquid, verum, bonum. Deinde illa decem Aristotelis tantopere celebrata genera, quæ vocantur prædicamenta, hoc est, substantiam, quantitatem, qualitatem, relationem, actionem, passionem, ubi, quando, situm esse, & habere: quorum omnium tam prædicamentorum quam transcendentium, nullum vere nec transcendens, nec genus summum est, nec generis rerum ullo modo par aut æquale. Nanque ut incipiam ab appellatis transcendentibus, ea omnia præter rem, ut recte inquit Laurentius Valla in primo Dialecticæ suæ libro, Cap. II. nequaquam transcendentia vere sunt, sed species quædam & partes rei, sive generis rerum, cum tanquam specialia quædam & compositiora resolvantur & quasi retexantur in rem, sive conceptum rei, tanquam in generalius quiddam & superius, si quidem revera participium est, quod resolvitur in suum antecedens cum relativo & verbo substantivo, sicut alia participia: & quemadmodum legens est is qui legit, vel homo qui legit, & scribens est is qui scribit, vel homo qui scribit, si ens nihil aliud est, nisi id quod est, vel ea res quæ est. Quare Dialectici dum eas rei æquate, &

(sic male, nam omnis res est, & omne quod est res & omne quod est, est ens, & contra omne ens est igitur omnis Res est ens, & omne ens est Res. Res autem quæ non est, idem est quod res ficta, seu quæ res dicitur, sed non est res. Præterea Res ex usu Latinorum Veterum Entis fluidior est. Nam Esse & Ens æquè latè patet. Sed qualitates non dicimus Res, verum modos rerum. Sic igitur optime: Aliquid est aut Ens aut non Ens. Ens aut Res aut modus.)

transcendens facere conantur, perinde faciunt ac si legentem vel scribentem homini æquare vellent: non intelligentes omnem quidem legentem vel scribentem esse hominem, non contra, cum multi sint homines qui non solum non scribunt nec legunt, sed nec legere quidem aut scribere didicerunt. Præterea nec illud animadvertunt, non enim rei solere tribui non solum *is*, *quæ sunt*, sed etiam *is*, *quæ non sunt*: ut cum aliquis loquitur de Centauris & Chimæra, & cum dicimus loqui de rebus, quæ non sunt, nec unquam fuerunt. At nomen entis, ut etiam fatetur Aristoteles de his ipsis rebus nequaquam proprie videtur dici posse, nisi quis forte non vereatur ita loqui, ut dicat entia quæ non sunt.

NON



non animadvertens se perinde nugari, ut si diceret, ea quæ sunt non esse? Ex quibus apparet nomen entis minus commune esse quàm nomen rei, & Dialecticos perversissime facere, dum ens rei æquare & transcendens efficere conantur. Similiq; impericia decipiuntur, cum etiam alia quatuor, unum, aliquid, bonum, & verum transcendentia faciunt, & unum quodlibet eorum rei quasi ranam bovi adæquant. Nam, ut idem Valla vere inquit, unum nihil aliud est nisi una res, aliquid aliqua res, bonum bonæ res, verum vera res, siue veritas: quæ omnia non tam videntur esse res subiectæ, quàm modi quidam rerum subiectarum, qui per contraria divisi alternatim ac divisim omnibus rebus accidunt si quidem necesse est, omnem rem esse aut unum aut multa, aut aliquid aut nihil, aut bonum aut malum, aut verum aut falsum. Atque ideo non videntur hæc generi rerum ullo modo posse æquari, ac transcendentia vocari, nisi quis forte tam stultus est ut putet totum aliquod parti suæ par atque æquale inveniri posse. His igitur de causis nos unà cum Valla existimamus, & pro certo habemus rem esse unum, & solum transcendens, saltem in lingua latina: cætera vero omnia, quæ transcendentia dicuntur, esse partes rei, & cum re nequaquam æquanda. Ut omittam interim primo illam transcendentium interpretationem, quam à Dialecticis supra fieri diximus, magna ex parte esse falsam & barbaram: quis enim recte loquens unquam dixit aut unum esse ens in se indivisum? aut aliquid esse aliud quid? quomodo hoc verum esse potest apud Græcos, qui non aliquid sed τὸ dicunt? Deinde illam plurium transcendentium positionem, quæ prorsus nugatoria & nullius veritatis investigationi aut inventioni utilis. Quis enim unquā nisi Dialecticus garrulus & loquax in investiganda aut repertienda veritate, istiusmodi nugiusus est? aut si est usus, quem fructum aut utilitatem philosophiæ attulit? certe nemo: & propterea non immerito plurimi etiam tempore Platonis Dialecticam istā appellabant garrulitatem, ut ipsemet Plato testatur in Parmenide. In summa Plato & Aristoteles, ut de his potissimum loquar, nunquam minus philosophi & magis loquaces videntur, quàm cum de istis nugis tanquam de rebus maximi momenti serio disputant. Sed ut redeam ad genus rerum, siue ad rem, quam ego constituo sumum ac generalissimum genus, dico ex eo quod in ejus constitutione posui unum & summum, exclusa & rejecta esse primo illa quinque alia, quæ vocantur transcendentia, quæ nullo pacto transcendentia esse possunt. Deinde illa decem Aristotelis prædicamenta paulo ante à nobis commemorata, cum ipsa quoq; sint partes rei, siue generis rerum, ut etiam Dialectici faterentur, & propterea nequeunt esse summa genera, nec recte generalissima vocari. Sed resistunt hoc loco nobis Dialectici, dicentes & consistentes

tem quidem esse genus & omnia decem prædicamenta sub se continere, sed non verum ac perfectum genus, hoc est ut eorum verbis utar, non univocum, sed æquivocum vel analogicum, quasi dicas spurium vel adulterinum. Sic inquam Dialectici nobis hoc loco resistunt, negantes rem esse verum genus, & existimantes magnum sibi adjumentum ad id probandum ab illis suis univocis, æquivocis, & analogis præstari. Quibus nos quoque vicissim respondemus ac dicimus: idcirco à nobis in constituendo rerum genere positum fuisse non solum unum, sed etiam verum, ut ostenderemus ipsum genus rerum habere omnes conditiones & proprietates veri ac perfecti generis, & omnino solum esse verum & perfectum generalissimum genus, atque adeo tanto verius & perfectius quanto amplius & capacius quam omnia alia genera. Quod autem isti aiunt non esse univocum, sed vel æquivocum vel analogum, ad hoc quoque satis responsum est in capite superiori, de univocis, & æquivocis, ubi ista omnia Dialecticorum nugamenta ac deliramenta refutavimus. Quamobrem Dialectici prius ipsi respondeant illi capiti, & universalia à nobis in eo labefactata tueantur, deinde cum illa, quæ ibi refelluntur, defenderint, tum ea omnia in auxilium & defensionem suam advocent. Nos enim tantisper dum aliquis responderit, quod nunquam recte factum iri speramus, omnia universalia Dialectica una cum æquivocis, univocis, & analogis nihil aliud nisi meras Dialecticorum insanias esse merasque barbaries ita uti sunt: pro certo dicemus & affirmabimus, non concedentes ulla vera genera dici aut prædicari de aliquo, cum hoc non rerum, quæ sunt vera genera, sed vocum ac nominum quæ generibus tribuuntur, sit proprium, ut ante diximus. Non enim sequitur, si nomina generum dicantur de subiecta re, ut ipsa quoque vera genera eodem modo dicantur: quando quid aliud est nomen generis, aliud genus ipsum, quemadmodum etiam aliud est nomen exercitus & populi, aliud exercitus ipse & populus verus: nec si nomen exercitus & populi vere prædicetur de suis singularibus subiectis, idcirco non erit deridendus, quicumque populum & exercitum verum de aliquo prædicari affirmare non erubuerit. Quare cum genera ipsa proprie de nullo dicantur aut prædicentur, nec univoce, nec æquivoce, nec analogice dici, aut prædicari poterunt, & ita inanis & vana erit omnis istorum nugatio contra nostram hoc genus generalissimum, hoc est, genus rerum. Postremo vero ne quis forte miretur, quid causæ fuerit quod in afferendo exemplo nostri huius generis dictum fuerit à nobis non solum res, sed etiam genus rerum: & cum Dialectici ac Philosophi communiter in exprimendis generibus una tantum voce singularis numeri prolata utantur, atque ita dicant, exempli gratia, ens, substantia, animal, color: nos non solum una, sed etiam duabus vocibus utentes una

tes una singulari, altera plurali libentius dicere solemus, genus entium, genus substantiarum, genus animalium, genus qualitatum, genus colorum: ne quis inquam miretur hunc nostrum proferendi generis modum, tanquam inusitatum ac fortasse etiam falsum: illud in memoriam revocari volumus, quod supra dictum fuit à nobis ac probatum, nempe genera omnia rerum proprie nihil aliud esse, nisi multitudines quasdam ex singularibus & individuis compositas, & nomina generum non aliter esse nomina collectiva quam nomen exercitus & nomen populi: & propterea putamus generum naturam magis proprie significari atque explicari, si duabus vocibus, ut dixi, proferantur ad hunc modum, genus rerum, genus entium, genus hominum, genus arborum, genus herbarum, quam si una tantum voce hoc modo, res, ens, homo, arbor, herba, & cetera similiter: nam superior ille proferendi generis modus est proprius. hic vero posterior improprius & figuratus: in quo & una res, pro omnibus rebus, & unum ens pro omnibus entibus, & unus homo pro omnibus hominibus, & sic in aliis ponitur & intelligitur per figuram illam quam Græci synecdochen, Latini intellectionem vocant: cum scilicet vel ab uno omnia, vel à parte totum, vel contra significatur: quem loquendi modum, non solum Poetæ, sed etiam Oratores frequenter usurpant. Ne quis igitur miretur, ut diximus, hunc nostrum proferendi generis modum, nos hoc pacto genera rerum magis proprie magisque vete proferri arbitramur, si dicamus, genus rerum quam rem, & genus entium quam ens, & genus animalium quam animal, & genus hominum quam hominem & eodem modo cetera. Atque his de causis & rationibus unum tantum & verum & summum & generalissimum sive genus, sive transcendens, sive categorian, sive prædicamentum magis appellare placet; constituimus: ceteraque omnia rejicimus & explodimus, quæ vel ab Aristotele falsò & inutiliter & sine ulla necessitate introducta, vel ab illius postea sectatoribus imperite ac temere recepta fuerunt, & approbata. Quorum falsitas tamen ex iis, quæ hæcenus dicta sunt, non possit esse obscura, tamen ex iis etiam quæ deinceps dicentur, & maxime ex descriptione arboris nostræ genericæ, magis clare apparebit. Sed jam venio ad præclaræ illa & toto orbe terrarum celebrata Aristotelis Prædicamenta, ut unius horum spatii diruam, ac destruam id totum, quod in duobus prope millibus annorum vix fuit congestum, & constructum.

## CAPUT NONUM.

*Quam ob leuem causam Aristoteles categorias, sive predicamenta decem ponenda existimarit, & quam non recte tria tantum Valla statuerit, & simul quo pacto nos arborem genericam à Porphyriana longe diuersam facientem arbitramur.*

**I**Nter omnia igitur genera, quæcunque sunt in tota rerum natura summum & generalissimum & verissimum est, ut nos arbitramur, genus rerum, continens & complectens sua immensa & pene infinita multitudine omnia alia inferiora & minora genera, sive minores multitudines rerum, sic ut solum sit supremum & generalissimum, nec omnino habeat par aut æquale, intelligendo tamen semper genus proprie, ut jam antea multoties diximus, nihil aliud esse nisi multitudinem singularium, & totum quoddam discretum. Quæ quidem multitudo generis rerum, quemadmodum supra docuimus, in prima rerum ac nominum divisione, statim dividitur in duas partes, hoc est, in res per se stantes, & res in alio existentes, sive in substantias & qualitates: quas alio nomine accidentia fere vocari diximus, ut infra probabimus in capite de Qualitate. Quam eandem divisionem etiam Dialectici & Philosophi faciunt; quare non eget probatione. Sed quod ajunt ens, & rem, & cætera transcendentia non posse esse vera genera, pui a prædicantur de rebus non univoce, sed æquivoce vel analogice: hæc quoque objectatio jam sublata est, sublatis, ut supra visum est, univocis, & universalibus, sine quibus univoca nec esse, nec stare possunt. Itaque jam sine ulla controversia, res siue genus rerum in suprema & generalissima quasi sede collocatum, prima divisione secatur in partes duas, in substantias & qualitates, tanquam exercitus quidam militum in turmas & legiones. Quibus ita constitutis, ut omnem dubitationem cupientibus scire veritatem adimamus, nunc breviter ostendamus quæ causa moverit Aristotelem, ut tam absurde cum unum tantum verissimum & generalissimum genus rerum sit, ipse tamen decem posuerit: & post Aristotelem, quid impulerit Vallam in sua Dialectica, ut non decem, quemadmodum Aristoteles, sed positione Aristotelica destructa, tria tantum prædicamenta statuenda existimarit, hoc est, substantiam, qualitatem, & actionem

actionem. His enim explicatis nulla cuiquam omnino superesse dubitatio poterit, quin vera sint ea quæ diximus. Ergo Aristoteles, ut recte inquit Valla, prædicamenta decem constituit, affecto magis quam necessario numero: scututus vel Architas nescio quam Pythagoreum, qui ipse quoque antea librum decem prædicamentorum scripserat, vel certe imitatus præceptorem suum Platonem, quem constat Pythagoræ in primis studiosum fuisse: atque idcirco omnia fere de numeris esse constituta voluisse. Nam Pythagoras, & Pythagorici omnes cum omnes alios numeros vehementer colebant, & prædicabant, tum in primis denarium; atq. hinc primo Architas, deinde Aristoteles numerum decem prædicamentorum sumpsit, ut existimat Boethius in Arithmetica capite XXI. cuius verba hæc sunt, Inde etiam in Aristotelica, atq. Architz decem prædicamentorum discriptione pythagoreum denarium numerum manifestum est inveniri, quando quidem & Plato studiosissimus Pythagoræ secundum ea disputationem dividit, & Architas pythagoricus ante Aristotelem, licet quibusdam sit ambiguum, decem hæc prædicamenta constituit. Hæc Boethius, ex quibus apparet siue Architas, siue Aristoteles horum prædicamentorum author fuerit, ea non quidem ulla recta ratione, sed ad imitationem Pythagorici denarii numeri fuisse constituta: perinde quasi necesse esse tot esse summa & generalissima rerum genera, quot unitates in denario numero invenirentur: sed hoc, ut dixi, absurdissimum est, & ab illis viris, quamlibet magnis, sine ulla probabili ratione factum. Quorum error etiam tum magis apparebit, cum ostenderimus omnia alia genera siue prædicamenta, præter substantiam, sub qualitate contineri, & vere qualitatis esse species: id quod facimus in sequenti capite. Ac de denario Aristotelis prædicamentorum numero, hætenus satis. Quod autem pertinet ad triplicem illam Vallæ prædicamentorum divisionem, dico illum multo rectius sensisse vel potius multo minus errasse quam Aristotelem: Aristotelis enim positio prorsus est absurda, nec ullam habet saltem probabilem rationem. At illa Vallæ usq. adeo verisimilis videtur, ut mihi quoquali quando maximam fecerit difficultatem, cum & si mihi falsa videbatur, tamen nec eam satis refutare possem, nec ab eo sine aliqua magna ratione discedendum arbitrarer: sed tandem animadverti positionem quoq. illius nullo pacto posse defendi, & actionem sicut reliqua omnia accidentia sub qualitate esse collocandam, ut genus rerum prima sectione non in tres partes, ut ille putat, sed in duas tantum remaneat divisum, hoc est. in substantiâ & qualitatē, & tam actio quam reliqua omnia accidentium prædicamenta sub qualitate subjiciantur, quemadmodum constabit partim ex cap. de Qualitate, in quo probabimus & nomē & genus qualitatis non solum actioni & passiōi

sed etiam omnibus aliis accidentium prædicamentis commune esse: Partim etiam ex arbore nostra generica tam substantiæ quam qualitatis, quam proxime hic doctorum omnium oculis spectandum & dijudicandum subijcimus, & subjectæ partes omnes quæ à Porphyriana discrepare videbuntur, confirmabimus.

*Description nostra vera arboris generum ac specierum,  
à Porphyriana longe differens.*

Genus generalissimum,  
Genus rerum propriæ,  
Res figurate.



Genus



Genus summum qualitatum proprie,  
Qualitas ut genus figurate.

Genus absolutorum proprie  
Absolutum figurate.

- Habere, ut calcetum esse, armatum esse.
- Situs, ut sedere, stare, cubare.
- Tempus, sive quando, ut hodie, heri, cras, hoc anno, hoc mense.
- Locus, sive ubi, ut in cubiculo, in foro, in urbe, in Italia, in Europa.
- Causa, vel à quo, ut author & efficiens, vel ex quo, ut materia, vel cujus causa, ut finis, vel causa  
(finalis).
- Passio, ut fectari, urli.
- Actio, ut secare, urere.
- Quantitas, tam discreta, ut multitudo & numerus, quam continua, ut magnitudo, linea  
superficies, corpus.
- Qualitas ut species, tam substantialis, ut ratio in homine & sensus in animali, quam accidentale,  
ut candor in pariete, & color in aqua: nobilis, ignobilis, dives, pauper.

Genus comparatorum proprie  
Comparatum figurate.

- Habere, ut magis vel minus calcetum esse, magis vel minus armatum esse.
- Situs.
- Tempus, ut antiquius, recentius, diutius, minus diu.
- Locus, ut sursum, deorsum, dextra, sinistra, ante, retro.
- Causa, magis marmorum esse, quam lateritium.
- Passio, ut magis calefieri, minus calefieri.
- Actio, ut magis calcetere, minus calcetere.
- Quantitas, ut majus, minus, longius, brevius, latius, arctius, totum, pars, genus, species.
- Qualitas ut species, ut magis candidum, minus candidum: servus, dominus, filius, pater, in sta-  
tu sive conditione hominis.

Hujusmodi igitur est nostra, vel potius naturæ ipsius arbor generum ac specierum, tam substantiæ quam qualitatis generalis consentanea, non solum cum usu scribendi quoruncunq; doctissimorum hominum, sed etiam cum publica omnium loquendi consuetudine. In qua describenda in primo ac supremo loco pro genere generalissimo, posuimus genus rerum proprie, sive rem figurate, hoc est, omnes res mundi singulares simul ac semel acceptas. Id enim significare volumus, cum dicimus genus rerum proprie, sive quod idem est, rem figurate, ut supra docuimus, cum de nominibus proprie vel figurate ponendis loquebamur. Deinde generis ipsius rerum duas fecimus partes, genus substantiarum proprie, sive substantiam figurate; & genus summum qualitatum proprie, sive qualitatem ut genus est, figurate. Deinceps in genere substantiarum assidue subdividendo descendimus per omnia genera & species intermediarias usq; ad individua, hoc est, ad species specialissimas: quas ita vocamus, ut supra diximus, quia nullas in alias species amplius nec divisibiles, nec indivisibiles dividi queunt. Qua in divisione illud animadvertendum est, tam genus generalissimum quam omnia alia genera inferiora, nihil aliud esse, & nihil aliud dividi, nisi multitudines quasdam rerum singularium: sed minores quanto magis ad inferiora descenditur, majores vero quanto magis ad superiora fit ascensus: sic ut genus rerum sit multitudo singularium, longe omnium maxima: ideoque à nobis genus generalissimum recte appellatum: quippe supra quod nullum est genus atq; ut individua, quæ infima parte arboris posita sunt, ipsa quoque sint species specialissimæ, quippe infra quas nulla est species: & deniq; à genere generalissimo rerum incipiat discretorum omnium divisio, quæ assidue descendens cum ad individua perventum est, desinat: atq; ubi desinit discretorum divisio, ibidem, hoc est, ab individuis continuorum partitio sumat initium. Nam Priamus vel Antenor, cum sit individuum & continuum quoddam, non amplius in discreta, neq; in species, sed in partes continuas vel quasi continuas diducitur: & hoc modo in arbore nostra vel, ut ante diximus, in arbore naturæ, sit non solum generum ordinatio, sed etiam divisio tam discretorum quam continuorum: sic ut ubi desinit discretorum divisio, ibidem continuorum partitio incipiat. Præterea illud quoq; non ignorari volumus, arbores, & herbas, & cæteras stirpes, non sine magna & iusta causa in parte viventium inanimatorum à nobis positas fuisse. Nam & si stirpes omnes vitam habeant, & vere dicantur vivere ac mori, tamen non solum sensu sed etiam anima carent, & propterea animata dici non possunt: animatum enim dicitur ab anima, anima autem à vento & spiritibus: quando quidem græce ἀνψος nihil aliud est, nisi ventus, ac spiritus. Quare non recte ab Aristotele, & à Peripateticis stirpes dicun-

dicun-

dicuntur habere animam, & esse animata. Nam Cicero in secundo de Officiis aperte omnia quæ gignuntur è terra, ut arbores & herbas, in genere inanimatorum ponit, ita scribens, Partim inanimata, ut aurum & argentum, ut ea quæ gignuntur è terra, ut alia ejusdem generis: partim animalia. Quibus verbis aperte Cicero inanimata & animalia inter se tanquam contraria ponit, & inter ea nihil medium statuit. Quod idem quoque Plinius facit, qui licet alibi visus sit contrarium sensisse, tamen libro X. Cap. LXIV. ubi de mola mulierum loquitur, ita inquit, Molæ de quibus ante diximus, gigni putant, ubi mulier non ex mare, verum ex semet ipsa tantum conceperit, ideo nec animari, quia non sit ex duobus, altricemq; habere per se vitam, quæ satis arboribusque contingit. Quo in loco animadvertendum est, quod ait Plinius sata arboreſq; habere vitam, non animam: cum nemini dubium sit, quin vere & vitam habeant, & vita prædita sint, si quidem & mori & vivere recte dicuntur. At arboribus & reliquis stirpibus animam inesse, & eas animatas existere neminem unquam inveni recte loquentem qui dixerit, nisi forte cut Aristotelis opinionem inconsiderate secutum, aut aliquem ex Poetis, qui Hamadryadas fingunt esse Deas, & quasi animas arborum. Quomodo enim stirpes animam habeant aut animatae sint, quæ non sentiunt neque spirant? at eadem vitam habere, & ut ita dicam, vitatas esse, quando & mori & vivere recte perhibentur, nemo negat. Quam ob causam Aristoteles, ut opinor, quod in secundo de Anima dixerat, stirpes animam habere, & animatas esse: rursus ipse quoque vel per imprudentiam à veritate coactus, vel dedita opera, ut ipse & errorem suum corrigeret, in octavo de Historia animalium, ita scriptum reliquit, *μὴτὰ γὰρ τὸ πᾶν ἀψύχον γίνεσθαι, τὸ πᾶν φύττειν πρῶτον ἰσὶ: καὶ τούτων ἕτερον πρὸς ἕτερον διαφέρει, τὸ μᾶλλον δοκεῖ μίττειν ζῶντι. ὅλον δὲ τὸ γίνεσθαι πρὸς μὲν τ' ἄλλα εὐμαρῶς φαίνεται γίνεσθαι ὡς πᾶσι ἀψύχον, πρὸς δὲ τὸ ζῶντι ἀψύχον.* Hæc Aristoteles, quæ quoniam à Theodoro Gaza hujus libri interprete fuerunt corrupta, nam ubi Aristoteles dicit, *πᾶν ἀψύχον*, ipse vertit, animantium: sive id fecit, quia mendosum habuit codicem, sive ut Aristotelem servaret, ne sibi ipse contrarius esse videretur, idcirco fideliter transfrenda censui hoc modo. Naque post genus inanimatorum, genus plantarum, primum est, & earum alia ab alia differt, eo quod vita magis videtur particeps, universum autem genus comparatione quidem corporum aliorum videtur fere tanquam animatum, at comparatione animalis inanime, & quæ sequuntur. Hæc est enim vera verborum Aristotelis sententia, in quibus si stirpes vere essent animatae, quid opus erat dicere, eas comparatione aliorum corporum esse tanquam animatas, comparatione autem ani-

malis inanimatas? Præterea si stirpes vere animam haberent, cur Aristoteles ex eis alias magis quam alias vitæ videri participes dixit potius quam animæ? cur eo in loco vitæ vocabulum usurpavit, animæ prætermisit? Hic mihi qui censent Aristotelem putasse stirpes vere animam habere nunquam poterunt rationem ullam satis probabilem asserere, cur Aristoteles ita loqui maluerit. Atego verissimam statim & expeditissimam reddam, quia scilicet putavit stirpes habere vitam non animam: & quod in secundo de Anima visus est attribuer animam stirpibus, eo in loco τὰν ψυχῶν, hoc est, animam: ἀπὸ τῆς ζωῆς, hoc est, pro vita posuit. Nanque & animam pro vita, & vicissim vitam pro anima quandoque apud Græcos poni, illud est velevidentissimum argumentum, quia quod nos animalab anima nominamus, id ipsi ζῶον, eodem modo, ἀπὸ τῆς ζωῆς vocant, hoc est, ab anima: quæ quidem vocum permutatio non ita procedit apud Latinos, apud quos vitalongc differt ab anima: vita enim est quæ vivimus, anima vero quæ spiramus: & dicta est anima ἀπὸ τοῦ ἀνέμου, hoc est, à vento sive à spiritu: quanquam non me latet animam quandoque pro vita usurpari sed figurate. Quare non ubique Aristoteles pro certo dixit stirpes esse animatas, sed etiam alicubi dubitasse visus est, ut in eo quem dixi loco de generatione animalium: & rursus in quinto Topicorum, ubi ait, Animalis esse proprium animam habere, quasi anima solis animalibus tributa sit, non aliis viventibus, hoc est, arboribus & herbis, ut existimat Alexander Aphrodisiensis, qui ne Aristoteles videatur negasse, animam esse in stirpibus, sive stirpes esse animatas, & sibi met adversari, putat illum locum esse mendosum, & ubi legitur, ἐμψυχα, legendum esse αἰσθητικά quoniam sensus solis animalibus, non autem stirpibus sit attributus. Quo in loco nec Aristoteles verum dicit, nec Alexander recte Aristotelem exponit, Errat enim Aristoteles, quoniam habere animam, etiam si alicui alteri conveniret, præterquam animalis, non propterea tamen minus esset animalis proprium: nihil enim impedit, quominus aliquid sit proprium alicujus, etiam si sit alteri commune, intelligendo tamen de proprio, ut opponitur non cōmuni, sed separabili, quod proprium inseparabile supra diximus appellari, in capite de Proprio. Nescit quid dicat Alexander, quia falso putat eo in loco pro animato legendum esse sensitivum, cum in omnibus codicibus ita scriptum sit, ἐμψυχα, & cum verum sit, habere animam esse proprium animalis non privatū sed inseparabile. Ex quo etiam deprehenditur alia quædam rudis Alexandri inscitia, quæ tamen est ei cum Aristotele Hæresiaracha suo communis: putat enim Alexander, hoc quod est, habere animam, si alii præterquam animali conveniat, non posse esse proprium animalis, quasi non ea etiam propria esse possint, quæ cō-

veniant aliis, modo sint inseparabilia: sed omisissaliorum erroribus, dico stirpes omnes habere quidem vitam & esse viventes, sed habere animam nec esse animatas: & hoc affirmo motus primum ea ratione, quia cum non spirent non possunt esse animata: deinde autoritate Ciceronis, & Plinii, ex veteribus Latinis, ut ante dixi, ex recentioribus autem Laurentii Vallæ, in primo Dialecticæ suæ libro Cap. IX. qui vehementer reprehendit Aristotelem ob hoc, quod animam dat arboribus & herbis & Erasmi Roterodami in libello de Copia rerum & verborum, qui proferens exempla metaphoræ ab inanimato ad inanimatum, ita inquit, Ut si quis sylvam scaterere dicat, quod est fontium, aut odium suppullulascere, quod est fruticum, Quibus verbis Erasmus aperte significat, sylvas & frutices esse inanimatas. Quare quire & philosophari cupiunt, ita de stirpibus & plantis omnibus teneant, ut nos diximus, & Pseudophilosophorum opinionem hac in re contemnant ac derideant. Sed ut redeam ad arborem nostram substantiæ, in ea quoque generis rationalium speciem fecimus deum sive genus deorum, quia sic antiqui putabant, deos esse animalia rationalia immortalia: & quia sic etiam fecit Porphyrius in capite de Specie. Thebanum autem & Trojanum idcirco species hominis substituiimus, quia sic nos docuit Cicero in primo de Inventione, & quia verum est: hominē quidem cum ad superiora spectat, solummodo esse speciem, cum vero ad inferiora convertitur, statim effici genus, & tanquam veras species continere sub se Trojanos & Thebanos: qui licet ad essentiam hominis nihil pertineant, nihil propterea tamē impediuntur, quo minus possint esse veræ species hominis, si non essentielles at certe accidentales: nam cum sine ulla dubitatione Trojani & Thebani sint in genere hominum, quomodo possunt iidem generis hominum non esse species? nisi quis forte dicat aliquid posse esse in genere, quod nō sit species illius, quod est falsissimum: sic enim non in genere erit, sed in aliquo alio toto discreto, quod non sit genus: ut in populo, in exercitu, in grege, in armento: nihil enim proprie est in genere nisi species, ut supra dixi, nec quicquam proprie est genus ullius alterius nisi speciei, cum species & genus sint, quemadmodum vocant, correlativa, & alterum in alterius definitione ponatur. Sed causa quare Pseudophilosophi negant Trojanum & Thebanum esse species hominis, est quia nunquam in spatio annorum pene duum millium intelligere potuerunt, non omnes species pertinere ad essentiam generis, sed solum essentielles, nec omnia genera esse de substantia specierum, sed tantum substantialia. Idq; non solum quia Cicero ac reliqui Scriptores veteres ita esse demonstrant, sed etiam quia communis omnium loquendi consuetudo confirmat. Ad hæc arbor, nostra generica substantiæ, in eo quoque differt ab illa

Por-



Porphirii & Aristotelis, quod illa tantum in imo & quasi ad radicem habet individua, hoc est, singulares substantias, atque, ut Dialectici vocant, primas: supra radicem vero usque ad summum cacumen tota composita est ex generibus, & speciebus, & differentiis universalibus, sive ex secundis substantiis, ut Dialectici vocant. Quæ omnia, ut iidem illi volunt, sunt non hoc aliquid, sed quale quid (nam solas, substantias primas, hoc est, singularia substantiæ, hoc aliquid esse dicunt) & non sunt in subiecto, sed prædicantur de subiecto: idque non æquivoce, sed univoce. Postremo vero ajunt hæc quoque substantiis omnibus communia esse, ut nihil sit eis contrarium, ut non recipiant magis & minus, ut unæ eademque cum sint, contraria successive recipiant. Ex his inquam composita est, & has habet proprietates arbor substantiæ Dialecticorum, ut ipsi tradunt: At nostra arbor substantiæ, multo maxima ex parte contra se habet, constat enim ferme tota ex generibus & speciebus non universalibus & falsis, ut illa, sed universalis & veris, ut supra probavimus: nec ullas habet differentias, aut secundas substantias, quæ cum universalis a Dialecticis dicantur, non possunt ipsæ quoque una cum universalibus non esse falsæ. Deinde continet species non solum divisibiles, sed etiam indivisibiles & specialissimas: quæ ut species sunt, semper sursum spectant ad sua genera, nunquam deorsum. Atque ideo de nullo dicuntur nec univoce nec æquivoce: idemque faciunt genera, non quia non deorsum aspiciant, sed quia res sunt non voces, quarum proprium est dici. Tum præterea quicquid est in ea, id omne est hoc aliquid, hoc est, vel una singularis substantia, quæ est species specialissima, vel una multitudo singularium substantiarum, nec quicquam in ipsa reperitur, quale quid, quod non vere sit, hoc aliquid. Cum nihil prorsus existat in rerum natura, quod possit esse quale quid, quin idem etiam necessario sit hoc aliquid, hoc est, una aliqua numero singularis & individua qualitas: & si non sit hoc aliquid, ne in rerum quidem natura ullo pacto esse queat, nisi fictum & commeticum. Id quod manifesteprehenditur esse verum, non solum ex eo, quia per intellectum humanum percipi ac comprehendi non potest istud quale quid, nisi sit, hoc aliquid: sed etiam quia in generali nostra divisione rerum nihil est, nisi singulare aut multitudo singularium, ut supra probavimus. Itaque qui illud quale quid Aristotelicum voluerit defendere, ut non videatur esse chimericum, is necesse habebit prius impugnare illam divisionem nostram, & universalis realia probare esse vera, quod nemo unquam recte facere poterit. At inquit Aristoteles, aliquis homo, & aliquis equus sunt primæ substantiæ, & hoc aliquid: homo vero & animal sine ulla adjectione, sunt secundæ substantiæ, & quale quid. Quibus verbis Aristoteles tantam vim ac potestatem tribuit huic particula

aliquis



aliquis vel aliquod, ut adjecta homini vel animali ex secunda substantia faciat primam, dempta vero ex prima res reficiat secundam. Cui ego vicissim respondeo, idem prorsus dictu esse, homo & aliquis homo, animal & aliquod animal: nec quicquam referre sive addatur, aliquis vel aliquod, sive non addatur, eo quia per se semper subintelligitur tanquam adjunctum, ut ex ipso met Aristotele non dubitanter licet intelligere, is enim in libro *περὶ θεωρημάτων ἀκουσμάτων*, quodam in loco ita inquit, *ἐν τῇ σικιλιᾷ τῇ καλουμένῃ αἴτην σπήλαιόν τι λέγεται εἶναι*, & non multo supra ita dicit, *ἐστὶ γὰρ αὐτόθεν σπήλαιον, ὃ καλεῖται γλαφυρόν*. In quorum locorum utroque sine dubio significare vult aliquam unam & individuum speluncam, & tamen in superiore tantum apponit τὸ τι, in posteriore autem idem licet non appositum subintelligit. Quare cum auctore Aristotele nihil differat utrum dicatur, spelunca an aliqua spelunca: eodem quoque modo nihil differre putandi sunt, homo & aliquis homo, equus & aliquis equus: & eo magis quod idem ipse author in tertio *τῶν μετὰ τὰ φυσικά*, non longe à principio probat idem esse, unum hominem, ens hominem, & hominem: ex quibus omnibus concluditur, Aristotelem cum docet diversa esse hominem & aliquem hominem, animal & aliquod animal plusquam pueriliter errare, & non solum contra veritatem, sed etiam contra seipsum loqui. Ut omittam hic, quod ita loquitur, ut dicat primam substantiam hoc aliquid significare, secundam autem quale quid: perinde quasi substantia prima, quæ est res, tanquam si vox esset, significaret, & vocis ministerio fungeretur. Sed de eo, quod est hoc aliquid & quale quid, jam satis. Postremo vero in arbore nostra reperiuntur nonnullæ substantiæ quæ habent contrarium, ut ignis cui aqua contraria est, & aqua cui adversatur ignis: & multæ etiam quæ suscipiunt magis & minus, præsertim in adjectivo pronuntiatæ: ut cum dicemus, magis vel minus marmoreum, magis vel minus ligneum. Itaque nos una cum Laurentio Valla sine ulla dubitatione affirmamus substantiam & contrarium habere, & magis minisque recipere: & Aristotelem ac ceteros qui hæc negant, vehementer esse reprehendendos. Ac talibus quidem causis & rationibus, arborem nostram substantiæ à Porphyriana & Aristotelica longe diversam fecimus. nunc sequitur ut idem faciamus in arbore qualitatæ: & ante omnia, ut ostendamus omnia alia accidentiū prædicamenta sub qualitate generali, tanquam veras illius species esse collocanda: si prius tamen pauca quædam de substantia addiderimus à recte philosophandi studiosis non ignoranda, quæ sunt hæc. Primo quam Latinitum substantiam, tum naturam, tum essentiam appellant, eam à Græcis vocari *οὐσίαν* quasi dicas, *αὐτὴ τὸ εἶναι*, ab essendo

Nam & si tam accidens, quam substantia æqualiter ipsum esse, siue essentiam participet (tam enim accidēs quam substantia vere & proprie dicitur esse, hoc est, non improprie nec figurate) tamen substantia tanquam omnium rerum siue entium dignissima, & quæ maxime videtur esse, essentiamque habere, non immerito nomen commune, ac genericum apud Græcos sibi vendicavit: & cum sit species generis rerum sicut & qualitas, tamen nomen generale retinuit. Atque hoc est illud quod Aristoteles in principio capitis de Substantia ait, *ἡ κυριώταται λεγομένη*, hoc est, quæ maxime proprie, siue privatim dicitur. Nam quemadmodū nomē urbis communiter dicitur de Mediolano, Neapoli & aliis urbibus, proprie autem siue privatim de urbe Roma. Sic *οὐσίας* vocabulum communiter dicitur tam de omnibus accidentibus quam de substantiis, *οὐσία* enim inter alias significationes, quas habet, inquit Ammonius *πάσαν ὑπαρξιν ἀλοῖ, ἥτις καὶ τῇ συμβιβεμένην φέρεται*, hoc est, omnem essentiam, vel existentiam significat: quæ & de accidentibus dicitur, proprie vero & privata quadam significatione dicitur de substantia. Quod non intelligentes Interpretes nugantur, dicentes Aristotelem ex eo quod ait *κυριώταται* excludere voluisse superficiem, quæ non proprie, sed apparenter, ut ipsi loquuntur, substantiat accidentibus, & asserentes eundem ex eo quod dicit, *λεγομένη* hoc est, quæ dicitur, non ex sua sententia, sed ex aliorum opinione loqui, quod falsissimum est: Aristoteles enim primam substantiam maxime proprie dici affirmat, comparatione secundarum substantiarum & accidentium: quæ ipsæ quidem quoque communiter dicuntur *οὐσίαι*, sed non proprie nec privatim ut primæ: Et quod ait *λεγομένη*, non ad aliorum opinionem, sed ad nomen *οὐσίας* referri debet. Nominum enim proprium est dici, ut jam multoties antea dictum est: Nec alio pertineat ea quæ sequuntur duo adverbia, *πρωτῆς καὶ μάλιστα*. Substantia enim prima, ex sententia Aristotelis, dicitur primum & maxime, substantiis, scilicet, secundis & accidentibus comparata. Ac de nomine quidem *οὐσίας*, apud Græcos ita sentiendum est omnibus recte philosophari cupientibus. At vero apud Latinos *οὐσία* magis usitate substantia & natura quam essentia dicitur, & revera nos magis aptum magisque proprium huiusce rei nomen habemus quam Græci. Si quidem magis proprie videtur appellari substantia à substantando, eo quod omnibus qualitatibus & accidentibus, ut ita dicam, substantat: quam essentia, cum habere ipsum esse siue essentiam æqualiter conveniat & commune sit, omnibus tam accidentibus quā substantiis. Unde mihi non male videntur definivisse, qui ita dixerunt, *Substantiam esse eam, quæ per se stat, & accidentibus substantat*. Sic enim & nos sub-

(Quid autem est per se stare?)

Rantiam nihil aliud esse arbitramur, nisi rem per se stantem, & accidentibus sub-

subjectam, ut cum dicimus, substantiam esse rem, significemus eam esse in genere rerum, cum autem addimus per se stantem, ut separemus ab accidentibus & qualitatibus, quæ non naturaliter per se stant, sed in alio semper existunt. Quod autem in finē ad, etiam est, & accidentibus subjecta, nihil aliud facit, nisi definitionem explicat, clarioremque reddit. Ac talem quidem nos substantiam esse hocque modo definiri oportere putamus, & contendimus. Intelligentes tamen semper hanc definitionem convenire, & accommodatam esse substantiis singularibus, quas Dialectici primas nominant, non generibus neque speciebus more illorum acceptis: quas iidem vocant secundas substantias. Has enim nos tanquam inter universalia realia numeratas à Dialecticis, una cum ipsis universalibus à nobis antea refutatis præsumimus improbamus, & ex omni philosophia ejicimus exterminamusque.

## CAPUT DECIMUM.

*Genus rerum vere in duas tantum species dividit, in substantias & qualitates, & omnia alia accidentium dialecticorum prædicamenta sub qualitate generali tanquam veras ejus species vere contineri.*

**R**erum genus, quod supra docuimus, esse unum, verum, & generalissimum genus: prima & summa divisione secatur non in decem categorias, ut putavit Aristoteles, nec in tria prædicamenta, ut existimavit Laurentius Valla, sed in duas tantum veras species, sive formas, hoc est, in substantias & qualitates. Idque probo potissimum hoc argumento, quod omnia alia accidentiū prædicamenta nihil aliud sunt, nisi species quædam qualitatis generalis, & propterea ad illam tanquam species ad genus, & quasi rivi quidam ad fontē caputque suum referri debent. Nam summum genus qualitatum proprie, sive qualitas ut genus figurate, quam supra in arbore generica qualitatis secundam generis rerum speciem sive formam posuimus, nomine & appellatione sua communissima cōprehendit omnia alia, quæcūque sunt in rerum natura, præter substantiam, hoc est, omnia accidentia. Atque ideo quatenus sursum aspicit & una cum substantia genus rerum in duas partes dividit, recte appellatur species sive forma generis rerū: quatenus vero deorsum versum convertitur, & sub se complectitur omnia, ut dixi, præter sub-

stantiam, non speciei neque formæ, sed generis nomen sibi vendicat, & proprie dicitur qualitas generalis, siue qualitas ut genus, ad differentiam qualitatis ut speciei est, quæ est pars qualitatis generalis, & quantitati, cæterisque accidentium speciebus, tanquam species diversa sub eodem genere contenta opponitur. In summa qualitas, ut recte inquit Aristoteles, est res secundum quam dicimur quales: cuius nomine nos hic intelligimus, non solum omnia ea quæ à Dialecticis & Philosophis communiter appellantur accidentia, sed etiã omnes differentias, quas Dialectici vocant substantiales, & omnes substantias in adiectivo prolatas. Namque ut supra monuimus, quem admodum accidentia in substantivo prolata substantiæ faciem induunt, sic substantiæ in adiectivo pronuntiatæ in qualitates mutantur, & ab eis res veræ dicuntur quales. Quis enim dubitat quin marmor & later sint substantiæ? attamen esse marmoreum vel lateritium est qualitas ædificii: interrogatus enim aliquis quale ædificium construxerit, recte respondeat, marmoreum vel lateritium. Eodemque modo nemini dubium est, quin esse candidum vel esse calidum, qualitas quædam sit, & tamen candor & calor non qualitates, sed substantiæ quædam videntur esse: quia tanquam substantiæ quædam in substantivo pronuntiantur. Qualitatem autem hanc generalem idcirco non solum quantitati ut speciei est, sed etiam quantitati & aliis accidentium generibus superposuimus, & omnibus communem fecimus, quia quamvis nomen qualitatis à Dialecticis & Philosophis tris perperam, & prorsus imperite separaretur à quantitate, relatione, cæterisque accidentibus, tamen apud Latinos veteres, & omnes recte loquentes generaliter idem significat quod nomen accidentis, atque etiam aliquid amplius. Si quidem omne accidens qualitas est, non autem contra: nam multe sunt qualitates substantiales, quæ non videntur recte dici posse accidentia, ut ratio in homine, & sensus in animali. Quare multo generalius est nomen qualitatis, quàm nomen accidentis: sic ut verissime, simul & latinissime liceat dicere, quantitatem, relationem, actionem, & reliqua omnia accidentia, esse qualitates quasdam. Ut partim affirmat Rodolphus Agricola in secundo libro de Inventionem dialectica, Cap. VII. cuius hæc sunt verba. Qualitatem etiam vocamus in præsentia, non ut sit unum ex decem prædicamentis, sed ut qualitas sit quicquid non est substantia rerum: sic & quantus est sol, & ubi sunt Nilivæ fontes, & quando fuit Homerus, quæstione qualitatis continentur. Hæc Rodolphus. Partim confirmat Laurentius Vallæ in primo Dialecticæ suæ libro. Cap. XVII. de generali qualitatis significatione idem planè sentiens, quod Rodolphus, nisi quod passionem, quam vocant, sub actione collocat, & actionem quandam esse arbitratur. Tum actionem tanquam prædicamentum per se sta-

se statuit à substantia & qualitate prorsus sejunctum & separatum: atque hoc modo decem Aristotelis categorias ad tres tantum reducit, nempe ad substantiam, qualitatem, & actionem: cuius opinio ex iis, quæ nos dictum sumus, manifeste falsa convincitur. Ostenditur enim actionem æque sub qualitate sicut cætera accidentia contineri. Sic igitur & Agricola & Valla de qualitate generali sentiunt. Et Quintilianus utriusque sententiam aperte comprobatur, libro VII. in capite de Qualitate, ita scribens, Qualitas a'ia est de summo genere, atque ea quidem non simplex: nam de qualis sit cuiusque rei natura, & quæ forma quaeritur, an immortalis anima, an humana specie Deus: & de magnitudine & numero, quantus sol, an unus mundus, quæ omnia coniectura quidem colliguntur, quaestionem tamen habent in eo quæ'ia sunt. Hæc Quintilianus: Ex quibus manifeste licet intelligere, qualitatem de summo genere esse eam, quam nos supra appellavimus qualitatem generalem, sive qualitatem ut genus: qualitatem autem specialem, sive ut species est: & quantitatem una cum partibus suis, tam discretis quam continuis, esse duas species qualitatis, illius de summo genere, sive generalis, sive ut genus acc

(Non dum sunt Qualitates, sed duæ vocis acceptiones. Qualitatem generalem distinctionis causæ mallem appellare potius modum. Nam qui eandem vocem eodem loco diversis sensu adhibet, nec esse est tropice loquatur, quod à philosopho præsertim in constituendis vocibus potissimum, alienum. Male autem Modum vocare, quam accidenti, quia multi modi abesse non possunt citra subiecti corruptionem, v.g. calor ab igne.)

ceptæ. Quare jam nemini dubium esse debet quin qualitates revera sint duæ, una generalis, altera specialis: Et quin hæc specialis una cum quantitate sub illa generalis tanquam species sub genere suo comprehendatur. Præsertim cum idem Quintilianus, eodem Capite paulo infra testetur, quod Græci duobus nominibus ποιότης, & ποσότης dicunt, id nos uno & eodem qualitatis vocabulo complecti. Et cum idem rursus libro III, cap. de Narratione, de parvis causis loquens, ita dicat, In parvis causis, quales fere sunt privatæ. Quo in loco eum ante dixisset, in parvis, postea statim subiunxit, quales, & cætera: ex quo significavit parvitatem, quæ est species quantitatis, sine ulla dubitatione esse qualitatem. Quo loquendi genere etiam ante Quintilianum usus est Plato in Alcibiade primo, cuius hæc sunt verba, ἀρα ἰπὸ τὰς εἴησις ἡμεῖς τοὺς μεγάλους εἶναι διὰ ἀκούειν εἶδεναι; hoc est, Interrogas ne an sim incepturus sermonem aliquem longum, quales audire solitus es? Ecce quemadmodum Plato ibi quales non quanto dixit, cur ita? quia esse longum specialiter quidem dicitur ποσότης, sed generaliore vocabulo recte etiam ποιότης appellatur. Quin etiam Archigenes inter antiquos Medicos Græcos celeberrimus aperte dixit, magnitudinem & parvitatem, celeritatem & raritatem, plenitudinem & inanitatem, & cætera huiusmodi esse qualitates pulsus, ut testatur Galenus in secundo de differentiis pulsuum. Qua quidem in re quamvis reprehendatur à Galeno, tamen ipse Galenus magis videtur esse reprehendendus, qui nulla firma aut recta ratione motus, sed sola prædicamentorum

suorum falsa atque inani doctrina adductus, non solum Archigeni, sed etiam Platoni, atque adeo communi Græcorum omnium loquendi consuetudini aduersatur: Hæc veteres Græci de qualitate. Neque solum Quintilianus ex veteribus Latinis ita de qualitate sensit, sed etiam M. Cicero in primo de Inventionelibro, ita loquitur, Generalis est controversia, cum & quid factum sit, convenit, & quo id factum nomine appellari oporteat constat, & tamē quantum & cuiusmodi & omnino quale sit quaeritur. Quibus verbis Cicero per controversiam generis nihil aliud intelligit, nisi statum qualitatis. Quæstio enim generis sive generalis & quæstio qualitatis apud Latinos idem sunt, ut implet Cicero in principio capitis illius aperte ostendit: & verba illa, & omnino quale sit, in fine superioris exempli posita clare indicant. Quid enim sibi vult eo in loco, & omnino quale sit? nisi concludere membrum generaliter, ut perinde sit ac si dixisset, & generaliter sive in universum omnis controversia de qualitate: quæ sub se continet & quantum, & cuiusmodi, & in summa omnes alias qualitates. Namque hoc adverbium omnino apud Latinos sine dubio idem significat, quod generaliter & in universum sive universe, ut cum dicimus vel affirmando aliquid, omnino aut magna ex parte sum aliquando liberatus, vel negando hoc modo: Vix aut omnino non possum liberari. Sed ut redeam unde discessi, si parvas, si magnitudo, si numerus, si denique quantum ipsum, & cætera huiusmodi veræ sunt qualitates, ut non solum ex Agricola & Vallæ, sed etiam ex Quintiliani & Ciceronis, atque adeo etiam ex Platonis verbis licet intelligere, quis dubitat similiter & relationem, & actionem, & passionem, & quando, & ubi, & situm esse, & habere, & omnino omnia accidentia qualitatis nomine contineri ac significari? si quidem hæc omnia nihil aliud sunt, nisi qualitates quædam substantiis, atque aliis rebus accidentes. unde & accidentium nomen sibi vendicarunt. Quod vel ex communi omnium latine & recte loquentium usu absque alia ratione vel autoritate, verum esse poterat intelligi, nisi iis, qui hæcenus philosophati sunt fere omnes fuissent inepte additi, & pluris vanam Aristotelis auctoritatem fecissent, quam veritatem & communem loquendi consuetudinem. Nam quaerenti, exempli gratia, qualem hominem videris, recte respondeas per omnia accidentium generata: si dicas primo, magnum vel parvum, ut supra dictum est in quantitate: deinde bonum vel malum, album vel nigrum, in qualitate speciali: tum patrem vel filium, dominum vel servum in relatione: postea verberantem vel interficientem in actione: deinde rursus fastidientem vel vapulantem in passione: præterea hodiernum vel externum, huius anni vel anni præteriti in tempore, sive quando: ad hæc Italum vel Gallum, Romanum vel Neapolitanum in loco



in loco vel ubi: post hæc sedentem vel cubantem vel stantem in situ: postremo vero vestitum vel nudum, armatum vel inermem in habitu. Quibus omnibus exemplis à communi omnium latinorum loquendi consuetudine desumptis manifestum est, ad interrogationem factam per qualis vel quale est, recte responderi posse per omnia accidentium prædicamēta & propterea omnia accidentia necessario qualitates quasdam esse confitendum est. Quod etiam confirmatur auctoritate Rhetorum omnium, tam Græcorum quam Latinorum, qui in divisione statuum sine constitutionum Rhetoricarum dicunt in omni quæstione quæri solere tria an sit, quid sit, quale sit: ac primum illum modum quæstionis appellant conjecturalem, secundum definitivum, tertium generalem, sive qualitatis, eo quod in illo generaliter quæritur de omni quantitate, hoc est, non solum de qualitate ut species est, sed etiam de quantitate, loco, tempore, cæterisq; accidentibus. Ut constitit ex iis, quæ supra posuimus, exemplis: partim ex Rodulpho Agricola, partim ex Quintiliano, desumptis de tempore, de loco, & de aliis accidentibus, atque ut patet in exemplis quæ nos supra ex communi omnium consuetudine loquendi protulimus. Quare necesse est Rhetores, aut non recte appellasse tertium illum statum generalem & de qualitate, si in eo non quæritur de omni qualitate & accidente generaliter, aut si quæritur quantitatem, relationem, actionem, & reliqua omnia accidentia non posse non esse qualitates. Postremo vero idem quoque confirmatur testimonio Dialecticorum quorundam recentiorum, & inter alios maxime *Chrysostomi Iavelli Canapitii juniorum omnium qui de Dialectica scripserunt iudicio meo acutissimi*, qui capite quarto de prædicamentis, de qualitate loquens ita scribit, Unde & per actionem dicimur quales, & per passionem, ut qualis est Socrates? respondetur scribens vel calefactus. Sed quid immoror hac in re probanda? cum etiam ipsa substantia nonnunquam quasi transmutetur in qualitatem? & ab ipsa substantia res dicatur esse qualis? ut cum, quispam rogatur, qualem statuam emerit, & respondet ceream, vel marmoream, vel ligneam: nonne statua dicitur qualis à cera, marmore, & ligno? certe ita est, & verum est id quod supra in capite de Nominibus dixi, ut nomina omnia substantiva significant substantiam vel accidens per modum substantiæ, sic adjectiva, sive substantiarum sint sive accidentium, semper significare qualitatem. Atque ideo recte Aristoteles in quinto *ἤμιτα τὰ φυσικά* dixit, differentias substantiales esse qualitates, ut rationem in homine, & sensum in animali: quod verum esse non posset, nisi substantia nonnunquam etiam qualitatis modum indueret, & quasi in qualitate transformaretur. Quod quidem accidit non ob ipsam rei ipsius naturam, si quidem revera, nec sub-

substantia in accidens, nec accedens in substantiâ converti potest, sed propter nostrum pronuntiandi modum, qui nunc qualitates per modum substantiarum in substantivo, nunc substantias per modum qualitatum in adjectivo pronuntiare consuevimus. Sit igitur ut semel finiam, non solum testimonio Rodulphi Agricola & Laurentii Vallæ, sed etiam autoritate Platonis, & Archigenis, & Cicconis, & Quintiliani, & Rhetorum tam Græcorum quam Latinorum: & præterea etiam consensu & consuetudine omnium communiter & recte loquentium, & postremo etiam autoritate juniorum Dialecticorum liquido apparet qualitatibus nomen sua generali significatione comprehendere, non solum qualitatem specialem, sed etiam quantitatem, relationem, & alia omnia accidentia: atq; adeo quoq; ipsam substantiam in adjectivo prolatam, & similiter contra, omnia prorsus accidentia unâ cum substantia in adjectivo pronuntiata, tanquam qualitatibus generalis species inter qualitates vere esse numeranda. Ex quo rursus apparet non modo Dialecticos, sed etiam Grammaticos penè omnes vehementer errasse, qui in capite de relativis, quantitatem à qualitate ita separant, perinde quasi essent duo penitus diversa, & ad interrogationem factam per quale, non recte possit responderi per nomina quantitatis, quod est falsissimum, ut nos supra multis exemplis ostendimus, & multis verbis confirmat Laurentius Valla in capite Dialecticæ suæ ante citato: ubi etiam docet apud Virgilium, cum dicit.

Nam qualis, quantumq; cavo Polyphemus in antro,

Lanigeras claudit pecudes.

& apud alios scriptores, cum quale & quantum conjuncta reperiuntur, non de qualitate generali sive ut genus, sed de qualitate speciali sive ut species prout quantitati opponitur, & qualitatibus generalis species est, esse intelligendum. Quamobrem cum hæc doceat Laurentius nos ulteriori hujusce rei probatione super sedebimus, & pro constanti probatum relinquemus, esse unum tantum genus summum & generalissimum, hoc est, genus rerum: & hoc ipsum prima divisione secandum esse in duas veras & germanas species sive formas, hoc est, in substantias & qualitates: non in decem categorias, ut prorsus falsò existimavit Aristoteles: nec in tria prædicamenta, ut minus quidem falsò, seu tamen non recte censuit Valla: cujus opinionem non mihi ultra refutandam arbitror, cum ex iis, quæ dicta sunt, satis appareat eam non posse veram esse, Atq; hoc modo de qualitatibus generalis nomine ac communitate sentiendum est, eis qui recte philosophari cupiunt: & non solum qualitas ut species est, sed etiam quantitas, & omnia accidentium prædicamenta sub hac qualitate generali collocanda.

De quali-

## CAPIT UNDECIMUM.

*De qualitate generali & omnibus ejus tam comparata quam absoluta speciebus, præsertimque de qualitate speciali, quantum differant à speciebus accidentium Dialecticorum, & singillatim quæ ratio & causa diversitatis.*

**Q**Uoniam de qualitate generali nec Aristoteles, nec quisquam Dialecticorum veterum, quod sciam, mentionem fecit: de qualitate autem speciali magna ex parte falsa ab eisdem fuerunt tradita: idcirco de utraque rursus pauca mihi dicenda videntur, & simul tam veritatis nostræ quam falsitatis Adversariorum ratio reddenda. Est ergo qualitas generalis sive ut genus, res in alio, hoc est, in substantia tanquam in subiecto semper existens, secundum quam ipsum subiectum, quale & quodammodo affectum dicitur. Quæ in definitione ponitur primo res, loco generis, est enim hujusmodi qualitas vere species generis rerum, & genus rerum vere hujus speciei genus: deinde in alio existens & cætera, ad differentiam substantiæ, quæ naturaliter per se stat, non in alio existit. Quod vero sequitur, secundum quam & cætera, id vero in fine additum est ad majorem essentiæ rei definitæ explicationem: quoniam Aristoteles ipse quoque hanc partem addidit, cum dixit, Qualitatem esse eam secundum quam quales dicimur, licet ipse non generalē hanc, sed specialem qualitatem definire videatur. Hujus autem qualitatis generalis primum duæ sunt partes sive species, in quas dividitur, id est genus absolutorum, & genus comparatorum, ut supra apparet in descriptione nostra arboris qualitatis. Omnes enim qualitates prima divisione, sunt aut absolutæ & persistentes, ut exempli gratia, magnus, parvus: aut comparatæ & ad aliud relata, ut majus, minus. Deinde utriusque harum partium rursus multæ sunt ac diversæ partes sive species, eisdem nominibus, sed absolute tantum & comparisone differentes, quas breviter recensendas & exempla unicuique apponenda existimavi, ut clare appareat, quantum doctrina nostra verior sit

(Hic in effectu retinet novem accidentium species Aristotelicas, nisi quod Qualitatem quantitativam præponit sane non male; item causam pro Relatione substituit, hoc verò male: Nam Relatio similitudinis sub relatione causalitatis non conjunctur. Male quoque pro Quando & Vbi seu localitate & duratione, quæ sunt accidentia, substituit locum & tempus, quæ substantiæ vim habent, manent enim locus & tempus sublati omnibus locatis & durantibus, unde & enumerantur nominibus substantivis)

& rectior, quam Dialecticorum & Pseudophilosophorum. Ergo partes sive species qualitatis generalis, tam comparata quam absoluta novem sunt fere, quarum prima est, qualitas ut species, secunda quantitas, tertia alio, quarta passio, quinta,

Aa

sio, quinta.

*fio, quin: a causa, sexta locus, septima tempus, oitava situs, nona habere.* Sub absoluta qualitate speciali sive ut species est, continetur omnes rerū proprietates sive propriæ naturæ, ut ratio & ritus in homine, sensus & motus in animalis omnes facultates sive virtutes, ut attractio ferri in Magnete, & purgatio bilis in Rhabbaro: omnes aptitudines vel ineptitudines, potentia vel impotentia ad aliquid agendum vel non agendum, ut ad discendum, ad canendum, ad currendum, ad luctandum: omnes habitus vel affectiones, ut virtutum vel vitiorum, artium vel scientiarum, commutationum vel perturbationum vel alterationum, ut vocant, in animalibus aliisque rebus: omnes status sive conditiones sive fortunæ, ut esse divitem vel pauperem, nobilem vel ignobilem, magistratum vel privatum: omnes patibiles qualitates, ut color, sonus, odor, sapor: & qualitates tam primæ quam secundæ, ut vocant: omnes figuræ & circa quodque ex flexas formas, ut triangula, quadrata, circuli, & reliquæ figuræ formarum Mathematicarum. Et denique si quæ aliæ sunt hujus generis species, tam intrinsecæ quam extrinsecæ, tam naturales quam adventitiæ & acquisitæ, tam substantiales quam accidentales, tam manentes quam moventes, tam ad animum quam ad corpus pertinentes. Hæc inquam omnia continentur sub una & sola qualitate speciali. Sub quantitate vero hæc, omnia tam continua quam discretæ quæ vocantur discretæ sunt, ut numeri, & multitudines omnes. continua, ut lineæ, superficies, corpora, & omnes magnitudines. Actio sub se continet omnia, quæ significantur verbis activis, ut calefacere, & urere: Passio vero omnia, quæ verborum passivorum significatione notantur.

(Causam non recte admiscuit, uti enim actioni passionem, ita debuisse opponere causæ effectum. Præterea causa est substantia, relatio seu causalitas est, Modus. Præterea causa efficiens pertinet ad actionem, materialis ad passionem, forma ad modum in genere, finis ad nullum, quid nondum est, tantum optatus.)

tur, ut calefieri & uri. Ad causam pertinent & authores sive causæ efficientes, ut esse Polycletem vel Parrhasium opus: & materiæ rerum, ut esse lapideum in domo, esse ligneum in arca: & fines sive causæ finales, ut voluptatis capiendæ vel sanitatis recuperandæ causa, facere aliquid. Exempla autem eorum, quæ continentur in aliis qualitatibus generalis partibus, supra satis descripta sunt in arbore sua: quare non necesse est, ut denuo hic repetantur. In qualitate vero generali comparata & ad aliquid fere sunt totidem partes sive species, quot in absoluta & eisdem nominibus vocantur, adjecta tantum comparatione, ut in qualitate speciali, candidius & minus candidum, dominus & servus, pater & filius, & si qua alia sunt hujusmodi, quæ in statu sive conditione absoluta hominum fundata sunt. In quantitate, ut majus minus, longius brevius, latius arctius, totum pars in continuis, genus & species in discretis. Nam quemadmodum totum non est nisi pars sit, & pars nisi comparatione totius, sic nec genus sine specie, nec species sine genere esse potest. Exempla vero actionis & reliquarum partium qualitatibus generalis comparatæ, satis superius in arbore ejus apparent descripta: quare nihil hic opus est ut repetantur.

Sic

Sic ergo dividitur qualitas generalis, ut duæ primæ partes ejus sint qualitates absolutæ & qualitates comparatæ, ac tam absolutarum quam comparatarum, totæ tales partes sunt, ut diximus. Intra quarum ambitum continentur fere omnia quæ cunq; sunt in rerum natura, præter substantiam. Rationes autem & causæ eorum, quæ vel addimus vel mutavimus in hisce qualitatibus describendis præter vel contra ea, quæ scripsit Aristoteles in categoriis suis, hæc sunt. Primum in summo posuimus qualitatem generalem tanquam alteram partem generis rerum, & substantiæ ex adverso respondentem, quam Aristoteles non recte prætermisit, cum ut supra docuimus, sine dubio differat à qualitate speciali, non solum apud Latinos sed etiam apud Græcos, ut ex superiore capite apparet. Deinde hanc ipsam divisimus in absolutam & comparatam, eo quia esse absolutum & esse comparatum sive relativum sunt diversa, nec in una eademque specie ambo recte comprehendiposse videntur. Tum subdivisimus utranque partem in plures alias species eisdem nominibus utrinque præditas. Ut enim in parte absolutorum est qualitas specialis & quantitas & cætera quæ sequuntur: sic etiam in parte comparatorum, ut patet in exemplis supra positis. Quod nō animadvertens Aristoteles categoriam *ἁπλοῦς*, h. e. ad aliquid, à qualitate, quantitate, cæterisque accidentibus, haut scio quā recte, prorsus separavit. *Nulla enim fere qualitas absoluta est, quæ non possit comparari,* & tanquam

(Aliud est posse comparari, aliud esse ipsam comparationem seu relationem.)

ad aliquid fieri, & cætera, cum & ea quæ sunt ad aliquid etiam absoluta fieri videantur. Nam esse servum, exempli gratia, & esse patrem, & alia hujusmodi sunt quidem ipsa relativa ex conditione sive statu hominum per comparationem facta, sed si & servus comparetur, non cum domino, sed cum libero : & pater conferatur, non cum filio, sed cum orbo, statim ex mutatione oppositionis uterque videtur mutari & ex relativo absolutus contrariusque reddi. Servus enim & liber, pater & orbus, non ut relativa sed ut contraria opponuntur. Atque ideo nos relationem non per se & ab aliis separatim, sed cum aliis omnino simul conjuncte posuimus. Præterea nos in qualitate speciali sub habitu & affectione collocavimus naturalem potentiam vel impotentiam, eo quia omnis naturalis potentia vel impotentia, est habitus quidam naturalis, etiam testimonio ipsius Aristotelis in sexto Ethicorum ita scribentis, καὶ γὰρ καὶ ὁμοίως αἱ ψυχαὶ ὑπάρχουσιν ἔχειν, hoc est, etiam pueris & feris naturales insunt habitus. Quare Aristoteles naturalem potentiam & impotentiam non diversam speciem ab habitu & affectione ponere, sed sub habitu vel affectione tanquam veras ejus species locare debuit. Quæ si quis defendere voluerit, is rationem mihi reddat oportet, cur Aristoteles aliter loquatur, aliter doceat, & contra sua ipsius documenta facere videatur.

Item in quantitate discretaposuimus genus & speciem divisibilem, in continua vero totum & partem, eo quia proprie genus & species divisibilis, nihil aliud sunt, nisi multitudines, totum & pars nisi magnitudines. Et post omnia etiam adiecit causam, eo quia est qualitas quædam rerum separata ab aliis, ex causa enim efficiente, & materiali, & finali, res sine ulla dubitatione dicuntur quales, ut & in arbore nostra qualitatis, & in superiore capite satis ostensum est. Quare Aristoteles præter alia quæ peccavit in describendis categoriis suis, etiam hoc peccatum admisit, quod prætermisit categoriam causæ. Nam si quis ab eo quærat, in quam categoria hæc sint, esse Polycletem vel Parrhasianum, esse marmoreum vel ligneum, & alia huiusmodi, *nunquam ipse se explicare poterit*, nec ad ullam categoriarum suarum tales loquendi modos

(ad τὰ πρὸς τὴν ἐφεσιν.)

reducere. Neque solum causam prætermisit, sed etiam multa alia in aliis partibus, ut in qualitate speciali, statum & conditionem personarum aliarumque rerum ut, *esse divitem vel pauperem, esse nobilem vel ignobilem*, quæ similiter ut *(Divitis vox ad numeros, nobilis ad parentes refertur, sunt ergo hæc non qualitates, sed relationes.)*

superiora, ad nullam Aristotelis categoriam reduci posse videntur. Hæ sunt igitur causæ & rationes, quibus aliqua in arbore nostra generica addidimus vel subtraximus vel mutavimus præter vel contra ea, quæ scripsit Aristoteles. Itaque sic concludimus hunc librum, ut dicamus arborem Dialecticorum prædicamentalem, ut vocant, præter eam partem, quæ ad individua pertinet, totam esse falsam, eo quia tota constat ex generibus, & speciebus, & differentiis universalibus realibus, hoc est, monstrosis & chimericis, ut supra ostensum est: & præterea habet genera & differentias ita firmas & immobiles, ut nec genera in differentias nec differentias in genera unquam mutari ac transire possint, cum fere nullum reperiatur genus, quod ita sit genus, ut non possit esse differentia, nec ulla differentia, quæ non possit esse genus. Ac quod de genere & differentia dixi, idem quoque de proprio intelligendum: ut in capite de differentia & proprio ostensum est. Rursus enim dico & affirmo nullum neque genus, neque differentiam, neque proprium, neque adeo speciem divisibilem esse, quæ non aliquando possit in aliterius quasi naturam mutari, & illius nomen accipere, hoc est, quæ non vel ex genere & species & differentia & proprium, vel ex specie & genus & differentia & proprium, vel ex differentia & genus & species & proprium, vel denique ex proprio & genus & species & differentia interdum fieri queat, ut exemplis supra demonstratum est.





# MARII NIZOLII BRIXELLENSIS

De veris Principiis, & vera ratione Philosophandi,  
contra Pseudophilosophos, & simul de falsis eorum  
principiis.

## LIBER TERTIUS.

### CAPUT PRIMUM.

*De nominibus scientiæ & artis, quid apud Latinos communi-  
ter ac proprie significent, & quot modis utrumque eorum  
accipiat, & deniq; quibus differentiis artes & scien-  
tiæ inter se distinguantur: contra falsas scientias & ar-  
tes Pseudophilosophorum.*

**C**UM in principiis tam nostris confirmandis quam Adversariorum  
refutandis sæpenumero posthac mihi sit usu venturum, ut utar no-  
minibus scientiæ & artis, quæ à nobis longe aliter, atque à Dialecti-  
cis & Philosophis intelliguntur, operæpretium me facturum existi-  
mavi: si pauca ante de ipsis nominibus dicerem: & quot modis tum à nobis  
tum ab illis acciperentur, aperirem: ne ambiguitas & ignorantia nominum  
fortasse in animis aut Adversariorum aut aliorum qui hæc lecturi sunt, erro-  
rem aliquem creare posset. Ergo nomen scientiæ apud Latinos veteres, & pro-  
batos Scriptores tribus modis usurpatum reperitur: primus modus est, cum eo  
significatur omnis cognitio qualiscunque ea sit, & quomodocunque accepta,  
hoc est, tam certa quam incerta, tam facilis quam difficilis, tam nobilis & rara  
quam etiam ad homines quamlibet ignobiles pertinens. Nam cum scire, &  
scientia sint conjugata, & conjugatorum hæc sit natura, ut uno posito vel ab-  
lato reliqua ponantur vel auferantur: idcirco quicunque aliquid scit, quomo-

docunq; id sciat, is ejus rei quam scit scientiam habeat necesse est, exempli gratia, si quis furtum vel homicidium factum scit, is furti vel homicidii facti scientiam teneat oportet. Quod si ipse cum id fieret interfuit & vidit, aut ab aliquo fide digno audivit, aut certis rationibus argumentisque deprehendit, hoc casu jam non solum scientiam simpliciter, sed certam scientiam habere recte dicitur. Quo loquendi modo usus est Author ad Herennium, cum in quarto ejus operis libro ita inquit, Vestrum est Judices his in unum collatis certam sumere scientiam, non suspensionem maleficii. Hæc author ille, Si vero non interfuit nec vidit, sed ab aliquo fortasse parum fide digno audivit, aut conjecturis tantum & incertis rationibus didicit, *similiter scit quidem* & scientiam

(Imo verò is nescire quidem proprie dicitur.)

tiam habet, sed non certam, hoc est, suspensionem vel opinionem. Nam quid aliud est suspicio vel opinio, nisi scientia incerta? Neque solum qui ita scit, hoc primo scientiæ modo scientiam habere recte existimatur, sed etiam ex contrario, qui ignorat, hunc scientia carere vere dicimus: ignoratio enim scientiæ contraria est: id quod aperte ostendit Cicero pro Sylla, cum ita ait, cujus scientiam de omnibus constat fuisse, ejus ignoratio de aliquo purgatio debet videri. Quo in loco apud Ciceronem scientia hoc primo, quem dicimus, modo, accipienda est. Interfuerat enim Cassius omnibus quæ acta erant, & tamen de Syllæ ignoreare fatebatur, quare videbatur eum purgare, quod non fecisset nisi certam quandam scientiam factorum omnium habere fuisset credidus. Hæc est igitur prima & communissima vis atque potestas nominis scientiæ apud Latinos, quam distinguentes debemus appellare scientiam, tum certam tum incertam, ut contingerit: & eam ita definire ut dicamus esse cognitionem rei vel rerum, tam certarum quam incertarum, tam faciliū quam difficilium, tam rararum quam etiam ad homines quamlibet ignobiles pertinentē, Ut in definitione hujusmodi scientiæ ponatur cognitio tanquam genus: omnis enim scientia est cognitio non contra: cætera vero apponuntur, tanquam proprietates, hunc primum scientiæ modum, ab eo qui sequitur, discernentes. Alter vero ejusdem vocis usurpandæ modus est multo arctior & contractior superiore, cum videlicet significat notitiam & cognitionem non qualemcunque, nec quomodo cunque acceptam, sed tantummodo rei vel rerū scitu dignarum, cognitu difficilium, & vulgo ignotarum: Cujusmodi sunt ea, quæ traduntur partim in Theologia, Physiologia, Geographia, Astrologia, cæterisque hujusmodi facultatibus, *quarum finis est non actio aliqua, sed cognitio sola*: atque ideo passim apud omnes Scriptores

(Imo verò falsum horum finem non esse actionem. Theologia Dei colendi, physiologia corporis curandi, Geographia itinerum, Astrologia tum temporum in usum rei publicæ discernendum, tum agriculturæ & navigationis causa, ut alia taceam ab hominibus perquisita est.)

idoneos proprie appellantur scientiæ, partim in Grammatica, Rhetorica, Arithmetica, Geometria, Musica, Medicina, Jure Civili, Politica, & aliis similibus, quarum finis est non solum cognitio, sed etiam actio quædam:

& pro-

& propterea non solum scientiæ, sed etiam artes proprie nominantur. Omnes enim hæ, quas dixi, versantur in rebus scitu dignis, cognitum difficilibus, & vulgo ignotis: quibus tribus conditionibus differunt à scientiis, quas supra diximus, primo modo acceptis. illæ enim sunt rerum etiam quamlibet vilium, & cognitum faciliū, & quas omnes passim sciunt, vel saltem scire possunt. Hæ vero, quas in secundo hoc modo retulimus, propriæ & veræ sunt scientiæ, & cum scientiam dicunt veteres Latini, de una aliqua harum fere semper intelligunt. Atque hic quoq; est secundus scientiæ modus apud Latinos, cujus exempla quamplurima si quis videre cupit, is legat aut Observationes nostras in M. T. Ciceronem, aut Thesaurum linguæ latinæ, in Capitibus tum scientiæ, tum artis, tum etiam prudentiæ: ibi enim reperiet non solum priores illas scientias, quas ante dixi, sed etiam has posteriores, quæ propriæ artes dicuntur. Itaq; constat scientiam hoc secundo modo acceptam ex iis, quæ dicta sunt: hoc modo esse definiendam, ut dicatur esse cognitio rei vel verum scitu dignarum, cognitum difficultium, & vulgo ignotarum. (adde supra pag. 190.) Qua in definitione, sicut & in illa superiore, ponitur cognitio loco generis, reliqua verò quæ sequitur, proprietates sunt, quibus hic secundus scientiæ modus à superiore separatur: de quo quidē nos infra cū de scientiis proprie acceptis loquemur, semper volemus intelligi. Præter hos autem duos, quos dixi, nominis scientiæ modos, est etiam alius quidam tertius, usq; adeo in arctum angustumq; contractus, ut scientiæ nomine nihil aliud significetur, nisi plane certum & indubitatum, quodq; nullo modo aliter atque est, unquam sese habere possit, hoc est. ut clarius more Dialecticorum loquar, quod sit necessarium, ingenerabile, incorruptibile, & sempiternum. Cujus quidem tam arcti scientiæ modi primus author & inventor fuisse videtur Plato in Theæteto, & Aristoteles tum in sexto Ethicorum, tum in Posterioribus analyticis, tum etiam alibi: quibus in locis ita hanc definitionem scientiam, ut nullo pacto haberi queat, nisi per eam, quam ipse Demonstratorem vocat, acquiratur: sitq; de rebus universalibus necessariis & æternis, & denique quæ nunquam corrumpi, aut ulla ratione mutari valeant. Sic enim & Plato & Aristoteles scientiam hoc tertio tam angusto modo acceptam, propriè & vere scientiam esse putant, alias vero omnes, quæ scientiæ dicuntur, præter hanc, esse quasi spurias & adulterinas. Post hos vero Galenus ipse quoq; genus hoc scientiæ mirabiliter celebravit, quippe qui compluribus in locis honorificam ejus facit mentionem, & alicubi etiam citat librum à se compositum de Demonstratione, hoc est, de ratione & modo scientiæ hujus gignendæ & acquirendæ. Sic enim Aristoteles & Peripatetici aiunt hanc scientiam argumentatione ea, quam ipsi *ἀποδεικτική* vocant, in nobis generari, &

nulla

nulla alia argumentandi ratione, quem demonstratione acquiri posse. Nec contenti his tot elogiis scientiam istam nobilitasse, addunt etiam eam proprie scientiam appellari, omnesq; alias præter hanc improprie & non vere scientias dici, ut quemadmodum apud Latinos cum Poëtam, aut Urbem sine alia adjectione dicimus, intelligimus Virgilium, & Romam; sic cum scientiam absolute proferimus, de nulla alia, præterquam de ista, proprie queamus intelligere: quod falsissimum esse paulo infra sumus ostensuri. Sic igitur præter illos duos, quos supra dixi, scientiæ modos, hic quoque tertius multo quam superiores illi arctior & angustior à Platone & Aristotele videtur fuisse introductus: deinde à Græcis fere omnibus mirandum in modum celebratus, præsertimque à Galeno. Neque solum Græci istud scientiæ genus agnoverunt, sed etiam M. Cicero apud Latinos, ipsum videtur non ignorasse, cum in secundo de Oratore, ita scribit, Oratoris autem omnis actio opinionibus non scientia continetur. Quo in loco per scientiam nihil aliud intelligit, nisi quod alio loco ipsemet dicit, Cognitionem rerum ab opinionis arbitrio semotarum, ac penitus perspectarum & nunquam fallentium. Quibus verbis hanc ipsam scientiam, de qua loquimur, sine ulla dubitatione significare voluit. Neque solum scientiæ nomine, sed sciendi verbo in hanc eandem sententiam usus est Cicero, si quidem proxime ante illum, quem modo citavi de Oratore locum, ita inquit, Ars enim earum rerum est, quæ sciuntur. Quorum verborum talis est sententia, ut si ita dixisset, Scientia certa est earum rerum, quæ certo sciuntur: nam ibi ars pro scientia certa, & sciuntur, pro certo sciuntur, dubio procul posita sunt. Ex duobus igitur his locis apud Ciceronem constat tertium hunc scientiæ modum, à veteribus Latinis non fuisse ignoratum, qui non solum scientiæ, sed etiam sciendi & artis verba in eandem sententiam usurpasse reperiuntur. Omitto hic ingentem tum Græcorum tum Latinorum juniorum turbam, qui scientiam hanc ab Aristotele acceptam usque in hunc diem tam sancte colunt & observant, ut si esset lex quædam à senatu populoque Romano lata, aut inventum quoddam de cælo atque à Deo nobis revelatum. His itaque tribus modis, quos diximus, scientiæ nomen apud probatos auctores Latinos usurpatum reperitur: quorum primus ille communissimus & amplissimus est, & de omni re, quæ facile & quomodocumq; scitur, communiter dicitur. Secundus vero proprius est, & proprie tribuitur rebus tantummodo scitu dignis, cognitu difficilibus, & vulgo ignotis: ut sunt ea, quæ continentur in scientiis & artibus, supra commemoratis: atque etiam in aliis quamlibet falsis & mendacibus, quorum præcepta sciuntur, ut in scientia Magorum, in scientia Augurum, aliarumq; rerum fictarum & commentitiarum. Nec immerito

merito, cum scientiæ nomen apud Latinos non minus propriè dicatur de his, quam de Mathematicis, & aliis veris artibus. Atque hi duo priores accipiendi nominis scientiæ modi sine ulla dubitatione approbantur & recipiuntur à nobis, tanquam non solum apud Scriptores, sed etiam vulgo frequenter usurpati & consueti. At vtro tertium illum, quem diximus, usque adeo arctum & alitum, ut nisi rebus æternis & incorruptibilibus convenire concedatur, plane improbamus & rejicimus, tanquam non solum à veritate, sed à communi omnium loquendi consuetudine abhorrentem. Nisi forte quis eo modo utatur, quo M. Tullius fecit in eo, quem supra citavimus de Oratore libro, respiciens scilicet eam personam, quæ ibi interloquebatur, & convenientem ei tribuens sermonem. Nam M. Antonius ibi eam personam gerebat, ut ipsi esset ita loquendum, & quodammodo alludeo dum ad eos Philosophos, qui talem scientiæ modum intro duxerunt. hoc est, ad Platonem vel Aristotelem, aut si quis alius antiquior hoc scientiæ genus somniavit. Nam M. Tullius certe id non invenit sed ab aliis inventum usurpavit, idque non temere sed eo, quo dici, modo. Nec enim arbitror cum ita locurum fuisse, in senatu aut in concione populi Romani, ubi sitalem quandam scientiâ significare voluisset, addidisset, opinor certam, ut eo epitheto certâ scientiâ ab incerta distingueret. Sicque nostrum istum scientiæ modum improbamus & rejicimus: quibus autem rationibus & argumentis id faciamus, postea fusius dicemus, cum pervenerimus ad refutationem libri Posteriorum Analyticorum, & cū evertere ceperimus demonstrationem illâ tantopere celebratam, quâ scientiæ istius effectricem, & quasi procreatricem esse asserunt: nunc ne prorsus sine ulla ratione vel auctoritate de tanta re sententiam tulisse videamur: *breviter ita dicimus, Si*

(Imo verò hoc non sequitur. Quia scientia est non solum de existentibus, sed & de possibiliis, nec illud curat an existat in rebus Triangulum, sed quid consequens, quantos angulos habeturum sit, si existat. Scientia igitur non est de universalibus realibus, sed de omnibus singularibus etiam possibiliis.)

*universalis dialectica & realia, quemadmodum nos supra probavimus, falsa sunt, ut certe sunt, istam scientiam, quæ non nisi de talibus universalibus esse dicitur, non posse esse veram.* Itaque quicumque eam defendere ac tueri voluerit, is necesse habebit ante omnia tueri ac defendere universalia, quibus non stantibus tanquam deficientibus fundamentis nequaquam potest stare ista scientia. Præterea Author libri illius, qui Introductio sive Medicus inscribitur, sive is Galenus fuit, sive alius quispiam, primo scientiam istam ita definit, ut dicat eam esse convenientem, firmam, & nunquam à ratione declinantem cognitionem. Deinde prorsus aperte testatur, eam ipsam neque apud Philosophos (præsertim dū rerum naturas scrutantur) inveniri, & multo minus in re Medica: tum denique ad extremum ita concludit locum illum, ut indubitanter affirmet, talem scientiam ne apud homines quidem usquam reperiri. Quare tum propter rationem, quam supra dixi, de universalibus, tum propter auctoritatem

Bb

hujus

hujus Scriptoris, tum etiam propter multas alias causas, quas infra dicturi sumus, in censura libri Posteriorum: ipse quoque nego istam scientiam cum omnibus illis conditionibus, quæ ei ab Aristotele tribuuntur, prorsus uspiam reperiri: nisi forte in Deo: & illud etiam addo, Aristotelem ipsum, qui methodum illius gignendæ tradidit, nunquam in libris suis ullam talem scientiam protulisse: sed de hoc postea. Nunc finem huic parti imponam, si breviter ante ostendero, etiam si vere alicubi reperiretur ista scientia, tamen eam non vere proprie, hoc est, *κρίως*, dici scientiam posse, sed improprie, hoc est, *ἀκρίως*, & privatim, hoc est, *ἰδίως*, scientiam esse appellandam. Nam ad hoc, ut aliquod nomen vere proprium, hoc est, *κρίως*, ut Græci vocant, dicatur, duæ conditiones requiruntur: Quarum una est, ut vulgo omnes eo communiter utantur: sic enim Aristoteles nomen *κρίως* definit in libro de Poetica cum dicit, *λέγω δὲ κρίως μὴ τὴν κοινὴν ἀποδοῖν*. Altera conditio est ut communiter tribuatur omnibus, quibus significandis primo fuit impositum. Atque ita quemadmodum nomen urbis cum has duas habet conditiones, est vere proprium, & *κρίως*, hoc est, cum eo omnes communiter utuntur, & cum generaliter tribuitur omnibus urbibus: sic nomen scientiæ tunc vere proprium dici debet, cum ipsi quoque adfunt hæ duæ conditiones, hoc est, cum omnes ipsum communiter usurpant, & cum attribuitur omnibus scientiis indifferenter. Et rursus quemadmodum nomen urbis cum usurpatur, aut pro alveari apum exempli gratia, ut apud Virgilium in Georgicis, non est vere proprium, sed improprium & metaphoricum, propter defectum primæ conditionis, eo quia non talis est ejus communis usus: aut pro sola urbe Roma, & similiter propter defectum secundæ conditionis, quia non tribuitur omnibus urbibus communiter, non est vere proprium & *κρίως*, sed privatim & *ἰδίως*, quod à Latinis etiam dicitur proprium, quasi dicas appropriatum: sic nomen scientiæ cum ponitur, aut pro scientia apum in conficiendo melle, non est proprium, nec *κρίως*, sed improprium & metaphoricum, quia deest ei prima conditio, non enim omnes ad hunc modum utuntur: aut pro scientia illa Philosophorum tam angusta, pari ratione non est *κρίως*, nec vere proprium, sed *ἀκρίως*, sive *ἰδίως*, hoc est, improprium sive privatim, quod à Latinis, ut supra dixi, etiam quandoque proprium dicitur. Ut autem sic acceptum non sit *κρίως* nec proprium, id nulla alia de causa accidit, nisi quia non tribuitur omnibus scientiis, & à generali significatione ad specialem translatus est, quem transferendi modum Aristoteles in libro supra citato appellat metaphoricum. Quare iterum dico istam philosophicam scientiam tam arcte acceptam, non proprie scientiam esse, sed improprie: Et Galenum in Arte Parva, cum ait Medicinam,

ὡς καὶ



ὅτι κυρίως ἀλλὰ κοινῶς esse scientiam, non ita intelligendum esse, ut dicat Medicinam esse scientiam improprie, quod est falsissimum. Est enim Medicina vere & proprie scientia, ut proprium opponitur improprio. Nanque ut opponitur privato, & τῷ ἰδίῳ non proprium, sed commune dicitur, ut in subjecta descriptione apparet.

Urbs pro alveari apum μεταφορικῶς & ἀκύριως, hoc est, metaphorice & improprie.

Urbs generaliter pro omnibus urbibus κυρίως & κοινῶς, hoc est, proprie, & communiter.

Urbs pro urbe Roma ἰδίως, hoc est, proprie, prout proprie significat idem quod privatim.

Scientia pro scientia apum in conficiendo melle, μεταφορικῶς καὶ ἀκύριως, hoc est, metaphorice, & improprie.

Scientia generaliter pro omnibus scientiis, qualescunque sint, κυρίως καὶ κοινῶς, hoc est, proprie, & communiter.

Scientia pro scientia Philosophorum arctissime accepta ἰδίως, hoc est, proprie est scientia, prout proprie idem significat quod privatim.

Artis vero nomen ipsum quoque non uno tantum modo usurpatur apud Latinos, interdum enim ars accipitur pro scientia proprie dicta, hoc est, pro secundo scientiæ modo à nobis supra dicto, & eodem modo, quo illa dividitur apud Ciceronem in Academicis quæstionibus, Artium enim, inquit, aliud ejusmodi genus est, ut tantummodo re cernat, aliud ut molietur aliquid & faciat: ac pro exemplo superioris generis affert Geometren, posterioris autem fidicinem. Quo in loco artem pro scientia Cicero sine ulla dubitatione posuit, & perinde fecit ac si loco artium dixisset, scientiarum: atque hoc modo artis nomen generaliter, ut dixi, accipitur: & nomini scientiæ proprie accepto in significando prorsus æquatur. Plerumque vero idem artis nomen apud Latinos non communiter, sed proprie ita usurpatur, ut nihil aliud significet, nisi scientiam bene agendi, sive bene faciendi aliquid: hoc enim est proprium & peculiare munus omnium artium, hoc modo acceptarum, ut præcepta quædam, vel documenta, vel animadversiones ad aliquid agendum faciendumve habeant: atque ut hæc omnia sciuntur ab artis perito, & propterea non solum artes, sed etiam generaliori vocabulo scientiæ nuncupantur. Nam quemadmodum supra diximus, quæcunque sciuntur, de eis scientia primo modo haberi dicitur: quod si scita illa sint scitum digna, cognitu difficilia, & vulgo ignota, qualia sunt Grammaticæ, Rhetoricæ, Medicinæ, Juriscivilis, & aliarum fere omnium

artium tam liberalium quam mechanicarum præcepta, tum artes omnes merito scientiarum nomen, atque appellationem sibi vendicant, sic ut verissimum sit dicere, omnem artem esse scientiam, hoc est, cognitionem quandam præceptorum, quæ ad aliquid agendum faciendumve pertineant. Sic enim Cicero in tertio de Oratore libro apertissime scriptum reliquit, Omnem artem in aliqua scientia versari, quod perinde est ac si dixisset, omnem artem esse scientiam: & in Academicis questionibus rursus inquit, *Artem, sine scientia esse non posse: hoc est, ut ego interpretor, neminem ullius artis peritum evadere posse, nisi præceptorum illius artis scientiam perdiscat ac teneat.* Dixi autem præceptorum artis, quia artes omnes ex præceptis constant, & sine præceptis nullo modo constare possunt. Quod usque adeo verum est, ut Cicero quandoque præcepta pro arte ponat, vel ad significandam artem præcepta ipsa cum arte conjungat: Ut in primo de Oratore, cum ita inquit, Qui dicendi præcepta tradunt: & in tertio, Hæc omnia artem & præcepta desiderant. Quibus in locis per præcepta profecto nihil aliud significare voluit, nisi artem, ut in superiore exemplo perinde sit, ac si dixisset. Qui dicendi artem tradunt, in posteriore autem, Hæc omnia artis præcepta desiderant. Ex quibus omnibus hoc colligo & concludo, In omnibus artibus necessario inclusam esse scientiam, hoc est, notitiam sive cognitionem præceptorum, quæ, ut dixi, ad actionem vel factionem aliquam pertinent. Sic enim probatissimi quique authores tam Græci quam Latini in primisq; Cicero, artes omnes subinde, tum artes tum scientias appellant, sine ullo discrimine aut differentia, ut quemadmodum dixi, quamplurimis exemplis, partim in Observationibus nostris, partim in Thesauro Roberti Stephani manifestissime comprobatur. Atque ita de nominibus scientiæ & artis quicquid dictum est à nobis, id pro vero ac certo habeant quicunque recte philosophari cupiunt. Quæ vero de his ipsis traduntur à Dialecticis & Philosophis, ea pene omnia scientiam esse falsæ & commentitiæ, & nullo probato authore, præterquam ipsismet, sulta: ut ex iis, quæ dicuntur luce clarius constare faciemus. Ostendemus enim illos prorsus ignorasse quid vere esset scientia & quid vere ars, & definitiones utriusque ab illis falsas fuisse traditas, tum singulas artes & scientias ab eisdem non recte definitas fuisse, nec recte defini potuisse. Cum maxima ex parte ignoraverunt quamnam essent artium & scientiarum vera genera, vera materia, vera officia, & veri fines: sine quorum omnium perfecta cognitione artes & scientiæ nec recte defini, nec inter se distinguere possunt, ut ostendemus in capite sequenti. Ex quo apparebit Antiquos fere omnes ex horum ignoratione in maximos & turpissimos errores fuisse delapsos.

## CAPUT SECUNDUM.

*Quæ & quot sint ea, quæ requiruntur in scientiis & artibus, ex quibus pendet ac fit omnis earum divisio, definitio, & distinctio: contra falsam de eisdem rebus Pseudophilosophorum doctrinam.*

**I**N scientiis & artibus, quæ quidem veræ sunt ac necessariæ, reperiuntur cum multa alia, tum præcipue quatuor hæc, *genus, materia, officium, & finis*: sine quibus scientiæ & artes nullo pacto nec recte dividi, nec vere definiri, nec clare inter se distingui queunt. Genus scientiæ vel artis est illa rerum multitudo, sive illud totum discretum, in quo scientia vel ars tanquam pars in toto continetur: & sic cognitio est genus scientiæ & aliarum partialium cognitionum, scientia genus artis & aliarum particulariū scientiarum, ars genus Medicinæ, e. gr. & aliarum specialium artium. Quamobrem communiter loquentes recte dicimus, & Medicinā esse artem sive in genere artium, & artem esse scientiam sive in genere scientiarum, & scientiā esse habitū, sive in genere habitū, & habitum esse cognitionē, sive in genere cognitionū. Ex quo sequitur Medicinam, & quancunq; aliam artem particularem, à primo ad ultimum esse in tribus generibus, in genere artium, in genere scientiarum, in genere cognitionum: quorum tamen aliud alio est propinquius, aut remotius. Materia vero scientiæ vel artis, est ea res sive illud subiectum, in quo scientia vel ars versatur: ut in scientia Physiologiæ res naturales & obscuræ, in Politica omnes res civiles, in Rhetorica omnes res mundi, in Medicina morbi & vulnera. (Quod officium vocant, vulgo vocant *finem internum*, qui est in potestate artificis; quod *finem*

*κατ' ἐξῆς* vocat, vulgo vocant *externum*.)

nera: ut Cicero in primo de Inventionem testatur. *Officium* est id quod præstare: hoc est, agere vel facere debet scientia vel arte prædita: & si id non præstet, aut male præstet, non est vere sciens nec peritus artifex, sed reprehensionem meretur. Ut in Physiologia vere cognoscere ac scire res naturales, & in Politica bene regere & gubernare res civiles, in Rhetorica leve dicere de omnibus rebus, in Medicina bene curare morbos & vulnera. Nam si Physiologus non vere cognoscat ac sciat, & Politicus non prudenter regat ac gubernet, & Orator non bene loquatur ac dicat, & Medicus non recte curet & medeatur, unusquilibet horum officio suo excidit, & reprehensione ac vituperatione dignus est. Finis est id propter quod sive cuius causa scientiæ studiosus assidue contemplatur & investigat, & artifex agit vel facit. Ut in eadem

scientia Physiologia cognitio veritatis, sine ulla actione vel factione exteriori in Politica conservatio & amplificatio civitatis, sive, ut quidam dicunt, beata civium vita: in Rhetorica probatio vel improbatio persuasio vel dissuasio, & in summa demonstratio ejus quod probandum vel improbandum, persuadendum vel dissuadendum, vel denique demonstrandum est. Nam quemadmodum Physicus in rebus naturalibus & obscuris versatur, ut contemplando & investigando veram earum assequatur cognitionem, & Politicus res civitatis regit & gubernat, ut civitatem suam conservet & augeat: sic Orator de omnibus rebus bene loquitur & dicit, ut probet & persuadeat, & cetera: & Medicus morbos & vulnera bene curat, ut bene curando morbum expellat, & sanitatem restituat. Hoc est, ut unusquisque horum in propria materia versando, & officio suo fungendo finem intentum consequatur. Ac tale quidem genus, talis materia, tale officium, talis finis in scientiis & artibus omnibus reperitur, ut in exemplis supra positus clare apparet. Quanquam scientia illa quæ nihil agunt nec faciunt externi operis, sed tantummodo in contemplanda & cognoscenda veritate sunt occupata, nullum videntur habere officium, sed tantummodo constare ex genere, materia, & fine. Nisi quis forte ipsam contemplationem & cognitionem veritatis, non solum finem, sed etiam officium quoddam scientis esse velit dicere. Quo casu in *scientiis puris idem erit & officium & finis*. Quare ex quatuor iis, quæ dixi, tria saltem sine dubio reperiuntur in omnibus iis, quæ tantum scientiæ sunt non artes, hoc est, genus, materia, & finis. *In iis vero, quæ non solum scientiæ sunt, sed etiam artes, hoc est, quæ non solum in cognoscenda veritate occupantur, sed etiam agunt & moluntur aliquid externi operis: in his inquam fere quatuor illa adfint necesse est, genus, materia, officium, & finis*. Alioqui non videtur quomodo scientia aut ars ulla proprie esse, aut vere nomen scientiæ vel artis retinere possit. Ex quo sequuntur multa sine ulla dubitatione verissima, quorum proprium est, quod ad scientiam attinet, omnium scientiarum particularium quatenus scientiæ sunt non artes, unum & idem esse genus, hoc est, scientiam: & unum eundemque finem, hoc est, contemplationem & cognitionem veritatis. Alterum vero, scientias omnes eodem modo ut scientiæ sunt, definiri non ex officio, quod vel prorsus non habent, vel certe non à fine separatim, neque ex fine, cum omnes, ut dixi, eundem habeant finem, sed ex genere & materia sola, tanquam ex proprietate quadam, sine qua nulla potest esse scientia. Ut cum Physiologia definitur esse scientia rerum naturalium obscurarum, qua in definitione scientia genus est, res naturales obscuræ materia, nisi quis forte ipsum quoque genus, hoc est, scientiam dicat esse finem quandam scientis.

scientis, Propter scientiam enim ipsam Physiologus exempli gratia. res naturales obscuras investigat, ut idem quoque in scientiis sit & genus & finis: cum scientia, ut scientia est, non propter aliud, sed propter se ipsam queratur. Tertium est, scientias item puras, hoc est quæ artes non sunt, distinguere ac separari inter se non ex genere nec ex fine, quæ duo in omnibus idem sunt, sed ex materia sive subiecto, quod habent diversum: ut in summa illæ scientiæ sint diversæ, quæ in diversa versantur materia: juxta illud Aristotelis dicentis, Scientias secari quemadmodum & res: & sic Geographia, exempli gratia, differt ab Astrologia, quoniam illa in locis orbis terrarum tam generalibus quam particularibus cognoscendis versatur, hæc vero solum motum & cursum astrorum ac syderum considerat & cognoscit. Quorum autem est, quod spectat ad eas, quæ non solum scientiæ, sed etiam artes sunt: omnes artes proprie definiri non solum ex genere communi, sed etiam ex officio & materia: ut cum ita dicitur, Medicina est ars bene curandi morbos & vulnera: Rhetorica est ars bene dicendi de omnibus rebus. In quarum definitionum utraque ars loco generis posita est, bene curandi autem in Medicina, & bene dicendi in Rhetorica tanquam officia propria sunt addita. Postremo vero & morbos & vulnera ut Medicinæ, & de omnibus rebus ut Rhetoricæ materiam subjunximus. Finis autem in neutra earum appositus est, quia neque Medicus sanitatem, neque Orator probationem aut persuasionem ejus rei, qua de agitur, præstare tenetur, modo uterque id quod est sui officii recte faciat. Quintum est ad artes similiter pertinere, omnes artes eisdem plane rebus distinguere, quibus & definiuntur, hoc est, officio & materia, & propterea etiam fine. Habent enim fere omnes hæc tria diversa, alioqui non possent esse diversæ artes: atque ita differunt inter se, gratia exempli, Medicina & Rhetorica, eo quod Medicinæ officium est, bene curare, materia, morbi & vulnera, finis sanitas: Rhetoricæ autem officium, bene dicere, materia omnes res mundi, finis persuasio sive probatio, ejus quod suadendum vel probandum suscipitur. Atque hoc modo, quem dixi, definiuntur & distinguuntur omnes scientiæ, & omnes artes particulares, ut definitio particularium scientiarum fiat ex duobus, ex genere communi, quod est scientia, & materia, quod est suum cujusque ac proprium subiectum. Distinctio autem ipsarum ex uno solo, hoc est, ex sola materia. *Scientia enim pura, hoc est, quæ non sunt artes, cum & officio proprie careant, & idem genus eundemque finem habeant, nulla alia re præterquam materia inter se differre ac distinguere possunt.* Itemque ut artium definitio efficiatur ex tribus, ex genere communi, quod est ars: ex officio, quod est suum cujusque artis & proprium officium: & ex materia, quæ est sua cujusque propria materia



materia : nam *finis* ut dixi, in definitionem artium non necessario ingreditur. *Distinctio* autem earum similis ex tribus sumatur, ex officio, ex materia, ex fine : omnes enim idem genus habent, hoc est, artem, & propterea ex genere nullam possunt habere distinctionem. Ex quo patet differentia atque distinctio inter scientiam & artem proprie acceptas, cum genus scientiæ sit cognitio vel notitia, genus vero artis scientia : & cum scientia sit genus, ars, vero species : ars enim est species quædam scientiæ : & in summa, ut ante dixi, omnis ars est scientia quædam. Sed in quatuor his, quæ in artibus & scientiis reperiuntur, hoc est, in genere, materia, officio, & fine, ne error aliquis in definiendo ac philosophando accadat, hæc potissimum observanda sunt. Ac primum in genere, ut id genus in quo vel definiens vel quomodolibet aliter loquentes scientiam vel artem ponimus, sit propinquum & cognatum, non remotum aut alienum. Hujus enim observationis, vel ignorance, vel negligentia definitio Rhetoricæ Aristotelis, quæ in primo Rhetoricæ illiustratur, est vitiosa. Nam cum Rhetorica sine ulla dubitatione sit in genere artium proximo & communiter à doctissimis quibusque viris definiatur esse ars bene dicendi de omnibus rebus : ipse Aristoteles nescio quomodo eam non in proximo, sed in remotissimo genere collocavit, hoc est, non in arte, ut debeat, sed in vi sive facultate, dicens eam esse *ῥητορικὴν*, hoc est, vim sive facultatem videndi quid in quaque re est persuadibile. Nam *ῥητορικὴ* sive facultas est ipsa quidem genus Rhetoricæ, sed commune non solum artibus & scientiis omnibus, verum etiam facultatibus & proprietatibus cunctis naturalibus. Ut exempli gratia, facultati attrahendi ferrum in Magnete, & purgandi bilem in Rhabarbaro. Atque ideo Rhetoricæ comparata est genus remotissimum, hoc modo, nam Rhetorica proxime est ars & in genere artium, omnis ars proprie est scientia & in genere scientiarum, omnis scientia proprie est habitus & in genere habituum, omnis habitus est facultas sive in genere facultatum. Ex quo patet, hujus de qua loquimur observationis vel ignorance vel negligentia, quam in remoto genere Aristoteles posuerit Rhetoricam, & quam vitiose eam definierit. Qua quidem in re etiam Galenus erravit, sed non tantum : nam ipse quoque in Arte parva, Medicinam definiens dixit, eam esse scientiam salubrium, insalubrium, & neutrorum, ac loco artis, quod est genus proximum Medicinæ posuit scientiam, quæ est genus remotum, non quidem tantum quàm illud Aristotelis, sed tamen non proximum, si quidem hoc Galeni, ab eo, quod definitur, duobus tantum, illud autem Aristotelis quatuor gradibus est distans. Quanquam Galenus videtur excusari posse, utpote qui Medicinam tantum Theoricam, ut vocant, non practicam definierit. Revera enim

Medicina



Medicina ex ea parte, quæ est Theorica, propria est scientia non ars: sed Aristotelis error nullam videtur habere excusationem aut defensionem. Quare in genere scientiarum atque artium statuendo hoc, quod dixi, in primis est observandum. In officio autem illud, ut officium artis constitutur in agendo vel faciendo aliquid non in videndo & ut Aristoteles definiens Rhetoricam, græce inquit, *ἡ τῆς διαγωγῆς*, hoc est; in cognoscendo sive contemplando quid agendum faciendumve sit. Nam cum omnis ars ut nos supra docuimus, sit scientia bene agendi vel faciendi aliquid, necessario in omni arte inclusum est agere vel facere quidpiam: ut in Medicina curare morbos & vulnera, non solum videre & cognoscere quid ad curandum sit accommodatum: in Architectura ædificare, non solum videre & cognoscere quid ad ædificandum sit appositum: in arte militari gerere bellum, non solum videre & cognoscere quid ad faciendum bellum sit necessarium: & in cæteris artibus eodem modo. Unde in definitionibus ipsarum artium dicimus & Medicinam esse artem bene curandi, non videndi quid sit appositum ad curandum: & Architecturam esse artem bene ædificandi, non videndi quid sit aptum ad ædificandum: & militarem esse artem bene gerendi belli, non videndi quæ ad bellum gerendum sint appolita. Quare & Rhetorica eodem modo definiri debet, ut ejus officium collocetur non in videndo & cognoscendo, sed in agendo vel faciendo, atque ut dicatur, esse ars non videndi aut cognoscendi quid in quaque re sit persuadibile, sed bene dicendi de omnibus rebus. Hujusmodi enim debet esse officia omnium artium, ut actionem vel factionem aliquam contineant, non solum visionem aut cognitionem. Nam per deos immortales quis non rideat? si audiat quempiam prætermittentem veram Juriscivilis definitionem, quæ est, esse artem bene respondendi de jure: & dicentem, Jus civile esse facultatem videndi quid in unaquaque controversia sit respondendum de jure. Certe qui ita diceret, non solum gravi reprehensione sed etiam magno risu dignus esset. Quocirca eodem modo non solum reprehendendus, sed etiam ridendus est Aristoteles, qui vel ignorans vel negligens hanc nostram de officio artium observationem, officium Rhetoricæ removit ab agendo & faciendo, & ad videndum cognoscendumque transtulit. In quod vitium definiendi maximum ne incidunt, qui recte philosophari cupiunt, hoc loco mihi diligenter visi sunt admonendi: hoc est, ne quemadmodum Aristoteles officia artium vitiose ab actione & factione, ad visionem sive cognitionem transferant. In materia sive subjecto, tam scientiarum quam artium hoc custodiendum est, ut prefecte & integre statuatur, non imperfecte & quasi dimidiata. Quæ quidem in re idem Aristoteles & in eadem Rhetoricæ definitione non mediocriter peccavit, nam cum perfecta & integra

verba sunt persuadibilia: nec quicquam refert quod ille dicit, in persuadendo opus esse oratione & verbis. Non enim si verbis utimur ad persuadendum, propter hoc generaliter sequitur, verba esse persuadibilia. Et sic Victorius nec Aristotelem recte defendit, nec Quintilianum iuste reeriminatur, sed se ipse ostendit in iudicio de magnis rebus faciendo non multum esse acutum. Ut omittam illud in eo haud scio quam probandum, quod ubicumq; datur ipsi occasio aliqua, quamlibet minima, dicendi contra Ciceronem, Quintilianum, ceterosq; Latinos veteres, eam cupidissime arripit, & libentissime id facit: contra Græcos vero Scriptores, & præsertim contra Aristotelem, & veteres illius Interpretes etiam si in maxima & creberrima illorum incideret errata, tamen ne hiscere quidem audet. sed eos colit & veneratur tanquam Deos quosdam, & ut Græci dicunt, ἀναγκάστους. Sed ut redeam unde discessi, hoc quoq; in materia artium est observandum, ne quemadmodum Aristoteles vitiose definiamus artes, & earum materiam imperfecte & diminute assignemus. Postremo vero in fine non minus diligenter est attendendum, ne idem nobis accidat, quod Boethio, Rodulpho Agricola, & Joachimo Perionio, Viris alioqui doctissimis, hoc est, ne quemadmodum illi officium pro fine accipiamus. Boethius enim Dialecticæ finem esse ait, id quod volumus ab Adversario extorquere, conari: Rodulphus autem probabiliter de quaque re posita dicere: Perionius vero probabiliter de quaque re proposita disputare. Quos omnes fines nos infra non fines, sed officia Dialecticæ esse: si Dialectica vera esset, probaturi sumus in capite de Dialectica è numero artium tollenda. Quare nunc de eis non plura nobis videntur esse dicenda: sed tamen admonendus Lector recte philosophandi cupidus, ut diligenter caveat in his quatuor, de quibus hactenus locuti sumus, hoc est, in genere scientiarum & artium, in officio, in materia, & ad extremum in fine: ne in eosdem errores incidat, in quos præcipitaverunt non solum Boethius, Agricola, & Perionius, sed etiam Aristoteles, & Galenus. Quorum errata èò libentius & prolixius commemoravi, ut appareat, quam utiliter, quamq; necessario sint observanda omnia ea quæ à nobis supra fuerunt demonstrata. Ad hunc igitur modum ostenso, quænam & quot reperiantur in una quaque scientia & arte, & quonam pacto & ex quibus omnis scientia & omnis ars definiatur: & quæ ratione tum scientia omnis ab arte, & ars omnis à scientia, tum scientiæ omnes & artes particulares inter se distinguantur, jam non difficile fuerit facere generalem & veram scientiarum & artium omnium divisionem, & vere eas definire & distinguere inter se. Et hæc modo videre quænam & quot ponendæ sint scientiæ & artes, tanquam veræ, utiles, & necessariæ: & contra, quænam & quot tanquam falsæ,

inutiles, & supervacua, ab omni scientiarum & artium numero removeri & rejici debeant. Et præterea cognoscere ex artibus & scientiis omnibus quænam veræ & rectæ, quænam falso ac perperam fuerint definitæ. Quorum nihil nec ab Aristotele, nec ab aliquo Sectatorum ejus, nec ab ullo alio Philosophorum usque in hunc diem fieri potuit, quia non recte intellexerunt, nec vere sciverunt, quid proprie esset, scientia & quid proprie ars: nec viderunt quot & quibus rebus scientiæ & artes definiantur & distinguantur inter se. Et in summa non recte cognoverunt propria scientiarum genera, officia, materias, fines, & omnino proprias inter se convenientias & differentias. Quare nos ex principiis nostris, ita jactis, quæ dixi omnia jam facere aggrediamur: si prius unum admonuerimus Lectores, quæcunque ab Aristotele & Peripateticis omnibus traduntur, & disputantur de materiis, sive subjectis scientiarum & artium, ea fere omnia esse falsa & ridicula. Ut cum dicunt, alii ens rationis, alii argumentationem, alii aliud esse subjectum Logicæ: item alii ens mobile, alii corpus mobile, alii aliud esse subjectum Philosophiæ naturalis: item ens in quantum ens esse subjectum Metaphysicæ. Hæc enim omnia sunt meræ nugæ veterum Pseudophilosophorum, quæ tamen posterius Græci sua loquacitate, Latini vero recentiores & Arabes præter loquacitatem etiam sœda, & rustica quadam barbarie in immensum auxerunt.

## CAPUT TERTIUM.

*De generali scientiarum & artium omnium divisione nostræ vera, & Pseudophilosophorum falsa.*

**Q**uanquam supra fere semper priore loco exposuimus principia nostræ vera, quam illa Adversariorum falsa vel non satis recta, tamen hoc loco de generali scientiarum & artium omnium divisione locuturi certa quadam ratione contra nobis faciendum visum est, ut prius exponeremus divisiones illorum falsas vel non satis rectas, & illas statim vel refutaremus vel corrigeremus: deinde hoc modo ex falsitate divisionis aliorum, facilius ostendere possemus divisionis nostræ veritatem & perfectionem: quam non solum omnibus recte philosophaturis, sed etiam aliis, quicunque hæc lecturi sunt, atque universæ posteritati cupimus esse quam notissimam. Ergo ab Antiquissimis illis, qui ante Aristotelem fuerunt, incipiam. Zeno Citiæus Stoicorum princeps, & post Zenonem Plato, ut scribit Lærtius in

eorum vitis, primo non omnium artium & scientiarum nominatim, sed Philosophiæ totius divisionem fecerunt in tres partes, Physicen, Ethicen, & Logicen: ac Physicen de omnibus rebus naturalibus, reconditis, & obscuris; Ethicen de virtutibus & vitiis, vita atque moribus hominum: Logicen de sermonis atque orationis artificio esse voluerunt. Quam divisionem M. Cicero confirmans atque explicans in primo de Oratore ita inquit, Philosophia in tres partes est distributa, in naturæ obscuritatem, in differendi subtilitatem, in vitam atque mores: & Ciceroni quasi subscribens Seneca in libro Epistolarum XIV. Epistola XC. ipse quoque eandem Philosophiæ divisionem facit, in naturalem, moralem, & rationalem: Et unam quaque harum trium partium de-  
nuo etiam subdividit atque explicat aliquanto latius quam Cicero. Hæc est igitur divisio illa Philosophiæ, quam dixi, antiquissima. In qua quidem & ab iis, qui eam fecerunt, & ab iis, qui interpretati sunt, non parum mihi videtur fuisse erratum. Ab iis qui eam fecerunt, quia secundam partem, quam appellarunt Ethicen, hoc est, moralem: non ethicen nec moralem, sed politicen & civilem debuerunt appellare. *Ethice enim sine dubio Politica pars est*, ut

(Idem videtur Iason Denores Cyprius.)

innuit Aristoteles tum in primo Rhetoricæ cum ait, Rhetoricam esse partem τῆς περὶ τὰ ἠθικὰ πολιτικῆς, hoc est, Politicæ, quæ de moribus est: tum in libris de Moribus ad Nicomachum, cum ita scribit, τὰ καλὰ & τὰ δίκαια περὶ ὧν ἡ πολιτικὴ σκοπεῖ, hoc est, honesta & iusta, de quibus Politicæ considerat. Quibus in duobus locis Aristoteles aperte demonstrat, Ethicen quæ est, περὶ τὰ ἠθικὰ, & quæ considerat, τὰ καλὰ & τὰ δίκαια, politicæ partem esse, nam de moribus & honestis ac iustis in Ethicis proprie tractatur. Id quod etiam confirmat Alexander Aphrodisiensis in extremo proœmio commentariorum εἰς τὰ πρότερα ἀνελύτικα. Et Petrus Victorius in explanationibus suis in Rhetoricen Aristotelis. Quare non est dubitandum quin Philosophia moralis Philosophiæ politicæ pars quædam sit, ut Politica duobus modis accipiat, uno tanquam genus, altero tanquam species, quæ generis nomen retineat: & ea quæ est ut genus, plures habeat species, quarum una est Politicæ ut species, de qua extant libro octo Politicorum Aristotelis: altera Ethicæ, quæ scripta est in libris ejusdem de moribus ad Nicomachum: tertia Oeconomice, hoc est, de re familiari: quarta Polemice, hoc est, de re militari, & si quæ aliæ sunt hujusmodi Ex quibus patet ab iis, qui primam illam Philosophiæ divisionem fecerunt, in secunda parte ubi Ethicen posuerunt, non Ethicen, sed Politicen fuisse ponendam, ut dixi deinde Politicen dividendam, ut diximus. Quod non ea re tantum dico, quia sic Aristoteles sentiebat, sed quia mihi sententia illius hac in re videtur esse verissima. Est enim

Cc 3;

Ethicæ

Ethice revera pars quædam civilis & politicæ scientiæ, & *libri Politicorum*, & à communibus incipere vellemus, *libris de moribus in discendo iure essent antepo-*  
*nendi.* Ab iis vero qui eandem illam divisionem sunt interpretati multo et-  
 iam magis erratum est, hoc est à Latinis, in quibus sunt & Seneca & Quintilia-  
 nus, qui tertiam illam divisionis partem, quam illi Logicen græce vocaverunt,  
 ipsi vertentes in latinum, dixerunt rationalem: non animadvertentes nomen  
 logices ab illis veteribus ἀπὸ τοῦ λόγου cum significat non rationem, sed ser-  
 monem vel orationem esse deductum: atq; ideo Logicen non rationalem sed  
 vel fermocinalem, ut quidam ajunt, vel oratoriam, ut nos putamus, fuisse ver-  
 tendum. Est enim Logice revera scientia ad sermonem habendum, vel ad ora-  
 tionem faciendam, nō ad rationē proprie pertinēs. Nam per deos immortales  
 quid causæ est, cur scientia de sermone vel oratione, qualis est sine dubio Lo-

(Physica rationalis quidem, sed tamen non agit de ratione.)

gice, potius appellari debet rationalis quā Physice, quæ est de natura, & Ethice,  
 quæ est de moribus? non ne ita ratio versatur in Physicis & Ethicis tractan-  
 dis ac speculādis, sicut in sermone habendo & oratione faciendâ? Profecto nō  
 magis in his quam in illis ratio adhibetur, atque ideo non minus res Physicæ &  
 Ethicæ quàm Logicæ revera aut sunt rationales aut appellari debent rationa-  
 les. Id quod etiā confirmat Plutarchus in vita Homeri, qui hanc eandē philoso-  
 phiæ divisionē recitans, in tertia parte, nō Logicen sed loco Logices, Dialecti-  
 cen ponit, quasi dedita opera interpretari ac significare volens eam scientiam,  
 quam Antiqui Logicen appellaverunt, non ad rationem, sed ad sermonem  
 orationemque referri debere; & non rationalem, sed fermocinalem vel orato-  
 riam esse appellandam. Si quidem Dialectice ἀπὸ τοῦ διαλέγεσθαι dicta est,  
 διαλέγεσθαι autem proprie est, non λογίζεσθαι, hoc est, ratiocinari: nec ratione  
 aliquid facere, sed orationē habere, disserere, disputare, exquirite fermocina-  
 ri. Atque ante Plutarchum Cicero, ut supra dixi, in primo de Oratore, eam  
 de qua loquimur, Logicen, interpretatus fuerat non ratiocinandi, sed disse-  
 rendi subtilitatem, & eam facultatem, qualiscunque est, non ad rationem, sed  
 ad sermonem orationemque retulerat. Quamobrem & Seneca & Quintilia-  
 nus & quicunque alii Logicen non ad sermonem & orationem, sed ad ratio-  
 nem retulerunt: & eam non Dialecticē, hoc est, fermocinalem vel oratoriam,  
 sed rationalem appellandam censuerunt, vehementer fuerunt decepti: & ab  
 Antiquorum sententia longissime aberraverunt. Ut omitam interim stultam  
 illam opinionem pene omnium Juniorum Dialecticorum, qui putant Logicen  
 esse, ut ipsi loquuntur, de ente rationis, & Logicæ facultatis subjectum esse  
 ens rationis, hoc est, ens, ut ipsi dicunt, à ratione fabricatum & factum. Quæ  
 quidem opinio usque adeo fatua est & indocta, ut ne digna quidem sit, quæ  
 refute-

refutetur. Nam per Deos immortales quæ major ratio est, ut res *Logicæ* dicantur entia rationis aut entia à ratione facta, quàm res *Ethicæ* & *Politicæ*? tamen in egentratione *Ethica* & *Politica*, ut sint, quam *Logica*: & tam parum sine ratione esse possunt *Ethica* & *Politica*, quàm *Logica*. Quare qui ita dicunt, prorsus sunt ridendi & contemnendi. Nec melatet *Hermogenem* ita dividere constitutiones suas rhetoricas, ut alias faciat *λογικὰς*, hoc est, rationales: alias *νομικὰς*, hoc est, legales, sive legitimas. Sed eo in loco *λογικὰς αἰτίας* recte interpretantur non sermocinales nec orationales, ut supra diximus, sed rationales, ἀπὸ λόγου, cum non sermonem nec orationem, sed rationem significat: & per rationem in re, & de re aliqua est quæstio, non in scripto aut de scripto aliquo. Quibus opponuntur *νομικαὶ*, quæ contra non in re aut de re aliqua, sed in scripto & de scripto aliquo habent quæstionem. Ut in divisione statuum penè idem sit *νομικὴ*, quod in *Philosophiæ* partitione *λογικὴ*, utraque enim ad verba & ad compositionem orationis referetur. Hoc igitur modo, ut diximus, erraverunt tam ii, qui fecerunt antiquam illam *Philosophiæ* divisionem, quàm quicam non recte sunt interpretati. Et propterea nos eandem vere ita faciendam esse censemus, ut in prima parte, quemadmodum illi, ponamus physicen, in secunda politicen, ut genus, in tertia *Logicen*: atque ut politice postea dividatur in politicen ut speciem, & *Ethicen*, & alias, quas dixi supra. Tum ut *Logice* non ad rationem, sed ad sermonem orationemque referatur: & non rationalis, sed vel oratoria vel sermocinalis appelletur: nomine potius novato & facto, quàm falso & male accommodato. Hoc enim modo & facta & intellecta vetus illa *philosophiæ* divisio vera erit & sumpta fuerit à materia, hoc est, à rebus de quibus est, & in quibus versatur *philosophia*. Nam ut vere inquit *Aristoteles*, *Scientiæ* secantur, quemadmodum & res de quibus sunt. Post *Zenonem* vero, & *Platonem*, *Aristoteles*, & cum eo omnes peripatetici sprete illa Antiquiore, quàm diximus, *philosophiæ* divisione, nescio quo modo aliam quandam magna ex parte ab illa & à veritate diversam, introduxerunt. Namque ut alios omittam, *Boethius* volens dividere omnes scientias & artes, statim non omnium scientiarum & artium, sed totius *philosophiæ* divisionem se facturum est professus, tanquam *philosophiæ* nomine omnes scientiæ & artes intelligantur: & dixit totius *philosophiæ* duas primas esse partes, unam quæ Græce *θεωρητικὴ*, Latine vero contemplativa, sive inspectiva dicatur, eo quia tantum versetur in cognitione & contemplatione rerum: alteram quæ item Græce *πρακτικὴ*, Latine vero activa, sive factiva nuncupetur: propterea quod non solum in cognoscendo & sciendo, sed etiam in agendo sive efficiendo aliquid, posita sit.

Et rursum



Et rursus utranq; harum in tres partes subdiviserunt, Theoricen sive contemplativam, in Theologiam sive Metaphysicam, ut vocant, quæ est ut ipsi aiunt, de ente in quantum est ens, & de Deo rebusq; divinis, omninoq; de substantiis à materia & motu prorsus separatis loquatur : Physicen sive Physiologiam, quæ reconditas & obscuras rerum naturalium cum materia & motu, prorsus conjunctarum causas effectusque investiget. Mathematicen, quæ inter has duas superiores quasi media sit, & de rebus cum materia quidem & motu, secundum esse, ut ipsi dicunt, conjunctis, sed per intellectus actionem à materia & motu abstractis, pertractet. Neque vero Theoricæ divisio in has tres solas partes definit, sed Physiologiam in quasdam alias minutiores partes diviserunt quas nunc referre non est opus. Mathematicæ autem subjecerunt quatuor has partes, Arithmeticam, Musicam, Geometriam, & Astrologiam, quas omnes simul appellaverunt Quadrivium, quasi unaquæque earum sit tanquam via per quam qui non transit, & scala per quam qui non ascendit, ad summum Philosophiæ culmen non possit pervenire. Atque hoc modo cum Theoricen philosophiam in hæc tria membra secuissent, denuo alterius partis, hoc est practicæ sive activæ totidem partes fecerunt, & eâ subdiviserunt in Ethicam, hoc est, moralem, in qua de virtutibus & vitiis omninoq; de hominis moribus ageretur. Politicen, hoc est civilem, quæ de gubernanda & regenda republica differit. Oeconomicam, hoc est, de re familiari ac domestica bene ac recte administranda. Sed quoniam ad perfectam horum omnium cognitionem, ut dicit Boethius, necessarium est subsidium rationis atque orationis ejus, qua quid verum, quidve falsum sit discernatur, idcirco ad duas illas superiores Philosophiæ primas partes, hoc est, Theoricen & Practicen, adjunxerunt etiâ eam, quæ græce λογική, hoc est, Logice, latine autem tum rationalis tum sermocinalis à quibusdam dicitur: ut in summa totius Philosophiæ tres sint primariæ partes, Theoricæ sive speculativa, Practicæ sive activa, Logice sive rationalis sive sermocinalis. Nec contenti hac tam numerosa divisione, ut nihil non Philosophiæ, quam ipsi profitentur, subjicerent: denuo hanc tertiam partem, quam Logicen vocari diximus, in alias tres partes subdiviserunt, Grammaticam, Dialecticam, & Rhetoricam: atque ut scribunt cum alii multi tum maxime Rodolphus Agricola libro secundo de dialectica inventionem, Cap. XVII. Grammaticæ attribuerunt emendationem sermonis, Dialecticæ probationem dictionis, Rhetoricæ ornatum elocutionis. Atque ita divisio harum trium artium & scientiarum materiis & officiis modo suo, perbellam quidem & rotundam, sed non veram, totius Philosophiæ divisionem fecerunt, ut ostendimus. Hæc itaq; est fere communis omnium tam veterum quam recentiorum

ricorum Peripateticorum totius Philosophiæ divisio, & ipsa quemadmodum illa superior à materia suscepta, sub qua nullam putant esse scientiam nec artem, quæ non contineatur, aut quæ non saltem ad eam aliquo modo reducatur. Nam & Medicinam ad Physicam, & Jus civile ad Politicam, Perspectivam & Architecturam & alias quasdam ad Mathematicam referri dicunt: Sed nobis ista quoque divisio multis videtur scaterere vitis, & pluribus esse obnoxia reprehensionibus: quod ut omnes apertissime possint intelligere, nos quoque prius exponemus nostram scientiarum & artium divisionem, longe ab hac, quam diximus, differentem, & multo, ut arbitramur, veriolem: eamque confirmabimus & argumentis & autoritatibus. Deinde examinabimus diligenter illam Peripateticorum, detegentes identidem & demonstrantes omnia illius vitia: & ante omnia ostendentes inter artes & scientias, nullam neque; Dialecticam neque; Metaphysicam posse esse locum, atque ideo ambas tanquam falsas & inutiles & non necessarias ab omni scientiarum & artium numero exterminandas. Primum igitur nos divisione nostra paulo altius repetita ita dicimus: In omni doctorum & literatorum hominum numero in summa esse duo maxima & præclarissima nomina, quorum unum est Philosophorum, alterum Oratorum: & similiter in omni scientiarum atque artium ambitu extare duas omnium præstantissimas & eminentissimas appellationes, unam Philosophiæ, alteram Oratoriæ. Ex quibus Philosophia, ut antiquissimi & sapientissimi homines voluerunt, nihil aliud est, nisi sapientiæ atque virtutis: Oratoria vero nisi facundia & eloquentiæ studium: & Philosophi nihil aliud nisi sapientiam atque virtutem, Oratores nisi facundiam & eloquentiam profitentur. Quæ quidem duæ facultates omnium quæcunque inter homines reperiuntur, citra controversiâ maximæ & generalissimæ, omnium prorsus, quæcunque in mundo sunt, rerum, cognitionem, tractationemque sibi vendicant, ut infra demonstrabimus. Sed non quemadmodum his temporibus nostris, sic quondam ante Socratem & Platonem erant separata & distincta, verum ita cõjuncta & copulata inter se, ut non diversæ, sed una eademque ex duabus constata esset professio: atque iidem prorsus haberentur & sapientiæ & eloquentiæ professores. Namque, ut inquit M. Tullius in tertio de Oratore libro, Vetus quidem illa doctrina eadem videtur & recte faciendi & bene dicendi magistra, neque disuncti doctores, sed iidem erant & vivendi præceptores & dicendi, utile apud Homerum Phoenix, qui à Peleo patre Achilli juveni comitem se datum dicit ad bellum, ut illum efficeret oratorem verborum actoremque rerum. Et paulo infra rursus ita inquit, Sed quod erant iique multi, qui aut in republica propter ancipitem, quæ non potest esse se juncta faciendi dicendique, sapientiâ florent, ut Themistocles

ut Pericles, ut Theramenes: aut qui minus ipsi in republica versarentur, sed ut  
 hujus tamen ejusdem sapientiæ doctores essent, ut Gorgias, Thrasimachus,  
 Isocrates, inventi sunt, qui cum ipsi & doctrina & ingeniis abundarent, à re au-  
 tem civili atque à negotiis animi quodam judicio abhorrent, hanc dicendi  
 exercitationem exagitant atq; contemnerent. Quorum princeps Socrates  
 fuit, is qui omnium eruditorum & totius judicio Græciæ, cum prudentia, &  
 acumine, & venustate, & subtilitate: tum vero eloquentia, varietate, copia  
 quam secunq; in partem dedisset, omnium facile princeps, iis, qui hæc quæ  
 nos nunc quærimus, tractarent, agerent, docerent, cum nomine appellarentur  
 philo, quod omnis rerum optimarum cognitio & in his exercitatio Philoso-  
 phia nominaretur, hoc commune nomen eripuit, prudenterq; sentiendi & orna-  
 te dicendi scientiam re coherentes disputationibus suis separavit: cujus inge-  
 nium variosque sermones immortalitati scriptis suis Plato tradidit, cum ipse  
 literam Socrates nullam reliquisset. Hinc dissidium illud extitit quasi linguæ  
 atq; cordis absurdum sane & inutile & reprehendendum, ut alii nos sapere alii  
 dicere docerent. Hæc sunt Ciceronis verba in eo quem dixi, libro scripta, ex  
 quibus aperte licet cognoscere ante Socratem & Platonem non diversam, sed  
 eandem prorsus extitisse, & recte faciendi & ornate dicendi sciendi, hoc est, Phi-  
 losophiam & Oratoriã, nec disjunctos & distractos, quemadmodum nunc sunt,  
 fuisse Oratores & Philosophos, cum iidem prorsus & dicendi & sapiendi præ-  
 ceptores essent. Itaq; legimus tot præclaros & præstantes viros in utraq; hoc  
 est, in Philosophia & Oratoria, temporibus illis antiquioribus floruisse: sed  
 postea nescio quo adverso humano generi fato natus est Socrates, qui una cū  
 Platone, tam pulchrã illam philosophiæ & Oratoriæ societatem, philosopho-  
 rum & Oratorum conjunctionem disjuxit: atque ut recte inquit Cicero, dis-  
 sidiũ illud invexit, quasi linguæ atq; cordis: quod quã ipsi videretur, absurdum,  
 inutile, & reprehendendum, ipse etiam alio loco, non ita multum infra, decla-  
 rat, his verbis. Hæc autem, ut ex appennino fluminum, sic ex communi sapien-  
 tiæ jugo sunt doctrinarum facta divortia, ut philosophi tanquam in superum  
 mare Jonium defluerent, græcum quiddam & importuosum, Oratores autem  
 in inferum hoc Thuscum & barbarũ scopulosum & infestum delaberentur, in  
 quo etiam ipse Ulysses erraverit. & paulo infra. Nam, ut ante dixi, Veteres  
 illi usque ad Socratem omnem omnium rerum, quæ ad mores, quæ ad vitam,  
 quæ ad virtutẽ, quæ ad rēp. pertineret cognitionẽ & scientiã cū dicendi ratione  
 jungebant: sed postea cum dissociati essent, ut exposui disertè à doctis primũ  
 à Socrate, deinde à Socrate is itẽ omnibus, philosophi eloquentiam despex-  
 erunt, Oratores sapientiam: nec quicquam ex alterius parte tetigerunt, nisi  
 quod

quod aut illi ab his, aut ab illis hi mutuarentur : ex quo promiscue haurirent si permanere in pristina communione voluissent. Sed ut pontifices veteres propter sacrificiorum multitudinem tres viros epulones esse voluerunt, cum essent ipsi à Numa, ut illud etiam ludorum epulare sacrificium facerent, instituti: sic Socratici à se causarum actores atque à communi sapientiæ nomine separaverunt, cum veteres & dicendi & intelligendi mirificam societatem esse voluissent. Atque hæc rursus sunt verba Ciceronis iterum quasi deplorantis fecdam illam Philosophiæ & Oratoriæ sapientiæ & eloquentiæ separationem à Socrate Socraticisq; factam. Qua quidem nihil nec veritatis amatoribus magis contrarium, nec bonarum literarum sapientiæq; studiosis magis damnosum fieri potuit. Hæc enim & multorum & magnorum malorum causa fuit, quæ à nobis infra demonstrabuntur. Nunc tamen illud & veterum autoritate, & Ciceronis testimonio constare volumus, Philosophiam & Oratoriam non duas esse facultates separatas, sed unam eandemq; ex rebus & verbis tanquam animantem quandam ex corpore & anima compositam, cui à sapientia rerum cum virtute conjuncta Philosophiæ, ab artificio verborum & dicendi, Oratoriæ nomen fuit impositum : nec enim Philosophia sine verborum adjumento, nec Oratoria sine rerum quasi fundamento perfecta esse potest. Sed ex duobus imperfectis per se, fit unum quasi corpus doctrinæ perfectum, quod nullius artis aut scientiæ particularis proprium est, sed omnium simul. Nam quicumq; Philosophiam, aut Oratoriam dicit, is uno verbo omnium artium & scientiarum cognitionem professionemq; nominat: hoc enim etiam aperte confirmat Cicero in eodem supra citato de Oratore libro, his verbis. Nunc siue qui velit eum philosophum, qui copiam nobis rerum orationisq; tradat, per me appellet Oratorem licet, siue hunc Oratorem, quem ego dico sapientiam habere junctam eloquentiæ philosophum appellare velit, non impediam, dummodo hoc constet, nec *infantiam* ejus, qui rem norit, sed eam explicare dicendo non queat, nec *infertiam* illius cui res non suppetit, verba non desunt, esse laudandam: quorum si alterum sit optandum malim quidem in disertam prudentiam, quam stultam loquacitatem: sin querimus quid unum excellat ex omnibus, docto Oratori palma danda est. Quem si patiuntur eundem esse philosophum sublata controversia est : sin eos disiungent, hoc erunt inferiores, quod in Oratore perfecto inest omnis illorum scientia, in philosophorum autem cognitione non continuo inest eloquentia, quæ quamvis contemnatur ab illis, necesse est tamen aliquem cumulum illorum artibus asserre videatur. Hæc Cicero, ex cujus sententia clarissime constat, perfectum Oratorem & perfectam Oratoriā à perfecto philosopho & à perfecta philosophia nullo pacto esse disjunctas,

& si disjungantur, ut initio dixi Philosophum Oratore, & Philosophiam Oratoria multis partibus inferiorem imperfectioremque fore. Sed hic mihi fortassis occurrent Philosophi dicentes, talem Oratorem, qualem describit Cicero, hoc est, perfectum, nec unquam antea fuisse, nec in presentia esse, nec posthac fore. Quod si mihi sic occurreret, statim respondebo, verum quidem illos fortasse dicere, sed retorquebo argumentationem in eos, & similiter dicam, nullum perfectum Philosophum aut antea fuisse, aut nunc esse, aut posthac futurum esse. & cum illi mihi ostendent Philosophum omni ex parte perfectum, ego quoque vicissim illis Oratorem undecunque consummatum inveniam: & si rursus illi proferent nobis Platonem & Aristotelem tanquam perfectos Philosophos, nos illis quoque vicissim objiciemus Demosthenem & Ciceronem tanquam perfectos Oratores. Atque ita nunquam illi perfectionem ullam habere reperietur, quam nos quoque non vel parem vel etiam superiorem habeamus: si quidem Cicero præterquam quod Orator præstantissimus fuit, de Philosophia etiam quam plurima descripsit lectu dignissima. At ex Philosophis neminem reperies cuius quidē scripta extant, qui ad dicendum in foro & apud populum idoneus esse videatur, nam Platonis & Aristotelis oratio licet multum à Cicerone laudetur, tamen si verum dicere volumus & oratorio illo spiritu & forensibus nervis caret. Sed sint Plato & Aristoteles, quantum placet Philosophis magni & graves Oratores, quod nos non gravate concedimus, modo ut illi vicissim nobis quoque concedant Demosthenem & Ciceronem esse Philosophos, nec sibi solis omnis Philosophiæ scientiam & totius sapientiæ studiū vendicent. Nam constat & Demosthenem Philosophiæ perstudiosum fuisse, & Platonē aliquamdiu audivisse: & Ciceronem non solum dedisse operam Philosophiæ, sed de Philosophia etiā ita copiose ornateque scripsisse, ut non immerito quodam in loco gloriatur, se Philosophiam ex Græcia in Italiam attulisse, & Latinis literis illustrare. Nec quicquam refert quod nostrorum temporum Philosophi eum in numero Philosophorum non habent, nec philosophum appellare solent, cum id non ex vera & recta aliqua ratione faciant, sed ex prava institutione & iudicii perversitate, quam partim ex barbarie linguæ, partim ex falsitate doctrinæ suæ contraxerunt. Hanc igitur, de qua hæcenus locuti sumus, Philosophiam & sapientiam cum Oratoria & eloquentia conjunctam, ut Antiquissimi illi teste Cicerone voluerunt, nos nihil aliud esse dicimus, nisi omnia liberalium studia, & universam rem literariam, & omnino totam eam facultatem & professionem, quam Græci *ἐπιστήμη*, Latini vero circulum omnium doctrinarum vocant. Et ut jam ad generalem nostram artium & scientiarum divisionem veniam, hanc ipsam facultatem tam amplam tamque late

paten-

patentem, ut omnes scientias, omnes artes & uno verbo, omnia quæcunque tradita sunt in literis & scriptis magnitudine sua complectatur. prima divisione fecimus in partes duas maximas. Quarum unam, quæ ad res vere cognoscendas recteque agendas pertinet veteres imitati Philosophiam & sapientiam nominamus, alteram vero quæ spectat ad verba & ad totam orationis compositionem, appellamus Oratoriam & eloquentiam. Et rursus priorem harum partium, hoc est, philosophiam sive sapientiam subdividentes, ejus partes ponimus duas, Physicam sive naturalem, & politicam sive civilem: Oratoriam autem hoc loco relinquimus indivisam. Ut in summa tres sint maximæ totius studii literarii partes, Physica, Politica, & Oratoria: atque ut nostra hæc omnium artium & scientiarum divisio in omnibus conveniat & concordet cū illa veterum, quam supra diximus, nisi quod, ut ibidem monuimus & probavimus, quam illi Ethicæ vocant, nos politice appellandam putavimus: & rursus quam illi græce Logice dicunt, nos latine interpretamur Oratoriam. Sed revertentes rursus ad duas illas dimidias & maximas totius encyclopædia partes, hoc est, ad philosophiam & oratoriam, sive sapientiam & eloquentiam, dicimus eas partim convenire inter se, partim esse differentes. Ac conveniunt quidem primo, quia quemadmodū totus homo compositus est ex corpore & anima, sic universum literarum studium constat ex philosophia & oratoria, sive sapientia & eloquentia, tanquam ex duabus maximis partibus suis. Quo fit, ut quemadmodum corpus & anima totius hominis, sic philosophia & oratoria, sive sapientia & eloquentia totius studii literarii ex æquo dimidiæ partes sint: Et rursus, ut quemadmodum corpus ab anima separatum semper est imperfectum, sic philosophia ab oratoria sive sapientia ab eloquentia separata nunquam perfecta esse possit. Quocirca pessime & de literis & de literatis omnibus meriti esse putandi sunt Socrates, & Plato, & quicumque alii tam pulchram ab antiquis factam diremerunt philosophiæ & oratoriæ sive sapientiæ & eloquentiæ societatem. Præterea conveniunt etiam eo quod ambæ pro subiecto atque materia, in qua versentur, generaliter sibi subjiciunt omnes res mundi nulla prorsus excepta. Si quidem nulla omnino res est, quæ subterfugere possit, quin aliquādo subjiciatur officio vel philosophiæ & sapientiæ, vel oratoriæ & eloquentiæ, hoc est, quam non & vere cognoscere ac scire, & si agi aut fieri potest, etiam recte agere & facere, quantum in se est, contingat: quod est proprium philosophiæ & sapientiæ officiū & de qua non & sermonē habere, beneque dicere licet: quod similiter est proprium oratoriæ & eloquentiæ munus. Ex quo sequitur postremo utranque harum esse facultatem & professionem non particularem nec specialem, sed generalem & universalem.



Ut quemadmodum ante monui, cum dicitur philosophia & sapientia, nullius particularis rei scientia aut actio, sed omnium : & cum proferretur Oratoria & eloquentia similiter nullius specialis rei ars, sed plane omnium intelligatur. Atq; ita conveniunt inter se philosophia & oratoria, sive sapientia & eloquentia, Differunt autem, quod quamvis ita sit, hoc est, quamvis utraque idem habens totum sit, ut ita dicam, idem toto, & omnibus in rebus tanquam in proprio subiecto atque materia versetur : tamen distant partibus, & sunt diversæ partes totius studii literarii, & rei literariæ, & diversum habent officium. Nam ut dixi, philosophiæ & sapientiæ proprium munus est, vere cognoscere ac scire, & recte agere ac facere : oratoriæ autem & eloquentiæ non solum de civilibus, sed etiam de naturalibus rebus bene loqui & dicere. Quocirca quantum distat cognoscere & scire, agere ac facere, à loquendo & dicendo, tantum philosophia & sapientia differt ab oratoria & eloquentia. Intelligendo tamen semper in prima parte philosophiæ & sapientiæ, hoc est, in Physica, quæ proprie est scientia non ars, & theórica non practica, non duas diversas res, sed unam eandemq; rem esse & officium & finem, hoc est, cognitionem & scientiâ rerum. Ad hunc enim finem in hac parte philosophamur, ut cognoscamus & sciamus, atque adeo sapientiam hanc non propter aliud, sed propter ipsam sapientiam quarimus. In Philosophia autem & sapientia poliica & activa, duo esse officia sive duos fines, hoc est, non solum cognitionem & scientiam rerû, sed etiam actionem & factionem rectam. In hac enim, ut perfecta sit, non solum cognoscere & scire, sed etiam agere & facere necessarium est. Ad hæc est illa quoque inter eas differentia, quod philosophia & sapientia, ex ea tantum parte qua physica est, hoc est, speculativa, proprie solummodo scientia est nõ ars, quando quidem id quod est scientiæ proprium, in cognoscendo tantû & sciendo occupatur, nec nisi ex ea parte qua politica est & activa, quicquam agit aut facit operis externi. Oratoria vero & eloquentia tota simul & scientia & ars recte dicitur, sed scientia communiter, ars vero proprie existit, eo quia non solum cognoscit ac scit præcepta ex quibus constat, & omnia ea, de quibus loquitur, quod est scientiæ, sed etiam ex præceptis & documentis illis cognitis & scitis, quod est artis, agit & molitur aliquid operis exterioris, hoc est, & recte loquitur & bene dicit. His itaq; tot modis partim conveniunt inter se, partim differunt hæ duæ maximæ & generalissimæ omnium facultates, hoc est, philosophia & oratoria, sive sapientia & eloquentia. Ex quo facile licet intelligere, quam ob causam nulla alia facultas ac professio, præter has duas, possit esse generalis & universalis. His enim duabus exceptis nulla alia reperitur, cujus consideratio sit tam generalis tamque ad omnia pertinens, ut philo-

philosophiæ & oratoriæ, sive sapientiæ & eloquentiæ. Nam quæ primum in scientiis particularibus, quam ob causam Astrologia, exempli causa, & Geographia non sint scientiæ generales? quia non omnia sunt astra & motus astrorum, in quibus solis versatur Astrologus: nec omnia sunt provinciæ & loca terræ, quæ sola considerantur à Geographo. Deinde in artibus specialibus iterum quæro quam ob causam Medicina & Architectura non sunt artes universales? quia non omnes res ægrotant nec curantur, ut subjici possint officio Medicinæ: nec item ædificari & construi possunt, ut ad Architecti officiū pertineant. Quorum nihil neq; de philosophiæ sive sapientiæ, neq; de oratoriæ sive eloquentiæ officio vere dici potest. Quæ est enim tam abscondita tamque abstrusa res, quam non & vere cognoscere, & siagi potest, etiam recte agere, quantum in se est: & præterea de qua non & recte loqui & bene dicere liceat? profecto nulla. *Quod usque adeo verum est, ut videamur etiam cognoscere ac*

*(Quasi vero hoc non sit, aut quasi possit appellari problema.)*

*scire ea, quæ non sunt, ut diametrum esse incommensurabilem lateri, & de eisdem verba facere, ut Mathematici, cum problema illud verum esse probant.* Quare jam audacter confitendum est, & sine ulla dubitatione affirmandum, Philosophiam sive sapientiam, esse facultatem & professionem generalem & universalem, non solum cognoscendi ac sciendi, sed etiam agendi & faciendi omnes res mundi, tam divinas quam humanas, tam cælestes quam terrestres, quantum quidem humano ingenio assequi licet, & rerum ipsarum natura patitur. Oratoriam autem & eloquentiam esse artem similiter generalem & universalem bene loquendi ac dicendi de omnibus rebus mundi, tam divinis quam humanis, tam cælestibus quam terrestribus, cum illa tam eadem conditione, quantum scilicet, humanum ingenium consequi potest, & res ipsæ dicendi de se copiam ac facultatem præstant. Cæteras vero omnes scientias & artes præter has duas, esse facultates & professiones, non generales nec universales, sed particulares & speciales, & non in omnibus rebus, ut hæc duæ, sed in uno tantum certo ac determinato rerum genere versari. Nec mihi quisquā hic obijciat Aristotelem & Peripateticos, qui præter has, quas dixi, duas etiam alias facultates ponunt generales & universales, hoc est, Dialecticam & Metaphysicam, quam vocant. Nā ego infra objectioni huic respondebo, cum probabo utranque earum esse vel falsam, vel supervacuum, vel inutilem, vel denique ab omni artium & scientiarum numero ejiciendam. Atque hoc modo nos generalem omnium artium & scientiarum divisionem primo bipartitam fecimus in Philosophiam & Oratoriam, deinde rursus Philosophiam subdividentes in Physicam & Politicam: Oratoriam vero ita indivisam relinquentes, una cum Antiquis illis, & propter rationes illas, quos & quas supra diximus, totius studii

studii literarii sive *encyclopadia partes facimus tres, Physicam sive naturalem, Politicam sive civilem, Logicam sive Oratoriam*. Ac denuo unanquamque harum trium partium subleantes, & singulis multas alias partes subijcientes nihil omnino nec artium nec scientiarum nec adeo scriptorum relinquimus, quod non huic nostræ divisioni supponatur, aut certe quod nō ad eam aliquo modo referatur. Ad *Physicam* enim reducuntur *Theologia*, *Meteorologia*, *Geographia*, & reliquæ omnes *physiologiæ* partes: Ad *politicam* generalem revocantur *ethica*, *politica specialis*, *œconomica*, *Juscivile*, & cæteræ artes ad civitatem pertinentes: Ad *Logicam* sive *Oratoriam* retrahuntur, *Grammatica*, *Rhetorica*, *Poetica*, *Historice*, & si quæ aliæ sunt hujus generis. Sed animadvertendum est in hac reductione artium & scientiarum, fere omnes tam eas, quas dixi, quam quascunque alias, quales sunt *Medicina*, *Arithmetica*, *Musica*, *Geometria*, & cæteræ *Mathematicæ* vel cum *Mathematicis* quandam habentes conjunctionem, ut *Architectura*, *pictura*, *plastice*, & aliæ similes & postremo omnes tam *Mechanicæ* appellatæ quam *Liberales*: fere inquam omnes non ad unam partem tantum, sed ad duas & quandoq; etiam ad tres referri. Nā ex ea parte qua cognoscunt & sciunt, si materia, in qua cognoscendo & sciendo versantur est naturalis, ad *physicam*, si civilis ad *politicam*, si oratoria ad *oratoriam* reducuntur. Qua vero parte agunt vel faciunt aliquid, si actio & factio earum non ad loquendum nec ad dicendum, sed ad regendum & gubernandum, aut aliquid aliud moliendum pertinet, ad *politicam* haud dubie rediguntur. Sin vero ad loquendum & dicendum, hoc est, ad sermonem habendum & orationem faciendam spectat, non ad *politicam*, sed ad *Logicam* sive *Oratoriam* sive *Rhetoricam* sunt reducendæ. Atq; hinc si materiam artium & scientiarum spectes, libri *Ciceronis* de *Natura deorum*, exempli gratia sunt *physici*, de *Legibus* & de *Officiis politici*, de *Oratore* & de *Arte Rhetorica*, *Oratorii*. Sin non materiam, sed actionem vel factionem consideres, libri *Ethicorum*, *politicorum*, *Oeconomicorum* *Aristotelis*, sine dubio sunt *politici*, & similiter omnes alii quaruncunque actionum & factionum sint, modo non ad orationis artificium pertineant, indubitanter ad *politicam* sunt referendi. Sed & *physici* libri, & *politici*, & *oratorii* omnes simul cujuscunque generis existant & quacumq; in materia versentur, & de qualibet actione aut factione loquantur, si & orationem eorum cultam, & eruditum scribendi artificium intueare & contempleris, omnes inquam nō ad *physicam*, nec ad *politicam*, sed ad *logicam*, sive *oratoriam*, sive *rhetoricam* facultatem pertinent. Atque in hanc sententiam intelligenda est definitio nostra *Rhetoricæ*, cum dicimus, *Rhetoricam* esse artem bene dicendi de omnibus rebus mundi, tam

physicis

physicis & politicis quam oratoriis, hoc est, non quatenus cognoscuntur & sciuntur omnes, nec quatenus reguntur & gubernantur, aut alio quopiam modo aguntur & fiunt, sed quatenus de eis loqui & bene dicere potest Orator. Haftenus enim & hoc modo non alio quopiam dicimus Oratorem suo & proprio jure loqui & dicere posse de omnibus rebus mudi, & omnino omnia, quæcunque sunt in rerum natura oratoriæ facultati esse subiecta. Aliæ nanque sciētiz alia docēt, physica cognoscere ac scire res suas, politica præter hoc etiā agere & facere aliquid aliud, ut gubernare rem suam familiarem quod ad Oeconomicam, curare morbos quod ad Medicinam, bene respondere de jure quod ad Juscivile, & alia multa hujusmodi, quæ ad alias artes pertinent. Sola Oratoria bene loquendi ac dicendi præcepta dat, & quoniam bene loqui ac dicere de omnibus rebus contingit, idcirco non mirum est, quod ad hanc partem attinet, si & Cicero & Quintilianus atque Aristoteles omnia prorsus de quibus sermo & oratio haberi potest, Oratoriæ arti subjecerunt. Quod quanquam ita sit, tamen si politicam spectes, quatenus inter alias leges multas quas fert, etiam non nihil sancit de oratoriæ facultate, ut cum statuit accusatori ac defensori quot horas utrique liceat dicere, non immerito, ut alia ratione ipsa est oratoriæ arti subiecta tanquam materia, sic vicissim hanc eandem Oratoriam sibi metipso subijcere, & tanquam partem sui quādam videtur. ut omnino nihil sit absurdi, si dicatur artes & scientias sibi nonnunquam invicem, sed alia atque alia ratione subiectas esse. Quibus ita explicatis & vera ac generali omnium artium ac scientiarum divisione nostra facta, non difficile fuerit ostendere divisionem illam totius Philosophiæ, quam supra posuimus, ab Aristotele & peripateticis factam, multis, ut diximus, scateri vitiis, & pluribus obnoxiam esse reprehensionibus. Quod in sequenti Capite, quam brevissime fieri poterit, ostendetur.

## CAPUT QUARTUM.

*De erratis Peripateticorum in generali Philosophiæ divisione admissis.*

**P**eripatetici igitur primum, quod facturi partitionem omnium scientiarum sola Philosophiæ nulla Oratoriæ mentione facta divisionem se facturos pollicentur, non recte faciunt, sed vehementer errant, eo quod statim eloquentiam à sapientia, & ut Cicero inquit, quasi lin-

(Non separant, sed sub ea comprehendunt)

guam à corde *separare* incipiunt, pessime & imperitissime collocantes Oratoriam, quam Rhetoricam vocant, in fine divisionis suæ tanquam Logicæ

E c

parti-

particulam & quasi famulam, cum ut nos supra diximus & infra probabimus, non Logicæ particula sit, sed tota Logica, & vere totius studii litterarii universæque ejus, quam vocant encyclopædiam, dimidia pars: tam Philosophiæ, hoc est, rerum scientiæ & actioni, ex altera parte respondens: tum Grammaticam sub se tanquam particulam quandam sui continens: tum Dialecticæ ejus, quæ nunc in usu est, utpote falsæ & supervacua, nihil indigens, ut paulo infra demonstrabimus. Sic igitur Pleudophilosophi cum primo dividerent omnes scientias & artes erraverunt, eloquentiam à sapientia, & quasi linguam à corde, separantes. Quem errorem nos vitantes non philosophiam solam, sed universum studium literarum, atque adeo circum ipsum doctrinarum omnium divisimus, in Philosophiam & Oratoriam: ut quemadmodum diximus in homine esse corpus & animam, sic in omni studio literarum sit sapientia & eloquentia, & sapientia corpori, eloquentia vero animæ proportionem respondeat. Alter vero error divisionis Adversariorum est, quod statim dividunt Philosophiam totam, in Theoricen & practicen, hoc est, in contemplativam & activam: & rursus Theoricen, in Metaphysicam, Mathematicam, & Physicam sive Physiologiam: Practicen vero in Ethicen, Politicen, & Oeconomicon: Quasi non & tres istæ inferiores magna ex parte sint Theoricæ, & ex tribus illis superioribus non & pene tota mathematica, & non parva etiam physiologiæ pars sit activa. Nam quod attinet ad primam illorum divisionem, in theoricen & practicen, quamvis hujusmodi divisio longe discrepet ab ea, quam Antiqui ante Aristotelem fecerunt, in physicen, ethicen, & logicen, ut diximus, esset ea tamen non omnino mala si partes, quæ utrique subjiçuntur, non partim essent falsæ, partim male subjeçtæ. Sed nos Theologiam primum à Metaphysica separamus, eo quod Theologiam, quæ de Deo Opt. Max. rebusque divinis recte loquitur, & veram & totam Theoricam esse cõstemur. *Metaphysicam vero partim falsam, partim supervacaneam, & non necessariam*

(Quidni de tot Cognitio de universo genere rerum?)

esse affirmamus, atque ideo in numerum verarum & necessariarum scientiarum non recipiendam, ut infra in capite ad hanc unam rem probandam destinato probabitur. De Mathematica & physiologia, dico eas non minus practicas quam theoricæ esse, atque ideo sub solam theoricæ philosophiæ partem non recte fuisse subjeçtas. Nam ut à Mathematica incipiam, quis nescit vel solas vel primas Mathematicæ partes esse Geometriam & Arithmeticam? At in Geometria sunt, ut ex Euclide notum est, *non solum Theoremata*, hoc est, ut Cicero vertit, præcepta, sive, ut alii, speculationes, quæ eam sine dubio esse Theoricam probant *sed etiam problemata*, quæ docent facere aliquid, ut supra datam lineam.

(Et problemata omnia ad theoremata reducuntur. R. 4. 1. 1.)

triangu-

triangulum æquilaterum constituere, & alia multa id genus ex quibus Geometria non solum scientia & theorica, sed etiam ars & practica, atq; in summa non solum cognoscens & sciens, sed etiam agens & faciens aliquid esse convincitur. Similiterq; Arithmetica cognoscit illa quidem & scit numeros numerorumq; affectiones, ex quo theorica probatur: sed præterea etiam componit, subtrahit, multiplicat, & dividit numeros tam integros quam fractos, & radices, quas vocant, & alia multa agit facitq; , quibus non potest etiam esse ars practica, & ad agendum faciendūq; aliquid comparata. Ut taceam interim utriusq; nomina, quæ utranq; non solum theoricam, sed etiam practicam esse demonstrant: Arithmetica enim dicta est, ἀριθμητική, hoc est, à numerando: Geometria δὲ μετρήσιμη, hoc est, à terrametienda: at numerare & exercere números, & terram aliāq; omnia ut ita dicam, metibilia metiri, non theoricæ sed practicæ videtur esse officium. Quare Arithmetica & Geometria non minus practicæ quam theoricæ sunt exultimandæ. Quod idem atque adeo multo magis de Musica & Astrologia sentiendum est, cum ipsæ quoq; magna ex parte in agendo, hoc est, canendo, & rebus futuris prædicendis versetur. Quamquam ego partem illam Astrologiæ totam quæ ad agendum, hoc est, ad divinandum, resq; futuras prædicendas pertinet, totam improbo atq; rejicio tanquam falsam & ad decipiendos deludendosq; homines comparatam. Propter has igitur causas Mathematica solius Philosophiæ theoricæ pars non recte fuit posita. Jam vero quis nescit bonam Medicinæ partem esse naturalem ac theoricam? & propterea ab ipsis Medicis appellari Physiologicon, ut de elementis, de temperamentis, de virtutibus naturalibus, & cæteris hujusmodi: & tamen nemo nisi planè imperitus dixerit, Medicinam esse theoricam quam practicā. Quare non recte Aristoteles physicas scientias, in quarum numero est Medicina, in parte tantū theorica philosophiæ collocavit, cum constet eam, quoq; esse physicam, & tamen non minus in parte activa quam in parte theorica esse statuendam, si quidem est ars, & omnis ars proprie est activa, atq; ad agendum faciendumve aliquid, ut ante dixi, destinata. Quod autem spectat ad Ethicam, Politicam, & Oeconomicā, cum hæ quoq; sint artes, ad bene faciendū aliquid inveniunt, & ethica ad bene vivendum, scq; ipsum recte gubernandum, & politica ad rempublicam salubriter utiliterq; administrandā, & œconomica ad rem familiarem regendam tuendamq; , cum inquam, ut dixi, tres hæ sint artes ad aliquid agendum vel faciendum comparatæ, & cum omnes artes, ut supra docui, sint scientiæ quædam præceptis documentisq; , quæ sciuntur, constantes: quomodo possunt ethica, politica, & œconomica non esse scientiæ? & si sunt scientiæ, quomodo non sunt theoricæ & contemplativæ? certe si scientiæ à



nobis supra recte fuit definita, esse cognitio quædam rei vel rerum scitu dignarum, cognitu difficilium, & vulgo ignotarum, non possunt hæ, quas dixi, tres artes, non inter scientias & in parte scientiarum theoricæ numerari. Omnis enim ars proprie quatenus ars est, necessario agit vel facit aliquid, atque ideo activa vel factiva dici potest: quatenus vero eadem cognoscit & scit præcepta ex quibus constat, & ea præcepta sunt scitu digna, cognitu difficilia, & vulgo ignota: quibus sciendis & cognoscendis homo contemplatur & delectatur, quatenus inquam ita est, non potest ars omnis proprie non esse theoricæ & contemplativa, si quidem necessario intelligimus, cum artem dicimus, actionem vel factionem quandam, cum vero scientiam proferimus, speculationem & contemplationem aliquam, accipiendo tamē tam artem quam scientiam proprie, ut ante diximus. Quare concludo Ethicam, Politicam, & Oeconomicam ex ea parte, qua agunt vel faciunt aliquid, esse quidem artes & activas: Sed ex ea parte qua præceptorum & documentorum scientiam continēt, non posse non esse contemplativas & theoricæ. Omnis enim scientia, quatenus scientia est, necessario cum theoricæ quadam & contemplatione conjuncta est, & propter hanc causam Aristoteles rursus non recte existimavit, ethicam, politicam, & oeconomicam inter activas tantum scientias esse numerandas, & in parte philosophiæ practica solū collocandas, cum saltem ex dimidia sui parte theoricæ sint & contemplativæ. Ut quemadmodū dicimus Medicinā theoricam & medicinam practicam, sic etiam recte dici possit, ethica theoricæ, ethica practica, politica theoricæ politica practica, œconomica theoricæ œconomica practica: non enim est major ratio ulla, cur theoricæ & practica de medicina dici possit de ethica autem, politica, & œconomica dici non possit: cum omnes æque sint scientiæ & artes, nec quicquam differat in Medicina, sive dicas medicinam theoricam sive medicinam scientiam, medicinam practicā sive medicinam artem: & in illis sive proferas ethicam theoricam sive ethicam scientiam, ethicam practicam sive ethicam artem, eodemq; modo in aliis. Quod autem iidem Adversarii in divisione sua ad eas, quas supra diximus, theoricæ & practicæ philosophiæ partes adjunxerunt etiam Logicen, & Logicæ subjecerunt Grammaticam, Dialecticam, & Rhetoricam, tanquam tres artes inter se diversas: in hac quoque adjunctione & ejus subdivisione, multa admiserunt errata. Et primum quia cum Veteres, ut supra dixi, ante Aristotelem recte dividerint totam Philosophiam in Physicen, Ethicen, & Logicen, nulla neque theoricæ neque practicæ mentione facta attamen isti non solum non recte theoricen & practicen adjunxerunt, ut supra ostendi, sed etiam falsō existimaverunt Logicen dictam ab eo quod est λόγος, ut significat non sermonem & ora-

& orationem, sed rationem, quod supra falsum à nobis demonstratum fuit. Alterum vero erratum eorum est, quod cum totam Philosophiam divisissent, in theoreticam & practicam, & his duabus partibus postea addidissent logicam, tamen hanc ipsam logicam nec theoreticam nec practicam philosophiæ subjecerunt, sed tanquam nec theoretica nec practica esset, per se ipsam rejecerunt in tertium quendam quasi philosophiæ angulum. Cum tamen constet logicam non minus esse tum theoreticam tum practicam, quam mathematicam & ethicam, & cæteras, quas supra dixi: si quidem ipsi Logici sive Dialectici præsertim juniores nusquam non inculcant Logicam duplicem esse, docentem alteram, alteram utentem: sic enim ipsi loquuntur, quæ divisione aut nesciunt quid dicant, aut hoc dicere volunt, Logicam alteram esse theoreticam, alteram practicam: ut idè sit dictum, logica docens & logica theoretica, logica utens & logica practica. Quoniam nemo nisi plane imperitus & Dialecticus ita diceret, *logicam do-*  
*(Id est logicæ doctrinam & usum.)*

*centem, & logicam utentem,* sed vel logicam theoreticam & logicam practicam, ut medicinam theoreticam & medicinam practicam: vel logicam scientiam & logicam artem, ut medicinam scientiam & medicinam artem, quemadmodum nos supra docuimus. Quocirca non parum hoc quoque nomine sunt coarguendi quod logicam nec theoreticam nec practicam Philosophiæ subjecerunt, quasi scientia aliqua aut ars esse possit, quæ nec theoretica sit nec practica. Et hoc majori reprehensione digni sunt, quod cum logicam à theoretica & practica philosophia omnino separavissent: tamen postea tanquam immemores sui, & docentem & utentem fecerunt, non intelligentes hoc modo fieri, ut simul & semel, & theoretica & non theoretica, & activa & non activa esse videatur. Quod vitium nos vitantes divisionem illam philosophiæ in theoreticam & practicam omisimus, ac docuimus inter scientias & artes proprie hanc esse differentiam, ut scientiæ omnes puræ, scilicet, & propriæ tantummodo sint theoreticæ, artes vero simul & theoreticæ & practicæ dici possint. Præter hæc autem, quæ hæcenus dixi, divisionis Adversariorum errata, sunt etiam aliquot alia multo majora, quorum unum est, quia Metaphysicam, quæ falsa est & supervacua, ut ostendimus infra, tanquam veram & necessariam philosophiæ theoreticæ partem primam fecerant. Alteram quia sub Logicam unà cum Grammatica & Rhetorica subjecerunt etiam Dialecticam, quæ similiter, ut Metaphysica, nec vera est nec necessaria quodque peius est nullum nec inter artes nec inter scientias potest habere locum, ut in sequenti capite probabimus. Tertium quia Grammaticam posuerunt tanquam artem per se, & non solum à Dialectica, sed etiam à Rhetorica separatam: cum non ars per se, nec à Rhetorica separata, sed Rhetoricæ elutionis particula quædam sit, ut in capite de Grammatica probaturi sumus.

Quantum & ultimum quia Rhetoricam impudenter & contra omnem rationē Dialecticæ partem & quasi famulam fecerunt, & eidem relinquentes tantummodo eloquutionē & ornatum cultumq; orationis, majore etiam impudentia & malignitate ademerunt, inventionem, argumenta, & argumentationes, & omnino omnem disputandi, differendi, ac probandi proprietatem. Perinde quasi hæc omnia ad Dialecticos proprie solum pertinerent, non ad Oratores: & quasi cū aliquid invenire, ac per argumenta argumentationemq; probare, & omnino cum differere & disputare vult Orator, necesse haberet horū faciēdorum præcepta à Dialecticis mutuari. Quæ omnia quoniam sunt falsissima & absurdissima, & multis verbis longeq; oratione ad explicandum refutandumque egent, idcirco in sequentia capita mihi visa sunt referenda. Illud tamen hic Lectores admonere volo, quod supra dicere oblitus fueram. In eo etiam Peripateticos valde errasse, quod Theologiam & totam eam partem Philosophiæ, quæ de Deo & reliquis substantiis separatis loquitur, à Physica separaverunt, & physicam nullo pacto esse voluerunt: prorsus & contra auctoritatem Platonis, & Veterum illorum Græcorum, qui ante Aristotelem philosophiam diviserunt, ac physicæ nomine etiam scientiam de Deo rebusque divinis intellexerunt, & contra veritatem, eo quia Deus & divina omnia vere sunt res naturales. Id quod manifeste liquet esse verum ex communi linguarum usu, tam Græcæ quam Latinæ. Ac græcæ quidem propter auctoritatem illorum veterum, quos dixi, latinæ autem propter testimonium Ciceronis, qui libros in quibus fere totis erat locuturus de Deo rebusque divinis, inscripsit de Natura Deorum. Quod si naturæ nomine Deus & divina omnia apud Latinos non possent intelligi, sequeretur Ciceronem in illa inscriptione non latine locutum fuisse. Quod cum sit absurdum, pro certo habeant recte philosophaturi, & nos recte Theologiam Physicæ subjecisse: & Aristotelem, qui Theologiam à Physica separavit, vehementer errasse: Ut in subjecta generalis nostræ divisionis descriptione clare videre licet.

Universum rei literariæ studium.

Circulus doctrinarum omnium.

Encyclopædia.

Philosophia  
sive sapientia.

Physica sive  
naturalis

Politica sive  
civilis

Logica sive  
Oratoria sive  
Rhetorica sive  
Eloquentia.

CAPUT

*Dialecticam inter scientias & artes nec ut universalem nec ut particularem ullam omnino locum habere posse, sed tanquam non modo falsam, sed etiam inutilem & super-  
vacuam ex omni artium & scientiarum numero ejici-  
endam.*

**D**E falsitate Dialecticæ, nihil hoc capite sumus locuturi, cum id & antea fecerimus fere in omnibus supra positis capitibus & infra etiam fere in omnibus, quæ sequuntur, facturi sumus. Sed tantum ostensuri Dialecticam tanquam omniprorsus propria materia carentem, & nullum proprium officium, nullumque peculiarem finem habentem nec inter scientias nec inter artes ullum locum habere posse: eo quia nec definiri, nec distingui ab aliis scientiis, atque artibus queat: & propterea tanquam supervacuam & inutilem ab omni scientiarum atque artium numero ejiciendam. Quod statim ut appareat verius esse quam quæ ut apud Sagram, ut dicitur, primum ita statuo, ad hoc, ut aliqua scientia atque facultas vere in artium genere sit, & artis nomen vere sibi possit vindicare, necessarium esse, ut tria hæc habeat, quemadmodum supra dixi in omni arte requisita, materiam, in qua versetur agendo vel faciendo aliquid, officium, quod præstare debeat, finem propter quem agat vel faciat. Sine quibus tribus ne cogitari quidem potest, quomodo ars aliqua vere possit consistere. Sic enim ut rectissime Cicero docet in primo de Inventione, Medicinæ materia sunt morbi & vulnera, officium bene curare, finis sanare. Et ut idem in libris de Oratore asserit, nec Aristoteles in Rhetoricis negat, Rhetoricæ materia sunt omnes res mundi, officium bene dicere, finis probando vel persuadendo, hoc est, bene dicendo assèqui quod intendas: & ita in cæteris omnibus artibus, ut supra diximus. Quare si Dialectica vere est ars & inter artes merito numeranda, oportet ut tria hæc habeat, materiam, officium, & finem: quorum nullum vere eam habere, statim hic probaturi sumus. Nam quod ad materiam attinet, Aristoteles quidem, quemadmodum Rhetoricæ, sic etiam Dialecticæ subjicit omnes res mundi. In primo enim Rhetoricæ an utranque in nullo determinato genere versari, sed de omnibus rebus generaliter esse, & de nulla privatim. Quare quod ad materiam attinet, Dialecticæ, ex Aristotelis sententia, nihil differt à Rhetorica, ut necesse sit si volumus eam definire & à Rhetorica distinguere, omnis ejus definitio & distinctio ab officio & à fine

(Subiectum dialecticæ est cogitatio, Rhetoricæ sermo. Quia autem sermo & cogitatio omnium rerum est, contingit & dialecticam & Rhetoricam omnium rerum esse.)

sumatur. Nam iis, qui non omnes, sed certas quasdam materias Dialecticæ subijciunt, postea respondebimus, & errorem illorum refutabimus. Sed de officio & fine Dialecticæ, nec Aristoteles nec quisquam Veterum, quod sciam, fatis aperte scripsit, quodnam esset ejus proprium officium, & qui proprius finis. Aristoteles enim in loco supra citato, de officio Dialecticæ nullam facit mentionem, sed tantum de officio Rhetoricæ loquens, non videtur distinguere officium artium à finibus earum: Si quidem ait, Medicinæ non esse sanitatem inducere, sed quo ad ejus fieri possit, eo usque perducere, cum fieri possit, ut etiam ii, qui nullo modo sanari possunt, bene tamen curentur. At ego contra adversus Aristotelem, unà cum Cicerone dico, Medicinæ sive Medici officiū esse bene curare, finem autem sanitatem inducere: quod si Medicus bene curet, & officium suum diligenter præstet, etiam si non sanet, nec finem suum assequatur, non propterea tamen debita laude carere debet, nec minus bonus Medicus est existimandus. Artifex enim officium artis suæ præstare tenetur, non finem. Itaq; Medicus modo bene curet, & secundum artem nihil eorum, quæ ad curationem pertinent prætereat, quamvis propter malignitatem morbi vel quampiā aliam causam, non sanet, non est vituperandus: Sicut nec gubernator navis, qui navem bene gubernat, sed propter vim tempestatis in portum pervenire non potest: nec Imperator belli, qui aciem suam perite instruit & ea omnia facit quæ facere debet, sed vel propter imbecillitatem militum, vel propter alium quēpiā fortuitum casum, amittit pugnam. Quæ si Aristoteles intellexisset, nunquam profecto dixisset, Medicinæ non esse sanitatem inducere: nec addidisset, quo ad ejus fieri possit, eo usque perducere: sed prius finem Medicinæ ab officio distinxisset, deinde admonuisset, Medicinæ officiū esse bene curare, finem autem sanare. Est enim revera Medicinæ sanitatem inducere, sed finis non officium, atq; ideo Medicus cum præstare non tenetur. Quod autem addit, quoad fieri possit, eo usque perducere, non officium est Rhetoricæ privatum, ut ille putat, sed commune omnium artium: omnes enim artes tenentur facere id quod possunt, sed aliud aliæ faciunt. Itaq; & Medicina bene curare, & Rhetorica bene dicere, & omnes aliæ artes quod est suum proprium munus facere debent. Quare Aristoteles in eo, quem dixi, loco de materia quidem Rhetorica, recte sensit cum ei subjecit omnia: revera enim Orator ex suo & proprio jure de omnibus rebus loqui & dicere potest, ut & Cicero in primo de Oratore, & Quintilianus in secundo oratoriarum Institutionum in capite de materia artis, apertissime testatur. Verum idem Aristoteles de officio & fine, tum ejusdem tum etiam Dialecticæ non ita recte: quia non satis distinxit finem artis ab officio, nec intellexit artium quodnam esset proprium

proprium officium, & qui proprius finis. Quo factum fuit, ut quamvis de materia Dialecticæ satis aperte locutus sit, tamen de officio & fine ejus nihil potuerit definire. Quamobrem & veteres Peripatetici, ut Alexander Aphrodisienſis ſuper primo Topicorum, & Severinus Boethius in quarto de Differentiis topicis, & ex recentioribus Dialecticis nonnulli, ut Rodolphus Agricola in ſecundo de Dialectica inventione, & Joachimus Perionius in primo Dialecticæ ſuz, & aliquot alii multum laboraſſe reperiuntur in assignando vero officio & vero fine Dialecticæ, & in ſtatuenda differentia vera, quæ ſit inter Dialecticam & Rhetoricam. Nec tamen quicquam eorum adhuc quicquam profecit: partim quia ignoraverunt quodnam eſſet proprium officium, & quanam proprius finis artium, partim quia ignoratis veris discriminibus, quibus artes inter ſe vere diſtinguuntur, ſecuti ſunt non veras differentias & meras nugæ: partim etiam quod verius eſt, quia Dialecticam, quæ ars non eſt, tanquam ſi vera ars eſſet, à Rhetorica in caſſum diſtinguere conabantur. Quæ ut omnes luce clarius vera eſſe poſſint intelligere, breviter ſimul exponam omnes illorum differentias, & eadem brevitate expoſitas omnes refutabo, ut appareat Dialecticam inopia veri & proprii officii, veri & proprii finis, nec definiri, nec ab aliis artibus diſtingui, nec omnino inter artes locum ullum habere poſſe. Primum igitur ut omnes iſtorum differentias, quæ multæ & variæ ſunt, ad certa capita redigam: In ſumma dico eos ex octo locis ſive capitibus Dialecticam à Rhetorica diſtinguere conari: quorum primus eſt à materia utriuſque, ſecundus à quaſtionibus, tertius ab instrumentis, quartus ab uſu, quintus ab officio, ſextus à fine, ſeptimus à definitione, octavus à modo conſiderandi. Ac quod attinet ad primum locum ajunt Materiam Dialecticæ eſſe omnes res præſertim naturales & ſubtiliores, Rhetoricæ autem res civiles & quaſi craſſiores. Quæ prima differentia ſtatim falſa eſſe convincitur, quia eſt non ſolum contra veritatem, ſed etiam contra Ariſtoelem: nanque ut vere inquit Cicero in primo de Oratore, & Quintilianus in ſecundo oratoriarum Inſtitutionum in capite de materia artis, Oratoris materia ſunt omnes prorsus res mundi, tam naturales quam civiles, tam ſubtiliores quam craſſiores, nulla prorsus excepta. Id quod etiam ante Ciceronem & Quintilianum, dixerat Ariſtoeles in primo Rhetoricæ, ſcribens Rhetoricam quemadmodum & Dialecticam nullius eſſe determinati generis ſubjecti, ſed prorsus omnium, ac verſari omnibus in rebus nulla addita exceptione neq, naturalium neq; ſubtiliorum, neque ullius generis. Quamobrem quicumq; Oratori ſic assignat certum aliquod rerum genus, ut ab eo removeat reliqua omnia rerum genera, iſ non ſolum ſententiæ præſtantiſſimorum Oratorum & veritati, ſed etiam

Ff

Aristo-



Aristotelis opinioni manifeste adversatur. Aristoteles enim cum omnia subiicit Oratori, nihil excipit, nec in una cum materia magis proprie, aut magis frequenter versari dicit quam in alia. Cujus contrarium nescio unde isti Philosophastri aut quomodo somnariint. Quocirca ex parte materiæ nullum potest inter Dialecticam & Rhetoricam verum discrimen assignari: atq; hoc modo sublata est prima illorum differentia, quæ etiam tunc clarius apparebit esse falsa, cum responderimus iis, quæ contra nos fortasse dici possent. Secunda vero differentia, quæ à quæstionibus sumitur, talis est, aiunt ad Dialecticam pertinere quæstiones infinitas & universales, quas Græci Theses appellant: ad Rhetoricam vero quæstiones finitas & particulares, quæ ab eisdem vocantur Hypotheses. Sed hæc quoque differentia ad materiam videtur pertinere: theses enim sunt quasi materiæ quædam universales, hypotheses autem particulares, atque ideo eodem modo quo superior illa refutatur. Nam & Aristoteles cum omnia subjecerit Oratori, ut supra diximus, non potuit non eadem etiam subijcere quæstiones tam universales quam particulares, tam theses quam hypotheses: & Cicero quamvis in primo de Inventione, cum etiam tunc esset junior, secutus Hermagoram, dixerit Rhetoricam civilis scientiæ partem esse, & thesim nihil ad Oratorem pertinere: tamen postea factus senior, ut recte inquit Quintilianus, opinionem illam improbavit, & tam thesim quam hypothesim Oratoris esse voluit. Verba Quintiliani in tertio Oratoriarum Institutionum, capite, Quibus contineatur omnis ratio dicendi, cum de Hermagora loqueretur, hæc sunt, Cum sicut ex Ciceronis quoq; Rhetorico primo manifestum est materiam Rhetorices in theses & causas diviserit, Quod reprehendit Cicero, ac thesim nihil ad Oratorem pertinere contendit, totūq; hoc genus quæstionis ad Philosophos refert. Sed me liberavit respondendi verecundia & quod ipse hos libros improbat & quod in Oratore atq; iis, quos de Oratore scripsit libris & Topicis præcipit, ut à propriis personis & temporibus avocemus controversiam, quia latius liceat dicere de genere quam de specie, & quod in universo probatum sit, id in parte probatum esse necesse sit. Hæc Quintilianus, qui priorem illam Ciceronis opinionem usque adeo non probavit, ut quodammodo ei subirascatur, quod illam sibi excidere esset passus, & deposita verecundia illi se responsurum fuisse dicat, nisi postea correxisset errorem suum. Quocirca hoc pro certo habendum est, tam theses sive quæstiones infinitas, quam hypotheses sive quæstiones finitas ad Oratorem vere pertinere. Idq; non solum ex sententia summorum Oratorum, sed etiam Aristotelis ut dixi. Et præterea quoniam æque absurdum & ridiculum est, concedere Oratori hypotheses sive quæstiones finitas, deinde eidem negare theses

sive

sive quæstiones infinitas: ut si quis diceret, tertianæ aut quartanæ curationem ad Medicum pertinere, febris autem vel morbi, quæ tertianæ & quartanæ genera sunt, non pertinere. Eodem enim modo thesis sive quæstio infinita sub se continet hypothesein sive quæstionem finitam, sicut febris vel morbus tertianam & quartanam. Quamobrem qui concedit hypotheses & quæstiones finitas Oratori, & eidem negat theses & quæstiones infinitas: perinde absurde & ridicule facit, ut si Medico curationem tertianæ & quartanæ tribueret, febris autē & morbi adimeret. Et deniq; ut si ad quem totū pertinet, ad eundē negaret partem pertinere, quo nihil dici potest magis absurdum aut magis ridiculum. Itaq; nullo pacto dubitandum est, quin ex sententia tam Aristotelis, ut dixi, quam summorum Oratorum, tam theses quam hypotheses, tam quæstiones infinitæ & universales quam finitæ & particulares ad Oratorem pertineant. Tertia autem differentia ab instrumentis ducta hæc est, Dialecticam ajunt integris syllogismis & inductionibus in disputationibus suis uti, Rhetoricam vero enthymematam & exemplorum brevitate, ut inquit Boethius, esse contentam. Cujus differentia author fuit non Dialecticus quispiam ignobilis, sed Aristoteles ipse, qui in summa quatuor posuit argumētandi modos, syllogismum, inductionem, enthymema, & exemplum: & eos ita partitus est, ut duas perfectiores argumentationes Dialectico assignaret, syllogismum & inductionem, Oratori autem enthymema & exemplum, tanquam imperfectiores argumentationes, & quasi fecem argumentationum relinqueret. Qua quidem in re non solum mendax & falsidicus, sed etiam malignus & verterator deprehenditur. Mos enim fuit ejus, in scriptis suis, ubicunque posset etiam contra manifestam veritatem, ut semper multum tribueret Dialecticæ ac Dialecticis suis, Rhetoricæ autem & Rhetoribus, quorum erat Adversarius, derogaret atque detraheret. Ut hoc loco in assignandis argumentationibus, & alibi non uno in loco, Rhetoricam Dialecticæ subjiciens, & illius quasi famulam pedisequamq; faciens. Sed non quemadmodum alii pene omnibus paulo inconsiderationibus ante nos, sic etiam nobis imposuit Aristoteles: Agnovimus enim ejus malignitatem & vafritiam, atq; ideo eam omnibus detegentes & aperientes, dicimus, istam illius argumentationū partitionem esse falsissimam, ac primum quia syllogismus & inductio argumentationes sunt ad Oratorem non minus pertinentes quam ad Dialecticum, id quod statim probatur ex Cicerone in primo de Inventionē, qui tantum abest ut syllogismum & inductionem ab Oratore removeat, ut contra potius affirmet, omnem argumentationem Oratoriam tractari per ratiocinationem, hoc est, syllogismum & inductionem: de enthymemate vero & exemplo tanquā de argumentationibus

nibus Oratoriis nullam omnino faciat mentionem. Neque solum Cicero sed etiam Georgius Trapezuntius in tertio Rhetoricorum ponit decem argumentationum Oratoriarum modos, & inter eos vel maxime numerat rationationem & inductionem, cum tamen in eis nec enthymematis nec exempli nomen usquam legatur. Nec mirum, cum revera enthymema & exemplum, non argumentationes, sed argumenta sint. Itaq; & Cicero, & Trapezuntius, & Hermogenes enthymemata & exempla non inter argumentationes, sed inter argumenta rhetorica referunt. Et Aristoteles ipse in secundo Rhetorice, tradit locos enthymematum Rhetoricorum, hoc est argumentorum non argumentationum, & communiter loquentes dicimus, argumentum ab exemplo, non argumentationem ab exemplo. Accipiendo tamen argumentationem proprie pro argumenti explicatione per orationem, & enthymema communiter, ut apud Græcos idem sit enthymema, quod argumentum apud Latinos, & ut enthymema dicatur ἀπὸ ἐνθυμημάτων, quod est acute excogitare, & enthymema nihil aliud sit, nisi argumentum acute excogitatum, Non ἀπὸ ἐνθυμημάτων quod sit quasi ἐνθυμητὸν retinere, ut nugantur imperiti Philosophastri, putantes enthymema esse syllogismum imperfectum, & ex duabus tantum propositionibus constantem, eo quod una, ut ipsi dicunt, in animo retineatur. Quæ quidem etymologia prorsus est sophistica falsa & vana, non ab Aristotele (nam Aristoteles nullo loco id dicit, & tale enthymema aperte nusquam facere docet) sed ab imperitis quibusdam & loquacibus Pseudophilosophis Græculis excogitata. Præterea hoc idem & quotidiana experientia, & doctissimorum hominum scripta comprobant. Lege totum vel Ciceronem, vel Demosthenem, non minus syllogismos & inductiones cum opus est, apud eos reperies quam apud Philosophos. Item lege si placet, totum vel Platonem vel Aristotelem similiter apud eos vix unquam invenes ullum syllogismum tripartitum & perfectum, sed fere semper syllogismos bipartitos & imperfectos, hoc est, eo modo, quo Dialectici intelligunt enthymemata, ex duabus tantum propositionibus facta. Quocirca valde mirum est, quæ dementia, vel potius quæ insania vexarit primum Aristotelem, ut eas argumentationes ab Oratoribus removeret, quas ipsi tanquam proprias sibi vendicât, & quibus quotidie cum opus est utuntur, hoc est, syllogismum & inductionem: eas vero quas ipsi non agnoscunt pro argumentationibus, & quæ revera non sunt argumentationes, eisdem attribueret: hoc est, enthymema & exemplum. Deinde omnes eos, qui istas Aristotelis ineptias & dementiae legentes non solum crediderunt esse veras, sed etiam scriptis in illas bene longis & verbosis commentariis approbaverunt, & aliis credenda persuaerunt. Sed dici non potest quantum erroris

erroris & cæcitatis hætenus versatum est in scholis non solum Dialecticorum sed etiam Philosophorum. Quare nos unà cum Laurentio Valla, & Rodolpho Agricola, rejectis & explosis omnibus istis Philosophastrorum insaniis, dicimus & affirmamus omnes argumentationes tam perfectas quàm imperfectas, sine ulla exceptione aut differentia esse omnium scriptorum atq; artium communes, sic ut tam Orator quàm Philosophus communiter uti omnibus possit, cum opus est, & cum eloquendi ratio id postulat. Verba Laurentii Vallæ in proximò secundi libri Dialecticæ suæ, hæc sunt, Dialectici est syllogismo uti, quid non Orator eodem utitur? immo utitur, nec eo solo, verum etiam enthymemate & epichiremate, adde etiam inductionem. Sed vide quid interest: Dialecticus utitur nudo (ut sic loquar) syllogismo, orator autem vestito atq; auro & purpura ac gemmis ornato: ut multæ sint ei, & magnæ præceptorum comparandæ divitiæ, si videri volet Orator, Dialecticum prope dixerim paupertas decet. Rodolphus vero in secundo suo de Dialectica Inventionis libro cap. XIV. ita inquit, Nihil ergo est quod quisquam putet certis artium generibus has vel illas argumentandi formas addici posse, rerum ipsa præfens conditio, ut quæq; est diligentius & constantius affirmanda consilium præbebit. De hæc nammodum in plerisque rebus semel potest in perpetuum præcipi quid fieri oporteat, sic in hac ut in aliis multis, hoc solum perpetuum est, quod perpetuum statui nihil potest. Hæc Rodolphus, qui multis ante nos annis præviderat istam argumentationum partitionem ab Aristotele factam, esse falsam & ridiculam, atque idcirco ea, quæ dixi, verba pluris veritatem quàm Aristotelem faciens monumentis literarum mandavit. Nam per Deos immortales, quænam ratio unquam satis idonea afferri poterit, quam obrem & Orator syllogismo & inductione, & philosophus enthymemate & exëplo privandus esse videatur? profecto nunquam ulla. Quare desinant Dialectici & Philosophastri posthac nugari & garrere, nec aut syllogismos perfectos & inductiones Oratori, nec enthymemata imperfecta aut exempli philosopho sua loquacitate atque imperitia auferant. Et hoc pro certo habeant omnes, qui recte philosophari cupiunt, nullam, ut dixi, argumentandi formam, ullius scriptoris aut artis esse propriam, sed omnes argumentationes omnium artium & scriptorum esse communes, modo recte & pro rerum probandarum conditione & qualitate adhibeantur. Sed hætenus de differentia ab instrumentis sumpta, nunc de ea quæ dicitur ab usu: sic enim Boethius loquitur, dicens orationem Dialecticam à Rhetorica esse distinctam. In quo non minus fallitur quam in instrumentis

cum non minus Oratoris quam Dialectici sit oratione intercisâ per interrogationem & responsionem uti, nec minus Dialectici quam Oratoris oratione perpetua & continuata disputare. Nam & Oratores cum opus est nonnunquâ interrogant adversarium & respondent, atq; ideo apud Quintilianum in sexto prope finem recte appositum caput est de Altercatione, in quo præcepta dantur quomodo interdum in causis inter disputandum interrogandus sit adversarius, & vicissim quomodo ei respondendum. Quod non fieret, si verum esset, quod Dialectici nugantur, orationem intercisam ab Oratore esse alienam. Similiterq; nihil prohibitum est Dialecticis oratione perpetua uti, præsertim cum non disputant, sed præcepta Dialecticæ tradunt, id quod facit Aristoteles in suo illo tantopere celebrato Organo, in quo nihil aliud quam de Dialectica sive Logica traditur. Contra vero Cicero in tribus de Oratore libris, & in Partitionibus Oratoriis, in quibus eodem modo nihil aliud quam de Rhetorica præcipitur: tamen non perpetua oratione, sed intercisâ per interrogationem & responsionem totam perficit disputationem. Non me latet Quintilianum nescio quo in loco mentionem fecisse hujus, quam dico, differentiæ, orationis perpetuæ, scilicet, & intercisæ: sed eo in loco loquebatur non ex sua, sed ex illorum opinione qui talem orationis formam Dialecticæ tribuunt. Nec obstat nobis fabula illa Zenonis, de Dialectica pugno clauso, & de Rhetorica manui apertæ simili, quæ similiter ab illo ficta fuit, ut illa, de argumentationum partitione ab Aristotele, ut scilicet Dialectica, cujus ipse inventor fuisse dicitur, & in qua totam ætatem suam frustra consumpsit, attribueret veritatis possessionem, tanquam in pugno clausam, Rhetoricæ vero tanquam verborum amatrici relinqueret manum apertam, quasi patentem quendam mentendi & blaterandi campum. Sed mihi diligenter consideranti, res multo aliter sese videtur habere. Nam si verum est quod Dialectici dicunt, Dialecticam uti syllogismis tripartitis & perfectis, Rhetoricam vero bipartitis tantum & imperfectis, ego Dialecticam potius manui apertæ, Rhetoricam vero pugno clauso similem esse dicerem: & quanto imperfectum perfecto, & duæ propositiones, tribus minores sunt: tanto arctiores & strictiores Oratores putarem quam Dialecticos. Idq; non solum in disputando in circulis, quos vocant, sed etiam in scriptis: si quidem unus Albertus, cognomento Magnus, Dialecticorum Coryphæus, & miraculorum pater multo plura nugatus est, cum super aliis libris Aristotelis, tum maxime super Posterioribus Analyticis, quam ultus unquam Oratorum super causis suorum clientum. Sed quid Albertum Magnum commemoro? omnes fere sunt hujusmodi, quis apud Græcos verboriosior Hammonio? apud Latinos loquacior Boethio? qui non satis habuit elucu-

elacubrare unam editionem in Porphyrii Isagogen, nisi etiã secundam priore multo longiorem adderet, & in illa tanta verborũ farragine quid tandem doceret, nisi falsitates? nisi mendacia? nisi ineptias? quæ omnia nos satis, ut opinor, deteximus in multis supra positis capitibus. Quare Zeno mea quidem sententia multo rectius fecisset, si quemadmodum nos Dialecticam manui apertæ, Rhetoricam vero pugno clauso similem dixisset. Sic enim per manum apertam verius significasset patentissimam, & omni freno carentem licentiam & libertatem loquendi, nugandi, & effutiendi, quibuscumque verbis, quamlibet impropriis, barbaris, & rusticis, quicquid in buccam venit, quod est proprium & peculiare vitium Dialecticorum, præsertim nostris temporis. Per pugnam autem clausam commodius designasset Oratoriam sive Rhetoricam, quæ usq; adeo arctis legibus & angustis conditionibus tenetur astricta, ut ei non liceat nec usurpare verbum ullum, nisi proprium & usitatum, & apud probatum aliquem authorem repertum, nec innovare ac parere vocabula, nisi parce & modeste, nec deniq; quicquam dicere, nisi cum & communi loquendi usu, & cum publica sermonis consuetudine consentaneum. Hoc igitur modo refutatis quatuor prioribus differentiis, quibus isti Dialecticam à Rhetorica distinguunt: putant: supersunt etiam alix quatuor, quæ proferuntur partim à Boethio, partim à Rodulpho Agricolæ, partim à Joachimo Perionio. Qui postremus omnium hæc de re scripsit, & quanquam, ut ex ejus verbis apparet, videbat Dialecticam à Rhetorica nulla recta & vera ratione distinguì posse, tamen quo jure quæve injuria distinguere voluit. Ne scilicet Dialecticam suam de qua scribebat, & quam inepte veram putabat, relinqueret à Rhetorica prorsus indifferetam, ac ne aliquis forte existimaret, eam vel à Rhetorica diversam non esse, vel inter artes nullum sibi reperire locum. Quod ne quis forte me finxisse arbitretur, verba ipsius Perionii hic apponam, is enim in primo Dialecticæ suæ libro præfatus eam sibi quæstionem videri difficillimam, quomodo Rhetorica affecta sit ad Dialecticam, hoc est, quonam pacto inter se hæc duæ artes differant, ita tandem concludit. Qua propter difficillimum est, quænam earum sit dissimilitudo explicare, ut tibi naturæ ac rei proponas differentiam. Est enim utriq; idem propositus finis, in iisdemq; rebus versantur quas eodem modo, id est, probabili ratione concludunt. Hæc Perionius, quibus dictis ita statim subjungit. Quanquam autem hæc difficilis est quæstio, tamen danda opera est ut explicetur, quasi diceret, ut ego interpretor: quamvis Dialectica nullo pacto queat à Rhetorica distinguì: nisi tanquam falsum à vero, tamen eam distinguamus: & ita facit. Nam eo in loco nihil aliud agit, nisi nugatur, & tandem absoluta disputatione lectorem multo magis dubium

& incert.



& incertum relinquit, quam acceperat. Quod ut ita esse omnes possint intelligere breviter ostendam non solum eum, sed & Agricolam & Boethiū prorsus ignorasse & nescisse quoniam pacto artes inter se vere distinguerentur, cū nec vera artium officia, nec veros fines, nec veras definitiones, nec denique veros earum considerandi modos intellexerint. Perionius enim quod ad quintam differentiam attinet, in primo Dialecticæ suæ, officium Dialecticæ esse putata commodate ad probabilitatem de quaq; re proposita disserere, finem vero probabiliter de quaque re proposita disputare. At Rodolphus in secundo de Inventione, officium ejusdem esse censuit probabiliter dicere, finē autem probabiliter de quaq; re proposita dicere. Boethius vero nulla officii mentione facta, finem Dialecticæ dixit esse, id quod vult ab Adversario extorquere conari. Quæ officia & qui fines istorum profecto nihil aliud sunt, quam mera mendacia, & meræ hominum delirantium nugæ: cum aut nihil prorsus inter se differant, aut non sint vera officia nec veri fines, aut certe non Dialecticæ propria, sed etiam Rhetoricæ communia. Itaque nullam omnino vim habent Dialecticam à Rhetorica distinguendi. Nam per Deos immortales, primum quæro à te Perioni, quid differt accommodate ad probabilitatem de quaq; re proposita disserere, & probabiliter de quaque re proposita disputare? & quid causæ est cur illud officium Dialecticæ, hoc autem finem esse arbitreris? certe ego inter istud officium tuum & istum finem tuum differentiam nullam esse video, nisi verborum & nugarum. Deinde dico istum, quem tu finem esse ais, non solum non esse ab isto officio tuo diversū, sed etiam prorsus non esse finē. Nam probabiliter de quaq; re proposita disputare, non finis est Dialectici, sed officium: cujus rei signum indubitatum est, quia Dialecticus si non probabiliter de quaq; re proposita disputet, officium suum non facit, & magnopere reprehendendus est, quod propter finem non obtentum non solet, ut ante dixi, contingere. Sed fac utrumque ab altero esse diversum, & illud verum officium, hunc vero verum finem existere: tamen etiam dico utrumque, hoc est, accommodate ad probabilitatem de quaq; re proposita disserere, & probabiliter de quaq; re proposita disputare, magis Rhetoricæ ac Rhetoris, quam Dialecticæ & Dialectici esse proprium. Quid enim? Orator cum dicit non ne accommodate ad probabilitatem dicere debet? nonne jus ipsi de quaq; re proposita dicendi est ab ipso etiam Aristotele concessum? certe neutrum horum negare potes: nam si aut uō accommodate ad probabilitatem dissereret, aut non probabiliter disputaret, nunquam posset bene dicere, & si non bene diceret, nunquam faceret officium suum. Quare tuum istud officium, & tuus iste finis, ô Perioni, non sunt duo diversa: nec finis tuus est vere finis, sed officium: nec,

si cæ-

si cætera omnia recta essent, tamen adhuc istis differentiis Dialecticam à Rhetorica distinguere valeres. Quod dixi de officio & sine Perionii, idem dico de officio & sine tuo ô Agricola. Ais enim Dialecticæ officium esse probabiliter dicere, finem vero probaliter de re proposita dicere. At ego rursus tibi inistô, te urgeo, quærens à te quæ ratione, & quomodo ista duo inter se differant: nã ego in eis nullam differentiam video, omnẽ enim qui probabiliter dicit, oportere arbitror probabiliter de aliqua re proposita dicere, & si non probabiliter de aliqua re proposita dicat, non posse probabiliter dicere. Atque in summa tuum istud officium & tuum istum finem, nihil aliud esse dico nisi meras nugas. Ut omittam interim hoc quod est, probabiliter de re posita dicere, officiũ Dialectici esse non finem quia si non id præstet Dialecticus, reprehensione nõ caret. Atq; etiam ut taceam utrumque tam Rhetoricæ quàm Dialecticæ proprium esse, ut ante dixi, sic ut nullam prorsus habeat distinguendi Dialecticam à Rhetorica potestatem: tã enim probabiliter dicere, & probabiliter de quaq; re proposita disserere debet Orator quam Dialecticus, & si nõ utrunq; faciat, ne Orator quidem appellandus esse videatur. Quare vehementer mirum quomodo Rodolphus & Perionius alioqui homines doctissimi nõ viderint illa sua officia & illos suos fines Dialecticæ, nihil esse inter se differentes, nisi verbis & nugis, & quos illi fines esse dixerunt, non fines esse sed officia, & deniq; nihil eorum magis esse proprium Dialecticæ quàm Rhetoricæ. Neque minori admiratione dignũ est, quod dicit Boethius in quarto de differentiis Topicis, is enim Dialecticæ finem esse censuit non probabiliter de quaq; re proposita disputare, ut Perionius, nec probabiliter de re proposita dicere, ut Rodolphus, sed id quod vult ab Adversario extorquere conari. Qui Boethianus finis pene eadem omnia vitia habet, quæ duo illi superiõres: nam non est finis sed officium, debent enim omnes qui dicunt vel disputant conari ut ab Adversario extorqueant quod volunt, si possunt: quod officium est, non finis. Idcoq; rectius fortassis fecisset, si ipsum extorquere, finem esse dixisset, quando ad eum finem Dialecticus disputare cum adversario videtur, ut ab eo extorqueat quod vult: sed extorquere conari, certe non finis, ut dixi, sed officium est. Quod si etiam finis esset, tamen non magis Dialectico conveniret quam Rhetori, atque ita non esset idoneus qui Dialecticam à Rhetorica distingueret. In summa quæcunque à Boethio, & ab Agricola, & à Perionio, de officio & sine Dialecticæ dicta sunt, omnia prorsus vel falsa sunt, vel inania, vel ridicula, ut ex iis quæ hætenus dicta sunt, manifeste apparet. Sed Perionius omnibus modis cupiens Dialecticam à Rhetorica distinguere, præter ea, quæ modo diximus, hoc est, præter officium & finem: addit etiam definitionem &

Gg

modum

modum considerandi, hoc est, septimam & octavam differentiam à nobis supra propositas: Quare videamus etiam quam vim habeant ista duo reliqua Dialecticæ subsidia, & à definitione incipiamus. Est enim, inquit Perionius, Rhetorica bene dicendi ratio, Dialectica autem bene disserendi; atq; his duabus definitionibus præclare se exstimavit Perionius Dialecticam à Rhetorica prorsus separasse, nam quorum inquit, diversæ sunt definitiones, illa esse diversa necesse est. Sed ego tibi respondeo Perioni, primum Dialecticam recte definiri non posse, quia non habet neq; proprium officium, neque proprium finem: & propterea per definitionem suam non posse à Rhetorica separari. Deinde etiam si definiri posset, eo modo quo tu dicis, tamen adhuc non separaretur à Rhetorica, sed Rhetoricæ parva quædam pars esse convinceretur. Quorum utrumq; breviter sic probo: Tu Dialecticam esse ais rationem bene disserendi: at ego dico istam tuam Dialecticæ definitionem non bonam, neq; propriam esse: propterea quod est communis etiam Rhetoricæ. Quid enim? Nonne Rhetorica ipsa quoq; est bene disserendi ratio? imo est, & multo quidem rectior ac verior quam Dialectica, quam esse falsam supra magnam partem probavimus & infra probaturi sumus. Neq; verbum disserendi Dialecticorum est ita proprium ut non magis ad Oratores quam ad Dialecticos pertineat. Quod vel ex eo potissimum intelligi potest, quod Cicero passim Oratores disertos, à disserendo scilicet nomine indito, Dialecticos autem & Philosophos nunquam disertos, sed doctos vel eruditos, semper nominat. Quare tua ista definitione Perioni non potes Dialecticam à Rhetorica distinguere, cum eadem definitio communis sit etiam ipsi Rhetoricæ, & ei perbelle possit accommodari. Sed fac ipsam esse propriam Dialecticæ, nondum assecutus es, quod intendis: eo quia, si vera est ista tua definitio, non Dialecticam à Rhetorica separas, sed Rhetoricæ partes facis. Nam si Dialectica est bene disserendi ars, & si bene disserere est pars bene dicendi, hoc est, officii rhetorici, necessario sequitur Dialecticam Rhetoricæ partem esse: bene autem disserere bene dicendi esse partem, ex hoc probatur, quod omnis qui bene dicit, bene disserit, non contra. Nam ego tibi concedam aliquem forte reperiri posse, qui utens omnibus præceptis Dialecticorum, quæ ad bene disserendum pertinent, ut Dialecticus bene disscrat, sed non assentiam cum bene dicere, quia fortasse non utetur omnibus præceptis Rhetorum ad bene dicendum pertinentibus, & usurpabit verba aut impropria aut inusitata, aut aliquo modo non accommodata, aut non adhibebit id dicendi genus, quod est proprium, aut omnino deficiet in aliqua parte elocutionis Rhetoricæ, de qua nihil præcipiunt Dialectici, & sine qua nemo unquam vere dici potest bene dicere. In summa nihil

est à veritate alienū, fateri aliquē bene differere, qui tamen non omnino benedicat: verum affirmare quempiam bene dicere, qui non bene differat, à vero prorsus est remotum & quodam modo monstri simile. Quare Perioni tua illa Dialecticæ definitione non Dialecticam à Rhetorica disjungis, ut dixi, sed Dialecticam Rhetoricæ partem facis: cum bene differere in bene dicendo tantquam pars in toto contineatur, & vere pars illius sit: quod mirum est à te non fuisse animadversum. At vero tanquam destitutus cæteris omnibus adjuventis, ut omnino Dialecticam à Rhetorica, etiam si vere separari non potest, tamen separe: tandem quasi ad lacram anchoram confugis ad modum considerandi, hoc est, ad octavam & ultimam ex differentiis à nobis supra propositis. Et ais Dialecticam considerare res non quatenus sunt, quemadmodum Metaphysicam, sed quatenus verbis significantur, atque ideo à Metaphysica esse diversam. Quæ verba tua Perioni, cum lego, equidem vix me continere possum quin partim redeam, tanta est levitas, & ut ita dicam, insulitas dictorum tuorum, partim etiam tibi subiraſcar, qui bonos adolescentes recte philosophandi cupidos doces tam perverse philosophari, ne dicam subtiliter nugari. Primum enim cum proposueris te velle distinguere Dialecticam à Rhetorica, id non facis, sed à Metaphysica disjungis: quasi non magis falsa sit Metaphysica quam Dialectica, ut capite sequenti ostendemus. Et cum debuisses addere modum considerandi Rhetoricæ, ut videre possemus quonam pacto Dialectica distinguatur ab ipsa, de ea re ne verbum quidem facis. At ego volebam à te ut mihi diceres, quomodo Rhetorica consideret res suas: sic enim fortassis comparando modum considerandi utriusque intelligi potuisset, quomodo inter se differant. Sed tu id quod dicendum erat, taces, credo quia nesciebas quid diceres: & quod tacendum erat profers, hoc est, Dialecticam à Metaphysica esse diversam. Et quibus argumentis, hoc est, quam vanis & quam insulis Dii immortales. Metaphysica, inquis, res considerat quatenus sunt, Dialectica vero quatenus verbis significantur. At ego credebam Metaphysicam considerare res non quatenus sunt, sed quatenus fuerunt aut futuræ sunt, & Dialecticam considerare easdem non quatenus verbis, sed quatenus lignis aut lapidibus significantur. O indoctissimam doctrinam, ô insipientissimam sapientiam, ô infelicissimam studioſorum Philosophiæ sortem, qui jam prope bis millesimum annum in istis inanibus nugis consumunt. Et tu Perioni ex comparatione Metaphysicæ & Dialecticæ, quæ ambæ falsæ sunt: & ex modis considerandi utriusque, qui nugatorii sunt & ridiculi, distinguere vis utranque à Rhetorica. Nec tamen distinguis, quia non dicis quomodo Rhetorica res suas consideret. Itaque non solum erras ac delinquis, quod tanquam cæcus nō vides

nec cognoscis manifestissimā Metaphysicæ & Dialecticæ & falsitatem, sed etiam quia non exequeris id quod proposuisti, & tanquam obliuiscus innox derelinquis quod institueras. In summa nihil aliud agis, nisi incassum nugaris, & bonos Adolescentes veritatis amatores decipis, & communem jam prope duum millium annorum errorem confirmas. Ac ne ego quoque incassum loquendo & nihil concludendo errorem tuum imitari videar, dico te non solum nescire & ignorare res ipsas, sed etiam modos ac rationes exprimendarum rerum ac cogitationum tuarum, & orationem tuam non esse oratoriam, nec Ciceronianam, quemadmodum tu eam videri cupis, sed sophisticam, hoc est, fallacem & nugatoriam. Nam si recte loqui didicisses, non ita primum dixisses, Metaphysica considerat res quatenus sunt, sed tantummodo sic: Metaphysica considerat res. Deinde non ita protulisses: Dialectica considerat res, quatenus verbis significantur, sed ita solummodo Dialectica considerat voces sive nomina sive verba. Nam in superiori illa locutione tua de Metaphysica, quid opus erat addere: quatenus sunt? an fortassis est aliqua scientia, quæ consideret res ut non sunt? ut differentiarum causa necesse fuerit adjungere, quatenus sunt? Item in illa posteriori tua locutione de Dialectica, quid oportebat dicere: quatenus verbis significantur? an non rectius & clarius & apertius erat omittere illam caudam, & dicere, quemadmodum ego antea noui, voces vel nomina vel verba? certe si maluisses ab Oratoribus quam à Philosophastris, & sophistis discere rationem & modum loquendi, ita dixisses: qui enim dicit, voces & nomina & verba, is nihil aliud dicit, nisi res quatenus significantur, si quidem omnes voces & omnia nomina & omnia verba rem aliquam significant, saltem se ipsa, & ex vocibus & nominibus & verbis nihil omnino significantibus nulla componitur oratio. Quod si ita, ut nos dicimus, locutus fuisses, multo quidem, ut arbitror, clarius significasses Dialecticam, quæ ut saniores Dialectici putant, de vocibus & nominibus est. Sic enim loquuntur & Grammatici dicentes Grammaticam suam esse, non de rebus, quatenus vocibus significantur, sed de vocibus sive verbis tantum, quæ sine ulla alia adiectione, tamen tacite intelliguntur significare res. Quis enim ferat ac non tanquam imperitum & barbarum derideat eum, qui dicat Grammaticam esse de rebus, prout verbis significantur? certe nemo. Quanquam hoc ipsum esse de rebus ut verbis significantur, non minus recte de Grammatica quam de Dialectica dici posset, si Dialectica vera esset ars, & si talis loquendi modus esset usitatus. Ex quo patet quanta fuerit imperitia quorundam Dialecticorum, in quorum numero est Hammonius, qui dixerunt Dialecticam esse de vocibus significantibus res per medios conceptus, quasi non, etiam si omitteretur cauda illa, ta-

illa, tamen voces significare res intelligerentur. Et quasi non Grammatica etiam sit de vocibus significantibus res per medios conceptus. Nisi forte Dialectici opinantur voces ac verba Grammaticorum nullas res prorsus significare, & nullis conceptibus egere, ut intelligantur: quæ quidem opinatio ab eorum ruditate & ab aliis quamplurimis absurdioribus, quæ dicunt, non est aliena. Sed hic mihi sese opponunt Dialectici quidam mordicus retinere cupientes Dialecticam, & quo jure quæque injuria conantes à Rhetorica distinguere. Concedunt enim tam Rhetoricam quam Dialecticam communiter versari in omni materia mundi, hoc est, tam naturali quam civili, & tractare omne genus questionum, hoc est, tam theses quam hypotheses, & uti omnibus argumentandi formis, hoc est, tam syllogismo quam enthymemate, & usurpare utrumque modum orationis tam perpetuum quam intercisum: quemadmodum nos antea diximus, sed diverso modo. Nam Dialecticam principaliter versari ajunt in materiis naturalibus & subtilioribus, & tractare questiones infinitas & syllogismo uti, & usurpare orationem intercisam, materias vero civiles, & questiones finitas, & enthymemata, & sermonem perpetuum non nisi posterius & quasi secundo. Rhetoricam vero contra facere omnia, principaliter enim versari in rebus civilibus & crassioribus, tractare questiones finitas, uti enthymemate & perpetua oratione: posterius autem & secundo loco aliis materiis aliis questionibus, aliis instrumentis, alia orationis forma. Atque hoc distinguendi modo, per id quod est principaliter & secundo, ut ipsi loquuntur, putant se satis idoneam reperisse differentiam, qua Dialecticam à Rhetorica dirimant. Sed hic quoque distinguendi modus multo est inanius & vanior, quam omnes illi superiores: Nam hujusmodi differentia primum falsa & nugatoria est, saltem quoad Rhetoricam attinet. Orator enim dicendo ex sua ampla & late patenti professione æqualiter versatur in omnibus materiis, & in omnibus questionibus, nec magis unum argumentandi modum quam alium sibi præscribit, sed omnibus utitur cum res postulat & cum opus est, non solum in judiciis & in senatu & apud populum, sed etiam in conventu ac scholis Philosophorum, neque solum pronuntiando & agendo, sed etiam scribendo & libris posteritati mandandis. Cum autem Oratorem dico, non cum intelligi volo, qui causas forenses ac civiles tantum sciat defendere, sed eum qui sit idoneus, ut copiose & ornate de quacunque re quam didicerit & cognitam habebit, verba faciat. Quod idcirco hic admonitum volui, ut occurrere objectionibus eorum qui negant Oratorem de omnibus rebus posse dicere, nec ei ad dicendum subiecta esse omnia concedunt. Ajunt enim si Orator de omnibus ex propria professione sua posset dicere, & si ei subiecta essent omnia, nihil superesset reliquis

Scientiis & artibus, in quo proprie versari possent, & quod ipsis tanquam propriamateria subjiceretur. Nam qua de re, inquirunt Philosophi, Medici, Juris-  
 consulti, & omnino omnes alii scientiarum & artium professores, proprie lo-  
 querentur, si Orator omnia jure suo teneret occupata? Quod cum absurdum  
 & falsissimum esse videatur, nequaquam concedendum esse contendunt ut  
 Oratori tam ampla materia sit attributa. Quibus ego respondeo, si hoc est ab-  
 surdum & falsum, non magis adversus me esse quam adversus Aristotelem: qui  
 in Rhetoricis ipse quoq; omnia prorsus Rhetoricæ sicut etiã Dialecticæ sub-  
 jecit, Sed neq; falsum est neq; absurdum. immo verissimum & rationi maxime  
 consentaneum: nam ego dico & affirmo ubicunque est oratio quacunque de re  
 facta modo non omnino mala, sed aliqua ex parte laudabilis, ibi Oratoris atq;  
 Oratoriæ partes esse præcipuas. Itaq; Galenus & Hippocrates, exempli gratia,  
 cum pharmaca propinant, morbos curant, vere Medici sunt, & vere Medici of-  
 ficiũ faciunt: cum vero de Medicina loquuntur aut scribunt, si bene id fa-  
 ciunt, non amplius Medici funguntur officio, sed Oratoris. Nam cum proce-  
 miantur apte, cum narrant aperte, cum confirmant aut refutant aliquid acriter,  
 cum concludunt perspicue, & denique cum in præceptis suis tradendis  
 docent, delectant, & afficiunt Lectorem, hæc omnia non ex Medicinæ, sed ex  
 Oratoriæ præceptis promuntur. Quo fit ut in libris Medicorum bene & do-  
 ctè scribentium non minus Rhetoricæ præcepta cernantur usurpata quam  
 Medicinæ: atq; ideo in eisdem libris jure suo non minorem partem Rhetori-  
 ca quam Medicina sibi vendicat. Quod dixi de Medicis eorũq; libris, idem  
 quoq; intelligi volo de omnibus aliis laude dignis Scriptoribus eorũq; scriptis,  
 quæ licet si diversitates materiarum scriptarum inspiciamus, ad diversos ar-  
 tifices & authores vere pertineant: tamen si consideremus dicendi & scriben-  
 di rationem, qua Scriptores illi in libris suis bene ornatèq; conscribendis usi  
 sunt, non ad diversos authores amplius, sed ad unius Oratoris artem ac facul-  
 tatem pertinere reperitur. Itaq; non mirum est si & Aristoteles, & Cicero,  
 & Quintilianus, & nos quoq; tot ac tantorum hominum auctoritatem secuti  
 dicimus & affirmamus Oratorem ex sua & propria facultate de omnibus rebus  
 mundi posse dicere, & ei subiecta esse omnia, quatenus scilicet de eis sermo  
 haberi & bene dici potest. Quo rursus fit, ut ante dixi, ut omnes boni Scripto-  
 res, & omnia rectè scripta licet differant materiis, in quibus versantur diversis,  
 & diversa habeant nomina, tamen iidem bene scribendi dicendique peritia &  
 artificio non diversi sed ejusdem generis sint, & eodem Oratoris nomine  
 merito appellentur. Atque hoc modo responsum esse volumus illis, qui in-  
 doctè negant Oratoris proprium esse ut de omnibus mundi rebus loquatur ac  
 dicat,



dicat, & qui imperite timent si tam ampla dicendi facultas Oratori tribuatur, ne cæteri omnes scientiarum & artium cultores nihil habeant, quod faciant aut dicant. Nam habebunt suum quisque officium ab aliis separatim, sed quatenus recte scribent ac dicent de sua quisque materia, omnes erunt Oratores & Oratoris officio fungentur. Et sic Galenus non minus est Orator quam Medicus, cæteri que omnes docti artium Scriptores. Quod ni ita esset, nunquam tam copiose & ornate scripsissent Galenus de Medicina, & alii omnes de sua quisque arte: & hoc est illud quod multis verbis disputat Crassus apud Ciceronem in primo de Oratore, his verbis. Quamobrem si ornate locutus est, sicut fertur, & mihi videtur physicus ille Democritus, Materies illa fuit physici, de qua dixit, ornatus vero ipse verborum Oratoris putandus est: & si Plato de rebus à civilibus contròversis remotissimis divinitus est locutus, quod ego concedo: si item Aristoteles, si Theophrastus, si Carneades, in rebus iis, de quibus disputaverunt eloquentes, & in dicendo suaves atque ornati fuerunt, sint hæc res, de quibus disputant, in aliis quibusdam studiis, oratio quidem ipsa propria est hujus unius rationis de qua loquimur & quaerimus: & cætera quæ sequuntur. Quo in loco toto Crassus, sive Cicero sub persona Crassi, nihil aliud significare voluit, nisi id quod ipsemet dicit, & ego supra proposui: Oratorem in omni sermonis disputatione suo proprio jure atque authoritate copiosissime versari posse, nec propterea tamen cæteri artium & scientiarum Scriptores nihil habent quod dicant aut faciant. Sed ut redeam id quod coepi-ram, & hanc partem aliquando concludam, dico differentiam istam, ejus quod est, principaliter aut secundario, versari in aliquibus materiis aut quaestionibus, uti aliquibus argumentandi aut orationis modis: quod quidem ad Rhetoricam attinet, esse falsam, ut ostendi. Nam quod pertinet ad Dialecticam, quam falsam hæcenus ostendimus, & post hac ostensuri sumus, an vera esse possit, Dialectici ipsi viderint. Quod si etiam vera esset, tam quod ad Rhetoricam quam quod ad Dialecticam spectat, tamen iterum dicimus, hujusmodi differentiam non esse tantæ potestatis ac virium, ut sola possit has artes inter se facere diversas. Nam eum Dialectica nec materiam, nec officium, nec finem à Rhetorica diversum habere possit ostendi, ut supra probavimus: quid obsecro prodest ad ostendendam illius à Rhetorica diversitatem dicere, Dialecticea principaliter versatur in his, Rhetorica vero in illis? Dialecticea principaliter utitur hoc, Rhetorica illo? certe non magis quam si quis probare volens Chirurgiam non esse Medicinam, diceret: Chirurgia principaliter utitur cataplasmatibus & emplastris, secundario vero potionibus & antidotis: & contra, Medicina principaliter versatur in his, secundario in illis. Nam ego  
respon-

respondebo Chirurgiam non differre à Medicina, nisi ut partem à toto : est enim Chirurgia Medecina pars. Et eodem modo dicam de Dialectica & Rhetorica, Dialecticam scilicet, aut supervacuum esse & inter artes locum habere non posse, aut certe Rhetoricam parvam esse partem. Utrū scribit Laurentius Valla in proœmio secundilibrī Dialecticæ suæ, cujus hæc sunt verba, Nam quid aliud est Dialectica quàm species quædam confirmationis & confutationis? hæ ipsæ sunt partes inventionis, inventio una ex quinque Rhetoricæ partibus. Quare ex sententia Vallæ & mea, & quod longe majus est, ex veritate ipsa recte concludi potest, adversus Aristoteli & omnes Dialecticos, Dialecticam, ut dixi, aut supervacuum & non necessariam existere, aut certe parvam quandam Rhetoricæ partem esse. Sed ut tandem aliquando finiam hanc partem, cum ostensum sit Dialecticam à Rhetorica nullo pacto posse separari, neque per materiam, quia utraq; est de omnibus rebus & de nulla privatim, ut dicit Aristoteles: neque per quæstiones, quia Rhetorica ex æquo tractat tam theses quàm & hypotheses, hoc est, quæstiones tam infinitas quàm finitas, ut docuimus: neque per instrumenta, quia Rhetorica non minus utitur syllogismo & inductione cum opus est, quàm enthymemate & exëplo, ac quod etiam magis mirum est, quia Rhetores enthymema & exemplum, ut argumenta tantum non ut argumentationes oratorias agnoscunt: neque per usum interrogandi & respondendi, quia tam Orator, quàm Dialecticus interrogat & æqualiter oratione intercessa uti pro conditione & qualitate disputationum suarum potest: neque per officium, quia quodcunque officium Dialecticæ hætenus tributum fuit, id necessario in officio Rhetoricæ inclusum est, ut illud Agricola quod est, probabiliter dicere, & illud Perionii quod est, accommodare ad probabilitatem de qua; re proposita differere, quorum neutrum evadere potest, quin in bene dicendo, quod est proprium Rhetoricæ officium, contineatur: neque per finem, quia nullus eorum finium, qui Dialecticæ assignantur, vere finis est, sed officium, & eodem modo, quo superiora illa, sub Rhetoricæ officio continentur: neque per definitionem, quia similiter definitio illa Dialecticæ quam Perionius affert, in definitione Rhetoricæ inclusa est, non quidem ea, quæ traditur ab Aristotele in primo Rhetoricæ, quam esse falsam supra probavimus in capite secundo, sed in hac, quæ est Ciceronis, & Quintiliani, & omnium sanorum Rhetorum, Rhetorica est ars bene dicendi de omnibus rebus, in qua necessario continetur illa Dialectica allata à Perionio dicente, Dialecticam esse artem de qua; re proposita probabiliter in utraq; partem differendi: nemo enim de qua; re proposita probabiliter in utraq; partem differere potest, nisi de omnibus rebus bene dicat, bene dicere enim de omnibus

omnibus rebus multo generalius est, ut ante dixi. Neq; postremo per modum considerandi, quia nullus unquam poterit assignari verus modus, quo Dialectica res sive voces consideret, ut non eodem quoq; modo Rhetorica res sive voces suas considerare defendatur: cum inquam hæc omnia à nobis supra sint ostensa, & cū responderimus iis omnibus, quæ cōtra dicuntur vel dici possunt, nemini dubium relinqui posse arbitror, quin Dialectica nullo pacto, nulla ratione recte possit à Rhetorica distingui ac separari: & propterea quin aut prorsus supervacua, aut saltem Rhetoricæ pars esse concedatur, quorum utrum velint eligant Dialectici, magnam necesse est accipiant plagam, sed tamen parvam præ illa, quam supra acceperunt & infra accepturi sunt, ubi de falsitate Dialecticæ agitur: hic enim tantum commovetur & concutitur Dialectica, ibi vero tota cadit & corrui. Sed de falsitate Dialecticæ suis locis agitur, nunc alia etiam non parum valida ratione Dialectica probatur esse supervacua & non necessaria, eo quia nullus hodie ejus usus est nec in privatis nec in publicis disputationibus. Nam mos ille antiquus disputandi in conventu doctorum per interrogationem & responsonem, quo Dialectici veteres utebantur, jandiu obsolevit ac in defuetudinem abiit. Nemo enim amplius hoc tempore sic differit cum aliquo, ut primo cum interroget quemadmodum docet Aristoteles in primo Topicorum, aut hoc modo: An sit animal gradieus bipes, definitio hominis: quam propositionem dialecticam vocat: aut hoc modo, sit ne animal gradieus bipes definitio hominis nec ne? quod problema dialecticum ab eodem dicitur. Deinde quam ille partē vel propositionis vel problematis responderit, eam ipse suscipiat refutandam ac destrucendam. Non inquam amplius hodie sic differit quisquam, *quod ego quidem in sexaginta annis & amplius quos vixi, videre aut intelligere potuerim.* Sed is qui disputat sive privatim sive publice id faciat, primo proponit eas, quas vocat, conclusiones, hoc est, non propositiones nec problemata more Dialecticorum, sed alteram tantummodo partem propositionis & problematis dialectici. sive agentem sive negantem: & iis qui contra arguuntari volunt, respondens positas conclusiones defendit, si potest. Sic enim fere hoc tempore disputatur in publicis gymnasiis & alibi, ut nusquam appareat consuetudo illa disputandi, qua utebantur antiquitus Dialectici, & cujus ordinem interrogandi & respondendi docet Aristoteles in octavo Topicorum. Quare etiam si vera foret Dialectica, tamen supervacua esset & non necessaria, quoniam usus & exercitatio ejus abiit in defuetudinem. Quorsum enim aliquis tantopere labore ac defatigetur in perdiscenda illa arte, quæ nullo in loco sit in usu? nec à quopiam eo modo quo quondam solebat, exerceatur? At inquit, Dialecticæ Aristotelis

Hh

testi-

testimonio ad tria utilis est, ad exercitationes, ad congressus sive colloquia, & ad Philosophiæ scientias. Quibus ego respondeo, Aristotelem eo in loco, hoc est, in primo Topicorum, loqui non de reliquis Organi sui partibus, sed tantum de octo libris Topicorum, & de methodo inveniendorum argumentorum. Quamobrem rursus etiam si verum diceret Aristoteles, tamen auctoritas illius tantummodo prodesset libro Topicorum, reliquis vero Organi operibus nihil opis afferret. Sed nec verum dicit Aristoteles, nec Dialectica ad ullam earum trium rerum, quas ille dicit, utilis est: ad eum, scilicet, modum tradita & usurpata, quem ipse tradit atque usurpare docet. Nam, ut omittam quod neq; ipse dicit, nec aliquis Interpretum satis explicat, nec omnino facile percipi potest, quibus de exercitationibus, & quibus de congressibus sive colloquiis eo in loco sit intelligendum: Alexander enim per *συμμετρίαν*, quo verbo utitur Aristoteles, modo exercitationes eas vult intelligi, quæ sunt in differendo & disputando, modo conatus nescio quos quibus uti frequenter soliti essent Antiqui, per *ἰρρύζεις*, vero, quod est alterum Aristotelis verbum idem intelligendos esse ait congressus sive colloquutiones nescio quas, quæ in confabulando aut in conveniendo fierent. Quasi non in istis quoque congressibus & colloquutionibus adhiberentur exercitationes & conatus illi superiores, ut posita prima illa utilitate, non necesse fuerit ei adjungere hanc secundam. Adjunctio enim hæc perinde ridenda est, ut si quis diceret, Medicinam esse utilem ad duo, ad curationes primo, deinde ad hominum morbos & vulnera. Perinde quasi non omnis curatio Medici ad morbos atque ad vulnera adhiberetur. Sed ut redeam ad Alexandrum. Ille sic interpretatur illas *συμμετρίαν*, & *ἰρρύζεις* Aristotelicas, ut non satis intelligatur, ad quales exercitationes sive conatus & ad cujusmodi congressus sive colloquutiones pertineant primæ illæ duæ utilitates superiores. Et si id maxime intelligeretur, tamen illud adhuc est & semper erit incertum, qua ratione Aristoteles eodem in loco dixerit, *κατὰ μὲν μὲντοι δὲ ζῷον*, pro eo, quod est, considerantes opiniones, ut exponunt aliqui, sive expendentes sententias, ut interpretatur Perionius. Perinde quasi idem sit annumerare quod considerare sive expendere, & tanquam *μετὰ τὴν ζῷον*, quod paulo infra ab Aristotele dicitur, recte exponeretur, refutantes sive refellentes, ut fere omnes exponunt. Sed ut omittam inquam has omnes obscuritates & quasi ænigmata, quæ sunt propria & peculiaria Aristotelicæ orationis vitia, dico sedes illas ac locos illos inveniendorum argumentorum ab Aristotele traditos, eo modo, quo traditi sunt, non esse utiles. Propterea quod, quemadmodum infra monstrabimus, in capite de libris Topicorum, magna ex parte non sunt veri, sed falsi & à comuni omnium loquendi

loquendi consuetudine alieni. Quo fit ut neque ad Philosophiæ scientiam, quæ est tertia utilitas ab Aristotele attributa Dialecticæ, utiles esse possint: nisi quis forte ex falsis verum inveniri posse autumat. Et si maxime essent veri, tamen non recte fuerunt arctati ad quatuor illa problematum, quæ dicit Aristoteles, genera: de genere, de definitione, de proprio, de accidente, ut nos ibi probamus. Quo circa ad defendendam utilitatem ac necessitatē Dialecticæ nihil prodest Dialecticis, nec autoritas Aristotelis, nec quæ ab eo dicuntur de utilitate Dialecticæ in primo Topicorum quia partim sunt non factis intellecta, partim incerta, partim falsa, partim etiam non recte tradita. Sic itaque monstratum sit Dialecticam tanquam artem generalem & separatam & necessariam in tertia parte Logicæ Philosophiæ una cum Grammatica & Rhetorica non recte fuisse positam, cum non sit generalis, quia non vera est, ut & ante ostensum est & postea ostendetur: nec separata, cum à Rhetorica nullo pacto distingui queat, nisi ut falsum à vero: nec necessaria, cum quicquid in ea est veri & utilis, id totum in Rhetorica multo verius, clarius, & ad communem sensum accommodatius tradatur. Ex quo patet responsio ad eos, qui obstinate ac temere Dialecticam tueri cupientes dicunt, si harum duarum artium altera tollenda sit, non Dialecticam sed Rhetoricam esse tollendam. Contra quos breviter dico minime id esse faciendū, quoniā si Rhetorica tolleretur multa prorsus interirent quæ nunquam possent in Dialectica recuperari. Ut quæ præcipiuntur à Rhetoribus de procemiis, de narrationibus, de statu divisione, de movendis affectibus, de tota elocutione, & aliis huiusmodi faciendis, de quibus ne verbum quidem in libris Dialecticorum legitur. Ac contra si manente Rhetorica tollatur Dialectica, nullum prorsus damnum aut jaçturam facient studiosi bonarū literarum & veræ Philosophiæ, cum ut dixi, quicquid verum & utile perditur ex amissione Dialecticæ, id totum multo auctius & cumulatius recuperatur in Rhetorica, & cum de argumentis & argumentationibus, & de omnibus quæ ad disserendum & disputandū pertinent, multo veriora & clariora præcipiant Rhetores quam Dialectici. Quare imprudentissimi simul & imperitissimi hominis est dicere, si harum duarum artium altera tollenda sit, Rhetoricam potius quam Dialecticam esse tollendam. Quod perinde absurdum est, ut si proponerentur duæ massæ aureæ, quarum una esset decem pondo auri puri, altera vero quinque tantum pondo auri non puri, sed in quo non parum æris esset admixtum. Et dubitaretur utra esset retinenda vel repudianda, & quispiam ridiculus accedens diceret, retinendam esse illam massam quinque tantum pondo & non synceram, repudiandam vero illam, in qua non solum bis tantum auri, sed etiam puri contineretur. Talis

enim vere est Dialectica Rhetoricæ comparata, hoc est, tanquam metallum quoddam dimidia parte minus: & quod pejus etiam est, majore ex parte insyncerum & adulterinum. Nam quod quidam dicunt, Dialecticam esse artem, ejus proprium munus sit discernere verum à falso: alii autem esse artem artium, & scientiam scientiarum, ad omnium methodorum principia viam habentem: alii vero aliis quibusdam modis definientes: omnes isti, si de ista, quæ nunc in usu est, Dialectica loquuntur, plane delirant & insaniunt: nec quicquam aliud faciunt, nisi nugantur: partim & ipsi ignorantes quid dicant, partim alios qui lecturi sunt decipientes, partim denique errorem & deceptionem jam amplius duum millium annorum introductam confirmantes. Nanque Dialecticam non solum esse falsam inutilem & supervacuum, sed etiam noxiā & damnosam, jam inde usque à temporibus Parmenidis & Zenonis erat animadversum. Si quidem Parmenides apud Platonem in Parmenide, adhortans Socratem ad Dialecticas exercitationes, ita inquit, Caterum collige te ipsum, diligentiusque te in ea facultate exerce, quæ inutilis esse videtur multis & quædam garrulitas nuncupatur. Quibus verbis apparet Dialecticam non nunc primum à nobis, sed jam inde à prisceis temporibus fuisse damnatam. Nec obstat primum, quod Parmenides Socratem ad eam discendam hortatur, quia hoc ipsum eadem judicii subtilitate facit, qua etiam omnia, quæcunque sunt in rerum natura, unum tantum modo & non plura esse dixerat, hoc est, perversa & præpostera. Deinde quod Cicero quodam in loco sentire videtur, eam esse veri & falsi disceptatricem ac judicem: cum id faciat non quod ita sentiat, sed tanquam Academicus, ut eos, qui de Dialectica ita sentiunt, reprehendat ac refutet. In summa ut clare intelligatur qualis sit ista Dialectica, à vulgo & ab imperitis tantopere celebrata, pauca veterum tam Græcorum quam Latinorum testimonia & judicia de ea facta hic apponam, & ita sinem huic capiti imponam. Apud Græcos Zeno ille Stoicorum princeps Dialecticorum artes justis mensuris dicebat esse similes, quæ non triticum nec aliud quidpiam alicujus pretii, sed paleas tantum & stercora metiuntur. Aristoteli Chius Dialecticam aiebat luto viarum similem esse, quod inutile cum sit, tamen prosternit transeuntes. Idem quoque Dialecticorum sermones telis aranearum comparabat, ut qui subtiles admodum sed inutiles essent. Quin etiam idem asserere bat, eos qui Dialecticæ studium profunde rimantur, cancrōs edentibus similes esse, qui propter exiguum illorum alimentum circa plurimas cruas occupantur. Nec defuerunt etiam apud Græcos, qui Dialecticam comparaverint partim Lunæ, quia similiter ut Luna, nunquam cessat crescere & decrescere: partim Polypo, qui cirros suos assidue auctos devorat, sic enim Dia-

lecticā

ſectici jam peritiores facti ſuas opiniones refutant: partim iis, qui alea ludunt, ranq; ut illi ſic Dialectici non ſine delectatione decipiuntur. Apud Latinos vero ut omittam M. Ciceronē, qui Dialecticam appellat tum inanem ſermonis elegantiam, tū ſpinofum dicendi genus, tū ſpinas orationes. & aliis quibuſdam parum honorificis nominibus. Author ille, qui ſcripſit Rhetoricam ad Herennium, ſive is Cicero, ſive Cornificius, ſive alius quiſpiam fuerit, in ſecundo libro de Dialectica & Dialecticis loquens aperte ait, præcepta Dialecticorum non modo nullo adjumento eſſe Oratori, ſed etiam maximo impedimento: & paulo infra concludens ſermonem ſic inquit, verum horum, hoc eſt, Dialecticorū pueriles opiniones rectiſſimis rationibus cū voles reſellemus, in præſentia hæc interim dicere non alienū fuit, ut hujus infantie garrulam diſciplinam contemneremus. Hæc Author ille, de Dialectica & Dialecticis monumentis literarum proditum reliquit. Seneca vero ubiq; Dialecticos & Dialecticam damnat & refutat, & quodam loco eam irridens, ita ſcribit, Muſ eſt ſyllaba, ſyllaba caſeum non rodit, muſ igitur caſeum non rodit. Opueriles ineptias, & quæ ſequuntur. Quibus verbis Seneca nihil aliud ſignificare voluit, niſi ſtultitiam Dialecticorum, qui in huiusmodi nugis tanquam in rebus ſeriis, totam ætatem conſumunt. Et recte quidem Seneca unā cum omnibus illis, quos ſupra retuli, tam Græcis quam Latinis Dialecticæ vanitatem repræſentarunt, partim paleis & ſtercoribus, partim telis arancarum & luto viarum, partim lunæ ac polypo, partim aliis quibuſdam huiusmodi rebus eam comparantes.

## CAPUT SEXTUM.

*Metaphyſicam inter ſcientias & artes nec ut univerſalem, nec ut particularem ullum omnino locum habere poſſe, ſed tanquam partim falſam, partim inutilem, partim ſuperuacuanam, ab omni artium & ſcientiarum numero remouendam.*

**I**Nter multos & graves errores, qui à Philoſophis in dividenda Philoſophia fuerunt admiſſi, hic quem nunc ſum refutaturus de Metaphyſica, vel in primis mihi viſus eſt animadvertendus, & pro virili parte mea refutandus. Ne amplius eſſe poſſit impedimento iis, qui recte philoſophari cupiunt, quemadmodum ſuperioribus temporibus fuit, per annos, ut opinor, amplius mille & trecentos. Nam ex iis, qui vetuſtiores fuerunt, præſertim Latinis, nemo unquam, quod ſciam, Metaphyſicæ nomen audivit. Nec mirum, cum ſit planè  
Barba-



scientia universalis vocetur : alias vero non totum ens in quantum ens , sed particulam quandam entis, in qua versetur, tantummodo sibi arripere, & circa ipsam rationibus non nisi particularibus negotiari, unde & particulares scientiæ fuerint appellatæ : Quod inquam ita distinguunt Metaphysicam ab aliis scientiis, nihil agunt, & operam atque oleum, ut dicitur, perdunt. Nanque ut differat ab aliis tanquam universalis & realis à particularibus & realibus, oportet primum universalia realia esse vera & solida, non falsa & commentitia, ut nos supra probavimus. Deinde subjectum illius non esse universale reale, quale ipsi dicunt. quia nihil tale potest esse verum nec vere in rerum natura reperiri. Postremo rationes illas universales non esse falsas, ut fere sunt omnes illæ, quæ afferuntur ad probandum Metaphysicam non solum esse veram, sed etiam necessariam, quarum neutra sunt vera. Sed de veritate postea. nunc de necessitate ponendæ Metaphysicæ videamus. Metaphysica, inquit, necessaria est tribus de causis, primum ut sit una aliqua scientia, quâ perficiatur intellectus noster, ut divinus. Nam intellectum nostrum, aiunt, partim humanum esse, partim divinum: eundemq; perfici ex ea parte quâ humanus est per scientias naturales & Mathematicas: ex ea vero parte quâ divinus est per scientiam Metaphysicam, quam eandem, ut dixi, vocant, & primam Philosophiam, & scientiam divinam, & scientiam scientiarum, & Theologiam, multisque aliis nominibus. Quod si Metaphysica non poneretur, nulla inquit exaret scientia, quâ perficeretur intellectus noster, ut divinus, atque ita periculum esset, ne semper, ut talis est, remaneret imperfectus: quod ab ipsis magnum putatur esse inconveniens. Deinde ut inveniat una scientia generalis & universalis, quæ tradat & doceat prædicata, ut ipsi dicunt, generalissima & universalissima, qualia sunt ens, unum, aliquid, verum bonum, actus, potentia, necessarium, possibile, finitum, infinitum, dependens, independent, perfectum, imperfectum, idem, diversum, oppositum, conveniens, & alia huiusmodi, quæ sunt principia, ut ipsi dicunt, omnium scientiarum particularium, & in nulla scientia particulari potuerunt considerari, cū sint universalis, & non magis ad unam illarum quam ad alias pertinere posse videantur. Quare ne ista quoq; prædicata universalis sine ulla propria scientia, in qua traderentur & docerentur, remanerent ignorata, necessario, ajunt, ponendam fuisse Metaphysicam, quæ nisi posita fuisset, ex necessitate ignoraremus ea omnia, quæ supra fuerunt commemorata: quibus ignoratis, ignorarentur etiam ea, quæ ex eorum cognitione pendent. Postremo vero ut inter multas scientias particulares, esset una generalis & universalis, ad quam omnes particulares, cum de ipsarum subjectis aut de majori aliqua re dubitaretur, quasi ad su-

ad superiorem dominam & reginam confugerent, & ab ea suppliciter peterēt, ut vellet probare & defendere subiecta sua, vel negata vel in dubium revocata. Namque hoc officii & tanquam ministerii tribuunt Metaphysicæ, ut ad ipsam & non ad aliam ullam pertineat, probare principia particularia aliarum scientiarum. Itaque si Philosopho naturali negaretur esse motus, exempli causa, ipse ne digitum quidem transversum, ut ipsi aiunt, posset ultra procedere, nec quicquam dicere aut defendere, sed nec esse haberet confingere ad sacrosanctum Metaphysicæ tribunal: & quicquid illa de motu statueret, sententiæ illius stare & acquiescere. Quod si Metaphysica nunquam ab Aristotele fuisset inventa, videlicet, maximum erat periculum, ne Philosophus naturalis nunquam probare posset subiectum suum, hoc est, motum esse: & nos, scilicet, nunquam certo essemus scituri, an motus vere esset in rerum natura nec ne. Hæ inquam sunt illæ tres præclaræ & egregiæ causæ, propter quas, scilicet, Philosophi astri Metaphysicam suam dicunt esse non solum utilem, sed etiam necessariam, atque ideo ex necessitate ponendam fuisse. Quæ usque adeo stultæ mihi videntur & vanæ, ut cum eas mecum nonnunquam reputo, valde obstupescam, qui unquam fieri potuit, ut non solum tam falsæ & mendaces, sed etiam tam ineptæ & futiles rationes in mentem hominis alicuius non omnino stultissimi cadere poterint. Nam quod ad primam, hoc est, ad perficiendum intellectum humanum pertinet, si intellectus noster sive tanquam humanus sive tanquam divinus est perfici potest ab aliqua scientia, quæ & subiectum habeat falsum, ut ante dictum est, & ipsa quoque maxima ex parte sit falsa vel inutilis, ut infra ostendetur, fateor eum ab ista Metaphysica perfici posse. Item quod spectat ad secundam rationem, hoc est, ad prædicata illa, ut ipsi dicunt, generalia & universalia, propter quorum explanationem Metaphysicam esse necessariam, & necessario ponendam contendunt: rursus confiteor eos dicere verum, nisi ea ipsa prædicata sive nomina longe melius ac verius explicentur atque explanentur à Grammaticis, à Lexicographis, & Observatoribus linguarum, quam ab ullis Metaphysicis, aut Philosophis: & si explicatio explanationique eorundem illorum prædicatorum sive vocabulorum, ad Grammaticos & Lexicographos magis pertineat, quam ad allos Metaphysicos & Pseudophilosophos. Quorū utrunque paucis ita probo, ac primum id quod est posterius, *Grammatica enim est nullius præterea alterius artis proprium est, omnes voces contemplari, ut* (Imo Grammaticæ non est tradere voces, sed communia de vocibus. Cuiuslibet disciplinæ est tradere voces & explicare quibus subiectum suum eiusque partes, species, & affectiones significatur est. Lexica vero sunt excerpta ex variis disciplinis ordine Alphabetico facta.)

& communis est omnium recte sentientium opinio, & Aristoteles ipse metestatur in principio tertii τὴν μὲν τὰ φυσικά, his verbis, διὸν γραμματικῆ, μία ὅσα μάλα διαφέρει τὰ φυσικά, hoc est, ut Grammatica una cum sit, omnes contemplatur voces. Quod cum ita sit, nugantur & blaterant Metaphysici

physici, nescio quarum vocum explanationem ad se pertinere? Si Grammatica omnes considerat, ut etiam Aristoteles fatetur, quænam obsecro Metaphysicæ relinqui possunt considerandæ? profecto nullæ. Itaque non ad nescio quos Metaphysicos nugatores, sed ad Grammaticos, ut dixi, & Lexicographos pertinet omnium vocum consideratio & explanatio, & præsertim quæ sunt communes omnium rerum vel saltem plurimarum. Nam quæ sunt privatæ aliquarum scientiarum aut artium, fortasse non injuria videri queant ad eas scientias & artes pertinere. At quonam pacto tam communes quam privatæ voces ullæ possint aut debeant à Metaphysica explanari, nulla unquam satis idonea ratio afferri poterit. Nam quod adjunt Metaphysicam esse scientiam universalem, atque ideo universalium vocum explanationem ad eam pertinere, & quod addunt, si in Metaphysica non explanarentur, prorsus in nulla scientia possent explanari, quia non magis ad unam quam ad alias pertinere videntur: dico utrumque horum esse falsissimum, cum Metaphysica non solum non sit scientia universalis, ut nugantur, sed nec vera, ut mox probabimus: Et quamvis nulla esset Metaphysica, tamen voces omnes earumque significationes vel in libris probatorum authorum usurpatæ reperirentur, sic ut facile per se sine ulla Metaphysica possent intelligi, vel certe in Grammatica & à Grammaticis, Lexicographisque, & Observatoribus linguarum jure optimo explanarentur, ut explanantur: & quidem multo verius ac rectius quam in Metaphysica & à Metaphysicis. Id quod ita esse in tribus aut quatuor vocabulis breviter ostendo, hoc est, in explanatione vocabuli naturæ, vocabuli generis, vocabuli totius, ut Lector ex tribus his de cæteris omnibus facile judicium facere possit. Natura, inquit Aristoteles, parens, author & Deus Metaphysicorum, atque ideo maximus, ut ita dicam, Archimetaphysicus. Natura inquam, ait Aristoteles in quarto Metaphysicæ, uno modo dicitur generatio nascentium, altero modo illud ex quo generatur primum id quod gignitur, ut exempli gratia, cor in homine, & radix in arbore: alio modo illud ex quo primo est aut fit aliquid, ut æs vel lignum, in vasis æreis vel ligneis. Hæc & alia quædam, quæ prætereo ne sum longior, scribit Aristoteles, explicans significationem vocis naturæ: quorum nullum est verum, saltem in latino sermone. Nam quis inquam invenit, aut legit apud authorem aliquem recte loquentem, naturam pro nascentium generatione positam? & iterum quis unquam fando audit cor hominis aut radicem arboris esse naturam? & postremo quis ferat ac non rideat tanquam imperitum, si sentiat aliquem dicentem, æs vel lignum esse naturam, vasis ærei vel lignei? certe neminem arbitror recte loquentem unquam neque Latinum neque Græcum ita locutum esse, ut omittam interim

communem sermonis consuetudinem ab hoc loquendi modo protus abhorrent. At vero ut alios Grammaticos & Lexicographos mittam, si legas Thefaurum linguæ latinæ, in quo reperiuntur observata fere omnium probatorum Scriptorum latinorum vocabula, nihil talium nugarum invenies, sed omnia nominis naturæ significata, & cum usu probatorum quoruncunq; Scriptorum & cum publico omnium loquendi more consentanea. Præterea rursus Aristoteles in eodem libri explicans significationes vocabuli generis: Genus inquit dicitur primo de generatione continua multorum eandem speciem habentium, ut cum dicimus hominum genus: deinde de eo, à quo tamquam à generante descendit aliqua multitudo, secundum quæ modum dicimus, Ionum vel Hellenum genus: tertio loco de primo & communi subiecto diversarum formarum, eo modo quo planum est genus omnium figurarum planarum: quarto & ultimo modo de eo, quod dicitur de pluribus, & cætera, quæ ipse apponit definiens genus in Topicis. Quorum quatuor generis modorum ab Aristotele traditorum in Metaphysicis, nullus plane omni ex parte est verus: nam quod ad primum attinet, falsissimum est, genus esse continuam generationem aliquorum in eadem specie convenientium, nec unquam reperitur vocabulū generis ab ullo Scriptore neq; Græco neq; Latino recte loquente hoc modo usurpatum. Nisi forte ita dicere voluit, genus puta hominum vel animalium, conservari per continuam individuorum generationem & successione quod fatoreff: verum, sed aliud est genus continuam generationem esse, aliud per continuam generationem servari. Quod autem spectat ad secundum modum, is si est idem plane, qui & secundus Porphyrii, jam antea à nobis in capite de genere confutatus fuit. Quare de ejus falsitate nihil amplius hoc loco mihi dicendum arbitror. Nec tertius modus videtur esse verior duobus superioribus: non enim video quomodo verum esse possit, quod ille dicit: planum esse genus omnium figurarum planarum, cum ut ipsemet tradit in Organo, & triangulus & quadrangulus & omnes hujusmodi figuræ sint in genere qualitatis, planum vero five superficies, quod apud ipsos idem est, in genere quantitatis: nisi forte res unius prædicamenti potest esse genus rei, quæ in alio prædicamento sita est: quod non solum à veritate, sed etiam ab Aristotelis ipsius doctrina est alienum. De falsitate quarti & ultimi modi nihil dico, cum ea quoq; à nobis supra in eodem capite de genere satis superque sit detecta & refutata. Atque ita rursus Aristoteles in Metaphysicis de nomine generis, cujus significationes omnes partim à Grammaticis, partim à Lexicographis & vere & recte reperiuntur explicatæ, & clarissimis exemplis probatissimorum authorum comprobatæ: Præter tamen duas ex supra memoratis, hoc est, secundam & quartam, quas

Robe-

Robertus Stephanus à Dialecticis inconsiderate tanquam veras accepit. Nam tanta est hoc tempore Aristotelis autoritas apud omnes etiam Grammaticos, præsertim paulo magis credulos, & in istis abstrusioribus studiis parum versatos, ut quælibet ab eo scripta quamlibet falsa & absurda, tamen pro veris & indubitatis accipiant: sed nos, ut spero, errores illius & vitia ita jam supra magna ex parte deteximus & infra detegemus, ut nemine posthac amplius, nili prorsus imperito & decipi se cupiente, possint imponere. Quod autem attinet ad vocabulum totius, non solum quàm falsò illud explicarit Aristoteles in Metaphysicis, sed etiam quàm stulte introduxerit illud suum totum universale, supra satis jam ostensum est, in capite partim de totis, partim de generali rerum divisione, quo in capite radicitus extirpavimus universalia. Quæ cum ita sint quomodo potest Metaphysica esse necessaria propter explanationem earum, quas dicunt, vocum: cum eas magna ex parte neque vere neque recte, sed prave & falso exponere deprehendatur? ut constat ex illis, quæ supra dixi, de nominibus naturæ, & generis, & totius, & ex multis aliis, quæ prætermitto, ne sim longior in re manifesta. Et si maxime recte exponeret, tamen à Grammaticis & Lexicographis jure prohiberetur ea exponere ac tractare, tanquam ad se atque ad officium suum minime pertinentia. Sed quoniam Metaphysica probari non potest esse necessaria, neque, quia perficiat intellectum nostrum ut divinus est, quia cum ipsa imperfecta & falsa sit, alia perficere non potest: neque, quia explanet voces illas communes, cumplerasque earum non vere explanare reperiatur, & si maxime vere explanaret, tamen non suo sed alterius officio fungeretur: an forte necessitatem aliquam habebit, propter probationem principiorum, quæ in particularibus scientiis vel negantur vel in dubium revocantur? nam, ut dixi, hoc officii ac muneris tribuunt Metaphysicæ, tanquam generali scientiæ, ut principia vel subiecta aliarum scientiarum, vel negata vel dubitata confirmet ac probeat. At hoc non modo falsum est, sed etiam peridiculum: nam quomodo quæso confirmabit aut probabit Metaphysica principia aliarum scientiarum cum ipsa habeat principium, hoc est, subiectum, quod est ens in quantum ens, ut supra dixi falsum? Præterea quomodo eadem confirmare aut probare poterit quicquam negatum aut dubitatum, cum nullo habeat syllogismo? nullas inductiones? nullos ar-

(Inepit. Nam ita concluditur, nec Physicam quicquam argumentari, quæ itidem argumenta dialecticis & Oratoribus mutuatur.)

*gumentandi modis? sed hac omnia vel à Dialecticis vel ab Oratoribus mutuari necesse habeat?* Profecto valde mirum est, qui unquam istud Aristoteli aut cuiquam alteri venerit in mentem, Metaphysicam sine ullis disputandi & argumentandi instrumentis habere officium probandi & stabiliendi principia aliarum scientiarum, & ei, quæ magna ex parte falsa est, & sua tutari non

potest, attribuendam esse alienorum defensionem. Quod licet ita sit, nihilominus tamen tunc credam Metaphysicæ id muneris & officii recte tributum fuisse, cum videro vel ipsam semet ipsam defendentem, vel Metaphysicum aliquem pro ipsa, iis quæ à nobis contra eam dicta sunt, recte respondentem. Sic igitur tres illæ causæ, quibus Metaphysica probabatur esse necessaria, ostensæ sunt esse falsæ, ridiculæ, & inanes. Sed denuo insurgit Aristoteles, & cum eo omnes scätatores illius Peripatetici conantur defendere ac persuadere Metaphysicam esse scientiam, non solum necessariam & necessariam ponendam, sed etiam generalem. Eò quòd, licet de substantia primo tanquam de nobiliori & per se ente sit, tamen etiam de omni accidente, tanquam de ente in alio & quasi improprio metaphoricoq; consideret. Et quòd, sicut improprie sanum ad proprie sanum reducit, sic quod in alio & quasi improprie est ens, ut accidens, ad id quod per se & proprie ens est, hoc est, ad substantiam reduci oporteat. Quibus ita respondeo & dico, de omnibus quidem sanis tam propriis quàm impropriis merito esse unam eandemq; scientiam, hoc est, Medicinam: quia sine cognitione ciborum sanorum, urinarum sanarum, medicinarum sanarum, non possunt animalia in morbum cadentia commode sanari. Verum à sanis ad entia, & à Medicina ad Metaphysicam, non est bona nec idonea similitudo, nec valet argumentatio, ut si in Medicina ita sit, ita quoque in Metaphysica esse debeat. Nam Medicina & vera & necessaria scientia est, Metaphysica autem falsa & non necessaria: præterea non quemadmodum cibus, urina, & medicina improprie dicuntur sana, sic etiam qualitas, quantitas, actio & alia omnia accidentia improprie esse entia sunt existimanda. Quis enim tam sit impudens ut contendere, tam imperitus ut affirmare audeat, cum ita dicitur, qualitas est ens, quantitas est ens, actio est ens, & alia huiusmodi plurima, has locutiones non esse proprias, sed improprias & figuratas? quemadmodum cum dicitur, cibus est sanus, urina est sana, medicina est sana? certe nemo, nisi forte Dialecticus aliquis loquax & garrulus, aut Sophista quispiam impudens & importunus. At enim inquirunt, si accidentia non necessario re-

ducuntur

ducuntur ad substantiam, tanquam improprie entia ad proprie ens, ut unam eandemq; scientiam faciant, at certe eadem accidentia ad substantiam non reduci non possunt, tanquam ea, quæ sunt entia in alio, ad id quod est ens per se, & non per accidens, ut ex omnibus una eademq; constetur scientia, quæ sit Metaphysica. Sed hæc quoque ratio Metaphysicorum vana est, & nullius momenti ad probandum Metaphysicam esse scientiam generalem, hoc est, tam ad accidentia quam ad substantiam pertinentem. *Nam licet substantia propter præsentiam & nobilitatem suam à Græcis appelletur θύσια, quasi dicatur essentia, eò quòd sola videtur esse ens per se & non in alio, reliqua autem omnia dicantur entia quasi extranea & in alio existentia, tamen substantia in latino sermone, & aliis linguis non appellatur θύσια, nec verum est eam stare posse sine accidentibus, sicut nec accidentia sine ipsa*: Ad constituendam enim & conservandam essentiam utriusque æque necessaria est præsentia accidentium substantiæ, sicut substantiæ accidentibus. Atque ideo non sequitur, substantiæ & accidentium simul, cum sint res tam diversæ, oportere unam eandemq; statui scientiam generalem: Quod si fieret, omnes scientiæ particulares essent superflua & supervacanea. Sed denuo hic resistunt Metaphysici, & huic incommodo mederi conantur, dicentes Metaphysicam per rationes tantummodo generales & communes considerare & pertrahere omnia entia, & scientiis particularibus relinquere suas cujusque rationes proprias & speciales: quibus in materia particulari & propria tanquam negociantur. Atq; hac ratione contendunt etiam si Metaphysica generalis scientia ponatur, non propterea tamen reliquas scientias particulares fore supervacuas, cum non eisdem rationibus nec eodem probandi modo hæc & illæ utantur. Quibus ego quoq; denuo contra insto, & dico istas eorum rationes generales & modos probandi universales, esse mera verba & meras nugas. Nam ego quæro ab eis, cum istis suis rationibus generalibus & probandi modis universalibus, quid unquam veri invenerint? ejus scientiæ principia defenderint? cui subiecto negato aut dubitato opem tulerint? & deniq; in tot seculis cum ista præclara & egregia Metaphysica sua quid profecerint? Sed respondebunt, nonne Aristoteles in tertio Metaphysicæ probavit verum esse principium illud, de quo libet dicitur esse vel non esse? quod à nescio quibus, ut opinor, fatuis & mentecaptis negabatur. Nonne etiam si quis Philosopho naturali negaret motum esse, statim rationibus metaphysicis, hoc est, communibus probari posset in rerum natura, non omnia esse prorsus quiescentia, sed reperiri etiã aliquid quod moveatur? sic inquam fortassis respondebunt Adversarii. Sed ego illis vicissim respondeo, me valde mirari atque obstupescere, quid fieri possit, ut non cognoscant,



neq; sentiant imperitiam, ne dicam fatuitatem Aristotelicam in quaestionibus huiusmodi vel proponendis, vel tractandis, vel solvendis. Scilicet nisi Aristoteles adversus illos nescio quos mentecaptos disputasset in Metaphysicis, periculum erat ne genus humanum ab illis persuasum crederet, duo contradictoria Metaphysica, verendum, credo, fuerat: si quis forte negasset motum esse, ne non modo homines & omnia animalia, sed etiam flumina, & cælum, cum planetis & stellis omnibus perpetuo stare, & nunquam moveri putaremus. ô pueriles ineptias, ô stolidam sapientiam, si de tam manifestis rebus etiam dubitamus, & ut dubitare desinamus etiam expectamus auxilia Metaphysicæ & Metaphysicorum. Næ verissimum est illud quod Cicero quodam loco dixit, nihil tam absurdum excogitari posse, quod non dicatur ab aliquo Philosophorum, ut jam apud nonnullos Philosophi nomen non immerito esse cæperit ridiculum & infame. Sed jam satis apparet, ut opinor, Metaphysicam, ut initio proposueram, esse scientiam primo neq; veram, quia est de ente inquantum ens, hoc est, de subiecto universalissimo, ac falsissimo, & quia pleraque voces explanat falso & contra communem loquendi probatorumque Scriptorum consuetudinem: & si maxime recte explanaret, tamen non suo sed alieno, hoc est, Grammatici, vel Lexicographi, vel Observatoris, fungeretur officio. Deinde neq; necessariam, quia neq; perficit intellectum nostrum, sed potius perturbat ac confundit: Neque probat principia aliarum scientiarum, quia caret omnibus instrumentis probandi, & quia cum se ipsam suamq; tueri non possit, multo minus tuebitur aliena. Postremo neque universalem, quia rationes omnes quibus universalitatem illam ei attribuire conantur, vel falsæ sunt, vel infirmæ, vel etiam ridiculæ. Neque tamen propterea nego in Metaphysicis multa esse vera, & non inutilia legentibus, sed hoc contendo, multo plura esse vel falsa, vel inutilia, vel ridicula, quàm vera, utilia, & seria: & propterea in tertia parte Philosophiæ Theoricæ ab Aristotele & Peripateticis scientiam istam non recte fuisse positam, & cum immerito posita fuerit ab omni scientiarum atq; artium numero ejiciendam, Sed ita tamen ejiciendam, ut quæ in ea & vera sunt & utilia, ad aliam quampiam artem vel scientiam veram transferantur, hoc est, partim ad Grammaticam & ad Lexicographos, ad quam & ad quos maxima ex parte pertinent; partim ad Naturalem Philosophiam, cujus ex alia parte maxime videntur esse propria: partim ad Rhetoricam, à qua non sunt aliena propter ea, quæ traduntur de definitione: partim ad Theologiam, ad quâ totus Metaphysicæ liber XII. videtur pertinere: partim deniq; ad Ethicam & Politicam, propter alia quædam, quæ diversis in locis sparsa reperiuntur.

## CAPUT SEPTIMUM.

*De comprehensione universonum singularium vere philosophica & oratoria: & simul de abstractione universalium pseudophilosophica & barbara, contra falsam Aristotelis doctrinam falso dicentis, abstrahentium non esse mendacium.*

**T**Ametsi supra in septimo capite primi Libri satis ostensum est, scientias & artes omnes tradi non de universalibus pseudophilosophicis & barbaris, sed de universis generibus sive de omnibus singularibus sui cujusque generis simul: & præterea etiam dictum est, ipsa universa genera percipi & intelligi, non per abstractionem illam chimericam unius universalis ab omnibus singularibus, ut somniât pseudophilosophi, Sed per comprehensionem omnium singularium sui cujusque generis, universe sive in universonum acceptorū, ut doctissimi quique & recte loquentes viri scriptis suis testificantur: ex quo patuit universalia non esse necessaria propter artes scientiasque tradendas, id quod tunc probare volebamus. Tamen quod ad abstractionem pseudophilosophicam attinet, nō satis illie probavimus eam esse falsam, sed hunc in locum perfectam ipsius refutationē eversionemque distulimus: ut quemadmodum hic error separatus est ab illo universalium, & idem non facillimus ad refutandum: sic etiam seorsum & per se, atque ideo magis clare magisque aperte refutari posset. Quo facto etiam manifestius apparebit falsitas & vanitas universalium nam si universalia per se abstractionē fiunt tanquam per parentem, ut Pseudophilosophi fatentur, & abstractio ipsa falsa est, ut nos docebimus, quomodo possunt universalia (etiam si nullo alio argumento refutarentur) non esse falsa? certe nullo modo. sed jam probare aggrediemur abstractionem istam esse falsam, si prius admonuerimus recte philosophari cupientes, nos quidem everfuros prorsus & subluros esse hanc abstractionem pseudophilosophicā, ut pote mendacem, falsam, & non necessariam: sed in ejus locum reposituros & quasi substituturos esse comprehensionem vere philosophicam & oratoriam, ex qua fiant & quasi procreentur universa illa, de quibus nos scientias & artes proprie tradi, demonstrationes & syllogismos vere fieri supra docuimus: ut studiosi recte philosophandi, nihil ex istius abstractionis abla-

ablatione & everfione amiffuri fint, fed lucrum fa<sup>ct</sup>uri maximum ac pro falſis vera, pro monſtroſis naturalia, pro inuſitatis uſitata, & denique pro barbaris vere do<sup>ct</sup>a & erudita dogmata recepturi. Eſt ergo noſtra hæc, quam dicimus, comprehenſio vere philoſophica & oratoria, nihil aliud niſi actio quædam ſive operatio intellectus noſtri, qua mens hominis ſingularia omnia ſui cuiuſq; generis ſimul & ſemel comprehendit, & de eiſita comprehenſis artes omnes & ſcientias tradit, ratiocinationes, & cæteras argumentationes generales facit. Et deniq; per quam, ut Pſeudophilophi per abſtractionem univerſalia illa ſua fieri comminiſcuntur, ſic nos univerſa noſtra vere effici dicimus & affirmamus, & noſtræ huius affirmationis, authores citamus & tâquam teſtes proferimus omnes Scriptores tam vetetes quam recentiores, tam Græcos quam Latinos recte loquentes: ex quibus nemo unquam, quod nos quidem ſciamus, abſtractionem illam pſeudophilophicam ne ſomniavit quidem, nedum uſurpavit aut intellexit, ſed omnes nemine proſus discrepante tam in ſcientiis tradendis quam in ſyllogiſmis faciendis uſi ſunt comprehensione hac, quam dicimus, ſingularium omnium cuiuſq; generis ſimul & ſemel, & huius ejuſdẽ auxilio effecerunt, illud quod Græci τὸ καθόλου εἰπεῖν, Latini vero in univerſum loqui appellant. Quod autem ſupra dixi Scriptores recte loquentes, ita intelligi volo, ut inter Scriptores recte loquentes numerentur apud Græcos Plato, Iſocrates, Demoſthenes, Xenophon, & cæteri ſimiles, qui recte græcè, hoc eſt, vere cæterorum Græcorum more locuti ſunt: non Ariſtoteles, non Alexander Aphrodiſienſis, non Simplicius, non Hammonius, non alii omnes, quicunq; Peripatetici fuerunt appellati: non quidem in omnibus ſcriptis ſuis, ſi qua alia forte reliquerunt, ſed tantum in Dialecticis, & Metaphyſicis, & in magna parte librorum naturalium. In his enim ſolis eos valde reprehendo ac damno, tanquam linguæ græcæ depravatores, & communis loquendi conſuetudinis corruptores: in cæteris vero non redarguo, ſed vehementer laudo, & inprimis Ariſtotelem in libris de Animalibus, de Rhetorica, de Rebus moralibus, Politicis, & Occonomicis, & aliis multis, quantum in hiſ quoque non pauca ſunt, quæ non omnino careant vitio, ſed tanta eſt in eiſ multitudo rerum bonarum, ut quæ minus bona ſunt, non apparere quodammodo & ferenda eſſe videantur. Ac rurfus cum Ariſtotelem *hic* dico & aliis fere omnibus in locis huius operis nomino, ſemper intelligere volo non de Ariſtotele illo, quem Cicero tanto opere laudat, & qui Magni Alexandri ac Theophrati Præceptor fuit: ſed de hoc, quem nunc habemus, ac de ſcriptis ejus, quæ in ultima operis huius parte, probaturi ſumus non vere eſſe Ariſtotelica. In Scriptoribus inquam recte loquentibus eos, quos dixi, apud Græcos nume-

numerari volo: apud Latinos vero Terentium, Ciceronem, Cæsarem, Sallustium, Virgilium, Horatium, C. Plinium, Cornelium Celsum, & alios multos, quorum opera nunc extant. Quorum nemo, ut dixi, abstractionem illam monstrosam ne fomniavit quidem unquam, tantum abest, ut cognoverint aut approbaverint. At iidem quotiescunque usus venit, comprehensionem hanc de qua sermo est, & id quod per eam efficitur, universe sive in universum loqui, sive ut Græci dicunt τὸ καθόλου εἰπεῖν, omnes si non verbis at certe re ipsa recipiunt, approbant, & usurpant. Nemo enim unquam poterit nec apud Græcos τὸ καθόλου εἰπεῖν, nec apud Latinos universe sive in universum loqui, nisi comprehendat omnia singularia, eo quo diximus modo, & comprehensionis veræ, non abstractionis falsæ auxilio utatur. Atque hac de causa nos in philosophiam pro abstractione pseudophilosophica introducimus comprehensionem vere philosophicam & oratoriam, & ejus solius beneficio tum scientias & artes omnes traditum syllogismos & quascunque alias argumentationes generales fieri affirmamus. Quod autem pertinet ad abstractionem pseudophilosophicā, quam Aristoteles & Peripatetici sectatores ejus omnes usque adeo veram & omni falsitate carentem putant, ut audeant nec ullo pacto dubitent affirmare, abstrahentium nullum omnino esse mendaciū: perinde quasi qui eo modo, quo ipsi volunt, abstrahunt, nullo modo nec decipi possint nec errare: De abstractione inquam nos in hoc capite contra illos omnes ita sumus disputaturi, ut luce clarius appareat eos in abstrahendo non solum esse mendaces & falsos, sed etiam maximorum & fœdissimorum mendaciorum & falorum authores: quod ut facilius intelligatur, paulo altius repetenda est eorum de abstractione doctrina. Abstractionis autem sive abstrahendi apud eos tres sunt modi, unus in rebus Physicis, alter in Mathematicis, tertius in Metaphysicis. Ad quos tres modos confirmandos in primis sibi sumunt & ponunt hoc, omnē materiam, quæ sub considerationem & cognitionem nostram venit, esse aut sensibilem aut intelligibilem: ac sensibilem appellant eam, quæ percipitur non ab intellectu, sed à sensu: intelligibilem vero, quæ non à sensu, sed ab intellectu. Ac rursus utranque harum ajunt esse aut communem & universalem, aut individua & singularem. Ut in summa sint quatuor materiarum considerandarū formæ, una sensibilis communis & universalis, ut exempli gratia, cum dicitur caro & nervus: altera sensibilis individua & singularis, ut cum profertur, hæc caro, hic nervus: tertia intelligibilis communis & universalis, ut cum pronuntiatur, substantia: quarta & ultima intelligibilis individua & singularis, ut cum dicitur, hæc vel illa substantia. Quibus quatuor materierum modis ita constitutis statim dividunt

Kk

confi-

considerationes earum & abstractiones hoc modo, ut dicant: Physicum sive naturalem Philosophum considerare materiam sensibilem universalem, ut carnem & nervum: abstrahere autem à materia sensibili singulari, ut ab hac carne, ab hoc nervo. Mathematicum vero speculari materiam intelligibilem universalem, ut substantiam, quæ quantitati proxime subiecta est: abstrahere à materia intelligibili individua, ut ab hac vel ab illa substantia. Postremo Metaphysicum contemplari res sive, ut ipsi loquuntur, entia abstracta à materia tam intelligibili quàm sensibili, tam universali quàm singulari, tam secundum rem quàm secundum rationem: qualia sunt ens, unum, actus, potentia, & cætera huiusmodi, quæ ab Aristotele traduntur in Metaphysicis. De abstractione dialectica, si tamen est ab istis separata, nihil hic dico, quoniam supra cum de universali loquerer, satis docui, quid & qualis esset, & quomodo fieret, & lectorem admonui, cum universalia, quæ ex ea gigni dicuntur, falsa sint, eam quoque non posse non esse falsam. Quamobrem dialectica abstractione prætermissa, de reliquis tribus dicam id quod sentio, & quod verissimum esse arbitror, hoc est, eas quoque non minus esse falsas inutiles & supervacuas. Nam quoad considerationem & cognitionem materiarum attinet, dico omnem materiam sensibilem esse etiam intelligibilem, & quicquid percipitur à sensu, idem etiam percipi ab intellectu, ac multo quidem perfectius, sed non contra. Nam multa cognoscit intellectus, ut genera universa, quale est universum genus animalium, & res universales, puta bellum universale, & voces universales, ut vocem animalis: ad quorum nullius cognitionem sensus noster potest pertingere, saltem perfecte. Ac sensibilia omnia tam singula quàm universa, non solum à sensu sed etiam ab intellectu percipi, & quidē perfectius, illud est vel manifestissimum signum, quod sensus visus, exempli gratia, cognoscit tantummodo candorem, & nigrorem, cæterosque colores, & præterea nihil ultra. At intellectus non solum utrunque percipit, sed etiam utriusque nomina & proprietates: scit enim hunc appellari candorem, illum nigrorem, hunc disgregare visum, illum congregare: quod si neutrum cognosceret, ut dicunt isti Philosophastri, quomodo quæso & nomina & vires illorum essent ei nota? Dixi autem intellectum nostrum cognoscere genera universa non genera universalia, quia talia genera & talia universalia, cum non vere sint in rerum natura, ut supra docui, nec à sensu nec ab intellectu vere possunt intelligi. Præterea tam bruta animalia quàm homines vident hos, quos dixi, duos colores, & tamen soli homines dicere possint, hunc candorem esse, illum nigrorem, hunc congregare, illum disgregare, cur ita: quia homines intellectum habent, quod hæc discernuntur, bruta animalia non habent. Quamobrem necesse est, singularia

non

non solum à sensu sed etiam ab intellectu cognosci, & quidem perfectius, ut dictum est. Alioqui reddenda ratio, qui fieri potest, ut intellectus earum rerum, quas non cognoscat, & nomen & proprietatem vere cognoscere dicatur. Postremo si, ut supra probavimus, quicquid est in rerum natura, id est, aut singulare aut multitudo singularium: & nullum est, nec vere esse potest universale pseudophilosophicum: oportet intellectum nostrum aut nihil prorsus intelligere, aut intelligere singularia, tam singula quam universa. Nam si nullam dicatur habere cognitionem singularium, quomodo obsecro intelligere poterit universa? profecto maxima admiratione vel potius obstupefactione dignum est, qui fieri potuit, ut tanta doctorum hominum multitudo, in tantum errorem delapsa sit, & tam diu nescio quomodo vana quadam ratione, & nuda Aristotelis autoritate persuasa crediderit universalia, quæ non sunt in rerum natura, cognosci ab intellectu nostro, singularia vero, de quibus nemo dubitat quin vere sint, non cognosci. Sic igitur nos dicimus & cõcludimus adversus vanam illam & stultam Aristotelis & omnium Peripateticorum opinionem, intellectum nostrum cognoscere & intelligere singularia tam singula quam universa. De generibus vero & speciebus universalibus more Pseudophilosophorum, nullam prorsus habere cognitionem aut intelligentiam veram, quia non vere sunt. Quæ cum ita sint, ut etiam melius infra constabit, jam illud dubium esse non poterit, quin omnis abstractio à Pseudophilosophis introducta, sive ea dialectica sit, sive physica, sive mathematica, sive metaphysica, ut ipsi vocant, non modo falsa sit, ut postea docebimus, sed etiam omnino supervacanea, & nullam ad rem omnino necessaria. Nam si intellectus noster, ut probatum est, per comprehensionem intelligit singularia tam singillatim quam universa, & quocumque alio modo intelligi possunt: quid obsecro amplius ad intelligendum ipsa singularia, aut ad tradendam de illis scientiam, aut ad probandum aliquid de eis per syllogismum, opus est ulla abstractione aut dialectica, aut physica, aut mathematica, aut metaphysica? profecto nulla. Atque ita dubitandum non est, omnes Pseudophilosophorum abstractions ita ut diximus, esse supervacuas & prorsus non necessarias. Utrum autem etiam si non necessaria, tamen vere sint, rursus hinc demonstrare incipiamus: ac primum quod ad dialecticam abstractionem attinet, dicimus eam destructis supra universalibus, satis ipsam quoque destructam esse. Nam si universalia, quæ ex abstractione fieri dicuntur, falsa sunt, quomodo quæso possumus negare, abstractionem quoque non esse falsam? nisi forte quis à vera causa & tanquam à matre legitima effectum falsum, & tanquam spurium filium procreari posse autumat. Quod autem spectat ad abstractionem & considerationem physicam

Kk 2

dico,

dico Philosophum naturalem, ne ab eorum exemplis discedam, cum carnem & nervum considerat, & de carne ac nervo scientiam tradit, non considerare nec abstrahere ullam carnem universalem ab omnibus singularibus carnibus, nec ullum nervum universalem ab omnibus singularibus nervis, ut Pseudophilosophi nugantur, quia talis caro & talis nervus vere non est nec esse potest in rerum natura: sed omnes singulares carnes & omnes singulares nervos, quæ & qui sunt in mundo, hoc est, universum genus carniarum & universum genus nervorum, ita ut est in materia simul & semel animo comprehendere & mente considerare, atq; ita de universis illis ita comprehensis, probare & demonstrare id quod vult. Quo considerandi rerum naturalium modo posito, tanquam à doctissimis quibusq; viris approbato & usurpato, nihil amplius opus est comminisci, & tanquam somnare ullum nervum, aut ullam carnem, aut ullam aliã materiam sensibilem & universalem, quæ naturali Philosopho ad considerandum subjecta sit, ut garriunt Pseudophilosophi, cum talis nulla in mundo reperitur, & cū omnia quæ considerantur à quocūq; Philosopho, & quacumq; in facultate necessario sint singularia & individua, aut singillatim sumpta aut univérse: omninoque in rerum natura, ut ante docui, nihil sit, quod non sit singulare aut singillatim & per se, aut univérse & cum aliis acceptum. Atque ita patet primo formam illam considerandi res sensibiles universales, quam Pseudophilosophi tribuunt Physico & naturali Philosopho, non esse veram: Deinde modum istum abstrahendi à materia sensibili singulari, quam naturalem vocant, hoc est, ut ipsi exponunt, ab hic & nunc, ut ab hac carne & ab hoc nervo, quæ & qui est nunc, non solum esse falsum, sed etiam barbarum. Nec minus mendax & falsus est modus ille considerandi & abstrahendi, quem Philosophastri assignant mathematico Philosopho, & mathematicum appellant, cum in considerandis rebus Arithmeticis, & Geometricis, cæterisque Mathematicis, non magis sit opus ullâ abstractione quàm in naturalibus & politicis rebus, & eodem plane modo tam hæc quàm illæ considerentur ac tradantur, per illam, scilicet, quam toties dixi, universorum cujuscunq; generis singularium comprehensionem simul & semel intellectu factam. Ex quo sequitur Mathematicum istum considerandi & abstrahendi modum, ut dixi, esse mendacem & à veritate longe alienum, cum id quod isti per intellectum abstrahere vocant, revera non sit, abstrahere nec separare res intellectas à materia, sed eis ita ut erant, in materia relictis, *considerare unam rem sine alia*, hoc est, subjectum

(Quod *abstrahere*, si sano sensu accipiat, nihil aliud sit, quàm considerare unam rem, alia non considerata, pluribus hodie inculcavit Thomas Hobbes.)

sine qualitate, vel qualitatem sine subjecto, vel unâ qualitatem sine alia qualitate, & denique per intelligentiam comprehendere omnia generis considerati singularia simul & semel ita separata. Quod supra dixi, nihil aliud esse nisi

considerare



considerare res non universaliter, ut pseudophilosophi & falso & barbare loquuntur, sed univérse vel in universum, ut Cicero & probatissimi quique Scriptores loqui consueverunt. cum eam rem exprimere volunt, quam Græci recte loquentes vocant, τὸ καθόλου. Itaque iterum dico in contemplandis rebus sive naturalibus, sive mathematicis, sive aliis quibuscunque, earumque scientiis & artibus tradendis nō necesse esse nobis, ut quasi monstrofe abstrahamus eas à materia, sed ut illis in materia, sicut erant relictis per intelligentiam separemus, ut dixi, qualitates à subiectis suis, vel alteram qualitatem ab altera disjungamus: atq; hoc modo simul & semel cognitione comprehendamus omnia earum singularia, & ita consideremus eas probantes & demonstrantes de ipsis omnia, quæ nobis videantur. Ut exempli gratia, in mathematicis si probare velim aliquid de linea vel de triangulo, ut puta, lineas parallelas non concurrere, aut triangulum habere tres angulos æquales duobus rectis, non necesse habeo per intellectum abstrahere & separare ullam lineam, aut ullum triangulum à materia, quod fieri non potest, ut mox ostendemus, sed omnes singulares lineas, & omnia singularia triangula sine subiectis in quibus sunt, & sine aliis omnibus accidentibus simul & semel intelligentia comprehendam, de quæ eis ita comprehensis id quod opus erit, demonstrabo & probabo. In naturalibus vero si probandum mihi sit, omne animal habere sensum tactus, non erit mihi necessarium ab omnibus singularibus animalibus, abstrahere unum animal universale, quod probem esse sensu tactus præditum, quem admodum imperitissime simul & stultissime Philosophastri docent (est enim revera hoc totum negotium hoc modo abstrahendi falsum & non necessarium) sed de omnibus animalibus singularibus per intellectum simul & semel cōprehensis, sive de toto genere univérſaq; multitudine singularium animalium sic comprehensa tanquā de uno animali probabo id quod erit probandum. Et hoc modo una eademq; argumentatione animal omne sensum tactus habere demonstrabo. Qui modus considerandi res non per abstractionē sed. ut dixi, per cōprehensionem: non abstrahere à materia per intellectum dici debet, sed intellectu quasi congregare omnia singularia animalia. ut de eis omnibus semel tanquam de uno fiat probatio. Quod à doctissimis quibusque viris, ut dixi, non universaliter, sed univérse sive in universum rē considerare nuncupatur: & si quis forte Pseudophilosophus tam erit audax & improbus, quales fere omnes hodie Philosophastri sunt, is sciat se non mihi tantum adversari, sed etiam omnibus Scriptoribus tā Græcis quā Latinis recte loquētib; apud quos hoc, quod est probare aliquid univérse sive in universum, aut quod Græci καθόλου dicunt, passim usurpatum reperiretur, & eo, quo dixi, modo, non aliter nec alio modo

intelligitur. Sed jam satis dictum est de naturali & mathematica, nunc superest ut de metaphysica etiam abstractione aliquid dicamus. Hanc vero nos idecirco multo magis, quam illas superiores, falsam & mendacem affirmamus: quoniã ex superioribus illis, naturalis tantummodo dicitur considerare ea, quæ sunt non abstracta à materia, sed immersa in ea secundum rem, ut illi loquuntur, & secundum rationem. Mathematica vero speculari solum ea, quæ licet, ut illi dicunt, sint abstracta à materia secundum rationem, tamen secundum esse, in materia sunt immersa: At Metaphysica non solum secundum rationem, sed etiam secundum esse statuitur esse prorsus separata atque abstracta à materia. Quo fit ut quanto magis dicitur esse remota à singularium aut materialium rerum conditionibus, tanto magis recedat à veritate: cum, ut supra docuimus, nihil prorsus sit in rerum natura, nisi vel singulare vel multitudo singularium, sive ea singularia materialia sint sive immaterialia, & cum omnis consideratio, ut ante dixi, cujuscunque Philosophi sit, & in quacunque arte aut scientia fiat, necessario aut in singularibus ipsis, aut in singularium multitudinibus considerandis versetur, idque singillatim aut univérse sive in universum, nec ullus alius præter hos duos sit, aut esse possit verus considerandi rerum modus. Nam quod Metaphysici Græci dicunt, *ἢ ἢ ἢ*, Philosophastri autem Latini, ens inquantum ens, esse verum Metaphysicæ subiectum, & à Metaphysico solo propriè considerari: quodque affirmant istud suum ens, esse prorsus separatum & abstractum ab omni materia omnique ente singulari, & alia multa hujusmodi: Ego ad hæc omnia commentitia & mera somnia, respondeo eodẽ modo, quo paulo ante dixi, & quo supra responsum est in destruendis universali- bus. (oportet enim has responsiones non semel tantum afferri, sed multoties iterari & inculcari, ut tandem aliquando veritas, si fieri potest, in mentibus hominum hæreat, & contrariam sibi falsitatem exturbet.) Respondeo inquam omne ens mundi non falsum neq; commentitium sed verum, esse aut unum ens individuum & singulare, aut unam multitudinem entium singularium & individuorum: & præter hos duos essendi modos, nullum alium esse tertium ac verum: & rursus omnem modum considerandi rerum similiter non falsum, neq; commentitium, sed verum, fieri ac versari in rebus singularibus & individuis vel singillatim vel univérse sive in universum acceptis: & præter hos duos considerandi modos, nullum alium esse tertium, qui quidem verus sit, & non falsus neq; commentitius. Itaq; si istud Metaphysicorum ens inquantum ens, est subiectum Metaphysicæ & à Metaphysico solo consideratur, ut ipsi dicunt, necesse est ut sit aut singulare & individuum, aut multitudo singularium & individuorum, & ut consideretur aut singillatim & per se, aut univérse sive

sive in univcrsum, & si neutro modo sit, neutroq; modo consideretur, ut nullo pacto nec esse nec considerari possit. Præterea si tale ens in rerum natura esse statuat, quod neq; sit singulare neq; multitudo singularium, nec singillatim nec univcrse consideretur, oportet aut rationem aut necessitatē aliquam afferre, cur ita statuatur, aut certe confiteri illud esse penitus supervacuum & inane. Nos enim supra probavimus tale ens, hoc est, ut ipsi intelligunt, universale, prorsus nec utile nec necessarium esse, nec propter artes scientiasq; tradendas, nec propter syllogismos argumentationesq; formandas, nec propter prædicationes superiorum de inferioribus faciendas: & propterea nulla unquam ratio satis vera & idonea poterit afferri, quomobrem tale ens in quantum ens, introducendum fuisse, & non omnino falsum & vanum esse videatur. Ex quibus patet, ut ad propositum redeamus, abstractionem metaphysicam, ipsam quoq; necessariam non solum falsam, sed etiam inanem & supervacuum esse judicandam. Namque ut jam aliquoties dixi, & rursus dico, ut clare intelligar, si universalia, quæ ex abstractione tanquam ex parente fieri dicuntur, falsa & supervacua sunt, ut certe sunt, quomodo quæro ista abstractio non ipsa quoq; falsa & supervacua sit? certe nemo unquam poterit eam à falsitate & vanitate tueri, nisi defendat universalia non esse falsa & inania: nec defendere valebit universalia nisi probet ea non solum posse fieri & non esse monstrosa, sed etiā ad aliquam rem seriam agendam utilia & necessaria. Sed de abstractione physica, mathematica, & metaphysica separatim hætenus satis: nunc de omnibus communiter aliquid dicamus, & ostendamus eas etiam si utiles & necessariae essent, tamen non posse fieri. Nam si in considerandis rebus sive naturalibus sive mathematicis, sive metaphysicis, oportet eas abstrahere, ut Pseudophilosophi dicunt, quæro ab eis, ab unane tantum re singulari unius alicujus generis abstractionem istam faciant, an à pluribus, an ab omnibus: & si ab una tantum singulari respondeant, rursus quæro à qua potissimum: necesse est enim ab una aliqua, & non major ratio est ab una quam ab alia, hoc est, ab hoc ligno, exempli gratia, quam ab illo, ab hac linea quam ab illa, & deniq; ab hoc ente quam ab illo. Quomobrem ista responsio est vana, & nullam habet rationem. Quod si respondeatur, ab omnibus, non minus ridiculum & vanum erit responsum: qui enim fieri potest, ut unus & idem homo, ex tam diversis & pene innumerabilibus subiectis unum & idem lignum, unam eandemq; lineā, unum & idem ens universale considerandum, præsertim in tam parvo temporis spatio possit abstrahere? certe nemo sanus ita respondeat. Sin non ab una re, nec ab omnibus, sed à pluribus abstractionem fieri dicant, eadem erit quæstio, cur ab his potissimum & non ab aliis. Itaque quomodo eunque se vertant philo-

philosophastri, ridiculi & irrationales appareant necesse est, cum ista sua plusquam sexcenties stulta abstractione, non solum naturali & metaphysica, sed etiam mathematica. Quam etiam si concederem esse veram, non propterea tamē minus inanes & ridiculi essent existimandi, quippe qui non possent mihi reddere rationem cur lineam & superficiem, exempli gratia, magis esse res mathematicas dicant, quam colorem & sonum: nec quare illa sine materia, hæc cum materia considerari putent. Certum est enim eos, qui colores ac sonos considerant, & de eis scientiam tradunt, non id facere quatenus sunt in aliqua certa materia sive subiecto, sed generaliter in quacunque materia vel subiecto reperiantur. Id quod vel maxime ita esse cognoscitur ex definitionibus eorum: sunt enim color & sonus, ut etiam illi definiunt, duæ qualitates naturales, quarum illa visu, hæc auditu percipitur: in quarum definitionum neutra est appositae certa ulla materia, quemadmodum nec in illa quæ est rei mathematicæ, cum dicitur, longitudo est qualitas rei longæ, latitudo est qualitas rei latæ. Quod si quis dicat in definitionibus coloris & soni appositos esse duos sensus, quasi materias quasdam & subiecta, hoc est, visum & auditum: respondeo has non esse materias singulares certas, sicut nec in illis, longitudinis & latitudinis, rem longam & rem latam. Ac si idem pergat asseverare visum & auditum esse certas materias, ego quoque rem longam & rem latam certas esse materias affirmare perseverabo, nec unquam ulla sana ratione probare poterit visum & auditum magis esse aut materias simpliciter, aut materias certas, quam rem longam & rem latam. Et si respondebitur in definitione mathematicæ lineæ & superficiæ, quæ sunt, linea est longitudo sine latitudine, & superficies est longitudo & latitudo simul sine profunditate, nullam esse omnino materiam: ego quoque vicissim referam, definitionem coloris candidi, & acuti soni, omni prorsus materia carentem, cum ita dicitur, *candor* (Hæc definitio inanis est, similiter enim nigrities esset definienda: color contrarius candori, & ita oriretur Circulus.)

*est color contrarius nigritiei*, & sonus acutus est sonus contrarius sono gravi. Ex quo patet res, quas isti appellant naturales, in quarum numero sunt color & sonus, sine ulla materia certa, vel etiam sine materia simpliciter non minus considerari ac definiri posse, quam res arithmeticas & geometricas & cæteras, quas mathematicas vocant, ut nulla possit afferri ratio certa, cur linea & superficies magis quam color & sonus dicantur res abstractæ & à materia separatæ, aut omnino cur illæ magis quam hæc inter res mathematicas numerari & mathematicæ appellari debeant. Atque ita, ut dixi, etiam si concessero Philosophastri suam illam abstractionem mathematicam esse veram, tamen non poterunt reddere rationem cur res geometricas & arithmeticas magis mathematicas, hoc est, à materia per considerationem separatas dicant, quam colorem & so-

& sonum & cæteras res naturales, atq; etiam morales & civiles. Quamobrem ut dixi, quocunq; sese vertant Pseudophilosophi non possunt effugere quin tã colorem & sonum res mathematicas esse consiteantur, quàm lineas & superficies: & denique quin prorsus desipere & delirare videantur, cum sua illa plusquam sexcenties stulta abstractione, quæ neq; in contemplandis rebus divinis est necessaria, quoniam ipsæ satis per se sunt abstractæ à materia, nec ut ab ea separentur ulla intellectus nostri ope indigent: Nec in rebus mathematicis, quoniam res mathematicæ, ut considerentur eodem modo, quo naturales, nec separari à singularibus nec abstrahi, quia non possunt, sed congregari earum singularia comprehendiq; mente, atque ita comprehensa considerari, probari & demonstrari debent: Nec deniq; in naturalibus aut illis aliis, quæ considerentur à nobis, & de quibus artes scientiæque tradantur, in omnibus enim his satis superq; est comprehensio illa singularium, quam toties dixi, per intellectum, & consideratio eorum univérse, hoc est, simul & semel omnium. Hic enim comprehendendi & considerandi rerum modus jam inde à principio mundi semper fuit approbatus & usurpatus à doctissimis quibusq; viris tam Græcis quàm Latinis rectè loquentibus, non solum Oratoribus sed etiam Philosophis, cum non Pseudophilosophorum sed doctorum hominum vel Græcorum vel Latinorum more loquebantur. At ille alter modus, quo se isti res considerandas & tradendas per intellectum abstrahere & quasi prodigiose à materia separare dicunt, à nemine unquam, nisi Pseudophilosopho & linguarum corruptore fuit approbatus aut usitatus: Non à Platone, qui ponebat non universalia eo modo, quo Aristoteles, sed Ideas illas suas falsas quidem & vanas: sed multo minus falsitatis ac vanitatis quàm universalia continentes: non ab Isocrate, non à Xenophonte, non à Demosthene, non ab ullo alio Græco, quod sciam, nisi Pseudophilosopho: non à M. Tullio, non à Varrone, non à Seneca, non à Plinio, & ne omnes singillatim persequar, non ab ullo Latinorum veterum, sed nec recentiorum, nisi barbaro & Philosophiæ pseudaristotelicæ Sectatore. Quare qui rectè philosophari cupiunt, nullo pacto recipiant aut probent istas falsas & commentitias abstractions Pseudophilosophorum, sed eas rejiciant & prorsus improbent: pro certo habentes in nulla demonstratione sive probatione tam mathematica quàm physica & naturali necessariã esse istam abstractionem sophisticam: & eo plane modo considerari & probari & demonstrari res mathematicas, sicut res naturales, hoc est, comprehendendo singularia eorum univérse sive in univérsum, sive generaliter, sive cunctas simul & semel, quæ omnia idem sunt. Et denique res naturales, si modo istud, quod vocant, abstrahi, aliquid est, nõ minus esse abstractas à materia quàm res mathematicas.

Nam quæro ab istis abstractoribus, quæ ratio aut quæ causa possit assignari, cur candor & nigrities in naturalibus, cum Physicus de eis loquitur, non ita sint res abstractæ à materia, sicut linea & superficies in mathematicis? At inquirunt, linea & superficies mathematicæ, quod ad considerationem attinet, sunt sine materia & definiuntur sine materia, candor vero & nigrities & cæteræ res naturales, in materia sunt immerse, & secundum esse & secundum rationem, quia non abstrahunt, ut ipsi loquuntur, ab hic & nunc. Hæc enim est præclara illa ratio & causa, quam afferunt, cur mathematica sic vocantur abstracta, naturalia vero à tali abstractione sint aliena. Atego contra, dico istam Pseudophilosophorum rationem esse futilem & vanam, cum non minus sine materia definiiri possint res naturales quàm res mathematicæ. Nam cum ita definitur candor, ut dicatur esse color maxime contrarius nigritici, quæro in hac definitione rei naturalis, cur magis videatur esse admixta materia, quam in illa rei mathematicæ, cum dicitur, linea est longitudo sine latitudine? profecto aut utraque harum definitionum caret admixtione materiæ, aut utraque habet materiam admixtam, aut non una magis vel minus quàm altera, materiam habere dicenda est. At rursus inquirunt, definitio mathematica est sicut definitio curvi, definitio autem naturalis, sicut definitio simi: nam in definiendo curvo nulla materia necessario est adhibenda, cum id curvum vere dicatur esse, cujus medium declinat ab extremis: in definitione autem simi ex necessitate materia, hoc est, nasus ponitur, cum sinum nihil aliud sit, nisi nasus curvus. Quæ ratio tametsi speciosa, & multum veritatis colorem habere videatur, tamen est fallax & sophistica, nec per eam recte probatur abstractio mathematica esse vera. Nam quod in definitione simi non in definitione curvi apponatur materia, hoc non idcirco evenit, quia curvum sit magis abstractum, quàm simum, si quidem utrunque cum sit accidens revera est in materia, sed hoc differunt, quod *curvum nullam habet certam materiam sibi subjunctam, simum vero habet, hoc est, nasum*: atque ideo curvum cum materia certa definitur, quia

(Hoc ipsum est quod Scholastici sibi volunt et si minus commode eloquantur.)

niri non potest, quia non habet, simum vero cum materia certa definitur, quia linguarum usus & communis loquendi consuetudo eam illi proprietatem attribuerunt. Quod quamvis ita sit, tamen tam curvum quàm simum revera est materia, & à materia vel certa vel incerta, separari non potest. Præterea qui curvum definit, unam tantum rem simplicem definit, hoc est, ipsam curvitatatem, qui vero simi definitionem affert, non unum simplex definit, sed duo, sive unum ex duobus compositum, hoc est, ex naso & curvitate. Quare quid mirum si in definitione simi apponuntur duo, hoc est, accidens & materia? in definitione autem curvi, non nisi unum, hoc est, accidens? Quis enim non

videt.

videt aliam esse definitionem rei simplicis, aliam rei compositæ? certe nemo, nisi philosophaster imperitus & ineptus, & tamen propter hunc diversum definiendi modum, una res non debet dici magis abstracta & mathematica quam alia, & non curvum magis quam simum, cum utrunque æque sit in materia aut non sine materia. De naturalibus loquor & mathematicis, nam divina fateor omnino ab omni materia esse separata: nec mirum, si ex figuris mathematicis alia videtur significari sine materia ut curvum, alia cum materia ut simum: cum etiam in coloribus, quæ sunt sine dubio res naturales non mathematicæ, hoc idem usu veniat. Nam & cæsius & niger sunt colores, & tamen cæsius significatur cum propria materia, hoc est, cum oculo: est enim cæsius oculus subalbidus, niger vero sine ulla propria materia: non enim cum nigrum dicimus magis oculum significamus quam aliam quamvis rem nigram. Quocirca si Abstractores isti pergant dicere, curvum esse magis abstractum quam simum, ego quoque eadem ratione defendam nigrum magis abstractum quam cæsius esse dicendum, & quemadmodum illi curvum, sic ego nigrum inter res mathe-

(Imo spatium curvum intelligi potest, etsi sublata sint omnia corpora, corpus nigrum intelligi non potest, si sublata sint omnia corpora.)

maticas numerandum esse contendam. *Cur enim curvum magis quam nigrum in mathematicis numeretur?* æque enim nigrum sicut curvum nullam habet certam materiam sibi admixtam: æque nigrum est contrarium candido, sicut curvum recto: æque nigrum sine materia definitur, sicut curvum: ut enim curvum est figura cujus medium declinat ab extremis, sic nigrum est color maxime contrarius candori. Quæ cum ita sint, rursus quæro quonam pacto defendi potest, curvum magis quàm nigrum in rebus mathematicis esse numerandum? certe aut his omnibus respondeant oportet isti Abstractores Philosophastri, quod nunquam facere poterunt, aut fateantur omnia naturalia æque, sicut mathematica esse aut abstracta aut materiæ immersa, & abstractionem suam nihil aliud esse, nisi incram fabulam & incras gerras sculas. Sed ut totum hoc caput paucis complectar & semel finiam, dico in summa Metaphysicam esse falsam, quia est de ente in quantum est ens, hoc est, de subjecto omnium universalissimo, & propterea falsissimo: si quidem, cum universalia dialectica falsa sint: & quanto aliquid est universalius, tanto est magis falsum, necesse est ens universalissimum esse omnium falsissimum. Partim quia ens in quantum ens, sive ut Græci dicunt, *ὅν ἢ ὅτι*, aut ita intelligendum est, ut significet omnia entia singularia universe sive in universum sumpta, & sic non possit esse subjectum Metaphysicæ, aut nihil verum, quod intelligi aut mente humana percipi possit, significet, ut necesse sit Metaphysicam sine subjecto ullo saltem vero semper remansuram.



cesserit propior, tanto cum fore magis verum, integrum & perfectū Oratorē. Qui enim de quacunq; re scribunt perfectissimam ejus rei formam animo concipere & scriptis suis exprimere conantur, id quod fecit in Oratore Cicero. Quod si res non tales postea in hominibus reperiuntur, quales in libris doctissimorum hominum sunt expressę, nulla est Scriptorum culpa, sed naturę rei, quę fortassis tam est difficilis & ardua, ut vires & humanam superet facultatem. Cum vero non Oratoriam nec Rhetoricen, sed Logicen dicimus, similiter intelligi volumus de ista, quę nunc est in usu, falsa & barbara, & à nobis partim ante refutata, partim infra refutanda: quam falsissime & perversissime Logicam appellant, cum nihil sit, nec esse possit magis contra *λογος*, hoc est, non solum cōtra rationem, sed etiam contra cōmunem omnium recte loquentium sermonem: De ista inquam cum Logicen dicimus nequaquā intelligi volumus, sed de illa vetere & vera, quam Antiqui illi, quos supra dixi, ante Aristotelem una cum Physica, & Ethica tertiam Philosophię totius partem fecerunt, & ei hoc officii ac numeris dederunt, ut sola intra suos terminos, & quasi cancellos, contineret ac complecteretur omnia pręcepta ac documenta, quę pertinerent ad bene loquendum, differendum, disputandum, & deniq; ad bene dicendum de omnibus quęstionibus ac materiis mundi, tam infinitis ac thesibus quam finitis & hypothesibus, tam physicis & politicis quam oratoriis & propriis suis, tam in scholis philosophorum & in conventu doctorum hominum quam in judiciis, in senatu, & apud populum: & omnino corā quibuscunque auditoribus sive discipuli sint sive cujuslibet alterius generis. Et præterea cum quibuscunque argumentis & argumentationibus, nō modo in soluta & perpetua oratione, sed etiam in versu, & per interrogationē responsionemq;ue. Has inquam omnes partes Antiqui illi Logicę suę assignaverunt, hoc est, ut comprehenderet & contineret intra fines suos omnia illa pręcepta & documenta, quę dixi, & ea suppeditaret ac subministraret omnibus Physicis, Politicis, Medicis, Jurisconsultis, Historicis, Poetis, Grammaticis, Astrologis, Geometris, Arithmeticis, Musicis, & in summa omnibus aliis professoribus artium & scientiarum aliarumq; rerum: idq; sive sermonem habituri & verba facturi de quavis re laudabiliter essent, sive scripturi aliquid lectu dignum, & monumentis literarum nō omnino inculte & barbære, cogitationes suas mandaturi. Hęc est inquam tertio vera, justa, propria, legitima, & integra professio atque possessio totius oratorię facultatis, quam ei concesserunt & assignaverunt primo Veteres illi, quos ante dixi: deinde M. Tullius, ut dixi, in Oratore, & de Oratore: & Quintilianus in secundo oratoriarum Institutionum: Et post omnes ego quoque, si quid est in me potestatis & autho-

ritatis concessionem & assignationem hâc totis viribus meis approbo atq; cōfirmo. tanquam justam, utilem, & necessariam omnibus, qui recte in literas incumbere, & vere philosophari cupiunt. Quæ quidem approbatio & confirmatio si recte fit à nobis, ut certe fit, jam satis patet, opinor, Oratoriam non posse non esse artem generalem & universalem: ut pote, quæ primum sub se continet Grammaticam tãquam eloquendi sive elocutionis, hoc est, tertii officii sui partem primam. Est enim Grammatica, cujus proprium est docere emendate loqui: elocutionis Rhetoricæ pars prima: nunquam enim perfecta esse potest elocutio, nisi ante omnia sit emendata: Elocutio autem officii rhetorici pars tertia. Quare necesse est Grammaticã sub Oratoria tanquam partem partis suæ contineri. Atque hoc pacto Oratoria, ut dixi, sub se continet primo Grammaticam, deinde omnes alias artes & scientias & scriptiones cujuscunq; generis, modo non omnino malas, verum aliqua laude dignas, sed diversa ratione. Nanque Grammaticam sub se comprehendit, tanquam partem officii sui, hoc est, bene dicendi: nemo enim, ut dixi, potest bene dicere, nisi emendate dicat. Sed dubitet fortasse aliquis, si ita est, cur ergo in Rhetoricis libris præcepta Grammaticæ non traduntur? respondeo una cum Quintiliano, quia cum proprium Oratoris officium sit bene dicere, bene autem dicendi pars prima sit, emendate loqui. Rhetores & dicendi præceptores partem illam docendi, quomodo fiat emendata locutio, tanquam magis molestam & minus honorificam ad Grammaticos veluti ministros suos rejecerunt, & sibi retinuerunt partes præcipiendi & docendi, quo pacto copiose, ordinate, ornate, venuste, & memoriter, hoc est, ut hæc omnia duobus verbis complectar, benedicatur. Atque hac de causa, in Rhetoricis libris de emendate loquendo, vel nulla vel pauca admodum repertiuntur præcepta: sed non propterea tamen minus hæc quàm illa ad Oratorem pertinent. Ex quo patet Oratoriam & Grammaticam, licet ambæ versentur in eadem materia, hoc est, in omnibus rebus mundi, tamen differre inter se, eo quod Oratoria est quasi totum, Grammatica pars illius: Oratoria continet, Grammatica in ea continetur: Oratoris officium est bene dicere, Grammaticæ autem emendate loqui, quæ est pars prima & tanquam principium bene dicendi. Unde quidam nō ineleganter definiētes utranque κατ' ἀναλογίαν dixerunt Grammaticam esse Oratoriam nascentem, Oratoriam vero Grammaticam jam adultam & natu grandiozem. Hanc igitur, quam dixi, ob causam Oratoria primum sub se continet Grammaticam tanquam partem primam officii sui, deinde etiam reliquas omnes artes & scientias & scriptiones similiter quidem sibi subjicit: sed non ut partes officii rhetorici, quemadmodum Grammaticam, sed ut earum una quælibet totius

totius materiæ Rhetoricæ, hoc est, omnium rerum mundi, pars una est : De omnibus enim artibus & scientiis & scriptionibus tanquam de materiis & subiectis suis bene loqui & dicere debet Orator. Nec ulla est aut esse potest oratio aut scriptum recte factum, siue id sit artis aut scientiæ aut cuiusvis alterius rei, in quo non Oratoria jure suas sibi vendicet partes, hoc est, artificia procemiorum, narrationum, divisionum, definitionum, argumentorum, argumentationum, & omnino omnium confirmationum, & confutationum, & conclusionum, aliorumq; similium, vel faciendorum vel inveniendorum, siue ea arte siue natura fiant vel inveniantur. Hæc enim omnia Oratoriæ propria sunt officia, & Oratores ea suo jure sibi vendicant, reliqua vero omnia, quæ in eisdem artibus & scientiis & libris continentur, qualia sunt res gestæ in monumentis historiarum, vita & mores hominum in libris moralibus, documenta gubernandæ reip. in scriptis politicis, præcepta medendi in libris Medicorum, dogmata rerum naturalium in voluminibus physicis, percepta Arithmeticæ & Geometriæ in libris Mathematicorum, & alia pene infinita hujusmodi, quæ in scriptis aliorum Authorum leguntur, non amplius ad Oratoris officium pertinent, nec Oratoriæ propria sunt, sed aliarum artium & scientiarum & scriptionum. Unde omnia fere scripta lectu digna, & omnes Scriptores probati, cuiuscunq; generis sint, duo jure sibi vendicant nomina: unum privatum & particulare, alterum commune & generale. Privatum nomen est, quod à sua quisque arte aut scientia aut scriptione particulari sibi invenit : ut nomen Medici vel medicinalis à Medicina, nomen Physici vel naturalis à Physica, nomen politici à Politica, nomen Jurisconsulti à Jure civili, nomen Architecti ab Architectura, nomen Musici à Musica, & similiter aliorum quorumcunq; artificum de sua cuiusq; arte & facultate docte loquentium vel scribentium, privata & particularia nomina. Commune autem nomen est, quod à communi omnium & generali arte omnes sibi acquirunt, hoc est, ab Oratoriæ atq; ita omnia cuiuscunq; generis dicta vel scripta, in quibus pronuntiandis vel legendis apparent Oratoriæ artis præcepta servata, vere & sunt & appellantur oratoria : & similiter Scriptores illorum quatenus præcepta illa in dicendo vel componendo servarunt, vere & sunt & nominantur Oratores. Atque hoc modo, quo dixi, & non aliter intelligendi sunt Cicero & Quintilianus, cum identidem dicunt & quasi clamant, omnes res mundi tanquam subiectum & materiam, oratoriæ facultati esse subiectas, & Oratorem suæ & propriæ facultate de omnibus mundi rebus disputare posse. Quod ideo sæpius jam diximus, & multis in locis repetivimus, ut aliquando si fieri potest, tollatur & de mentibus hominû extirpetur falsissima illa opinio pseudophilosophorû:

qui

qui putant Dialecticam & Grammaticam esse duas artes à Rhetorica separatas, atque etiam, si Diis placet, qui affirmare audent Rhetoricam Dialecticæ esse partem, vel ut Aristoteles dicit *ἡ ῥητορικὴ μέρος τῆς διαλεκτικῆς*: quod non aliter est falsum & absurdum, quàm si quis diceret, aurum esse partem ferri, aut lucem tenebrarum. Sic igitur generaliter constituta amplissima quasi jurisdictione & imperio totius oratorix facultatis, nunc super est, ut assignemus eidem suas & proprias omnes partes principales, quæ sumuntur partim à materia ejus, partim ab officio: atque à materia dupliciter, hoc est, aut à genere materiæ, aut à qualitate materiæ. A genere materiæ, quæ sunt omnes res mundi, quatuor sumuntur partes, quæ vocantur genera, ut genus Demonstrativum, genus Deliberativum, genus Judiciale, genus Philosophicum. Demonstrativi generis officium est, laudare vel vituperare: Deliberativi, suadere vel dissuadere: Judicialis, accusare vel defendere in causis capitalibus, in pecuniariis petere vel recusare: Philosophici, præbare vel reprobare. Item Demonstrativi generis finis est, honestas vel turpitudine: Deliberativi, utilitas vel inutilitas, cum honestate vel turpitudine; Judicialis, æquitas vel iniquitas: Philosophici, veritas vel falsitas. Partes vero à qualitate materiæ sumptæ sex sunt, quæ similiter appellantur genera, ut genus honestum causæ, genus turpe, genus dubium, genus humile, genus obscurum, genus admirabile, sive præter opinionem, quod Græci *παράδοξον* vocant. Postremo partes, quæ nec à genere nec à qualitate materiæ ducuntur, sed ab officio, quod est bene dicere, quinque sunt, hoc est, bene invenire dicenda, bene disponere inventa, bene eloqui tam inventa quam disposita, bene pronuntiare omnes superiores partes, & ad extremum bene recordari. Unde illæ nemini non notæ Rhetoricæ partes quinque inventio, dispositio, elocutio, pronuntiatio, & memoria: & rursus aliæ sex partes ex subdivisione Inventionis orientes, quæ sunt, exordium, narratio, divisio, confirmatio, confutatio, & conclusio. Ad hæc præter eas, quas supra diximus, rhetoricas partes tam principales quam secundarias, sunt etiam aliæ quædam ex divisione quæstionum & constitutionum emergentes. Quæstionum enim primo aliæ sunt consistentes, aliæ inconsistentes, hoc est, quæ non consistunt nec in judicium aut disputationem possunt venire: ex consistentibus vero, quæ sunt contrariæ inconsistentibus, hoc est, quæ habent rationes ad utramque partem probabiles, & in judicium disputationemque venire possunt: ex his inquam communiter à Rhetoribus fiunt quatuor constitutiones sive status rhetorici, conjecturalis, definitivus, generalis & translativus. Quos qui cognoscere cupit diligenter traditos & explicatos, una cum omnibus aliis partibus supra dictis, is legat vel Hermogenem vel Ciceronem vel Trapezuntium apud

apud quos hæc omnia copiose scripta reperiuntur.] Nos tantummodo capita partim rhetoricarum hoc loco recensenda putavimus, ut admoneremus Lectores recte philosophandi cupidos, earum, partim, quæ à quibusdam oratoriarum arti iniquissime fuerunt vel prorsus ademptæ, cum revera essent illius propriæ, vel corruptæ & perversæ, cum ab Antiquis recte fuissent institutæ, vel denique additæ cum oratoriæ obsint non parum, vel certe non multum profint. Primum igitur dicimus in assignatione primorum generum, hoc est, demonstrativi, deliberativi, & judicialis ab Aristotele primum, deinde ab omnibus aliis, qui eum secuti sunt, non recte prætermisum fuisse genus philosophicum, cum non minus quam reliqua tria proprium & germanum sit Oratoriæ. Non quidem fortassis illius, quæ tantum in foro & causis civilibus versatur, nam illam nos quoque fatemur imperfectam esse: sed hujus de qua nos in præsentia loquimur, quæ ab Antiquis illis ante Aristotelem primum fuit instituta & cum sapientia conjuncta, deinde à Cicerone & Quintiliano confirmata. Sic ut quicumque separat ac removel genus causæ philosophicum ab Oratore, is statim sapientiam ab eloquentia, & ut recte inquit Cicero, quasi cor à lingua, & pectus ab ore dilacerat. Atque ideo recte quidam ex neotericis hominibus doctis, in quibus est Philippus Melancthon in prima partitione generum rhetoricorum, ad cætera tria genera etiam genus philosophicum addiderunt, videlicet, additione illa, significare volentes tractationem questionum philosophicarum ab Oratore perfecto, hoc est, qui sapientiam cum eloquentia jungit nequaquam esse alienam. Deinde asserimus & affirmamus Inventionem rhetoricam, quæ est una & prima pars officii oratorii, maxime propriam & germanam esse Oratoris, & non alterius cujuscunque artificis, cum si rationem inveniendi ab Oratore auferas, cui nam quæso rei cæteras officii sui partes adhibebit? quid disponet? quid eloquetur? quid pronuntiabit aut recordabitur? At inquirunt, rerum inveniendarum præcepta à Dialectico cujus sunt propria, mutabitur Orator: sic enim ait Rodolphus Agricola in secundo de Inventionem Dialectica libro, Cap. XVIII. ô pudendum Rodulphe erratum tuum, ô sententiam non rationibus & argumentis, quia non meretur, sed risu & cachinatione refutandum: ergo ex sententia tua, ô Rodulphe, Orator à Dialectico, hoc est, disertus à barbaro, doctus ab indocto, verus à falso, vere eloquens à garrulo & loquaci præcepta inveniendi mutabitur? Equidem cum caput illud tuum nonnunquam primo occursum lego, vix credere possum à te fuisse scriptum: sed postea desino mirari, cum reliquos non paucos errores tuos considero, & inter alios illum, quod librum illum tuum potius de Inventionem Dialectica, quam de Inventionem Rhetorica vel Oratoria inscribendum

Mm

putasti.

putasti. Nam in ipso statim libri principio tam graviter tamq; turpiter errasti ut nec gravius nec turpius quicquam potueris errare: scilicet inventio rerum dicendarum ab Oratore arido & jejuno, ad Dialecticum copiosum & abundantem transferenda est. Id quod tu vidcris sensisse, & quantum in te fuit iudicasse: Burleum & Paulum Venetum fuisse meliores rerum dicendarum inventores, quam Demosthenem & M. Tullium. Dixi autem Burleum & Paulum Venetum præcipue, non ut eos irriderem, qui si Dialectica illa sua, quam didicerant, esset vera, jure essent laudandi & inter homines doctissimos connumerandi, sed ut ostenderem cæcitatem & perversitatem judicii tui, qui in tantis tamq; manifestis erroribus Dialecticæ tuæ, à nobis supra refutatis & infra refutandis, ne unum quidem unquam videris animadvertisse, & ex sententia tua rationem inveniendi ab Oratore auferens, cogis Oratores de quavis re dicturos à Dialecticis suppliciter petere præcepta rerum inveniendarum. O

(Aliud est hominem ab homine, aliud artem ab arte sua mutuari.)

egregium & præclarum spectaculum, si quis videret aut Demosthenem genibus flexis petentem à Chrysippo, aut M. Tullium rogantem à Burleo ut se doceret quonam pacto ex locis crueret argumenta, & qua ratione syllogismos cæterasq; argumentationes conformaret. Quod spectaculum profecto, si verum esset, quod tu in fronte libri tui posuisti, o Rodulphe, & quod rursus in eo, quod supra citavi capite, repetivisti, nobis necessario esset videndum: sed falsissimum est, quod tu non solum sensisti, sed etiam monumentis literarum mādare non erubuisti. Itaq; nos melius contra atq; tu fecisti, Inventionem quam tu iniquissime ab Oratore removeras, Oratori jure optimo restituiimus, tanquam artifice vero utili & necessario: & Oratoriam, quam tu indignissime de possessione detruseras, tanquam artem verā, utilē & necessariā, in suā veterem & legitimā reducimus possessionem. Neque solum hoc facimus, sed si qua in nobis est autoritas, tanquam legislatores veritatis, sancimus Dialecticā maxima ex parte, tanquam falsā, inutilem & supervacuā, aut Oratoriz partem esse, videlicet, ex ea parte, qua verum dicit, aut certe ex omni artium & scientiarum numero ejiciendam, ut ante dixi. Atque hoc modo nos genus causæ philosophicum, ab Aristotele non recte prætermissum, reliquis tribus generibus, hoc est, demonstrativo, deliberativo, & judiciali addimus, & Oratoriz restituiimus. Inventionem vero, quam Agricola ab Oratore removerat, non solum Oratori reddimus, sed etiam auferimus à Dialectico, qui eam per spatium annorum paulo minus duum millium contra jus ac fas tenuerat occupatam. Præterea cum inter partes oratoriz inventionis, ut supra diximus, sit una, quæ dicitur divisio: & inter status rhetoricos unus, qui vocatur definitivus: & inter argumenta ad probandum unum, quod appellatur, à divi-

à divisione, alterum à definitione: iterum dico & affirmo si officia dividendi, definiendi, & probandi vere ad Oratores pertinent, ut certe pertinent, præcepta omnia dividendi, definiendi & probandi quacunq; in materia & subiecto propria esse Oratoris, & non alterius cuiuslibet artificis, & proprie ab Oratoribus petenda, non à Dialecticis. Idque non solum, ut dixi, quia propria sunt Oratorum: sine præceptis enim dividendi, definiendi, & probandi, non possunt nec proponere dicenda per divisionem, nec tractare constitutionem definitivam, nec argumentari modo à divisione rei, modo à definitione: sed etiam quia Rhetorica sive Oratoria, cum sit ars vera, veras tradit omnium eorum quæ dicta sunt, faciendorum rationes. Dialectica vero & Dialectici maxima ex parte vel falsas, vel inutiles, vel supervacuas. Primum enim, præcepta dividendi Dialecticorum fere non possunt esse vera, quia cum quicquid dividitur, sit, ut supra diximus, totum vel continuum vel discretum, & majore ex parte argumenta dividendi sumantur à toto discreto, hoc est, à genere: ipsi quædam tota, & quædam genera, universalia introduxerunt, quæ non sunt in tota rerum natura, saltem vera, nec esse possunt, ut ante monstravimus. Quod cum ita sit, qui possunt obsecro Dialectici vera dividendi præcepta tradere? cum id, quod subinde dividendum est, non sit verum? Præterea quomodo me Dialecticus docebit definire, aut argumentari vel à divisione vel à definitione? cum majore ex parte divisiones ejus, & definitiones sint falsæ? ut divisio illa transcendentium in sex partes, & illa entis in decem prædicamenta, à nobis supra refutata? & rursus definitio illa generis, speciei, differentiarum, proprii, cæterorumque à Dialecticis falsò definitorum: & rursus illa nominis, verbi, & orationis, quas in sequenti capite refutaturi sumus. Profecto valde mirum est, quomodo isti Pseudophilosophi sint tam impudentes & importuni, ut audeant polliceri se tradere aliis præcepta faciendæ, quæ ipsi facere nesciunt. Sed de præceptis argumentorum inveniendorum, & argumentationum faciendarum, quæ Dialectici vel falso inutiliterque tradunt, vel ab Oratoribus iniquissime surrepta, pro propriis & suis usurpant, postea dicemus in Quarto Libro: Ubi & ea, quæ à Dialecticis de argumentationibus & argumentis perperam fuerunt tradita, corrigemus vel refutabimus, & ea, quæ iidem ab Oratoribus furtim & malitiose surripuerunt, ipsis dominis & veris possessoribus curabimus restituenda. Nunc si pauca etiam addiderimus de veris nominis, & verbi, & orationis definitionibus nostris veris, & de falsis ab Aristotele traditis in sequenti capite, finem simul & huic Tertio Libro, & Logicæ ei, quam Veterem vocant, imponemus.



## CAPUT NONUM.

*De definitionibus nominis & verbi & orationis Grammaticorum veris, & Pseudophilosophorum falsis, & de aliis, quæ ab Aristotele falso vel inutiliter in libro Περὶ ἰσχυρίων traduntur.*

**I**Am tandem aliquando post multas digressiones pervenimus ad ultimam partem Dialecticæ sive Logicæ ejus, quàm Philosophastri barbari, veterem vocant, nos vero non veterem, sed novam potius & veteratorem, censemus appellandam. Cujus duas partes priores, hoc est, librum Porphyrii Prædicabilem, ut vocant, & librum Prædicamentorum Aristotelis, pene totas ostendimus esse vel falsas, vel inutiles, vel supervacuas. Nunc superest postrema pars, hoc est, liber Περὶ ἰσχυρίων, qui ut recte scribit Ludovicus Vives in libro tertio de causis corruptarum artium, magna ex parte Grammatici est potius quàm Dialectici officii: Nam cujus est dicere, quid nomen sit, quid verbum, quid pronuntiatum, quid universale, quid singulare, nisi Grammatici? Quod vero subjungit Vives, idcirco Aristotelem ea, quæ ad Grammaticam pertinerent, tradidisse in Dialecticis, quia Grammatica tempore suo non esset inventa, non est verum: Grammatica enim ante Aristotelem, atque etiam ante Platonem inventa fuerat, ut eorum uterque testatur, multam ejus in scriptis suis mentionem facientes: sed Aristotelis hoc fuit peculiare vitium, de ut eisdem rebus sine ulla consideratione, & prorsus supervacue multis in locis differeret. Nam de substantia, de qualitate, de quantitate, de multis aliis in Dialecticis & Metaphysicis verba fecit: & rursus de nomine & verbo in Rhetorica, in Poëtica, in Dialectica scripsit: Ut mirum sit, quid in mentem venerit illi homini tot in locis de una & eadem re pertractare, præsertim sine ulla necessitate. Nam quod aiunt, illum quidem de eisdem rebus diversis in locis scripsisse, sed in aliis alio modo: nempe de rebus, in Metaphysica prout sunt, in Dialectica prout verbis significantur: item de nomine & verbo differuisse, & ea definivisse, ut sunt accommodata, in Dialectica ad faciendam propositionem, in Rhetorica ad componendam orationem, in Poëtica ad pangendos versus. Sic enim quidem Pseudophilosophi conantur reddere rationem, cur Aristoteles de eisdem rebus diversis in libris & artibus scripserit: quibus ego quoque vicissim respondeo, omnes istas rationes, quas

quas afferant, esse vanas & inanes, ut etiam ostendimus supra in hoc eodem libro cap. V. Nemo enim, nisi barbarus & imperitus Philosophaster, ita loquitur, ut dicat vel sic Metaphysica considerat res prout sunt, sed ita tantum, Metaphysica considerat res, eo quia etiam si non addatur, prout sunt, id tamen subintelligitur. De rebus enim, prout non sunt, nemo nisi stultissimus, considerat: vel sic, Dialectica considerat res prout verbis significantur, sed ita tantum, Dialectica considerat verba, à quibus etiam si id non dicatur, tamen res intelliguntur significari: cum de verbis, à quibus nulla res significantur, nemo, ut dixi, consideret: nisi forte Dialecticus aliquis ter fatuus & ineptus, qui & secundarum substantiarum & universalium voces considerat, quæ nullius prorsus saltem veræ ac solidæ rei habent significationem. Præterea nullius alterius artis aut scientiæ, proprium est considerare nomina & verba, quid sint & quomodo definiantur, nisi Grammaticæ, quæ idem nomen & verbum, eodem modo generaliter definitum accomodat omnibus aliis artibus & scientiis ad diversa officia, neque propter diversitatem eorum officiorum variatur definitio nominis & verbi à Grammatico tradita. Itaque rationes istorum, quibus conantur excusare Aristotelem, quod de eisdem rebus diversis in locis disseruerit, sunt, ut dixi, vanæ & inanes: neque Aristoteles eis recte à vitio defenditur, præsertim cum ipsemet in Metaphysicis scribat, ut ante dixi, Grammaticæ unius esse contemplari omnes voces: quod cum ita sit, cur aut Dialecticus, aut Rhetor, aut Poeta definitionem nominis & verbi, ad se non pertinentem, tradat? Sed concedamus Aristoteli Dialectico, Rhetorico, & Poetico etiam sine ullo vitio potuisse definire nomen & verbum, nec in ejus definitiones nimium scrupulose inquiramus, si tamē recte utriusque definierit. Quare parumper videamus, utrum nomen & verbum à Grammaticis an ab Aristotele & à cæteris Philosophis rectius fuerit definitum, & qui rectius definivisse reperientur, ad eos definiendi nomen & verbum fateamur proprie officium pertinere. Nomen, inquiunt Grammatici, est pars orationis declinabilis per casus sine tempore, verbum est pars orationis declinabilis per modos & tempora sine casu: Philosophi vero ita definiunt, nomen est vox significativa *κατὰ ὁμοῖον*, cujus nulla pars separata aliquid significat, Verbum est quod tempus adsignificat, cujus nulla pars significat separata. Sic inquam & Grammatici & Philosophi suas utrique nominis & verbi definitiones afferunt, sed diversas, in quibus à Grammaticis loco generis ponitur, pars orationis, non vox, ut à Philosophis, eo quia omne nomen & verbum, revera est in duobus generibus, in genere partium orationis proximo, & in genere vocum remoto. Primum enim omne nomen & verbum est pars orationis, deinde omnis pars

orationis est vox, non contra, ut vox sine dubio sit genus remotius à nomine & verbo quam pars orationis. Atque ita apparet philosophos in definitione nominis & verbi minus recte appoluisse vocē loco generis, eo quia est genus remotius, Grammaticos autem rectius addidisse partem orationis, tanquam genus propinquius, & eo magis quia nomē & verbum à Grammaticis proprie & primo considerantur ut partes orationis, & ad orationē faciendam accommodatæ, non ut voces, nisi improprie & quasi secundo. Namque ut voces sunt, non tam ad Grammaticos quam ad philosophos naturales pertinere videntur: ut si ita dicatur, nomen & verbum esse voces, hoc est, percussiones aeris, indissolutas usque ad auditum. Sic enim non Grammatici sed philosophi res suas definire solent. Cæteræ vero partes, quæ in definitione nominis & verbi à Grammaticis ponuntur, distinguunt ea vel inter se vel ab omnibus aliis partibus orationis, ut nemo nescit, nisi qui nullam unquam didicit Grammaticā, aut si didicit, postea quā cœpit dare operam Dialecticis, dedidit totam. Quæ vero apponuntur à Philosophis, prorsus vel nihil distinguunt, vel male distinguunt, nam esse significativum, non videtur convenire, & esse proprium omnibus nominibus & verbis: ut si ita dicatur, Blytiri & Blytirare sunt nomina nihil significantia. Quibus in locutionibus certe blytiri & blytirare sunt nomina, eo quia utrumque est suppositum in oratione vera & perfectā, & tamen nihil significant: *κατὰ συνθήκην* vero quæ est tertia particula ab Aristotele addita, hoc est, ex consensu sive ex instituto, ea nihil aliud efficere videtur, nisi refutare opinionem Platonis in Cratilo, qui nomina non *κατὰ συνθήκην*, ut Aristoteles, sed *κατὰ φύσιν*, hoc est, ex natura, constare existimabat, ut *κατὰ φύσιν* & *κατὰ συνθήκην*, sint contraria: sed nomina revera constant, neque omnia ex natura, ut Plato voluit, quoniam pleraque ex hominum consensu atque arbitrio imponuntur: neque omnia ex consensu, ut placuit Aristoteli, quia multa reperiuntur ex natura ipsa rei ducta, ut murmur & sibilus, sive ut Græci dicunt, *τοὐ θορυμῶς*, & *φλισβός*, in quibus proferendis quasi naturam ipsam imitari videmur. Sicque nec Plato de nominum impositione recte sensit, nec Aristoteles in definitione nominis recte Platonem voluit refutare. Ut omittam interim hanc definitionis nominis particulam ab Aristotele aliter in Dialecticis, aliter in Poetica fuisse traditam: in Poetica enim non *κατὰ συνθήκην* scriptum est, sed *συνθετὴν*, quasi dicatur, composita, vel ut alii exponunt aliis quibusdam modis. Quam ad diversitatem Vincentius Madius Poeticæ Aristotelis Interpretes doctissimus, super eo loco multum laborat, & multa dicit, ne Aristoteles ipse sibi super ejusdem rei definitione contraria dixisse videatur, sed nihil agit, quia dum locū illum corrigere licet ingeniose

nititur,

nititur, tamen non videt Aristotelem ob adjectionem illius particulæ vehementer esse reprehendendum. Nam si vere nomen esset vox significans *κατὰ φυσικὴν*, sequeretur nullum nomen significare *κατὰ φύσιν*, quod est non solum contra Platonem, sed etiam contra veritatem & communem experientiam. Sed neque illud, quod in fine definitionis nominis & verbi ab Aristotele adjungitur, hoc est, cujus nulla pars separata aliquid significat, magis rectum quam superiora. non enim per illam caudam oratio recte separatur à nomine & verbo, ut nugantur Dialectici, eo quia oratio revera est, non vox significans sed voces significantes, atque ideo definienda est non sic, ut Dialectici faciunt, oratio est vox significativa cujus pars aliqua separata significat. sed sic, oratio est vorum compositio vel explicita vel implicita, cōgruam perfectamque sententiam significans, quemadmodum Grammatici recte definiunt, ut per compositionem vocū oratio satis distinguatur à nomine & verbo, & nihil necesse sit addere, cujus nulla pars separata aliquid significat, ut imperite putavit Aristoteles, aut quicquam aliud, ut inepte existimavit Mercurius ille Major in Grammaticis institutionibus suis, qui in definitione dictionis, cum dixisset, quemadmodum Aristoteles Dictionē esse vocem significativā cujus nulla pars significat separata, & videret sibi posse objici de dictione cōposita, tanquam responsurus tacitæ objectioni addidit, composita tamen semper excepta. Sed quæ (malum) ô Mercuri, est ista additio tua? cur non definiebas dictionem more cæterorum Grammaticorum? & istius additionis nihil eguisses sed scilicet maluisti cum Aristotele Dialectico errare, ut postea te corrigeres quam cum Grammaticis tuis bene sentire. Ex quibus omnibus patet non solum nomen & verbum, sed etiam orationem à Grammaticis longe melius quam ab Aristotele & ab omnibus philosophis fuisse definitam, & falsissimum esse id quod scribit *Cæsar Scaliger in libro de Causis lingua latina*, dicens, nihil esse infelicius Grammatico definitore: immo vero contra ego tibi narro Scaliger, nihil esse stolidius Dialecticis tuis, non solum suas, sed etiam alienas res, ut ita dicam, definiturientibus: si quidem Priscianus Grammaticus nominis, & verbi, & orationis definitiones attulit meliores, quam Aristoteles Dialecticus. Quod vero post definitiones nominis, & verbi, & orationis, Aristoteles assignaturus differentiam enuntiationum sibi sumit, tanquam verum & concessum: rerum alias esse universales, alias particulares, ac universalem rem eam esse, quæ de pluribus apta nata est dici, particularem vero quæ non: ut homo quidem universale sit, Callias vero particulare: ea sumptio & falsissima est, & à nobis ante refutata, cum universalia refutavimus. Quare & si fateor, propositionum alias universales esse, alias particulares, quia esse

esse universale & esse particulare vocibus & orationibus recte tribuuntur, nō tamen eodem modo res alias esse universales alias particulares concedo: propterea quod nulla talis universalitas, qualem Aristotelem vult, in mundo reperitur nisi falsa, & ut ita dicam, chimærica. De enuntiationibus autem tam affirmativis quam negativis, tam universalibus quam particularibus, & si Aristoteles alioqui vera tradat, non tamen ejus traditio probanda est, quia est extra locum suum proprium, hoc est, extra Grammaticam. Hæc enim puer sive adolescens, dum Grammaticis adhuc imbuitur, discere debet, quæ ulque adeo non sunt difficilia, ut etiam sine traditione naturaliter possint intelligi. Atque haud scio an illud etiam sit verius, hæc melius per se ipsa quam ab aliis tradita cognosci, & subtiliore traditione obscuriora fieri. Deinde quia si non pertineant ad Grammaticam, tamen à Rhetoribus multo justius quam à Dialecticis usurpantur. Rhetorica enim est ars vera, quæ habet materiam, officium & finem proprium: Dialectica vero, ut ante monstravimus, nec materiam, nec officium, nec finem ullum proprium habet, & propterea nullum inter artes locum sibi reperire potest. Quod si necessitatem cognitionis enuntiationum respicere volumus, profecto hæc non minus, atque adeo multo magis Oratori quam Dialectico necessaria est. Quid enim? putamus Oratorem sine cognitione enuntiationum tam aientium quam negantium, tam universalium quam particularium posse argumentari & cōcludere? aut omnino confirmare ac refutare quicquam? minime gentium. Et tamen Rhetores nullo in loco de hujusmodi enuntiationibus tractare reperiuntur, saltem ita scrupulose & anxie, ut Aristoteles facit: cur ita? quia putarunt eas apud Grammaticos etiam sine præceptore aliquo, per se posse disci: & omnino esse faciliores ad cognoscendum quam ut præceptis ullis egerent. Quare idem quoq; facere debebant Dialectici, hoc est, hanc enuntiationum doctrinam, aut Grammaticis tradendam relinquere & ab illis discere, aut certe per se eam percipere, quæ ad percipiendum, vel nullam vel certe modicam haberet difficultatem. Possem hic quoq; multa alia, quæ ab Aristotele dicuntur in hoc libro refellere, ad ostēdendū istam nominis & verbi & enuntiationū doctrinā esse partim falsam, partim inutilem, partim supervacuum, sed quod ad propositum nostrum attinet, hæc quæ dicta sunt, satis esse videntur. Non enim omnia persequi proposuimus, sed tantum recte philosophandi studiosis principia vera confirmare, falsa autē refutare, eaq; non omnia, sed tantum, quæ majoris alicujus momenti sint. Nam reliqua ex his, quæ diximus, unusquislibet per se, vel mediocriter doctus facile poterit intelligere.

FINIS LIBRI TERTII.



# MARII NIZOLII BRIXELLENSIS

De veris Principiis, & vera ratione Philosophandi,  
contra Pseudophilosophos, & simul de falsis eorum  
principiis.

## LIBER QUARTUS.

### CAPUT PRIMUM.

*De utilibus & veris argumentis, deque utili & vero eorum  
tam tradendorum quam usurpandorum modo, contra par-  
tim falsam, partim inutilem ipsorum doctrinam ab Aristo-  
tele traditam in libro Topicorum.*

**H**Uc usque in superioribus tribus libris tradidimus plurima recte phi-  
losophandi principia nostra vera, & totidem Pseudophilosopho-  
rum falsa refutavimus: sed majore ex parte pertinentia utraque ad  
eam Dialecticæ sive Logicæ partem, quæ à philosophastris *Logica*  
*vetus*, à nobis autem *veteratoria* rectius appellatur, & tota constat ex libro  
prædicabilem, ut vocant, Porphyrii, ex libro prædicamentorum Aristotelis,  
cum Antepædicamentis, & Postpædicamentis, & denique ex libro, qui *ἐπιαντικὸς*  
*ἐπιαντικὸς* inscribitur. Nunc superest ut tradamus etiam ea principia, non so-  
lum nostra vera sed etiam Adversariorum falsa, quæ non amplius ad veterem  
illam sed ad novam hanc &, ut verius loquar, ad vanam & alogam Logicam  
pertinent, constantem totam ex libris Aristotelicis Priorum Analyticorum,  
Posteriorum Analyticorum, Topicorum, & Elenchorum. Et quemadmo-  
dum supra reddidimus oratoriæ facultati primo genus causæ philosophicum;  
quod Aristoteles tanquam ad Oratores nihil pertinens in divisione generum  
Rhetoricorum, non recte sed malitiose prætermiserat. Deinde primam officii  
rhetorici partem, hoc est, inventionem, quam nonnulli etiam doctissimi viri,

Nn

in quo-

in quorum numero etiam est Rodolphus Agricola, nescio qua dementia vel potius furore correpti ab Oratore remove & ad Dialecticam transferre non erubuerunt. Tum præterea officium & scientiam dividendi & definiendi, & multa alia, quæ cum essent antiquitus Oratorum propria, nescio quo pacto Dialectici & Pseudophilosophi furtim ab illis involata jam per annos, ut opinor, mille & amplius occupata tenuerunt: Quemadmodum inquam supra reddidimus hæc omnia oratoriarum facultati, sic etiam hoc loco restituamus eidem usum & tractationem omnium tam argumentationum quam argumentorum, quæ cunctæ pertinent ad confirmandum, ad confutandum, ad dissolvendum, ad disputandum, & denique ad bene dicendum de quacunque re non solum civili sed etiam naturali & mathematica, & cujuscunque alterius generis sit in utranque partem. Quæ omnia similiter, ut superiora illa, cum propria & legitima Oratorum essent, ut vere inquit Quintilianus, ab Oratoribus relicta & destituta infirmioribus ingenii, hoc est, Dialecticis & Pseudophilosophis velut prædæ fuerunt. Verba Quintiliani in præfatio oratoriarum institutionum hæc sunt. Quare tametsi me fateor usum quibusdam, quæ philosophorum libris continentur, tamen ea jure, vereque contenderim esse operis nostri, propriæque ad artem oratoriam pertinere. An si frequentissime de justitia, fortitudine, temperantia, cæterisque similibus sit disserendum, & adeo, ut vix ulla possit causa reperiri, inquam non aliqua quaestio ex his incidat, eaque omnia inventionem, atque elocutionem sint explicanda, dubitabitur ubicunque vis ingenii, & copia dicendi postulatur, ibi partes oratoris esse præcipuas? Fueruntque hæc, ut Cicero aptissime colligit, quemadmodum junctæ natura, sit officio quoque copulata, ut iidem sapientes atque eloquentes haberentur. Seidit deinde se studium, atque inertia factum est, ut artes esse plures viderentur. Nam ut primum lingua esse coepit in quaestu, institutumque eloquentiæ bonis male uti, curam morum, qui disertis habebantur, reliquerunt. Ea vero destituta, infirmioribus ingeniiis velut prædæ fuit. Inde quidam cōtempso bene dicendi labore ad formandos animos, instituendasque vitæ leges regressi, partem quidem potiorem, si dividere possent, retinuerunt: nomen tamen sibi insolentissimum arrogaverunt, ut soli sapientiæ studiosi vocarentur. Hæc Quintilianus, quæ idcirco hic ascribenda duxi, ut ostenderem non me solum sed etiam Quintilianum, & ante Quintilianum Ciceronem, ut ex Crassi disputationibus in libris de Oratore apparet, vidisse & improbasse istum Dialecticorum & Pseudophilosophorum impudentiam atque improbitatem, qui se solos sapientiæ studiosos appellare non erubescunt, & aliena furtim surrepta tanquam sua tandem iniquissime tenuerunt occupata. Sed ut jam veniamus ad id quod propositum est agendum, hoc est, ad



est, ad tradendum vera principia, quæ spectant ad doctrinam argumentorum, argumentationumque omnium nostram veram confirmandam, & Pseudophilosophorum falsam refutandam: primum ita dicimus, argumentum à nobis hoc in loco accipi pro ratione ea, quæ rei dubiæ fidem facit, argumentationem vero pro explicatione argumenti per orationem: quemadmodum tam Rhetores quam Dialectici utrunque definiunt. Sed de argumentationibus postea cum pervenerimus ad librum Priorum Analyticorum agemus, ibi enim locus est argumentationum proprius, quoniam in eo libro de argumentationibus pertractat Aristoteles. Nunc de argumentis ad librum Topicorum pertinentibus agendum est, & simul ostendendum recte philosophari cupientibus quid veri & quid falsi, quid utilis & quid inutilis, quid necessarii & quid supervacanei contineat ille liber. Non enim facile nec cuiusvis est de tanta re iudicium facere, sed nos, ut spero, ita diligenter & subtiliter rem hanc tractabimus, ut appariturum sit de libro Topicorum Aristotelis, in tam longo temporis spatio, & in tam multis hominum millibus, qui eum legerunt, nondum usque in hunc diem, recte à quopiam fuisse iudicatum. Sed jam omissis longioribus proœmiis, ad propositum negotium accedamus. Aristoteles in libris Topicorum pollicetur se traditurum *artem & methodum disputandi de omnibus rebus in contrarias partes probabiliter: quod pollicitum certe si verum esset, & si præsisteretur, omnes*

(Imo vero hac arte nihil est generi humano nocentius.)

*se labore ac pecunia redimendum.* Quid enim pulchrius aut optabilius homini possit contingere, quam tam præclaræ tamque præstantissimæ artis fieri competentem? sed nec verum pollicetur Aristoteles, nec promissam fidem perfecte servat: immo & se ipsum frustra fatigat, & scribit plurima partim falso, partim inutiliter, partim etiam legentibus valde noxia. Quod quam brevissime fieri poterit, hic probare aggredimur: ut appareat eum non minus in hoc, quam in aliis dialecticis libris errasse: & dialecticam hanc disputandi consuetudinem: licet temporibus antiquis fortasse fuerit in usu, tamen ætate nostra non solum esse falsam sed etiam inusitatam & inutilem. Nam Aristoteles in principio hujus libri propositis quibusdam, quæ ad intelligenda ea, quæ sequuntur, necessaria existimabant, in summa totam doctrinam suam topicam ad quatuor capita redigit. Et ait, omnem questionem sive omne problema dialecticum esse aut de accidente aut de genere, aut de proprio aut de definitione. Sed cum problematibus de accidente simpliciter conjungit problemata de eodem accidente comparate. Ad problema vero generis adiungit problemata de differentia: quoniam, ut Dialectici inquirunt, differentia in modo prædicandi magnam cum genere habet similitudinem. De problematibus speciei nihil loquitur, quia dicunt speciem specialissimam in problemate dialectico

semper esse subiectum, nunquam prædicatum, & propterea de ea non quæri, sed de prædicato, quod semper sit aut genus, aut certe species subalterna. Atque hoc modo Aristoteles omnem quæstionem sive problemam Dialecticum ad quatuor capita redigit, ut nihil sit de quo disputetur à Dialectico, quod non, ut ipse arbitratur, ad unum aliquod quatuor istorum capitum reduci queat, Quam quidem doctrinam Aristotelis Topicam omnes Philosophi veteres præsertim Peripatetici sine ulla dubitatione non solum receperunt & approbaverunt tanquam verissimam & utilissimam, sed etiam bene longis & verbosis commentariis explanaverunt: ut apud Græcos Themistius, & apud Latinos Boethius & Albertus. Nam M. Cicero licet Topica sua ad Trebatium ex Aristotelis Topicis transulisse se fateatur, tamen nos pro certo habemus eum nunquam ista Topica, quæ nunc pro Aristotelicis leguntur, nec vidisse nec legisse, sed alia ab Aristotele composita, quæ hodie non extant. Nam Aristoteles, ut ex Laetio constat, non unum tantum, sed multa & varia scripsit Topicorum opera, de quibus postea aliquid dicimus. Atque hoc modo isti octo Aristotelis Topicorum libri ita recepti fuerunt & approbati ab omnibus usque ad ætatem nostram, ut nemo quod quidem ego sciam, de eorum doctrina quin vera, utilis necessariaque esset, dubitavit, aut contra eam aliquid dicere in dubiumque revocare tentavit. Sed nobis pueris nescio quomodo in ultima Germania extitit Rodolphus Agricola vir natione Phrisius & in primis doctus, qui quæ ingenii perspicacitate multa alia vidit, hoc etiam animadvertit, & intellexit: hanc Aristotelicam Topicorum doctrinam non ita esse veram & utilem, ut superiores omnes existimaverunt, sed magnum in ea vitium versari, eo quod illius Dialecticæ materia ab Aristotele nimis angusta sit conclusa. Non enim solum, ut ipse inquit, semper quæritur, an aliquid sit definitio, vel genus, vel proprium, vel accedens, sed etiam absolute sine his nominibus infinita fieri possunt quæstiones dialecticæ, ut patet exemplis ab ipso positis in primo suo de Inventionem dialecticæ libro, cap. III. Quem locum idcirco indicandum putavi, ut si quis forte videre velit ejus verba, id facere possit, & judicare numquid recte Aristotelem reprehendat necne. Nam Joachimus Perionius in primo suo de Dialectica libro existimat Aristotelem non recte à Rodolpho fuisse reprehensum, & ipsum defendere conatur: sed ipse unà cum sua illa defensione multis modis est reprehendendus. Ac primo quia quod calumniatur à Rodolpho non fuisse cognitum, id optime Rodolphus cognovit. Nempe omnes quæstiones sine determinatione, hoc est, in quibus nulla sit mentio nec accidentis, nec generis, nec proprii, nec definitionis, ad problema de accidente referri posse. Non ignoravit inquam nec negavit hoc Rodolphus, quod ei falso imputat

imputat Perionius, sed in eo reprehendit Aristotelem, quod in problematibus de accidente non recenset omnia, quæ ad ostendendum aliquid inesse alteri sunt accommodata, nec locos describit, nec numerum eorum facit, aut nomina: sed tantum deducta ex locis argumenta quæstioni propositæ applicat. Hæc enim diserte sunt Rodulphi verba, & hoc modo hæcque de causa Aristotelem coarguit, non quemadmodum ait Perionius calumniator. Deinde etiam reprehendendus est in eo, quod qui proficitur docere alios, quoniam pacto intelligenda sit quadripartita illa problematum Dialecticorum Aristotelis divisio, ipse ex Aristotelis opinione nescit discernere problemata accidentis à problematibus generis & aliorum. Ait enim, hoc problema, sitne vox corpus, esse de genere: & hanc, sitne tempus motus cæli, esse de definitione: & hanc, solusne ignis natura sua sursum feratur, esse de proprio. In quibus omnibus longe fallitur, & prorsus nescit quid dicat, *cum omnes hæc, & talia huiusmodi quæstiones, in quibus non apponitur nomen, nec generis, nec proprii, nec definitionis: nec de genere, nec de proprio, nec de definitione sint, sed de accidente.* Ut manifeste docet Alexander Aphrodisiensis super primo Topicorum, quo in loco pulcherrimam tradit regulam, qua ex Aristotelis sententia cognosci possit, ad quod nam illorum quatuor capitum referenda sint omnes dialecticæ quæstiones. Quare si Alexander recte Aristotelem intellexit, & non male eum exposuit, non potest Perionius non delirasse, & toto, ut dicitur, errasse cælo, qui volens alios reprehendere, ipse maxime reprehendendus deprehenditur, & qui proficitur se docere alios cognoscere problemata dialectica, ipse ea non cognoscit. At ego contra unà cum Rodulpho dico & Aristotelem, & Alexandrum, & Peronium, & omnes Dialecticos vehementer esse damnandos & vituperandos, qui licet tradant locos dialecticos, tamen in eis tradendis & docendis quam plurimos errores admittunt, sic ut non facile dictu sit, plus ne utilitatis an detrimenti studiosis Philosophiæ ac bonarum literarum afferre videantur. Principio enim quod attinet ad quadripartitam illam Aristotelis problematum divisionem, dico illam esse falsissimam, propterea quod omne problema de accidente, & de proprio, atque etiam de definitione, est etiam problema de genere: & fere nullum fieri potest problema, quod non sit problema de genere, eo quia genus à nullo eorum unquam removeri ac separari potest. Nanque ut supra docui in capite de differentia & proprio, differentia, & proprium, & accidens nihil aliud sunt, nisi & genus differens, & genus proprium, & genus accidens: Et quod etiam ibidem dixi, rationale magis est genus quàm differentia, & risibile rursus magis genus quàm proprium, & album denique magis genus quàm accidens. Si quidem magis vere &

proprio, aut de definitione, aut de accidente: *cum primo nullum possit esse* (Etiā omne fere predicatum sit genus, non tamen genus subiectum ve' ut speciem continens.) *problema neque de proprio, neque de definitione, neque de accidente, quin idem etiam sit problema de genere.* Deinde cum ipse Aristoteles non vere intellexerit, sed prorsus ignoraverit, quid vere sit genus, quid differentia, quid proprium, quid definitio: ut in propriis cuiusque horum capitibus supra demonstratum est. Et denique cum ex doctrina illius proposito aliquo problemate cognosci non possit ad quodnam caput sit referendum. Nam hoc problema, quod est, utrum vox sit corpus an non, & hoc aliud: utrum divitiæ sint bonæ, nec ne: si consulas Alexandrum, is dicet, & hæc & alia similia esse problemata de accidente: propterea quod facta sunt sine ulla determinatione aut generis, aut proprii, aut definitionis, aut accidentis. Omnia enim talia, quæ determinatione carent, ipse ad problema de accidente putat esse referenda. At Perionius in Dialectica sua diserte ait, hæc ipsa problemata esse de genere: & perinde esse scribit dicere, utrum vox sit corpus, & utrum divitiæ sint bonæ: ut si diceretur, utrum corpus sit genus vocis nec ne, & utrum bonum sit genus divitiarum nec ne. Atque ita summi Dialecticæ magistri & doctores tantopere discordantes in referendis problematibus dialecticis ad capita illa ab Aristotele proposita, manifestissimo sunt argumento, doctrinam istā Aristotelis topicam usque adeo esse consulam, incertam, & obscuram ut ea certo sciri non possit, ad quod caput unum quoque problema sit referendum. Atque ideo non injuria queritur Rodolphus Agricola, Aristotelem angustius conclusisse materiam dialecticam quam oportebat, & neque locos descripsisse, neque numerum ipsorum fecisse aut nomina, sed tantum deducta ex locis argumenta quaestioni propositæ applicasse. Perionius vero male & imperite Aristotelem defendere & Rodolphum refellere conatur, præsertim cū falso calumniatur, partitionē Aristotelis à Rodolpho non fuisse cognitam, ut ante dixi. Ego autem hoc amplius quam Rodolphus queror & reprehendo, quod Aristoteles non solum non fecit id quod ille dicit, sed etiā quod locos falsos quaestionibus propositis applicavit, & inter applicandum quamplurima falsa tradidit. Quæ ego primum per singulos Topicorum libros discurrens non quidem omnia, nam id esset infinitum, sed tantum insigniora quædam indicabo Adolescentibus recte philosophandi cupidis, & cæteris omnibus, ne autoritate Aristotelis decepti in maximis erroribus versentur. Deinde in fine capituli aperiam rationem & viam, qua veri loci ad inveniendum argumenta in quacunque quaestione, & ad disputandum de quacunque re multo facilius & verius quam ex Aristotele comparari possint. Et quoniam in quarto Topicorum libro multa plura sunt errata quam

quam in cæteris, hac de causa ab illo mihi visum est incipiendū, & ante omnia generaliter hoc admonendum, locos qui traduntur ab Aristotele in astruendis & destruendis problematibus de genere, partim esse inutiles, quia nunquam venit eorum usus, partim falsos, quia non intellexit quid vere esset genus, nec ipsum accepit, quæadmodū Græci cōmuniter loquentes & scribētes accipere solent, sed modo quo jam plane sophistico & prorsus inusitato, ut supra etiam diximus in capite de Genere, cum genus dialecticum falsum & commentitium esse ostenderemus. Sed ut veniamus jam ad particularia, dico primum quarti libri locum esse simul & inutilem & falsum: Inutilem, quia nemo nisi Logicaſter & Sophista quærit hoc modo. Utrum bonum sit genus voluptatis: sed hoc modo, utrum voluptas sit bonum: nec in tali problemate vere est quæstio de genere sed de veritate. Nam si constet, vere voluptatem esse bonum, necessario bonum erit genus voluptatis, & voluptas erit in genere bonorum: si vero id non vere constet, nullo pacto bonum poterit esse genus voluptatis, nec voluptas esse in genere bonorum. Falsum, quia genus verum, quemadmodum supra dixi, de nullo, quod contineatur sub genere, nec dicitur nec prædicatur, sed tantum nomen generis, idque nō in recto, sed in obliquo casu. Nam cum dicitur, exempli causa, homo est animal, vel homo non est animal, in neutra harum enuntiationum, nec animal est genus, nec homo est species: sed perinde est ac si diceretur, unus homo est unum animal, vel unus homo non est unum animal. Cum vero sic profertur, homo est in genere animalium, vel homo non est in genere animalium, utrobique est nomen generis de sua specie prædicatum in obliquo. Quod dixi de his duobus, idem dico de omnibus, ut verum esse nō possit, quod dicit Aristoteles in hoc loco: inspiciendum esse ad omnia, quæ cognata sunt quod dicitur, si de aliquo prædicatur. Nanque, bonum, ut genus est, non prædicatur de voluptate, sed tantum ut nomen generis: idque non in recto, sed tantum in obliquo casu, ut si dicatur hoc modo. Voluptas est in genere bonorum: Quare primus hic locus Aristotelis de problemate generis, non solum est inutilis, sed etiam falsus. Nec minus etiam inutiliter, & falso traditus est ab eodem secundus locus sumptus ab eo quod est, prædicari, hoc est, si id quod dicitur, non in quid prædicatur, sed ut accidens. Nam quod ille dicit, album non esse genus nivis, est falsissimum: nix enim vere est in genere alborum, & nisi ita esset, nix non esset alba. Sed decipitur Aristoteles, non intelligens ex generibus vere alia esse essentialia, alia accidentalialia, ut nos supra docuimus, sed accipiens genus contra communem omnium recte loquentium, tã Græcorum quam Latinorum loquendi consuetudinem, pro illo suo falso & monstroso universali, jam antea à nobis refutato, & imperite existimans nullum

nullum accidens posse esse genus rei substantialis, cum etiam pueri sciant tam parietē album esse in genere alborum, quam hominem in genere animalium. Intelligendo tamen juxta communem doctorum omnium loquendi usum, cū dicitur in genere animalium & in genere alborum, nihil aliud significari, nisi in multitudine rerum animatarum, & in multitudine rerum albarum. Si quidem genus latine, & γένος græce, nihil aliud significat, nisi multitudinem quandā singularium, & album nihil aliud est nisi res alba. Quod cum ita sit, quis, nisi ter ineptissimus Logice, neget & parietem album, & nivem, & cignum, & alia hujusmodi esse in genere alborum, si non essentiali at certe accidentali? hoc est, in multitudine sive in numero rerum albarum? certe nemo. Quare abeat Aristoteles cum suo isto loco, non solum falso sed etiam inutili, quia nemo, nisi mente captus, non solum non querit, sed ne dubitat quidē, utrū albū sit genus nivis, sive utrū nix sit in genere alborū: quando quidē statim, ut cognitū est, nivē esse albā, eodē temporis momento nō potest ignorari, quin nix in genere alborū vere sit collocata. Eisdem plane vitiis, atque etiā pluribus & majoribus, laborat etiā tertius locus: de quo tamen Interpretes dubitant, an sit ratio secundi superioris loci, an locus per se separatus & sumptus à definitione accidentis. At enim nec movere se ipsū animæ, nec albū nivis genus esse, quia in definitione accidentis ponitur, quod contingit idē in esse alicui & non inesse. Quæ ratio est plane falsa & vana, nō enim quoniam aliquid alicui potest inesse & non inesse, ob eā rē prohibetur esse genus illius, ut, ne discedā ab exemplo superiore, albū potest inesse & nō inesse parieti, nec propterea tamen ea res ullo est impedimento, quominus albū sit vere genus parietis albi, & quominus paries albus vere sit in genere alborū, ut ante dixi. Nō enim necesse est ut Aristoteles, & Dialectici stulte putant, omnia genera esse essentialia & inseparabilia à suis speciebus: ut illis nunquā non inesse possint, sed tantum hoc verum est in generibus essentialibus, ut in genere animalium & hominibus, & in genere colorū & particularibus coloribus. Hæc enim & alia hujusmodi genera nunquā possunt non inesse suis speciebus. A in generibus accidentalibus & extrinsecis,

(Imo vero etiam ex Nizolianis principiis verum manet genus à specie separari non posse. Species enim calidi non est aqua, sed calida aqua. Iam etsi calidum esse, ab aqua separari possit, calidam tamen aquam, calidam non esse implicat contradictionem.)

quæ sunt multo plura, nulla inest talis necessitas. Itaque quamvis aqua dum calida est vere sit in genere calidorum, tamen esse calidum, quod est genus accidentale aquæ, facile potest ab aqua separari: sic ut aqua, quæ paulo ante erat in genere calidorum, amisso calore, in contrario genere esse incipiat hoc est, in genere frigidorum. Idemque dico de omnibus aliis generibus accidentalibus, quæ à suis speciebus separari & abesse possunt, sine ulla specierum subjectarum omnimoda corruptione. Quod cum ita sit, valde mirum est,

Oo

quo-

quonam pacto Aristoteles crediderit omnia genera esse inseparabilia à suis speciebus, cum & sermo communis omnium recte loquentium, & usus scriptorum doctissimorum ita Græcorum quam Latiorum genera & vere esse putet & recte nominet, tam ea, quæ separantur à suis speciebus, quam ea, quæ sunt inseparabilia, ut patuit exemplis supra positis. Et multo etiam majori admiratione dignum est, quomodo idem introduxerit nobis unum genus commentitium & monstruosum, quod non est in rerum natura, & quo nemo utitur nisi ipsi Dialectici, idque ad nihil aliud faciendum, nisi ad garriendum: id vero genus, quod est verum & germanum, & quod omnes tam indocti quam docti communiter usurpant, hoc est, genus accidentale suis speciebus, prorsus non viderit nec intellexerit: perinde quasi dedita opera & se ipsum, & alios decipere voluisse videatur. Quare omnes recte philosophari cupientes, doctrinam Aristotelis hac in parte tanquam perversam, monstruosamque fugiant, & de generibus hoc pro certo habeant, esse quædam genera, quæ suis speciebus non sint essentialia, sed ab illis facile separari possint: & propterea vocentur accidentalia, ut genus candidorum à pariete, & genus calidorum ab aqua: paries enim, cum albario tectus est, in genere est candidorum, cum vero alio quopiam colore inficitur, in aliud genus transit. Idemque facit aqua, quæ cum fervet est in genere calidorum, retrigera vero in genere frigidorum numeratur. Sed in huiusmodi locutionibus animadvertendum est primo, Pseudo-philosophos cum ita dicitur, remoto genere calidorum, corrumpi aquam calidam, ita intelligere, ut aqua calida non simpliciter sed per accidens corrumpatur: sic enim ipsi in libris & disputationibus suis loquuntur. At nos contra dicimus, talem intelligendi & loquendi modum esse prorsus sophisticum, barbarum, & inusitatum apud eos, qui recte loqui didicerunt: hi enim dicunt, remoto genere candidorum à pariete, & genere calidorum ab aqua, non parietem album, & calidam aquam corrumpi per accidens, sed alborem parietis, & calorem aquæ destrui sic enim loquuntur, qui intelligi volunt. Deinde hoc etiam non ignorari volumus, cum dicitur, parietem candidum destrui, & aquam calidam corrumpi, non ita intelligendum esse, ut solus candor, & solus calor corrumpatur ac destruat, non paries nec aqua, nisi per accidens: ut Pseudo-philosophi nugantur, sed ut paries & aqua simul, cum candore & calore, hoc est, ut totum compositum ex subiecto & accidente corruptionem destructionemque patiatur: ut doctissimi quique & rectissime loquentes viri, & loquuntur & intelligunt. Et quemadmodum cum dicitur interfectum esse hominem probum vel doctum, stultum est intelligere, probitatem quidem vel doctrinam destrui, hominem autem non destrui: sic cum profertur, parietem candidum esse



esse destructum, & aquam calidam esse corruptam, eadem stultitia, est candorem non parietem, & calorem non aquam corrupti ac destrui putare. Sequitur quartus locus in problemate de genere, ut ipsi dicunt, ab identitate categoriæ sumptus: docet enim Aristoteles oportere & genus & speciem suam in eadem categoria esse. Quod si quid genus alicujus assignatur, puta album cygni, & pulchrum vel bonum disciplinæ, idque in diversa categoria esse reperitur, nullo pacto posse esse genus: & si quis tale genus ponat, eum vehementer in genere assignando errare. Atego adversus Aristotelem breviter dico, hoc quoque falsissimum esse, nam ut supra dixi, album & cygni, & nivis vere genus est, si quidem recte dicitur & cygnum & nivem esse in genere alborum: nec minus tam bonum quàm pulchrum vere genus est disciplinæ, cum disciplina vere & in bonorum & in pulchrorum genere dicatur esse. Quod nisi ita esset, nec bonum nec pulchrum esset discere bonas artes, itaque & locus iste totus, & exempla quæ affert Aristoteles, ad eum explanandum omnia falsa sunt,

(Breviter: Concreta non abstracta diversarum Categoriarum sibi invicem genus esse possunt. Imo concreta qualitarum non sunt in Categoriarum qualitarum, sed substantiarum. Quid enim aliud est concretum quam substantia doctæ? Quædam tamen excipienda sunt, ut bonum, quæ de accidentibus abstractis recte dicuntur in concreto, v.g. virtus est bonæ, non, virtus est bonitas. Præterea relationes habent se ad qualitates ut modus ad substantias. Ideo recte dicitur virtus esse similis scientiæ, non similitudo.)

*cum diversis categoriarum nihil impediatur quo minus res unius categoria rei alterius categoria verum possit esse genus, si non essentiale ac accidentale & extraneum.* Quintus locus sumitur, ut inquit Aristoteles, à definitione ejus, quod est participare, cum, ut ipse ait, species quidem genus participet, at non contra species à genere participetur. Itaque si quid assignetur tanquam genus quod speciem participet, id, ut ipse putat, non est genus, & magnum admittitur erratum. At ego contra dico, verum genus non solum participare speciem, sed etiam si non participet, genus omnino esse non posse. Nam si participare est partem capere, ut vere docent Grammatici, certe genus animalium non solum partem speciei humanæ capit, sed etiam totam speciem humanam in se continet & si non ita participaret nec contineret, non posset omnino verum genus esse. Quare stultum est quod dicit Aristoteles, genus non participare speciem: at inquit ipse, participare est rationem, hoc est, definitionem participati suscipere, & hoc modo species quidem rationem generis, hoc est, definitionem suscipit, non autem contra genus speciei. Dicimus enim hominem esse substantiam animatam sensibilem, quæ definitio animali tribuitur, non autem contra, animal esse animal rationale mortale, quæ est definitio hominis, quia videtur absurdum esse, animal ita definire, & ipsummet in definitione ipsius poni: sic inquam dicit vel dicere posset Aristoteles, si adesset defensor locus suum non esse falsum. Sed nihil valet hæc responsio, quia cum dicitur, homo est substantia animata sensibilis, nec homo in hac enumeratione est species, nisi figurate sumatur pro omnibus hominibus: nec substantia animata sensibilis, est definitio generis, hoc est, animalis, nisi similiter

animal figurate pro omnibus animalibus capiatur. Quod si ita caperetur tunc definitio esset falsa, non enim animal ut genus verum est, substantia animata sensibilis est, sed ut ante dixi, multitudo sive totum discretum: ex omnibus suis speciebus compositum. Cujus generis, homo, eo quo dixi modo, figurate acceptus, est una species, & non aliter nec alio modo. At dicat forte aliquis, si homo in ea definitione non est species, nisi figurate sumptus, & definitio illa non est animalis nisi figurate accepti, quid ergo erit homo, & quid erit animal, si proprie & sine ulla figura accipitur. Respondeo utrumque perinde esse ac si diceretur, unus homo est una substantia animata sentiens, quæ definitio quavis proprie assignetur de uno tantum singulari & individuo, tamen figurate, hoc est, per synecdochē sive per intellectionem ab uno de omnibus recte tradita intelligitur. Sic enim, ut ante diximus, & communis omnium probatissimorum quorumcunque. Scriptorum usus obtinuit, ut definitiones fere de uno tantum dentur, sed per eas, quas dixi, figuras de omnibus intelligantur assignata, id quod supra etiam ex auctoritate Aristotelis in capite de definitione probatum est. Quare nec præceptum Aristotelis in hoc loco verum est, nec exempla quæ affert, ullam continent veritatem. Nam ego dico & ens & unum esse veras species generis rerum, nam nisi ens & unum essent in genere rerum, prorsus nihil esse possent. Res enim non solum de omnibus entibus & omnibus unis dicitur, sed etiam de eis, quæ non vere sunt ens & unum, ut de Tragelapho & Hircocervo, & cæteris rebus, quæ non sunt nec esse possunt. Quamobrem multo generalius est res, quam ens & unum: ut non possit esse verum quod dicit Aristoteles, si quis entis vel unius genus quippiam assignaverit, fore ut genus eo modo, quo ipse putat, participet speciem, nec enim eos aut unum omnis rei rationem participat, quoniam nec de opinabilibus nec de fictis rebus etiam Aristotelis testimonio dicuntur, ut ante dictum est. Quod dicitur ab Aristotele in sexto loco, si nullam specierum contingit participare, id quod positum est in genere, id non posse esse verum genus, est id quidem verum, sed quod ad hanc rem probandam pro exemplo affertur: si motus ponatur esse genus voluptatis, non recte assignatum genus esse, id falsum.

(Nullus motus, est nisi localis, mutatio tamen quædam non est localis, nempe mutatio in mente.)

est: cum sine ulla dubitatione voluptas sit motus quidam, si non generationis neque corruptionis, neque augmenti, neque decrementi, neque motus localis, at certe ejus, quam vocant alterationem. Sic enim doctissimi quique Scriptores, eam dicunt esse motum sive motionem quandam, ut Cicero de finibus ita scribens, Verbo voluptatis omnes qui ubique sunt, qui latine sciunt, duas res subiiciunt, lætitiā suāvem in animo, commotionē suāvem jucunditatis in corpore. Et rursus, Voluptas est, quæ suavitatē aliqua naturam ipsam movet, & cum jucunditate quadam percipitur sensibus. Et rursus, omnes enim jucundum

motum

motum, quo sensus hilaretur, Græci ἡδονή, Latini voluptatem vocant. Item in Epistolis, Voluptas est jucundus motus in sensu. Quibus authoritatibus manifestissime adversus Aristotelem cōcluditur, voluptatem esse motum sive motionē quandam, & motum sive motionē vere esse genus voluptatis. Quod cum ita sit, facessat Aristoteles, cum suis ineptis locis, & sophisticis nugis. Neque verum est quod dicit Alexander, voluptatem non esse alterationem, eo quod alteratio est transmutatio in passionē: voluptas vero non, cum sit passio existens atq; permanens. Hæc enim ratio Alexandri, est plusquam sophistica & inepta, cum is qui voluptate afficitur, semper quodammodo se moveri, & jucundo quodam sensu titillari sentiat. Id quod etiam ex contrario suo, hoc est, ex dolore intelligi potest: nam & Stoici, ut refert Cicero in Tusculanis quæstionibus, ita definebant dolorem, ut dicerent, cum esse motum asperum in corpore à sensibus alienum. Quare cum dolor, qui voluptatis contrarium est, motus quidem sit, non potest voluptas nō ipsa quoq; motus quidam recte dici. Et ita patet non minus Alexandrum in expositione hujus exempli, quam Aristotelem in ejusdem probatione esse reprehendendum. Quanquam possum non pauca dicere contra locum octavum, tamen ne omnia persequi velle videar, ipsum prætereo: & ad nonum transeo, qui sumitur, ut Interpretes ajunt, ab Æqualitate prædicationis. Nam cum aliqua duo de æqualibus numero prædicantur, non vult Aristoteles eorum alterum alterius posse esse genus,

(Imo vero hic de voce tantum moveri Aristoteli Item. Quid in enim licuerit, ei in hunc usum philosophicum velut segregare à vñgo generis vocem, ut significet prædicatum subiecto latius.)

ut ens & unum, eo quia, ut ipse putat, genus semper de pluribus quam species prædicatur. Sed hoc quoque à nobis suprà refutatum est, cum ostendimus generum aliqua esse communia, aliqua differentia, aliqua propria, & genus commune illud esse quod semper plura continet quam species, ut genus animalium quam species hominum: genus differens quod semper pauciora complectitur quam genus commune, ut genus rationalium quam genus animalium: genus proprium quod neq; plura neq; pauciora comprehendit quam species, ut genus risibilem quam species hominum. Quod cum ita sit, non recte Aristoteles negat, aut ens unius, aut unum entis posse esse genus, eo quod utrūq; de æqualibus, hoc est, de omnibus dicatur. Hæc enim ratio tantummodo prohibet esse genus commune, at esse genus proprium nihil prohibet. Quin potius nisi ita esset, genus proprium non posset consistere. Sed causa erroris Aristotelis fuit, quia nescio quomodo, contra communem loquendi consuetudinem, non solum Latinorum sed etiam Græcorum, & cōtra usum bonorum Scriptorum omnium, persuasit sibi nec differentias nec propria posse esse genera. Cum ut supra docui, non minus rationale & risibile, quam animal, vere sit genus,

nec magis vere dicatur, hominem esse in genere animalium communi, quam eundem esse in genere risibilium proprio, & in genere rationalium differenti, scilicet, à contrario genere irrationalium. Quamobrem recte philosophaturis nullo pacto in huius rebus sequenda est Aristotelis doctrina, sed prorsus repudianda & abjicienda. Locus decimus à ratione prædicandi de individuïs, ut dicunt Interpretes, sumptus, usque adeo est inanis & fatuus, ut inepudeat, tam leves tamque nihili nugæ Aristotelicas refutare. Ait enim in summa, si quis infecabiles lineas ponens dicat, indivisibile earum genus esse, cum vehementer in genere assignando errare, eo quod de divisibilibus lineis dici non poterit. O bone Deus, quid hominis erat iste Aristoteles dispeream nisi arbitrator ei decretum fuisse, ut & se ipsum scribendis nugis, & Lectores eisdem legen-

(Mior hoc Nizolium ignorare, disputat enim Aristoteles contra Democritum, qui ponebat τὰς ἀτόμους.)

dis incassum fatigaret. *Primum enim quis, nisi plane sanus & stultus, diceret aut poneret lineas esse infecabiles?* Deinde cum id posuisset, & ei positio non labefactaretur, quis illum jure posset reprehendere, si diceret, indivisibile omnium linearum esse genus? certe nemo sanus, sed oporteret prius refutare positionem linearum infecabilium, deinde reprehendere genus non recte assignatum esse: Aristoteles autem contra fecit, reliquit enim positionem, quasi veram & cõcessam, & id quod necessario positionem sequeretur reprehendit. Nec rectius fecit Alexander ejus Interpres, qui negat nigrum esse genus Æthiopis, eo quod non eodem modo dicitur de Scythis, sicut de Æthiopibus, cū oporteat genus æque de omnibus speciebus dici. O hominem rudem, qui non videt nigrum non Scytharum, sed tantummodo Æthiopum genus esse. Itaque non Scythæ neque Germani, sed Æthiopes & Mauri dicuntur esse in genere nigrorum. Hoc in loco præcipit Aristoteles considerandum esse genus assignati generis, utrum prædicatur in quid de eo quod sub ipso assignato genere continetur: exempli gratia, ut si virtus ponatur genus continentia, utrum habitus, quod est genus virtutis, dicatur in quid de continentia, & utrum continentia revera sit habitus. Quod si non sit, tum concludit virtutem continentia non esse genus, & continentiam non posse virtutem esse. Quo in loco multa peccat Aristoteles, ac primum quod putat omne genus tam propinquum quam remotum prædicari in quid de omnibus suis inferioribus, quod falsissimum est. Nam ut supra dixi, genera tam propinqua quam remota de suis inferioribus non solum non prædicantur in quid, sed omnino non prædicantur: cum nihil nec dicatur nec prædicetur, nisi vox, & genera rerum non sint voces sed res, quare genera rerum nec dici de ullo, nec prædicari possunt: atque ideo falsum dixit, affirmando genera rerum dici sive prædicari: quod si dicerentur & præ-

& prædicarentur, non tamen magis in quid quam in quale dici & prædicari essent affirmanda, cum in utroque æque dicantur & prædicentur, exempli gratia quærenti, quid est homo? respondebo, est animal: & rursus quærenti, qualis est homo? dicam, est animalis: cum tamen æque genus hominis sit animalis quam animal: est enim revera homo tam in genere animalium ab eo quod est animalis adjectivæ, quam ab eo quod est animal substantivæ. Atque ut hoc melius intelligatur, afferam exemplum clarius si enim quis me roget, quid sit elementum? dicam, elementum esse corpus: & rursus si quærat, quale est elementum? respondebo, est corporeum: & tamen tam corporeum quam corpus est genus elementi, tam enim dicimus, elementum est in genere corporeorum quam in genere corporum, itaque quoquo se vertat Aristoteles cum isto suo, non solum prædicari, quod dixi esse falsum, sed etiam prædicari in quid non in quale, quod ab eo generibus tribuitur, totus est ridiculus & ineptus. Non enim genera ipsa rerum, quæ sunt res, sed nomina generum, quæ sunt voces, dicuntur & prædicantur, idque non minus in quale quam in quid, ut exemplis supra positis patuit. Vere enim & latine dicitur, nomen generis sive nomen corporis dicitur & prædicatur de elemento. Quod si quæstio de elemento fiat per quid, refertur responsum per substantivum, ut dixi: sin vero eadem efficiatur per quale, respondetur per adjectivum. Nam ut supra dixi, quemadmodum omnia nomina substantiva semper significant substantiam vel qualitatem, per modum substantiæ, sic nomina adjectiva tam substantiæ quam qualitatis semper habent significationem qualitatis: cum, ut supra docui, substantia in adjectivo prolata quodammodo in qualitatem converti & transmutari videatur. Deinde non minus peccat Aristoteles in proponendo tali loco, nemo enim sanæ mentis quærit, exempli gratia, ut dicunt Interpretes, nam Aristoteles huiusce loci exemplum nullum attulit: nemo inquam ita quærit, utrum virtus sit genus continentia vel verecundia, sed ita, utrum continentia vel verecundia sit virtus. Nā si constabit continentia vel verecundia esse virtutē, non poterit esse dubium, quin utraque earum sit in genere virtutis, & quin virtus vere sit genus continentia & verecundia. Necessario enim cuiuscunque nomen substantivum de aliquo dicitur, id est, genus illius: & si nomen virtutis dicitur de continentia & verecundia, ita ut vere affirmetur, continentia vel verecundiam esse virtutem, necesse est virtutē esse genus continentia & verecundia, & ita continentiam quam verecundiam esse in genere virtutum. Quamobrem Aristoteles prorsus inepte proponit huiusmodi quæstiones, utrum hoc sit genus illius, cum potius ita quærendum sit, utrum hoc sit illud. Eo quia si constabit hoc esse illud, non poterit esse dubium, quin illud sit genus huius. Genus dico vel essentialē vel accidentale, vel separabile vel inseparabile: tot enim sunt modi

modi generum, quos quoniam Aristoteles ignoravit, hinc factum est, ut ad probandum tam inutiles tamq; ineptas quaestiones fuerit inductus: ipse enim nullum aliud genus agnovit, nisi essentiale & inseparabile, cum tamen etiam pueri & idiotæ sciant verissimum esse, & rectissime dici, non solum hominem esse in genere animalium, & candorem esse in genere colorum, sed etiam parietem cum candidus est, esse in genere candidorum, & aquam cum calet, esse in genere calidorum. Postremo vero errat in hoc loco nō quidem Aristoteles, sed illius Interpretes Alexander, qui ejus autoritate adductus ex hoc loco concludit continentiam & verecundiam non esse virtutes, eo quia genus virtutis, qui est habitus, de continentia & verecundia non prædicatur. Ait enim continentiam & pudorem non esse virtutes, sed passiones. At ego contra dico, continentiam & verecundiam nō solum esse virtutes, & ut inquit Cicero, matres virtutum omnium, sed etiam veros habitus: non quidem eo modo, quo Aristoteles accipit habitum, quasi non possit esse habitus, nisi sit perfectus, & qui omnino mutari & removeri non queat: sed eo modo quo Cicero, & omnes Scriptores tam Græci quam Latini recte loquentes, accipiunt: *ut habi-*

(Idem Arist. & vult & dicit. Habitum enim vocat non ἀκίνητον, sed δύσκινητον.)

*ut sit affectio exercitatione ita confirmata & manens, ut non nisi magna cum difficultate mutetur & removeatur.* Sic inquam ego habitum intelligens dico duas has affectiones animi esse virtutes veras, & habitus veros: & Aristotelem una cum omnibus illius sectatoribus cōtemno atq; rejicio, qui introducunt nobis habitus nescio quos ita perfectos & immutabiles, ut nihil prorsus augeri neq; mutari possint: & scribunt, exempli gratia, quandam temperantiam omnibus numeris ita absolutam, ut nihil in ea prorsus desideretur, & quosdam temperantes ita consummatos, ut nulla prorsus neq; ciborum suavitate inconcessa, neq; mulierum cupiditate illicita, neq; omnino ulla ullius rei libidine moveri possint. Idemque faciunt de aliis virtutibus, sic ut cum quis habeat aliquam virtutem, is perfecte præditus sit illa virtute, nec quicquam contrarii vitii habeat admixtum. Et in summa ut virtus vel prorsus non habeatur, vel perfe-

(Vti Cicero perfectum Oratorem, ita merito Aristoteles describit perfectam virtutem, et sic nec hanc ἐν ἑρμῇ collocet.)

ctissima & absolutissima habeatur: *qua omnia sunt mendacia & somnia Aristotelica.* Nam si vera virtus esset ita perfecta, ut non posset nec augeri nec minui, sequeretur nec prudenti prudentiorem a'liquem fieri posse, nec iusto justiore, nec forti fortio, nec temperante temperantiorem. Cujus contrarium apertissime docemur & experimur ex communi omnium loquendi consuetudine: non enim solum dicimus aliquem alio esse prudentiorem, sed etiam prudentissimum, nec solum justiore sed etiam justissimum, nec solum fortio, sed etiam fortissimum, nec solum temperantiorem sed etiam temperantissimum. Quorum nih. recte diceretur, si ut Aristoteles, & Peripatetici

formiant

somniant virtus ita esset in summo perfecta, ut nec additione nec diminutionem accipere posset. Itaque caveant qui recte philosophari cupiunt, ne absurdam istam Aristotelis prius, deinde Alexandri & aliorum Pseudophilosophorum doctrinam ullo pacto veram esse arbitrentur, sed credant, ita ut vere est, continentiam & verecundiam sive pudorem esse veras germanasque virtutes & habitus, eo modo, quo virtutes & habitus in humano genere atque in rerum natura reperiuntur: & ad hoc cognoscendum non tantum genus virtutis, ut præcipit Aristoteles, sed etiam contrarium virtutis respiciant, hoc est, vitium. Nam si incontinentia & inverecundia vere sunt vitia & habitus, ut certe sunt, profecto & continentia & verecundia virtutes & habitus non esse non possunt. Quod ad hunc locum attinet, Aristoteles, ut pleraque alia, sic hoc falsissime existimavit, nullam differentiam posse esse genus, atque ideo ait valde peccare eum, qui differentiam ut genus assignavit. Sed nos hoc etiam supra refutavimus, cum docuimus eas, quas Aristoteles vocat differentias, ut rationale & irrationale, & propria, ut risibile & hinnibile, nihil aliud esse nisi genera differentia & genera propria. Quæ vero ille appellat genera, ut animal & color, ea revera esse genera communia, quæ à generibus differentibus & propriis differunt, ut magis commune à minus communi: sed ita tamen esse genera communia, ut quandoque etiam genera differentia & genera propria esse possint, ut supra docuimus in capite de differentia. Quare quod Aristoteles hujus loci exemplum afferens ait, ut si quis immortale genus Dei assignet, magnum scilicet admittit peccatum, longius ipse abberat à veritate. Est enim revera Deus immortalis, & propterea verissimum est dicere, Deum esse in genere immortali, sive quod idem est, immortale esse genus Dei. Sed causa hujus quoque erroris Aristotelis, sicut etiam aliorum multorum, est ut dixi, quia ipse accipit genus perversissime, & contra omnem recte loquentium consuetudinem. Quis enim, nisi plane fatuus & stultus, nescit rationale esse quidem differentiam, quia ratio facit differre hominem à brutis, sed non propterea tamen minus atque adeo magis etiā esse genus quam differentiā, quoniam, ut supra etiam monui, magis recte dicitur, hominem esse in genere rationalium quam in differentia rationalium. Quod vero in fine loci addit, nullam differentiam significare quid est, sed magis quale quid, non magis verum est quam superiora. Nam si quæzatur, quid est homo? non minus convenienter respondere licet, est gressibile vel bipes, quam est animal vel corpus. Accipiendo tamen gressibile & bipes, pro re gressibili & bipede, ut illud Virgilii,

Triste lupus stabulis.

& item illud ejusdem.

Dulce satis humor.

Pp

pro



pro tristi & dulci re. Quae de re supra satis abunde in capite de nominibus locuti sumus. Eodem quoque modo hoc in loco, sicut in superiore, peccavit Aristoteles, putans differentiam non posse esse genus, nec speciem. At ego dico & affirmo omnes differentias generum, non solum esse differentias, sed etiam genera & species, & imparem numerum, quem ille pro exemplo attulit, non minus atque adco magis esse genus quoddam, sive speciem quandam numerorum quam differentiam. Si quidem magis recte dicas, ternarium numerum esse in genere vel in specie numerorum imparium, quam in differentia eorundem. Ex quo luce clarius intelligitur imparem numerum magis esse genus vel speciem numerorum, quam differentiam. Est enim genus, si comparatur suis speciebus, ut ternario & septenario & ceteris imparibus: species autem si conferatur cum genere suo, hoc est, cum numero absolute, qui dividitur in duas differentias sive species, parem & imparem, & utraque harum specierum rursus deorsum conversa, & genus effecta in multas alias species subdividitur ut par in binarium quaternarium senarium & alios, impar in ternarium quinarium septenarium & ceteros. Neque verum est illud quod tanquam confessum sibi sumit, omne quod participet genus esse vel speciem vel individuum, cum etiam differentia æque sicut species & individua, generis particeps sit. Quis enim nisi excoars & amens dicat, animal à Socrate & ab homine quam à rationali & irrationali magis participari? cum tam recte dicatur, rationale & irrationale est animal, sicut Socrates & homo est animal. At inquit Aristoteles, genus de differentiis non prædicatur: nam si ita esset, cum differentia animalis sint pedestre bipes & rationale, & hæc omnia de homine prædicentur, sequeretur multa animalia dici de homine, & hominem esse multa animalia. Hæc ratio ponitur ab Aristotele in sexto Topicorum, quæ usque adeo rudis est & fatua, ut mirer, quonam pacto unquam in ingenium humanum cadere potuerit, & quomodo tot viri, qui viderunt & legerunt, non animadverterint eam esse meram quandam fabulam & plusquam anilem delirationem. In quas omnes fatuitates nulla alia de causa præcipitavit Aristoteles, nisi propter stultam positionem suorum illorum universalium, & quia putavit genera non posse esse differentias, nec contra. Quæ omnia nos satis supra refutavimus, quare hic non videntur esse repetenda. Sed hæcenus de locis & problematibus generis, qui ab Aristotele traduntur in quarto Topicorum libro, nunc de locis & problematibus proprii ab eodem traditis in quinto. Quorum locorum primus est, ab ignotiore, ut vocant, sic enim putat Aristoteles, quodlibet proprium assignatum, nisi sit magis notum, quam id cui assignatur, non posse esse vere proprium. Quod non est verum, in proprio enim requiritur.

ut con-

ut conveniat vel omni & soli, ut hinnire equo, quod nos supra vocavimus, proprium privatum, vel omni licet non soli, ut bipes homini: quod proprium non quemadmodum illud superius privatum, sed inseparabile nominavimus, eodem planè modo, quo Cicero ait, voluptates esse proprias Deorum: non quia solis Deis convenient, sed quoniam ab eis separari non possunt. *Hac inquam in propriis requiruntur, tum privatis tum inseparabilibus, non ut ait Aristoteles, ut sint notiora, quod nescio ubi ille somniavit. Nam & gannire vulpis, & hinnire equi, sine ulla dubitatione proprium est, & tamen quis nisi mentis captus dicat, gannire magis notum esse quam vulpem, & hinnire quam equum? certe ne-*

(Recte Aristoteles, nam semper propria sunt notiora, igitur notiora rebus. Et qui vulpem & canem simul videt, dignoscet illam ab hoc figura proprietate; qui utrumque simul audit dignoscit hunc ab illa gannitus differentia. Et qui aliunde dignoscunt, dignoscunt ex aliis differentis vel propriis, ut ita tandem quo res cunque cadat, propria sint notiora.)

mo: cum plurimi reperiantur, qui fortasse & vulpem agnoscant & equum, nec tamen unquam aut vulpem gannire aut equum hinnire senserunt. Itaque primus hic Aristotelis de proprio locus, est non solum falsus, sed etiam stultus, quia continet id quod nec verum est, nec ab ullo alio dictum aut servatum. De secundo loco mihi dico, quoniam mihi magis fatuum videtur quam ut videatur serio refutandum. Ad tertium transeo ab homonymia proprii dictum, in quo dicit, sentire non esse proprium animalis, eo quod animal licet habeat sensum, non tamen eo semper utitur, & hac ratione docet destruendum esse problema de proprio. *Quæ ratio prorsus est sophistica inepta & plane talis, ut si quis vellet probare aliquem non esse doctum vel divitem, quia quando dormit vel nihil agit, non utitur doctrina neque divitiis. Sed ô rudis Aristoteles, homines communiter, cum talia dicuntur, non in actu sed in potestate ea intelligunt: & sic accipiunt hominem doctum vel divitem, ut qui non solum habeat doctrinam vel divitias, sed qui & doctrina & divitiis quando vult uti potest. Eodemq; modo intelligunt animal sentire, hoc est, nō solum habere sensum, sed eo uti posse, cum scilicet vigilat neq; dormit. Quare nec in isto loco tuo videre possum quid insit veri & sani. Et hic pertranseo quartum locum, tanquam nimis ineptum & non dignum qui refutetur, ait enim de eo quod est scire hoc, non bene assignari proprium, nisi determinatur quid ipsum sit: & tamen quid sit istud scire hoc, nemo Interpretum adhuc intellexit. Albertus enim uno modo dixit, Alexander alio, & alii aliter, ut non dum constet quid sibi voluerit Aristoteles, tantum abest ut legentibus ullam possit asferre utilitatem.*

Similiter prætereo quintum locum, in quo de nugatione & explicite & implicite multa Aristoteles, sed in summa ipse nihil aliud facit nisi nugatur, ut mitum sit, quid in mentem venerit illi viro, in rebus tam frivolis tempus consumere. In sexto loco, quod ab eodem vel à parte sumi videtur, nihil aliud est veri aut utilis, nisi id quod in fine dicit, proprium animalis esse, animam habere, eo quod nulli alteri commune est,

præterquam animal. Quibus verbis Aristoteles aperte refutat se ipsum, alibi consentientem arbores & herbas & alias stirpes animam habere, sed tamen non esse animalia. Nam si habere animam ita proprium est animalis, ut nulli alteri sit commune. quemadmodum ipse hic dicit, quomodo possunt stirpes, quæ ex ejus sententia non sunt animalia, habere animam? Certe ego qui id fieri possit non video, nec quomodo Aristoteles hic à repugnantia sui ipsius defendi queat: quam repugnantiam Alexander illius interpres videns, & defendere cupiens, nulla alia utitur ratione, nisi quod ait locum hunc esse mendosum, & scripturam Aristotelis corruptam, & pro eo quod est, animam habere, legendum esse, habere sensum, cum habere sensum sine ulla dubitatione proprium sit animalis. Qua in defensione Alexander more suo potius dicere voluit, id quod non erat, ut Aristotelem quo jure quæve injuria à repugnantia defenderet, quam fateri id quod erat verum, hoc est, animalis proprium esse animam habere: & Aristotelem hoc in loco quasi veritate coactum verum dicere, alibi vero cum idem negat, in magno errore versari. Nam non dubium est quin ita scripserit Aristoteles, & in verbis ejus nulla sit menda, cum omnes codices tam impressi quam manu scripti, quos quidem ego vidi, ita scriptum habeant. Atque ideo nos supra in arbore nostra generica diximus, omnes stirpes vere anima carere, & habere animam animalis esse proprium, atque ad illius loci confirmationem hunc Aristotelis locum citavimus. Quod autem attinet ad exemplum quod affert Aristoteles ad explanandum hunc locum, cum ait, ut si quis scientiæ proprium diceret, opinionem quæ ratione dimoveri non potest, cum sit una, mirum est, quonam pacto istiusmodi propria Aristoteles excogitabat, quæ non dico ullus homo, sed ne bos quidem si loqueretur, auderet effutire. Quid est enim, cum sit una? quis nisi mente captus, hoc modo proprium assignaret? Sed Aristoteles ut librum magnum faceret, nihil prætermittebat, quamvis absurdum & ridiculum: ac de sexto loco hæc tenus.

In septimo quoque illud est falsum, quod ait, si quis proprium ignis assignet, esse corpus tenuissimum & levissimum, id proprium non recte assignatum esse. Sed cur non recte ô Aristoteles? unum inquis est supervacuum, hoc est, aut tenuissimum aut levissimum, eo quia ignis per alterum satis separatur à quocunque alio, ut non sit opus alterum addere. Sed dic mihi, quis fecit hanc legem de proprio, ut necesse sit ipsum, ut dicis, à quocunque alio separare? Nam ego nego hanc legem, & dico eam non proprii sed definitionis esse propriam: debet enim definitio separare definitum à quocunque alio, non proprium. Quamquam ne hoc quidem semper in definitione servatur: sunt enim definitiones quædam, quas Galenus vocat *ὀρισμους*, in quibus multa ponuntur, non discer-

discernendi nec separandi, sed essentia rei magis explicanda causa. Quare cum separare ab aliis non semper sit proprium definitionis, multo minus erit proprii: & licet dicamus ignem non solum esse tenuissimum sed etiam levissimum, non ut eum ab alio quopiam separemus, sed ut magis explicemus ejus naturam, quæ talis est. Nam cum ignis habeat has duas proprietates, ut & tenuissimus sit & levissimus, cur peccat quispiam, qui ambas illi tribuat? certe ego nullam video causam ô Aristoteles, quæ te ad locum istum ponendum movere debuerit. Ad octavum locum multa possent dici, sed hoc tantum dicam, non esse verum id quod ait Aristoteles, oportere proprium notius esse eo, cujus assignatur proprium. Non enim semper assumitur proprium, notius faciendi causa, sed etiam interdum ut ejus, cujus est proprium, naturam magis explicet, ut ante dixi. Quare videtur mihi Aristoteles propemodum ubiq; in his suis locis tradendis assumere aliquid, quod non est nec verum nec confessum.

Nam eodẽ planè vitio laborat etiam nonus locus, in quo dicit, proprii hoc esse proprium, ut subiectum faciat notius, quod non utiq; semper est verum. Nam qui dicit calere esse proprium ignis, recte ignis proprium assignat, nec facit tamen ignem magis notum: quis enim nesciebat ignem esse calidum? Sed rursus de novem primis proprii locis ab Aristotele traditis, jam satis multa sunt dicta, ex quibus judicium fieri potest etiam de aliis. Per pauci enim admodum sunt, qui non aliquid aut falsi contineant, aut certe parum sunt utiles.

Nunc venio ad sextum librum Topicorum, & ad problemata de definitionis, ut ostendam non magis vera in his quàm in superioribus ab Aristotele fuisse tradita. Primum enim ut omittam ea, quæ in principio libri dicit, quæ nec omnia sunt vera, nec ab ipso servata. Dico primum locum, qui ab homonymia generis sumitur, esse falsum, idq; probo non alio quam Aristotelis ipseus exemplo, ait enim generationem non recte definiri ab eo, qui dicat, eam esse ductionem ad substantiam, nec sanitatem ab eo, qui definiat eam esse commensurationem calidorum & frigidorum, eo quia & ductionis & commensurationis nomen est homonymum. At ego dico utranq; harum definitionum esse rectam ac nominum homonymiam nihil ob stare quin recte assignatæ sint, nam cum dicitur, ductio ad substantiam, licet ductionis vocabulum per se fortassis sit ambiguum, tamẽ junctum cum substantivo sequenti, omnem amittit ambiguitatem, sicut non possit amplius sumi, nisi pro ductione ad substantiam: similiterq; cum dicitur conjuncte commensuratio frigidorum & calidorum, tollitur omnis ambiguitas si qua est in nomine commensurationis per se sumpto, ut etiam si locus hic ab Aristotele traditus verus esse concedatur, tamen exempla, quæ ab ipso afferuntur, non possint esse ad probandum locum accommodata. Quare prorsus

inutitilis est iste primus locus.

Nec major ulla est utilitas aut veritas in secundo, nihil enim impedit, quo minus canis definiri recte possit, etiam si nomen ejus sit homonymum, & nulla fiat ejus distinctio. Nam per definitionem tollitur omnis ambiguitas, ut cum dicitur, exempli gratia, canis est animal terrestre latrabile, quid obstat hic quo minus hæc sit recta definitio? certe nihil. Nam & si nomen canis per se sumptum sit ambiguum, tamen in definitione positum & cum aliis junctum, statim definit esse homonymum: cum enim dicitur, terrestre latrabile, nullo pacto amplius nec de cælesti, nec de marino cane potest intelligi. Quocirca eadem sunt in hoc secundo loco vitia, quæ in superiore.

Quod autem dicitur in tertio loco, definitionem per nomina metaphorica non recte fieri, nec ipsum omnino est verum, cum hoc quoque genus definitionis apud idoneos Scriptores sæpenumero factum reperiatur. Nec ratio quam affert, cur talis definitio recta non sit, omnino est vera: ait enim omnem definitionem illustrandæ rei causâ fieri, & omne quod per metaphoram dicitur obscurum esse. At ego dico metaphoram non semper obscurare definitionem, sed nonnunquam etiam illustrare, ut si quis definiturus juvenem, dicat eam esse, florem ætatis, aut meridiem vitæ. Si enim definiens haud scio, an minus recte faciat quàm si diceret, juventutem esse tempus vitæ medium inter adolescentiam & ætatem adultam. Sed fac definitionem per nomina propria factam esse rectiorem quàm eam, quæ per metaphoram efficitur, an propterea est damnanda & abjicienda definitio metaphorica? certe non: præsertim in disputatione dialectica, in qua non ad veritatem omnia, sed ad probabilitatem tantummodo referuntur, ut ipsimet Dialectici dicunt.

Eademque ratione dico quartum locum, qui est ab insuetis nominibus & ab insueti modo loquendi, esse si non falsum at certe inutilem & supervacuum præsertim Dialecticis, qui non ad veritatem res, ut dixi, sed ad probabilitatem ponderat: præterea infuctudo nominum & modi loquendi non in Dialectica vitium est, sed in Grammatica. Quare hujusmodi errores definitionum Aristoteles non ipse corrigere debebat, sed Grammaticis, ad quorum officium pertineat, relinquere corrigendos.

Quod autem pertinet ad propriam appositionem, de quo agitur in sexto loco, non ita verum est, omne illud quo sublato definitio propria remanet, esse supervacuum, ut dicit Aristoteles: nam in definitionibus, quas vocant *invenientes*, multa apponuntur, quibus sublati definitio remanet et propria, & tamen non sunt supervacanea. In ejusmodi enim definitionibus apponitur non solum causa formalis, sed interdum etiam materialis efficiens & finalis, ut recte inquit Galenus in quarto de Differentiis pulsuum. Quamobrem & scientiæ esse susceptivum in definitione hominis, non est ita supervacuum,

ut putat Aristoteles. Præterea hic omnes sequentes definitionum locos, quæ in textu Topicorum libro ab Aristotele traditi sunt, eo quia non mihi propositum est, ur ante dixi, persequi omnia, sed tantum indicare studiosis recte philosophandi, non ita veram & utilem esse doctrinam Aristotelis topicam, ut plerique falso arbitrantur. Nam ex iis, quæ diximus de sexto hoc libro, cætera quoque iis, qui veritatem diligenter investigare volunt, poterunt esse nota.

Nunc à sexto libro revertor retro ad secundum, in quo Aristoteles de problematibus accidentis loquitur, & statim reprehendo primū locū, tanquam partim inutilem & vanum, partim etiam non ita verum. Ac inutilem quidem, quia nemo nisi mente captus & plane ignorans quid sit album & coloratum, diceret albo accidere coloratum esse. Non ita verum, quia quod ait, colorē esse genus albi, facile negari potest, est enim color revera genus alboris, non albi, unde dicimus non album sed alborē esse colorem, nisi forte quis album pro albore, & adjectivum pro substantivo accipiat. Quo in casu locutio non est propria præsertim apud latinos, sed demus locutionē esse propriam, & colorem esse genus albi, nunquam tamen verum erit, quod Aristoteles hic ait, Genus denominatione de nulla specie dici. Animale enim, quod est denominativum ab eo quod est animal, vere dicitur de homine, & hæc enuntiatio verissima est, homo est animalis, & tamen animale etiam denominative acceptum est genus hominis: si quidē homo vere est in genere animalium, hoc est, rerum habentium animam, & vivens omne tam vere dicimus esse corporeum denominative, quā esse corpus substantive. Ex quo manifeste apparet falso Aristotelem negare, genera de suis speciebus denominative dici, & non recte dici, album esse coloratum sive alborem esse coloratum. Nam & si color genus est alboris, tamē etiā coloratum ejusdē genus sit necesse est, cum si albor non coloratus sit, impossibile sit, alborem esse colorem. Quemadmodum vivens si non sit corporeum, ut sit corpus fieri non potest, & corpus si non sit substantiale, substantia nunquam esse poterit. Quocirca in primo loco Aristoteles, ut dixi, falso affirmavit genera de speciebus suis denominative prædicari non posse. In sequentibus autem locis usq; ad decimum multa etiā sunt non recta, sed quia non magni momenti sunt, ea prætereo: & ad decimum undecimūq; venio, qui sunt à genere ad speciem, & à specie ad genus. Quibus in locis, Aristoteles licet verum dicat, tamen in eo errat, quod loci à genere ad speciem & contra, non magis proprii sunt problematum de accidente, quā omnium pene aliorum. Atq; ideo non recte hic fuerunt tanquam alligati, id quod ex aliis omnibus, qui locos inventionis tractaverunt, licet intelligere, & præsertim ex Cicerone in Topicis, qui utrumq; horum locorū tradidit, & neutrum

eorum

corum ulli applicavit materiæ, id tantum servans, ut eorum exempla tradat in materia juridica, quia scribebat ad Trebatium Iurisconsultum. Sic enim tradendi sunt & hi & alii omnes loci communes, hoc est, libere & solute, ut ad omnem materiâ argumētando possint accommodari, modo ea id patiatur, & propter hanc causâ appellati fuerūt cōmunes. Atq; ita faciunt Rhetores, apud quos videre licet & locos proprios cujuscunq; status & communes omnium statuum, ut hi quos dixi, & alii quos diserte recenset, & Rodolphus Agricola in libris de Dialectica Inventionē, & Georgius Trapezuntius in tertio Rhetoricorum. Quamobrem iterum dico vehemēter errasse Aristotelem, qui locos communes certis quibusdam materiis assignavit, ad problemata alios de accidente, alios de genere, alios de definitione applicans: & eo magis peccasse, quoniam ut supra dixi, nullum potest esse problema neq; de proprio, neq; de accidenti, neq; de definitione, quin idem etiam sit de genere: cum necesse sit, omnia de quibus dubitatur & quæritur & sit quæstio, esse vel aliquod genus vel in aliquo genere vel essentiali vel accidentali: sed de hoc supra satis. Nec dissimiles his duobus locis ferē sunt alii sequentes hujus secundi libri usq; ad finem. Ferme enim omnes peccant vel in eo, quod falsi aliquid continent, vel in eo, quod sunt inutiles, vel in eo, quod & si veri & utiles sunt, tamen ita confuse & obscure traduntur, ut sæpenuero proposito aliquo problemate nescias ad quodnam caput pertineat, & utrum de accidenti, an de genere, an de quopiam alio sit. Verbi gratia si proponatur, utrum divitiæ sint bonæ an non, & utrum Dii sint an non. Alexander dicit hæc esse problemata de accidente, Perionius autem non de accidente sed de genere esse contendit. Nec in his solum, sed in multis aliis tanta est confusio & obscuritas, ut nec ab Interpretibus ipsis intelligantur, id quod patet ex eo quod non paucis in locis, Albertus unum dicit, Adenolphus aliud, Alexander aliud, Augustinus Sueffanus Alexandrum ferre sequens, tamen in multis ab eo dissentit atque etiam illius opiniones sæpenuero refutat. Vel si non obscure traduntur, tamen aut exempla falsa sunt aut non accommodata, de quibus omnibus in præsentia dicere superfedeo, quia de his abunde scripturus sum in libro ad hanc unam rem destinato, si mihi vita suppeditarit. Illud tamen admonitum volo, compluribus in locis nō recte fieri nec ab Aristotele, qui ad confirmādos locos sæpenuero affert exempla falsa, nec ab Interpretibus, qui Aristotelem excusantes ajunt, ut eorum verbis utar, exempla dari, non ut ita sit, sed ut ita sentiant auditores, *Exemplorum expositionem requiri non verificationem.* At ego contra dico, in aliquibus fortassis hoc verum esse posse, sed in locis tradendis non solum locos sed etiam locorum exempla oportere esse vera. Nam aut locorum illorū exempla

vera



vera reperiuntur, aut non: & si reperiuntur, cur non potius traduntur vera quam falsa? si non reperiuntur, quorsum mihi opus est loco, cujus nullum ex-  
tet vel non reperiatur exemplum? At enim inquirunt, exempla nonnunquam non reperiuntur ita accommodata, quare necesse est uti falsis. At ego rur-  
sus contra dico, si loci veri sunt, exempla quoque reperiri vera: & si non re-  
periuntur, signum id maximum esse, locum non esse nec verum nec utilem.  
Et propterea non recte excusatur Aristoteles ab interpretibus, qui ad expla-  
nandos locos suos exempla falsa protulerit. Credendum enim est eum, si vera  
exempla habuisset, potius veris quam falsis fuisse uturum. Atque hæc tenus  
breviter percucurrimus particulatim aliquot locos problematum, partim de  
genere, partim de proprio, partim de definitione, partim de accidente: ut do-  
ceremus in eis multum esse partim falsa partim inutilia, & ostenderemus istos  
Topicorum libros non tam veros & utiles esse, quam plerique existimant: quod  
à nobis arbitror non obscure nec indiligenter fuisse factum. Nunc pauca dicā  
in universum de tota Aristotelis doctrina topica, quam ego & si sine ulla du-  
bitatione pronuntio maxima ex parte esse falsam, ut apparuit cum ex paucis  
illis locis, quos supra refutavi, tum ex iis, quæ inter initia hujus capitis dixi:  
tamen etiam si esset vera, adhuc contendo & constanter affirmo istam artem eo  
modo, quo ab Aristotele traditur, & ad id, in quo illam esse utilem testatur,  
non posse esse utilem. Ait enim ad tria utilitatem præstare, ad exercitationes  
ad congressus, ad philosophiæ scientiam: sed quæro primum, quomodo ad  
exercitationes potest esse ut ista doctrina? quæ maxima ex parte est, ut di-  
xi, vel falsa, quia non docet verum, vel inutilis, quia magna pars problematum  
illorum, quæ ab Aristotele proponuntur, nunquam veniunt in usum: vel ob-  
scura sic ut sæpe nec ab Interpretibus ipsis intelligatur. Deinde quæro ad quas  
exercitationes, an ad rhetoricas meditationes? nihil minus: nemo enim est, ut  
recte inquit Ludovicus Vives in tertio de corruptis artibus libro, qui quantū-  
libet diligenter lectis istis Aristotelicis topicis sentiat se adeptum aliquam  
magni momenti facultatem ad vere copioseque differendum. Quod nō tam id-  
circo evenit, quod non multa sint in eis vera & utilia, quam quod sunt obscu-  
re, perverse, & sine ullo recto aut vero ordine tradita. Nam ordo ille proble-  
matum quadripartitus, quam sit rectus & verus, ex iis, quæ supra dixi, fa-  
tis patuit. Quod si non ad exercitationes rhetoricas utilis est ista doctrina,  
an forte ad alias quasdam? hoc est, aut ad disputandum in circulis, quos vo-  
cant, aut ad philosophicarum rerum veritatem investigandam? multo etiam  
minus. Nam quod ad circulos disputatorios attinet, hi qui nostra ætate sunt  
longe sunt diversi ab illis, qui antiquitus fieri solebant. In his enim nihil

interrogantes Adversarium proponunt eas, quas vocant, conclusiones: & alteram tantummodo problematis partem eam, quam volunt, ipsi defendendam sumunt, respondentes ad ea, quæ Adversarius opponit. At illi non sic faciunt, sed ante omnia quærebant ab Adversario, utram problematis partem putaret esse veram, & quam ille respondebat, sibi veram videri, adversus eam differebant, ut constat partim ex Dialogis Platonis, in quibus solis veræ disputationis dialecticæ continentur expressæ, partim ex octavo libro Topicorum Aristotelis, in quo & interrogandi Adversarium, & respondendi præcepta, & quæcunque tam à respondente quam ab interrogante in dialectica exercitatione facienda sunt, minutatim traduntur. Quare nec ad disputationes publicas nostrorum temporum multum proficit hæc dialectica præceptio, cum sit ab ea, ut dixi, longe diversa. Ad philosophicam vero investigationem veritatis quantum afferat adjumenti, id etiam sine alia ratione vel maxime cognosci potest ex libris Dialecticorum: in quibus, ut supra demonstratum est, pene tot sunt errata quot verba. Cum inquam talis sit, ut paulo ante dixi, & toto hoc capite ostendi, doctrina hæc Aristotelis topica, etiam atque etiam hortor studiosos philosophiæ candidatos, ut doctrinam inveniendorum argumentorum à Cicerone potius, cæterisque Rhetoribus discant, quam ab Aristotele & Dialecticis: & si tamen Aristotelem legere volunt, ut caute & cum judicio legant, ne falsis, quæ ab eo dicuntur, magis lædantur, quam adjuventur veris.

Loci communes inveniendorum argumentorum, ex Trapezuntio.

A genere, hoc est, à toto discreto.

A specie, hoc est, à parte discreta.

A toto continuo.

A parte continua.

A definitione.

A causa efficiente.

materiali.

formali.

finali.

Ab effectibus.

Ab usibus.

A generatione.

A corruptione.

Ab adjunctis.

A re judicata.

Ab exemplo.

A contrario.

A simili.

A majori.

A minori.

A pari.

A proportione.

Ab oppositis.

contrarie.

contradictorie.

relative.

privative.

A transumptione.

A conjugatis.

A casibus.

A divisione.

CAPUT

## CAPUT SECUNDUM.

*De utilibus & veris argumentationibus, deque utili & vero earum usu: contra inutilem & vanam Aristotelis de eisdem rebus doctrinam, traditam in libris priorum Analyticorum.*

**Q**uanvis in Organo Aristotelis græco, hoc est, in instrumento illo totius dialecticæ facultatis, tantopere ab imperitis celebrato, liber Priorum Analyticorum, in quo de argumentationibus agitur, præpositus sit libro Topicorum, in quo Aristoteles de locis argumentorum invenientorum differit: tamen quoniam natura prius est argumentum invenire, quàm inventum explicare: nemo enim explicat, quod nondum invenit. Idcirco nos in tradendis veris principiis & falsis refutandis, existimavimus nobis prius loquendum esse de argumentis, & de libro Topicorum, quod in superiore capite factum est. Deinde de argumentationibus & de libro Priorum Analyticorum, id quod in præsentia facere aggredimur. De argumentationibus igitur tam oratoriis quàm philosophicis, earumq; usu quatuor hæc in primis ab omnibus iis, qui recte philosophari cupiunt, putamus esse cognoscenda: Quantus nam earum numerus sit statuendus, quæ sint veræ & quæ non veræ argumentationes, quibus convenient & ad quos pertineant singula argumentationum genera, & deniq; quis modus in eis tradendis usurpandisq; sit tenendus. His enim quatuor cognitis liquido apparebit Rhetores de argumentationibus earumq; usu multo rectius & cōmodius præcepisse, quàm Dialecticos & Pseudephilosophos: atq; idco illos multo magis quam hos, hac in re sequendos. Argumentationem autem hoc in loco intelligi volumus, non prout est idem, quod argumentum, sed ut ab argumento distinguitur: atq; ut argumentatio est argumenti per orationem explicatio, sive modus quidam explicandi argumentum per orationem. Argumentum vero ratio rei dubiæ faciens fidem, sive ut Cicero definit, inventum ex aliquo genere rem aliquam aut probabiliter ostendens aut necessariæ demonstrans. Qua distinctione sic præposita nunc primo, quoad numerum argumentationum attinet, nos eas in summa decem has esse statuimus: complexionem sive dilemma, enumerationem, simplicem conclusionem, subjectionem, summisionem, oppositionem, violationem, inductionem, collectionem, ratiocinationem sive syllogismum: quo nomine jam fere omnes pro latino utuntur. Quas decem argumentationum

formas, tradit partim Author ad Herennium in secundo, partim Cicero in primo de Inventione, partim post omnes alios Georgius Trapezuntius in tertio Rhetoricorum suorum: sic illustrans eas clarissimis accomodatissimisque exemplis, ut neque plura neque pauciora de iis dicenda fuisse videantur. Quare qui formas omnes & modos argumentationum tam philosophicarum quam oratoriarum videre ac discere cupit, is ad eos, quos dixi, confugiat Autores. Mihi tantummodo principia philosophandi vera indicare, & falsa refutare, propositum est. Hæc igitur nos una cum iis authoribus, quos dixi, de vero argumentationum tam philosophicarum quam oratoriarum numero statuimus. Aristoteles vero & una cum Aristotele Peripatetici omnes quatuor tantummodo argumentationum genera ponunt: Syllogismum, inductionem, enthymema, & exemplum: & enthymema imperfectum syllogismum, exemplum vero imperfectam inductionem vocant. Qui quidem Aristotelicus & Peripateticus argumentationum numerus, tanto diminutior & imperfectior est nostro & oratorio, quanto quaternarius numerus est minor denario, & quanto quatuor homines pauciores sunt quam decem. At enim inquirunt Pseudophilosophi, Aristoteles has tantum quatuor posuit argumentationes, quoniam reliquæ omnes quæcunque fieri possunt, ad quatuor has, tanquam imperfectiores ad magis perfectas necessario reducuntur. Et quoniam his cognitis aliæ omnes non difficulter cognosci possunt, sic ut non necesse fuerit eas singillatim recensere, aut quomodo fiant referre. Sic inquam Pseudophilosophi imperfectione numeri argumentationum ab Aristotele positarum excusant, sed nihil valet hæc excusatio, quia si vera esset, eadem ratione debebat etiam prætermittere enthymema & exemplum, cum ut ipsemet inquit & illi non negant, enthymema ad syllogismum, & exemplum ad inductionem, tanquam imperfectiora ad magis perfectiora reducantur. Atque ita patet, si vera est ista Pseudophilosophorum excusatio, quæ ratione enthymema & exemplum inter argumentationes ab Aristotele numerata fuerunt, eadē etiā reliquas argumentationes à nobis supra commemoratas numerari debuisse, præsertimque dilemma & antitheton, quæ sunt non solum exornationes, ut recte inquit Trapezuntius, sed etiam argumentationes apud Scriptores tam græcos quam latinos frequētes. quod autem spectat ad id, quod secundo loco propositum fuit, nos veras argumentationes esse affirmamus omnes illas decē, quas supra commemoravimus, partim ex Authore ad Herennium, partim ex Cicerone, partim ex Trapezuntio desumptas. Nam cum *argumentatio ut differt ab argumento*, communiter, tam à Rhetoribus, quam à Dialecticis, & aliis definiatur, ut supra dixi, esse *argumenti per orationem explicatio*, sive modus quidam explicandi

candi argumentum, sine dubio omnes illæ, quas supra commemoravi, sunt explicationes quædam argumentorum per orationem. Sic ut quemadmodum una eadẽq; cetera multis sæpe & variis informatur imaginibus, ita unum idemq; argumentum pluribus interdum & diversis argumentationibus explicetur, & quasi transformetur. Ut apertissime docet Georgius Trapezuntius in tertio Rhetoricorũ, ubi clarissimis exemplis monstrat ac docet quonam pacto tum enumeratio in subjectionẽ, tum subiecto in enumerationẽ, tum etiam ceteræ argumentationes in alias quasdam mutuo convertantur. Has inquam nos decem affirmamus esse veras & proprias, tam Philosophorum quam Oratorum argumentationes, ab utrisque sine ulla differentia communiter usurpandas, cum videlicet & materia, qua de agitur, & eloquendi ratio id postulat. At vero ex quatuor illis, quas Aristoteles statuit, duas tantum priores fatemur esse veras, & ab aliis separatas argumentationum formas, id est, syllogismum & inductionem, quas nos quoq; supra commemoravimus inter argumentationes nostras & veras. Reliquas vero duas posteriores, hoc est, *enthymema* & *exemplum*, plane affirmamus aut non esse argumentationes, sed argumenta: aut si sunt argumentationes, tamen non per se nec ab aliis esse discretas, sed aliarum una aliqua semper explicari. Loquendo semper, ut ante dixi, de argumentatione, ut distinguitur ab argumento. Nam Aristoteles tametsi diversis in libris de argumentationibus & argumentis loqui videatur, tamen nullo in loco aperte distinguit argumentationem ab argumento, sed de utroque simul ubiq; loquitur, perinde ac si idem essent. Quo factum est, ut non solum non potuerit verum argumentationum numerum tradere, sed etiam ut veris argumentationibus docendis vehementer erraverit. Enthymemata enim & exempla, ut ante dixi non argumentationes sed argumenta sunt: nam si argumenta vere definiuntur, esse non explicationes argumentorum, sed rationes quibus res dubiæ probantur: & tam enthymematibus quam exemplis res dubiæ probari solent: quis dubitare potest, quin enthymemata & exempla non argumentationes sint sed arguimẽta? certe nemo, nisi Dialecticus, hoc est veritatis plane inimicus. Ad hæc enthymemata & exempla non in argumentationibus, sed in argumentis esse numeranda, id magnum etiam est indicium, quod utrunq; aliis multis & variis argumentationibus explicatur, nec rationi consentaneum videtur, ut una eademque argumentatio aliis explicetur argumentationibus. (curita?) Tam enthymemata autem quam exempla multis & variis explicari argumentationibus, testis est ipsemet Aristoteles in secundo Rhetorices, ubi de enthymematum locis disserit, explicat enim enthymemata ibi per argumentationes varias, hoc est, enthymema à contrario per simplicem

tantum ex contrariis & repugnantibus, & his duobus modis cum enthymema idem sit quod argumentum, non mirum esse ajunt, si pluribus interdum argumentationibus explicatur. At vero tertio modo acceptum pro argumentatione rhetorica, ut ipsi dicunt, ex duabus tantum partibus constante, ut ab exemplo distinguitur, nullo pacto tales recipit argumentationum varietates. Sic inquā mihi respondent Dialectici distinguendo enthymema, & ejus tres modos faciendo, ut diximus. Quibus ego quoque vicissim respondeo, duos illos priores enthymematis modos, quos dicunt, esse veros & agnitos, non solum apud Latinos à Cicerone in Topicis & à Trapezuntio in Rhetoricis suis, sed etiam apud Græcos ab Authore illo, qui scripsit Rhetoricam ad Alexandrum, & ab Hermogene *περί ὑποθέσεων*. Sed tertium illum quem ajunt esse argumentationem oratoriam, ex duabus propositionibus constantem & ab exemplo distinctam, prorsus negamus esse verum: Cum nec Aristoteles aperte ullo in loco tradiderit ullum talem enthymematis modū, nec si tradidisset, id fecisset recte. Is enim secundo Rhetorices libro duo capita fecit, unum de exemplo alterum de enthymemate, ejusq; locis, & ita ibi distinguit exempla ab enthymematibus, ut argumenta ab argumentis, non ut argumentationes ab argumentationibus. Nam cum speciem exempli faciat rem gestam præteritam, similitudinem & Apologum, quis tam inspicere est, ut dicat istas argumentationes esse non argumenta? Similiter enthymematis species, cum dicat esse, similes casus, consequentia, repugnantia, definitiones, majora, paria, & alia multa similia, quis rursus tam demens sit, ut ista inter argumentationes, non inter argumenta putat esse numeranda? certe nemo. Quare fateor quidem

(Argumenta ab argumentationibus differunt ut res à vocibus.)

exempla ab enthymematibus ab Aristotele distincta fuisse: *sed ut argumenta & res ad probandum accommodata, non ut argumentationes & explanationes argumentorum.* Quanquam non nego Aristotelem fortasse vocabulis exempli & enthymematis, intellexisse non solum res ad probandū accommodatas, sed etiam certam quandam explicandi argumenti formam, sed eam formam, dico & contendo ab Aristotele nullo in loco aperte unquam fuisse explicatam. Quam ob causam, ut refert Rodolphus Agricola in secundo de dialectica Inventionem Cap. XIV. sunt qui putent Aristotelem non discrevisse forma argumentandi à rationatione enthymema, sed certo tantum rerum genere enthymema constare voluisse. Quorum sententiam usq; adeo probat Phryseus Rodulphi Interpres, ut validis acribusq; argumentis eo in loco disputet contra eos, qui contrariam sententiam sequuntur. Ego vero & illorum ipsorum, & Phryseii opinione tāmquam verissimam confirmans, ad eam quoq; addo, exemplum ex Aristotelis opinione non tam argumentationis forma, quam materia

materia ab enthymemate differre. Sed fac Aristotelem distinxisse exemplum ab enthymemate non solum materia & rerum genere, sed etiam argumentatione & explicandi argumēti ratione, dico illū non recte fecisse: propterea quod, ut supra dixi, utrumque illorum aliis quibuscumque argumentationibus identidem explicatur, quod videretur esse absurdissimum. Sed ut redeam unde discessi, dico Aristotelem vehementer errasse, qui nullo in loco satis aperte distinxerit argumentationes ab argumentis, sed de utrisque simul confuse locutus fuerit. Rhetores vero multo rectius fecisse, qui ut supra dixi, argumentationes ab argumentis diligenter separant, & de utrisque diversa capita faciunt, ut & apud Authorem ad Herennium in secundo, & apud Ciceronem in primo de Inventione, & apud Trapezuntium in tertio Rhetoricorum, licet videre. Atque ita patet verum esse id quod in secundo loco dixi, enthymemata & exemplum non veras argumentationū formas, sed inventa & argumenta vera esse, & propterea inter argumentationes ab Aristotele non recte fuisse numerata. Neque solum in hoc ab eo erratum fuit, sed etiam in eo quod, quæ veræ & germanæ erant argumentationum formæ, hoc est, quas nos supra diximus, eas non recensuit, nec numeravit inter argumentationes. Et ita dupliciter peccavit, adnumerando scilicet, quod non erat adnumerandum, & prætermittendo quod non erat prætermittendum. Quibus autem convenient, & ad quos pertineant singula argumentationum genera, quod tertio loco ante proposuimus, nos & si antea quoque hac de re non solum nostram, sed etiam Rodulphi Agricolæ & Phrysemii ejus Interpretis sententiam aperuimus, tamen etiam hic, qui locus est hujusce rei proprius, una cum eisdem adversus Aristotelem & omnes pseudophilosophos repetimus & inculcamus, omnes argumentationum formas omnium tam oratorū quam philosophorum aliorumque; Scriptorum, sine ulla differentia communes esse, & nullius omnino vel scriptoris vel authoris proprias, sic ut non quilibet alius, quotiescunque earū usus venerit, ipsas usurpare tanquam suas & proprias queat. Atque hæc est nostra & Rodulphi Agricolæ & Phrysemii illius Interpretis, de argumentationum pertinentia opinio. Quod autem Aristoteles scribit syllogismum & inductionem philosophorum, enthymema autem & exemplum oratorum argumentationes esse proprias, id est falsissimum: cum syllogismus & inductio sint argumentationes non minus oratorum propriæ, quam philosophorum: & enthymema atque exemplum, si modo argumentationes non argumenta sunt, non magis ad oratorem quam ad philosophum esse pertinentes. Quorum utrumque ipsa videmus esse verum: nanque & oratores in scriptis & orationibus suis sæpe numero, cum opus est, utuntur syllogismis & inductionibus, si nō nudis,

& ut



& ut ita dicā, exanguibus, ut Dialectici solent, at certe, ut inquit Valla in proœmio secundi libri Dialecticæ suæ, vestitis ornatisq; auro & purpura gemmisq; Philosophi autem contra non solum syllogismos & inductiones, sed etiam enthymemata & exempla usurpant, & multo quidem frequentius. Nam lege totum Platonem, totum Aristotelem, fere nunquam in totis eorum scriptis ullum syllogismum in figura & modo figurę perfectum invenias, Sed ferme semper enthymemata bipartita more dialectico conformata, ut valde mirum sit, quid Aristoteli venerit in mentem, de argumentationū cōformatione & pertinentia, aliter præcipiendo & docendo, aliter scribendo & usurpando videri sentire, ut sibi ipse adversarius esse, & sua ipsius verba contrariis factis rescindere voluisse videatur. Præterea lege omnes Ciceronis de philosophialibros, totum contrarium videbis observatum, hoc est, rarissime illum syllogismis & inductionibus, sæpissime autem enthymematibus & exemplis uti. Et postremo illud superat omnem admirationem, quomodo potuit Aristoteles dicere syllogismum & inductionē philosophi, enthymema & exemplum oratoris argumentationes esse proprias, cum Rhetores ipsi dicendi præceptores prorsus contrarium & sentiant & dicant. Nam & Cicero in primo de Inventione, & Trapezuntius in tertio Rhetoricorum, syllogismum & inductionem tanquam proprias argumentationes oratori tribuunt, exempli autem & enthymematis ut de argumentationibus oratoriis, nullam omnino faciunt mentionem. Sicq; Aristoteles hoc item in loco dupliciter peccavit, attribuendo scilicet oratoribus eas argumentationes, quas ipsi non agnoscunt, & adimendo eis illas quas sibi tanquam suas & proprias vendicant. Atque hæc similiter est Aristotelis & Pseudophilosophorum de pertinentia argumentationum sententia, quā facile unusquislibet vel mediocriter doctus intelligere potest esse falsissimam, cum in rebus oratoriis prorsus discordet à sententia maximorum oratorum, & dicat contra experientiam, hoc est, contra id quod quotidie omnes re ipsa videmus usurpatum. Sed ex quatuor partibus antea propositis in argumentationum doctrina cognoscendis, tres jam absolvimus, restas quarta, nempe quis modus in eis tradendis usurpandisque sit tenendus. Qua in parte rursus dico & affirmo, multo rectius utiliusque factum esse à Rhetoribus, quam à Dialecticis. Rhetores enim ut Author ad Herennium in secundo, & M. Cicero in primo de Inventione, & Quintilianus in quinto, & denique Georgius Trapezuntius in tertio Rhetoricorum, breviter & expedite scribunt de argumentationibus tradendo in primis verum earum numerum. Quanquam Trapezuntius ad eas quas invenit à superioribus traditas, aliquot adjecit. Deinde ostendendo ex quibus partibus una quæq; argumentatio constet, & quibus modis una quæq;

R r

pars

par vel recta sit vel vitiosa. Atque hinc capita illa, de vitiosa expositione, de vitiosa ratione, de vitiosa confirmatione rationis, de vitiosa exornatione, de complexione five conclusione varia, partim per conductionem, partim per id quod conficitur, partim per id quod sequitur: & ad extremum quot modis contingit non rectam facere conclusionem. Hæc inquam Rhetores & multa alia similia de argumentationibus scribentes, & singulis scriptis clara & accommodata exempla subicientes, ita breviter, ut dixi, & expedite docent facere & factas reprehendere argumentationes, ut neq; plura quam oporteat, neq; pauciora dixisse videantur. Aristoteles vero & Dialectici omnes ejus sectatores, in hac ipsa re vehementer errasse reperiuntur. Peccant enim primo quoniam in tradendis & docendis argumentationibus, nec modum ullum, nec mensuram servant, proponentes ante omnia tres figuras syllogismorum primam, secundam, & tertiam. Quibus tamen Galenus, tanquam numerus figurarum esset diminutus, & Philosophiæ studiosi parum laborarent in perdiscendis tribus figuris, ipse quoque addidit quartam, ut non tres sed quatuor essent syllogismorum figuræ. Non solum inquam proponentes tot figuras syllogismorum, sed etiam subicientes unicuiq; figuræ multos & varios modos, partim directe concludentes, partim indirecte, partim de inesse ut ipsi vocant, partim modales, hoc est, de necessario, de contingenti, de possibili, de impossibili, de vero & falso: partim deniq; mixtis omnibus his interse, partim non

(Modos in universum bonos & malos 12. statuit Ioh. Hospinianus libro peculiaris.)

mixtis. *Et omnes modi simul collecti tam a syllogisti quam syllogistici, quemadmodum ait Nicephorus, ascendunt ad summam myriadam triginta trium & amplius.* Ad quos quidem modos perdiscendos ne vitæ quidem multæ, opinor, forent satis, etiam si essent longiores quam Mathusalemicæ. Ut omittam interim capita bene longe de conversionibus propositionum, nō solum absolutarum sed etiam modalium: de syllogismis tam absolutis quam non absolutis in omni figura, & plurimis aliis rebus hujusmodi non solum inutilibus sed etiā damnosis & noxiis. Si quidem philosophiæ studiosi, dum in ambagiosis istis, & perplexis nugamentis legendis occupantur, plane amittunt & prodigunt tempus, quod melioribus rebus erat impendendum. Quæ tamen omnia facile fortassis terri possent, quamvis immodica & inutilia: si tamen essent aperta & clara, ita ut sine labore vel saltem eum non multa difficultate intelligi possent. Sed Aristoteles ad immensam rerum inutilium multitudinem, insuper etiam addidit obscuritatem & tenebras exemplorum. Non enim exemplis utitur explanantibus & illustrantibus, sed characteribus & notis literarum, quæ rem per se obscuram, multo etiam obscuriorē reddunt: perinde quasi mathematica aliqua theorenata aut problemata tractaret, quæ nullo pacto aliter intelligi possent.

possent. Si enim, inquit, a contingit nulli b, b autem contingit alicui c inesse, necesse est contingere alicui c non inesse: & plurima alia hujusmodi, multum quidem artificii & diligentia præferentia, sed inutilia & vana planeq; similia telis arancarum, vel potius artificio illius, qui ut Quintilianus refert, grana ciceris ex spatio distante in foramen acus identidem inferebat, atq; ideo à Cæsare Augusto jure optimo donatus fuit modio illius leguminis. Sic igitur in tradendis argumentationibus peccavit Aristoteles, & valde reprehendus est, quia tradidit eas vel nimis immodice, vel nimis inutiliter, vel deniq; nimis obscure. In usurpandis vero eisdem argumentationibus, non ita quidem peccavit, propterea quod, quæ præcepit de argumentationibus tanquam aliis utenda, ipse tamen nullo in loco videtur usus. In libris enim ejus nunquam legas, nego majorem, nego minorem, nego consequentiam: probo majorē, probo minorem, probo consequentiam, & alia plurima hujusmodi, quibus plena sunt ingentia barbarorum Dialecticorum & Philosopharum volumina: sed tamen reprehensione non caret, eo quia præcepit aliis ea, quibus ipse nunquam tamen uti voluit, & ita præcipiendo posteris dedit occasionem utendi & peccandi. At posteriores Dialectici, qui præcepta illa de argumentationibus ab Aristotele tradita non solum in circulis & publicis disputationibus, sed etiam si Diis placet, in scriptis & libris usurpare cœperunt, ex una parte quidem videntur excusandi, quod ea usurparunt, quæ ab antiquis invenerunt tradita, sed ex alia parte non solum reprehendendi sunt, verum etiam ridendi, quod in tam multis seculis, & in tanta multitudine, nemo eorum unquam vidit, nec animadvertit, in istis Aristotelicis præceptionum de argumētando formulis tam multis, tam superstitiosis, tam obscuris, vel nihil vel parum admodum esse utilitatis. Id quod vel maxime licet intelligere partim ex Cicerone cæterisq; Rhetoribus, qui & de argumentis & de argumentationibus scribentes, & tot pulcherrima utilissimq; præcepta tradentes, nullo tamen in loco quicquā unquam præceperunt de figuris syllogismorum, aut de modis earum, ut facit Aristoteles: partim ex Demosthene, Isocrate, cæterisq; Oratoribus, qui vel ante Aristotelem vel Aristotelis ætate fuerunt, cum nondum ars ista argumētandi prioristica erat inventa, qui tamen sine ullis istiusmodi argumentationū formulis ita copiose, ita vehementer, ita subtiliter disseruerunt, ut post eos, hoc est, postquā inventa est ista tam præclara argumentandi ars, nemo unquā neq; copiam, neq; vehementiā, neq; subtilitatem illorum potuerit imitari, ne dum æquare aut superare. Ex quo rursus licet intelligere argumentandi peritiam, saltem, quod ad figuram & modum argumentationis attinet, magis innata quadam ingenii bonitate, & naturali mentis acumine constare, quā ullis

Dialecticorum præceptionibus, ut non possit Aristoteles non vehementer esse reprehendendus, qui rem suam sponte non admodum difficilem, præceptorum nimia multitudine & ambigua quadam obscuritate, difficillimam laboriosissimamque reddiderit. Et si quispiam forte adhuc perseverat credere & affirmare doctrinam istam Aristotelis prioristicam, esse tam utilem & necessariam ad recte argumentandum, & ad veritatem investigandam, ut hæcenus pene ab omnibus temere creditum fuit, is mihi quæso dicat & reddat rationem, cur non solum Dialectici Aristotelis sectatores, sed etiam Aristoteles ipse & artis istius inventor & Archidialecticus, subinde deprehendatur cadere & præcipitare in tot ac tam fœda errata, quot à nobis supra fuerunt deducta & refutata. Quod si mihi hujus, quam dico, rei causam aut rationem ullam probabilem reddere sciverit, non recuso neque causam ullam dico, quin omnes judicent Aristotelem omnia recte & utiliter præcepisse, me vero nihil nisi perverse ac temere sensisse. Sed ut ad rem redeam & semel finiam, dico & concludo Aristotelem in modo & mensura tradendarum argumentationum vehementer errasse, ut diximus: Dialecticos autem posteriores illius sectatores, non solum in hoc peccasse, sed etiam in eo quod quæ Aristoteles usurpare noluit, ipsi non veriti sunt passum in usum adducere, & libros identidem referre negationibus majorum, minorum, consequentiarum, probationibus antecedentium, consequentium, & aliis similibus nugamentis, quæ prorsus sunt dissimilia & plane contraria modo scribendi ac disputandi antiquorum. Atque ita patet Aristotelem, & cum eo omnes Dialecticos & Pseudophilosophos vehementer errasse, partim in assignando numero argumentationum, partim in veris argumentationibus prætermittendis & in non veris tradendis, partim in assignandis argumentationum generibus iis ad quos non pertinent, & iis ad quos pertinent adimendis, partim postremo in modo tradendi & usurpandi argumentationum formulas. Rhetores autem hæc omnia rectius, verius, clarius, moderatiusque, fecisse, ut nemo recte philosophandi studiosus dubitare debebat, quin doctrina tam docendarum quam usurpandarum argumentationum, non à Dialecticis nec à Pseudophilosophis, sed à Rhetoribus & Oratoribus cæterisque probatis Scriptoris sit petenda. Apud hos enim non solum vera argumenta, sed etiam veræ argumentationes traditæ & usurpatæ reperiuntur. Ac de argumentationibus satis, in quibus nihil dixi de eo quod est, dici de omni & dici de nullo: quibus duabus, tanquam columnis, Dialectici falso existimant fulciri omnes syllogismos, & probationes earum valere: nam supra satis de eis est dictum in septimo primi libri capite, ubi ostendimus vim & efficaciam probandi in syllogismo posita, esse non in eo quod est, dici de omni & dici de nullo, sed in eo quod

quod una vel plures partes alicujus totius discreti vel continui, sunt vel non sunt, continentur vel non continentur, in toto aliquo discreto vel continuo, & clarissimis accommodatissimisque exemplis hanc totam rem illustravimus. Quare de isto alio Aristotelis & Pseudophilosophorum non minimo errore, nihil hoc loco restat dicendum. Sed tantum huc afferenda aliquot doctorum Virorum testimonia, quibus confirmentur ea omnia, quæ à nobis dicta fuerunt supra de argumentationibus Pseudophilosophorum, & de libro Priorum Analyticorum: ne soli de tanta re, ac de tot tamque claris viris tam prave sensisse videamur: ergo Ludovicus Vives in tertio de causis corruptarum artium libro, ita scribit. Adduntur volumini *Neg. Igarvriac*, duo libri Priorum Analyticorum, utiles quidem illi, & magni, atque excellentis ingenii: Sed utilitas hæc obruta est primum multis supervacaneis adjectis, ut de modalibus, quæ ad rem non magis faciunt, quam cætera adverbia: Nam de illis statuendum est ex negatione, affirmatione, universalitate, particularitate. Impossibile non aliud est hoc loco, quam nunquam, necessario quam semper, possibile quam aliquando. Tum de reductionibus syllogismorum, de iis, quæ vera ex falsis nascuntur, quod est cuiusvis ita promptum, ut vix sit credibile Stoicos acutos homines, & in Dialectica multum versatos negasse id posse fieri. Omnia vero tanta subtilitate dissecat, ut laboriosius sit instrumentum intelligere, quam usum: Ita pulcherrimum Organum, & supervacaneis oneratum, & in tantas minutias fractum, & concisum, parum habile utentibus reddidit. Hæc Vives cui in omnibus, quæ de libris Priorum Analyticorum dicit, assentior, præterquam in eo quod putat eos esse non solum excellentis cujusdam ingenii, sed etiam utiles. Quorum neutrum est verum, excellentia enim ingenia in rebus tam frivolis & supervacuis non occupantur, neque res tam frivola & pene pueriles, possunt esse utiles. Sed Vives cum iudicium illud fecit, non recte potuit judicare, eo quod quatenus judicavit ea esse inutilia, à veritate rei tale iudicium facere fuit coactus, quatenus vero eadem dixit esse excellentis cujusdam ingenii, non à veritate, sed ab opinione de Aristotelis doctrina temere concepta, ita loqui coquebatur.

Argumentationum formæ communes tam Philosophis  
quàm Oratoribus, ex Trapezuntio.

Complexio, sive Dilemma.

Enumeratio.

Simplex conclusio.

Subjectio.

Summissio.

Oppositio, sive Antitheton.

Violatio, græce *Platon*.

Inductio.

Collectio.

Ratio cinatio, sive syllogismus.

R r 3

CA-

LIBER IV. CAP. III.  
CAPUT TERTIUM.

*De falsa demonstratione & falsa scientia & falsa sapientia  
Pseudophilosophorum, & simul de inutili falsoq; Poste-  
riorum Analyticorum libro.*

**P**ervenimus tandem ad preciosissimum illum Dialecticæ thesaurum, hoc est, ad librum Posteriorum Analyticorum, in quo agitur, ut Dialectici ajunt, de syllogismo non simpliciter, ut in Prioribus Analyticis, nec probabili ut in Topicis, nec sophistico ut in Elenchis, sed demonstrativo per quem fit & generatur scientia illa à Pseudophilosophis tantopere celebrata, quæ est, ut iidem affirmant, certa & infallibilis & nunquam aliter sese habere potens, & quæ postremo non nisi de rebus universalibus, necessariis, ingenerabilibus, & incorruptibilibus habetur. De tali inquam syllogismo, & de tali scientia gignenda disserit Aristoteles in hoc libro. Quare nos quoq; sicut antea fecimus in aliis libris, videamus qualis sit iste syllogismus demonstrativus, & ista scientia demonstrativa, & ostendamus non minus in his quam in superioribus, quæ à nobis refutata fuerunt, Aristotelem & Dialecticos omnes fuisse deceptos. Nos enim, ut ante libro tertio capite primo diximus, sic etiam hoc loco confirmamus, istam scientiam, quam Dialectici & Pseudophilosophi tantopere extollunt, apud homines nusquam inveniri: & demonstrationem illam, ex qua scientiam hanc generari ajunt, cū omnibus illis conditionibus, quas ei tribuunt, nec ab Aristotele unquam, nec ab alio ullo fuisse factam, nec fieri posse, & si fieret, tamen nullā vim probandi habituram. Et propterea totum istum librum Posteriorum, non solum frustra ab Aristotele fuisse compositum, sed etiam cum magno studiorum Philosophiæ detrimento, qui bonas horas in nugis & rebus nullius momēti impedere coguntur. Atq; ut breviter ostendam quod proposui, volo Lectorē hic mihi in memoriam redire eorum, quæ supra dixi, de ista scientia, nempe eam, si universalia realia falsa sunt, ut monstravimus, quoniam non nisi de talibus universalibus, ut ajunt, traditur, veram esse non posse. Nisi forte de non veris Dialectici, ut sunt stulti, veram scientiam posse esse autumant. Deinde Authorem illum, qui Introductio sive Medicus inscribitur, affirmare scientiam istam non modo apud Philosophos, sed ne apud homines quidem prorsus inveniri. Quibus duabus tantummodo rationibus istud scientiæ genus tunc oppugnavi, nunc vero alia adjungam, ut perfecte id quod proposuimus, verū esse intel-

intelligatur. Rursus igitur dico, scientiam istam, quam demonstrativam & maxime propriam vocant, esse rem prorsus cominentitiam, & ut vere dicam quod sentio, meram fabulam Aristotelicam. Idque probo primum ex demonstratione illa, quam propter quid & potissimam appellant: ex qua tanquam ex parente quadam & procreatrice, ajunt fieri scientiam istam. Nego enim talem demonstrationē cum omnibus illis conditionibus, quas ei tribuit Aristoteles, hoc est, ex veris, primis, immediatis, prioribus, & notioribus, & causis conclusionis: & præterea ex universalibus, necessariis, per se & secundum quod ipsum, nego inquam talem demonstrationē cum omnibus istis conditionibus aut ab Aristotele unquam, aut ab alio quopiam fuisse factam. Et hujus mex negationis causam & rationem hanc evidentissimam affero, quia nec ipse Aristoteles in tanta multitudine & farragine verborū, quæ super hac re consumit, ullum unquam talis demonstrationis exemplum attulit, nec ullus Interpretū adhuc, quod ab Aristotele prætermisum fuit, satis præstare potuit. Nam tantum abest ut ullum perfectæ & potissimæ demonstrationis exemplum afferant, ut in tot seculis nondum reperire potuerint, nec inter se convenire, quod nā sit verum potissimæ demonstrationis medium. Alii enim dicunt, id esse definitionem subiecti, ut Lynconiensis: alii definitionem prædicati, ut Egidius: *nonnulli vero, ut Thomas Aquinas, utranque definitionem tam subiecti quam prædicati.* (Rectissime) Quæ cū ita sint, quomodo potest quisquā interpretes, aut quisvis alius proferre exemplū perfectæ demonstrationis ab Aristotele omisum? cū nondum constet quod nam sit ejus medium, & sine medio, ut dicunt, nullo pacto fieri queat? Nam si quis forte demonstrationis perfectæ exemplū aliquod afferre conetur, & in ea pro medio ponat vel definitionem subiecti, id negabit Egidius: vel definitionem prædicati, id non concedet Lynconiensis: vel utranque definitionem, omnes Egidiani & Lynconiensiani adversabuntur. Atq; ita nullo pacto inveniri poterit exemplum ullū perfectæ demonstrationis, quod quidem non multos habeat adversarios, & multas rationes contrarias, ex eodem Aristotele omnes desumptas. Nec mirum, si nullum verum talis demonstrationis exemplum nec ab Aristotele unquam, nec ab ullo Interpretum prolatum fuit, cum prorsus fieri non possit, cum omnibus dico conditionibus illis quæ ei apponuntur. Nam per Deos immortales, quodnam majus aut evidentius argumentum esse potest, demonstrationem istam vere fieri non posse, & prorsus esse falsam? quam quod nullum ejus verum invenitur exemplum nec apud Aristotelem, nec apud ullum alium Scriptorem Græcum aut Latinum, nisi forte apud Euclidē, & alios Mathematicos, de quibus tamen postea videbimus. Nunc pro certo cōstare volo, nec in naturali, nec in morali Philosophia,

nec



nec in Dialecticis, reperiri ullam talem demonstrationem potissimam Ex quo non solum Aristotelem maxime reprehendendū dico, qui de tanta tamq; difficili & obscura re scribens, & tantum verborum inutilium fundens, nullum unquam istius tam præclaræ tamq; egregiæ demonstrationis exemplum attulerit, ut si non rudiores & imperiti, at certe interpretes & doctiores viri scire possent: quoniam pacto fieret iste demonstrativus syllogismus, & quodnam esset verum ejus medium: sic enim nec Egidius à Lynconienti, nec Lynconientis ab Egidio, nec Thomas ab utroque, de medio demonstrationis dissensisset. Non solum inquam, quod nullum demonstrationis attulerit exemplum, dico gravissime reprehendendum esse Aristotelem, sed etiam omnes illius Interpretes, qui non potius dixerunt istam demonstrationem fieri non posse, & esse falsam, sicut est: cum Aristoteles ipse nullum ejus afferre potuerit exemplum, quam laboraverunt incassum, dando operam ut intelligerent id quod erat intelligibile, & ut explanarent id quod erat inexplanabile, & denique ut facerent id quod nullo pacto fieri poterat. In quam reprehensionem ne ego quoq; inciderem, dixi & rursus dico, demonstrationem istam cum illis omnibus conditionibus à nullo unquam fuisse factam nec fieri posse, sed esse falsam & fabulosam. *Nam quod quidem perfectæ demonstrationis exemplum hoc afferunt,*  
*(Recte quidam dixit, nihil esse hac demonstratione risibile.)*

*omne animal rationale est risibile, homo est animal rationale, ergo homo est risibilis.* Dicentes in hac demonstratione definitionem subjecti esse medium, & per ipsum propriam passionem de suo subjecto concludi. Respondeo per demonstrationem istā nihil probari, eo quia non est ex notioribus: minus enim notum est, animal rationale esse risibile, quam hominem esse risibilem. Nam si quis forte negaret, hominem esse risibilem, & tu accederes cum ista demonstratione, coactus cum ad cōsitendum, hominem esse risibilem, nonne merito ridiculus & ineptissimus Logicaliter videreris? certe non posses non esse deridendus & ter ineptus. Quare si definitio subjecti pro medio sumatur, necesse est demonstrationem aut non esse potissimam nec ex medio vero factam, aut certe si potissima & ex vero medio est, tamen nullā vim habere ad probandum id quod concludit, neque ad cogendum Adversarium ut fateatur, id quod negat. Quorum utrum velint sumant Dialectici, non possunt defendere demonstrationem istam, quin aut non vera, aut certe vana esse videatur. Sed alii definitionem passionis non subjecti pro medio ad faciendā demonstrationem sumunt, hoc modo, ut persistamus in eadē re probanda. Omne quod potest ridere est risibile, homo potest ridere, ergo homo est risibilis: ut posse ridere, sit definitio risibilis, id est, passionis: nihil enim aliud est risibile, nisi id quod potest ridere. Quam demonstracionem nos quoque negamus esse veram

& po:

& potissimam, idque non solum quia Lynconicnsis & bona pars Dialecticorum idem negant, sed etiam quia non habet omnes conditiones, quæ in demonstratione potissima requiruntur. Non enim est ex prioribus & notioribus

(Falsum hoc. Et uti patet natura priores tota, ita definitio prior subjecto.)

naturæ, ut vel Aristoteles: si quidem utrunque, hoc est, *tam passio quam ejus definitio, est aque notum natura*, aut certe neutrum altero magis ignotum. Quare neutrum per alterum recte videtur demonstrari posse. Ut omittam interim hic, stultum esse dictum, aliquam probationem inter homines disputantes vel discentes fieri per notiora haurire non nobis. Probatio enim vel doctrina debet fieri per notiora ei, qui cum disputamus vel docemus. At disputatio nobis est cum Adversario nostro non cum natura, & discipuli nobis non natura docenda. Quare omnis probatio & doctrina ex notioribus adversario, vel discipulis non naturæ fieri debet. Sed ne simus morosiores, demus definitionem passionis, esse notiorem quam ipsa passio; & demonstrationem eam, quam dixi, esse ex veris, primis, immediatis, prioribus, notioribus, & causis conclusionis: non propterea tamen adhuc est potissima demonstratio, quia non habet alias conditiones, quæ requiruntur: non enim est ex necessariis, nec universalibus. Quis enim nisi stultus Dialecticus dicat, posse ridere, esse rem necessariam? Sed do etiam esse necessariam, nec propterea tamen concedam esse universalem, quia universalis realia, ut supra demonstravimus, non vere constant in rerum natura, sed falsa sunt & commentitia. Atque ita demonstratio ista quomodocunque fiat ex definitione sive subjecti sive passionis sive utriusque, nam eadem etiam ratio est de utraque, nullo pacto potest defendi esse potissima: Semper enim deerit aliqua conditio requisita. Ut omittam interim etiam de conditionibus ipsis esse maximam inter ipsos controversiam. Nondum enim satis perfecte intelligitur, quid sibi voluerit Aristoteles, cum dixit, demonstrationem debere esse *ἐκ ἀπαιτων, καὶ ἀπαιτων*, hoc est, ex primis & immediatis.

(Naturam demonstrationis satis explicatam dedere Viottus, Cornelius Martini, Joach. Jungius, tum vero Mathematici omnes. Nihil ea intellecta verius, nihil præstantius. Ajo hanc esse perfectissimam demonstrationem: omne corpus est in spatio. Omne quod in spatio est potest esse in alio spatio (quia datur cuilibet spatio aliud æquale se simile) quicquid potest esse in alio spatio potest mutare spatium. Quicquid potest mutare spatium est mobile. Ergo omne corpus est mobile.)

Si quidem alii aliter exponunt, ut in spatio paulo minus duum millium annorum ex verbis Aristotelis nondum potuerit elici, non solum quodnam sit verum demonstrationis potissima medium, sed etiam quæ & quales sint nonnulla particule in ejus definitione appositæ. Nec mirum hoc cuiquam videri debet, cum ipsemet Aristoteles cum istas nugæ scribebat, & alios docere volebat, non satis intelligebat aut sciebat, quid aut quale esset, id quod scribendum susceperat & docendum. Nam si intellexisset & scisset, certe nunquam prætermisisset, quin attulisset, exemplum aliquod potissimæ demonstrationis, quo id quoderat tam difficile tanque obscurum: atque etiam si verum esset, omnibus veritatis indagatoribus tam necessarium, aliquo modo efficeretur, manifestum & apertum, ac ne genus humanum in perpetuum defectu unius

Sf

exempli

exempli, tanto ac tam prælaro quasi thesauro privaretur. Sed nescio quomodo tot interpretes, qui istas nugæ interpretati sunt, & tot homines, qui eas usque in hunc diem legerunt, usque adeo fuerunt stupidi & cæci, ut non viderint nec intellexerint, in toto hoc Aristotelis libro, nihil aliud agi nisi id quod non est nec esse potest, tradi ac doceri, atque ista quasi fabula decipi ac deludi universum genus humanum. Id quod ego intelligens ac pro certo habens, nullo pacto amplius dissimulandum putavi, ut qui recte philosophari cupiunt, nugis istis rejectis & explosis, probatos libros legât, & in melioribus studiis bonas horas consumant. Sed jam satis, ut opinor, demonstrationis definitionem eam, quâ à materia factam vocant, impugnavimus: nunc ad eam venio, quam à fine demonstrationis assignant. Demonstrationem enim, ajunt, esse syllogismum scientialem, hoc est, facientem scire, & generantem in nobis scientiam illam, quam maxime propriam vocant. Et quoniam scientia deducitur ab eo, quod est scire, idcirco ipsum scire definiunt hoc modo, Scire est cognoscere per causam, propter quam res est, & quod illius causa est, & non contingit hoc aliter se habere. Sed hæc quoque definitio tam scientiæ quam sciendi, falsa est: nam si demonstratio potissima nunquam facta fuit, neque fieri potest, ut supra diximus, quomodo est syllogismus scientialis? aut quomodo generat in nobis istam scientiam, quam vocant maxime propriam? Quod vero ajunt, scire esse per causam cognoscere, fateor id esse verum, cum de causa dubitamus, & eam quærimus, & quærendo invenimus. Ut si quæreremus, quam ob causam Luna deficit, & eam deficere inveniremus hac de causa, quia terra inter ipsam & Solem interponitur. Fateor inquam scire hoc modo, nihil aliud esse, nisi per causam cognoscere. Sed si de causa nulla esset dubitatio nec quæstio, ut si quærratur, exempli gratia, an sint & quales sint Antichthones, & quærendo sciremus, eos esse & quales sunt, quid est, cur hoc scire, aut sit, aut putetur, aut dicatur, esse per causam cognoscere? certe ego nullam video causam, cum nulla hic causæ fiat mentio, nec ulla sit de causa dubitatio, aut quæstio. Nisi forte quis ipsas rationes, quibus aliquid scitur, causas esse sciendi dicere velit: quod est absurdum, cum nec Aristoteles de talibus causis intellexerit, sed de causa essendi: & hoc modo non solum demonstratio potissima, & propter quid,

(Ea demum vera scientia perfecta que est, quando coincidit causa scientiæ & rei)

sed etiam quæcunque alia fieret per causam. *Quicquid enim scitur, & quomodo cuncta scitur, per causam sciendi, hoc est, per rationem sciatur necesse est.* Atque ita præceptum Aristotelis de causa in definitione demonstrationis posita, non solum esse falsum sed etiam ridiculum: præsertim cum idem Aristoteles addat, & quod illius causa est, quasi volens innuere ad demonstrationem faciendam non quancunque causam sed veram, & non tantum ad cognoscendum, sed et

sed etiam ad essendum pertinentem esse necessariā. Itaq; sine dubio in definitione ejus, quod est, scire, de causa non solū sciendi, sed etiā essendi intelligendum est. Per quam causam, cum non semper sciamus, quia non semper de ea dubitatur nec quæritur, nec per eam semper fit probatio, non potest definitio sciendi ab Aristotele tradita, esse vera ac generalis omnibus quæstionibus, in quibus aliquid etiam perfecte sciri potest, ut in exemplis supra positis apparet. Quare si definitio sciendi non est vera generaliter, quomodo generaliter potest esse vera scientia, quæ ab illo scire deducitur? Sed hic mihi sese opponunt Dialectici, & non jam rationibus sed autoritatibus mecum agunt; ajunt enim non solū Aristotelem, sed etiā multos alios maximi nominis viros, approbasse hanc demonstrationem, & inter eos Galenum, qui tā sæpe in scriptis suis citat libros, & cōmentarios de demonstratione à se compositos, ut demonstrationem hanc maximi fecisse videatur. Quæ si non esset vera, ut nos dicimus, quorsum non solum Aristoteles, sed etiā Galenus in ea tradenda & docenda tantopere laborasset? Hæc defensio demonstrationis potissimæ, maxime commovet eos, qui se vel Aristoteli vel Galeno usque adeo addixerunt: ut quicquid ille vel ille dicit, quamvis falsissimum & absurdissimum, tamen verū esse putant, & in quærenda veritate rerum, non quid revera sit in natura, sed quid ab Aristotele vel Galeno dictū fuerit, tantū considerent; idq; perinde atq; à Deo vel à natura dictum esset, verum esse arbitrantur. Sed nos qui nulli addicti sumus, & in nullius verba juravimus, longe aliter facientes, nullius quamlibet magni viri autoritatem tanti facimus, quanti veritatem: & propterea, ut Aristotelis, sic etiam Galeni hac in re autoritatē non recipimus, sed plane improbamus & rejicimus: non quod non arbitremur Galenū magnum fuisse virum & Medicū, sed quod nimium fuit Dialecticus, hoc est, magnus Aristotelicarum nugarum cultor, & dialecticæ vanitatis approbator: præsertim ejus quæ pertinet ad demonstrationem faciendam. De qua cum sæpius citet librum à se compositū, tamen ita loquitur in libello de libris suis, ut aperte confiteatur in scriptis Dialecticorum veram faciendæ demonstrationis artem se nunquam reperire potuisse: sed tantum apud Arithmeticos & Geometras, cum tamen omnes de demonstratione Aristotelis libros non solum diligenter legisset, sed etiam prius quatuor, deinde quinque cōmentariis bene longis explanasset, ut ipsemet testatur. Quæ cum ita sint, quid ultra egemus testibus ad improbandos hos Posteriorum Analyticorum libros? & ad refutandam istam demonstrationem, quam docere se profitentur? Cum Galenus eorum tā diligens lector, & demonstratōis potissimæ tantus autor, ingenue fateatur se in ea faciendā à Dialecticis nihil fuisse adjutū, sed ab Arithmeticis

Sf 2

tantum

maxime propriam, eo quia ex tali demonstratione gigni affirmatur : & postremo destructa scientia, necessario ruere etiam sapientiam illam, ab Aristotele in sexto Ethicorum, tantopere celebratam, quæ ex scientia & intellectu, ut ipse ait, composita est. Ut manifesto appareat cadentibus universalibus realibus, non posse stare nec demonstrationem, nec scientiam, nec sapientiam : & qui hæc defendere ac tueri noluerit, eum necesse habiturum prius defendere universalia, quæ sunt tanquam columnæ quædam totius dialecticæ facultatis.

## CAPUT QUARTUM.

*De sophisticis elenchis ab Aristotele in Rhetoricam non recte introductis, & de libro sophisticorum elenchorum quid sentiendum.*

**A**ristoteles non solum in Dialecticam, sed etiam in Rhetoricam haud scio quam recte, certe multum præter consuetudinem aliorum Rhetorum introduxit specialem tractatum de non veris, sed apparentibus argumentis : cæteri enim Rhetores tam græci quam latini scripserunt illi quidem etiam de argumentis tum necessariis tum probabilibus, sed de apparentibus argumentis nominatim in Rhetorica nemo unquam veterum, quod sciam, scripsit, præter Aristotelem, qui tractatum istum in Dialecticis appellavit σοφιστικὸς ἐλέγχος, hoc est, fallaces & captiosas reprehensiones : in Rhetoricis vero φασιμαίμων ἐνθυμημάτων τόπος, hoc est, apparentium enthymematum locos. Quo in tractatu quamvis ab imperita Pseudophilosophorum turba existimetur tradidisse omnes modos, quibus fallaciæ intendi possunt, tam in dictione quam extra dictionem, & ea ipsa de re nec perfectus nec melius à quoquam scribi aut differi potuisse, tamen nos in hoc quoque libro non pauca ab eo fuisse peccata, & multo melius multoque perfectius scribi potuisse, breviter sumus ostensuri. Primo enim licet tradat multos modos texendi fallacias, tam in dictione, ut dixi, quam extra dictionem, tamen non paucos utrobique prætermittit. Deinde ex eorum numero, quos tradit, nonnullos incommode & obscure, ne dicam inepte, nominat : & aliis quibusdam non satis clara, sed obscura & pene ænigmatica exempla apponit. In sophisticis enim dictionis omittit illos alios modos, cum fallacia intenditur vel ab eo, quod in argumentatione transitus fit à voce proprie sumpta ad vocem figurate acceptam, ut Socrates est homo, homo est genus, ergo Socrates

est genus: homo enim in primo enunciato proprie positus est, pro uno tantum homine, in secundo autem figurate pro omnibus hominibus, vel pro genere hominum, aliter enim homo non posset esse genus: vel ab eo quod in argumentando transitur à voce significante ad rem significatam, ut illud Chrysippi, quod loqueris per os tuum transit, currum loqueris, ergo currus per os tuum transit: vel ab eo, quod una eademque vox, & cum diphthongo scribitur & sine diphthongo, ut quod lætum est placet, letum est mors, ergo mors placet: vel ab eo, quod syllabæ unius dictionis vel conjunctim vel disjunctim legi & proferri possunt, ut apud Græcos cum dicitur *ἰνδῖκα ἔτισιν*, conjunctim, hoc est, undecim annis, vel *ἐν δῖκα ἔτισιν*, disjunctim, id est, in decem annis. Qui fallaciæ modus diserte ponitur ab Hermogene, ejusque interpretibus in capite *ἑὶ ἀμφιβολίας*, & ab eisdem appellatur *περὶ διάσασιν συλλαβῶν*, nec idem apparet esse cum illo, qui ab Aristotele traditur, & nominatur, *κατὰ σύνθεσιν ἢ διαίρεσιν*. Nam ille Aristotelicus in distinctione & conjunctione non tam syllabarum unius dictionis quam plurimum dictionum videtur esse constitutus. Atque ita patet Aristotelem non multum fuisse diligentem in colligendis fallaciis dictionis, sed nec in eisdem nominandis majorem adhibuit diligentiam: non enim recte unum tantum modum appellavit *ἑὶ τὴν ἀμφιβολίαν*, cum *ἀμφιβολίας* nomen generale sit omnibus fallaciis in dictione consistentibus, præterquam fortassis ei, quæ *ἑὶ τὸ σχῆμα τῆς λέξεως* dicitur, ut *ἑὶ τὴν ἀμφιβολίαν* genus sit, ejus autem species sint *ἑὶ τὴν ὀνομασίαν*, *ἑὶ τὴν διάσολην*, *ἑὶ τὴν σύνθεσιν*, *ἑὶ τὴν διαίρεσιν*, *ἑὶ τὴν προσομίαν*, *ἑὶ τὴν διάσασιν συλλαβῶν*: Sic enim & Hermogenes, & ejus interpretes recte his nominibus utuntur. In fallaciis vero extra dictionem rursus omisit illam, qua utebatur Chrysippus hoc modo, Quod non amisisti habes, cornua non amisisti, cornua igitur habes. Item illam, Est quoddam caput, id autem non habes, caput igitur non habes. Et alias quasdam hujusmodi, quas refert partim Plato in Euthydemo, partim Laetius in vita Chrysippi: & quæ ad nullum ex iis modis, quos refert Aristoteles, videntur reduci posse nisi ad ignorantiam elenchi, ad quam omnes fallaciæ tam in dictione quam extra dictionem referri possunt. Nomina autem non recte imposuit Aristoteles primum, primo harum fallaciarum modo, quem vocat *ἑὶ τὸ συμβεβηκός*, hoc est, ex accidenti, ut Socrates est alius à Platone, Plato est homo, ergo Socrates est alius ab homine, & consequenter à se ipso: hæc enim fallacia nec est nec recte appellatur ex accidenti, sed ex eo, quod transitio fit à voce individua, vel minus communi ad vocem genericā, vel magis communem: non enim si Socrates est alius à Platone, cujus vox est indi-

individua, vel minus communis, continuo necesse est, *ut sit alius ab homine,*  
 (Imo est alius ab homine, nempe alio, non ergo statim à se.)

cujus vox est generica & magis communis: Homo enim figurate acceptus est genus utrique, si quidem tam Socrates quam Plato vere ambo sunt in genere hominum: à minus communi enim ad magis commune in negatione & diversitate probanda non valet consecutio, ut non est homo, ergo non est animal, & est diversum ab homine, ergo est diversum ab animali. Secundum autem modum recte quidem ille appellavit *ὡς τὸ ἀπλῶς ἢ μὴ ἀπλῶς λέγεσθαι*, sed non satis claram apposuit exemplum, ut si quod non est opinabile, sit, sequatur id quod non est, esse. Nam dicitur fortasse aliquis nihil esse inconveniens id quod non est, esse, alio videlicet & alio modo acceptum. Quare accommodatus exemplum erat illud Euthydemii apud Platonem in Euthydemo. Qui cupit fieri sciens, cupit definere esse ignorans, qui cupit definere esse ignorans, cupit definere esse id quod est, qui cupit definere esse id quod est, cupit mori, ergo qui cupit fieri sciens, cupit mori: Fallacia enim est in eo, cum dicitur, qui cupit definere esse id quod est, cupit mori, si quidem quod secundum quid dictum erat, definere esse id quod est, hoc est, definere esse ignorans, tanquam simpliciter dictum esset, accipitur, hoc est, definere esse homo. Hæc fallacia à Græcis post Aristotelem, & maxime à Stoicis, nominata fuit Sorites, Cicero acervalem vertit, Recentiores vero Dialectici à primo ad ultimum appellant. Nec minus in aliis quoque fallaciis extra dictionem, quæ sequuntur, peccavit Aristoteles, vel quia quod est commune omnibus fallaciis id uni tantum speciei attribuit, ut in ea, quæ est, *ὡς τὸ μὴ διαφέρειν τί ἐστὶ συλλογισμὸς ἢ τί ἐλεγχος*: vel quia nullum apponit exemplum, ut in ea, quæ est *ὡς τὸ ἐν ἀρχῇ λαμβάνειν*, quam Author ad Herennium in secundo non solum clarius nominat, sed etiam planius explicat exemplo accommodato, sic inquit. Item vitiosum est pro argumento sumere id quod in disquisitione positum est, ut si quis quem furti arguat, dicat, hominem esse improbum, fraudulentum, avarum, eique rei testimonium esse, quod tibi furtum fecerit. Vel quia rursus non recte nomen imponit, ut in ea, quæ est, *ὡς τὸ ὑπόμειναι*, nam cum quis ita argumentatur, ut dicat, ex eo, quod terra humida sit, pluuisse, non ex consequenti appellanda est hæc fallacia, sed ut ait Author ad Herennium, ex eo, quod ea re, quæ plura significat, abutimur pro certo unius rei signo, hoc modo, necesse est, quoniam paret, ægrotasse. Vel quia utitur exemplo obscuriore, quam ut facile intelligi possit, ut in ea, quæ est, *ὡς τὸ μὴ αἶτιον ὡς αἶτιον*, atque ideo Volateranus hanc fallaciam illustrare volens omisso Aristotelis exemplo, ipse aliud quoddam attulit, sed ita ut nesciat quid dicat. Quod vero exemplum hujus ejusdem fallaciæ in Rhe-



in Rhetoricis ab Aristotele profertur, magis intelligibile est, sic enim ibi ait: Ut Demades Demosthenis administrationem Reipublicæ omnium malorum causam esse ait, eo quod post eam contigit bellum. Vel quia non solum obscura sed etiam inusitata exempla attulit, ut in ea, quæ est, *οὗτος τὸ τὰ δ' οὐ  
ἐρωτήματα ἐν ποίειν*. Nam per Deos immortales quid est illud, quo ille exemplo utitur? utrum terra mare est an cælum? quis ita loquitur? aut quis ita interrogat? certe nemo, nisi Dialecticus aut Sophista ineptus & importunus. Actales quidem sunt omnes vitiosarum argumentationum modi extra dictionem ab Aristotele traditi, in quibus tamen omisit omnes eos, qui dicti sunt: & præterea etiam omnes illos, quos refert Author ad Herennium in secundo Rhetoricorum, cum loquitur de vitiosa expositione, de vitiosa ratione, de vitiosa confirmatione rationis, & denique de vitiosa complexione sive conclusione. His enim tot modis, quot enumerat Author ille, fieri potest argumentatio vitiosa, & eo loco, quo ille tradit, vere sunt tradendæ huiusmodi fallaces reprehensiones, sive sophistici elenchi, hoc est, in capite de vitiosa argumentatione. Omitto hic captiones Pseudomenorum, quæ à Recentioribus reflexa nominantur: nec commemoro dilemnata, sive ceratina, hoc est, quasi cornutas argumentationes: & antistrephonta, quæ eis respondent, & alia multa, de quibus Aristoteles, licet de rebus istis usque ad nauseam prolixè loquatur, tamen nullam facit mentionem. Ex quibus omnibus licet intelligere in sophisticis elenchis tradendis quantum Aristoteles fuerit diminutus, & obscurus, quamque parum commode quibusdam nomina imposuerit, & denique quam omnes non rectè inscripserit, & eos non suo neque proprio traderet loco. Quanquam si credere volumus Platoni, neque tempore ejus sophistæ satis erant probandi, nam præter quam quod eos ubique deridet & insectatur, etiam in Euthydemo de utilitate artis sophisticæ ita scribit: Si quis hujus generis multa aut etiam omnia norit, rerum tamen naturas nihil magis intelliget, ludere tamen ex illa nominum diversitate homines poterit, quasi apposita tibia supplantans eorum more, qui sedere volentibus furtim subsellia subtrahunt, & effusius rident, cum vident eum, qui cecidit jacere supinum. Hæc Plato de sophisticæ artis utilitate, annos ab hinc duo millia monumentis literarum prodita reliquit: temporibus vero nostris Ludovicus Vives in tertio libro de causis corruptarum artium, de eadem arte Platoni subscribens idem sentit, cujus verba apponam, & ita capiti huic finem imponam. Adducti sunt quidam in eâ opinionem, ut dicant, hæc quidem hætenus esse aliis artibus utilia, quod acuat ingenia discientium, & si quis hæc intelligat, facile alia effecturum minus difficilia, quorum neutrum est verum. Videntur esse illa ingeniosa,

partim

partim quod non intelliguntur: nam quidam ea sola habent in pretio, quæ nō capiunt: alii subtilissimam oportere rem esse arbitrantur, quam ipsi non cer-  
nant. Multis periude videntur arguta, ut lusus pueriles festivi, & argutuli. Nam ænigmata hæc non ex ingenio, eruditione multa exercitato & subactō, sed ex ignorantia meliorum sunt nata, tanquam herbæ inutiles in solo inculto. Necessæ erat eos aliquid agere, hæc est enim natura humani ingenii, ut quoniam igneum est, etiam hebetissimum, se ad aliquid agendum applicet. Itaq; non acuum hæc ingenium, sed cogunt sylvescere, contentiosum reddunt spinæ istæ, & morosum, non vividum & ætuo sum: in pulchris acuum quidem & dedolant, sed ita, ut nihil supersit solidi: extenuant, minuunt, deprimunt: & in his semel fructum haud facile ad res præclaras sinunt attollere: præsertim quum hæc non modo aliena sint à veris artibus, sed etiam contraria, ut tendentibus ad altiores, ac veras disciplinas, tanta sint hæc cura dediscenda, ne profectum impedian, quanta fuerant accepta.

## CAPUT QUINTUM.

*De vanitate eorum quæ à recentioribus Dialecticis appellantur Parva Logicalia.*

**I**Nter principia perverse philolophandi, supra etiam numeravimus ea, quæ à recentioribus Dialecticis appellantur Parva Logicalia, atq; ideo superest de his quoq; aliquid ut dicamus, sed breviter, ne tempus conteratur in meris Dialecticorum nugis vel recensendis vel refutandis. Parvorum autem Logicalium multa sunt capita, sed præcipue hæc, quæ subtiliter describuntur à Reverendo Magistro Chrysostomo Javello Canapitio, De Suppositionibus, de Ampliationibus, de Appellationibus sive restrictionibus, de Cōsecutionibus sive consequentiis, ut ipsi loquūtur, de Probationibus terminorum: & præterea ea sunt alia quædam, de quibus se non scribere ait, eo quia non ad docendū sed ad decipiendū fuerunt inventa, ut de Obligationibus, & Insolubilibus. Quæ quidē omnia usq; adeo sunt vana & ridicula, ut mihi non ad decipiendum tantum, ut ille dicit, sed ad falsitatem docendam, & ad tempus frustra consumendum excogitata fuisse videantur. In eis enim cum pene innumerabilia alia plusquam stolidā traduntur: tum in primis hæc, In suppositionibus materialibus, non recte dici, homo est nomen, sed dicendum esse, ly homo est nomen, vel aliquod homo est nomen. Ajunt enim signū neutrius generis, idē valere quod ly, & facere propositionē materialiter significantem.

T t

Ac

Actualis quidem est præclara illa doctrina, quæ traditur in primo ingressu Porvorum logicalium, in suppositionibus formalibus. *Istam propositionem, homo est*

(Recte hoc dicunt. Qui enim ait *hominem esse animal*, is hoc vult: *si quis est homo, ille est animal*. Et quia conditio nihil ponit, ideo ad veritatem hujus propositionis non requiritur ut sit aliquis homo, sed ut sit, necessario etiam animal sit, quod est verissimum.)

*animal, in sempiternum tempus esse veram, etiam si nullus homo singularis esset in mundo:* eo quod, ut ipsi dicunt, in prædicatis essentialibus non requiritur existentia subiectorum: perinde quasi prædicata illa non essent in singularibus, & homo atq; animal non essent in singularibus hominibus & in singularibus animalibus, sed in aere aut in globo Lunæ aut in illis regionibus ubi sunt Idææ Platonis. Nec contenti tanto mendacio, addiderunt etiam illud, non valere istam consequentiã, homo est animal, ergo homo est, quasi animal possit esse, nisi in aliquo singulari vel homine vel alio quopiam singulari animali sit collocatû. In suppositionibus accidentalibus comunibus, cum dicitur, homo est species, vel animal est genus: hominem ibi & animal stare pro natura hominis & pro natura animalis in se considerata, ut communis est pluribus, quod est falsissimû. Idem enim dictû est, homo est species & omnes singulares homines simul accepti sunt una species, & animal est genus, & omnia singularia animalia simul accepta sunt unum genus. Utrunq; enim, hoc est, tã homo quã animal in ejusmodi propositionibus figurate accipiuntur, & homo pro omnibus singularibus hominibus, & animal pro omnibus singularibus animalibus ponitur. Alioqui nec homo posset esse species, nec animal genus: ut in primo libro, cum de nominibus appellativis simplicibus figurate acceptis loquebamur, ostendimus. Sed de vanitate & falsitate suppositionum, hæc pauca attigisse satis sit. In ampliacionibus vero terminos communes extendi à minori suppositione ad majorem, ut cum dicitur, homo potest esse Antichristus, ly homo supponit non solum pro præsentibus, sed etiam pro futuris hominibus, & alia quamplurima hujusmodi: ut meretrix fuit virgo, artocrex devorata, & egcstæ sunt edendæ: puer anniculus fuit centum annorum. In appellacionibus terminos communes à majore ad minorem suppositionem restringi, & hanc propositionem, cum dicitur, Deum trinum cognovit Aristoteles, esse veram: cum vero dicitur, Aristoteles cognovit Deum trinum, esse falsam. Item non vidi Papam & Papam vidi, consulem cæcidi & non cæcidi consulem: uno modo esse veras, altero vero falsas. In consequentiis à genere ad speciem, negative esse bonam cõsequentiã, ut non est animal, ergo non est homo: à specie veto ad genus affirmative cõsequentiã esse bonã, ut est homo, ergo est animal. Quarum consequentiãrû neutra est nec à genere ad speciem, nec à specie ad genus: Nam cû dicitur, non est animal, ergo non est homo, perinde est ac si

dicere

diceretur, non est unū animal, ergo non est unus homo: quæ consequentia est ab uno generis ad unum speciei negative. Vera autem consequentia, non ab uno generis ad unum speciei negative, sed à toto genere ad totam speciem tã affirmative quam negative fit hoc modo, Est genus animaliū, ergo est species hominū, & contra, non est genus animalium ergo non est species hominū: Similiterq; vera consequentia non ab uno speciei ad unum generis, sed à tota specie ad totum genus negative tantum non affirmative fit hoc modo, non est species hominū, ergo non est genus animalium. Fieri enim non potest, ut genus animaliū sit saltē perfectū, nisi species hominū in eo cōtineatur at affirmative non videtur valere, si species hominū sit, ut cōtinuo etiā genus animalū esse concedatur. Nihil enim naturæ repugnat præter homines nulla alia reperiri animalia, quamvis species hominū hoc modo considerata, nō species sed genus esset dicenda, quia non ad superius animalū genus comparari possit, sed tantū ad inferiora singularia, quorum cōparatione nō species, sed genus vere appellaretur: ac rursus de consequentiis satis. Ex iis enim quæ dixi, satis apparet Dialecticos nunquā recte intellexisse, quid sit genus aut species, aut quomodo recte arguatur à genere ad speciem, vel à specie ad genus, tam affirmative quā negative. In probationibus terminorum, propositiones alias probari per resolutionē sive resolubiliter, alias per expositionē sive exponibiliter, alias per officiationē sive officiabiliter, alias per descriptionē sive descriptibiliter, alias per causas veritatis. Quæ omnia quam sint inania, barbara, ridicula & absurda qui videre cupit, is legat Reverendum Magistrū Chrysostomum Javelinum, eum quē supra dixi, qui de omnibus his nugis, iudicio meo, magis clare scripsit, quā quisquā Dialecticorum recentiorum. Mihi enim satis indicasse, si quis forte ea videre cupit unde sint petenda, non quidē discendi causa (nam id quidē non esset discere, sed tēpus frustra prorsus consumere) sed ridendi tã infulas & inanes ineptias, & mirandi quonā pacto ista tã futilia tamq; barbara in mentē cuiusquā non omnino stultissimi & indoctissimi venire potuerint.

Exemplum probationis per resolutionem. Ut aliquis homo currit, hoc currit, & hoc est aliquis homo, ergo aliquis homo currit.

Per expositionem. Omnis homo est risibilis, homo est risibilis, & nihil est homo, quin illud sit risibile, ergo omnis homo est risibilis.

Per officiationem. Necessè est Deum esse, hæc præpositio est necessaria, Deus est, quæ adæquate significat Deum esse, ergo necesse est Deum esse.

Per descriptionem. Cognosco Socratem, cognosco aliquid sub ratione quæ Socrates, ergo cognosco Socratem. Per causas veritatis. Rosa incipit florescere, rosa nunc floret, & ante hoc nunc præsens immediate non floruit, ergo rosa incipit florescere.

LIBER IV. CAP. VI.  
CAPUT SEXTUM.

*Libros qui hodie sub Aristotelis nomine leguntur plerofq; non vere esse Aristotelicos, sed subdititios & adulterinos: contra communem Pseudophilosophorum opinionem.*

**E**Xtribus partibus, quas inter initia operis supra proposuimus, duæ jam sunt absolutæ: docuimus enim primo in duobus primis capitibus, quæ nam sint principia veritatis & quæ Pseudophilosophorum. Deinde in reliquis omnibus quæ sequuntur, confirmavimus principia nostra vera, & illa Adversariorum tanquam falsa refutavimus: non quidem omnia, nam id fuisset infinitum, sed tantum ea, quæ nobis magis falsa, magisque absurda videbantur. Nunc restat tertia pars, ut ostendamus ab iis, qui recte philosophari cupiunt, quid sentiendum sit primo de libris & scriptis omnibus, quæ hodie sub Aristotelis nomine circumferuntur. Deinde etiam de Aristotele ipso, & de Porphyrio, & de omnibus Aristotelis Interpretibus tam Græcis quam Latinis & Arabibus: & præterea quoq; de Platone & Galeno, ut intelligatur quantum unicuiq; eorum authoritatis & fidei sit attributû. Quæ omnia ut facilius intelligi & dijudicari possint, paucis hic mihi apponenda esse videtur verorum librorum Aristotelis historia. Strabo in libro XIII. Geographiæ, & Plutarchus in vita L. Syllæ, in summa tradunt, Libros Aristotelis cum aliquot secula in terram defossi latuissent, tandem erutos fuisse, sed semilaceros, & humore terrestri maxima ex parte corruptos. Sicque ab Apellicone Teio Atheniensi & prædite emptos magno pretio, qui cum eos in nova exemplaria transcribendos curasset, innumeris replevit erroribus, propter corrosiones chartarû, quæ perfecte suppleri non potuerunt. Deinde ab L. Sylla captis Athenis, repertos in bibliotheca Apelliconis, & Romam translatos, in Tyrannionis Grammatici & Andronici Rhodii manus pervenisse, & ab eisdem editos fuisse: multis tamen erroribus auctos, propter negligentiam Librariorum, qui in transcribendo exemplaria non diligenter cõferebant. Deniq; vero ab Andronico Rhodio factum fuisse indicem omnium librorum Aristotelis, eum qui, ut Plutarchus refert, suo tempore circumferebatur. Atque hæc in summa de libris Aristotelis à Strabone & Plutarcho memoriæ prodita fuerunt. In sequentibus vero temporibus, Diogenes Laërtius ipse quoq; eodem modo, quo Andronicus, in Aristotelis vita libros ejus diligen-

diligentissime descriptos reliquit : Sed in ea descriptione cum fere quadringenta, ut ipse ait, Aristotelis volumina recenscat, tamen nullam eorum, quæ nostra ætate leguntur, mentionem facit : nisi admodum paucorum, idq; mutatis fere vel inscriptionibus librorum, vel numeris voluminum. Ut valde mirum sit, quoniam pacto tanta varietas ac diversitas in libris Aristotelis orta sit, non modo inscriptionum librorum & numerorum voluminū, ut dixi, sed etiam sententiarū & dogmatum, ut infra docebimus. Atq; hæcenus, hoc est, usq; ad tempora Laertii, & apud homines non Pseudophilosophos, sed vere doctos & de rebus vere judicantes, historia verorum Aristotelis librorum satis certa est : ut post Syllæ tempora non dubitandum sit de eis, quin videri & legi potuerint, atq; adeo quin visi ac lecti fuerint à multis viris doctis illorum temporum, tam Latinis quam Græcis, & ex latinis potissimum à Cicerone, quem constat eisdem pene temporibus, quibus libri Aristotelis Romam fuerunt translati, floruisse : & Tyrannionis Grammatici, qui eosdem libros habuit in manibus, familiarissimū amicissimumq; fuisse : Et quod caput est, qui sæpe non solum datas sententias Aristotelis, sed etiam libros ejusdem in scriptis suis citare reperitur. Ex Græcis vero à Diogene Laertio, qui cum talis ac tantus vir fuerit, & ex professo tam diligenter scripserit vitas omnium aliorum Philosophorum, tum maxime Aristotelis, miraculi ejusmodi simillimum esset, si in conquirendis & describendis veris Aristotelis libris tantopere fuisset negligens ac pene dissolutus, ut eorum, qui non veri essent, tantam multitudinem descripsisset, verorum autem & legitimorū vel nullam vel certe per quam exiguam fecisset mentionem : & eo magis quod ipsemet affirmat de iis, quos recensuit, nihil ambigi. Quæ cum ita sint, in judicio de veris Aristotelis libris faciendo dico & contendo Ciceronem & Laertium in primis sequendos esse : Deinde reliquos omnes veteres & doctos viros, & quisq; minime videtur agnoscere istam, quæ nunc in usu est, Philosophiam Pseudaristotelicā. Quanto vero quisq; in ea diutius versati & volutati sunt, hoc est, magis Pseudophilosophi evaserunt, tanto eos pronuntiamus ad judicium de veris Aristotelis libris faciendum, & legitimam ejus doctrinam discernendam minus esse idoneos : Propterea quod habent naturale judicium, & sensum communem quasi necessario corruptum, ex assidua lectione & meditatione falsitatum & mendaciorum, quibus Dialectica pene tota, & Metaphysica magna ex parte referta est, & quæ à nobis supra fuerunt refutata. Quorum cum tam cæci & ex oculati fuerint, ut ne unum quidem unquam potuerint videre : quid mirum est, si in discernendis & dijudicandis Aristotelis libris tantopere æcuiunt & hallucinantur? In numero autem Pseudophilosophorū, non solū

reponimus omnes Aristotelis Interpretes tam Græcos quam Latinos & Arabas, sed etiam ipsum Aristotelem, quem habemus in Dialecticis & Metaphysicis, & in magna parte librorum naturalium: neq; Galenum à Pseudophilosophorum numero eximimus, ubicunq; Dialecticum aut Metaphysicum agit, & Aristotelem istum Archidialecticum & Arithmetaphysicum admiratur. Quibus ita præmissis tanquam fundamentis totius futuræ probationis nostræ

(Conferendi Franc. Parrilius & Petrus Rainus)

de libris *Aristotelis*, primum hoc proponimus, Eos hoc modo, quo nunc habentur, nequaquam vere esse *Aristotelicos*, nec ab *Aristotele* vero ita compositos, sed ab alio quopiam ex veris *Aristotelis* libris magna ex parte extractos, & in has Epitomas & compendia, quæ nunc exstant, redactos: multis tamen additis, detractis, & mutatis, prout placuit ei, qui eos contraxit. ut non veram & germanam, sed spuriam & adulterinam Aristotelis doctrinam hoc tempore habeamus. Deinde verisimiliter credendum esse, Authorem illum, qui has epitomas & compendia scriptorum Aristotelis confecit, fuisse non Theophrastum, non Eudemum, non Theodectem, non alium quempiam ex discipulis Aristotelis, sed Nicomachum ejus filium, ut cum ex aliis multis tum maxime ex Cicerone, Laertio, & Suida sumus probatori. Quorum utrunq; ita esse, ut dixi, nunc multis validis argumentis & autoritatibus probare incipiam, si prius admonuero lectores, adulterinam istam *Aristotelis* Bibliothecam non à pluribus nec à diversis, sed ab uno eodemq; autore totam videri, ita ut nunc est, fuisse factam, partim propter similitudinem dogmatum & sententiarum, quæ inter se consentiunt, partim propter citationes librorum & locorum, qui passim concordant, partim deniq; quia Pseudophilosophi omnes ita esse sine ulla dubitatione consentiunt. Ut Bibliotheca ista, quemadmodum dixi, non à pluribus nec à diversis, sed ab uno eodemq; autore composita esse pro certo sit putanda. Quam ob causam fit, ut qui unum ex illius libris non vere Aristotelicum esse probat, is omnes esse adulterinos & subdititios probare videatur. Quo sic constituto, primum ostendo duos ex istis libris non vere esse *Aristotelis* patris sed *Nicomachi* filii, hoc est, volumina decem *Ethicorum Nicomachiorum*, & octo libros *Physicorum* sive de Physica auscultatione, ut istis duobus refutatis, reliqui omnes, vel me tacente, non possint videri non esse refutati: Deinde reliquas autoritates & argumenta ad idem pertinentia subjungam. Ab *Ethicis* igitur *Nicomachiis* incipiens, dico librum non vere esse Aristotelicum, idq; probo primum autoritate Ciceronis in *V. de*

(Cicero hic duo dicit, primum cum nunc esse sententiam quod sint Aristotelis, deinde non negat esse Aristotelis, sed saltem conjicit, posse fortasse esse filii. Hæc vero à possibili conjectura communi illorum quoq; temporum sententia nihil præjudicare debet.)

*Finibus*, ita scribens, Quare tenemus Aristotelem & ejus filium Nicomachum, ca-



*jus accurate scripti de moribus libri dicuntur illi quidem esse Aristotelis, sed non video, quare non potuerit patri similis esse filius.* Hæc sunt verba Ciceronis, quibus non solum confirmat Ethica Nicomachia vere esse Nicomachi, sed tacite reprehendit & refutat omnes eos, qui contra sentiunt, dum ait, Sed non video cur non potuerit patri similis esse filius, Quasi irridens & vituperans illos, qui relicta operis inscriptione & titulo ex sola phrasi & stylo libros à propriis authoribus abjudicandos, & Aristoteli adjudicandos censebant. Erant enim tēpore Ciceronis Ethica illa sine ulla dubitatione inscripta Nicomachō, alioquin nunquam Cicero ea Nicomachi esse non Aristotelis affirmasset. At enim M. Antonius Majoragius in suis illis contra me blaterationibus ait, id à Cicerone nulla probabili ratione confirmari, sed quadam tantum conjectura proponi. Quibus quidem verbis Majoragius etiam si nihil aliud unquam adversus Ciceronē scripsisset, nisi hoc, tamen satis sese ostendisset erga Ciceronem pessime animatū esse, & verissime à nobis in Antapologia nostra appellatum fuisse Ciceromastigē. Nā ego à te Majoragi, vere Ciceromastix, quæro quā probabile rationē ejus rei à Cicerone afferri volebas? an nō videbat Cicero inscriptionē libri? an non græce legere sciebat? an non æque bene sicut tu elocutionē & phrasim scriptorum Aristotelis dignoscebat? sed quæ nam alia poterat à Cicerone major afferri ratio ad probandum Ethica Nicomachia esse non Aristotelis sed Nicomachi. quā quod erant inscripta nō Aristoteli sed Nicomachō? & non Aristotelis sed Nicomachi nomē titulumque præ se ferebant? certe nulla. Nisi forte tu, ut es impudentissimus, dicere audeas inscriptionē illā non fuisse verā, sed à Cicerone fictā & simulatā: & nisi rursus, ut es arrogantissimus, persuadeas tibi, scripta Aristotelica ex stylo & phrasi melius & verius à te dignosci potuisse, quam à Cicerone: quorum neutrum à vanitate ingenii tui, ac temeritate, est alienum. Neque solum Cicero, sed etiam Laertius Diogenes apertissime comprobant Ethica Nicomachia non Aristotelis esse sed Nicomachi, cum & in catalogo librorum Aristotelis, nullam hujus operis faciat mentionem, & in vita Eudoxi dicat, cum ex sententia Nicomachi putasse voluptatem esse summum bonum: quæ opinio manifeste in decimo Ethicorum Eudoxo tribuitur. Ut omittam interim Suidam, qui ipse quoque libros de moribus à Nicomachō scriptos testatur. Et ut ne commemorem *pene tres totos libros ex Ethicis ad Eudemum, hoc est, quintum, sextum, & septimū, in hac Ethica Nicomachia, ad verbum translatos esse.* Ut talis & tanta repetitio verborum nequaquam ab Aristotele ex libris suis, sed à filio ex scriptis vel patris sui vel condiscipuli facta fuisse merito sit putanda. Nam per Deos immortales, quæ tanta fuisset Aristotelis impudentia, ne dicam stultitia, ex libro vel suo ipsius vel discipuli sui, tria tota volumina in alterum librum suum transferre? & tantum

non solum verborum, sed etiam sententiarum earundem facere repetitionem? Profecto qui putant & affirmant hoc ab Aristotele factum fuisse, ii Aristoteli magnæ ejusdam impudentiæ ac stultiæ condemnant. Ex quibus omnibus concludo Ethica Nicomachia non ab Aristotele patre, sed à Nicomacho filio ex libris patris magna ex parte fuisse extracta, & eo modo, quo nunc extant, composita. Nam quod Majoragius Ciceromastix contrarium sentiens ait, non potuisse Nicomachum Platoni amicum esse, ut dicitur in Ethicis, cum

(Acuta hæc Majoragii objectio est, cui nihil solidi Nizolius opponit. Nam eū Cicero Terentiū suum familiarem vocat, tropicè loquitur, & librum intelligit. Quod in auctorem Ethicorum non quadrat, si enim Platonem amicum vocaret, tantum ob libros scripti sibi charus, non esset cur amore veritatis crimen violari amicitiae excusaret. Amicitia enim inter hominem & librum vera nulla est.)

constet ex historiis Aristotelem Platone vivo filios non suscepisse: mirum quam est Majoragianum, hoc est, stultum & ineptum, quasi non possit aliquis esse amicus alicujus etiam mortui: & quasi Cicero non appellet Terentium familiarem suum, quamvis aliquot seculis ante vita functum. Sed de libris Ethicorum satis, quos nemo putare potest vere esse Aristotelicos, nisi qui nihil potius er dat Ciceroni, & plane turpissimus sit Ciceromastix, quemadmodum est Majoragius. Quo sic probato, quamvis reliqua Aristoteli inscripta opera statim probentur non vere esse Aristotelica: propterea quod ab eodem omnia auctore scripta constat, ut supra dixi, tamen alia etiam argumenta & auctoritates, quibus idem probatur, hic subjungam: ut velint nolint, qui contrarium sentiunt, reliquos libros Aristoteli inscriptos non vere Aristotelicos, sed potius Nicomachios esse fateri cogantur. Atque in primis octo libros Physicorum sive de physica auscultatione, nam neque horum Laertius in descriptione librorum Aristotelis meminit: & Suidas aperte dicit Nicomachum scripsisse *Ἐν τῆς φυσικῆς ἀκουστικῆς τὴν πατρὸς αὐτοῦ*, hoc est, de Physica auscultatione patris sui: ex quo manifestè intelligitur, octo libros de Physica auscultatione sive Physicorum, non Aristoteli sed Nicomacho esse tribuendos. Et eo magis, quod si Aristoteles eorum librorum verus fuisset auctor, nunquam ipsos inscripsisset.

(Hoc perinde est ac si quis argueretur nullum præceptorem debere libellum conficere de disciplinis, sed de doctrinis: quia doctrina sit præceptoris, disciplina discipuli. Eadem ratione nec *Arreomatorum* libros suos appellare debuisset.)

de Physica auditu, cum talis inscriptio non Aristoteli patri, qui docebat filium, sed Nicomacho filio, qui patrem audiebat, & ab eo discere, convenire videatur. Quis enim, nisi stultus & ineptus Pseudophilosophus, credere aut sibi persuadere possit, librum suum ab Aristotele præceptore de Physica auscultatione fuisse in scriptum? certe nemo. Nec dubitandum est quin Nicomachus patrem suum audiverit, ejusque discipulus fuerit, cum Suidas dicat, eum scripsisse libros de Physica auscultatione patris sui: quomodo enim fuisset patris sui, si patrem suum nunquam audivisset? Atque ita jam satis constat decem libros Ethicorum, & octo Physicorum, hoc est, duo primaria Aristotelis hujus neoterici volumina, tanquam Aristoteli falso inscripta, ab Aristotele ad Nicomachum auctorem verum esse transferenda. Quæ si vera sunt, ut certe sunt, non possunt reliqua quoque Pseudaristotelis

Astotelis hujus scripta, cum ab uno & eodē autore omnia videantur esse elucubrata, non & vere esse & recte appellari Nicomachia. Quod quanquam ita sit, tamen afferamus etiam reliquas probationes, ut omnem dubitationem hac de re cupientibus scire veritatem adimamus. *Galenus in libello de libris suis loquens de Prioribus & Posterioribus Analyticis ita inquit, Inscribunt autē hos omnes fere hodie Priorum Analyticorum, quemadmodum illos de Demonstratione Posteriorum Analyticorum, Ipse sane Aristoteles illorū tanquam de syllogismo horū tanquam de Demonstratione meminuit.* Ex quibus Galeni verbis manifeste ostenditur inscriptionē utroque; Analyticorum esse subditiciam, & non vere Aristotelicam: nam cum ait, Inscribunt autem hos omnes fere Priorum Analyticorum, quemadmodum illos de demonstratione, Posteriorum Analyticorum: ita loquitur Galenus, quasi Analytica Priora & Posteriora non ab Aristotele ipso sed ab alio quopiam ita fuissent inscripta, & quasi non eadē Analy-

(Hoc nō dicit Galen. & si diceret, quam facile in homine tam Polygrapho ἀπρόκλητα μνησιν ἔχειν. Credo etiā nunc multos viros doctos eosque Aristotelis lectores ex tempore interrogatos, non satis certo responsuros, quomodo Aristoteles alios libros suos citet. Et arbitror ipsum Nizol. um ignoraturum fuisse, nisi ex scriptis aut indicibus aut observationibus aliorum in Aristotelem, quā tempore Galeniaut tunc aut exiguz erant, didicisset.)

*sica multis in locis istorum Aristotelis librorum ab eodem Aristotele citata reperiantur, ut in primis Rhetorices, in sexto Ethicorum, in septimo Metaphysicā, & in aliis locis.* Quare necesse aut ista alia Aristotele inscripta opera nunquam à Galeno fuisse visa aut lecta, aut si visa & lecta fuerunt, non fuisse agnita pro Aristotelicis. Nam si agnovisset, cur ita loqueretur, quasi nesciret Analytica Priora & Posteriora ab Aristotele ipso multis in locis horum, quos nunc habemus, librorum citari? Certe hoc magnum est argumentum, libros istos non vere Aristotelicos esse, cum ex sententia Galeni inscriptionem habeant non ab Aristotele ipso, sed ab aliis nescio quibus additam. Huc accedit quod Laetius Priorum Analyticorum libros novē, in Posteriorum autē majorum duos ab Aristotele editos refert, ut in Prioribus septem librorum, in Posterioribus vero majorū additio manifestam ostendat librorum istorum, ut ita dicam, illegitimitatem. Nec quicquam obstat, quod Galenus ipsos libros bene multis & longis commentariis explicavit, ut ipse refert, cū nō minus ipse quā reliqui omnes Analyticorum Interpretes, deceptus & infatuatus fuerit falsā opinione veritatis atq; utilitatis istorū librorum: ut manifeste apparet ex iis, quā nos supra contra hos ipsos libros disputavimus. Quibus cum viderimus aliquem recte respondentem, tum deum putabimus non Galenū nec Interpretes illos, sed nos ipsos deceptos infatuatosq; fuisse. Nec in tribus libris Rhetorices, qui maxime putantur Aristotelici, minor est ambiguitas & dubitatio quā in Analyticis. In primo enim eorum diserte legitur, ab eis, qui artes Rhetoricas ante tradiderant, nihil de Enthymematibus scriptum fuisse. Quod si verum est, necesse est, aut Aristotelem aperte falsum dicere: aut libros illos Rhetorices, non solum ante

Aristotelis, sed etiam ante Platonis ætatem fuisse editos, & ita non posse esse Aristotelicos. Nam Plato in Phædro aperte testatur de omnibus Rhetoricæ partibus ætate sua jam scriptum fuisse, hoc est, de Proœmio, de narratione, de testimoniorum assertione, de conjectura, de verisimilibus, de probatione, de approbatione, de accusatione, de defensione, de geminatione redargutionis, de subdeclarationibus, de collaudationibus, de vituperationibus. Neque solum de his omnibus suo tempore scriptum fuisse affirmat Plato, sed etiam Scriptores de Rhetorica nominat: ut Theodorum Byzantium, Evenum Parrum, & alios quosdam, Ex quibus Platonis verbis citra omnem dubitationem probatur multo ante tempora Aristotelis, & de enthymematibus & de omnibus aliis Rhetoricæ partibus, à non paucis scriptum fuisse: ut necesse sit aut Aristotelem verum non dixisse, aut quempiam alium ante Aristotelis ætatem tres illos Rhetoricæ libros edidisse. Quorū utrum velint accipiant, qui contra sentiunt, non possunt non concedere in istis libris maximam esse dubitationem & ambiguitatem. Præterea Quintilianus in quinto, ubi de argumentis disputat refert, Aristotelem in secundo de arte Rhetorica libro de multis rebus disseruisse, ut divitias quid sequatur, aut ambitum, aut superstitionem, quid boni probent, quid mali petant, quid Milites, quid Rustici, quoque modis vitari aut appeti soleat. Quorum quidem fere nihil in hoc secundo quem habemus Rhetoricæ Aristotelicæ libro legitur, ut non possit non aut hic liber esse mancus & mutilus, aut Quintilianus falso referre, ea ab Aristotele scripta, quæ scripta apud eum non reperiuntur. Quorum utrumlibet concedatur, dura omnino res est. Petrus Victorius Aristotelis Interpres putat Quintilianum falso ea, quæ ibi non tradantur, nominare. Ego vero Victorium vehementer decipi arbitror, & Quintilianum veros Aristotelis libros legisse, nos vero legere mancos & magna ex parte subditios: atque hinc fieri, ut non omnia, quæ Quintilianus refert, in his libris reperiuntur. Nam quod ait Victorius, in eo libro nullum hiatum apparere, sed contra omnia mirabiliter continuata, non est verum, cum multa sint capita ita à superioribus & inferioribus diversa, ut ea, quæ dicit Quintilianus, commodè potuerint interferri. Sed Victorius more suo ubicunque apud Aristotelem & alios authores Græcos reperit aliquid vitii, libenter id, si potest, quo jure quave injuria ad Latinos refert. Sed ut redeam ad libros Rhetoricos, ex hoc etiam subindicatur eos non vere esse integros, quod nonnullis in locis legitur, *ut scripta*, nec tamen de ea re quicquam antea in ipsis reperitur scriptum. Quin etiam de libris Metaphysicæ multo magis dubitandum est, quàm de illis, quos supra diximus, an vere sint Aristotelici & synceri nec ne, idque non tam quod Laertius eos non nomi-

nominat, quam propter alias causas. Ac primo quia primus liber est duplicatus, quorum alter *ἄλφα τὸ μῆζον*, alter *ἄλφα τὸ ἱλαττον*, inscriptus est. Sed quæ (malum) fuisset ista Aristolis dementia, si vetus hujus libri esset author, facere duos primos Metaphysicæ libros? Et eo magis, quod is qui secundo loco positus est, & minor dicitur, nullam cum majore videtur habere similitudinem. In majore enim de rebus Metaphysicis sermo est, in minore autem de Physicis, unde in ejus principio ita scriptum est, *ἐκαστον λέγειν τι περὶ τῆς φύσεως*, in fine autem ita, *διὸ συνεπτέον πρῶτον τί ἐστιν ἡ φύσις*, Ex quibus verbis manifestum est, primum illum minorem librum non inter Metaphysicos, sed inter Physicos esse numerandum, & proponendum in fronte secundi libri Physicorum, ut recte probat Franciscus Beatus Venetus in expositione sua Proœmii secundi Physicorum libri. Atque ut ille ait, valde mirum est, quonam pacto tot Interpretes Græci, Latini, & Arabes usque adeo fuerint cæci, ut nemo illorum unquam animadverterit primum illum minorem librum non cum Metaphysicis sed cum Physicis esse numerandum, & secundo Physicorum, ut dixi, præponendum. Quod cum propter imperitiam & judicii perversitatem nunquam videre potuerint, nihil mirum est, si stulte etiam crediderunt istam Metaphysicam, non solum vere esse Aristotelicam, sed etiam scientiam & veram & necessariam, quemadmodum illi dicunt, ad perficiendum intellectum nostrum ut divinus est, & ad probanda principia aliarum scientiarum. Quæ nos omnia in superioribus merito tanquam fatua & plusquàm puerilia derisimus. Ne quicquã hic comemorè de incerto numero librorum Metaphysicorum: Nam Metaphysici Latini vetustiores, ut Albertus, Thomas, Scotus non nisi duodecim unquam legerunt: in Exemplaribus Græcis reperiuntur quatuordecim: nec desunt, qui viginti quatuor Metaphysicorum libros de Aristotele compositos fuisse asserant: ut etiam ex incertitudine vericorum numeri, nemo eos vere synceros & legitimos possit affirmare. Præsertim cum, ut supra docuimus, Metaphysica sit magna ex parte falsa, & tota pene supervacua vel impertinens. Atque ut prætereamus etiam Plinium, qui libros quinquaginta de Animalibus ab Aristotele scriptos affirmat, cum tamen nos hoc tempore non nisi decem & octo habeamus, & hos ipsos etiam non satis incorruptos. Nam in exemplaribus græcis uno plures habentur, & non eodem ordine, si quidem Theodorus Gaza cum qui totius Historiæ de animalibus ultimus erat positus, in septimum locum transtulit: ut ex hoc etiam non obscure intelligi possit insinceritas horum librorum. Sed ne omnes falso Aristoteli inscriptos libros singillatim persequar ex his paucis, quæ supra ostendi, non vere esse Aristotelicos, de cæteris omnibus

judiciū fieri facile potest, eos quoq; non vere ab Aristotele fuisse cōscriptos. Nam cum omnes, aut ante dictū est, sine dubio ab uno & eodē autore scripti esse videantur, qui unum ex eis vel duos refutat, is omnes prorsus refutasse est existimandus. Atq; hac una ratione prosternuntur omnes rationes & probationes Majoragii, quibus confirmare & probare nititur, istos libros singillatim vere esse Aristotelicos. Nam authores illi quos sequitur, & quibus nititur, hoc est, Alexandri, Ammonii, Simplicii, Themistii, Philoponi, Magentini, & reliqui omnes hujusmodi Interpretes Aristotelici, omnes inquam prorsus sunt Pseudophilosophi, hoc est, imperiti & judicio carentes. Qui cū tanquam cæci & prorsus, ut ita dicam, insensati, ex tot tantisque erroribus Aristotelis, quot & quantos nos supra deteximus & refutavimus, ne unum quidem unquam videri potuerint, quid mirum est, si in recipiendis & approbandis non veris Aristotelis libris, tantopere cæcutivisse, ac prorsus à vero aberrasse reperiuntur? Nec Galeno in judicandis his libris multo plus fidei adhibendum est, quam Interpretibus illis, cum ipse quoque, licet recipere videatur alios libros Dialecticos tanquam Aristotelicos, tamen, ut ante dixi, refutat titulum atq; inscriptionem omnium Analyticorum. Quibus refutatis omnes alii, in quibus Analytica citantur, manifesto probantur non esse Aristotelici. Quare Majoragius in probando hos libros vere esse Aristotelicos, prorsus imperite & frustra utitur autoritate non solum Interpretum Græcorum, sed etiam Galeni: cum non minus ipse Galenus quam Interpretes tam in recipiendis his libris quam in approbanda eorum doctrina turpissime fuerit deceptus. Præterea idem Majoragius eadem imperitia ad confirmandos singulos Aristotelis hujus libros, ex aliis ejusdē libris subinde citationes affert, cum illis consentientes: non animadvertens ex citationibus illis non probari libros istos vere Aristotelis esse, sed tantum omnes ab uno & eodem autore fuisse compositos: sed nos quoq; hoc concedimus, ut supra dictū est. Atq; ita respondemus omnibus illis Majoragii stultis & vanis confirmationibus, & vicissim contra illum asserimus aliquot Aristotelis sententias prorsus contrarias iis, quæ nunc reperiuntur à Cicerone & aliis quibusdam Scriptoris antiquis proditas, quibus ille nunquam respondere poterit, nec defendere quomodo Veteres illi, non alios prorsus Aristotelis libros habuerint ab his, quos nunc legimus, non solum titulis sed etiam sententiis longe diversos: ut illum, quem Cicero citat in primo de Natura Deorum, ita scribens, Aristoteles quoq; in tertio de Philosophia libro multa turbat à magistro Platone dissentiens, modo enim menti tribuit omnē divinitatem, modo mundū ipsum Deum dicit esse, modo quendam aliū præfecit mundo, eiq; eas partes tribuit,

ut



ut replicatione mundi quadam motum regatarq; tueatur, *tunc calis ardorem*  
 (Hoc non nisi imperiti Aristoteli tribui posse, quod Deum dixerit ardorem cæli recte contra  
 Ciceronem admouit *Int. Cef. Scalig. Exercit. de subtil.*)

*Deum dicit esse*, non intelligens cælum mundi esse partem, quem alio loco ipse designarit Deum. Item illum, in quo legerat Cicero, id quod refert in secundo de Natura Deorum, nempe animalia, ex Aristotelis sententia, in igne generari: & id quod scribit in Tusculanis Quæstionibus, cū Entelechiam interpretatur, continuatā & perennē motionē. Et postremo illum, in quo Aristoteles memoriæ prodidit, Tantū esse vacui extra mundū, ut respirare cælū possit, utiq; quod sit igneū: ut & Plutarchus in libro *περὶ ἀριστοτέων τῶν φιλοσόφων*, & Galenus *περὶ φιλοσόφου ἰσορίας* referunt. Quæ opiniones omnes, quamvis pro Aristotelicis citatæ à talibus & tantis viris, tamen ab hoc Aristotele, quem nunc habemus, & ab ejus scriptis ac dogmatibus tam sunt alienæ, quam ab aqua ignis, & à tenebris lux. Quare si Aristoteles ille, quæ Cicero & Plutarchus & Galenus legerunt, fuit verus, ut certe fuit, noster hic nō verus & adulterinus sit necesse est. Verum autem fuisse Aristotelem illum, quæ Cicero & Plutarchus legerunt, ex eo vel maxime licet intelligere, quod tertius ille de Philosophia liber Aristotelis, qui à Cicerone citatur, est unus ex tribus illis de Philosophia libris, quos Laertius vel in primis inter libros Aristotelis refert, & quod Plutarchus ut supra diximus, testatur indicem librōrū Aristotelis suo tempore circumferri solitum, ut dici non possit veros Aristotelis libros ab eo fuisse ignoratos. Ex quibus omnibus, quæ hæcenus à nobis dicta sunt de veris & non veris Aristotelis libris, contendimus Ciceroni & Laertio & Plutarcho, ubi de veris Aristotelis libris quæritur, magis credendū esse, quā omnibus Pseudophilosophis: & in summa libros omnes, qui nostris temporibus sub Aristotelis nomine leguntur, nō vere esse Aristotelicos, hoc est, ab Aristotele illo Alexandri Magni & Theophrasti præceptore, tantopere laudato, nō vere compositos, sed ab alio quopiam ex veris ejus libris extractos, & in has Epitomas ac Compendia, quæ nunc habemus, redactos: multis tamen additis, detractis, & mutatis, prout placuit illi, qui eos ita contraxit. Non veros autem libros Aristotelis hos esse, sed epitomas & compendia librorum Aristotelicorum facile probatur, partim ex quadraginta libris illis Aristotelis de Animalibus, quos refert Plinius in libro septimo Historiæ Naturalis, qui ad decem & octo vel decem & novem redacti fuerunt, ut nunc habentur: & ex illis triginta octo Physicorum Aristotelis secundum elementa, quæ referuntur à Laertio, ex quorum contractione verisimillimum est, hos octo Physicorum, qui nunc extant, libros fuisse factos: partim ex novem illis Priorum Analyticorum à Laertio commemoratis, quos nunc videmus ad duos tantum esse contractos:



partim deniq; ex libris Ethicorum Nicomachiorum, quos constat fuisse quasi corrogatos, partim ex libris Magnorum Moraliū Aristotelis : partim ex Ethicis ad Eudemum, ex quibus, ut supra diximus, pene tres libri toti, hoc est, quintus, sextus, & septimus in Ethica Nicomachia ad verbum fuerunt translati. His itaq; conjecturis & argumentis non dubitamus libros hos Aristotelis, qui nunc extant, non vere ita ut sunt, ab Aristotele compositos fuisse, sed à quopiam alio ex veris Aristotelis libris contractos in has epitomas & compendia, quæ nunc habemus. De quorū authore dubitari non potest, quin is fuerit Nicomachus Aristotelis filius, cum ut supra diximus & probavimus, ab eodem & libri decē Ethicorum Nicomachiorum, authore Cicerone & Lactertio, & libri octo Physicorum sive de Physica auscultatione, teste Suida, fuerint compositi. Atq; ita constat omnia, quæ à nobis supra proposita fuerunt probanda, jam satis esse probata, hoc est, & libros istos Aristotelis, quos nunc legimus, non vere esse Aristotelicos, sed potius epitomas & compendia quædam librorum Aristotelis, quorum author fuerit Nicomachus. Quod autem sub iunximus multa in eis fuisse addita, detracta, & mutata, id necesse est confiteri, propter duplicitem librorum, & contrarietatem sententiarum Aristotelis, quæ passim in libris veterum manifesta reperitur : nec aliunde potuit oriri, nisi ab eo, qui libros Aristotelis contraxit, & ex simplicibus duplices fecit : subinde aliquid de suo addens vel detrahens vel mutans ubicunq; in exemplaribus Aristotelis, vel non intellectis, vel male descriptis, vel non recte collatis, aliquid deesse vel superesse vel non recte aliquo modo se habere arbitrabatur. Quæ opinione de duplicibus Aristotelis libris, contrariisque illorum sententiis confirmata facile respondetur ad omnia, quæ in scriptis & doctrina illius videntur contraria : nec difficulter defenditur Cicero à calumniis quorundam, in quibus sunt & Argyropylos Byzantius & Gulielmus Budeus, qui audent dicere illum fuisse aut tam improbum, ut Aristoteli tribuerit opiniones quæ ejus non sint, aut tam imperitum linguæ græcæ, ut nescierit quid significaret entelechia, quam ajunt non recte ab eo exposita fuisse continuatam motionem & perennem. Nam per Deos immortales quid mirum est, si Cicero alias interdum Aristotelis sententias profert, & aliter ejus verba atq; Interpretes Græci faciunt, exponit ? cum alium Aristotelem agnoscere alios ejus libros legisse fere ubiq; videatur ? Itaq; non Cicero improbus aut imperitus linguæ græcæ, sed ipsi nebulones & inepti, qui duplicem hanc Aristotelis Bibliothecam, & maximam inter utranq; discrepantiam non animadverterunt. Eademque ratione respondetur iis, qui damnant Ciceronem, eo quod Topica sua ab Aristotele, ut ipsemet fatetur, extracta, tamen longe aliter

aliter atq; Aristotelis scripserit, & multa prætermiserit vel addiderit, quæ, ut ipsi dicunt, non erat præmittenda vel addenda. Cui objectioni nos breviter respondemus: imo illum, qui hæc Topica quæ nunc habemus, scripsit, vehementer errasse, eo quod illa longe aliter tradiderit, quam Aristoteles ille, quem secutus est Cicero. Nam Topica illa Aristotelis, ex quibus Cicero sua Topica transtulit, erant vera: cujus rei signum est manifestissimum, quia quæ ab illis Cicero desumpsit, & in Topica sua traduxit, sunt vera: quæ vero scribit adulterinus ille Topicorum Aristotelicorum author, majore ex parte falsa reperiuntur, ut à nobis supra probatum est in capite de libro Topicorum. Sed jam finem huic capiti imponam si breviter hic subjecero inscriptiones quorundam capitum ad incertitudinē librorum Aristotelis pertinentium, quas Jo. Franciscus Picus Mirandula in quarto libro Examinis sui Vanitatis doctrinæ gentium scriptas reliquit. Quarum hæc est prima. Probatur multipliciter incertum esse an ullum habeamus librum cujus exemplaria vere fuerint ab Aristotele composita. Cap. Quartum. Quod & si aliquos etiam habeamus libros, qui juste atq; legitime inscribantur Aristoteli, incertum nihilominus esse: utrum eis in libris aliquid sit, quod sincere sit Aristotelis, nec inter nosci posse quid ejus proprium quid alienum.

## CAPUT. SEPTIMUM.

*De Platone, Aristotele, Galeno, Porphyrio, & de omnibus  
Aristotelis Interpretibus Græcis, Latinis & Arabibus  
breviter quid sentiendum recte philosophaturis.*

**Q**uicumq; recte philosophari cupiunt, ante omnia oportet eos non ignorare, sed vere scire ac recte tenere, quid sentiendum sit de veteribus Philosophis, præsertim nobilioribus, & quorum scripta magis in manibus hominum versantur: ut de Platone, de Aristotele, de Galeno, & de omnibus Aristotelis Interpretibus, non solum Græcis, sed etiam Latinis, & Arabibus. Nam horum scripta quoq; fere ab omnibus Latinis, qui hodie philosophantur, non in postremis versari & legi solent: reliquorum autem Philosophorum dogmata, ut Epicureorum, & Stoicorum, & aliorum non multum refert, etiam si plane ignorentur, quia non multum sunt in usu. Hæc autem cognitio, quam dixi, plurimum afferet utilitatis & emolumenti.

lument omnibus recte philosophaturis, ad discernendos veros Philosophos à Pseudophilosophis, & omnino ad veritatem investigandam recteque philosophandum. Nam qui discunt præsertim juniores & adolescentiores, qui de magnis viris nondum recte judicium facere possunt, sæpenumero non minus credunt nominibus & autoritatibus eorum, de quibus bonam aliquam conceperunt opinionem, quamvis falsissimam, & quos putant fuisse viros doctissimos & magnos Philosophos, quam rationibus veris argumentis, quamlibet firmis & validis aliorum, de quibus non ita bene sentiunt. Quo fit ut malint cum illis quos probant, licet non optimis, errare ac decipi, quam cum aliis licet doctis, sed de quibus non ita egregie sentiunt, bene sentire & verum discere, atque ita in errores sæpenumero inducuntur maximos. Quos quidem errores ut vitare posthac possint Philosophiæ candidati, de omnibus istis, quos dixi, quid sentiendum sit, & quantum autoritatis unicuique in philosophando tribuendum, quam brevissime & verissime potero hic explicabo: atque à Platone tanquam à vetustiore & nobiliore incipiam. De Platone igitur & scriptis ejus verum, ut putamus, judicium facientes, sentimus & dicimus, & aliis sentiendum dicendumque suademus: neque quemadmodum Georgius Trapezuntius, qui malignissime & procacissime tanto viro obstrictans in comparatione Aristotelis & Platonis, usque adeo Platonem inique deprimit, & ei impudenter maledicit, ut si omnium, & qui nunc sunt & qui unquam fuerunt, hominum pessimus imperitissimusque fuisset. Neque rursus quemadmodum M. Cicero, qui prorsus contra atque Trapezuntius Platonem suscipiens modo principem modo Deum appellat Philosophorum, & eum denique tantum non in cælum tollit. Non inquam de Platone sic extrema sentimus ut hi duo quamvis magni viri fecerunt: neque enim tam malus & imperitus vir fuit Plato, ut Trapezuntius calumniatur, neque rursus tantus tamque admirabilis philosophus extitit, ut asserit Cicero: sed mediam quandam, & ut opinamur, viciorem viam tenentes ita judicamus: Platonem summum in literis maximumque virum fuisse, sed in literis magis oratoris & poetici quam philosophici. Nam cum ejus scripta attente lego & diligenter considero, præsertim ea, in quibus de Republica & de Legibus loquitur, item ubi de animorum nostrorum immortalitate verba facit, planè non mihi Philosophum aliquem, aut veritatis inventorem, sed maximè quandam Oratorem aut Poetam prosaicum legere videor. Quid enim per Deos immortales, quid inquam magis alienum à Philosopho & veritatis indagatore quam consilio illa mulierum, liberorum, bonorumque omnium, quam statuit in V de Republica? Quid idem minus conveniens vere philosophanti & veritatem investiganti, quam μεταμύχῃσι, hoc est, transmigratio illa,

quam

quam vocant animarum nostrarum, modo in vulpes, modo in asinos, modo in lupos, modo in alias quasdā bestias, quæ ab eo traditur in Phædone? ut omittā interim Ideas illas separatās, & alia multa Paradoxa, quæ omnia si considerentur, ut ab Oratore vel à Poeta quopiam dicta, Dii boni quam sunt ingeniosa, quam erudita, quam delectantia Lectores: omnino nihil mihi aut magis oratorium aut magis poeticum videtur posse excogitari. Si vero eadem ut à Philosopho, hoc est, ut ab investigatore & inventore veritatis prolata, perpendantur, Deum immortalem, quam mendacē, quam ineptum præferunt Philosophum autorem. Est apud Platonem Dialogus, cui Symposio nomen est, quo nihil mihi videtur fieri potuisse neq; magis oratorium ad dicendum, neq; magis poeticum ad fingendum, neq; magis suave ad delectandum: verum idē si legatur à Philosopho & à veritatis investigatore factum, nihil neq; à Philosopho neq; à veritate reperietur magis alienum. Itaq; si quis mihi quamlibet excellenter laudet Platonem vel tanquam Oratorem vel tanquam Poetā profaicum, libentissime concedam: *si vero ut magnum Philosophum & veritatis*

(Qui specimen profundissimæ Platonis philosophiæ cupit, s. legat non interpretes etiam veteres, magnam partem in turgidum ampulosumq; sermonem ineptientes, sed ipsum Parmenidem & Timæum quorum ille de uno & Ente, id est deo (nam nulla creatura est Ens, sed Entia) admiranda ratiocinatur, hic naturas corporum solo motu & figura explicat, quod hodie tantopere novis nostris philosophis merito sane probatur.

*indagatorem, non ita libenter assentiar:* eo quia multis in Dialogis suis cum bene diu de aliqua re disseruit, quamvis semper copiose & diserte, tamen ad extremum à se dimittit lectorē magis dubium & ambiguum quam acceperat: & propterea iis, qui copiose, diserte & ornate loqui ac scribere cupiunt, utilissima est Platonice orationis assidua lectio & imitatio: abundat enim ubiq; & verbis lectissimis, & sententiis gravissimis, & omnibus aliis ornamentis orationis. Quod cum bene intelligeret Cicero, Platonem frequenter habebat in manibus, & de eo illud scriptum reliquit in libris de Oratore, Plato mihi in irridendis Oratoribus ipse summus Orator videtur. Quare iis, qui rectè philosophari cupiunt, Platonem quidem cenfeo frequenter legendum, sed ut ab eo magis copiosam & ornatam orationem facere, & Poetarum modo fingere suaviter discant, quam more sapientum Philosophorum veram rerum naturam investigare & perferutari. Ac de Platone quidem & descriptis ejus ita sentimus, & omnibus rectè philosophaturis ita sentiendum putamus. De Aristotele vero non ita certum possumus facere judicium, quia veros ejus libros non habemus: sed ex iis, qui nunc sub ejus nomine leguntur & quos magna ex parte ex veris illius libris extractos putamus: in summa tamen ita judicamus, & judicandum aliis censemus: Aristotelem maximum, excellentissimumq; fuisse virum, non quidem in omnibus scriptis, quæ ei tribuuntur, sed tantum in Rhetoricis, in Ethicis, in Politicis, in Oeconomicis, in libris de Animalibus, & in multis rerum naturalium libris. In his enim, sive sint vera Aristotelis opera, sive, ut dixi supra, ex operibus illius in

compendium redacta, fateor Aristotelē quamlibet placet Pseudophilosophis esse laudandum, & plane tanquam præstantissimum scriptorem divinis laudibus esse ornandum: paucis tamen quibusdam exceptis, in quibus nimium, ut ita dicam, dialecticari aut metaphysicari videtur. In cæteris vero operibus tantum abest, ut cum magnopere laudandum putē, ut maxime mihi videatur esse reprehendus, præsertimq; in Dialecticis & Metaphysicis & ubicunq; agit de suis illis plusquam monstris generibus, speciebus, secundis substantiis, & omnino de universalibus realibus: & præterea de sua illa plusquam falsa & mendaci abstractione, demonstratione, scientia & sapientia. Quæ omnia licet à nobis supra fuerint refutata tanquam falsissima, tamen ab Aristotele fuerunt introducta, & pene in omnibus operibus suis usurpata ac celebrata tanquam verissima. De quibus quidem omnibus uter nostrum, hoc est, Aristoteles an nos verius senserimus, doctorū hominum erit judicium. Nunc nos tantū volumus philosophiæ candidatos esse admonitos. Aristotelis opera diligenter quidem legenda esse, sed caute & cum judicio, ne inter plurima vera non paucissima etiam falsa discantur: & in summa de Aristotele ita sentiendum, quemadmodum inter initia operis dixi: nempe, ubi bene dicit nihil melius, ubi male nihil pejus posse excogitari. De Galeno vero una cum Jo. Pico Mirandula breviter ita sentimus, ut libenter fateamur auctoritatem ejus apud nos tantum quantum maxime potest, valere debere: ubi decernitur de rebus ad Medicinam pertinentibus, id enim Medici officium est, in qua professione præcellentem Galenum vereq; divinum, una cum doctorū consensu probamus & admiramur. At cum de rebus extra scientiam Medicinæ positis est judicandum & decernendum, cautius cum homine agendum putamus. Nā ipse quoq; ut dixi, mirabiliter infatuatus fuit, inani quadam & vana existimatione & admiratione rerum Dialecticarum, sic ut frequenter in ore habeat demonstrationem illam Aristotelicam, tanquam rem pretiosissimam & divinā, cum tamen in libello de libris suis ingenue fateatur se libris Dialecticorum ad eam faciendam nihil fuisse adjutum, sed ut ejus faciendæ scientiam perdisceret ad Arithmeticos, Geometras, cæterosq; Mathematicos confugere tandem sibi necessariū fuisse. Quod si ita est, quid ergo profecit Aristoteles in tradendis Posterioribus Analyticis? & ipse Galenus in quatuor commentariis, quos à se in Posteriora Analytica Aristotelis conscriptos fatetur, quid tandem utilitatis aut sibi aut aliis attulit? Quid demum uterq; tantum verborum & nugarum prodegit in ea re, quæ nemini unquam erat profutura? Sed quid ego quæro utilitatem ullam ex ullis Dialecticorum scriptis? cum ad nugandū tantummodo, & ad tempus frustra consumendum videantur fuisse relicta?

Quare

Quare nostram hanc de Galeno censuram, ita concludimus, ut moneamus Philosophiæ studiosos, Galeno fidem in Medicina, quanta maxime potest, habendam esse in reliquis vero rebus, præsertimq; Dialecticis, cum homine cautius agendum. Sed quid dicemus de Interpretibus Aristotelis? nam in his quoq; legendis magnum est periculū ne i Philosophiæ studiose vehementer Lædantur & in maxima incidant erata. Quare de his quoq; aliquid dicendum videtur; ac de Græcis primum, ex quibus huius sunt præcipui, Alexander, Ammonius, Themistius, Simplicius, Philoponus, & alii quidam: qui omnes si considerentur ut Scriptores non omnino inculti: q; barbari, & ut Expositores non obsecuri cogitationum suarum, earumq; rerum, quas sciebant non mihi quidem videntur prorsus esse contemnendi: sed si cogitatur ut Dialectici & Philosophi, hoc est, veritatis indagatores & inventores, quovis nomine eos potius arbitror dignos esse quam Philolophi. In iudicio enim de rebus paulo maioribus faciendo, & in discernendis veris ab iis, quæ falsa sunt, in- rum quam sunt rudes & tardi ingenii, cuius rei hoc vel in primis evidens argumentum & certum indicium affero, quod ex tot falsitatibus & mendaciis & falsis principiis, quibus Dialectica pene tota, & magna etiam Metaphysicæ pars referta est, & quæ à nobis supra fuerunt refutata, ne unum quidem unquam viderunt. Quod si quis forte negat, tantam errorum in Dialectica & Metaphysica multitudinem reperiri, quantam nos dicimus, ageis, quisquis est, accedat, & argumentis refutationibusque nostris recte respondeat, contrariumq; eius quod à nobis demonstratū est, probet: tunc enim fortasse redi poterit, Dialecticam & Metaphysicam tot falsitatibus & mendaciis non esse plenam, quot nos affirmamus: in toto hoc opere probavimus. Atq; ita de Græcis interpretibus Aristotelis in universum iudicamus: nam de singulis eorum erratis si dicere velim, ne mihi quidem totus atque integer annus suffecerit. De Latinis vero & Arabibus simul omnibus ita pronuntio, eos non solum excutivisse & penitus exoculatos fuisse in videndis & animadvertendis erroribus Dialecticæ & Metaphysicæ, quemadmodum & Græci, sed præterea etiam alienos fuisse ab omni politione doctrina, atq; ita spurce, rustice & inquinatè locutos esse, ut totam philosophiam & universam sapientiam, barbaris & solæcismis fœderant: *ex quorum tamen unum excipio, Thomam Aquinatem, qui si cum illo tanto tamq; mirabili ingenio huius temporibus natus esset, & literas græcas didicisset, & præceptores meliores habuisset, omninoque in rectiorē instruisset studiorum viam, Deum immortalem, qui a se & quædam vir- potuit evadere: sed temporibus illis fuit, cum nec græcas literas in Italia doceret quisquam, nec præceptores ulli invenirentur nisi barbari & inculti, &*

omnino cum Pseudophilosophia ista in Philosophorum scholis sola floreret. Itaque non mirum est si excellens & secundum alioqui ingenium in illis tantum scientiis & artibus profecit, quæ tunc vigebant, hoc est, in Dialectica, Metaphysica, & reliquis Pseudophilosophorum disciplinis, in quibus tamen præter cæteros tantum mihi excellere videtur, quantum monoculus inter cæcos. Ex Arabibus vero neminem excipio, fuerunt enim omnes imperiti, barbari, & inculti, saltem ita ut nunc leguntur translati, & præter cæteros Abenrhois, qui quanto plura scripsit, tanto plura posteris dedit imperitiæ & barbariæ lux indicia: & illud ante omnia, quod scriptum reliquit in principio Dialectices, cum explanans primum caput Isagoges Porphyrii, ut exemplo docere volens quid esset genus, dixit, Adamum esse genus hominum, & Hispaniam esse genus Hispanorum: ex quibus duobus exemplis tanquam ex specimine quodam de reliqua ejus doctrina facile judicium fieri potest, & intelligi cum prorsus ignorasse quid esset genus. Nam si Adamus esset genus hominum sequeretur Adamum solum esse universam hominum multitudinem, non solum præsentium, sed etiam præteritorum & futurorum: quod idem de Hispania & genere Hispanorum intelligendum est.

## CAPUT OCTAVUM.

*De ratione recte philosophandi, & de corrigendis instaurandisq; Philosophiæ studiis, quæ nunc maxima ex parte perversa & corrupta sunt.*

**A**D persolvendum perfectè omnia ea, quæ inter initia operis promissimus nos tradituros, superest etiamnum ut pauca scribamus de ratione recte philosophandi, & de corrigendis instaurandisq; Philosophiæ studiis, quæ nunc paulo minus quam tota perversa atq; corrupta sunt. Qua parte absoluta & capiti huic & toti libro tandem aliquando finem imponemus. Ergo qui recte philosophari & in veritate rerum investiganda, quamminime fieri potest, errare cupiunt, ii ante omnia in memoriam reducant ac servant omnia ea, quæ supra in duobus primis primi libri capitibus à nobis dicta ac præcepta sunt, de principiis philosophandi non solum veris sed etiam falsis, ut illa tanquam recta & utilia sequi, hæc vero tanquam prava & noxia vitare queant. Hoc est, in primis diligenter percipiant ac discant literas græcas & latinas, in quibus duabus linguis, ut ante dixi, scripta sunt omnia: scire,



sunt, quæ sunt scitu cognitæque dignissima. Deinde cognoscant & probe teneant præcepta & documenta omnia, *quæ traduntur in libris Grammaticorum & Rhetorum*, sine quibus omnis doctrina est indocta, & omnis cruditio est inerudita. Tum assidue legant ac versent probatissimos quosque, auctores tam Græcos quam Latinos, *& communem usum loquendi*, non modo illorum sed etiam vulgi ac populi ipsius intelligant. Tum autem ante omnia *liberos se conservent ac solutos ab omni Philosophorum secta*: neque se cuiquam ita addicentes, ut quasi vendant atque ab alieno iudicandi libertatem: neque in ullius, quamlibet magni viri, verba ita jurantes, ut non libere & ingenue de omnibus rebus, prout veritas ipsa & rerum natura postulare videtur, sentire ac pronuntiare possint. Ad hæc ne à communi & consueta doctorum omnium loquendi consuetudine recedant, ne nimis breviter nimisque obscure loquantur aut scribant, *ne tractent quæstiones per se manifestas & inconsistentes*; quæ à Græcis vocantur *ἀσφατά* & *ἐνθάματα*, ne quicquam *ὑπερβολικόν*, aut inusitatum aut novum in Philosophiam introducant, nec introductum ab alio recipiant aut approbent, nisi magna aliquaratione aut necessitate adducti & coacti. Quemadmodum nos antea fecimus, qui & veritatis amore compulsi & juvandi studiosos desiderio accensi, *introducimus in Philosophiam multa, quæ à nemine unquam veterum Philosophorum fuerant excogitata*: ex quibus *unum* vel præcipuum fuit, *comprehensio universorum singularium* cuiusque generis vera, & universum ipsum verum, *vice abstractionis universalium à singularibus falsa*, & universalis falsi. Alterum vero *locutiones propria & signata à doctissimis quibusque viris tam Græcis quam Latinis frequenter usurpatæ*, loco primarum & secundarum intentionum sophisticarum & monstrousarum, quas imperiti linguarum, & communis loquendi usus signari, excogitarant. Tertium *distinctio & separatio rerum à verbis, & verborum à rebus*, quæ non introducta & ignorata, necesse est in veterum scriptis intelligendis multa & gravia committere errata, pro primis & secundis substantiis, quæ nulla alia de causa à Pseudophilosophis fuerunt inventæ, nisi quia neque rerum à verbis, neque verborum à rebus distinctionem facere sciebant. Quartum *positio & introductio multitudinis rerum singularium, sive totius discretis*, in quartam partem divisionis generalis rerum, vice universalis falsi & portentosi, excogitati ac reperti à Pseudophilosophis eo quia nesciebant genera rerum & species dividas eorum nihil aliud esse, nisi res, hoc est, singularia in universum capta, vel multitudines rerum singularium univærse acceptas. Quintum *vera genera, veras species, veras scientias, veras artes*, loco monstrousorum generum, prodigiorum specierum, commentitiarum scientiarum, falsarum

artium, & multa alia, quæ nemo unquam ex superioribus Philosophis, quod sciam, animadverterat. Hæc inquam nos omnia coacti iis de causis, quas diximus, introduximus in Philosophiam, expulsi & eiectionis omnibus eorum contrariis. Præterea iidem recte philosophari cupientes caveant ne pro certo putent istos libros, qui nunc pro Aristotelicis leguntur, vere esse Aristotelicos, atque ita ut nunc habentur, ab Aristotele vere conpositos fuisse, ob eas, quas ante produximus rationes: & postremo ne ullo pacto credant recte philosophandum utilem aut necessariam esse istam Dialecticam sive logicam, quæ hodie est in usu, & quam nos in toto hoc opere ostendimus esse totâ vel fâli. in vel utilem, vel supervacuum, vel in pertinentem. Eandemq; opinionem habeant, si non de tota, at certe de magna parte Metaphysicæ, quam una cum Dialecticâ supra monstravimus ex omnium & sententiarum numero esse removendam. His enim omnibus, quæ dixi, vel si quævis vel iugendis fluctuosi Philosophiæ, vel non omnino vel certe non multum in philosophando poterunt errare: si præterea tamen etiam cognoverint, & tanquam scipulos quosdam diligenter vitaverint ea, quæ supra nonnumquam esse falsa & perversa philosophandi principia: ut ea, quæ traduntur à Porphyrio in *Introd. de genere, specie, differentia, proprio, & accidente* & omnino de universalibus, sive prædicabilibus, sive quinq; vocibus, ut Græci vocant, item ea, quæ scribuntur ab Aristotele partim in *Anteprædicamentis*, ut de æquivocis, de univocis, de iis quæ dicuntur & quæ sunt: partim in *Prædicamentis*, de substantiis primis & secundis, de loco & tempore & sono, de qualitate tantum speciali, nulla generalis facta mentione, & cæcis: partim in libro *de interpretatione*, de nomine, verbo, oratione, de divisione propositionum in particulares & universales partim deniq; in aliis omnibus totius Aristotelici Organi libris, quæ à nobis supra fuerunt refutata. Hæc enim vere falsa sunt & perversa philosophandi principia, quibus recipiendis, probandis, & sequendis non solum interpretes Græci, Latini, & Arabes, sed etiam Porphyrius, Galenus, & Aristoteles ipse in profundissimas errorum, mendaciorum, & falsitatum tenebras præcipitaverunt. Neq; solum ipsi erraverunt, sed etiam errare fecerunt sexcenta, ut opinor, millia hominum, quicumq; per annos amplius decies centenos illorum scripta tanquam oracula quædam vel Evangelia legerunt: & omnibus iis, quæ dicunt, sine ulla consideratione aut iudicio plenissimâ adhuc erant fidei: atq; ita velut æcis, ut dicitur, à cæcis ducti omnes simul in tenebrosissimam erroris & ignorantia foveam corruerunt. Cur autem ista Dialectica, de qua loquimur, non solum non sit necessaria nec utilis, sed contra potius etiam damnosa & noxia recte philosophari cupientibus, tametsi ex iis, quæ supra disputavimus

pecc

pene in totis quatuor hujuslibri voluminibus satis aperte intelligi potest, rursus tamen breviter hic demonstro. In summa in omni Dialectica & in universo Aristotelis Organo, ut ipsimet Dialectici ajunt, tria tantum traduntur, quorum unum & primum est, simplicium vocum apprehensio, in Isagoge Porphyrii & in Prædicamentis Aristotelis: alterum earundem simplicium vocum apprehensarum compositio ad propositiones faciendas, in libro *ὑπὲρ ἰσχυρίων*: tertium compositorum discursus ad argumentandum & probandum, in reliquis omnibus Dialecticæ Aristotelis libris. Quæ quidem tria Dialectici pene omnia male & perverse tradunt, & propterea si quis recte philosophaturus eorum aliquod unum vel plura discat à Dialecticis, non modo non adjuvari eum sed contra potius etiam non leviter lædi necesse est. Simplicium autem vocum significationem à Dialecticis non recte apprehendi, & propterea non recte posse tradi, ex eo maxime probatur & convincitur, quod in duobus prope millibus annorum nemo eorum unquam recte potuit intelligere, quid vere significetur voce generis, voce speciei, voce differentie, voce proprii, voce accidentis, voce ejus quod est τὸ καθόλου græce, sive universalis latine, voce synonymi, voce homonymi, voce ὁμοίας, voce παρότης, & vocibus aliorum multorum, quæ omnia à nobis supra jure optimo fuerunt reprehensa, tanquam recte philosophari cupientibus non solum non utilia sed etiam damnosa & noxia. Quare quomodo potest esse utilis aut necessaria recte philosophaturis pars ista Dialecticæ? in qua si demasea, quæ sunt vel falsa, vel inutilia, vel ridicula, ne quota quidem ejus portio sana remanebit? Quid referam hic ingentem multitudinem verborum in auditorum & plusquam barbarorum, quæ à recentioribus Dialecticis latinis per imperitiam non solum rerum sed etiam linguarum, in Philosophiam fuerunt inducta? Quis est enim in scholis istorum Philosophastorum tam parum versatus; qui non centies audierit, potentialitates, quiditates, entitates, hæc entitates, universalitates, formalitates, materialitates, & alia sexcenta hujusmodi verborum monstra? Quæ qui paulo frequentius usurpant, usque adeo læduntur & pervertuntur, ut necesse sit eos non solum valde falli & errare in philosophando, sed etiam in loquendo & scribendo vehementer scædari & conspurcari. Et quisquam post hæc reperietur, qui horum omnium admonitus, simplicium vocum apprehensionem à Dialecticis petendam arbitretur? profecto si id faciet, magnas stultitiæ suæ dabit pœnas. Sed de Latinis Philosophastis hæcenus, Græci vero minus quidem illi barbari sunt, sed tamen eorum sermo non omnino caret vitiis & monstris, habent enim & illi quoque suos εἰδικὸς καὶ κοινὸς ἀνθρώπου, & τετρατάκω γένεσις, & εἶδη, & τὰς διωρίδας ὁμοίας, à nemine unquam intellectas. &c.

& *ἡ ἀνοδότης*, quarum nullum extat exemplum, ne apud illos quidem, qui eas facere docent, & *ταὶ ἐπισήμας* & *ταὶ τίτλους*, quas Medicus ille nec apud Medicos, ne apud Philosophos, sed apud solos Deos reperiri putat, si tamen usquam reperiuntur. Omitto sapientiam illam, cujus auxilio Anaxagoras ille, ut opinor, cognovit nivem esse nigram, atque ideo non immerito pro vere sapientis hominis exemplo ab Aristotele in Ethicis commemoratur. Hæc & ejusmodi alia plurima non tam vocabulorum quàm rerum portenta passim reperiuntur in libris Pseudophilosophorum Græcorum, ut ab eis quoq; verborum simplicium delectus nullo pacto sit petendus. Quoddixi de simplicium verborum apprehensione, idem quoq; dico de eorū compositione, hoc est, in componendis simplicibus verbis & propositionibus faciendis, tam affirmativis quam negativis, tam universalibus quam particularibus: & in omnibus earum oppositionibus tam contrariis quam subcontrariis, tam contradictoriis quàm subalternis, nullo pacto ab iis, qui recte sunt philosophaturi, imitandum esse modum loquendi Dialecticorum tam Græcorum quam Latinorum & Arabum. Nam licet Græci minus sint imperiti, & pauciores solæcismos in suis scriptis faciant, tamen in eodem opinionum & sententiarum falsitate & perversitate versantur, quæ Latini & Arabes. Quare nemo illorum prorsus bene componendi verba simplicia & faciendi rectas propositiones satis idoneus est author. Nec magis utilis aut necessaria recte philosophari volentibus est tertia illa pars Dialecticæ, quæ est, ut illi vocant, de compositorum discursu, quam duæ illæ superiores: si quidem ad syllogismos cæterasq; argumentationes faciendas, & ad inveniendū argumenta, & omnino ad probandum aliquid veritatemq; investigandam quam sint apposita & accommodata Dialecticorum præcepta, satis, ut opinor, abunde supra cognosci poterit ex iis, quæ diximus de libris quatuor Analyticorum, & octo Topicorum. Nam Parva illa, quæ vocantur, Logicalia, quam sint inepta, inutilia, & ridicula, ne Dialectici quidem ipsi, si qui sunt paulo minus inepti, dissimulare quidem aut negare audent. Atq; ita neq; simplicium apprehensio, ut eorum nomini bus utar, neq; simplicium compositio neq; compositorum discursus à Dialecticis petenda sunt, eo quod in simplicibus eorum vocibus multi barbarissimi, in compositis non pauciores solæcismi, in compositorum vero discursu non solum creberrimæ falsitates sententiarum, sed etiam omnia orationis vitia reperiuntur. Sed dicet aliquis, si nulla istarum trium partium à Dialecticis discenda est, à quo agitur recte philosophari cupientes hæc discere poterunt? Bre viter respondeo, à probatis scriptoribus tam Græcis quam Latinis, præsertimque ab illis, qui in disputando & argumentando frequenter versantur, ut

ex Græcis

ex Græcis à Platone, à Demosthene: ab Isocrate, atque etiam ab Aristotele, sed in iis libris, in quibus loquitur, ut vir doctus, & in media Græcia natus, non in iis, in quibus ut Dialecticus & Metaphysicus nugatur. Similiterque ab aliis omnibus, qui vere græcam, non Pseudophilosophicam & sophisticam faciunt orationem. Ex Latinis vero à M. Cicrone, & ab aliis vere Scriptoris Romanis, quicunq; vel disputationes philosophicas, vel orationes aliquas forenses monumentis literarum proditas reliquerunt. Ab his ego in quâ non à Pseudophilosophis hortor omnes recte philosophari cupiētes, ut discāt verba simplicia usurpare, ad significandos animorum suorum sensus, & eadem componere ad faciendas propositiones affirmativas, negativas, universales, particulares, & composita in syllogismos, & quascunque alias argumentationes formare, & argumenta ad probandum invenire, sive de humanis rebus sive de divinis, sive de terrestribus sive de cælestibus sit differendum ac disputandum. Atq; his de causis arbitror Dialecticam istam nostratem non solum non prodesse ad recte philosophandum, sed contra potius etiam vehementer obesse. Quod autem attinet ad studia Philosophiæ, quæ nunc maxima ex parte perversa sunt atq; corrupta, ea mihi percommode sic videntur corrigi atq; instaurari posse, si primum ex scholis philosophicis expellantur & ejeciantur omnes Dialectici sive Logici, omnes Metaphysici, præsertim barbari, omnes deniq; Pseudophilosophi & Philosophastri, qui profitentur & docent Philosophiam istam balbutientem & barbaram, & omnino omnes, quicunq; sapientiâ ab eloquentia, hoc est, ut vere inquit Cicero, tanquam os à pectore & linguam à corde separant. Quandiu enim ista publica & perniciosa studiorum philosophicorum, & omnium bonorum ingeniorum pestis in scholis Philosophiæ & sapientiæ dominabitur, tandiu in eis & barbaries oris, & falsitas cordis expulsa vera Philosophia & vera sapientia dominabitur. Deinde his omnibus expulsis & ejectis siloco eorum accersantur, & conducantur ad prælegendum & docendum homines utriusq; linguæ peritissimi & quod ejus fieri potest, nullius bonæ artis aut scientiæ ignari, sed ante omnia disertis & eloquentes, & qui sapientiam cum eloquentia vel conjunxerint vel certe totis viribus conjungere adnitantur. Sic enim fiet, ut qui ab eis discant, uno eodemq; tempore & sapientes & eloquentes evadant. Atq; ita mihi studiorum Philosophiæ, quæ nunc maxima ex parte perversa atq; corrupta sunt, correctio atq; instauratio percommode fieri posse videtur. Ex multis vero Philosophiæ disciplinis, & ex multis in unaquaq; earum Scriptoris quam potissimum & quem sequi debeant ii, qui recte sunt philosophaturi, non facile est dictu. Nam cum habeamus prope omnia alia literarum studia ferme perfecta, & in eis Scriptores

excellentissimos ac tales, quibus fere nihil ad perfectionem deesse videtur, ut  
 in Poësi ac versibus faciendis Homerum & Virgilium, in Eloquentia & ora-  
 tionibus componendis Demosthenem & Cicer. in Historia & rerum gestarū  
 monumentis scribendis Dionysium Halicarnasseū & Titum Livium multosq;  
 alios tam Græcos quam Latinos, in Medicinā & morbis curandis Hippocra-  
 tem & Galenum, in Arithmetica & Geometria reliquosq; Mathematicis Eucli-  
 dem & Ptolemæum, & in aliis similiter: Cum inquam habeamus reliqua omnia  
 literarū studia talia, & in eis authores tales, quales diximus: tamen nescio  
 quō fato aut quā studiosorum intelicitate factum est, ut ex multis Philosophiæ  
 sectis, quæ jam inde ab antiquis temporibus fuerunt institutæ, nullam usq; in  
 hunc diem habeamus non dico perfectam, sed ne ad perfectionē quidē longo  
 intervallo accedentem, quam recte philosophaturis tuto atq; utiliter sequen-  
 dam proponere posse videamur, nisi Peripateticam & Aristotelicam, & eam  
 quidem non quia perfecta atq; optima sit, sed quia minus imperfecta minusq;  
 mala quam cætera. Namq; Stoica nimis est severa & rigida ut pote, quæ fateri  
 non vult dolorem esse malum, & dicere audet peccata omnia esse paria. Epi-  
 curea nimis mollis & voluptuaria, quippe quæ summum bonum in sola volu-  
 ptate atq; adeo in cibo & potu rebusq; veneris collocat. Academica vetus,  
 hoc est, Platonica sive Socratica, nimium à communi omnium victu ac cultu  
 abhorret, partim quia tradit adhominandam illam cōmunionem non solum  
 omniū bonorū, sed etiam uxorum ac filiorum, partim etiam quia docet fabu-  
 losam illam animarum nostrarum transmigratiōē, partim deniq; quia ponit  
 Ideas illas nunquam à quoquam satis intellectas, & ab Aristotele toties refu-  
 tatas. Sceptica sive Ephectica & Academica nova, ex qua etiam fuit Cicero,  
 nimis omnia confundit & incerta reddit, cum nihil omnino certo sciri putet,  
 & pro omnibus contraq; omnia disputare se profiteatur in utraq; partem. Ex  
 his inquam omnibus Philosophorum disciplinis & aliis quibusdam ignobili-  
 ribus, nulla omnino propter eas, quas dixi, causas, recte philosophaturis ad  
 sequendum atq; imitandum satis tuto proponi potest, præter unā Peripateticā  
 & Aristotelicam & eam quoq; talem, ut dixi. Quare ut ante non semel monui,  
 sic etiam hoc loco omnes recte philosophandi studiosos etiam atq; etiam mo-  
 neo, Aristotelis scripta omnia, diligenter quidē versanda & legenda esse, præ-  
 fertim, quæ non sunt nec Dialectica nec Metaphysica, sed cum diligenti con-  
 sideratione ac judicio, ut recipiantur & probentur ea tantum, quæ sunt vera  
 & utilia, quæ autem nec vera nec utilia sunt, statim improbentur ac rejician-  
 tur. De scriptis vero & libris Interpretum Aristotelis præfertim Græcorum  
 deq; ipsis Interpretibus rursus ita censeo, eos non negligendos quidem esse  
 omnino,

omnino, sed legendos & sequendos eodē plane modo quo Aristotelem h. e. non nisi in scriptis à dialectica & metaphysica vanitate alienis, ac ne in his quidem nisi adhibendo maximam considerationem ac iudicium, ne simul cum veris non pauca etiam falsa adhæreant ac perdiscantur. In summa de his omnibus, hoc est, tam Græcis quam Latinis & Arabibus, breviter ita iudicari volo ut de hominibus parum doctis & iudicio carentibus, ut pote qui ex tot ac tantis tamq; manifestis erroribus & falsitatibus Aristotelis, quot & quantas nos supra refutavimus, ne unam quidem unquam videre aut animadvertere potuerunt. Quamquam erroris eorum ac deceptionis non tam ipsi in causa fuerunt, qui eam Philosophiæ doctrinam sequebantur, quam ab Aristotele invenerant traditam & ab omnibus pene usurpatam, quam Aristoteles ipse Hæresiarcha, qui eam doctrinam primus invenerat ac tradiderat, & errandi eis author fuerat. Quid enim facerent miseri, qui nullum alium habebant meliorem, quem sequerentur, & à quo discerent? & quomodo non putarent id sine ulla dubitatione verum atque utile esse, quod à tot millibus hominum, per tot secula, quamvis falsissime confirmatum approbatumque videbant? Quamobrem *Nicolaus Leonicus Patavinus* atque nostra vir licet doctissimus in Dialogo quodam suo, quem inscripsit *Peripateticum*, non recte invenitur in Philosophos sui temporis, quos appellat quæstuarios, affirmans eos sine honoris præfatione honeste nominari non posse: tum hæc ad verbum addit. *Tantum enim abest ut ab istiusmodi hominibus exculti aliquid eruditius discas, ut è contrario si quideruditi prius excultiq; diceris, cum ad illos accesseris, eorum contagio proculdubio dedocearis oportet. An non ego decem integros annos, horum auditoria, ne dicam, lustra, assidua contrivi opera? omnesq; illorum ineptias & futiles captionum trichas, siccis, ut ajunt, auribus ebibi? anxie semper queruians, si quid inde excerpere possem, ne vacuis, quod dicunt, manibus & oscitans domum redirem. Verum Dii immortales, quam rerum inanitatē apud illos, quantam bonarum literarum solitudinem reperi, in quo tamen ut in malis nihil mihi magis sapere visui sum, quam quod cum illis desipere aliquando destiti: neq; per omne vitæ spatium, ut plerique solent, in cænosa illa ignorantia voragine demersus contabui.* His inquam verbis Leonicus, ut dixi, invenitur in Philosophastros sui temporis, & vere quidem ille, sed non omnino iuste. Nam sunt illi quidem tales, ut ab eo describuntur, sed causa cur ita sint, non tam in ipsis est quam in Aristotele eorum Hæresiarcha: ille enim reliquit eis præclarum illud Dialecticæ Organum, & egregios illos Metaphysicæ libros, quibus in operibus ferme nihil aliud nisi nugari & garrire discunt. Quare debebat Leonicus non eos solos accusare, sed una cum eis etiam



compendium redacta, fateor Aristotelē quamlibet placet Pseudophilosophis esse laudandum, & plane tanquam præstantissimum Scriptorem divinis laudibus esse ornandum: paucis tamen quibusdam exceptis, in quibus nimium, ut ita dicam, dialecticari aut metaphysicari videtur. In cæteris vero operibus tantum abest, ut cum magnopere laudandum putē, ut maxime mihi videatur esse reprehendendus, præsertimq; in Dialecticis & Metaphysicis & ubicunq; agit de suis illis plusquammonstrosis generibus, speciebus, secundis substantiis, & omnino de universalibus realibus: & præterea de sua illa plusquam falsa & mendaci abstractione, demonstratione, scientia & sapientia. Quæ omnia licet à nobis supra fuerint refutata tanquam falsissima, tamen ab Aristotele fuerunt introducta, & pene in omnibus operibus suis usurpata ac celebrata tanquam verissima. De quibus quidem omnibus uter nostrum, hoc est, Aristoteles an nos verius senserimus, doctorū hominum erit judicium. Nunc nos tantū volumus philosophiæ candidatos esse admonitos. Aristotelis opera diligenter quidem legenda esse, sed caute & cum judicio, ne inter plurima vera non paucissima etiam falsa discantur: & in summa de Aristotele ita sentiendum, quemadmodum inter initia operis dixi: nempe, ubi bene dicit nihil melius, ubi male nihil pejus posse excogitari. De Galeno vero una cum Jo. Pico Mirandula breviter ita sentimus, ut libenter fateamur auctoritatem ejus apud nos tantum quantum maxime potest, valere debere: ubi decernitur de rebus ad Medicinam pertinentibus, id enim Medici officium est, in qua professione præcellentem Galenum vereq; divinum, una cum doctorū consensu probamus & admiramur. At cum de rebus extra scientiam Medicinæ positis, est judicandum & decernendum, cautius cum homine agendum putamus. Nā ipse quoq; ut dixi, mirabiliter infatuatus fuit, inani quadam & vana existimatione & admiratione rerum Dialecticarum, sic ut frequenter in ore habeat demonstrationem illam Aristotelicam, tanquam rem pretiosissimam & divinā, cum tamen in libello de libris suis ingenue fateatur se libris Dialecticorum ad eam faciendam nihil fuisse adjutum, sed ut ejus faciendæ scientiam perdisce- ret ad Arithmeticos, Geometras, cæterosq; Mathematicos confugere tandem sibi necessariū fuisse. Quod si ita est, quid ergo profecit Aristoteles in tradendis Posterioribus Analyticis? & ipse Galenus in quatuor commentariis, quos à se in Posteriora Analytica Aristotelis conscriptos fatetur, quid tandem utilitatis aut sibi aut aliis attulit? Quid demum uterq; tantum verborum & nugarum prodegit in ea re, quæ nemini unquam erat profutura? Sed quid ego quæro utilitatem ullam ex ullis Dialecticorum scriptis? cum ad nugandū tantummodo, & ad tempus frustra consumendum videantur fuisse relicta?

Quare

Quare nostram hanc de Galeno censuram, ita concludimus, ut moncamus Philosophiæ studiosos, Galeno fidem in Medicina, quanta maxime potest, habendam esse in reliquis vero rebus, præferimus; Dialecticis, cum homine cautius agendum. Sed quid dicemus de Interpretibus Aristotelis? nam in his quoque legendis magnum est periculū ne Philosophiæ studiosi vehementer errantur & in maxima incidant errata. Quare de his quoque aliquid dicendum videtur: ac de Græcis primum, ex quibus sunt præcipui, Alexander, Ammonius, Themistius, Simplicius, Philoponus, & aliquidam: qui omnes si considerentur ut Scriptores non omnino inculti in q, barbari, & ut Expositores non obsecuri cogitationum suarum, earumque rerum, quas sciebant non mihi quidem videntur prorsus esse contemnendi: sed si cogitantur ut Dialectici & Philosophi, hoc est, veritatis indagatores & inventores, quovis nomine eos potius arbitror dignos esse quam Philosophi. In iudicio enim de rebus paulo maioribus faciendo, & in discernendis veris ab illis, quæ falsa sunt, mirum quam sunt rudes & tardi ingenii, cujus rei hoc vel in primis evidens argumentum & certum indicium affero, quod ex tot falsitatibus & mendaciis & falsis principiis, quibus Dialectica pene tota, & magna etiam Metaphysicæ pars referta est, & quæ à nobis supra fuerunt refutata, ne unum quidem unquam viderunt. Quod si quis forte negat, tantam errorum in Dialectica & Metaphysica multitudinem reperiri, quantam nos dicimus, ageis, quisquis est, accedat, & argumentis refutationibusque nostris recte respondeat, contrariumque eius quod à nobis demonstratū est, probet: tunc enim fortasse redi poterit, Dialecticam & Metaphysicam tot falsitatibus & mendaciis non esse plenam, quod nos affirmamus & in toto hoc opere probamus. Atque ita de Græcis interpretibus Aristotelis in universum judicamus: nam de singulis eorum erratis si dicere velim, ne mihi quidem totus atque integer annus suffecerit. De Latinis vero & Arabibus simul omnibus ita pronuntio, eos non solum excutivisse & penitus exoculatos fuisse in videndis & animadvertendis erroribus Dialecticæ & Metaphysicæ, quemadmodum & Græci, sed præterea etiam alienos fuisse ab omni politiore doctrina, atque ita spurci, rustici & inquinatè locutos esse, ut totam philosophiam & universam sapientiam, barbaris finis & solæcismis fecerint: ex quorum tamen unum excipio, Thomam Aquinatem, qui si cum illo tanto tamque mirabili ingenio his temporibus natus esset & inter Græcos discisset, & præceptores meliores habuisset, omninoque in rectam insisteret studiorum viam, Deum immortalem, quæ a se & quæ a viris potuit evadere: sed temporibus illis fuit, cum nec Græci literas in Italia doceret quisquam, nec præceptores ulli inveniuntur nisi barbari & inculti, &

omnino cum Pseudophilosophia ista in Philosophorum scholis sola floreret. Itaque non mirum est si excellens & secundum alioqui ingenium in illis tantum scientiis & artibus profecit, quæ tunc vigeant, hoc est, in Dialectica, Metaphysica, & reliquis Pseudophilosophorum disciplinis, in quibus tamen præter cæteros tantum mihi excellere videtur, quantum monoculus inter cæcos. Ex Arabibus vero neminem excipio, fuerunt enim omnes imperiti, barbari, & inculti, saltem ita ut nunc leguntur translati, & præter cæteros Abenrhois, qui quanto plura scripsit, tanto plura posteris dedit imperitiæ & barbariæ lux indicia: & illud ante omnia, quod scriptum reliquit in principio Dialectices, cum explanans primum caput Isagoges Porphyrii, ut exemplo docere volens quid esset genus, dixit, Adamum esse genus hominum, & Hispaniam esse genus Hispanorum: ex quibus duobus exemplis tanquam ex specimine quodam de reliqua ejus doctrina facile judicium fieri potest, & intelligi cum prorsus ignorasse quid esset genus. Nam si Adamus esset genus hominum sequeretur Adamum solum esse universam hominum multitudinem, non solum præsentium, sed etiam præteritorum & futurorum: quod idem de Hispania & genere Hispanorum intelligendum est.

## CAPUT OCTAVUM.

*De ratione recte philosophandi, & de corrigendis instaurandisque Philosophiæ studiis, quæ nunc maxima ex parte perversa & corrupta sunt.*

**A**D persolvendum perfectæ omnia ea, quæ inter initia operis promiseramus nos tradituros, superest etiamnum ut pauca scribamus de ratione recte philosophandi, & de corrigendis instaurandisque Philosophiæ studiis, quæ nunc paulo minus quam tota perversa atque corrupta sunt. Qua parte absoluta & capiti huic & toti libro tandem aliquando finem imponemus. Ergo qui recte philosophari, & in veritate rerum investiganda, quam minime fieri potest, errare cupiunt, ii ante omnia in memoriam reducant ac servant omnia ea, quæ supra in duobus primis primi libri capitibus à nobis dicta ac præcepta sunt, de principiis philosophandi non solum veris sed etiam falsis, ut illa tanquam recta & utilia sequi, hæc vero tanquam prava & noxia vitare queant. Hoc est, in primis diligenter percipiant ac discant literas græcas & latinas, in quibus duabus linguis, ut ante dixi, scripta sunt omnia  
fecer.

ferre, quæ sunt scitu cognitumque dignissima. Deinde cognoscant & probe teneant præcepta & documenta omnia, quæ traduntur in libris Grammaticorum & Rhetorum. sine quibus omnis doctrina est indocta, & omnis eruditio est inrudita. Tum assidue legant ac versent probatissimos quosque, authores tam Græcos quam Latinos, & communem usum loquendi, non modo illorum sed etiam vulgi ac populi ipsius intelligant. Tum autem ante omnia liberos se conservent ac solutos ab omni Philosophorum secta: neque se cuiquam ita addicentes, ut quasi vendant atque ab alieno iudicandi libertatem: neque in ullius, quamlibet magni viri, verba ita jurantes, ut non libere & ingenue de omnibus rebus, prout veritas ipsa & rerum natura postulare videtur, sentire ac pronuntiare possint. Ad hæc ut à communi & consueta doctorum omnium loquendi consuetudine recedant, ne nimis breviter nimisque obscure loquantur aut scribant, ne trahant quæstiones per se manifestas & inconsistentes, quæ à Græcis vocantur ἀσύνετα σύνετα, ne quicquam ὁμοῶς, aut iniustum aut novum in Philosophiam introducant, nec introductum ab alio recipiant aut approbent, nisi magna aliqua ratione aut necessitate adducti & coacti. Quemadmodum nos antea fecimus, qui & veritatis amore compulsi & juvandi studiosos desiderio accensi, introduximus in Philosophiam multa, quæ à nemine unquam veterum Philosophorum fuerant excogitata: ex quibus unum vel præcipuum fuit, comprehensio universorum singularium sui cuiusque generis vera, & universum ipsum verum, vice abstractionis universalium à singularibus falsa, & universalis falsi. Aliarum vero locutiones propria & figuratæ à doctissimis quibusque viris tam Græcis quam Latinis frequenter usurpatæ, loco primarum & secundarum intentionum sophisticarum & monstrousarum, quas imperiti linguarum, & communis loquendi usus signari, excogitarant. Tertium distinctio & separatio rerum à verbis, & verborum à rebus, qua non introducta & ignorata, necesse est in veterum scriptis intelligendis multa & gravia committere errata, pro primis & secundis substantiis, quæ nulla alia de causa à Pseudophilosophis fuerunt inventæ, nisi quia neque rerum à verbis, neque verborum à rebus distinctionem facere sciebant. Quartum positio & introductio multitudinis rerum singularium, sive totius discretæ, in quartam partem divisionis generalis rerum, vice universalis falsi & portentosi, excogitati ac reperti à Pseudophilosophis eo quia nesciebant genera rerum & species dividas eorum nihil aliud esse, nisi res, hoc est, singularia in universum capta, vel multitudines rerum singularium universe acceptas. Quintum vera genera, veras species, veras scientias, veras artes, loco monstrousarum generum, prodigiosarum specierum, commentitiarum scientiarum, falsarum

artium, & multa alia, quæ nemo unquam ex superioribus Philosophis, quod sciam, animadverterat. Hæc inquam nos omnia cæctiis de causis, quas diximus, introduximus in Philosophiam, expulsi & eiectionibus omnibus corum contrariis. Præterea iidem recte philosophari cupientes caveant ne pro certo putent istos libros, qui nunc pro Aristotelicis habentur, vere esse Aristotelicos, atque ita ut nunc habentur, ab Aristotele vere compositos fuisse, ob eas, quas ante protulimus rationes: & postremo ne ullo pacto credant aut recte philosophandum utilem aut necessariam esse istam Dialecticam live Logicam, quæ hodie est in usu, & quam nos in toto hoc opere ostendimus esse totâ vel fultâ vel utilem, vel supervacuum, vel in pertinentem. Eandemque opinionem habeant, si non de tota, at certe de magna parte Metaphysicæ, quam una cum Dialecticâ supra monstravimus ex omni artium & scientiarum numero esse removendam. His enim omnibus, quæ dixi, vel si quævis vel fugiendis illusoriis Philosophiæ, vel non omnino vel certe non multum philosophando poterunt errare: si præterea tamen etiam cognoverint, & tanquam scipulos quosdam diligenter vitaverint ea, quæ supra novimus esse falsa & perversa philosophandi principia: ut ea, quæ traduntur à Porphyrio in *Isagoge*. de genere, specie, differentia, proprio, & accidente & omnino de universalibus, live prædicabilibus, sive quicquid, vocibus, ut Græci vocant, item ea, quæ scribuntur ab Aristotele partim in Antepredicamentis, ut de æquivocis, de univocis, de iis, quæ dicuntur & quæ sunt: partim in Predicamentis, de substantiis primis & secundis, de loco & tempore & sono, de qualitate tantum speciali, nulla generalis facta mentione, & cæcæ alius: partim in libro *de interpretatione*, de nomine, verbo, oratione, de divisione propositionum in particulares & universales. partim denique in aliis omnibus totius Aristotelici Organi libris, quæ à nobis supra fuerunt refutata. Hæc enim vere falsa sunt & perversa philosophandi principia, quibus recipiendis, probandis, & sequendis non solum Interpretes Græci, Latini, & Arabes, sed etiam Porphyrius, Galenus, & Aristoteles ipse in profundissimas errorum, mendaciorum, & falsitatum tenebras præcipitaverunt. Neque solum ipsi erraverunt, sed etiam errare fecerunt lexcenta, ut opinor, millia hominum, quicunque per annos amplius decies centenos illorum scripta tanquam oracula quædam vel Evangelia legerunt: & omnibus iis, quæ dicunt, sine ulla consideratione aut iudicio plenissimâ adhibuerant fidem: atque ita veluti cæci, ut dicitur, à cæcis ducti omnes simul in tenebrosissimam erroris & ignorantie foveam corruerunt. Cura autem ista Dialectica, de qua loquimur, non solum non sit necessaria nec utilis, sed contra potius etiam damnosa & noxia recte philosophari cupientibus, tamen etiam nos, quæ supra disputavimus

peac

pene in totis quatuor hujuslibri voluminibus satis aperte intelligi potest, rursus tamen breviter hic demonstro. In summa in omni Dialectica & in universo Aristotelis Organo, ut ipsimet Dialectici ajunt, tria tantum traduntur, quorum unum & primum est, simplicium vocum apprehensio, in Isagoge Porphyrii & in Prædicamentis Aristotelis: alterum earundem simplicium vocum apprehensarum compositio ad propositiones faciendas, in libro *ὑπὲρ ἰσχυρίων*: tertium compositorum discursus ad argumentandum & probandum, in reliquis omnibus Dialecticæ Aristotelis libris. Quæ quidem tria Dialectici pene omnia male & perverse tradunt, & propterea si quis recte philosophaturus eorum aliquod unum vel plura discat à Dialecticis, non modo non adjuvari est sed contra potius etiam non leviter lædi necesse est. Simplicium autem vocum significationem à Dialecticis non recte apprehendi, & propterea non recte posse tradi, ex eo maxime probatur & convincitur, quod in duobus prope millibus annorum nemo eorum unquam recte potuit intelligere, quid vere significetur voce generis, voce speciei, voce differentie, voce proprii, voce accidentis, voce ejus quod est τὸ καθόλου & græce, sive universalis latine, voce synonymi, voce homonymi, voce ὁμοίας, voce παρόμοιος, & vocibus aliorum multorum, quæ omnia à nobis supra jure optimo fuerant reprobata, tanquam recte philosophari cupientibus non solum non utilia sed etiam damnosa & noxia. Quare quomodo potest esse utilis aut necessaria recte philosophaturis pars ista Dialecticæ? in qua si demas ea, quæ sunt vel falsa, vel inutilia, vel ridicula, ne quædam quidem ejus portio sana remanebit? Quid referam hic ingentem multitudinem verborum inauditorum & plusquam barbarorum, quæ à recentioribus Dialecticis latinis per imperitiam non solum rerum sed etiam linguarum, in Philosophiam fuerunt inducta? Quis est enim in scholis istorum Philosopharum tam parum versatus, qui non centies audierit, potentialitates, quidditates, entitates, hæcцитates, universalitates, formalitates, materialitates, & alia sexcenta hujusmodi verborum monstra? Quæ qui paulo frequentius usurpant, usque ad coladuntur & pervertuntur, ut necesse sit eos non solum valde falli & errare in philosophando, sed etiam in loquendo & scribendo vehementer sædari & conspurcari. Et quisquam post hæc reperietur, qui horum omnium admonitus, simplicium vocum apprehensionem à Dialecticis petendam arbitretur? profecto si id faciet, magnas stultitiæ suæ dabit pœnas. Sed de Latinis Philosophis hæcenus, Græci vero minus quidem illi barbari sunt, sed tamen eorum sermo non omnino caret vitiiis & monstris, habent enim & illi quoque suos εἰδικὸς καὶ κοινὸς ἀρβύλος, & τερπαιχὶς γῆν & σῆν, & τὰς δυνάμεις ὁμοίας, à nemine unquam intellectas. &c.

& *ἡ ἀνοδεία*, quarum nullum extat exemplum, ne apud illos quidem, quicquid docent, & *ταὶ ἐπισήμας* & *ταὶ τίτλους*, quas Medicus ille nec apud Medicos, ne apud Philosophos, sed apud solos Deos reperiri putat, si tamen usquam reperiuntur. Omitto sapientiam illam, cujus auxilio Anaxagoras ille, ut opinor, cognovit nivem esse nigram, atque ideo non immerito pro vere sapientis hominis exemplo ab Aristotele in Ethicis commemoratur. Hæc & ejusmodi alia plurima non tam vocabulorum quàm rerum portenta passim reperiuntur in libris Pseudophilosophorum Græcorum, ut ab eis quoque verborum simplicium delectus nullo pacto sit petendus. Quoddixi de simplicium verborum apprehensione, idem quoque dico de eorum compositione, hoc est, in componendis simplicibus verbis & propositionibus faciendis, tam affirmativis quam negativis, tam universalibus quam particularibus: & in omnibus earum oppositionibus tam contrariis quam subcontrariis, tam contradictoriis quàm subalternis, nullo pacto ab iis, qui recte sunt philosophaturi, imitandum esse modum loquendi Dialecticorum tam Græcorum quam Latinorum & Arabum. Nam licet Græci minus sint imperiti, & pauciores solœcismos in suis scriptis faciant, tamen in eodem opinionum & sententiarum falsitate & perversitate versantur, quæ Latini & Arabes. Quare nemo illorum prorsus bene componendi verba simplicia & faciendi rectas propositiones satis idoneus est author. Nec magis utilis aut necessaria recte philosophari volentibus est tertia illa pars Dialecticæ, quæ est, ut illi vocant, de compositorum discursu, quam dux illarum superiores: si quidem ad syllogismos cæterasque argumentationes faciendas, & ad inveniendū argumenta, & omnino ad probandum aliquid veritatemque investigandam quam sint apposita & accommodata Dialecticorum præcepta, satis, ut opinor, abunde supra cognoscipotuit ex iis, quæ diximus de libris quatuor Analyticorum, & octo Topicorum. Nam Parva illa, quæ vocantur, Logicalia, quam sint inepta, inutilia, & ridicula, ne Dialectici quidem ipsi, si qui sunt paulo minus inepti, dissimulare quidem aut negare audent. Atque ita neque simplicium apprehensio, ut eorum nomini bus utar, neque simplicium compositio neque compositorum discursus à Dialecticis petenda sunt, eo quod in simplicibus eorum vocibus multi barbarissimi, in compositis non pauciores solœcismi, in compositorum vero discursu non solum creberrimæ falsitates sententiarum, sed etiam omnia orationis vitia reperiuntur. Sed dicet aliquis, si nulla istarum trium partium à Dialecticis discenda est, à quo agitur recte philosophari cupientes hæc discere poterunt? Bre viter respondeo, à probatis scriptoribus tam Græcis quam Latinis, præferimque ab illis, qui in disputando & argumentando frequenter versantur, ut

ex Græcis

ex Græcis à Platone, à Demosthene; ab Isocrate, atque etiam ab Aristotele, sed in iis libris, in quibus loquitur, ut vir doctus, & in media Græcia natus, non in iis, in quibus ut Dialecticus & Metaphysicus nugatur. Similiterque ab aliis omnibus, qui vere græcam, non Pseudophilosophicam & sophisticam faciunt orationem. Ex Latinis vero à M. Cicerone, & ab aliis vere Scriptoribus Romanis, quicumque vel disputationes philosophicas, vel orationes aliquas forenses monumentis literarum proditas reliquerunt. Ab his ego iniqua non à Pseudophilosophis hortor omnes recte philosophari cupiētes, ut discant verba simplicia usurpare, ad significandos animorum suorum sensus, & eadem componere ad faciendas propositiones affirmativas, negativas, universales, particulares, & composita in syllogismos, & quasunque alias argumentationes formare, & argumenta ad probandum invenire, sive de humanis rebus sive de divinis, sive de terrestribus sive de cælestibus sit differendum ac disputandum. Atque his de causis arbitror Dialecticam istam nostratam non solum non prodesse ad recte philosophandum, sed contra potius etiam vehementer obesse. Quod autem attinet ad studia Philosophiæ, quæ nunc maxima ex parte perversa sunt atque corrupta, ea mihi pereommode sic videntur corrigi atque instaurari posse, si primum ex scholis philosophicis expellantur & eiciantur omnes Dialectici sive Logici, omnes Metaphysici, præsertim barbari, omnes denique Pseudophilosophi & Philosophastri, qui profitentur & docent Philosophiam istam balbutientem & barbaram, & omnino omnes, quicumque sapientiâ ab eloquentia, hoc est, ut vere inquit Cicero, tanquam os à pectore & linguam à eorde separant. Quandiu enim ista publica & perniciosâ studiorum philosophicorum, & omnium bonorum ingeniorum pestis in scholis Philosophiæ & sapientiæ dominabitur, tandiu in eis & barbaries oris, & falsitas cordis expulsa vera Philosophia & vera sapientia dominabitur. Deinde his omnibus expulsis & ejectis si loco eorum accersantur, & conducantur ad prælegendum & docendum homines utriusque linguæ peritissimi & quod ejus fieri potest, nullius bonæ artis aut scientiæ ignari, sed ante omnia disertis & eloquentes, & qui sapientiam eum eloquentia vel conjunxerint vel certe totis viribus conjungere adnitantur. Sic enim fiet, ut qui ab eis discant, uno eodemque tempore & sapientes & eloquentes evadant. Atque ita mihi studiorum Philosophiæ, quæ nunc maxima ex parte perversa atque corrupta sunt, correctio atque instauratio percommode fieri posse videtur. Ex multis vero Philosophiæ disciplinis, & ex multis in unaquaque earum Scriptoribus quam potissimum & quem sequi debeant ii, qui recte sunt philosophaturi, non facile est dictu. Nam cum habeamus prope omnia alia literarum studia ferme perfecta, & in eis Scriptores

Yy

excel-



omnino, sed legendos & sequendos eodē plane modo quo Aristotelem h. e. non nisi in scriptis à dialectica & metaphysica vanitate alienis, ac ne in his quidem nisi adhibendo maximam considerationem ac iudicium, ne simul cum veris non pauca etiam falsa adhæreant ac perdiscantur. In summa de his omnibus, hoc est, tam Græcis quam Latinis & Arabibus, breviter ita iudicari volo ut de hominibus parum doctis & iudicio carentibus, ut pote qui ex tot ac tantis tamq; manifestis erroribus & falsitatibus Aristotelis, quot & quantas nos supra refutavimus, ne unam quidem unquam videre aut animadvertere potuerunt. Quanquam erroris eorum ac deceptionis non tam ipsi in causa fuerunt, qui eam Philosophiæ doctrinam sequebantur, quam ab Aristotele invenerant traditam & ab omnibus pene usurpatam, quam Aristoteles ipse Hæresiarcha, qui eam doctrinam primus invenerat ac tradiderat, & errandi eis author fuerat. Quid enim facerent miseri, qui nullum alium habebant meliorem, quem sequerentur, & à quo discerent? & quomodo non putarent id sine ulla dubitatione verum atque utile esse, quod à tot millibus hominum, per tot secula, quanvis falsissime confirmatum approbatumque videbant? Quamobrem *Nicolaus Leonicus Patavinus* atque nostra vir licet doctissimus in Dialogo quodam suo, quem inscripsit *Peripateticum*, non recte invehitur in Philosophos sui temporis, quos appellat quæstuarios, affirmans eos sine honoris præfatione honeste nominari non posse: tum hæc ad verbum addit, *Tantum enim abest ut ab istiusmodi hominibus exculti aliquid eruditius discas, ut è contrario si quid eruditius prius excultiq; diceris, cum ad illos accesseris, eorum contagio proculdubio dedocearis oportet. An non ego decem integros annos, horum auditoria, ne dicam, lustra, assidua contrivi opera? omnesq; illorum ineptias & futes captionum trichas, siccis, ut ajunt, auribus ebibi? anxie semper quaritans, si quid inde excerpere possem, ne vacuis, quod dicunt, manibus & oscitans domum redirem. Verum Dii immortales, quam rerum inani-tatem apud illos, quantam bonarum literarum solitudinem reperi, in quo tamen ut in malis nihil mihi magis sapere visus sum, quam quod cum illis desipere aliquando desisti: neq; per omne vitæ spatium, ut plerique solent, in cænosa illa ignorantia voragine demersus contabui.* His inquam verbis Leonicus, ut dixi, invehitur in Philosophastros sui temporis, & vere quidem ille, sed non omnino iuste. Nam sunt illi quidem tales, ut ab eo describuntur, sed causa cur ita sint, non tam in ipsis est quam in Aristotele eorum Hæresiarcha: ille enim reliquit eis præclarum illud Dialecticæ Organum, & cgregios illos Metaphysicæ libros, quibus in operibus ferme nihil aliud nisi nugari & garrire discunt. Quare debebat Leonicus non eos solos accusare, sed una cum eis etiam

Aristotelem reprehendere, qui nos tam inepte docuit, ut ita dicam, dialecticari & metaphysicari: nam cum ita dico, nihil mihi ineptius aut insulsius dicere posse videor. Similiter Jo. Picus Mirandula, in quadam Epistola ad Hermolaum Barbarum, non recte prætermisso Aristotele conqueritur de solis Interpretibus Aristotelicis, quod apud illos meliorem ætatis partem & tantas vigilias perdiderit: ita enim scribit. Sed mirum dictu quam persuadeas & legentis animum, quocumque velis impellas. Quod ego sum expertus cum semper alias, tum hac proxima tua epistola, in qua dum barbaros hos Philosophos insectaris, quos dicis haberi vulgo sordidos, rudes, incultos, quos ne vixisse quidem juvenes, ne dum extincti vivant, & si nunc vivant, vivere in pœnam & contumeliam: ita porro sum commotus, ita me puduit piguitque studiorum meorum (jam enim apud illos sexennium versor) ut nihil minus me fecisse velim, quam in tam nihili faciêda re tam laboriose contendisse: Perdiderim ego inquam apud Thomam, apud Jo. Scotum, apud Albertum, apud Abenrheem meliores annos, tantas vigilias, quibus potuerim in bonis literis fortasse non nihil esse? Hæc quoque Jo. Picus Mirandula contra barbaros Aristotelis Interpretes conqueritur, & vere ille quidem, sed quem admodum Leonicus, non omnino iuste, quia prætermittit eum, qui tantorum illis errorum causa fuerat, hoc est, Aristotelem. Sed ô Pice non recte facis, cum de solis Interpretibus Aristotelis quereris, ipsum autem Aristotelem, qui omnium malorum causa & origo fuit, omittis, dicenste perdidisse meliores annos, tantasque vigilias apud Interpretes Aristotelis, & nolens illud dicere, quod erat verius, eadem illa omnia te multo ante perdidisse apud Aristotelem. De Aristotele loquor Dialectico & Metaphysico, atque etiam magna ex parte Physico tantum, non de aliis illius scriptis, si tamen vere illius sunt, quanquam in eis quoque, ut ante dixi, non pauci sunt, quæ non careant vitio. Quare mihi multo rectius & verius sensisse ac fecisse videtur Laurentius Valla, qui prætermittis Interpretibus, omnem tantorum errorum & falsitatum culpam in Aristotelem, tanquam in verum authorem ac primum fontem rejicit, & ipsum reprehendit apertissime ubicumque videtur errare. In Dialectica enim suo libro primo capite nono, ita scribit. Cum omnium opiniones confutat Aristoteles, ut ineptas, ipse omnium pene sensit ineptissime, vel ob hoc, quod animam dat arboribus & herbis: & eodem libro cap. XVI. cum de entelechia locutus esset, ita inquit, Valeant igitur hæc superstitiosa & calumniosa Aristotelis vocabula, in quibus cum vult videri argutus, mihi videtur potius arguendus: & aliis multis in locis eodem modo. Sic igitur & omnes recte philosophandi studiosi recte philosophari, & studia Philosophiæ maxima ex parte perversa atque corrupta, corrigi

rigiatque instaurari posse nobis videntur. Quibus ita monstratis ut tandem aliquando & caput hoc postremum, & totum hunc librum absolvamus, ita concludimus, ut relinquamus duo memoria mandanda, & assidue diligenter cogitanda omnibus, qui recte philosophari cupiunt; quorum unum est, Ubique & quotcunque Dialectici Metaphysicique sunt, ibidem & totidem esse capitales veritatis hostes, alterum vero, Quandiu in scholis Philosophorum regnabit Aristoteles iste Dialecticus & Metaphysicus, tandiu in eis & falsitatem & barbariem, si non linguæ & oris, at certe pectoris & cordis regnaturam.

## QUARTI ET ULTIMI LIBRI FINIS



**Q**Uoniam hic aliquot paginarum quaternionis hujus supererant vacuæ, idcirco putavimus eas esse implendas quibusdam monitis, diligenter memoriarum mandandis & frequenter in ore habendis ab omnibus recte philosophari cupientibus. Quæ sunt hæc.

### Scientia.

*κοινως*  
Communiter,  
quæres qualif-  
cunq; & quo-  
modocunq; co-  
gnoscitur.

*κρυπτως*  
proprie, ut  
scientia Me-  
dicinæ & Ar-  
chitecturæ.

*ιδιωτως*  
Privatim, ut  
scientia illa  
Pseudophiloso-  
phorum, quam  
ex demonstra-  
tione potissima  
fieri dicunt.

Generalis & vera Scientiæ definitio.

Scientia est cognitio rei vel rerum scitu dignarum, cognitu difficilium, & vulgo ignotarum.

Generalis & vera Artis definitio.

Ars est scientia bene faciendi aliquid.

Rhetoricæ definitio vera.

Rhetorica est ars bene dicendi de omnibus rebus.

Medicinæ definitio vera.

Medicina est ars bene curandi morbos, & vulnera.

Juriscivilis definitio vera.

Juriscivile est ars bene respondendi de jure.

Generis definitio vera.

Genus est multitudo sive totum discretum, ex omnibus suis speciebus non solum dividuis sed etiam individuis, neque solum præsentibus sed etiam præteritis & futuris constans.

Speciei definitio vera.

Species est pars generis, quæ una cum aliis multis ipsius generis substantiam perficit.

Differentiæ definitio vera.

Differentia est qualitas, qua res inter se differunt.

Proprii definitio vera.

Proprium est qualitas quæ adest vel omni & soli, vel si non soli at certe omni.

*Conclu-*

*Conclusiones, quæ in hoc opere diversis  
in locis probata sunt.*

Est unum tantum genus generalissimum verum, hoc est, genus rerum, sive res figurate, non decem genera generalissima, ut falso putavit Aristoteles.

Ens, unum, aliquid, verum, bonum, in genere rerum continentur, tanquam species sive partes in toto suo discreto.

Genus rerum prima sectione dividitur in duas species, hoc est, in substantias & qualitates.

Accidentia omnia sunt qualitates, non contra.

Homo non est species specialissima, ut falso ajunt Dialectici, sed vere genus Trojani & Thebani, & Trojanus & Thebanus vere sunt species hominis, ut rectissime dicit Cicero.

Individua ut Socrates & Plato vere sunt species hominis, seu species individua, sive species specialissimæ.

Differentia nihil aliud est, nisi genus differens.

Proprium nihil aliud est, nisi genus proprium.

Accidens nihil aliud est, nisi genus accidens.

Animal non minus est differentia & proprium quam genus.

Rationale non minus est genus quam animal, & species quam homo, & proprium quam risibile.

Risibile non minus est genus quam animal, differentia quam rationale, species quam homo.

Arbor generica substantiæ tota constat ex singularibus & multitudinibus singularium, eodemq; modo arbores reliquorum generum, in quibus præter singularia & multitudines singularium omnino nihil aliud vere reperitur.


In divisione generis nihil aliud dividitur, nisi multitudo singularium major in alias multitudines minores, vel in singularia.

Propter ignorance locutionum propriarum & figuratarum, Pseudophilosophi introduxerunt primas & secundas intentiones.

Propter ignorance distinguendi res à verbis & verba à rebus, Pseudophilosophi introduxerunt primo, primas & secundas substantias & omnia ea, quæ ab ipsis appellantur universalia: deinde etiam univoca & æquivoca & analogæ, de quibus ita loquuntur ut nesciant utrum de vocibus loquantur, an de rebus: & postremo definiverunt res perinde ac si essent voces, ut genus rerum pro voce generis, hoc est, pro nomine appellativo, nam omnia nomina appellativa sunt voces generum.

*Gene-*

## Generalium omnium Nominum divisio.



Nomen substantivum est illud quod semper significat rem tanquam per se stantem, & ad interrogationem factam per quid est, semper priore loco respondetur.

Nomen adjectivum est illud quod semper significat rem tanquam in alio existentem, & ad interrogationem factam per quale est, semper recte responderi potest.

Nomen Appellativum, ut Grammatici dicunt, est illud quod est commune multorum in multis pronuntiationibus, sive quod dicitur de multis in multis enuntiationibus, sive ut Dialectici ajunt, quod dicitur de pluribus differentibus specie in eo quod quid est : Nam ipsi propter ignorantiam definiendi, cum genus definire vellent, non genus sed vocem generis, hoc est, nomen appellativum definiverunt.

## Generalis divisio Rerum.

Res omnes sunt.



F I N I S.

INDEX.

# I N D E X.

## A.

**A**bstractio universalium à singularibus tanquam falsa refutatur, & eius loco ponitur comprehensio universorum singularium vera 155. 256. 257

Abstractionem à singularibus fieri non posse 263

Abstractio universalium à singularibus per intellectum quomodo à Dialecticis fieri dicatur 45

Abstractio Dialectica falsa 258

Abstractio Naturalis falsa 258

Abstractio Mathematica falsa 259

Abstractio Metaphysica falsa 262

Abstrahendum non solum esse mendacium, sed etiam maximum mendacium 257

Abstrahere universalia à singularibus apud Pseudophilosophos falso dici, pro eo quod est comprehendere singularia universe sive in universum apud Oratores 256

Abstrahendi apud Pseudophilosophos tres sunt modi 257

Accidentia omnia qualitatis nomine significari 181

Accidentia omnia esse qualitates 182

Accidentia esse substantias 178

Accidens & genus accidenti idem 76

Accidens inter universalia non recte fuisse numeratum 141

Adiectivum nomen quid 38

Adiectiva substantivata 37

Ad interrogationem factam per quid est, respondendum esse non per genus nec per speciem, sed per nomen substanti-

vum & per res persestantes 36

Ad interrogationem factam per quale est, respondendum esse non per differentiam nec per proprium, nec per accidens, sed per nomen adiectivum & per res in alio existentes 36

Aquivoca barbara & falsa sunt, ambigua, vel amphibola latine & vera 157

Aquivoca equivocantia barbare, ambigua vel amphibola latine 157

Equivocatio barbare & falso dicitur ambiguitas sive amphibologia recte & vere 154

Equivoca equivocata barbare, homonyma vel cognominia latine 157

Agricole & Primi defensio Universalium refutatur 71

Aliquid, id est, aliquares 165

Ambigua latine, equivoca barbare 154

Amphibolon ambiguum 154

Amphibolia & ambiguitas latine, equivocatio barbare 154

Ampliationes Dialecticorum, inutiles 330

Analogia falsa & inutilia 159

Analytica priora & posteriora ab Aristotele non ita fuisse inscripta 337

Anaxagoras rerum stultus 13

Animal universale quot modis appellatur apud Dialecticos 44

Animal simul & rationale & irrationale est non solum potentia sed etiam actu, & quomodo 86

Animal universale & hominem universalem non magis vere reperiri quam populum universalem & exercitum universalem 25

# I N D E X.

|                                                                                                                                                                                                                    |         |                                                                                                               |      |
|--------------------------------------------------------------------------------------------------------------------------------------------------------------------------------------------------------------------|---------|---------------------------------------------------------------------------------------------------------------|------|
| <i>Animalis nomen non semper esse substantivum generis, sed etiam quoad, adjectivum differentia</i>                                                                                                                | 37      | <i>Argumentum à differentia &amp; proprio</i>                                                                 | 137  |
| <i>Antepredicamenta tanquam mera deliramenta</i>                                                                                                                                                                   | 154     | <i>Argumentorum usus &amp; tractatio à Pseudophilosophis inique occupata Oratori restituitur</i>              | 282  |
| <i>Appellationes Dialecticorum barbara &amp; ridicula</i>                                                                                                                                                          | 330     | <i>Argumentandi Dialecticorum usus pravus</i>                                                                 | 316  |
| <i>Appellativum nomen quid</i>                                                                                                                                                                                     | 33      | <i>Aristoteles obscure nimium loquens reprehendendus</i>                                                      | 12   |
| <i>Appellativa nomina collectiva</i>                                                                                                                                                                               | 22      | <i>Aristoteles loligini comparatus</i>                                                                        | 12   |
| <i>Appellativa nomina simplicia, hoc est, non collectiva</i>                                                                                                                                                       | 26      | <i>Aristoteles magis reprehendus propter positionem universalem quam Plato propter introductionem idearum</i> | 13   |
| <i>Arbor generis substantia nostra vera à Porphyriana falsa longe diversa</i>                                                                                                                                      | 170     | <i>Aristoteles quam ob causam universalia posuerit</i>                                                        | 49   |
| <i>Arbor generis qualitatis nostra vera</i>                                                                                                                                                                        | 171.    | <i>Aristotelis malignitas contra Rhetores</i>                                                                 | 227. |
| <i>Arbor predicamentalis Dialecticorum tota falsa</i>                                                                                                                                                              | 183     | <i>Aristoteles &amp; ejus sectatores in quibus probands &amp; in quibus non</i>                               | 236  |
| <i>Argumentatio quid</i>                                                                                                                                                                                           | 307 283 | <i>Artis nomen</i>                                                                                            | 195  |
| <i>Argumentationes apud Dialecticos quatuor</i>                                                                                                                                                                    | 308     | <i>Ars pro scientia</i>                                                                                       | 195  |
| <i>Argumentationes decem tam Philosophorum quàm Oratorum communes</i>                                                                                                                                              | 309     | <i>Artis nomen proprie quid significat</i>                                                                    | 195  |
| <i>Argumentandi forma nulla ullius Scriptoris propria</i>                                                                                                                                                          | 228     | <i>Ars proprie quid sit</i>                                                                                   | 357  |
| <i>Argumentationes omnes omnium Scriptorum sine ulla differentia sunt communes</i>                                                                                                                                 | 229     | <i>Artis precepta</i>                                                                                         | 196. |
| <i>Argumentationum partitio ab Aristotele facta falsa</i>                                                                                                                                                          | 312     | <i>Artibus in omnib. inclusa est scientia</i>                                                                 | 196  |
| <i>Argumentationum forma à Rhetoribus melius traditur quam à Dialecticis</i>                                                                                                                                       | 312     | <i>Artis &amp; scientia materia quæ</i>                                                                       | 197  |
| <i>Argumentationum omnium formis, quæ in Prioribus Analyticis traduntur, recte non utitur Aristoteles in scribendo, quas sectatores ejus male postea usurparunt non solum in disputando sed etiam in scribendo</i> | 315     | <i>Artis &amp; scientia officium quod</i>                                                                     | 197  |
| <i>Argumentum quid</i>                                                                                                                                                                                             | 283-307 | <i>Artis &amp; scientia finis quis</i>                                                                        | 197  |
|                                                                                                                                                                                                                    |         | <i>Ars &amp; scientia quomodo differunt</i>                                                                   | 200  |
|                                                                                                                                                                                                                    |         | <i>Astrologiam divinatricem esse falsam</i>                                                                   | 219. |
|                                                                                                                                                                                                                    |         | <i>Author ad Herennium contra Dialecticos</i>                                                                 | 245  |
|                                                                                                                                                                                                                    |         | <i>Authoritates veterum contra Dialecticam</i>                                                                | 244. |
|                                                                                                                                                                                                                    |         | <b>B.</b>                                                                                                     |      |
|                                                                                                                                                                                                                    |         | <i>Boethii defensio &amp; explicatio universalium refutatur</i>                                               | 70.  |
|                                                                                                                                                                                                                    |         | <i>Boethius de fine Dialectica refutatur</i>                                                                  | 233. |

G. S. J.



# I N D E X.

## C.

Casus Scaliger in reprehendendis Grammaticis ipse maxime est reprehendendus 279

Casus & simus sicut niger & curvus 267.

Categoria vide Predicamenta

Causas ponendi universalis 48

Cognitio omnis aut sensibilis aut intelligibilis, & rursum utraq; aut communis aut singularis 257

Collectiva nomina quæ 22

Colorem & sonum non minus esse res mathematicas, quam lineam & superficiem 265

Compositionum genera duo 87

Comprehensio oratoria singularium universorum vera ponitur loco falsa abstractionis universalium à singularibus 236

Comprehendere singularia universe sive in universum pro eo quod Pseudophilosophi barbare & falso dicunt abstrahere universalis à singularibus 256

Comprehendere singularia universe sive in universum est omnia singularia quasi in unum locum congregata animo concipere 256

Concreta dialectica vana 37

Consequentia Dialecticorum barbara & ridicula 330

Considerandi modi veri & falsi qui 260

Contra principia Pseudophilosophorum disputari posse, quia sunt falsa 17

## D.

Definienda præcepta 145

Definitio vocis, puta hominis 95

Definitio rei 96

Definitio cogitationis & vocis men-

ialis 96

Definitio generis veri 97

Definitio generis Dialectici falsa 101

Definitio hominis ex genere communi & proprio 145

Definitio hominis ex tribus generibus communibus vicem unius generis proprii supplementibus 146

Definitionem differentis solvi, propriam autem constitui 147. 148

Definitio non omnia quæ ad substantiam pertinent explicare debet 148

Definitionum forma duæ 147

Definitio incommensurabilis, sive ἀμετρώδης 148.

Definitio ἀσυνώδης, hoc est, essentialis 149

Definitio perfecta rei quibus sit 149

Definitiones artium & scientiarum vera 150

Definitiones particularium scientiarum ex quibus fiunt 199

Definitiones particularium artium ex quibus fiunt 199

Definitio Rhetorica Aristotelis falsa 200. 234.

Definitio Dialectica falsa 234

Definitio & Divisio Oratori resistunt 274

Definiendi & dividendi præcepta proprie ad Oratorem pertinent 275

Definiendi præcepta Dialecticorum falsa 275. 301

Definitio generis & speciei à Cicerone in Topicis tradita falsa 109

Definitionis vitium cum vox generis pro ea re, quæ est genus, definitur 96.

Definitionis vitium, cum cogitatio &

# I N D E X.

|                                                                                                                                         |          |                                                                                                                                                                                                                                                                                                                                                                                                                                                                                              |          |
|-----------------------------------------------------------------------------------------------------------------------------------------|----------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------|
| conceptiores in mente pro se ipsa vera definitur                                                                                        | 96       | Dialectica materia qua                                                                                                                                                                                                                                                                                                                                                                                                                                                                       | 223      |
| Definitiones populi & exercitus, ut res, sunt diversa à definitionibus populi & exercitus, ut voces sunt                                | 103      | Dialecticam esse de vocibus vel vocalibus vel mentalibus                                                                                                                                                                                                                                                                                                                                                                                                                                     | 107      |
| Demonstrationē quam potissimam vocant, ex qua scientiam illam maxime propriam gigni dicunt, esse falsam in cap. de falsa demonstratione | 318      | Dialectice, sive logice, & metaphysice dicere quid                                                                                                                                                                                                                                                                                                                                                                                                                                           | 10. 127  |
| Demonstrationis potissima cuius mediū est definitio subiecti exemplum falsum                                                            | 320      | Dialecticæ reales & nominales                                                                                                                                                                                                                                                                                                                                                                                                                                                                | 46       |
| Demonstrationis potissima cuius mediū est definitio prædicati sive passionis exemplum falsum                                            | 320      | Dialecticorum ruditas                                                                                                                                                                                                                                                                                                                                                                                                                                                                        | 103      |
| Demonstrationem per notiora nobis non natura facienda esse                                                                              | 121      | Dialecticorum præcepta nec ad dividendum nec ad definiendū essentialia                                                                                                                                                                                                                                                                                                                                                                                                                       | 141      |
| Descriptio explicatio enumeratio                                                                                                        | 149      | Dici de omni & dici de nullo non esse illa, qua afferant vim probandi & necessitatem concludendi syllogismus, ut falso putavit Aristoteles                                                                                                                                                                                                                                                                                                                                                   | 58. 316  |
| Deus species generis rationalium                                                                                                        | 175      | Dici de pluribus non rerum sed vocum esse proprium                                                                                                                                                                                                                                                                                                                                                                                                                                           | 102      |
| Dialectica & Rhetorica differentia ex octo locis                                                                                        | 225      | Differentia quid                                                                                                                                                                                                                                                                                                                                                                                                                                                                             | 129. 148 |
| Dialectica Rhetorica pars                                                                                                               | 234. 240 | Differentia nihil aliud est, nisi generis differens                                                                                                                                                                                                                                                                                                                                                                                                                                          | 76       |
| Dialecticam esse de vocibus significantibus res per medios conceptus, est falsum                                                        | 236      | Differentiatam in genere quam in specie non solum potentia sed etiam actu reperitur, ut rationale in animale & in homine                                                                                                                                                                                                                                                                                                                                                                     | 85       |
| Dialectica supervacua quia nullus hominis ejus usus                                                                                     | 241      | Differentiam prædicari non minus de genere ut rationale de animali, dicendo animale est rationale, quam de specie, dicendo homo est rationalis, nec periculum est, si ita prædicetur, ne duo contraria in eodem subiecto sint, ut scilicet inveniuntur Dialectici, nec ad intelligendum quomodo differentia, qua antea actus in genere non erant, postea per divisionem actus in specie reperiuntur, opus est nullo actu & potentia auxilio, ut imperite nimis & ridicule cogitavit Boethius | 85       |
| Dialectica potius quam Rhetoricam tollendam si altera tollenda sit                                                                      | 243      | Differentis ad definiendum quomodo non utendum                                                                                                                                                                                                                                                                                                                                                                                                                                               | 131. 132 |
| Dialectica definitiones quædam falsæ                                                                                                    | 244      | Differentias Porphyrii vel nullum vel falsum                                                                                                                                                                                                                                                                                                                                                                                                                                                 |          |
| Dialectica non solum inutilis, sed etiam damnoſa                                                                                        | 244      |                                                                                                                                                                                                                                                                                                                                                                                                                                                                                              |          |
| Dialectica non recte facta fuit Logica Philosophia pariter                                                                              | 221      |                                                                                                                                                                                                                                                                                                                                                                                                                                                                                              |          |

# I N D E X.

|                                                      |         |                                                         |        |
|------------------------------------------------------|---------|---------------------------------------------------------|--------|
| <i>falsum habere usum</i>                            | 133     | <i>ribus</i>                                            | 49     |
| <i>Differentia pseudophilosophica quid</i>           | 135     | <i>Distinctio ejus, quod est singularia esse</i>        |        |
| <i>Differentia definitiones vel a</i>                | 135     | <i>corruptibilia</i>                                    | 49     |
| <i>Differentia omnis potest esse proprium,</i>       |         | <i>Distinctio artium ex quibus fit</i>                  | 200    |
| <i>&amp; contra</i>                                  | 137     | <i>Distinctio Rhetorica à Dialectica,</i>               |        |
| <i>Differentia non est propria rei nota, con-</i>    |         | <i>ex materia</i>                                       | 225    |
| <i>tra Rodolphum</i>                                 | 138     | <i>ex quaestionibus</i>                                 | 226    |
| <i>Differentia &amp; propria non sunt immobilia,</i> |         | <i>ex instrumentis</i>                                  | 227    |
| <i>ut stulte putant Pseudophilosophi</i>             | 138     | <i>ex usu</i>                                           | 229    |
| <i>Differentia &amp; proprii definitio pseudo-</i>   |         | <i>ex officio</i>                                       | 232    |
| <i>philosophica falsa</i>                            | 135     | <i>ex fine</i>                                          | 232    |
| <i>Differentis definitio non constituitur</i>        |         | <i>ex definitione</i>                                   | 233    |
| <i>sed destruitur</i>                                | 147     | <i>ex modo considerandi</i>                             | 235    |
| <i>Differentia non significare quid est, sed</i>     |         | <i>Dividendi praecepta dialect. fals.</i>               | 275    |
| <i>tantum quale est, falsum</i>                      | 297     | <i>Dividendi &amp; definiendi praecepta ad O-</i>       |        |
| <i>Differentia differentes, &amp; differentia</i>    |         | <i>ratores pertinent</i>                                | 275    |
| <i>differre facientes, qua</i>                       | 130     | <i>Dividendi praecepta</i>                              | 143    |
| <i>Differentia differens, &amp; differentia dif-</i> |         | <i>Dividendi modi decem &amp; septem</i>                | 144    |
| <i>ferre faciens quid</i>                            | 132     | <i>Divisio generalis omnium rerum</i>                   | 39.    |
| <i>Differentia &amp; proprium intelligere quid</i>   |         | <i>40.80.</i>                                           |        |
| <i>fit, difficile</i>                                | 129     | <i>Divisio generalis omnium rerum falsa</i>             |        |
| <i>Differentiarum &amp; propriorum usus</i>          | 131     | <i>&amp; pseudophilosophica</i>                         | 40     |
| <i>Differentiarum modus ex Porphyrio</i>             | 132     | <i>Divisionum genera duo</i>                            | 83     |
| <i>Differentia dialectica &amp; rhetorica ex</i>     |         | <i>Divisio contrariorum quae proprie voca-</i>          |        |
| <i>oelolociis</i>                                    | 225     | <i>tur partitio</i>                                     | 83     |
| <i>Differre, genere, specie, &amp; numero quid</i>   |         | <i>Divisio generum in species nihil aliud est</i>       |        |
| <i>139.</i>                                          |         | <i>nisi multitudinis singularium sectio</i>             |        |
| <i>Differre numero &amp; esse idem numero,</i>       |         | <i>in partes</i>                                        | 83.143 |
| <i>quomodo à Pseudophilosophis falso &amp;</i>       |         | <i>Divisio totorum discretorum à genere</i>             |        |
| <i>ab Oratoribus verè dicitur</i>                    | 124.139 | <i>rerum incipit</i>                                    | 90     |
| <i>Differunt omnia tribus modis, quia sunt</i>       |         | <i>Divisionem vocis in res &amp; rei in voces &amp;</i> |        |
| <i>vel diversa tantum, vel diversa &amp;</i>         |         | <i>recensionem plurimum nominum non</i>                 |        |
| <i>varia, vel diversa, varia &amp; separa-</i>       |         | <i>verè esse divisionem sed potius enu-</i>             |        |
| <i>ta</i>                                            | 137     | <i>merationem</i>                                       | 144    |
| <i>Disputandi modus dialecticus</i>                  | 241     | <i>Divisio generalis omnium artium &amp;</i>            |        |
| <i>Differendi verbum magis oratorum</i>              |         | <i>scientiarum</i>                                      | 204    |
| <i>quam dialecticorum est</i>                        | 234     | <i>Divisio Philosophia totius tripartita</i>            |        |
| <i>Distinctio ejus, quod est tradi de singula-</i>   |         | <i>205</i>                                              |        |

# I N D E X.

|                                                   |         |
|---------------------------------------------------|---------|
| <i>Divisionis philosophia veterum corre-</i>      |         |
| <i>ctio</i>                                       | 207     |
| <i>Divisio philosophia Aristotelis</i>            | 207     |
| <i>Divisio Encyclopadia</i>                       | 212     |
| <i>Divisio &amp; definitio restituntur Orato-</i> |         |
| <i>ri</i>                                         | 274     |
| E.                                                |         |
| <i>Elenchos sophisticos ab Aristotele non</i>     |         |
| <i>perfecte traditos</i>                          | 325     |
| <i>Eloquentia &amp; sapientia quondam erant</i>   |         |
| <i>conjuncta</i>                                  | 209     |
| <i>Eloquentia à sapientia separationis que-</i>   |         |
| <i>rela</i>                                       | 211     |
| <i>Encyclopadia divisio</i>                       | 212     |
| <i>Encyclopadia divisio tripartita</i>            | 219     |
| <i>Ens ad rem tanquam minus commune</i>           |         |
| <i>ad magis commune refertur</i>                  | 164     |
| <i>Ens inquantum ens, vel ὄν ἢ τὸν Meta-</i>      |         |
| <i>physica subiectum falsum</i>                   | 262     |
| <i>Enthymema &amp; exemplum non esse argu-</i>    |         |
| <i>mentationes oratorias sed argumenta</i>        |         |
| <i>tam ad Philosophos quam ad Orato-</i>          |         |
| <i>res pertinentia</i>                            | 309.228 |
| <i>Enthymemata variis argumentationi-</i>         |         |
| <i>buz explicantur</i>                            | 309     |
| <i>Enthymema dialecticū esse falsum</i>           | 310     |
| <i>Enthymematum modi tres</i>                     | 310     |
| <i>Enthymema à syllogismo non differre</i>        |         |
| <i>forma argumentandi</i>                         | 311     |
| <i>Esse in mente sive esse cognitum verū</i>      | 61      |
| <i>Esse existentia sive esse fundamentale</i>     |         |
| <i>verum</i>                                      | 61      |
| <i>Esse essentia sive esse quidditativum, si-</i> |         |
| <i>ve esse in se, sive esse in natura sua,</i>    |         |
| <i>comodo, quo pseudophilosophi intel-</i>        |         |
| <i>ligunt falsum</i>                              | 61      |
| <i>Essendi duo modi</i>                           | 262     |
| <i>Ethica Nicomachia esse Nicomachi non</i>       |         |

|                                              |     |
|----------------------------------------------|-----|
| <i>Aristotelis</i>                           | 334 |
| <i>Ethica politica pars</i>                  | 205 |
| <i>Ethicam, politicam, &amp; æconomicam,</i> |     |
| <i>esse non solum practicas, sed etiam</i>   |     |
| <i>theoricas</i>                             | 219 |
| <i>Ethica, theoria, &amp; practica</i>       | 220 |
| <i>Exempla qua dantur debent esse vera</i>   |     |
| <i>contra pseudophilosophos</i>              | 304 |
| <i>Exempla multis argumentationibus ex-</i>  |     |
| <i>plicantur</i>                             | 310 |
| <i>Exemplum &amp; enthymema sunt non ar-</i> |     |
| <i>gumentationes oratoria, sed argu-</i>     |     |
| <i>menta tam ad philosophum quam ad</i>      |     |
| <i>oratorem pertinentia</i>                  | 310 |
| <i>Exemplum non tam argumentationis</i>      |     |
| <i>forma quam materia ab enthymema-</i>      |     |
| <i>te differre</i>                           | 311 |

## F.

|                                                |     |
|------------------------------------------------|-----|
| <i>Figura syllogismorum tres ab Aristotele</i> |     |
| <i>innotiter facta</i>                         | 314 |
| <i>Figura quarta syllogismorum à Galeno</i>    |     |
| <i>innotiter addita</i>                        | 314 |
| <i>Finis scientia &amp; artis quis</i>         | 197 |
| <i>Finis in definitionem artium non ingre-</i> |     |
| <i>ditur</i>                                   | 199 |

## G.

|                                                |         |
|------------------------------------------------|---------|
| <i>Galenus non minus Orator quam Me-</i>       |         |
| <i>dicus in scriptis suis</i>                  | 239     |
| <i>Galeno in quibus credendum</i>              | 323.346 |
| <i>Gêneris voce quid proprie significetur</i>  | 94      |
| <i>Generis nomen vere esse collectivum</i>     |         |
| <i>1. 2. 23. 94.</i>                           |         |
| <i>Genus esse multitudinem</i>                 | 95      |
| <i>Genus cum dicitur, quid proprie sit in-</i> |         |
| <i>tellegendum</i>                             | 95      |
| <i>Generis vox pro se ipsa quid sit</i>        | 97      |
| <i>Generis vox pro alia voce generis quid</i>  |         |
| <i>sit</i>                                     | 97      |
| <i>Gene-</i>                                   |         |

# I N D E X.

|                                                                                                                                           |        |                                                                                             |          |
|-------------------------------------------------------------------------------------------------------------------------------------------|--------|---------------------------------------------------------------------------------------------|----------|
| Generis vox pro eare qua est genus                                                                                                        | 97     | Topicis falsa                                                                               | 108      |
| Generis in definitione qua vox & quares<br>sumenda sit loco generis                                                                       | 95     | Generis notio ad omnia tempora refertur                                                     | 110.     |
| Genus ut res est, quid proprio sit & ejus<br>definitio vera                                                                               | 97-357 | Generis Porphyrii modus primus verus                                                        | 111.     |
| Generis divisio nihil aliud est nisi multi-<br>tudinis vel totius discreti in species se-<br>ctio                                         | 84     | Generis Porph. modus ij falsus                                                              | 111      |
| Genus animalium & species hominum<br>proprie quid sint                                                                                    | 24     | Generis Porph. modus iij falsus                                                             | 111      |
| Genus de suis inferioribus non magis<br>prædicatur in recto quam populus &<br>exercitus de suis singularibus popula-<br>ribus & militibus | 25     | Generis Arist. modus i falsus                                                               | 111      |
| Genus de specie in recto casu non vere præ-<br>dicari                                                                                     | 64     | Generis Arist. modus ij falsus                                                              | 112      |
| Generum duo genera, unum naturale al-<br>terum accidentale & extraneum                                                                    | 90     | Generis Arist. modus iij falsus                                                             | 114      |
| Genus rerum omnibus aliis generibus esse<br>majus & capacius                                                                              | 90     | Genus ab aliquo ducere quid                                                                 | 112      |
| Generis modi a Porphyrio traditi                                                                                                          | 101    | Genus alicujus esse quid                                                                    | 112      |
| Generis modi ab Arist. positi                                                                                                             | 101    | Genus Thebanum quid                                                                         | 113      |
| Genus generalissimum, hoc est, genus ra-<br>rum                                                                                           | 164    | Genera & species oratorum quales                                                            | 127      |
| Genera subalterna                                                                                                                         | 100    | Genera & species Pseud. quales                                                              | 127      |
| Genus commune                                                                                                                             | 100    | Genus rerum proprie, res figurata                                                           | 166      |
| Genus proprium                                                                                                                            | 100    | 172.                                                                                        |          |
| Genus differens. Genus simile                                                                                                             | 100    | Generis vox ab Aristotele non recte ex-<br>ponitur                                          | 230      |
| Genus contrarium                                                                                                                          | 100    | Genera universa per comprehensionem<br>non per abstractionem fieri                          | 256      |
| Genus accidentale sive extraneum                                                                                                          | 100    | Geometriam & Arithmeticam non so-<br>lum esse theoreticas sed etiam practicas               | 218.     |
| 289.                                                                                                                                      |        | Grammatica Oratoriana nascens                                                               | 270      |
| Genus essentialiale sive substantiale                                                                                                     | 100    | Grammatica non est logica philosophia<br>prima pars, sed oratoria elocutionis<br>pars prima | 211. 270 |
| 175.                                                                                                                                      |        | Grammatica proprium est omnes voces<br>contemplari                                          | 248      |
| Genera non omnia esse essentialia suis spe-<br>ciebus                                                                                     | 289    | Grammaticæ & rhetorice dicere quid                                                          | 10       |
| Generum propriorum duo modi                                                                                                               | 140    | 117.                                                                                        |          |
| Generis dialectici definitio falsa                                                                                                        | 101    | H.                                                                                          |          |
| Generis definitio a Cicerone tradita in                                                                                                   |        | Hoc aliquid & tale quid                                                                     | 176      |
|                                                                                                                                           |        | Hoc aliquid est omne quale quid                                                             | 69       |
|                                                                                                                                           |        | Homo & animal quomodo prædicen-<br>tur de suis subjectis sed non in recto<br>casu           | 97       |
|                                                                                                                                           |        | Homo                                                                                        |          |

# I N D E X.

|                                                                     |     |
|---------------------------------------------------------------------|-----|
| <i>Homo universalis quot modis appellatur</i>                       |     |
| <i>à pseudaphislophos</i>                                           | 44  |
| <i>Homo in mente &amp; homo in scripto</i>                          | 62  |
| <i>Homonyma five cognominia latine, aquivoca aquivocata barbare</i> | 154 |
| <i>Homonyma &amp; polyonyma esse res non voces</i>                  | 154 |
| <i>Homonymia latine, aquivocatio barbarè</i>                        | 154 |

## I.

|                                                                                                                                   |          |
|-----------------------------------------------------------------------------------------------------------------------------------|----------|
| <i>Ignis proprium lucere &amp; calere</i>                                                                                         | 116      |
| <i>Immortalitas singularium quomodo intelligenda sit</i>                                                                          | 109      |
| <i>Individua inter se differre specie</i>                                                                                         | 105      |
| <i>Inductio à partibus continuis ad totum continuum</i>                                                                           | 57       |
| <i>Inductio à partibus discreti ad totum discretum</i>                                                                            | 57       |
| <i>Inductiones ex singulis ad universa non ex singularibus ad univers. fieri</i>                                                  | 57       |
| <i>In eo quod quid est, dici</i>                                                                                                  | 103, 125 |
| <i>In eo quod quale est, dici</i>                                                                                                 | 103      |
| <i>Intelligibilia sunt omnia qua sentiuntur</i>                                                                                   | 258.     |
| <i>Intellectus cognoscit omnia qua &amp; sensus</i>                                                                               | 258      |
| <i>Intellectus noster cognoscit &amp; intelligit eam singula quam universa</i>                                                    | 258      |
| <i>Intentiones prima &amp; secunda in philosophiam introducta fuerunt propter ignorantiam sermonum propriorum &amp; figurarum</i> | 66       |
| <i>Interroganti quis est, vel quale est, quomodo respondendum</i>                                                                 | 105      |
| <i>Inventionem Oratoris esse propriam contra Rodolphum Agricolam</i>                                                              | 273      |
| <i>Inventio Oratoris restituitur</i>                                                                                              | 274      |
| <i>Inventio dialectica, non recta inscriptio</i>                                                                                  |          |

|                             |     |
|-----------------------------|-----|
| <i>libri Agricolæ</i>       | 273 |
| <i>Ius civile vere quid</i> | 357 |

## L.

|                                                                                                                                          |         |
|------------------------------------------------------------------------------------------------------------------------------------------|---------|
| <i>Liber &amp; si ipse veias grammatici potius efficii quam dialectici</i>                                                               | 276     |
| <i>Libros qui nunc pro Aristotelicis leguntur non vere esse Aristot.</i>                                                                 | 332     |
| <i>Libri octo physicorum non Arist. sed Nicomachi esse</i>                                                                               | 336     |
| <i>Loca inveniendorum argumentorum ab Arist. in Topicis non sunt utiles</i>                                                              | 242     |
| <i>Locorum plurimorum ab Arist. in Topicis tractatorum refutatio</i>                                                                     | 288     |
| <i>Logica de enter aisonis</i>                                                                                                           | 206     |
| <i>Logica vera &amp; dialect. falsa qua</i>                                                                                              | 269     |
| <i>Logica vetus &amp; logica nova Philosophistorum</i>                                                                                   | 281     |
| <i>Logica vetus ante Aristotelem &amp; ejus amplissima possessio</i>                                                                     | 269     |
| <i>Logica unde</i>                                                                                                                       | 288     |
| <i>Logica theoretica docens, &amp; logica practica utens</i>                                                                             | 228     |
| <i>Logica philosophia diviso, in grammaticam, rhetoricam, &amp; dialecticam</i>                                                          | 208     |
| <i>Logice five dialectice &amp; metaphysice loqui quid</i>                                                                               | 10. 127 |
| <i>Loquentes recte &amp; loquentes non recte qui</i>                                                                                     | 98      |
| <i>Loquendum unicuique non ut vult, sed veteres &amp; probati Scriptores faciunt, non contempra communi omnium loquendi consuetudine</i> | 126     |
| <i>Loquentium recte communis usus</i>                                                                                                    | 182     |

## M.

|                                                                                                                     |     |
|---------------------------------------------------------------------------------------------------------------------|-----|
| <i>M. Antonius Majoragnus falso &amp; impudenter putat Eihria Nicomachia non esse Nicomachi, cū Cicero id dicat</i> | 335 |
| <i>Materia scientia vel artis, qua</i>                                                                              | 197 |

*Mate-*

# I N D E X.

|                                                                                                        |         |                                                                                                                                 |     |
|--------------------------------------------------------------------------------------------------------|---------|---------------------------------------------------------------------------------------------------------------------------------|-----|
| <i>Materia rhetorices ab Aristotele non recte assignata</i>                                            | 202.224 | <i>Metaphysicam non esse necessariam propter nullam earum causarum, quas dicunt Metaphysici</i>                                 | 247 |
| <i>Materia omnis sensibilis est etiam intelligibilis</i>                                               | 258     | <i>Metaphys. non esse scientiam omnium entium sicut Medicinam omnium sanorum</i>                                                | 252 |
| <i>Mathematicis in definitionibus tam apponi materiã quã in naturalib.</i>                             | 264     | <i>Metaphys. non distinguì ab aliis scientiis per modos generales probandi</i>                                                  | 253 |
| <i>Mathematica &amp; physica res eodem modo probantur</i>                                              | 265     | <i>Modi essendi verum</i>                                                                                                       |     |
| <i>Mathematica divisio in arithmetica, musicã, geometriam, &amp; astrolog.</i>                         | 208     | <i>Modi significandi nominum</i>                                                                                                |     |
| <i>Mathematicas non solum esse theoricæ sed etiam practicas</i>                                        | 218     | <i>Modi generis</i>                                                                                                             | 100 |
| <i>Mathematicus materiam intelligibilem universalem considerat</i>                                     | 258     | <i>Modus considerandi dialectica &amp; metaphysica</i>                                                                          | 235 |
| <i>Mathematicus considerandi modus falsus</i>                                                          | 260     | <i>Modi considerandi veri &amp; falsi</i>                                                                                       | 260 |
| <i>Mathem. considerandi modus verus</i>                                                                | 261     | <i>Modi singulũ syllogismorum figuris tam multis non solum inutiliter sed etiam damnose additi</i>                              | 314 |
| <i>Medicina vere quid</i>                                                                              | 357     | <i>Multitudo siue totum discretum</i>                                                                                           | 98  |
| <i>Medicinam esse theoricam</i>                                                                        | 219     | <i>Multitudines singularium quæ, &amp; quis earum essendi modus</i>                                                             | 20  |
| <i>Medicina theoreica &amp; practica</i>                                                               | 220     | <i>Multitudinum siue totorum discretorũ divisio</i>                                                                             | 98  |
| <i>Medicina officium &amp; finis, contra Aristotelem</i>                                               | 224     | <i>Multitudines generum</i>                                                                                                     | 99  |
| <i>Mercurii Majoris erratum in definitione nominis</i>                                                 | 277     | N.                                                                                                                              |     |
| <i>Metaphysica non recte facta fuit philosophia theoreica pars prima</i>                               | 221     | <i>Natura vox ab Aristotele non recte exponitur</i>                                                                             | 248 |
| <i>Metaphysicam esse supervacuam</i>                                                                   | 245     | <i>Nicomachus Aristotelis filius in Epitomas &amp; compendia redegit libros patris sui, qui nunc pro Aristotelicis leguntur</i> | 334 |
| <i>Metaphys. tà μετὰ τὰ φυσικά</i>                                                                     | 246     | <i>Nomen substantivum &amp; nomen adjectivum quid</i>                                                                           | 38  |
| <i>Metaphys. non habet propriam materiam nec generalem nec particulare</i>                             | 246     | <i>Nomen &amp; verbũ quomodo nõ ad Grammaticũ sed ad Philosophũ pertinet</i>                                                    | 279 |
| <i>Metaphysica subiectum τὸ ὅν ἢ ὅν falsum</i>                                                         | 246     | <i>Nomen a grammaticis melius definitur quam a dialecticis</i>                                                                  | 278 |
| <i>Metaphysicam inopia subiecti veri nec inter artes nec inter scientias locum nullum habere posse</i> | 246     | <i>Nominis definitio Arist. falsa</i>                                                                                           | 277 |
| <i>Metaphysicum considerat entia abstracta ab omni materia tam intelligibili quam sensibili</i>        | 258     | <i>Nomina per res fuerunt inventa</i>                                                                                           | 19  |

# I N D E X.

|                                                                                                                                                                                                                                                      |         |                                                                                                 |           |
|------------------------------------------------------------------------------------------------------------------------------------------------------------------------------------------------------------------------------------------------------|---------|-------------------------------------------------------------------------------------------------|-----------|
| <i>Nominum generalis divisio vera</i>                                                                                                                                                                                                                | 20      | <i>simplicium significationem variat</i>                                                        | 26        |
| <i>Nominum genera quatuor</i>                                                                                                                                                                                                                        | 20      | O.                                                                                              |           |
| <i>Nominū significandi modi quatuor</i>                                                                                                                                                                                                              | 20      | <i>Observanda in genere artium &amp; scientiarum statuendo</i>                                  | 200       |
| <i>Nomina propria qua, &amp; quis eorum significandi modus</i>                                                                                                                                                                                       | 21      | <i>Observanda in officio artium &amp; scientiarum statuendo</i>                                 | 201       |
| <i>Nomina appellativa simplicia</i>                                                                                                                                                                                                                  | 22      | <i>Observanda in materia artium &amp; scientiarum statuenda</i>                                 | 201.      |
| <i>Nomina appellativa collectiva &amp; eorum significandi modus</i>                                                                                                                                                                                  | 22      | <i>Observanda in fine artium &amp; scientiarum statuendo</i>                                    | 203.      |
| <i>Nomen generis &amp; nomen speciei proprie &amp; nomen animalis cateraq; nomina appellativa simplicia figurate accepta esse vera collectiva</i>                                                                                                    | 22      | <i>Officium scientia velarius, quod</i>                                                         | 197.      |
| <i>Nomina fingere &amp; novare quibus insensibus licet</i>                                                                                                                                                                                           | 126     | <i>Orationis ex rebus &amp; verbu constat</i>                                                   | 61        |
| <i>Nomina appellativa simplicia figurate esse collectiva</i>                                                                                                                                                                                         | 23      | <i>Oratio à Grammaticis melius definitur, quam à dialecticis</i>                                | 278       |
| <i>Nominum appellativorum simplicium significationem, quod ad significandū unum vel plura pertinet tribus modis variari, per numerum pluralem &amp; singularem, per positionem propriam &amp; figuratam, per unam pronuntiationem vel per plures</i> | 26      | <i>Oratione &amp; perpetua &amp; intercisa iam. Oratoris quam Philosophi communiter utuntur</i> | 230.      |
| <i>Nomina substantiva qua, &amp; quis eorum significandi modus</i>                                                                                                                                                                                   | 36      | <i>Oratoria &amp; philosophia praestantissima, eminentissimaq; appellationes</i>                | 209.      |
| <i>Nomina adjectiva qua, &amp; quis eorum significandi modus</i>                                                                                                                                                                                     | 36      | <i>Oratoriam &amp; philosophiam esse unam, artem ex duabus conjunctam</i>                       | 211       |
| <i>Nominales sive Terminis dialectici</i>                                                                                                                                                                                                            | 47      | <i>Oratoria &amp; philosophia in quibus conveniunt</i>                                          | 213.      |
| <i>Non nimis obscure loquendum</i>                                                                                                                                                                                                                   | 12      | <i>Oratoria &amp; philosophia in quibus differunt</i>                                           | 214.      |
| <i>Non recedendum à communi &amp; usitata omniū loquendi consuetudine</i>                                                                                                                                                                            | 12. 125 | <i>Oratoria &amp; philosophia facultates generales &amp; quam ob causam.</i>                    | 213. 214. |
| <i>Non magis verum est dicere, homo est animal, si animal sit genus, quam miles est exercitus &amp; civis est populus</i>                                                                                                                            | 25      | <i>Oratoria &amp; eloquentia</i>                                                                | 215.      |
| <i>Notio generis ad omnia tempora refertur</i>                                                                                                                                                                                                       | 110     | <i>Oratoriam esse de omnibus rebus quopasso intelligendum</i>                                   | 237       |
| <i>Numerorum singularis vel pluralis diversitas nominum appellativorum</i>                                                                                                                                                                           |         | <i>Oratoria non est Logica pars sed tota Logica</i>                                             | 218       |
|                                                                                                                                                                                                                                                      |         | <i>Oratoriam esse artem &amp; scientiam generalem</i>                                           | 268.      |
|                                                                                                                                                                                                                                                      |         | <i>Oratoria unde</i>                                                                            | 268.      |
|                                                                                                                                                                                                                                                      |         | <i>Oratoria perfecta qua</i>                                                                    | 268.      |
|                                                                                                                                                                                                                                                      |         | <i>Oratoria subse continent Gram.</i>                                                           | 270.      |
|                                                                                                                                                                                                                                                      |         | <i>Orator-</i>                                                                                  |           |



# I N D E X.

|                                                                           |     |
|---------------------------------------------------------------------------|-----|
| <i>Oratoria Grammatica jam adulta</i>                                     | 270 |
| <i>Orat partes a genere materia</i>                                       | 272 |
| <i>Orat. partes a qualitate materia</i>                                   | 272 |
| <i>Oratoria partes ab officio</i>                                         | 272 |
| <i>Orator quis intelligatur</i>                                           | 237 |
| <i>Orator quomodo omnia considerat</i>                                    | 237 |
| <i>Oratorum &amp; Philosophorum duo nomina maxima &amp; præclarissima</i> | 209 |
| <i>Orat. quomodo omnia sunt subiecta</i>                                  | 239 |
| <i>Oratorum &amp; Philof. comparatio</i>                                  | 212 |
| <i>Orator perfectus qui</i>                                               | 268 |
| <i>Oratoris facultas amplissima</i>                                       | 271 |

## P.

|                                                                                                                      |      |
|----------------------------------------------------------------------------------------------------------------------|------|
| <i>Patriam non esse genus alicujus</i>                                                                               | 113  |
| <i>Paradoxa non introducenda nisi coacte</i>                                                                         | 13.  |
| <i>Pars continua quid</i>                                                                                            | 82   |
| <i>Pars quasi continua quid</i>                                                                                      | 82   |
| <i>Pars discreta quid</i>                                                                                            | 82   |
| <i>Pars quasi discreta quid</i>                                                                                      | 82   |
| <i>Partitio à divisione quomodo differat</i>                                                                         | 83   |
| <i>Parvalogicalia barbara &amp; vana</i>                                                                             | 329  |
| <i>Perionius frustra laborat dialecticam à Rhetorica distinguere cupiens, cum distingui nullo pacto recte possit</i> | 231  |
| <i>Perionius de officio &amp; sine dialectica refutatur</i>                                                          | 232  |
| <i>Perionius non recte Aristotelem defendit à reprehensione Agricola</i>                                             | 287  |
| <i>Philosophia divisio Aristotelis</i>                                                                               | 207  |
| <i>Philosophia divisio veterum</i>                                                                                   | 205  |
| <i>Philosophia theorica divisio in theoreticam &amp; practicam reprehenditur</i>                                     | 218  |
| <i>Philosophia practica divisio</i>                                                                                  | 208  |
| <i>Philosophia logica divisio</i>                                                                                    | 208  |
| <i>Philosophia &amp; Oratoria dua præstantissima &amp; eminentissima appellationes</i>                               | 209. |

|                                                                                                                                      |         |
|--------------------------------------------------------------------------------------------------------------------------------------|---------|
| <i>Philosophiam &amp; Oratoriam esse unam artem ex duabus compositam</i>                                                             | 211     |
| <i>Phil. &amp; Orat. in quibus conveniunt</i>                                                                                        | 213     |
| <i>Phil. &amp; Orat. in quibus differunt</i>                                                                                         | 214.    |
| <i>Philosophia &amp; Oratoria facultates generales</i>                                                                               | 213     |
| <i>&amp; quam ob causam</i>                                                                                                          | 214     |
| <i>Philosophia &amp; sapientia</i>                                                                                                   | 215     |
| <i>Philosophia secta qua sequenda</i>                                                                                                | 353     |
| <i>Philosophicum genus causa ab Aristotele non recte omissum</i>                                                                     | 273     |
| <i>Philosophorum &amp; Orat. comparatio</i>                                                                                          | 212     |
| <i>Philosophorum &amp; Oratorum duo maxima &amp; præclarissima nomina</i>                                                            | 209     |
| <i>Philosophorum &amp; Oratorum comparatio</i>                                                                                       | 210 212 |
| <i>Physica &amp; Mathematica res eodem modo probantur</i>                                                                            | 265     |
| <i>Physicæ res tam sine materia definiri possunt quam res mathematica</i>                                                            | 266     |
| <i>Physicam materiam universalem sensibilem considerat</i>                                                                           | 258     |
| <i>Physicum considerandi modus falsus</i>                                                                                            | 260     |
| <i>Physicus considerandi modus verus</i>                                                                                             | 260     |
| <i>Plantæ non esse animatas, ut falso dicunt Pseudophilosophi</i>                                                                    | 172     |
| <i>Plato reprehendendus propter positionem Idearum, sed tamen minus quàm Aristoteles propter introductionem universalium realium</i> | 13      |
| <i>Politica duobus modis capitur</i>                                                                                                 | 205     |
| <i>Politica Ethicam sub se continet</i>                                                                                              | 20      |
| <i>Polyonyma, multinomia</i>                                                                                                         | 156     |
| <i>Porphyrius non recte à Valla reprehenditur</i>                                                                                    | 115     |
| <i>Positionis nominum appellativorum simplicium proprie vel figurate diversitas significationem variat</i>                           | 28.29   |

# I N D E X.

|                                                                                    |     |                                                                                                                                         |           |
|------------------------------------------------------------------------------------|-----|-----------------------------------------------------------------------------------------------------------------------------------------|-----------|
| <i>Practica philosophia diviso in ethicam politicam &amp; economicam</i>           | 108 | <i>Problemata omnia de accidente, de proprio, de definitione sunt etiam problemata de genere, &amp; ad problema de genere educuntur</i> | 285       |
| <i>Pradicabilia quatenus dicuntur Universalia quatenus sunt</i>                    | 44  | <i>Problematum partitio illa quadripartita ab Aristot. in Topicis facta falsa</i>                                                       | 285       |
| <i>Pradicamenta sive categoriarum decem quae levitatione motus posuerit Arist.</i> | 169 | <i>Pronuntiationis diversitas in nominibus appellativis simplicibus</i>                                                                 | 34        |
| <i>Pradic. tria à Valla non recte</i>                                              | 169 | <i>Propositio dialectica quae</i>                                                                                                       | 242       |
| <i>Pradicamentum libri subiecti sive scopi nondum cognitum deridetur</i>           | 160 | <i>Proprium quid sit vere</i>                                                                                                           | 129. 148. |
| <i>Pradicamentum causae ab Aristotele non recte pratermissum</i>                   | 188 | <i>Propria convenientia quae</i>                                                                                                        | 131       |
| <i>Pradicatio omnis signata vera, vere etiam potest exerceri</i>                   | 66  | <i>Propria convenire facientia quae</i>                                                                                                 | 130       |
| <i>Principaliter esse de aliqua re vel secundario</i>                              | 237 | <i>Proprium nihil aliud est nisi genus proprium</i>                                                                                     | 76        |
| <i>Principium primum generale recte philosophandi</i>                              | 6   | <i>Propriorum &amp; differentiarum usus</i>                                                                                             | 131       |
| <i>Principium ii generale recte phil.</i>                                          | 7   | <i>Propriorum modi ex Porphyrio</i>                                                                                                     | 132       |
| <i>Principium iii generale recte phil.</i>                                         | 10  | <i>Propria Porph. in quibus vitiosa</i>                                                                                                 | 133       |
| <i>Principium iii generale recte phil.</i>                                         | 11  | <i>Propriorum modi veri tantum duo</i>                                                                                                  | 134       |
| <i>Principium v generale recte philos. ex multo principis constans</i>             | 12  | <i>Proprium inseparabile &amp; privatum</i>                                                                                             | 134. 136. |
| <i>Principia perverse philosophandi non scripta</i>                                | 15  | <i>Proprium inseparabile quidem sed non privatum</i>                                                                                    | 134       |
| <i>Principia perverse philosoph. scripta</i>                                       | 16  | <i>Proprium pseudophilosoph. quid</i>                                                                                                   | 135       |
| <i>Probandi modus in universum</i>                                                 | 52  | <i>Proprii definitiones verae</i>                                                                                                       | 136       |
| <i>Probatio per notiora nobis non natura faciendae est</i>                         | 321 | <i>Proprium ignis lucere &amp; calere</i>                                                                                               | 136       |
| <i>Probationis oratoria exemplum</i>                                               | 54  | <i>Proprium omne potest esse differentia &amp; contra</i>                                                                               | 136       |
| <i>Probationis philosophica exemplum</i>                                           | 54  | <i>Proprii &amp; differentia definitio pseudophilosophica falsa</i>                                                                     | 138       |
| <i>Probationis mathematica per comprehensionem exemplum</i>                        | 261 | <i>Proprius est animalis animam habere</i>                                                                                              | 299       |
| <i>Probationis naturalis per comprehensionem exemplum</i>                          | 261 | <i>Pseudophilosophi qui</i>                                                                                                             | 333       |
| <i>Probationis mathematica exemplum</i>                                            | 54  |                                                                                                                                         |           |
| <i>Probationes terminorum dialectica vana</i>                                      | 331 |                                                                                                                                         |           |
| <i>Problema dialecticum, quod</i>                                                  | 241 | <i>Questionum rhetoricarum divisio</i>                                                                                                  | 272       |
|                                                                                    |     | <i>Quaestiones tam infinitas quam finitas ad Oratorem pertinere</i>                                                                     | 226       |
|                                                                                    |     | <i>Quaestiones inconsistentes non tractanda</i>                                                                                         | 29        |
|                                                                                    |     | <i>Quaestiones de universis falsae vana</i>                                                                                             | 142       |
|                                                                                    |     | <i>Quaestiones de universis falsae vana</i>                                                                                             | 142       |

# I N D E X.

|                                                  |         |                                                       |          |
|--------------------------------------------------|---------|-------------------------------------------------------|----------|
| <i>Qualitas quid</i>                             | 180     | <i>potius contra</i>                                  | 222      |
| <i>Qualitas generalis</i>                        | 180.185 | <i>Rhetorica &amp; dialectica differentia ex</i>      |          |
| <i>Qualitatis generalis prima divisio</i>        | 185     | <i>otto locis</i>                                     | 225      |
| <i>Qualitatis generalis tam absoluta quam</i>    |         | <i>Rhetorica pugno clauso similis potius</i>          |          |
| <i>comparata species</i>                         | 185     | <i>quam manni aperta</i>                              | 230      |
| <i>Qualitas specialis absoluta</i>               | 186     | <i>Rhetorice &amp; grammaticae dicere quid</i>        | 10       |
| <i>Qualitas specialis comparata</i>              | 186     | <i>Risibile non solum esse proprium sed</i>           |          |
| <i>Qualitatis nomine quid proprie intelli-</i>   |         | <i>etiam differentiam</i>                             | 138      |
| <i>gatur</i>                                     | 180     | <i>Rodulphi Agricola liber de universali-</i>         |          |
| <i>Qualitas idē qua accides &amp; amplius</i>    | 180     | <i>bui</i>                                            | 45       |
| <i>Qualitatis nomen omnia complectitur</i>       |         | <i>Rodulphi sententia de constitutione sub-</i>       |          |
| <i>accidentia</i>                                | 182     | <i>stantia generis ac totius multipliciter</i>        |          |
| <i>Qualitates qua &amp; earum essendi modus</i>  |         | <i>refutatur</i>                                      | 88       |
| 19.                                              |         | <i>Rodulphus reprehenditur, quod male</i>             |          |
| <i>Qualitatum genus proprie &amp; qualitas</i>   |         | <i>dixerit differentiam esse propriam rei</i>         |          |
| <i>figurata</i>                                  | 179     | <i>notam</i>                                          | 138      |
| <i>Quale quid omne est hoc aliquid</i>           | 176     | <i>Rodulphus de officio &amp; sine dialectica re-</i> |          |
| <i>Qualis quantusque</i>                         | 184     | <i>feratur</i>                                        | 232      |
| R.                                               |         | <i>Rodulphus velle Aristotelem reprehen-</i>          |          |
| <i>Rationale non solum esse differentiam</i>     |         | <i>di</i>                                             | 285.287  |
| <i>sed etiam proprium</i>                        | 138     | <i>Rosarum genus est etiam si nulla rosa</i>          |          |
| <i>Rationale non semper esse nomen adje-</i>     |         | <i>singularis existat</i>                             | 110      |
| <i>ctivum differentia sed etiam quando-</i>      |         | S.                                                    |          |
| <i>que nomen substantivum generis</i>            | 37      | <i>Sapientia ab eloquentia quondam non</i>            |          |
| <i>Reales Dialectici</i>                         | 46      | <i>erat separata</i>                                  | 209      |
| <i>Reductiones artium &amp; scientiarum quo-</i> |         | <i>Sapientia ab eloquentia separationis</i>           |          |
| <i>modo fiunt</i>                                | 216     | <i>querela</i>                                        | 211      |
| <i>Rerum generalis divisio vera</i>              | 19.40   | <i>Sapientiam illam quam ex scientia &amp;</i>        |          |
| <i>Rerum generalis divisio pseudoph.</i>         | 40      | <i>intellectu componi nugantur Pseudo-</i>            |          |
| <i>Rerum genus generalissimum</i>                | 165     | <i>philosophi esse falsam, in capite de fal-</i>      |          |
| <i>Res figurate genus rerum proprie</i>          | 166     | <i>sa demonstratione</i>                              |          |
| <i>Res quid</i>                                  | 164     | <i>Sciendi verbum</i>                                 | 199      |
| <i>Rhetores melius tradiderunt argumen-</i>      |         | <i>Sciendi definitio falsa</i>                        | 323      |
| <i>tationū formas quam dialectici</i>            | 313     | <i>Scientia nomen apud latinos tribus mo-</i>         |          |
| <i>Rhetorica quid</i>                            | 357     | <i>dis accipitur</i>                                  | 189      |
| <i>Rhetorica unde</i>                            | 268     | <i>Scientia primus modus</i>                          | 189.192  |
| <i>Rhetorica definitio Arist. falsa</i>          | 200     | <i>Scientia secundus modus</i>                        | 190.192  |
| <i>Rhetorica non est dialectica pars, sed</i>    |         | <i>Scientia pura &amp; scientia mixta</i>             | 190      |
|                                                  |         | b. 3.                                                 | Scientia |

# I N D E X.

|                                                                                                 |         |                                                                                                                  |            |
|-------------------------------------------------------------------------------------------------|---------|------------------------------------------------------------------------------------------------------------------|------------|
| Scientia proprie quid                                                                           | 191.357 | Singulis opponuntur universa                                                                                     | 41         |
| Scientia tertius modi nō proprie nec nupius,<br>sed privativam & idius est scientia             | 194     | Sophisticos elenchos ab Aristotele non<br>perfecte tradidos                                                      | 325        |
| Scientiam quam per demonstrationem<br>fieri dicunt, & maxime propriam<br>appellant, esse falsam | 312     | Species vere quid                                                                                                | 357        |
| Scientia & sciendi definitio dialectica<br>falsa                                                | 328     | Species & pars quid differunt                                                                                    | 116        |
| Scientia vel artis materia qua                                                                  | 197     | Species & differentia idem                                                                                       | 116        |
| Scientia vel artis officium quod                                                                | 197     | Species divisibilis qua                                                                                          | 99.105 176 |
| Scientia vel artis finis qua                                                                    | 197     | Species individua qua                                                                                            | 99.176     |
| Scientia in puris quot requiruntur                                                              | 198     | Species quomodo genus efficitur                                                                                  | 116        |
| Scientiis in mixtis quot necessaria sunt                                                        |         | Species divisibilis nomen vere esse colle-<br>ktivum                                                             | 23         |
| 198:                                                                                            |         | Species ut species est, non potest dici de<br>inferioribus                                                       | 117        |
| Scientia & ars quid differant                                                                   | 200     | Speciem universalem esse non posse                                                                               | 96         |
| Scientias & artes sibi invicem subiectas<br>esse                                                | 217     | Specie differentia quomodo intelligen-<br>dum                                                                    | 104        |
| Scopus sive subiectum predicamento-<br>rum nondum cognitum videtur                              | 160     | Species essentialis & intrinseca & species<br>accidentalis & extrinseca                                          | 117.175    |
| Scire apud Pseudoph. quid sit                                                                   | 322     | Species veras hominis esse Thebanum &<br>Trojanum, ut dicit Cicero, contra Lnd.                                  |            |
| Scriptores recte loquentes qui                                                                  | 256.257 | Vivem & Io. Rivium                                                                                               | 119.175    |
| Scriptores omnes probati duo habent no-<br>mina unū commune, alterū priv.                       | 281     | Species oratoria definitio vera                                                                                  | 121        |
| Sensibilia omnia sunt etiam intelligibi-<br>lia                                                 | 258     | Species dialectica definitio falsa                                                                               | 122        |
| Simus & curvus sicut casius & niger                                                             | 267     | Stirpes non esse animatas                                                                                        | 172        |
| Simi in definitione curv apponitur mate-<br>ria, non in definitione curvi                       | 266     | Status Rhetorici qui                                                                                             | 272        |
| Singularia qua & eorum essendi modus                                                            |         | Studiorum & philosophia correctio & in-<br>stauratio quomodo facienda                                            | 353        |
| 19.20.                                                                                          |         | Subiectū libri predicamentorū quod di-<br>citur esse de vocibus significans res per<br>medios conceptus, videtur | 160.117    |
| Singularia singillatim accepta                                                                  | 49      | Substantia non minus quā accidens inter<br>universalia numerari debuit                                           | 141        |
| Singularia univēse sive in univēsum<br>accepta                                                  | 49      | Substantia qua & eorū essendi modus                                                                              | 19         |
| Singularia simul comprehensa quid                                                               | 52      | Substantia mutatur in qualitatem                                                                                 | 182        |
| Singulariū immortalitas quomodo                                                                 | 109     | Substantia, natura, essentia, vici                                                                               | 177        |
| Singularia esse species                                                                         | 118     | Substantia quid & unde                                                                                           | 178        |
| Singularia tam ab intellectu, quam à<br>sensu percipi                                           | 258     | Substantivum nomen quid                                                                                          | 38         |
|                                                                                                 |         | Substantiva nomina qua & quis eorum<br>signi-                                                                    |            |

# I N D E X.

|                                                                                                                                                                                                                                                                                                 |      |                                                                                   |         |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------|-----------------------------------------------------------------------------------|---------|
| <i>Significandi modus</i>                                                                                                                                                                                                                                                                       | 35   | <i>Topicorum doctrina ad quasuoꝝ capita ab Aristotele non bene redacta</i>        | 283.    |
| <i>Sufficientiam, quam vocant, universalium esse falsam</i>                                                                                                                                                                                                                                     | 78   | <i>Topicorum libri octo non recte approbati</i>                                   | 284.    |
| <i>Suppositiones, pro prima &amp; secunda intentione falsa</i>                                                                                                                                                                                                                                  | 65   | <i>Topicorum Arist. doctrina incerta ex discordia Interpretum</i>                 | 287.    |
| <i>Suppositionum tractatum apud Dialecticos tanquam inutilis &amp; barbarus ridentur</i>                                                                                                                                                                                                        | 329  | <i>Topicorum locos plurimos ab Arist. tractos non esse veros nec utiles</i>       | 288.    |
| <i>Syllogismus &amp; inductio tam ad Oratorem pertinent quā ad Dialecticum</i>                                                                                                                                                                                                                  | 227  | <i>Topicorum doctrinam Arist. ad tria illa, qua ille dicit, non esse utilem</i>   | 305     |
| <i>Syllogismorum figura tres ab Aristotele inutiliter facta</i>                                                                                                                                                                                                                                 | 314  | <i>Totum omne quid</i>                                                            | 80      |
| <i>Syllogismos ex universis non ex universalibus fieri</i>                                                                                                                                                                                                                                      | 57   | <i>Totum omne quantitas quadam</i>                                                | 80.     |
| <i>Syllogismus a toto continuo ad unam partem suam</i>                                                                                                                                                                                                                                          | 57   | <i>Totum quasi continuum quid</i>                                                 | 81.     |
| <i>Syllogismus a toto discreto ad unam partem suam</i>                                                                                                                                                                                                                                          | 57   | <i>Totum discretum quid</i>                                                       | 81. 91. |
| <i>Syllogismos habere vim suam probandi &amp; necessitate concludendi non ab eo quod est, dici de omni &amp; dici de nullo, sed ab eo, quod una vel plures partes alicujus totius discreti vel continui sunt vel nō sunt, continentur vel non continentur in suo toto continuo vel discreto</i> | 58   | <i>Totum ess. ntiale quid</i>                                                     | 81      |
| <i>Synonyma sive cognominata latine, univoca univocantia barbare</i>                                                                                                                                                                                                                            | 154  | <i>Totum potentiale quid</i>                                                      | 81      |
| <i>Synonyma sive cognominata esse voces non res</i>                                                                                                                                                                                                                                             | 154  | <i>Totum integrale quid</i>                                                       | 81      |
| <i>Synonymia latine univoc. barbare</i>                                                                                                                                                                                                                                                         | 154. | <i>Totum universale quid</i>                                                      | 81.     |
| <b>T.</b>                                                                                                                                                                                                                                                                                       |      | <i>Totum quasi continuum quid</i>                                                 | 81.     |
| <i>Theologiam a Physica non esse separatam.</i>                                                                                                                                                                                                                                                 | 222. | <i>Totum quasi discretum quid</i>                                                 | 81      |
| <i>Theorica Philosophia divisio</i>                                                                                                                                                                                                                                                             | 208. | <i>Totum integrale improbat</i>                                                   | 81      |
| <i>Thesis quid</i>                                                                                                                                                                                                                                                                              | 53   | <i>Totum in partem, hoc est, ex partib. quid</i>                                  | 91      |
| <i>Theses non minus quam hypotheses ad Oratorem pertinet</i>                                                                                                                                                                                                                                    | 226  | <i>Totum propter partem, hoc est, ante partes, quid sit &amp; quare refutatio</i> | 91      |
| <i>Topica Ciceronis ab istis Topicis Aristotelis valde diversa esse.</i>                                                                                                                                                                                                                        |      | <i>Totum in partem, hoc est, in partibus, quid &amp; ejuꝝ refutatio</i>           | 51. 92. |
|                                                                                                                                                                                                                                                                                                 |      | <i>Totius vox ab Aristotele non recte explicata</i>                               | 251.    |
|                                                                                                                                                                                                                                                                                                 |      | <i>Transcendentia sex</i>                                                         | 163.    |
|                                                                                                                                                                                                                                                                                                 |      | <b>V.</b>                                                                         |         |
|                                                                                                                                                                                                                                                                                                 |      | <i>Verbum a Grammaticis melius definitur quam a Dialecticis</i>                   | 278.    |
|                                                                                                                                                                                                                                                                                                 |      | <i>Victorius male Quintilianum reprehendit &amp; non recte Arist. ex. usus</i>    | 202.    |
|                                                                                                                                                                                                                                                                                                 |      | <i>Vincentius Madus Poetica Aristotelis Interpretes</i>                           | 277.    |
|                                                                                                                                                                                                                                                                                                 |      | <i>Universalis vocabulum quid vere significat</i>                                 | 43.     |
|                                                                                                                                                                                                                                                                                                 |      | <i>Univer-</i>                                                                    |         |

# I N D E X.

|                                                                                                                                                   |       |                                                                                                                                 |       |
|---------------------------------------------------------------------------------------------------------------------------------------------------|-------|---------------------------------------------------------------------------------------------------------------------------------|-------|
| <i>Universe de rebus quæ sunt in alio</i>                                                                                                         | 43    | <i>Universalium falsa &amp; inanes quæstiones.</i>                                                                              | 72    |
| <i>Univer. de verbis quæ dicuntur de alio</i>                                                                                                     | 43    | <i>Universalia non esse conformitates neque similitudines in natura, ut somniant Agricola &amp; Vives</i>                       | 74    |
| <i>Universalis nomine quid significetur apud Pseudophilosophos</i>                                                                                | 43    | <i>Universalia vel unum tantum vel plura quam quinque fuisse scienda</i>                                                        | 76.77 |
| <i>Universalis quintuplex monstrum</i>                                                                                                            | 44    | <i>Universalia quatenus voces sint vere prædicantur, quatenus veriores, nequaquam</i>                                           | 78    |
| <i>Universalis Pseudophil. quid</i>                                                                                                               | 44    | <i>Universalis &amp; prædicabile quid differunt apud Pseudophilosophos</i>                                                      | 102   |
| <i>Universalis animal &amp; universalem hominem non magis vere in rerum natura reperiri, quam universalem populum &amp; universalem exercitum</i> | 25    | <i>Universales alias, particulares alias esse res falso ab Aristotele sumuntur in libro de interpretatione</i>                  | 279   |
| <i>Universalis quatenus sunt, prædicabilia quatenus dicuntur</i>                                                                                  | 44    | <i>Universalium quæstiones vanae</i>                                                                                            | 141   |
| <i>Universalis à Latinis, quing. voces à Græcis</i>                                                                                               | 44    | <i>Universalis genus, universalem naturam, universalem rem non recte dici</i>                                                   | 53    |
| <i>Universalis quomodo per abstractionem à singular. sunt apud Pseudophil.</i>                                                                    | 45.57 | <i>Universalitatem &amp; communicabilitatem universalium esse meras voces barbaras &amp; res inanes</i>                         | 74    |
| <i>Universalis qualia esse dicuntur apud Pseudophilosophos</i>                                                                                    | 45    | <i>Universalis nomen quid significat</i>                                                                                        | 41    |
| <i>Universalis ante partes, ex partibus, &amp; in partibus</i>                                                                                    | 45    | <i>Universalis &amp; singula opponuntur</i>                                                                                     | 57    |
| <i>Universalis ab universis differunt</i>                                                                                                         | 50    | <i>Universalis ab universalibus differunt</i>                                                                                   | 50    |
| <i>Universaliter &amp; universe differunt</i>                                                                                                     | 51    | <i>Universaliter &amp; universaliter differunt</i>                                                                              | 51    |
| <i>Universalium ponendorum prima origo refellitur</i>                                                                                             | 60    | <i>Universe sive in unum sum dicere latine, καὶ ἐν ἑνὶ grace</i>                                                                | 236   |
| <i>Universalium ponendi prima causa</i>                                                                                                           | 40    | <i>Unum genus, unam naturam, universas res, non universale genus, nec universalis natura, nec universalis res recte dicitur</i> | 53    |
| <i>secunda causa</i>                                                                                                                              | 56.   | <i>tertiam causa</i>                                                                                                            | 59    |
| <i>Universalis non posse esse vera, eo quia eorum abstractio est falsa</i>                                                                        | 68    | <i>Universalis genera non per abstractionem sed per comprehensionem fieri</i>                                                   | 256   |
| <i>Universalis non posse esse vera, eo quia eorum sufficientia est falsa</i>                                                                      | 68    | <i>Unum quod dicitur cum ente converti &amp; non esse principium numeri falsum</i>                                              | 127   |
| <i>Universalis non posse esse vera, eo quia sunt impossibilia</i>                                                                                 | 68    | <i>Unum minus unitate numerali falsum</i>                                                                                       | 127   |
| <i>Universalis esse immaterialia non materialia falsum est</i>                                                                                    | 69    | <i>Unum, hoc est, una res</i>                                                                                                   | 165   |
| <i>Universalis esse quale quid non hoc aliud, falsum est</i>                                                                                      | 69    | Z.                                                                                                                              |       |
| <i>Universalis esse non unum perfectum, sed minus unitate numerali falsum est</i>                                                                 | 69    | <i>Zenonis fabula de pugno clauso &amp; manu aperta</i>                                                                         | 230   |

## I N D I C I S F I N I S.









